



## Informazioni su questo libro

Si tratta della copia digitale di un libro che per generazioni è stato conservata negli scaffali di una biblioteca prima di essere digitalizzato da Google nell'ambito del progetto volto a rendere disponibili online i libri di tutto il mondo.

Ha sopravvissuto abbastanza per non essere più protetto dai diritti di copyright e diventare di pubblico dominio. Un libro di pubblico dominio è un libro che non è mai stato protetto dal copyright o i cui termini legali di copyright sono scaduti. La classificazione di un libro come di pubblico dominio può variare da paese a paese. I libri di pubblico dominio sono l'anello di congiunzione con il passato, rappresentano un patrimonio storico, culturale e di conoscenza spesso difficile da scoprire.

Commenti, note e altre annotazioni a margine presenti nel volume originale compariranno in questo file, come testimonianza del lungo viaggio percorso dal libro, dall'editore originale alla biblioteca, per giungere fino a te.

## Linee guide per l'utilizzo

Google è orgoglioso di essere il partner delle biblioteche per digitalizzare i materiali di pubblico dominio e renderli universalmente disponibili. I libri di pubblico dominio appartengono al pubblico e noi ne siamo solamente i custodi. Tuttavia questo lavoro è oneroso, pertanto, per poter continuare ad offrire questo servizio abbiamo preso alcune iniziative per impedire l'utilizzo illecito da parte di soggetti commerciali, compresa l'imposizione di restrizioni sull'invio di query automatizzate.

Inoltre ti chiediamo di:

- + *Non fare un uso commerciale di questi file* Abbiamo concepito Google Ricerca Libri per l'uso da parte dei singoli utenti privati e ti chiediamo di utilizzare questi file per uso personale e non a fini commerciali.
- + *Non inviare query automatizzate* Non inviare a Google query automatizzate di alcun tipo. Se stai effettuando delle ricerche nel campo della traduzione automatica, del riconoscimento ottico dei caratteri (OCR) o in altri campi dove necessiti di utilizzare grandi quantità di testo, ti invitiamo a contattarci. Incoraggiamo l'uso dei materiali di pubblico dominio per questi scopi e potremmo esserti di aiuto.
- + *Conserva la filigrana* La "filigrana" (watermark) di Google che compare in ciascun file è essenziale per informare gli utenti su questo progetto e aiutarli a trovare materiali aggiuntivi tramite Google Ricerca Libri. Non rimuoverla.
- + *Fanne un uso legale* Indipendentemente dall'utilizzo che ne farai, ricordati che è tua responsabilità accertarti di farne un uso legale. Non dare per scontato che, poiché un libro è di pubblico dominio per gli utenti degli Stati Uniti, sia di pubblico dominio anche per gli utenti di altri paesi. I criteri che stabiliscono se un libro è protetto da copyright variano da Paese a Paese e non possiamo offrire indicazioni se un determinato uso del libro è consentito. Non dare per scontato che poiché un libro compare in Google Ricerca Libri ciò significhi che può essere utilizzato in qualsiasi modo e in qualsiasi Paese del mondo. Le sanzioni per le violazioni del copyright possono essere molto severe.

## Informazioni su Google Ricerca Libri

La missione di Google è organizzare le informazioni a livello mondiale e renderle universalmente accessibili e fruibili. Google Ricerca Libri aiuta i lettori a scoprire i libri di tutto il mondo e consente ad autori ed editori di raggiungere un pubblico più ampio. Puoi effettuare una ricerca sul Web nell'intero testo di questo libro da <http://books.google.com>

AONII PALEARII  
VERVLANI

# OPERA

---

## ORATIONES

- I. in L. Muraenam.
- II. pro Ant. Bellante.
- III. pro se ipso.
- IV. de laudibus eloquentiae.
- V. de republica.
- VI. de concordia ciuium.
- VII. de prudentia.
- VIII. de optimis studiis defensis.
- VIII. de iustitia.

- X. de fortitudine.
- XI. de temperantia.
- XII. de felicitate.
- XIII. de ratione studio-  
rum suorum.
- XIV. de pace..

## ACTIO

- in pontifices Romanos &  
eorum affecas.
- EPISTOLARVM LIB. III.
- DE IMMORTALITATE  
ANIMORVM LIB. III.
- POEMATIA VARIA.

---

RECENSVIT

ET DISSERTATIONEM

DE

VITA FATIS ET MERITIS  
AONII PALEARII

PRAEMISIT

FRIIDER. ANDR. HALLBAVER.

---

I E N A E

EX OFFICINA CHRIST. FRANC. BVCHII.  
CIC 1000 XXVIII.



MVNIFICENTISSIMIS

ACADEMIAE IENENSIS

**CONSERVATORIBVS**

E

*DOMO SAXONVM AVGVS.  
TISSIMA.*

VINARIENSI  
ISENACENSI  
GOTHANO  
MEININGENSI

*SERENISSIMIS PRINCIPIBVS  
AC DOMINIS*

*DVCIBVS SAXONIAE, IV-  
LIACI, CLIVIAE, MONTI-  
VM, ANGARIAE AC WEST-  
PHALIAE, LANDGRAVI-  
IS THVRINGIAE, MAR-  
CHIONIBVS MISNIAE,  
PRINCIPALI DIGNITA-  
TE COMITIBVS HENNE-  
BERGIAE, COMITBVS  
MARCAE ET RAVENS-  
BERGAE, RESP. SAINAE  
AC WITGENSTEINI,  
ITEMQVE TONNAE, DT-  
NASTIS IN RAVEN-  
STEIN, RELIQVA*

DOMINIS MEIS CLEMENTIS-  
SIMIS  
FELICITATEM.

SERENISSIMI PRINCIPES  
DOMINI CLEMEN-  
TISSIMI.

O Ratoris & poetae incomparabili,  
lis, AONII PALEARII, orationes, poemata & reliquas nitidissimas lucubrations, quae longo a tempore in Germania atque aliis Europae,

(3)

qua

qua cultior patet, regionibus publicari cessarunt, noua hac forma expref-  
fas, dum in lucem denuo emitto &  
iuuentuti nostrae legendas imitandas-  
que commendo; eas VESTRIS ful-  
gentissimis nominibus illuminatas ac  
tamquam Palladis clypeo munitas  
exire benignissime patiamini. Glo-  
riosissima Saxonum domus, vnde VOS  
propitio numine estis oriundi, per  
aliquot saecula se musis veluti quod-  
dam tutelare numen praestitit. Ma-  
iores VESTRI, diuini in omnem  
partem principes, non modo Martis  
verum & Palladis studiis nominum  
immortalitatem consequuti sunt. Tes-  
tantur tot musarum templa, ab ipsis  
exstructa, magna eorum opera, quae  
ipsi omnibus tropaeis ac triumphis  
suis anteponere solebant, quam so-  
lemne ipsis fuerit, litteras in maius  
meliusque prouehere. VOS autem  
ipsi in tanto fastigio, diuina sorte,  
constituti inter grauissimas imperii  
curas, acceptam auitae virtutis glo-  
ri-

riam immane quantum auxistis, vt  
dudum publicis omnium vocibus &  
gratulationibus litterarum ingentes  
vindices & statores salutemini. Sunt  
quidem in VOBIS, qui omnibus  
principum ornamentiis abundatis, &  
aliae summae laudes, quarum con-  
templatio omnes defixos tenet ac mi-  
rabundos: sed has non tam praeter-  
mitto, quam aliis celebrandas tempo-  
ribus referuo: illam autem attingere  
liceat, quae in primis VESTRA est,  
quaeque reliquis maiorem claritatem  
& splendorem impertit, mirificam  
in bonas litteras propensionem, qua  
numquam non efficitis, quae magnis  
auctibus earum incrementa produ-  
cunt. Neque tamen me ad omnia eius  
praeclera documenta diffundam, ad  
quae enumeranda, ne dicam ornanda,  
aeque vires ingenii ac scriptio[n]is hu-  
ius spatium me deficiunt: vnicum suf-  
ficiat academia haec, celebratissimum  
virtutis & sapientiae domicilium,

quae de VESTRIS diuinis in musas  
meritis numquam conticescet, sed ea  
ita ad posteritatem omnem, litterarum  
illustrata lumine, proferet, vt illorum  
gloria ab ipso aeuo incrementum ca-  
pere videatur. Etenim in hac con-  
seruanda fixa stat cura VESTRA: vn-  
de maximos sumtus, qua estis regia  
liberalitate, in ornandam rem litte-  
rariam facitis, omnibusque eius ra-  
tionibus consulitis atque ita prouide-  
atis, vt sub VESTRA tutela non mo-  
do quiescat, sed floreat etiam, Ger-  
maniae decus eximum & splendidissi-  
mum musarum concilium, ad quod  
ex remotissimis terris ac disiunctissi-  
mis populis generis & ingenii exci-  
tata stimulis litteraria iuuentus, flos  
& spes rerum publicarum, non venit,  
sed currit & quasi aduolat. Hoc, hoc  
VESTRVM prytaneum VOBIS est,  
quod Achilli Homerus, aeternisque  
laudibus magna in se, siue potius in  
omnes litterarum cultores, beneficia  
VESTRA in coelum extollit, eo-  
rum

rum vt fama late emanet atq. in terrarum orbe diffusa, per saeculorum, quae reueluentur, ordinem, posteros quoque in gratulationes & admirationem rapiat, atque adeo laudum VESTRA-RVM concentus sit infinitus. Omnia litterarum monumenta, quae hinc in publicum eruditorum conspectum prodeunt, VESTRAM in litterarum studia voluntatem publice celebrant, & quamdiu homines, a quibus legi possint, in terris futuri sunt, celerabunt: eius omnium in animis, qui heic doctrinis imbuuntur, quorum ingens per annos cumulatur numerus, memoria vigebit sempiterna. Quumque nihil aequius sit, quam vt cuius estis conseruatores académiae, ex ea quoque fructus ad VOS perferantur; ideo & ego, qui eloquentiae & mansuetiorum litterarum, quibus per omnem aetatem operam dedi, complures per annos in hoc athenaeo VESTRO institui certamina, hoc volumen sanctissimis

nominibus VESTRIS inscriptum dedicatumque, eo cultu & animi submissione offerre volui, quae decet hominem VOBIS subiectissimum; cum vt studii ac laboris mei rationem redderem, tum vt, quantum clementiae VESTRAE, cuius dilaudandae officium mihi, dum vita hac fruar, primum faciam, ego cum omnibus musis debeam, publico aliquo documento probarem. Quam pietatem meam, VOBIS SERENISSIMI PRINCIPES, minus ingratam fore, mirifica illa, qua omnes litterarum non segnes adsectatores fouetis, indulgentia, me sperare non modo iubet, verum & confidere: maxime, quod opuscula haec sunt eius, qui summi oratoris, quem Roma coluit, prudens & verus fuit imitator, & qui cuncta eloquentiae praesidia, variamque omnis generis doctrinam, excellentissimo ingenio comprehensam, contulit ad caussam coelestis veritatis, cuius VOS

non

non minus atque maiores VESTRI, fortissimi heroes, constantissimi estis defensores, ab indignissimis romanorum pontificum atque a seclarum iniuriis, magno animo vindicandam. Nihil itaque supereft, quam vt VOS, SERENISSIMI PRINCIPES, demississima mente orem, atque obsecrem, vt clementiam vestram, in qua, si a DEO recessero, spes meas omnes positas habeo, mihi, editori, perpetuo conseruatis, qua munitus iuuenes doctrinae cupidos praecipue ad nobilem dicendi facultatem, quae in varios se vſus in republica diffundit, porro ea, qua par est, fide atque industria adducam. Viuite, PATRES PATRIAЕ, publicae felicitatis conseruatores, deliciae musarum viuite: viuite & aeterna laude florentem virtutis VESTRAE gloriam aliis super alia operibus auctam immortalitati commendate. Hoc fastigium erit votorum meorum, quae inter inumeras, quae VOS circumsonant gratu-

tulationes, pro incolumitate VESTRA,  
qua publica omnium salus continetur,  
quotidie iustis ad deum opt. max. pre-  
cationibus fusis persoluam,

# SERENITATIBVS VESTRIS

DEVOTISSIMVS SVBIECTISSIMVSQVE  
FRIDER· ANDR· HALLBAVER·



FRIDER· ANDR· HALLBAVERI  
PHILOSOPH· MAG· EIVSQ· AMPLISS· ORDINI  
ADSCRIPTI  
DISSE R T A T I O  
DE VITA FATIS ET MERITIS  
AONII PALEARII

---

SVMMA DICENDORVM.

- |  |  |
|--|--|
| I. <i>Vsus huius dissertationis</i>                            | XVII. <i>orationes</i>   |
| II. <i>Aonii natiuitas &amp; parentes</i>                      | XVIII. <i>epistolae</i>  |
| III. <i>eius studia &amp; itinera</i>                          | XVIII. <i>actio in pontifices</i>  |
| III. <i>Senae, sedes fortunarum eius</i>                       | XX. <i>editiones operum omnium</i>   |
| V. <i>uxor &amp; liberi,</i>                                   | XXI. <i>Aonius ad imitationem commendatur</i>  |
| VI. <i>murus publicum Senense</i>                              | XXII. <i>nacui eius eritandi</i>   |
| VII. - <i>Lucense</i>  | XXIII. <i>discimus Aonii exemplo veram antiquos imitandi rationem</i>                                  |
| VIII. - <i>Mediolanense.</i>                                   | XXIII. <i>porro imitandus Aonius in eo, ut cum eloquentiae studiis solidam eruditionem coniungamus</i> |
| VIII. <i>amici atque inimici.</i>                              | XXV. <i>denique, ut ad virtutis laudem &amp; veritatis praefidum has litteras dirigamus</i>            |
| X. <i>vexationes Blateronis, quas perpeccus est</i>            | XXVI. <i>in quibus editoris opera versata sit.</i>   |
| XI. <i>molestiae, quas sibi ex causa Bellantia attraxerat.</i> |  |
| XII. <i>eius supplicium</i>                                    |  |
| XIII. <i>causae supplicii</i>                                  |  |
| XIII. <i>Aonii laudes</i>                                      |  |
| XV. <i>scripta deperdita</i>                                   |  |
| XVI. <i>libri de immortalitate animorum</i>                    |  |

I. Quum

**Q**uem ad intelligenda aliorum scripta plurimum conferat, notitia eius, quem legimus; nemo, opinor, erit, qui improbet, me dum AONII PALEARII, quae exstant, denuo produco, *de eius vita, fatis ac meritis fusius differuisse*. Etenim qui huius ingenium, studia, fortunam, reliquasque vitae rationes, prius, quam ad ipsam lectionem se accingat, probe perspectas habet; non facile offendet atque haesitabit iis in locis, quorum recta ex illis omnibus explicatio petenda est. Praeterea non dubito, quemlibet flagraturum cupiditate cognoscendi, quis fuerit ille, quem optimo iure delicias eruditorum ac proborum omnium vocant; a quibus tantus vir ortus, quibus deditus fuerit litteris, vbi degerit vitam, quos honores ceperit, quos amicos, quos nauctus aduersarios, qualem sese gesserit in utraque fortuna, vbi quando & quomodo discesserit e vita & quae sunt reliqua: dici enim vix potest, quantum ex istis voluptatis, quantum etiam utilitatis, si considerenter in viro vere sapiente, ad verae sapientiae studiosos retundet. Utinam vero, quae eius in vita memoratu digna fuerunt, litteris consignata haberemus omnia: pauci sunt in tot elogiorum scriptoribus, tantaque eorum copia, qui eruditorum vitas memoriae prodiderunt, qui AONII aliquam fecerint mentionem; neque enim, ut unum exempli causa adducam, in THOMAE POPE BLOVNT censura celebriorum auctorum nomen eius reperire potui: & hi pauci pauca admodum habent, quae de laudatissimo hoc viro & si quis alius

alius, aeterna memoria digno, exponere pos-  
sint; vt recte PLINIVS statuerit <sup>a)</sup> alia esse clari-  
ora, alia maiora; alios saepe famam mereri,  
alios habere. Cuius rei auctor praefationis,  
editioni Amstelodamensi praemissae, quem sum-  
mum virum, IOH. GE. GRAEVIVM esse, plerisque  
persuasum est, hanc potissimum adfert ratio-  
nem, quod in terribili inquisitionis tribunale  
damnati vno eodemque numero habeantur  
cum iis, qui numquam nati fuerunt, & simul  
cum corpore deleatur funditus eorum memo-  
ria. Illud autem cum MORHOPIO <sup>b)</sup> satis mirari  
nequeo, quum multi ineptissimi auctores ab  
optimarum artium alumnis in sinu habeantur;  
dissertissimi PALEARII elegantissima scripta, a-  
deo neglecta atque exili pretio fuisse, vt etiam  
viris a peritia latini sermonis commendatis ne  
fuerint quidem cognita. Gratissimum igitur  
omnibus & quod e re eloquentiae alumnorum  
est, puto, me facturum, cum quod lucubratio-  
nes felicissimi, a restitutis litteris, ve-  
terum oratorum imitatoris, quae iam aliquot  
annis rarius inueniuntur, nouo cultu ornatas  
ediderim; tum quod eiusdem vitam plenius  
descriptam exhibuerim, quam factum,  
esse ab aliis constat. Neque enim adeo multa  
sunt, quae in lexicis BAVLII, BVDDEI ET MENC-  
KENII, item in praefatione editionis Bataui-  
nae de eo tradita inueniuntur. Quorum li-  
cet opera diligenter vsus fuerim; malui tamen,  
quod citata a me loca testantur, ex ipsis PALEA-  
RII scriptis, omnes, quas potui, vitae rati-  
ones

<sup>a)</sup> lib. III. ep. 26. <sup>b)</sup> polyb. lib. I. cap. 23.

16 FRIDR· ANDR· HALLBAVERI DISSERTATIO DE  
ones colligere adeoque ab illis praetermissa  
addere. II.

AONIVS PALEARIVS sub initium saeculi XVI.  
natus est Verulis, quae vrbs episcopalisa) est  
Latii s. Campaniae Romanac in Hernicis, ad  
Cosam fluvium sita: vnde Verulani nomen ac-  
cepit. Parentes eius fuerunt MATTHAEVS PA-  
LEARIVS ET CLARA IANARILLA: quos licet adoles-  
cens amiserit; eos tamen ea pietate prosequutus  
est, quae dici potest maxima. Nam quum iuue-  
nes scelerati, a puero ipsi infestissimi ausi fuisseint  
partem sepulcri matris ipsius, lectissimae femi-  
nae, demoliri: reliquias suorum colligi, in vrna  
componi atque ex dorante, ex venditione do-  
mus accepta, nouum monumentum fieri cura-  
uit; saxum praeterea ingens ponи cum his litteris,

*optimis  
parentibus* MATTHAEO PALEARIO ET  
CLARAE IANARILLAE ET  
ELYSAE, FRANCISCAE  
IANILLAE, PALEARIIS  
SORORIBVS HONESTISSIMIS  
AONIVS PALEARIVS POSVIT  
MVTATO SOLO b)

Ex quibus adparet, quot habuerit sorores, tum  
quidem iam defunctas: quarum vnius filio  
optime consuluit, vt medicinae artem excole-  
ret, quod valetudine & natura esset infirmiore  
& celeritate ingenii, quae studia litterarum ele-  
gantiorum desiderant, destitutus.

III.

A puero graecae ac latinae linguae, nec non  
*ele-*

a) auctor praef. operibus Aonii Amstelod. editis praepositae scrip-  
tit oppidum Latii episcopalisa: oppidi dubio procul, pro urbis  
nomine usus, vocem episcopalisa in neutro genere ponere oblitus  
est. b) lib. I. ep. 9. c) lib. III. 7.

eloquentiae & poeticae arti, ut solent, qui in iis aliquando excellere cupiunt, operam incredibili industria nauauit. Quum vero intelligeret, nisi eloquentia societate quadam disciplinari exornetur, quarum vertute pulcherime alitur, nihil ea iejunius posse excogitari; Ciceronis sui exemplo excitatus adiecit philosophiae cognitionem; in primis eius, quae naturae latentes vias aperit, & quae in emendandis animi viribus, formandisque omnibus moribus versatur. Praeterea sacrarum litterarum & diuinioris scientiae, cuius ipsius mirum semper desiderium tenuit, praecepta diligenter habuit percepta: tantumque in iis valuit, ut omnibus merito sit admirationi, qui tenebras eorum temporum perpendunt. Romae, ante captam d. XVIII. Maii 1527. ab Hispanis, Caroli V. militibus, hanc urbem, sex annos in philosophiae studiis consumserat: & quamuis eo deinde aliquoties sit reuersus <sup>a)</sup>; minus libenter tamen ibi erat. b) Hinc postquam intermisso biennium philosophiae studia reuocare ipsi animus erat: Roma relicta, omnem fere Italiam discendi causam peragrauit: quid? quod & Gallias, Germaniam, omnemque Graeciam visum iuisset, si patrimonium copiosius ipsi fuisset; quod numquam audiebat, florere aliqua in regione bonas artes, quin cuperet euolare <sup>c)</sup>: summos videlicet intuens philosophos tot barbarorum provincias pedibus obiisse, ut ad eorum peritiam aliquid accederet; paratus erat, omnia subire amore quadam litterarum: ideo haec eius peregrinatio nemini sordida videri poterat. Quin

b

ini-

<sup>a)</sup> lib. I. ep. 9. II. 4. III. 4. <sup>b)</sup> I. p. III. 20. <sup>c)</sup> I. p. III. 20. <sup>d)</sup> I. p.

animicam ciuium suorum expertus voluntatem, a) de vertendo solo cogitauit: atque adeo ut eorum se abduceret inuidiae & iter propositum prosequi posset; domum, praedia & reliquas facultates, quas lautas a parentibus acceperat b), per familiares suos c) Pterigem, quamquam hunc ob neglectum officium grauiter reprehensum d) & Corsinium vendi curauit. Omnia enim sibi abiicienda potius esse putabat, quam deserendam philosophiam. Domum emit IOHANNES METELLVS e) ipsi amicissimus, cui properea ex quinque pensionibus vnam remisit & sextantem donauit. Anno tertio ab urbe direpta f) cum omne Latium arderet bello tetro & calamitoso & pestilentia inopiaque frugum Hernici laborarent; in Hetruriam venit, & quidem primum Perusiam, urbem eius haud ignobilis g). Erat tum ibi pro legato amplissimus VIR ENNIVS PHILONARDVS, VERVLANVS, a quo ipsi omnia fuerunt promta ac parata, vt mirum non sit, quod in Perusiana caede pro eius salute valde fuerit sollicitus. Huius commendatione impenetrauerat, vt cum ibi collegium iuuenium studiosorum cooptare vellent: at quum barbarie scaterreret gymnasium illud; nihil ipsi prius fuit, quam vt maturime abiret. Itaque anno sequenti vi. cal. nouembr. Senas profectus; urbem in amoenissimis collibus positam, fertilem & copiosam omnium rerum. Sed insecta tum erat partibus & factionibus prope enecta: maxima pars nobilitatis per vicos & pagos diffusa habitabat: musisque pulsis nulli assidui ibi inueniebantur

a) lib. I. 9. b) lib. I. 12. c) lib. I. 8. d) lib. I. 12. e) lib. I. 10.  
f) orat. III. p. 84 g) l. I. ep. 5. 9.

tur philosophi, nulli oratores, nulli poetae *a*). Ideo auebat rursus decadere, quamquam, nisi studiorum amore incensus fuisset, nusquam vivisset libentius, quod Etrusci mores atque ingenia ei placebant *b*) & ipse eum regionis deliciis, tum linguae lepore esset captus. Sed nobilissimi homines BARTHOLOMAEVS CAROLVS & BERNARDINVS BONO, quorum magna in eum erat & humanitas & liberalitas, eum, omnibus rebus ad profectionem iam paratis, annum retinuerunt in villis *c*): alter librorum ipsi copiam fecit, quos pater philosophus tota Etruria comparat; alter optimorum virorum, qui tum in castellis ac municipiis sese continebant, famiharitates adiunxit, in quibus ANTONIVS BELLANTES, pro cuius capite dein ipsi dicendum fuit: A PETRO autem BEMBO monitus *d*), ut quum domo exiisset consummatorum studiorum gratia, atque haec eiusque modestissimi mores eum factiosis commune nihil habeant, referret se ad mansuetiores musas, atque eiusmodi in locum, vbi sint boni & docti viri; Patajum, vbi iam antea aliquamdiu comitoratus, se convertit: nam tum temporis ea in ciuitate clarissimi poetae, oratores & philosophi habitabant & sapientia in eam vnam, velut in aliquam dominum, in qua Pallas omnes artes doceret, commigrasse videbatur. LAMPRIDIVM ibi expertus est sui amantissimum, cuius in se multa & magna beneficia ipse praedicat *e*) eiusque vnam interpretatiunculam omni vrbis Romae magnificientia praefert *f*). At ibi non diu mansisse

b 2

vide-

*a) orat. III. p. 85. b) II. 7. c) I. ep. 9. orat. III. p. 85. d) I. II. 6. e) I. ep. 14. f) I. ep. 18.*

videtur: nam III. idus febr. sequentis anni ad SADOLETVM adhuc PETAVIO epistolam misit, quae est libri secundi prima; sed hanc ordine quae sequitur, Senis rursus est exarata; in qua meminit, se Patauio Senas rediisse.

## III.

Senas igitur, totius Etruriae florentissimam urbem, sedem fortunarum suarum elegit: quamobrem in eius agro situm Cecinianum, A. CECINAE Volaterani villam, cuius caussam egit M. TULLIVS, ut per dies feriatos in hoc amoenissimo secessu, remotus a strepitu urbano, securius, libris comparatis, in bibliothecam se abderet *a)* atque in litteras & studium scribendi inumberet *b)*. Sed quum municipes Collini angustos, in quibus erat Cecinianum, fines habebant, multo illud praedium erat carius comparatum, quam aestimarat: unde datis ad PETRVM VICTORIVM litteris *c)* questus est, se ita oppressum esse aere alieno, ut quam ad studia litterarum parasset, ea villa maxime ab iis ipsis se auocet atque abducatur. Nihilo minus hoc praediolum ipsum multum delestatuit cum loci salubritate *d)*, & quod proximum erat Collinum oppidum, a Senensium ciuitate haud longe remotum, atque aedificiorum elegantia & hominem commercio non inurbano gratissimum; tum quod ipsi oppidani Collini eum summis adfiebant honoribus *e)*, adeo ut apud eos saepe versaretur, ut epistolae inde ad alios scriptae ostendunt *f)*. In ipsa autem villa multa vetusta te collapsa reficienda curauit, multa nouauit, fon-

*a) II. 12. b) II. 7. c) II. 12. d) II. 14. e) II. 7. III. 10.  
f) v. g. II. 10. 12.*

fontibus excitatis, nemoribus plantatis, mar-  
moribus & inscriptionum argutiis, romanum  
in morem, elegantissime confectis, exornauit;  
doctos viros, vt eorum sermonibus & conſue-  
tudine vteretur, in eam inuitauit *a*), aut per lit-  
teras inde cum iis loquutus est *b*).

## V.

Sic vitae ratione optime instituta, eum ami-  
ci cohortabantur, vt ad uxorem animum adpel-  
leret *c*), eligendam ex mulieribus Etruriae, qua-  
rum ipse egregiam formam laudauerat *d*). Cessit  
amicorum precibus, his potissimum de cauſ-  
fis *e*) quod iſtic neminem neque cognatum ne-  
que adfinem haberet; quod iam quartum &  
tricesimum ageret aetatis annum; denique  
nonnumquam infirma esſet valetudine. Duxit  
itaque in matrimonium adolescentulam, opti-  
mis parentibus bene & pudice educatam *f*).  
Quae vt eum ardentissime amauit, atque vt fi-  
dissimam coniugem decet, ſe geſſit: ita quum  
propter inimicorum infidias magno in periculo  
veraretur; fortunam eius fortiter ferre non po-  
terat, fed in lacrimis facens totos dies moerore  
conficiebatur: quare AONIVS, qui tum Romae  
erat, de eius salute plus quam de sua cogitans,  
**FAVSTVM BELLANTEM** obſecrauit, vt eam suis ver-  
bis conſolaretur *g*). Ipſe vero quam tenerrimo  
eam amplexus fuerit amore, ex quadam **CASA-**  
**LI'S VIDOTTIS** *h* epiftola adparet. Nam quum a  
Pterige accepiffet, eam cum vita periculo &  
dolore partus grauiore laborare; exanimatus  
non ſolum magnam vim lacrimarum profudit;

*a) II. 8. 12. b) II. 8. 9. 12. c) II. 9. d) I. 9. e) II. 7. f) II.  
7. g) III. 7. h) III. 25.*

sed & febri & lateris dolore grauissime adfligi coepit, tantoque in luctu paginam atque atramentum cum calamo sibi adferri iussit, & vacillantibus litteris haec amoris & pietatis in vxorem plenissima ad animum confirmandum scripsit,

*Ni mihi spem Christus faceret, quem vita secuta es :*

*Non possem abrupto viuere coniugio :*

*Ille mibi Te olim reddituram in luminis oras*

*Pollicitus, dulci pascit amorem animum :*

*Interea AONIVM venientem cursibus ad te.*

*Exspecta campis, vxor, in Elysii.*

Quo autem anno diem obierit supremum, non constat: illud certum est, eam ante mariti damnationem rebus humanis exemptam esse. Ex ea quatuor liberos suscepit, utriusque sexus binos; LAMPRIDIVM DOROTHEVM, natu maiorem, quem philosophiae, latinis & graecis litteris operam dare & PHAEDRVM THEOPHILVM, quem latino sermone & iuris ciuilis scientia exornari volebat a), propterea que illi graecorum librorum copiam fecit, huic iuris ciuilis supellectilem paravit, eumque VINCENTIO PORTICO, icto tum celebri, quasi duci & tutori commendauitb). Filiae autem fuerunt ASPASIA ET SOPHONISBA, quarum matrimonii, ut patrem decet, prospexit.

## VI

Tantum a se ipso atque a multis & doctis vivisadiutus, dum profecerat PALEARIVS, ut publico officio cum laude fungi posset: hinc primum Senis, propositis a senatu honestis praemii, latinarum & graecarum litterarum factus est doctor publicus. Quas quod magna nomi-

a) *III. 18.* b) *III. 18.*

nis sui fama & studiosorum iuuenum celebritate profiteretur; laudis comitem habuit, vt fieri solet, inuidiam & multorum in odium atque insidias incidit: de quibus mox dicendum erit. Interim quum Senis nihil sibi tutum videret, Romam auolauit<sup>a</sup>) ibique BELLANTIS monitu ob incredibilem scelestissimorum contra se conspirationem, per aliquos menses haesit<sup>b</sup>). Dein reuersus in municipio Collino<sup>c</sup>), in arce Areolae<sup>d</sup> & Argiano Bellantis<sup>e</sup>) se continuuit, Senas ingredi non ausus, quod nihil insidiis ibi vacuum putabat<sup>f</sup>). Quot annos in hac ciuitate docuerit, accurate dici non potest: illud adfirmare possum, eum non diu post aduentum BELLANTI patronum adfuisse<sup>g</sup>) & decimum annum<sup>h</sup>) ab hac caussa, & septimum a munere publice accep-<sup>i</sup>)to numerasse, quum pro se ipse dicere cogetur. Dum ibi fuit, eam philosophiae partem, quae ad mores attinet, pertractauit interpretando; nec non illam, quae differendi ars dicitur, disputando: in primis eloquentiae studia vt florarent in ea schola, effecit. Eam quoque partem, quae de rebus diuinis agit, cupiebat oratione illustrare: at quoniam nihil ab eo longius aberat superstitione, plerisque non videbatur idoneus. Siue tamen vt haec prouincia ipsi traduceretur, siue vt nouum munus interpretationis sccriptionum latinarum ei demandaretur, siue vt spartae huius, ad tempus quoddam praestitutum susceptae, plures anni accederent; certi enim quid statui nequit: HORATIVS MALEVOLETA, eques florentissimus cum iuuibus opti-

b 4

mis

<sup>a)</sup> III. 3. <sup>b)</sup> III. 9. 7 <sup>c)</sup> III. 12. 13. <sup>d)</sup> III. 6. <sup>e)</sup> III. 17. <sup>f)</sup> III. 2. <sup>g)</sup> orat. III. b) orat. III. i) orat. III.

mis, omni diligentia adhibita ab octouiris Senenibus petiit: sed noluit AONIVS, qui tum in municipio COLLINO erat, ut hac de petitione magnopere elaboraret, verens, ne amicus propterea incideret in eorum furores, qui ad delendos ciuium ordinates nati sint<sup>a</sup>). Habebat autem M<sup>A</sup>CHVM BLATERONEM competitorem, in cuius officina barbaries fuso linguae graecae illata triumphabat: qui impudentissimus homo tantum rogando virginandoque profecit, vt, PALEARIO praeterito, ipsi hoc conferretur b). Quo ipso tamen AONIVS praecclare secum actum putabat, nihil minus curans, quam quod illud consequutus non esset: praesertim cum ipse, rei totius exitum a principio praeuidens<sup>c</sup>) omnem animum ad petitionem non adpulisset; praemia vero interpretationis, ob quae impurissimi homines rogandi, sunt exigua, labor sustinendus non mediocris.

## VII.

Interea accidit, vt AONIVS a senatu populoque Lucensi Lucam inuitaretur d), eam Etruriae urbem, quae cum doctrina, sapientia atque humanitate ciuium, tum reipublicae temperandae optima disciplina multas Italiae ciuitates tum praestabat. Id enim curae erat Lucensibus, vt quemadmodum ciuitatem opibus ac fortunis augerent; ita eamdem optimis disciplinis exornarent: quem in finem doctissimos atque eloquentissimos homines accersitos iuuentuti erudienda praeficere solebant. BLATERO quidem ille, qui Senis magnas Aonio turbas effecerat, lucri cupiditate adductus, LUCAM superiore anno, quasi aliquis magnus rhetor,

<sup>a)</sup> III. 13. <sup>b)</sup> III. 14. 17. <sup>c)</sup> III. 15. <sup>d)</sup> III. 1. 4. orat. IIII.

tor, profectus erat *a*): qui quamuis videret, infantiam suam atque inficitiam esse detectam propterea que, ut solebat astute, quando id accidisset, infirmam valetudinem adlegabat causam, cur sit rursus decedendum; quum audisset, in eo esse, ut PALEARIVS in interpretis latini locum deligeretur: falsos de eo rumores sparsit in ciuitate omneque suae improbitatis virus erudivit, ut, quantum in se esset, id impediret. sed frustra. Aderant enim LVCAE, qui, quod & PALEARIVM & BLATERONEM norant, huius opera in falsam aliquam de illo se adduci opinionem haud passi sunt: adeoque clarissimo lectissimum ciuium consensu summaque cum dignitate hoc ipse munus fuit adsignatum. Accepit illud ad duo annos AONIVS, postquam Lucensisibus pro invitatione humanissima gratias egisset, pollicitus, se iuuandae iuuentutis fore studiosissimum *b*). Accepit inquam, sed necessitate magis, quam voluntate impulsus: siquidem ipse ad altiora atque ad scribendi studium libenter animum applicasset, quam quod interpretandis scriptis aliorum, humilis quasi & demissus ancillaretur. Vnde hanc conditionem duram sibi & asperam, etiam odiosam, vocavit *c*), testatus, multum se angere putidissimas suas interpretationes, in quas veluti in pistrinum se ipse detruoserit. Nam quum ipsi res domi esset angusta, vxor lauta, libri splendidi, ac propterea magnos sumtus faceret; necesse erat, ut manciparet se iis officiis, a quibus semper abhorruerat. Quia in re ipse accidit, quod multis eruditissimis, quos cui-

b 5

*a) III. 17. b) IIII. 1. c) IIII. 4.*

ta suppellex sibi onere repetitionum & praelectionum ingemiscentes detinuit, ne ad maiora, ad quae nati videbantur, adipirarent. Quamuis vero AONIO singulorum dierum tantum vnius horae vsura interpretandum esset; ne tamen, quod in primis esse sophistae arbitrabatur, ex tempore diceret: multum sibi tempus ad meditationum sumfisit, in qua re plurimum eum noctes adiuuarunt; quidquid vere diei reliquum, ita scriptoribus græcis triuit, vt ex eorum penul locupletissimo in tanta interpretum ieunitate repeteret, quibus partim audiissimæ liberalium artium iuuentuti satisfaceret, partim euitaret obtræctationes hominum, malevolentia suffusorum <sup>a)</sup>). Totos dies saepe declamauit, domi, in ludo, ante curiam <sup>b)</sup>): id quod orationes plurimæ testantur LVCAE habitæ. Ita quum omnes curas & cogitationes suas ad munus publicum rite obeundum contulisset; barbarorum claustris fractis eterrimo veluti carcere iuuentutem liberatam eduxit, vt ipse tandem Lucensibus eam optimis litteris eruditam publice posset gratulari <sup>c)</sup>). Impetrauit etiam a gymnasii praefectis, vt PAGANVS PAGANIVS, vir eloquentiae & scientiae laude clarissimus publice conduceretur <sup>d)</sup> adeoque nihil intermisit, quo consultum suis arbitrabatur. Sed quo oninibus debuissest esse laudatissimus, eo in odium & voculas quorundam incurrit <sup>e)</sup>, qui praeter lapsus duorum annorum spatio, valde laborarunt, ne munus interpretationis ei prorogaretur, ipse licet hoc neque optaret, neque peteret: egerunt tamen gra-

<sup>a)</sup> orat. IIII. § X. <sup>b)</sup> orat. VIII. <sup>c)</sup> orat. X. <sup>d)</sup> IIII. 15.  
<sup>e)</sup> orat. VIII.

uissimi atque amplissimi senatores multi eius causam tanta contentione, quanta solent, qui publicae salutis rationem habent. Ideo tres adhuc anni eius muneri additi sunt<sup>a)</sup>: quibus eadem se praebuit fide, eademque industria: post quinquenium vero ipse oratione XII de felicitate, peracto grati animi in Lucenses, sui per id tempus sustentatores, officio, publice hoc onus docendi depositus, quod matuore iam sit aetate, atque illud sibi prosequendum, ad quod omnis egregiae voluntatis auctor, moderator & perfector vocaret.

### VIII.

Enim vero aetatis vacatione non dum ut ei licuit: dum ex Etruria Mediolanum vocato munus interpretandi latinos & graecos auctores a Senatu populoque Mediolanensi impositum fuit<sup>b)</sup>, ita quidem, ut quum iam ampla stipendia & magnifica interpreti publico constituta essent, illi ea augerentur, habita etiam itineris ratione, ut commodissime eo venire posset: pro qua Mediolanensium liberalitate ipse magnas egit gratias<sup>c)</sup>. Sed lubet ipsas immunitates PALEARIO concessas inserere.

**C**Vm Excell. Senatus litterae ad preces facundissimi oratoris poetaeque celeberrimi Aonii Palearii allatae fuissent multum Magnif. D. Octaviano Cusano lure, consulto Vic. & duodecim Decurionibus prouisionum inclitae huius urbis Mediolani, huiuscemodi tenoris.

### D I P L O M A

**PHILIPPVS HISPANIARVM &c. REX, MEDIOLANI DVX &c.**  
Dilecti nostri. Subleuandus est auctoritate nostra egregius orator Aonius Palearius & ceteris anteferendus, qui ex Hetruria euocatus ad erudiendam in bonis literis

<sup>a)</sup> III. 20. <sup>b)</sup> IIII. 30. <sup>c)</sup> orat. XIII.

teris iuuentutem grauissimo reipublicae tempore, magno cum incommodo huc venit, & nostram urbem suae patriae antetulit. Quamobrem ut aliqua grati animi signa a vobis sentiat, praeferim cum uxorem & liberos huc adduxerit, in magna rerum fere omnium caritate: damus vobis facultatem, quia ipsi Aonio eam ab oneribus extraordinariis immunitatem possitis dare atque concedere, quae pro eius virtutibus & meritis danda vobis videbitur & concedenda, ita vt quae hac in re feceritis & concesseritis, firma sint semper & rata. Dat. Mediol. die octauo Martii M D L V I I I . Signata Franciscus Petramigra, & sigillata sotio sigillo in cera rubca ut moris est. & tergo, Egregio Iureconsulto ac nobilibus viris Dn. Vicario & duodecim prouisionum Mediol. nostris dilectis &c.

AONII PALEARII AD DECVRIONES MEDIOL. PRO  
IMMVNITATE.

**A**Onius Palearius superioribus annis ad instituendam iuuentutem Mediolanensium accersitus; cum solum cum seruulo apud hospitem viueret diplomate de immunitatibus vti noluisset, ne cum minime sibi predefasset, reipublicae obesset. Nunc cum domum conduxerit, & familiam ex Hetruria magno cum sumtu & in modo adductam alat, in summa annonae caritate, rogat ac supplicat, vt immunitates, quae non petenti datae sunt, flagitanti firmiores certioresque concedantur. Et quoniam is singulari amore in cinitatem vestram adductus, vt communi iuuentutis Mediolanensis bonos feruiret, domum & bona patria, & stipendum honosificum in Hetruria sibi in annos constitutum, reliquit, & difficillimo tempore apud vos est, & esse vult: sperat aedilem & decuriones, humanissimos & aequissimos viros, eius rei rationem habituros, curatoresque vt reipublicae vestrae liberalitate subleuetur. Ad eam rem conficiendam opus est gratia & auxilio vestro, Pateres conscripti, vt a vobis potestate vel data vel aucta magistratui, quem vicariatuum prouisionum appellant: quod eius magistratus praefectus cum collegis in immunitatibus Aonio dandis, fecit, fecerit, id senatus consulto tam fir-

mum

mum ratumque sit, quam quod optimo iure datum est & concessum.

Litterisque ipsis & precibus lectis, diligenterque & mature consideratis, certoque certius esse competitum sit, non mediocrem utilitatem decoremque & ornatum praedictum Aonium Palearium in tradenda humana-  
rum litterarum tam graecae quam latinae linguae eru-  
ditione attulisse, in futurumque non minus allaturum  
esse, ex quo non immerito omni onere & incommodo  
subleuari, omnique gratia & honore decorari dignus sit;  
patefacta iam diu eius virtute, doctrinaque singulare &  
frequenti studio, quibus iuuentutem Mediolanensem  
in dies enixe instruit, ornatamque & nobiliorem red-  
dit. Proinde igitur praedicti Magnif. D. Vic. & De-  
cūriones petitioni ipsius Aonii Palearii de republica  
Mediolanensi bene meriti annuendum censentes, his-  
ce præsentibus accedente & praedicta Excell. Senatus  
sanctione, eorum omnium extraordinariorum immuni-  
tatem quoquis modo per ipsam Magnificam communi-  
tatem hucusque impositorum, & imponendorum ipsi  
Aonio Paleario concesserunt, & concedunt, decer-  
nuntque immunitatem ipsam suum sortiri debere robur  
a Kal. Ianuarii proxime praeteriti citra; utque haec  
grata concessio, & si præclarae virtutes, optimique  
mores, & benemerita in iuuentutem, Mediolanensem  
collata, vberiorem requirerent, suum quamprimum  
sotiantur effectum: ordinant & mandant expediendum  
esse in præsentiarum opportunum iuxta morem man-  
datum Nob. D. Io. Francisco Homato ipsius magnificaë  
communitatis quaestori, vt eidem Aonio Paleario eam  
respondeat & exoluat pecuniarum summam, quae pro  
personis septem, tam ratione macinae frumenti quam  
vini & carnis, factis iuxta consuetudinem calculis quo-  
libet anno hisce extraordinariis oneribus permanenti  
bus esse percipietur. dat. Mediol. die Iouis sext. Apri-  
lis. M. D. L VIII.

O. Cusanus.

Registrato nel libro dell' Essentione,

Pro Nob. Aonio Paleario

immunitatis ordinatio.

Io. Antonio Spanzotta-

Pro.

Quod tamen & haec merces in annum proposita ad educandos liberos alendamque familiam vix sufficerit; de eo graues eius existant querelae <sup>a)</sup>: in primis vero ipfi hoc acerbum erat, quod in ea exigenda tot adeundi quaestoris indignitates ferre atque ad fores aerarii quotidie pendere necesse erat. Nihilo tamen secius magnum quotidianum laborem exsudauit, delatumque munus summa fide, diligentia pari, tuitus est: maximam ex eo capiens voluptatem, quod tantam operam non ludere videtur, quum floreret nobilitate discipulorum, qui latine & graece scribere possent <sup>b)</sup>. Sex annos heic docendi partes expleuerat, quum ob religionis caussam in vincula coniectus, Romanum abductus ibique, ut mox audiemus, capitatis damnatus est.

## VIII.

Summo in honore fuit apud viros, aetatis istius principes, Petrum Bembum, Iacobum Sadole-  
tum, Franciscum Sfondratum, Enniuim Phi-  
lionardum, Bernardinum Mafaeum, ecclesiae  
romanae purpuratos patres, quos cardinales ad-  
pellant; Lampridium, Flaminium, Alcia-  
tum, Victorium, Riccium, Casalem, Gadium,  
Paganum, Arcanum, Campanum, atque alios,  
quod ex orationibus & epistolis potissimum col-  
ligitur, qui singuli fuerunt istius saeculi orna-  
menta. Ex quo coniici potest, quam potuerint  
esse boni, qui hominem, quem optimi viri a-  
marunt ac fuerunt, odio prosequuti sunt. quo-  
rum

<sup>a)</sup> orat. XIII, lib III. ep. 30. & app. ep. 4. <sup>b)</sup> app. ep. 4.

rum in numero in primis fuerunt Machus Blatero, bellua immanis, non homo, qui quemadmodum inscitia ita calumniandi libidine omnes sui temporis antecellebat<sup>a</sup>); Otho Melius Cotta, diuitiis quidem adfluens & religionis habens opinionem, sed quo nihil superbius, nihil magis temerarium ac furiosum<sup>b</sup>); Luceius, homo niger, arrogans atque ad insidias & dolos factus<sup>c</sup>); cucullatus quidam ignobilis, monstrum religionis, stolidum pecus, sed audacia & fallendi arte nemini cedens<sup>d</sup>) aliique his similimi, homines inuidi, mendaces & rabiosi<sup>e</sup>).

## X.

Blatero, ipsius collega, aequo animo ferre non poterat, quod AONIVS verae eloquentiae laudibus excelleret: nam quum ipse eius tam ignarus esset, quam qui trans Taurum incolunt; tantum de suo honore decedere putabat, quantum AONII meritis dabatur. Inuidia igitur odium peperit: ex hoc vero natae sunt obtrectationes & conuicia. Id enim vnicē agebat, ut PALEARIUM in hominum voculas abiiceret, patronos non modo & adolescentes ab eo ab alienaret; sed ciuibus etiam concitatis, con spirationem hominum potentum conflaret. Constituerat quidem aliquando AONIVS scripto eum lacescere, quod nihil putabat accidere posse acerbioris homini, qui litterarum falsam sibi vindicat scientiam<sup>f</sup>): sed videtur hoc mutasse consilium, quia aliquid tale prodiisse non legimus. Interim mordax PETRI ARETINI ingenium compescuit stolidum hominem, dum fabulam de eo

<sup>a)</sup> III. 13. 14. 17. <sup>b)</sup> orat. III. <sup>c)</sup> I. 13. <sup>d)</sup> III. 1. 10.  
<sup>e)</sup> orat. III. <sup>f)</sup> III. 17.

eo vulgari quidem, vt omnes posse legere, lingua conscriptam, & Venetiis publico exhibitam spectaculo, edidit, non puto, AONII vlcifcendi cauſa, quam quod ad exagitandos alios pronus ac propensus nullam, qua ingenio suo satirico indulgeret, occasionem praetermittendam esse ducebat.

## XI.

Sed longe maiores fuerunt molestiae, quas sibi ex cauſa Bellantia attraxerat. AONIVS pro ANTONIO BELLANTE, nobilissimo & fortissimo viro, cuius amicitiae & beneficiis multum debebat a) contra aduersarios ita effrenos & feroces, vt ipsius oratoris caedem constituere intenderent, in eiusmodi cauſa dixerat, qua de eius fortunis omnibus atque ipso capite agebatur. Accusatio omnis in eo consistebat, quod BELLANTIS cliens ex oppido, quod Colonia dicitur, deuexerat in Argianum ſalis cados duo, & mulio ex Argiano in urbem cados tres; id quod lege salinaria erat prohibitum, grauifima quidem poena constituta. Petebant igitur accusatores & praefecti, qui salinatores adpellabantur, vt proſcriberentur bona BELLANTIS, ipſe vero capit is damnaretur: cui accusationi eo magis inhaerebant, quod in eorum commodum opes proscriptae conuerti solebant. Tantae cauſae PALEARIVS patronus exſtitit, atque optimum ciuem ita defendit, vt magno hoc periculo liberaretur. Postea BELLANTES fratribus Franciscanis, strictioris, vt vocant, obſeruantiae, diem dicere coactus est: nam hi turpi furto a viae manicas pecuniis refertas spoliabant b): in quo

a) III. 15. ♂ orat. III. b) III. 5. orat. II. ♂ III.

quo iudicio AONIVS ipsi rursus aderat : sed quum accusati turpissimum iusiurandum iurarent, nihil profecit, nisi quod odium in se eorum inflammaret. Nam haec BELLANTI praestita opera ei fuit caussa omnium incommodorum <sup>a)</sup>; omnes siquidem BELLANTIS aduersarios in se concitauerat, qui aegerrime ferebant, ab eo se esse repulsos, ne in magnas BELLANTIS facultates irruere easque sibi vindicare potuerint. In quibus fuit OTHO MELIVS COTTA: hic, quum Senis iuuenes ab octouiris, gymnasii praefectis, petiissent, vt curarent, ab AONIO interpretatione aperiri libros oratorios, id ne fieret, ipse ad eorum aedes quotidie ad ementiendum in eum ventitabat <sup>b)</sup> clamitans, de religione eum male sentire & Germanorum i.e. restitutae per Lutherum veritatis doctorum, adprobare sententias, eoque saluo vestigium religionis in ciuite reliquum esse nullum. Venerat tum homo quidam ex cucullatis Senas ad concionandum, qui iactabat, se in Germanorum assertiones editurum volumina. Quo rumore AONIVS ad ductus ad eum accessit perhumaniter: qui vero eum philosophiae prorsus ignarum, neque graece neque latine scientem, verbosae tamen contentionis uidissimum deprehendit. Postquam igitur AONIVS ad eius quotidianas conciones non venerat, ac praeterea eius scripta, barbarie respersa, non adprobarat: coepit ille pro concione eum proscindere, solicitare plebem in eius perniciem, coniurationem facere cum asseclis, sui simillimis, vt capit is accusaretur, quod prauis de rebus diuinis opinionibus sit ad-

<sup>c</sup>  
a) orat. III. b) orat. III.

dictus

dictus. Praecipue autem COTTA auctore haec coniuratio facta est *a)*, vt trecenti ex iis, quos IOANELLOS vocant, admoti altaribus iurarent, numquam se, nisi AONIO sublato, sacra peracturos. Ex his trecentis XII. lecti sunt, qui ad F. BANDINVM, sacrorum antisitem, AONIO ob studia litterarum alias amicissimum, allegati testimonium dicerent, iidem & accusarent: quum vero praeter conuicia & maledicta nihil adferrent; concursus ipsi plenissimus leuitatis videbatur. Instantibus autem furiis istis, venit ad iudicium *b)*. AONIVS petiit, vt, quae testes dissident, ea coram & se praesente dicerent *c)*: at isti venire noluerunt, neque a sacrorum praefecto, quem prope ab eo alienarant, coacti sunt *d)*, sed fugae se mandarunt. Scripsit tamen pro se orationem, vt eam in senatu pro capite suo haberet: quum vero ab ipso senatu Senensi eius integritas, quae nemini obscura esse poterat, vindicata atq. aduersariorum fracta audacia retusaque esset improbitas; non opus erat, vt caussam suam peroraret, adeoque illa scripta tantum, non fecitata est. Interea quum furiosus ille ex cucullatorum ordine aduersarius resciuisset, AONIVM apostoli confecisse, & parte eius perlecta animo cecidisset; rediit cum eo in gratiam, seque de iniuriis illatis purgavit. Accepit PALEARIVS, qua erat lenitate, excusationem, offensionesque ex animo deleuit omnes: apologiae exempla, quae ad nonnullos mittere statuerat, conciecit in ignem, vno saltim apud se relicto, altero apud aduersarium, tertio in manibus Victorii,

*a) lib. III. 5. 6. 7. orat. III. b) III. 5. 8. c) III. 6. d) III. 12. e) III. 1. 10.*

omnia quieta fore sperans. Haec BAYLIO gesta videntur anno ciso cxxxxii aut ciso cxxxxiii. de quo coniecturam facit ex Ocelli fuga, cuius AONIUS in apologia mentionem fecit.

## XII.

Verum enim vero Aonius semel inimicitias cum cucullatis susceperebat, quorum est simula re, non ignoscere: hi quod ista consilia irrita viderent, alia ineunda esse censebant. Id vide licet magno agebant conatu, ut eum, licet per taesus molestiarum Lucam se contulisset, perpetuis oppugnarent contumeliis *a)*. Religio nis calumnia concitabant homines primarios; vtque omnium animos suspicionibus inficerent, turpissime eum in concionibus adpellabant. Maxime illius rabulae, qui reconciliato, ut videri volebat, animo ad suos reuersus apolo giae exemplum secum tulerat, vetus atque in expiable odium effebuit: quippe post duorum annorum spatium ita in Aonium furere rursus coepit, ut nihil, quod ad perdendum eum face ret, intentatum reliquerit. Se autem quum ad delendum eum non satis habere virium animaduerteret; munieribus quosdam sub ornauit, qui eum Romae maledictis onerarent facerentque inuidiosum apud Dominicanos *b)*: quibus tum inquisitionis, quod vocant, iudici um demandatum erat. Atque hoc fuit fatale consilium, quo multis post annis, quum interea Luca Mediolanum se conuertisset, oppressus est vir ianocentissimus. Nam PIO IIII pontifice maximo, extincto, eius in locum quidam ex hac ipsa S. Dominici familia electus est. Is erat

c 2

MI

*a) orat. VIII. & X. b) III. 10.*

MICHAEL GISLERIVS, admodum humili genero  
natus, vulgo dictus cardinalis Alexandrinus,  
quod ex BOSIO, exiguo agri Alexandrini oppi-  
do ortus. Receptus in Dominicanorum ordi-  
nem singularis continentiae & seuerioris vitae  
laudem affectauerat, eaque re tantum effe-  
rat, vt per varios gradus ad summam hanc digni-  
tatem adscenderit. Etenim inquisitionis, ve-  
loquuntur, officio in principatu Mediolanensi  
itemq. in Venetorum ditione administrato, quum  
editis summae crudelitatis exemplis, PAVLLI  
III qui huius iudicij patronus singularis fuit, be-  
nevolentiam sibi conciliasset; hac adiutus in sa-  
crum pontificis senatum, quem cardinalium  
collegium nominant, admisus tandemque ipsa  
pontificis m. dignitate auctus est. Dici voluit  
PIVS quintus: quam autem maxime fuerit im-  
pius, ipso statim tyrannidis dicam an imperii ini-  
tio ostendit, compluribus religionis caussa sup-  
plicio affectis, ab optimis quidem viris Iulio  
Zoanneto, Petro Carneseco & Bartholom. Bar-  
toccio auspicatus <sup>a)</sup>. Ideo veteres AONII hostes,  
quibus accusatio non pro religione sed religio  
pro accusatione erat, idoneum eius opprimen-  
di tempus rati, litem renouarunt: quo facto  
captus est Mediolani fidelissimus Christi seruus,  
Romam abductus & capitis publice damnatus  
est. IOASIMAS SIMLERIVS in bibliotheca scripsit,  
eum cito LXX capite multatum esse: IOACHI-  
MVS CAMERARIUS <sup>b)</sup> refert quidem, se, quum in  
enarranda Flamminii vita fuisset occupatus, ex  
nuntio quodam accepisse, AONIVM tamquam

de-

<sup>a)</sup> vid. Matth. Flacius app. ad catal. test. verit. <sup>b)</sup> narrat.  
de M. Antonio Flammino.

desertorem sanctae fidei crudeli supplicio enec-tum esse: sed neque annum neque genus mor-tis indicat. Accurate omnia accepimus a IAC. AVG. THVANO *a*), qui tradidit, eum cī cī LXVI viuum esse flammis exustum. Id quod confir-matis, qui primus actionem in pontifices in lu-cem protulit, licet, quod ad annum attinet, dis-sentiat, quem ex sermone cuiusdam AONII ami-ci cī cī LVIII fuisse dicit: in quo tamen errat, vt tam ex immunitatibus, AONIO Mediolani conces-sis *b*), quam ex PII V. electione euinci potest. Post fulmen tam dirum Vaticani Iouis, procul dubio, quod fieri solet in eiusmodi suppliciis, tota cremati domus funditus euersa, liberique paternis, non modo bonis priuati, sed tamquam *καθάρα* omnibus execrationibus deuoti sunt: quamquam hos AONIVS iam olim in con-spiratione Senensi, si tale quid accideret, FAVSTO BELLANTI commendauerat *c*).

## XIII.

Quodsi quasnam tam horrendas saevitiae caussas adduxerint, quaeris, duae potissimum erant: altera quod cum Germanis, sc. cum LU-THERO & sociis sentiret; altera, quod dixisset, inquisitionem esse sicam districtam in litteratos. Vtrumque ex apologia, in aduersarii manibus relicta *d*) facile probari poterat. Nam in ea scripserat *e*), Cum Germanis me sentire dixisti

*Si sentire me cum Germanis theologis vis dicere, istuc quoque perplexum est. Nimirum in Germania theologi nobilissimi sunt multi: neque vero est prouincia altera, in qua tam variae & in omnem partem sententiae diffusae sint.*

c 3

Ger-

*a) lib. XXXVIIII. b) vid. supra §. VII. c) III. 7. d) vid. supra §. XI. e) orat. III. p. 92. & 93.*

Germanos vocas Oecolampadium, Rotherodatum, Melanctonem, Lutherum, Pomeranum, Bucerum & ceteros, qui in suspicionem vocati sunt? ego vero ex nostris theologis tam stupidum arbitror esse neminem, qui non intellegat & fateatur, permulta esse in his, quae ab illis scripta sunt, digna prorsus omni laude: sunt enim grauiter, accurate & sincere scripta, repetita vel ex patribus illis primis, qui praecepera nobis salutaria reliquerunt; cet. & ibidem a), quod nisi indicto concilio spes bonis iniecta esset, negotium felix & salutare a pontificibus, a caesare, a regibus una susceptum iri, ut magnis concursibus omnium gentium, omnium nationum celebrissimi conuentus peragantur; desperaremus, omnino tantum perturbationum finem umquam futurum; desperaremus, posse fieri, ut sica ista districta in omnes scriptores, de manibus eorum extorqueatur, qui vel leuissimis de caussis crudelissime ferire didicerunt: a quibus adpetitus fuit aliquando vir omnium sanctissimus & integerimus, Sadoletus meus: qua re nihil multis annis sol vidit indignius. Quae fere iisdem verbis in epistola ad FRANCISC. RICCIUM b) repita leguntur: quemadmodum etiam de consensu cum Germanis, ipsi obiecto, testimonii variis locis c) se defendit. Neque tamen inficias ibimus, sanctissimum virum & aliis praeclaris rebus perditissimorum hominum odia sibi contraxisse: hi enim grauissime tulerunt, quod res sacras stilo puro tractaret d) adenque, quas illi in barbariae tenebras abiecerant, oratione illustraret; quod superstitioni nihil esset amicus e); quod amplitudinem atque efficaciam meriti CHRISTI commendaret f) & librum de meritis mortis eius scrip-

a) p.102. b) III. 1. c) III. p. 295. VIIII. p. 346. seq. XI. p. 358. d) III. 1. 15. e) III. 5. & c. III. f) III. 6.

scripsisset <sup>a</sup>); quod e scriptura sacra & sanctis patribus multa contra receptas vulgo doctrinas de promeret & quae sunt alia. BAYLIUS <sup>b</sup>) ait, fuisse, qui eius de immortalitate animorum libros in caussis damnationis posuerint: id vero non facile cuidam persuadebunt: in iis siquidem nihil occurrit, quod pontifici rom. additorum animos offendere possit.

## XIII.

Talem exitum habuit, tam indignam subiit mortem vir integerimus, qui pro diuinis suis in rempublicam meritis mori non debuisset. Fuit enim diuino prope ingenio, incomparabili doctrina, summa virtute: admirabilis poeta, perfectus orator, linguarum, cum graecae tum latinae peritissimus & paratus ad dicendum omnibus vel naturae vel doctrinae praesidiis, summus philosophus, excellentissimus theologus. In eius sermone & scriptis germana & illibata lingua Latinae puritas elucet, summaque orationis elegantia & naturalis quaedam pulchritudo, nullis pigmentis colorata, ut in iis imaginem antiquae illius romanæ eloquentiae agnoscas. Tanta in eo erat dicendi copia, tanta vis, ut improbis esset terrori, probis praesidio, omnibus admirationi: ita flebat in quamlibet partem arbitratu suo audientium animos, eosque quibusdam veluti habenis numerosae orationis regebat. SEBASTIANVS CORRADVS <sup>c</sup>) AONIVM in poetis nominat, qui cum veteribus sint comparandi. DAN· GE· MORHOFIVS <sup>d</sup>) dubitat, an praeferendus sit illi aliquis, quum adeo in orationibus

C 4

at-

<sup>a</sup>) orat. III. p. 10. seq. <sup>b</sup>) lexico sub voce Palearius. <sup>c</sup>) comm. in M. T. Ciceronis Brutum. <sup>d</sup>) lib. I. polyb. c. 23.

atque epistolis expresserit CICERONEM, tum qua dictio nem, tum qua numeros; vultque in eo discrimen verae imitationis cognosci, quum longe aliter sonent, quae<sup>a</sup> PALEARIVS scripserit, quam LONGOLIVS atque alii inepti CICERONIS imitatores. IOH. CLERICVS a) eum eloquentissimum virum vocat. Nolo plura adferre testimonia, quod re ipsa loquente, iis non opus esse video: vnicum autem, quod multorum loco haberi debet, adhuc addere visum est, ven. BVDDEI, summi viri, quem honoris caussa nomino. Hu- ius de PALEARIO verissimum hoc est iudicium<sup>b)</sup>  
*Aonius Palearius Politianos omnes, Longolios, Bembos, Sadoletos stili elegantia, si non superat, certe adaequat & haud contemnenda ad statum ecclesiae, istius quidem temporis, accuratius pernoscendum suppositat, ipse veritatis testis & confessor longe cordatusissimus.* Cum eloquentia summa coniunctam habuit parem doctrinam & in humanis & in diuinis scientiis. Veritatis existit purioris amator ac defensor constantissimus: virtutis minus fucatae se<sup>c</sup>tator indefessus: illud actione ac testimonio in pontifices dicto; hoc omni vitae ratione testatus. Omni tempore DEV<sup>M</sup> pia veneratus est mente: cum vxore, quam vnicce amauit, numquam rediit in gratiam: liberi ut eruditione ac virtute excellerent, effecit: impositas officii partes magna diligentia ac fide sustinuit: amicos singulare benevolentia complexus est, eorumque memoriam etiam post mortem sancte coluit, quod ex iis verbis adparet c) quibus Flaminii, Sadoleti, Bembi, Sfondrati obitum deplorauit; & si ad ami-

a) art. crit. part. III. p. 131. b) diss. praelim. ad collect. nov. ep. Luberti. c) IIII. 23. 28.

amicitiae vinculum accessisset commune veritatis diuinæ studium, nihil fuit eius amore abundantius, nihil sincerius, id quod BERNARDINI OCELLI exemplo patet, cuius electionem, quod iustitiam non ex lege, sed per CHRISTVM esse docuerat, grauius quam sibi illatas iniurias tulit *a*): in hostes autem eo semper fuit animo, quo vult esse CHRISTVS suos: denique in omnes & singulos ita se gessit, ut eius comitas non esset sine grauitate, nec grauitas sine comitate. In rebus secundis numquam elatus, in aduersis numquam fuit prostratus, fortis & constans semper: tenuissima usus est valetudine *b*) saepeque rerum inopia pressus *c*): nam corporis vires atque a patre relictas opes in litterarum studiis consumserat, ac pecuniae reditus cum ex villa, tum ex officio publico non adeo magnieabant *d*). Paucis vero contentus, se Crassum diutiis superare putauit *e*), suaque paupertate, quam auream appellare solebat, triumphauit, quod licet res domi angusta; conscientia tamen in animi penetralibus sit augusta, laeta, alacris, quam neque interdiu agitent furiae, neque terreant noctu taedis ardentibus *f*). Nactus tamen est Maecenates varios, Bellantem, Phrygepanum *g*), Mafaeum *h*) atque alios, quorum liberalitatem grato praedicauit animo. Omnes calamitates recte tulit: quumque omnia miserrima essent, CHRISTVS, inquit *i*) meus mihi spem facit, quem (o praeclaram vocem!) sancte & auguste semper colui. In hoc fidu-

c 5

cia

*a*) orat. III. p. 102. seq. *i*efl. m. IIII. p. 294. lib. IIII. ep. 2.  
*b*) IIII. 20. 28. *c*) III. 2. *a*) III. 30. *e*) III. 3. *f*) orat.  
 III. *g*) I. 6. *h*) III. 7. *i*) III. 4.

cia omni collocata, forti atque imperterrita  
animo fuit in maximis vexationibus; in omni-  
bus vitae periculis, in ipso denique supplicio  
crudelitatis plenissimo: hoc suo pacificatore ful-  
tus honori duxit, pro eius gloria fortiter mori  
ac pro veritate & testimonio dicendo ponere  
vitam: ad quod diu ante, contemtis humanis,  
se confirmauerat<sup>a)</sup>, ne imparato atque inopi-  
nanti supplicium accidere posset. Potuisset  
quidem vitare periculum<sup>b)</sup>, si, ad quod Sado-  
letus & Bembus ipsum hortabantur<sup>c)</sup>, in iis scrip-  
tionibus se tantum exercuisse, quae a sanctiore  
disciplina remotae, & in quibus minus ineſt pē-  
riculi; aut si ad hostium, quos cum veritate  
communes habebat, nutum ac voluntatem lo-  
qui; aut denique ex eorum conspectu abire  
voluisset: sed noluit, ne culpa aliqua subesse  
videretur, & veritas aliquod exinde caperet  
detrimentum.

## XV

Venio ad scripta PALEARII, quibus omni pos-  
teritati prodeſſe voluit. Sed heu! quam mul-  
ta preclara nobilissimi ingenii eius monumen-  
ta vel temporum iniuria interierunt, vel aduer-  
ſiorum improbis conatibus oppressa sunt. In  
quibus maxime desideramus commentarios eius in  
orationes Ciceronis; fabulas idiomate Tuscō confectas;  
odas; laudationes versibus scriptas; commentaria theolo-  
gica<sup>d)</sup>; epistolam commonitoriam ad Germanos sine  
praefationis nomine datam<sup>e)</sup>; &c, qui primo loco  
nominandus fuisset, librum illum aureum  
de meritis mortis **CHRISTI**, sermone  
Tus-

<sup>a)</sup> III. 7. orat. III. p. 102. act. p. 227. 232. 245. 248. 437.  
<sup>b)</sup> III. 12. c) III. 2. d) lib. III. 1. e) act. p. 228, 339.

Tusco exaratum. Nam in hoc fusius ostenderat, quanta ex morte CHRISTI commoda oblata sint humano generi; ab eo, in quo diuinitas inesset, vita cum sanguine pro salute omnium tam amanter profusa, nihil homines debere de coelesti voluntate dubitare, omnia potius sibi tranquilla & quieta posse polliceri. Probauerat porro ex monumentis vetustissimis & certissimis, finem malorum esse factum, notam omnem deletam iis, qui animo in CHRISTVM cruci adfixum conuersi, eius fidei se permetterent, adquiescerent promissis, spe pleni haererent in uno, qui fallere nescit opinionem. Haec enim eius potiora fuisse capita, ipse in apologia <sup>a)</sup> testatur. Auctor praefationis, quae editioni Batauinae praeposita, amissis eius libris etiam adnumeravit *dialogos*: sed hi, suppresso licet auctoris nomine, Perusiae eis 10ccxvii rursus publicati sunt. Interim de eo non dubitamus, plura alia intercidisse, quorum ne nomina quidem nobis nota sunt <sup>b)</sup>.

## XVI

Sed conuertimus nos ad ea, quae fortuna nobis reliquit. In quibus primum percendi sunt libri eius III. de immortalitate animorum contra Lucretium, epicureae philosophiae sectatorem. Ex Marci Velsi epistolis <sup>c)</sup> videmus, scripsisse ad eum aliquem ex Italia & omnino negasse, hos esse Aonii fetus: sed quae mox dicturus sum, hunc temere id fecisse, demonstrabunt. Hoc poema primum eius scriptum, quod suis legendum admirandumque dedit. <sup>d)</sup> Incepérat iam illud scribere, quum primum Se-

<sup>a)</sup> orat. III. p. 90. E<sup>91.</sup> b) lib. III. 1. c) p. 878. d) II. 2.

nas

nas venisset *a)*: absoluissè autem Patauit*b)* videtur, quo se Bembi hortatu, dum Senenses erant in armis, contulerat. Dedicauit hos libros elegantissimos Sadoleto *c)* eumque eorum defensorem & propugnatorem vocauit, verens, ne in aliquorum voculas incurreret. Est profecto ab omnibus maxime, numquam vero satis, laudatum carmen, quo quid versibus possit, ostendit, ut difficile sit iudicatu, vtra facultate plus valuerit, poetarum an oratorum. Sadoletus quid de eo iudicii fecerit, ex epistola ad AONIVM *d)* & alia ad GRYPHIVM *e)* intelligimus: eorum vide-licet, qui in eo genere voluerint esse, sane quam paucos aequo eleganter scripsisse; eruditius certe neminem. Mirifice enim probauit in eligendo iudicium, imitationem LVCRETII, quem exprimere conatus, felicem sententiarum acumen, verborum libertatem atque elegantiam, numerique aptam & variam compositionem; in primis vero illud, quod non accersitis fuscisque argumentis, neque quo magis poetica viderentur, a vetusta deorum fabulositate repetitis, sed sancta & vera religione omnia condita essent, ut non solum doceret mentes errantium, sed etiam animos incenderet ad amorem istius purae religionis. GERH. IOH. VOSSIVS *f)* hoc poema diuinum vocat atque immortale & IVLIVS CAESAR SCALIGER *g)* non minoribus laudibus illud ornat, Aonii, inquiens, materia illustris eademque difficultis. Quare stilum quoque sui ipsius dissimilem fuisse par est. Ad surgit ergo interdum, neque negli-

*a)* I. 16. *b)* II. 2. *c)* lib. II. ep. 58 - 81. vid. etiam lib. II. ep. 1. 2. 3. *d)* lib. II. 3. *e)* app. ep. 8. *f)* lib. II. de arte gramm. c. 31. *g)* in hypercritico.

*negligit figurās: alias serpit bumi, docere contentus.  
Adeo vero fuit superst̄iosus, vt etiam bermischia quae-  
dam reliquerit imperfecta: quae quia neglexit ipse fa-  
cere integra, ne nobis quidem in hīsc est satagendum:  
ac neque in ceteris: quum ipsum conflet ad Lucretii a-  
mūssim omne opus suum direxisse.* IOH. BAPTISTA PIG-  
NA a) *hoc elogium confecit,*

*Aonii decus Aonum sororum*

*Quos mibi dedit aureos libellos*

*Riccius tuus aureos libellos.*

*Qui desiderium omnibus relinquunt*

*Quo magis relegunt, magis legendi*

*Intentis oculis libenter hauſi.*

*Immortalem animam probas in ipso*

*Ipsi saecula sempiterna & esse*

*Immortalem operam tuam probabunt.*

Prius editum est hoc poema, quam AONIVS spartam Senensem acceperat, quamuis ipso imprudente, vt ipse b) Ferdinando Sanseuerino scripsit. Sed in hac prima editione quum deprehendisset errata quaedam, typographi culpa; maximis id eum molestiis adfecit: hinc a GRYPHIO petiit per litteras, vt ipse suis formis illud exprimendum curaret, adiungeretque poēmatis eorum, qui christianas res scripserint, vt Actii Synceri, & Vidae: quam eius petitionem SADOLETVS commendatione sua, rogatus quidem c), adiuuit d). Vtriusque preces apud GRYPHIVM, per officiosum & rei litterariae amantissimum, tantum valuerunt, vt ex eius officina accuratissimum prodierit. Exemplum huius atque aliarum editionum alia quod euoluere atque inter se conferre mihi licuit, acceptum cum publi-

a) eārm. lib. III. p. 81. b) ep. dedic. orationibus praemissa.

c) II. 2. d) app. ep. 8.

ca gratiarum actione refero viro celeberrimo  
 IOH· MATTH· GESNERO , qui , qua est humanitate  
 & litteras has , in quibus ipse summa cum laude  
 versatus est , ornandi studio , ex instructissima Vi-  
 nariensi bibliotheca publica , cui magnis praest  
 meritis , mecum ea communicauit . Quod ad GRY-  
 PHIANVM exemplum attinet ; in eo primum cer-  
 nitur IACOBI SADOLETI ad GRYPHIVM de hoc car-  
 mine epistola <sup>a)</sup> , sed duabus postremis periodis  
 omissis . Dein sequitur alia satis copiosa , quam  
 Orgetorix Sphinter Carolo Laureno , misit . In  
 qua de duplice rabularum genere arrogante ,  
 quod iis temporibus prouincias omnes occu-  
 passet , conqueritur . Alterum esse eorum , qui  
 quam primum latinos libros attigerint & ex Ci-  
 ceronis libris clausulas tres furari iam didice-  
 rint , ex quibus pusillam aliquam epistolam  
 texant , se se ipsi salutent , tamquam summi facti  
 sint oratores : quorum in manus si ab aliis , quae  
 scripta sint , venerint , vel non legere , vel quae le-  
 gent , non intelligere : si vero tantillum offendere-  
 rint , quod oppugnare possint , plenis eos buccis  
 conclamare . Alterum vero genus , sane perri-  
 diculum , eorum esse , qui vultu seuero & tristi  
 quodam incedant : ii rogati saepe si tandem o-  
 culos in aliorum scripta coniiciant ; nihil esse ,  
 quod laudent , nihil quod non fastidiant & sto-  
 machentur . Quibus , ineptissimi cum sint , ve-  
 lintque haberi doctissimi , nihil sit prius , quam a  
 scriptonibus abstinere , & fingere , se id ingenii  
 acumine facere & consilio diuinae cuiusdam  
 prudentiae & modestiae pleno . Postquam haec  
 Socratis verbis illustrauerat , pergit , Dices fur-  
 zessa , quid haec Sphinter ad Laurenum ? ingrediar  
 iam

<sup>a)</sup> cui nos in appendice octauum locum dedimus .

iam ad explicandam rationem epistolae. Acceperam superioribus diebus Aonium, quo familiarissime uteris, de animorum immortalitate libros tres scripsisse: quos cum videndi & legendi miro desiderio tenerer (mirifice enim me delectant, si qua sunt vel philosophica vel christiana, Latine scripta); petii ab eo saepe per litteras, ut sui mibi libelli copiam faceret: quod ille negavit, omnino se esse facturum: nam qui sibi versus essent, scire se certo, dicebat, e capsula exire non esse ausuros: verebatur enim bonus & prudens iuuenis, ne in horum rabularum voculas aliquas incurreret. Quam ob rem, ut scis, tua ego opera usus sum, ut per te impetrarem, quod per litteras consequi non potuisssem. Legi itaque per quam lubenter eos libellos, quos ad me misisti, quorum singula carmina ornata & elaborata mibi visa sunt, atque eiusmodi, ut acriter accusandus visus essem, si cum me mirum in modum delectarint, aliis legenda non dedisset. Quid enim primo eius libro sanctius: quid secundo eruditius: quid tertio verius excogitari potest, aut dulcius? Nam quod canes attinet, qui luce quoque latrant & mordent, admonitos eos opinor, non exspectare, ut rursus crura ipsis suffringantur. Hosce itaque libellos nunc ad te remitto, ut per quem acceperim, eidem & libelli & maxima gratiae referantur; simulque ut me in Aonii tui, vel iam nostri, amicitiam, quam potes, intimum insinues. Vale calendis Decembribus. Has epistolas ipsum poema excipit, in quo, ut dixi, omnia accurate expressa inueni: ultimus autem libri III. versus,

Aeternumque bonum simplexque & summa voluptas omnino deest: qui etiam in ea editione non legitur, quae cito ccccxxxii. 8. hos libros vna cum Scipionis Capicci de principiis rerum libris II. ad Paullum III. pontificem maximum exhibuit. Hanc PAVLLVS MANVTIVS procurauit,

vt

vt ex epistola, Venetiis scripta, adparet, qua eos Isabellae Villamarianae, Salernitani principis coniugi, inscripsit. Ceterum & heic Sadoleti, quam nominaui, epistola primum locum occupat, quamuis non integra, sed saltim usque ad verba, *sed etiam animos ad amorem purae religionis possunt*, Eodem anno cīc 1531. 8, vulgati sunt hi libri Francofurti cum Lucretio Dan. Paraei, epistola eadem Sadoleti praefationis loco adhibita. De carminibus huic poemati subiunctis nihil habeo, quod dicam, nisi quod ea Ioh. Matthaeus Toscanus cīc 1577 Lutetiae primus edidit: fragmentum vero consolationis, heroicis versibus conscriptae, primum in lucem prodiit in editione Batauina.

## XVII.

In orationibus eius praecedit ea in L. Murænam, quam Ciceronianæ pulcherrima aemulatio ne opposuit; credo si M·TVLLIVS legere eam potuisset, admiraturum eum fuisse AONII eloquentiam, eiusq. in sententiam iturum. Ita enim scripta est, vt huic facundiae Romanae principi, qui inter omnes in omni genere dicendi vñus eminet, neque verborum nitore & numero, neq. argumentorum delestu ac pondere cedere videatur. Quamuis ipsi non defuerint obtrectatores, pestes hominum, propensiissimorum ad cauillationem & conuicium, quod ausus fuisset, oratori diuino & prope coelesti repugnare. His enim non delictum, sed scelus videbatur, in quod satiræ conscribendæ sint, si quis excutere & exanimare ausus fuisset veterum auctorum monumenta: vtque eo magis Ciceronianî haberentur, singula Tullii dicta singula oracula esse clambant,

bant, a quibus nec transuersum vngueum. Contra quo: Aonius se ipsius Ciceronis armis tegere poterat, a) qui per quod nihil iniquius censuit, quam auctoritate & nomine pugnare. Interim ne incaute egisse videretur, prius quam in vulgus edidit hanc orationem, eam ad Andream Alciatum, Etum eloquentissimum, misit, hac quidem mente, ut si hunc offendisset, supprimetur; si vero a tanto viro esset adprobata & quasi in clientelam adsumta, exiret. Qui quum eam, magnis laudibus extulisset b), una cum aliis orationibus, Ferdinando Sanseuerino Aragono, Salernitanorum principi, consecratis vulgata est c). In quarum tam en numero III. pro se ipso tunc non fuit, ut potest cuius exempla, exceptis, ut supra perceperimus, tribus, combusta erant; & quoniam Aonius eo tempore adhuc Lucae d), vbi plurimum declinavit, vixit, etiam XIII. Mediolani habita & XIV. de pace conscripta in iis reperiri non poterant. Num orationes dein rursus separatim emissae fuerint, ignoramus: in operibus coniunctim editis semper familiam duxerunt. Mihi, quamquam omnes summo ingenio atque admirabili suada elaboratae sunt, inter ceteras I. II. III. & XIV. eminere videntur.

### XVIII.

Epistolas, quarum libros IIII. habemus Paleario viuo, emissas esse, est, cur dubitemus: illud, quod dolcissimus, certum est, minimam earum, quas latine scripsit, partem ad nos peruenisse: nam, ut alia taceam, ex Mediolanensibus epistolis unica e), ad filios data, conseruata est, licet Mediolani septem fere annos habitasset. Neque hoc adfirmari posse puto, eas, quas fortuna nobis reliquit, post mortem Aonii separatim prodierunt, quum nullum hujus vestigium apud eos, qui de eo mentionem fecerunt, reperi potuerint: orationibus autem & poematibus aliquoties iunctae sunt. Has epistolas aequae ac orationes eloquentiae cupidis in primis commendamus, ut potest ita pure, terse, atque ornate scriptas, ut in usas ipsas latine loqui credas.

### XVIII.

Actio in pontifices romanos & eorum aesseclas Senis intenta est CIC 13 LXXXV 1. ipsius auctoris manu eleganter exarata, postquam in puluere fere quinquaginta annos, sed quae diuina fuit prouidentia, illaesa latuerat. Sed demum

a) IV. 21. b) IV. 22. c) IV. 4. 20. d) IV. 20. e) lib. IV. ep. 30. post

post annos decem, nimirum cīc 10 cvr & quidem Lipsiæ a) vulgatum est hoc scriptum, quod, si veritates in ea defensas respicias, merito sibi primas partes vindicat: dein reliquis Aonii scriptis additum in editione Barauina. Continet hic libellus xx testimonia: quorum deinceps datur vberior declaratio: atque ex his actio in pontifices composita est: eo quidem consilio, vt in concilio vniuersali & libero, quale vero quum Tridentinum non fuerit, ullum vñqnam futurum, ipes omnis iam pridein sublata est, ad purgandam & sanandam ecclesiam proferretur. Ideo apud quosdam hanc scriptionem deposuit, vt conseruaretur usque ad tempus concilii futuri, sedulo cavens, ne interea prodiret, quod verebatur, si spatiū detur, ne praefugiatores romani, vt saepius fecerant, veritatem eluderent. Quod si vero hi depositarii tale concilium indictum adparari viderent; tum voluit, vt integer & sincerus hic liber tradetur praefectis ecclesiaruin Helvetiorum aut Germanorum, defensoribus sanctae veritatis, qui eum sua commendatione ac litteris publicis producerent in ipso concilio ad opprimendum malum illum, CHRISTI aduersarium b). Ut paucis multa dicam, hoc scriptum nihil aliud est, quam fortiter & libere scripta defensio diuinioris doctrinæ, illius antiquissimæ, a pontificis asseclis corruptæ, a Lutherio, quem post discipulorum CHRISTI aetatem longe excellentissimum theologum ea tempora tulisse, vere possumus contendere, vindicatae & integratæ suas restitutæ, si duo capita, in quibus errore lapsus, exceperis. Dicendigenus, quo usus est AONIVS, planum quidem, graue & fuis luminibus haud destitutum est; sed reliqua oratorum ornamenta, quae alia in causa eum delectassent, sciens prudensque missa fecit, ne orationis elegantia ac verborum flosculis fallere lectors velle videretur. Hinc non abstinuit a vocibus iunctisque verbis, in theologorum scholas ad exprimendas res diuinæ receptis, licet veterum romanorum scriptorum auctoritate minus sint probatae, sed in eo se ipse lectoribus excusavit.

## XX.

Coniunctim Palearii orationes, epistolæ & poemata,

bis

a) vid. acta erud. Lips. mens. Ian. CLCLC LXXXVI. nam ab editore, quisquis ille fuerit, neque locus, neq. annus indicatus est. b) vid. epist. ad depositarios & praefectos illos p. 227 sq.

bis prodierunt beneficio typographorum Basiliensium, satis nitide atque eleganter: quas editiones magna licet diligentia conquisitas, nullibi inueni. Bremensem vero, etiam rariissimam, laudatissimus GESNERVS liberaliter mihi concessit. Huius haec est inscriptio, *Aonii Palcarit Verulani, viri eloquentissimi, opuscula doctissima, orationes XII. epistolae in quatuor libros digestae, poema de animo zum immortalitate, in tres libros diuisum. Ob rerum praestantiam & dictionis elegantiam lectu iucundissima. E tenacbris vindicata, emendatius reousa & in enchyridii formam redacta. Additus est locuples index. Bremae, typis Thomae Villoriani, anno 1619. 12.* Ultima pagina haec habet, *Bremac impensis M. Ioh. Willii & Ioh. Benthemii, scholae collegarum.* Praefatio est editoris, Mattheiae Martini, scripta Bremae d. XXVII. Aug. c. 10 ioc xviii. In qua monet auctor, in eloquentia illos sequendos esse duces, qui rerum speciem figuramque & sensa animorum perspicua, pura, plena, partibusque omnibus apta & cohaerente oratione adsequuti sint. Horum principem esse Aonium, adeoque dignum, cuius scripta in primis legantur: quae non inanes verborum sonos subministrant ad augendam loquacitatem, qua nonnulli, in tenui licet doctrina, ad coelos tolli velint; sed res quoque suppedent optimas amoenissimae dictionis colore illuminatas, quae legentem allicere, detinere & sine fastidio possint satiare. Denique Aonii opera ex officina Wetsteniana, curante Graeuio, forma octaua minore & maiore, ad illam editionem, quam ipse auctor recensuerat & auxerat, excusa accepimus. Aucta est haec editio accessione actionis in pontificem, epistolarum quarundam ac poematum. Dudum est, quod haec rario inuenitur: quare nos Aonium denuo in lucem & vitam reuocauimus.

## XXI.

Vobis igitur, eloquentiae tirones, reddimus eloquentissimi viri scripta, ut ea cum veterum lectione, quae quidem in his primas tenet, diligentissime coniungatis. Multum, mihi credite, interest, curius in oratoria facultate imaginem intueamini, cuius vestigia sequamini: qui si sophisticam, & non naturalem illam, prudentiae habenis rectam, sectetur eloquentiam, qui fieri possit, ut vos recto ad germanam illam facundiam itinere inedatis? Proponite vobis Palestini, exemplum nobilissimum egregiae imitationis, ad

quod vos ipsi effingatis. Percepistis supra , omnibus eum  
dilectissimi oratoris virtutibus abundare , & cum optimo  
quouis de principatu contendere. Sed cauete a superstitione  
imitatione,qua seruum imitatorum pecus , in Tullio,  
Lipso aliisque olim se ridendum praebuit. Haec autem  
eiusmodi est, vbi & naevi pro virtutibus habiti ad imitationem  
trahuntur. Fuit Aonius vir vere doctus, vere facun-  
dus, vere in deum pius; sed homo , adeoque & erroribus,  
quod errare humantur, obnoxius. Hos, si sapitis, in eo ex-  
cusandos, non defendendos ; evitandos, non amplectendos  
putetis. Ipsum Palearium, qua singulari sunt modestia, huic  
sententiae suam adscriptisse, nemo est omnium, qui dubitet.

## XXII.

Vt autem nautae si scopulos nouerint, non facile in eos  
incident; vt viatores a recta non discedunt, si aberrations  
vident: ita, qui auctorum, quos euoluunt, lapsus perspici-  
unt, ne cum iis labantur atq. in eumdem lapidem offendant,  
cavere possunt. Liceat igitur mihi, paucis indicare, in qui-  
bus magnus vir humani quid passus sit. Sic ipsi in eo imitati-  
onis honore in penitus denegandum esse arbitramur, quod  
in orationibus praecipue & epistolis, saepe deos, dium si-  
dium, Herculem & similia gentilis vanitatis portenta cum  
ad adsenserandum, tuin alias ob causas nominauerit. Ne-  
que enim ea, quibus ipse a) paganorum eiusmodi iurandi  
formulas ferendas in scriptoribus christianis esse, adserit,  
tanti esse existimo, vt in eius sententiam eundum putemus.  
*Significatum vetus, inquit, recessit. vox ipsa remansit, quam  
veluti longo usu tritam & nostram eloquentes scriptores  
ad numerum orationis aptam non reiciunt.* *Enim vero  
nec speciem deorum cultoris induere, & suspicionem quoque  
vitii vitare debemus.* Qui denin unum immortalem vene-  
rantur, iis haec idola non nisi cum auersationis sensu pro-  
ferre licet: etiam in Cicerone in, si ad sacra nostra transire ipsi  
contingeret, haud aliter facturum esse, persuasi sumus, nul-  
lique dubitamus, eum non deos, sed deum, non Herculem,  
sed CHRISTVM in ore habiturum. Neque magis latius eris,  
fideos, quam si deum dixeris; neque magis elegans ac-  
venustus, si per Iouem aut Herculem iuraueris. Qui  
stili quaedam ornaamenta in eiusmodi minutis rebus  
quaerit: nae is fallitur. Quod vero praecipue quemuis mo-  
uere debet; DEVS, vni quem sibi vindicat honorem, b)

a) c. VII. test. p. 322. b) Es. XXXXII. g. XXXXVIII. ii.

euin minime vult tribui simulacro, quod ἐδεν ἐν κόσμῳ a) est ex diuino PAVLLI effato: neque vult eiusmodi deorum nominibus ac figuris coli, qui nomen illud suum BAAL, quo ab antiquissimis temporibus adpellatus fuerat, repudiauit b), postquam diis alienarum gentium impositum erat; & qui cultum sibi sub vituli, auro obducti, figura praestitum, vniuerso Israelitarum populo grauissimas poenas luente, ita detestatus est, ut nihil magis. c) Quum CHRISTVS improbavit, d) Iudeos per coelum, per terram, per templum, per capillos suos fidem facere; numquid ille probaturus suisset, suos, inuocato Ioue, Hercule, Polluce autalio paganorum deo, dicta sua firmare? non credo. In AONIO habet haec res forte excusationem, qui iis temporibus vixit, quibus vix oborta litterarum ac doctrinae lucē, tenebrae nondum satis discussae erant: postquam vero Iac. Thomas. e), Christoph. Schraderus f) aliquique complures argumentis grauibus docuerunt, turpis simum esse homini christiano, eorum more, qui a vera religione remotissimi sunt, deos adpellare, perque eos iurare: nobis non sine iustis caussis vitio vertetur, si Palearium in hoc sequi malleimus. Deserendus hic quoque est in duabus doctrinae christianaee partibus: quamlibet se ipsum, si tantam, quam nos, veritatis claritatem adspexisset, in iis deseruisset: nihil enim sanctum, nihil firmum in suis dictis scriptisue ipse esse volebat. g) nisi quantum probet ἐκλησίᾳ καθολικῇ καὶ ἀποσολικῇ. Primum autem est, in quo errauit, quod coniugium dixerit esse sacramentum, quium tamen ipsi desint, quae in eiusmodi actione sacra adesse debent: quainuis sententiam hanc uno alteroue loco h) orationi eius fluentiam admixtam, nullib[us] vero suis explicatam ac defensam legimus. Alterum est, quod statuit, homini christiano nullo modo, ne in foro quidem, licitum ac permisum esse iurare i). De quo copiosam ingressus est disputationem, ad ea quoque, quae contra istam sententiam in medium adferuntur, respondere conatus. Sed qui omnia accuratius considerabunt ac perpendent: multa quidem ingeniose excogitata ab eo esse, at rem ipsam minime satis probatam, fateantur, necesse est.

## XXIII.

Satis de naeuis, qui in tam pulcheriunis scriptis, pauci fuerunt. Nunc ea ordine indicanda essent, in quibus Aonius eloquentiae atque humanitatis cultoribus, exemplo esse debet: quin autem magna horum multitudo & huic scriptio*n*i modus sit statuendus; ex iis quaedam saltim breui commendatione v*s*us adducam. Itaque primum Aonius nos docet, in quo consistat vera antiquos Latii auctores imitandi ratio. Falluntur enim & fallunt, qui in verbis omnem consistere imitationem autumant, atque adeo, quando imitantur, hoc agunt, vt ex uno alteroue probae latinitatis scriptore voces singulas pluresque continuatas, maiori plerumque opera, quam iudicio, exquirant, conferant, colligant atque ex his deinceps inter se coniunctis, contexant, quae scribenda sunt. Inde vero inaequalis orationis cursus, connexio longius quaelita, aut nulla, indecora verborum idem significantium coaeruatio, constructiones obscurae ac perplexae, periodi contortae, voces siue rebus, res sine scopo. Prudens veterum imitator Aonii vestigiis incedit, atque non modo verborum puritatem ex eorum monumentis addiscit, verum etiam virtutes stili omnes, perspicuitatem, naturalem compositionem, elegantiam, numerum conformacionem rerum ac verborum, & quae sunt alia: praeterea & priscos in prudenti rerum inuentione, electione ac dispositione sequitur, vt, habita propositi, personarum & rerum omnium ratione, ex propria meditatione libere atque apte scribere & dicere possit.

## XXIV.

Dein Palearii exemplo monemur, eum qui in eloquentiae studiis cum laude versari velit, solida rerum diuinarum humanarumque cognitione imbutum esse debere: quemadmodum CICERO a) fatetur, se oratorem non ex rhetorum officinis, sed ex academiae spatiis exstuisse. Doctus quidem esse potest, qui non sit orator: at orator nemo, nisi qui sit doctus. Eloquentia eruditio*n*is laude destituta est mera loquacitas: doctrinae autem praefidiis munita, ea est illa copiosa loquens sapientia, de qua veteres multa. Qui plura verba effundere potest, ei laus facundiae propterea haud debetur: nam etiam diutius loqui solent infantissimi & Grammatici & Sophistae, ne dicam mulieres. Sit oratio verbosa ac copiosa:

minus tamen diserta erit, nisi & erudite & prudenter dixeris: quid & quantum hoc sit, alibi a me explicatum est. Satis igitur mirari non possum, BAYLIVM in ea fuisse opinionem, virum doctum non facile eloquentem; & eloquentem non facile doctum esse: siquidem cum rei ipsius natura, tum exempla omnium, qui ex facundia nomen consequuti sunt, quid? quod proprium ipsius, eum in contraria sententiam adducere debuissent. Orator, inquit, ingenio; doctus iudicio inseruire debet? at vero utriusque cultura oratori curae esse potest ac debet. Etenim ingenio ipsi opus est ad inueniendas res ornandasque; iudicio ad diligendas ordinandasque, eoque dirigendas, ut finis obtineatur. Vera eruditio est unicus ac perennis ille fons, ex quo numquam intermittente, numquam insidente fluxu, nouarum atque admirabilium rerum copia incredibilis prefluit. Ex quo si haurire non licet; quid impenet orator? quomodo explicabit, quod non intelligit? quomodo confirmabit & mouebit? quomodo illustrabit? rerum dicendarum ignarus: nisi forte de lata caprina, atque ex tot lexicis, operibus artibus criticis de voce volumina conscripserit; non habebit, in qua praeclaram istam suam, si ita placet, ostentet eloquentiam.

## XV.

Denique ut vera in DEVUM pietas, virtutis studiis omnibus in rebus magnam adfert utilitatem, ita & ineloquentiae studiis. Memini illustre illud verae facundiae, verae etiam virtutis, exemplum, IOH. PHILIP. PVM SLEVOGTIVM, amico cuidam nostro singulari, aliquando dixisse, PALEARIVM virum omnibus recentioris aeti saepe auditoribus anteferre, qui CICERONEM sic imitatus fit, ut superare cum saepe videretur, quod autem ita omnibus oratoriis ornamenti unus eminuerit, se huic potissimum causas adscribere, quod eius animus vero virtutis summae amore ita fuerit imbutus ac complicitus, ut nullius magis: quam e contrario praecipue eloquentiae ornamenta desiderentur in iis, quos in tractandis artibus liberalium disciplinis, sensu ductos fuisset vano ac profano constet. Quae, si quid iudico, tam vera sunt, quam quae verissima. Animus emendatus rectae rationis lumen sequitur, atque ut ab omnibus, ita & affermante vitiis se bontinet; ipse idoneus ad meditandum, quippe nullis cupidieatum illecebris auocatus ac

distractus; ipse accuratius tam de verbis, quam de rebus ferre potest iudicium, utpote nullis praesumtis opinionibus obcoecatus: ipse, quae virtus ac prudentia suadet, non cognoscit solum, sed etiam exercere potest. Hinc simplex & planus sermonis cursus, recta & naturalis dicendi ratio, modus verborum decorus atque apertus, consentanea rebus, personis, fini & reliquis, quae dictu-ro consideranda veniunt, oratio, eloquentia casta, fortis & virilis, in qua plena sunt omnia succi sanguinisque, bonae mentis, sapientiae, doctrinae, modestiae & si quae alia stilum ornant. Vitiosum autem semper orationis genus erit, ubi animus fuerit vitiosus: sermo enim mentis est interpres. Ibi lenocinia verborum, adparatus longius petiae orationis, ventosa atque inanis loquac-ias, tumor, ineptiae, nugae, vanitates, rixandi libido, ingenii ostentatio, placendi multitudini cupiditas, corrupta & inquinata omnia. Quam ob rem caueant fibi tirones, ne in legendis ob stili facultatem scriptoribus profanis profanum induant animum, quod proh! dolor, multis usu venire, experientia testatur: patiantur se potius a vanitate ad virtutem, ab erroribus ad veritatem perduci, ne aliquando dicant scribantue in dedecus & detrimentum religionis christiana, sed ut proferant digna christiano oratore, atque his ipsis eloquentiae praesidiis coelestem doctrinam non dumtaxat ornent, sed etiam forti & constanti animo vindicent ac tueantur, ut sarta tectaque propagetur in omnem posteritatem.

## XXVI.

Habes, lector, ea, quae de AONIO PALEARIO notata digna videbantur. Ipsae eius lucubrations ut emendatae prodirent, diligenter a me prouisum est: non paucas maculas, quibus priores editiones adspersae sunt, deleui: indicem, qui ex Bremensi in Batauinam editionem translatus, iis rebus, quae in actione contra pontifices propositae sunt, auxi. In his atque aliis versata est cura nostra. Si quae mendae oculorum fugerint aciem, ea ut ipse tollas, rogo. Denique scito, te nos ad maiorem industriam, eloquentiae & liberalium artium studiofis inseruendi excitaturum, quodsi conatus nostros tibi adprobatos intellexerimus. Vale.

in academia lenensi IIII, non. April. CIC 15 CC XXVIII.

AONII PALEARII  
VERVLANI  
ORATIONES.





# FERDINANDO SANSEVERINO ARAGONIO

OPTIMO PRINCIPI SALERNITANORVM

AONIVS PALEARIVS VERVLANVS

S. P. D.

**E**T si non magni refert ad colendam amplitudinem & gloriam tuam, quo quisque loco natus sit, aut ubi habet, quod ea lux, is splendor est tuae virtutis, ut longissime quoque eluceat: nihil tamen mihi obfuisset, in ea vrbe nasei, in qua maiores mei te & patrem tuum, caelestem virum, & auos maxime illustres, summa obseruantia coluerunt. Etenim si orbes illi diuinis animati mentibus, qui voluuntur stellarum cursibus sempiternis, plus habent celeritatis & virium, quo extimo globo sunt propiores, in quo maximus ille est, qui a-

A 1. gens

gens & propellens ceteros, praeest vniuersis; an si contigisset, vt ego in ea vrbe natus essem, & educatus, in qua tu veluti sol princeps & moderator luminum, accendis atque excitas omnium mentes, non aliquid mihi accessisset virium & ornamentorum? Fuissent tua in me beneficia, sicuti in alios ciues, neque exigua, neque vulgaria: effudisset se in me quotidie plurimum luminis, & benignitatis tuae: & ex iis studiis, quae per te pulcherrime vigent in ciuitate, aliquid ego fortasse consecutus essem, ne ad gratiam tuam mihi conciliandam ab omnibus rebus venirem imparatus. Quae cohortationes meorum fuissent? quae vigiliae & lucubrations meae? quod studium laudis, vt optimo principi placerem? quibus rebus destitutus, cum ea in me non essent, quae maxime voluisssem; satis mihi facere videbar, si te animo sanctissime colens, vel in Latii solitudine, vel in Hetruriae finibus laterem. In quo consilio permansissem, nisi mei *de immortalitate animorum libelli* cum me imprudente exissent, monstrassent familiae nomen: & Vincentius Martellus, magna vir humanitate, cum Lucae esset, & coenaret apud Martinum Lilium, iuuenem studio-

sum

sum omnium ingenuarum artium, de Pale-  
ariis, gentilibus meis, multa honorifice pro-  
secutus, spem mihi fecisset, si literis signifi-  
carem hanc animi propensionem in ampli-  
tudinem tuam, fore eam tibi gratam & iu-  
cundam. quod vt libentius facerem, cohor-  
tabatur, etsi nihil sane haberem, quod sum-  
ma sapientia virum valde delectare posset,  
vt orationes meas ad te mitterem. Dii faci-  
ant, vt quam ille amanter consilium dedit,  
tam mihi ea res bene & feliciter eueniat.  
Prodeunt ergo orationes in lucem, tibi con-  
secratae: in quibus vnum est ornementum,  
quod principi nobilitatis & virtutis dicatae  
sunt. aliud praeterea non video, nisi illud  
quoque accesserit ad me beandum, vt au-  
diam aliquando fuisse tibi non iniucundas,  
& ab inuidorum obtreftatione defendi pa-  
trocinio tuo: quod optatum & dulee tanti  
mihi erit, quanti vix magnorum regum &  
imperatorum omnium clientelae. quorum  
causas, quoniam tu auctoritate tua sustinere,  
& perturbata seditionibus regna non modo  
armis, sed eloquentia tueri & reconciliare

soles; nihil est mirandum, si, cum in ista gloriae luce viuas, & tantum tui nominis sit ubique, in animum induxi meum, si tibi vari orationes istae probabuntur, fore eas non modo Italica nostris acceptas; sed apud omnes gentes & nationes gratiosas, ob praetans' iudicium, singularemque excellentiam & diuinitatem ingenii tui.

Vale. Cal. April. Lucas.



EX



EX ORATIONE  
M· T· CICERONIS  
PRO L· MVRAENA

ARGVMENTA POTIORA AD QVAE & PALEARIVS IN  
SEQVENTI ORATIONE RESPONDET

**Q**vae precatus sum a diis immortalibus, iudices, more institutoque maiorum illo die, quo auspicio comitiis centuriatis L. Muraciam consulem renunciani, ut eares mihi magistratuique meo, populo, plebique Romanae, bene atque feliciter eueniret: eadem precor ab iisdem diis immortalibus, ob eiusdem hominis consulatum una cum salute obtinendum; & ut vestras mentes atque sententiae cum populi Romani voluntate, suffragiisque consentiant; ea que res vobis populoque Romano pacem, tranquillitatem, otium, concordiamque afferat. Quod si illa solennis comitorum precatio consularibus auspiciis consecrata, tantam habet in se vim & religionem, quantum reipublicae dignitas postulat; idem ego sum precatus, ut iis quoque hominibus, quibus hic consulatus me rogante datus esset, eares fauste, feliciter, prospereque eueniret.

Et primum M. Catoni vitam ad certam rationis normam dirigent, & diligentissime perpendenti

momenta officiorum omnium, de officio meo respondebo. Negat fuisse rectum Cato, me & consulem, & legis ambitus latorem, & tam severae gesto consulatu, causam L. Muraenae attingere.

A quo tandem, M. Cato, est aequius consulem defendi, quam a consule? Quod si in iis rebus repetendis, quae mancipii sunt, is periculum iudicij praestare debet, qui se nexu obligauit; profecto etiam rectius in iudicio consulis designati, is potissimum consul, qui consulem declarauit, auctor beneficij populi Romani, defensorque periculi esse debet.

Negat esse eiusdem severitatis, Catilinam existium reipublicae intra moenia molestiem, verbis & pene imperio urbe expulisse, & nunc pro L. Muraena dicere. Ego autem has partes lenitatis & misericordiae, quas me natura ipsa docuit, semper egi libenter; illam vero grauitatis, severitatisque personam non appetui, sed a republica mihi impositam sustinui, sicut bnius imperii dignitas in summo periculo ciuium posculabat.

Obiecta est Asia, quae ab hoc non ad voluptatem & luxuriam est experta, sed in militari labore peragrata.

Saltatorem appellat L. Muraenam Cato.

Atque haec quanquam praesente L. Lucullo loquar, tamen ne ab ipso propter periculum nostrum concessam videamus habere licentiam fingendi, publicis litteris testata sunt omnia: quibus L. Lucullus tantum laudis impertit, quantum neque ambitionis imperator, neque inuidus, tribuere alteri in communienda gloria debuit.

Summam video esse in te, Serui Sulpiti, dignitatem generis, integritatis, industriae, ceterorumque or-

ornamentorum omnium, quibus fretum ad consulatus petitionem adgredi par est. Paria cognosco esse ista in L. Muraena: atque ita paria, ut neque ipse dignitate vinci potuerit, neque te dignitate superarit. Contempsisti L. Muraenae genus, extulisti tuum: quo loco si tibi hoc sumis, nisi qui patricius sit, neminem bono esse genere natum, facis ut rursus plebs in Auentinum seuocanda esse videatur. Omittamus igitur de genere dicere, cuius est magna in utroque dignitas.

Qui potest dubitari, quin ad consulatum adipiscendum multo plus afferat dignitatis rei militaris, quam iuris ciuilis gloria? omnes enim artes, quae nobis populi Romani studia conciliant, & admirabilem dignitatem, & pergratam utilitatem debent habere, summa dignitas est in iis, qui militari laude acrellunt.

## IN IVRIS PERITORVM SCIENTIAM

Primum dignitas in tam tenui scientia quae potest esse? res enim sunt paruae, prope in singulis litteris atque interpunktionibus verborum occupatae. Deinde, etiam si quid apud maiores nostros fuit in isto studio admirationis, id enunciatis vestris mysteriis totum est concementum & abiectum. Posset agi lege, nec ne, pauci quondam sciebant: fastos enim vulgo non babebant.

Erant in magna potentia, qui consulebantur, a quibus etiam dies tanquam a Chaldaeis petebantur. Inuentus est scriba quidam Cn. Flavius, qui corniculum oculos fixerit: itaque irati illi, quod sunt veriti, ne dierum ratione perulgata & cognita, sine sua opera lege posset agi, notas quasdam composuerunt, ut omnibus in rebus ipsi interessent.

Fundus Sabinus meus est, immo meus, deinde iudicium: noluerunt. Fundus, inquit, qui est in agro, qui Sabinus vocatur, ego cum ex iure meum esse aio. Quidtum? inde ego te ex iure manu, consertum voco. Transfit idem iurisconsultus tibicinis Latin modo: Vnde tu me, inquit, ex iure manu consertum vocasti, inde ibi ego te reuoco. Praetor interea ne pulchrum se ac beatum putaret, atque aliquid ipse sua sponte loqueretur, ei quoque carmen compositum est, cum ceteris rebus absurdum, tum vero nullo usu. Utrisque superstibus praesentibus istam viam dico: inito viam: praeceps aderat sapiens ille, qui iniire viam doceret: redite viam: eodem duce redibant.

Cum permulta praecclare legibus essent constituta, ea iureconsultorum ingeniis pleraque corrupta & depravata sunt. Mulieres omnes propter infirmitatem consilii maiores in tutorum potestate esse voluerunt: hi inuenerunt genera tutorum, quae potestate mulierum continerentur.

Sacra interire noluerunt, borum ingenio senes ad coemtiones faciendas interimendorum sacrorum causa reperti sunt.

In omni denique iure ciuili aequitatem reliquerunt, verba ipsa tenuerunt: ut quia in alicuius libris exempli causa id nomen inuenerant, putarunt omnes mulieres, quae coemtione facerent Caias vocari.

Iam illud mibi quidem mirum videri solet, tot homines, tam ingeniosos, per tot annos etiam nunc statuere non posuisse, utrum diem tertium an perendianum, iudicem an arbitrum, rem an litem dici oporteret:

Dignitas in ista scientia consularts nunquam fuit, quae tota ex rebus fictis, commentitiis quo constaret: gratiae vero multo etiam minus. Quod enim em-

omnibus patet, & aequa promptum est mihi, & aduersario meo id esse gratum nullo pacto potest.

Sapiens existimari nemo potest in ea prudentia, quae neque extra Romanam usquam, neque Romæ rebus prolatis quidquam valet.

Peritus ideo haberi non potest, quod in eo, quod sciunt omnes, nullo modo possunt inter se discrepare.

Difficilis res non putatur, quod & per paucis, & minime obscuris literis continetur.

### IN DISCIPLINAM STOICAM

In M<sup>c</sup> Catone, iudices, haec bona, quae videamus diuina & egregia, ipsius scitote esse proprias: quae nunquam requirimus, ea sunt omnia non a natura, sed a magistro. Fuit enim quidam summo ingenio vir Zeno, cuius inuentorum aemuli Stoici nominantur: huius sententiae sunt, & praecepta eiusmodi. Sapientem gratia nunquam moueri, nunquam cuiusquam delicto ignoscere. Neminem misericordiam esse, nisi solum & leuem. Viri non esse neque exorari, neque placari. Solo sapientes esse, si distortissimi sint, formosos: si mendicissimi, diuites: si seruitutem serviant, reges. Nos autem, qui sapientes non sumus, fugitiuos, exules, hostes, infanos denique esse dicunt. Sapientem nibil opinari, nullius rei poenitere, nulla in re falli, sententiam mutare nunquam.

Haec homo ingeniosissimus M<sup>c</sup> Catō, auctoribus eruditissimis inductus arripuit: neque disputandi causa, ut magna pars, federa viuendi. Petunt aliquid publicani: caue, quidquam habeat momenti gratia. Supplices aliqui veniunt miseri, & calamitosi: festeratus fueris, & nefarius, si quidquam misericordia ductus feceris. Fatetur aliquis, se peccasse, & eius delicti veniam petat: nefarium facinus est, ignoscere.

Isti ipsi mihi videntur vestri praeceptrores, & virtutis magistri, fines officiorum paullo longius quam natura vellet proculisse, ut cum ad plenum animo contendissimus, ibi tamen, ubi oporteret, consideremus. Nihil ignoueris: immo aliquid, non omnia. Nihil gratiae causa feceris: immo resistito gratiae, cum officium & fides postulabit. Misericordia commotus ne sis, etiam in dissoluenda severitate: sed tamen est laus aliqua humanitatis. In sententia permaneto: enim uero, nisi sententia alia vicerit melior.

Agit mecum austere & stoice Cato: negat, verum esse allici benevolentiam cibo: negat, iudicium hominum in magistratibus mandandis corrumpi voluptatibus oportere. ergo ad coenam petitionis causa si quis vocat, condamnetur. Quippe, inquit: tu mihi summum imperium, summam auctoritatem, tu gubernacula reipublicae petas fouendis hominum sensibus, & delinie-  
dis animis, & adhibendis voluptatibus? utrum lenocinium, inquit, a grege delicate iuuentutis, an orbis terrarum imperium a populo Rom. petebas? horribilis oratio, sed eam usus, vita, mores, ciuitas ipsa respuit.

#### QVAE AD CRIMEN AMBITVS SPECTANT.

Nunc mihi tertius ille locus est orationis de ambitus criminibus, perpurgatus ab iis, qui ante me dixerunt, ame, quoniam ita Muraena voluit, retrahendus. Quo in loco Postbumio familiari meo, ornatisissimo viro, de diuisorum indiciis, & de prebenfis pecuniis, adolescenti ingenioso & bono Ser. Sulpicio de equitum centuriis, M<sup>·</sup> Catoni homini in omni virtute excellenti de ipsius accusatione, de S<sup>·</sup> C<sup>·</sup> de republica respondebo.

Tolle mihi e causa nomen Catonis, remone ac praetermitte auctoritatem, quae in indiciis aut nihil

va-

valere, aut ad salutem debet valere, congregdere mecum criminibus ipfis.

Dixisti S. C. me referente esse factum. Si mercere corrupti obuiam candidatis issent, si conducti sectarentur, si gladiatoribus vulgo locus tributus, & idem prandia si vulgo essent data, contra legem Calpurniam factum videri.

Multi obuiam prodierunt de prouincia deceden-  
ti, consulatum petenti: solet fieri: ecce autem non  
proditur reuertenti? quae fuit ista multitudo? primum  
si tibi istam rationem non possum reddere, quid habet  
admirationis, taliviro aduenienti, candidato consula-  
ri, obuiam prodisse multos? quid si etiam illud addam,  
rogatos esse multos? quid si omnes sociates venerunt?  
quarum ex numero multi hic sedent iudices. quid si  
multi homines nostri ordinis honestissimi? quid si illa  
officiosissima, quae neminem patitur non honeste in ur-  
bem introire, tota natio candidatorum? si denique  
accusator noster Posthumius obuiam cum bene magna  
caterua sua venit? omitto clientes, vicinos, tribules,  
exercitum totum Luculli.

Ad spectacula sunt tributim data, & ad pran-  
dium vulgo vocati: et si hoc factum a Muraena omni-  
no iudices non est, ab eius amicis autem more & mo-  
do factum est.

Praefectum fabrum semel locum tribulibus suis  
dedisse.

Non igitur si L. Natta summo loco adolescens,  
qui & quo animo iam sit, & qualis vir futurus sit, vi-  
demus, in equitum centuriis voluit esse, & ad hoc of-  
ficium necessitudinis, & ad reliquum tempus gratio-  
sus, id erit eius vitrico fraudi, aut criminis.

Nec

*Nec si virgo vestalis, buius propinqua & necessaria, locum suum gladiatorium concessit huic, non & illa pie fecit, & hic a culpa est remotus.*

*Nunc idem sq;alore sordidus, confectus morbo, lacrimis & moerore perditus, uester est supplex, iudices, uestram fidem obtestatur, misericordiam implorat, uestram potestatem ac uestras opes intuetur, et.*

AONII PALEARII VERVLANI  
O R A T I O F  
IN L· MVRÆNAM AD IVDICES:  
*Scripta ad exercitationem.*

**N**unquam ego putaui, iudices, cum vel fortissimus vir ciuitatis C· Pisō legem de ambitu ferret, vel M· Tullius restituendam curaret summa contentione, ludibrio laesum iri dignitatem populi Romani: quae si iis tam cara esset, quam solent prædicare, qui primo quoque verbo patres patriæ, custodes libertatis, conseruatores fortunarum nostrarum appellari volunt; nunquam profecto L· Murraena consul nisi saluis legibus renunciatus, ac defensus fuisset. Quod si comitiis & auspiciis consularibus consecrati hominis tanta habenda ratio est, ut in eum lege agi non liceat; quid opus fuit pro Calpurnia superioribus annis tumultuosis concionibus ad Bellonae aedem vocari populum Romanum? quid proximis mensibus senatum haberi frequenter, iuratos etiam adhiberi, ut sententiam fortiter & grauiter dicerent de poena augenda? in quem obserero? si qui per ambitum consularum est adeptus,

an-

antequam ineat, his artibus scripīt, & regit in uolucro religionis? quasi vero in ea ciuitate non simus, in qua saepe alii se consulatu vltro sanctissime abdicarunt, alii legibus coacti turpissime sunt deieicti. Nulla enim bona auspicia sunt contra patriam, & commune bonum: nulla firma comitia sine legibus: nullo modo consecrari potest is, qui primum sanctiones violat, ut sit sacrosanctus. Dii enim immortales, quorum purae simplicesque mentes, omnia perspiciunt, ac vident, neque eos admittunt, neque cum iis communicant, quorum animi cupiditatibus infecti, & falli, & alios fallere consueuerunt. Quod si solennis precatio tantam habet vim, ut ratum firmumque sit, quod hoc ritu petitur; meminisse, iudices, debetis, tribunos & consules consecratos religione singillatim in lege ista ferenda, quod faustum, felix, fortunatumque sit senatui, populoque Romano, fuisse deprecatos. Quod si omen prærogatiuum tantum semper valuit, quantum ex Hetruscorum disciplina didicimus, & a patribus est obseruatum; nolite contemnere, iisdem ominibus prius fuisse sancitam legem, quam consulem declaratum Muraenam. Sed per deos, iudices, quid hoc est? quid insinuatio? quid commendatio præ se fert consularis, nisi ambitum admissum? quare ad huiusmodi artes necesse fuit conuerti oratorem: qui si aperte concederet, ac deprecaretur, & veniam peteret, esset fortasse ferendus: nunc cum tam audacter neget, & temere invehatur in M<sup>o</sup> Catonem, & Ser. Sulpitium, grauissimos & sapientissimos viros; non dubito, iudices, me bonis omnibus gratum esse facturum, si eorum causam suscipiam, qui non tam accusari Muraenam, quam comitia & legem sanctif-

si-

simam de ambitu defendi volunt. Quod primum  
abs te, M. Tulli, si Cato desiderauit, non est miran-  
dum. Tu ne, cum homo nouus, ob opinionem in-  
tegritatis ad consulatum fuisses proiectus; cumque  
principem iuuentutis & nobilitatis L. Catilinam,  
vt de consulatu deturbares, legem Calpurniam auc-  
ta poena restituisses: ausus es eius causam suscipe-  
re, qui de ambitu post eam legem primus ab inte-  
gerrimis viris est accusatus? istuc factum M. Tulli  
(ita me dii ament) nunquam non modo nobis, sed  
ne tibi quidem probabis. puto enim, te nos putare  
tua virtute in hunc locum peruenisse, non arte pren-  
fandi, ac salutandi, & comparandi suffragatores:  
quam quia nesciret Sulpitius, cum a consulatu deci-  
disse perbelle arguis, in quo non possum non mirari  
vehementer, hominem in causis agendis exercitatum,  
imprudenter prope fuisse confessum, iis rationibus,  
quibus nascitur ambitus, in comitiis fuisse superio-  
rem Muraenam: in quibus superari se facile passus  
est Sulpitius. Quod si his artibus vicisset, neque  
Catoni, neque bonis ceteris amicus esse, neque abs  
te defendi se in animum poterat inducere. Nam  
quod consul esses, magis te legibus putabat obstric-  
tum, maiorem habiturum fuisse rationem aequitatis,  
minus daturum amicitiae: nunquam commissurum,  
vt qui per ambitum, & largitionem factus esset con-  
sul, defendi se a laudato consule speraret. An si L.  
Catilina Cos. designatus fuisset, versareturque in eo  
periculo, in quo vides esse Muraenam; putasses ab  
eo, qui consulatum gereret, defendendum? Nimi-  
rum facile nobis placemus, assentamurque nobis ip-  
sis: vnde data est via, vt peccemus in omni vita. Fit  
aliquando, cum altercari cum aliquo incooperimus,

&

& ab eo metuere, quo cum gerimus inimicitias, vt obseruemus clanculum, quid agat, quibus cum sit, quid in conuiuio iratus dicat, quid scorto receperit: quod etsi sciamus, non esse facturum; clamamus tamen, vt coniiciamus in voculas hominum, vt cogamus desperationem in consilium adhibere, & fortasse etiam indicta causa vel laqueo gulam frangimus, vel securi percūtimus: & gloriamur postea, quod seueritatis personam, a republica nobis impositam, pulcherrime sustinuerimus; & non potius res nostras, & nos ipsos. Venit alter totus ex mendo compositus, humilis, demissus, abiectus, qui pro se causam dici vult: quid hunc recipimus? quid defendimus? quid amplexamur? scilicet vt misericordiae & leuitatis agamus partes? neque pudebit dicere, quidquid id flagitii est, facere nos hominibus & diis approbantibus: quibus quoniam non possumus illudere, nihil erit mirandum, si aliquando poenitebit.

Sed quoniam, iudices, qui ante me dixerunt M· Crassus, Q· Hortensius, M· Tullius, eloquentes viri, in rhetorum campis educati, non contenti furerunt de crimine tantum dicere, sed liberius vagari voluerunt; in quibus M· Tullius veluti assuetus in praeliis equus, ferox ac terribilis, vt vidistis, nunc petebat Seruum, nunc procurrebat in Catonem: licet mihi, obsecro, bona cum venia vestra, antequam de ambitu dicam, non descendere in arenam, & certamen cum eo, qui vt de Pericle dicebatur, fulmen in lingua gerit: sed veritatis sustinendae causa, verecunde & pudenter reclamare magno oratori; ne qui ad facultatem iuris ciuilis, quae per se honestissima est, & sanctissima, aut ad Stoicorum disciplinam, a summis philosophis probatam & cultam, se con-

ferre velint, huius opera abducantur: ut optimis vi-  
ris & studiis optimis defensis, a bonis ineam gratiam:  
quod nulla exercitatione dicendi, nulla eruditione,  
nullis opibus propriis, aut amicorum fretus, sed ae-  
quitate & humanitate vestra, iudices, non sim veri-  
tus repugnare eloquentissimis, & consularibus viris,  
& propter integritatem comitiorum inimicitias sus-  
cipere cum L· Muraena graues & periculofas: quem  
si tantum offendи putarem, multa, M· Tulli, in praes-  
entia dicerem de Asiae rebus, quae praeteribo: qui-  
bus fortasse concederes, non ineptum omnino fuisse  
Catonem, qui Asiam obiecerit. Nam omnes nos  
quidem scimus continentiam illam incredibilem e-  
orum, qui cum Lucullo fuerunt in Asia, & miram  
obseruantiam veteris disciplinae: quod non vtrem,  
non follem, non falculam quisquam sustulerit  
in tanta praeda. qui id fieri potuit, nisi exemplo e-  
orum, qui exercitui praeerant? quam ob rem quis  
mirerur, si in luxuria sedibus & rerum omnium af-  
fluentia dicto audientes milites, non otium aut desid-  
iam, sed signa secuti, bellum omne confecerunt?  
Ipse vero legatus, quid? mihi in his litteris fuisse  
praetermissum, quae datae sunt a Lucullo ad Senatum,  
dum alii omnes conuiua inirent, ac saltarent, qua  
continentia ad focum sedens, rapam coquebat, qua  
scilicet assuereret coenaturus aliquando in Appolli-  
ne. Ex quo dubitaui saepe, an his litteris testata sint  
omnia, in quibus neque illud erat, ubi gentium L·  
Muraena fuisset eo tempore, cum iumenta illa, onus-  
ta auro, impedimento fuere, ne rex caperetur: cum  
que a nostris militibus in Ponto collectis diligentissi-  
me sarcinis Mitridates effugit e manibus. Nam quod  
ne teruncium quidem ex Asia asportauerit Muraena,  
vel

vel illud argumento est, quod a tribus magnis oratoribus certatim defenditur: neque interim unus aut alter rabula est in foro venalis, qui non adsit aduocatus. Nam haec parua signa sunt integritatis & continentiae?

Quae quoniam omnia tam nota sunt populo Romano, quam quae maxime; venio ad dignitatem generis, in qua satis adsecuti videmur, quod parem orator, non superiorem fecerit Muraenam. Quousque tandem, iudices, eloquentia iste potens ac exultans sperabit, & mentis & oculorum aciem nobis praestringere? quid non audebit persuadere? quid verebitur dicere is, qui genus patriciorum & equitum cum plebeio pari esse dignitate contendit? quaeſo, ne ita nos stolidos esse, & truncos, & stipites arbitretur, vt non intelligamus, cum Romulus ex omni ciuitate centum patres delegisset, eandem noluisse patricii genesis & plebeii fore dignitatem. Quid Tarquinius, cum summo consensu populi Romani regnum obtinuisseſet, vt gratiam optimis referret, centum in patres legit; loca patribus & equitibus in Circulo diuisit, vt honestissime ludos spectarent, non putauit patricios & equites plus quam ceteros affici ornamento? quid cum L. Brutus, parentis libertatis nostrae, ex lectissimis equitibus, & patriciis trecentis senatorum summam confecisset, voluit nihil interesse hos ab iis, qui in illum ordinem non conscribebantur? Sunt & plebeiis familiis honores magni, atque ampli: quis neget? quot patrum nostrorum memoria de plebe accepimus magistros equitum, consules, domi militiaeque claros? quot nos vidimus, & quotidie videmus, de plebe delectos imperatores curru aurato, patriciis plaudentibus, congratulanti-

bus equitibus, Capitolium ascendere? quos non deprimimus, cum laudamus patricium genus, & equestre? tantumque abest, vt ob has laudes plebs rursus in Auentinum secedat, vt proximis superioribus annis per M<sup>·</sup> Cottam non obscure tulerit, ne equites soli, sed & patricii quoque iudicarent. Nouit enim plebs Romana vsu quotidiano ex antiquis familiis, veluti ex senescentibus arboribus, saepe esse traduces, qui non modo patrum & auorum dignitatem vultus, & corporis formam referant, sed antiquos mores, & animi effigiem non mutam. M<sup>·</sup> Scaurus cum vetustissima familia ortus esset, & patrem & auum prauumque habuisset obscuros & tenues; intermortuam generis & virtutis exfuscauit nobilitatem. An P<sup>·</sup> Scipio, cum per aetatem non liceret, amplissimos magistratus adsecutus, & cum imperio missus ad bellum ingens & periculosem fuisse, nisi splendor generis magnam concitasset exspectationem & opinionem virtutis? Quod si in belluarum foetibus permagni refert, ex qua sobole catuli sint; nihil interesse putas in hominum genere, in quo mentem ipsam saepissime transfundi videmus? Neque haec ignorat Cicero: sed id incommodi adferunt semper homines novi, vbi in altiorem locum prouehuntur, vt nullis finibus se contineant; ac, veluti cum senatu pugnarent, iactent, se refregisse claustra nobilitatis. Fuit C<sup>·</sup> Marius fortissimus vir, & prope coelestis: is iungurthinum bellum confecit, Teutonas & Ambronas fudit, Cimbros deleuit: eas tamen in republica turbas fecit, eas strages dedit, vt non minus patricii ad aedem Vestae, quam ad aquas Sestias barbari sanguinis sit fusum. Quod non eo dico, vt iudicium & aequitatem populi Romani improbem, qui voluit  
sem-

semper aditum virtuti patere ad omnes honores: sed ut contendam, illiberaliter facere eos, qui seditionem alunt in ciuitate; qui negant ab illustribus viris aliquid profici sci ad posteros, quo nobilitas sit praeferenda. Vnde vero tandem Decios, Calpurnios, Marcellos, Scipiones, & cetera robora illa reipublicae habuimus? ex quibus nati, si tales sunt, qualis Sulpitius; ingrat i est, eorum in comitiis non meminisse, inuidi splendorem contemnere, improbi non admirari virtutem: de qua diutissime dicere poteram, & quidem debebam, optime Seru:i dicam tamen breuissime, quod vnam omnes veluti diuinum quiddam videant elucere sanctitatem tuam. fides, pudor, iustitia, temperantia te sic illustrem facit, ut nihil indiges luce orationis. Quare non Sulpitio, sed virtuti putat Cato fieri iniuriam: negat vero diu saluam rempublicam esse posse, in qua dignior consulatu habeatur, qui cum hostibus aliquando dubio marte contenderit, quam is, qui cum cupiditatibus explora ta victoria pugnarit, & vicerit semper. Magis ab iis periculum esse reipublicae clamat, qui per diuisores populum corrumpunt, qui leges negligunt, quam a regibus ipsis, quibus cum hoc tempore Cn. Pompeius bellum gerit. Fuit patrum nostrorum memoria in Italia Pyrrhus, tentatus, quid ferret fors, quem hera regnare voluisse: fuderat exercitum nostrum, ac fugerat, domi tamen integritas Fabricii, Appii fortitudo, Curii continentia erat: quas expertus hostis, & admiratus, vixus abiit: quod ii essent homines Romæ, quibus dii immortales superiores esse non possent. Fuit in Italia Annibal multos annos, & prope omnia occuparat, praeter integritatem & prudentiam ciuium: quorum uno consilio Scipio in A-

fricam missus est, & Italia belii terroribus liberata. Quo in loco libenter istos rogarim, qui ad rem bellicam omnia referunt, quid P· Scipionis ad Ticinum? quid T· Sempronii ad Trebiam? quid C· Flaminii ad Thrasimenum concursus cum magnis copiis, profuit populo Romano? C· Minutii ferocia damnum attulit, C· Terentii studium pugnandi ignominiam & calamitatem Cannensem: quid ipse Q· Fabius Maximus armis? quid Claudius Marcellus virtute illa militari efficere tandem potuit? erat nihilo secius in Italia Annibal, omnia ferro igneque vastabat. Vnum illud consilium prudentissimorum ciuium, qui ad gubernacula reipublicae sedebant, magnum imperatorem, qui in Hispania victor per Pyreneum & Galliam vi erumpens, per angustias Alpium, per convales gelu & pruina rigentes, per iuga altissima niue obducta, & praecipites rupes peditum octoginta, equitum millia decem traduxerat: tot postea rebus feliciter gestis, vnum, vnum consilium fregit, fuguit, Italia expulit. Est quidem Africani nomen illustrius, quam eorum, qui consilium dederunt: non tamen propterea negandum, istos ipsos fuisse auctores omnium commodorum. Iisdem consultoribus bellum gestum est contra Antiochum, & Graecia provincia decreta est L· Scipioni: de quo cum senatus dubitaret, an belli molem posset sustinere, statuit, ut legatus fratri Africanus proficiuceretur: quo consilio Antiochus vinctus, omnibus provinciis citra Taurum montem cessit. Quis hic non videat prudentiam ciuium, expedentem munia imperatorum? a quibus si praecleara quaedam proficiuntur, & ex urbana prudentia optimi imperatores; quis neget, armis imperatoriis urbanam togam anteponendam?

An

An non hac ratione deos ipsos colimus? fatemurque auctores omnium rerum, quae a nobis getuntur: quod mentem & consilium suum nobis impertiant? Quid senatus frequens? quid conciones ad populum? nonne concilia quaedam videntur deorum immortarium, quae ab Homero & antiquissimis poetis describuntur? Dicunt illi sententias graues, & ex fati similitudine regunt orbem terrarum: agunt senatores & consulares viri de republica, & ex legum constantia tot urbes, tot gentium regna, tot nationum prouincias moderantur: mittuntur, si quando opus est, non vulgares dii cum mandatis ad Priamum, ad Agamemnonem, ad primores Argiorum: perferunt legati populi Romani mandata ad reges & principes ciuitatum, quae ad orientem & occidentem solem spectant. Illi saepe religione violata, concitatis tempestatibus fruges perdunt, pecora exterminant, urbes delent: laesa dignitate populi Romani, iubentur veluti ministri & asseclae voluntatis senatus, mature cum exercitu exire imperatores, qui excursionibus agrum vastent, diripient pecuaria, oppida euentant. Qui & quales hi sunt viri, qui haec mandare possunt imperatoribus? Ex his unus est, atque amplissimus, Sulpitius, qui cum multos abhinc annos ad rem publicam accessisset; arbitrabatur, se aliquanto dignorem esse in petitione consulatus militari homine, qui forum nunquam attigisset. Ea de re declamauit, ut vidistis, iudices, is, qui multis viris nobilibus praelatus est ob haec ipsa studia urbana, & ciuilem prudentiam, senatoriamque dignitatem: quam cum Sulpitius scientia iuris ciuilis honestasset, putabat aliquid habere se, quod non obesset petitioi ni consulatus. Nam cum a pueritia gloriae desiderio

arderet, ut omnigenere laudis excelleret, cum diligenti obseruatione oratorum nostrorum, tum imitatione Atticorum hominum castum, purum, cultumque dicendi genus adsecutus esset; totum se, ut ex arte diceret, ad Graecorum rhetorum praecepta convertit. Athenas profectus, auditis oratoribus Graecis, ad philosophiam quoque animum adpulit, & liberales artes: in quibus partitionem non fecit, sed vniuersas est complexus. ex quibus vix credibile est, quae ornamenta & adiumenta in urbem reportarit. quae ab illo scripta sunt eo tempore, sunt in manibus omnium. Poterat iis esse contentus, nisi magnitudine ingenii noluisset in secundis consistere. Vtebatur familiariter Scaeuela: quem cum sapientem haberi & esse intelligeret, eius monitu non satis dignum putauit oratorem, cui primae deferrentur, qui vel iniuria, vel iure aliquod factum contendat; & ipse ignoret, quid ius sit, quid aequum, qui sensus latorum legum. quod si turpe est argentarium, mensis palam propositis, cum pecunia numeranda est, currere ad foeneratorem, & versuram facere; an oratori erit honestum, cum causa dicenda est, cursare ad juris peritum, ut eius opera vtatur? Philosophiam in oratore Hermagoras requirebat: an earum rerum peritiam, quae quotidie versantur in foro, contemisset? Hoc consilio ius ciuile didicit: at in aetatis maturitate nihil sibi putauit antiquius, quam prodesse ciuibus suis. quare ad ius scribendum animum adiunxit, quo sine nullam putat stare posse rempublicam. Tulit id grauiter M· Tullius, quod relictis studiis oratoriis, veleti minoribus, pluris facere Seruius videretur scientiam iuris peritorum. Dissimulauit aliquid, sed occasionem nactus tandem erupit: inuectus est, &

ca-

cauillatione vsus liberius, quam deceret consulem populi Rōmani. Quid ergo est? fuerunt illa quidem a Cicerone contra iurisperitos luculenter, fuerunt ingeniose dicta, fateor: ostendit in his Cicero aciem ingenii sui, confiteor: persuasit etiam quibusdam, quod est finis oratoris, fortasse: at si falsa esse contendam; non facio iniuriam. neque enim oratoris officium est vera dicere, sed apposite dicere ad persuadendum: versatur enim orator saepissime in eo, quod dialectici & rhetores probabile appellant. Colligam tamen omnia strictim, quod de M<sup>·</sup> Catonis studiis etiam, de lege ambitus, de accusatione est dicendum.

Ridet M<sup>·</sup> Tullius Cicero iurisperitos, & suspirat M<sup>·</sup> Porcius Cato: suspirat, & quid inquit? di immortales, quam ridiculum consulem habemus: quibus paucis, praedicto que suspirio, putabat Seruius satis fuisse responsum. Sed occurro ego desiderio & exspectationi multorum, iudices. Quid primum obiicit? obseruatione dierum vulgata a Cn. Flauio scriba, imminutam esse auctoritatem & existimationem iurisperitorum: nunquam, mehercule, iureconsulti in eo positas iuris putarunt, vt ab editione dierum ius penderet: cum commune quidquam nihil habeant dies, cum ratione iuris. id facile probant, quod in iuris definitionem dies non cadat. An non hoc illi simillimum est? tribulis meus, homo agrestis, sed non indoctus, sanctissimos putat esse pontifices, quod dibaphum induant: num si omnes dies fasti essent, ius esset minus sanctum? num minor esset auctoritas iurisperitorum? ius ipsum per se sanctum est, natum, profectum ab aeternis illis mentibus, quae in nos saepe vltro se transfundunt, & mo-

nen, quid rectum, quid iustum sit: vt honesta imperemus, prohibeamus contraria. Deos ipsos non videmus, sed hanc eorum praepotentem vim saepe in animis sentimus, ita vt ardeamus aliquando ira, si quid iniuste fieri videmus; laetemur, si quid sit benefactum; damnemus culpam, defendamus innocentiam, virtutes praemiis, vitia suppliciis digna iudicemus: hoc, quidquid est, diuinum profecto est. Quod si, veluti deorum interpres explicant apposite, & nobis enunciant iurisconsulti; quis neget, magna eos esse sanctitate, & summa debere apud omnes esse existimatione? Proximum huic caput est, quo formulas iureconsultorum veterum ridet. Dolent iurisperiti non se, sed optima & aurea tempora indignissime rideri, ab eo praesertim, a quo minime erat exspectandum: quae si risu digna essent, non tam ridendum putant ius ciuile. nam formulae multae immutatae sunt, & possunt immutari quotidie: abeunt & redeunt dicendi modi: stabile tamen ius est, & firmum, quamdiu humanum genus rationis est particeps. Quod vero queritur, formulas & notas praescribi a iurisperitis, vt omnibus rebus intersint: queritur praeter aequum & bonum. est enim id profecto perquam necessarium. Nam si cuique esset integrum scribere ac dicere ex animi sui sensu, controversiis nullus esset modus: vix cum in angustissimum locum res adducta est, vt formulis ipsis & compositis notis omnia distinguantur, id possumus adsequi, ne ex scripto litigent homines, ne quotidie manum & ferrum conferant: Dii boni, quae turbae essent, si petitiones, responsiones, pacta, conuenta, stipulationes, testamenta, iudicia nullis cancellis continerentur? an non hoc esset homines reuocare ad sil-

siluas? Atque ut ad singula apposite cum iurisperitis respondeam; reieci in hunc locum, quod tenuem scientiam appellauit iurisperitorum: quod res paruae sunt, prope in singulis litteris, atque interpunctionibus verborum occupatae. Quod si hic tantum exprobrasset M<sup>r</sup> Tullius, aiunt, se id potuisse ferre. Quid ergo est? queruntur, saepe in aliis orationibus effusum esse hoc virus acerbatis. Quid, inquit, me ad verborum angustias, & ad omnes literarum angulos renucas? Rogant iurisperiti, an non hoc idem sit in philosophia, & in oratoria ipsa facultate, non modo apud Latinos, sed etiam apud Graecos? Sed quoniam monent quidam, in oratione latina non plus nos debere græce loqui, quam in graeca latine; seruemus institutum, adhibeamus exempli causa voces latinas. Quantum interest, si dixerit Teucer, cum occisus est Ajax, aderat Vlysses; vel, aberrat Vlysses? quantum si dixerim, abduxit virginem, aut virginem adduxit Thraso? tantum interest, vt stolidus omnino sit, qui non videat, quantum interest. At id est ex singulis litteris: quid possint interpunctiones, videamus. *Nicomachi filius vir bonus minime multos laedit*: quanti est interpunctio? vir bonus minime: vel, minime multos laedit. Et ex rhetoribus illud, *testamento rex iussit ponisti statuam auream hastam tenentem*: quanti refert, quo loco sit interpunctio, an statua hastam tenens aurea esse debeat, an hasta aurea tantum? Quod vitium ne ita facile vici posse dicat Cicero, viderit ipse in illis verbis, dum iurisperitos ridet. Mulieres omnes propter infirmitatem consilii maiores in tutorum potestate esse voluerunt. Incertum dubiumque est, an mulieres voluerunt, an maiores voluerunt. Et in oratione,

quam

quam habuit pro C<sup>·</sup> Rabirio, perduellionis reo, roga-  
bat Labienum; cum omnium ordinum homines, qui  
in salute reipublicae salutem suam repositam esse ar-  
bitrabantur, arma coepissent, *quid tandem C<sup>·</sup> Rabi-*  
*rario faciendum fuit de teipso Labiene quaero?* Falli quis  
poterat, num, quaero quid faciendum fuit C<sup>·</sup> Rabi-  
rio de teipso; vel (vt certe est) quaero de teipso La-  
biene, quid faciendum fuit C<sup>·</sup> Rabirio? quod inter-  
punctione vel coniectura dignoscimus. Sexcenta  
sunt, ne omnia prosequar, in scriptis tuis M<sup>·</sup> Tulli,  
& antiquorum, quae egent interpunctionibus.  
*quid ergo obtrectas de interpunctionibus vni fa-*  
*cultati iurisperitorum?* Quod clamas, genera tuto-  
rum mulierum potestati contineri commento iuris-  
peritorum; si ea genera sunt, quae praetoris permis-  
su mulieribus possunt concedi, potestatem praetori-  
am bene video, mulierum quidem nullam: ad co-  
emtiones faciendas senes repertos interimendorum  
sacrorum causa, nihil est quod accuses. quasi vero  
non satis sint mattonae vsu vxores, vt priuata sacra  
solennia, perpetua maneant: haec quae in manum  
conuenit, columen est familiæ, praesidium fortu-  
narum, dulcis & contubernialis haeres. Nam quod  
insimulas ac imponis, credo ioco, quia in alicuius  
libris, exempli causa, id nomen inuenerant iurisperi-  
ti, putarunt omnes mulieres, quae coemtionem fa-  
cerent, Caias vocari; nimium lepidus es, qui cum  
tenebas omnem antiquitatem, res Romanas Graecis  
velis esse notiores, quam tibi. saepe illi celebrant Ca-  
ias appellatas vxores per coemtionem, ob Caiam  
Caeciliam, honestam & lectam mulierem, quae vni  
*ex Tarquinii liberis nupta est:* cuius statua in An-  
templa constituta fuit, cum sandaliis & eolo, quae  
domesticae curae & frugalitatis essent monumenta.

Ec-

Equis alius est? nunc in memoriam redeo: familiaris tuus M<sup>·</sup> Varro, qui descriptiones temporum, qui sacrorum iura, qui omnium diuinarum humanarumque rerum nomina, genera, officia, causas aperuit: is lanam cum colo & fuso Tanaquilis, quae eadem Caia Caecilia vocata est, in templo M<sup>·</sup> Anci fuisse scribit; factamq. ab ea togam regiam vndulatam in aede Fortunae, qua Seruius Tullus fuerat vsus: vnde factum est, vt nubentes virgines comitetur colus comta, & fusus cum stamine. Caiae ergo appellatae, ut frugi essent, cuiusmodi fuit Caia Caecilia. Quod de arbitro & iudice, de die tertio & perendino, de lite & re obiicis, nolo plura dicere. hoc tantum dicam, de verborum significazione a nullis diligentius fuisse scriptum, quam a iurisperitis: atque hoc ipsum, quid arbiter sit, quid iudex, ab ipsis hominibus nos copiosissime scire. Quod ergo colligis, dignitas in ista scientia consularis nunquam fuit: qui id probas? quae tota ex rebus fictis, commentitiisque constaret: id negant iurisperiti, quod ex rebus veris certisque eorum scientia sit. An, obsecro, statuere, quid aequum iustumque sit, suum cuique tribuere, quae facienda sint iubere, prohibere contraria, res fictae & commentitiae sunt? gratiam sibi ex hac facultate homines comparare non possunt. Haec prima laus est iuris scientiae: assentatoris & sophistae, simulatoris ac dissimulatoris forensis est aucupari gratiam. Atque vt mirere, ob id ipsum, quod gratiam comparare non possunt, ob id ipsum sunt gratosi. Quod omnibus patet, & aequum promptum est mihi, & aduersario meo, id ius aequabile est: quod neque distinguit diuitem hominem ab inopi, neque amicum ab inimico. tantumque absit vt verum sit, quod obii-

ci-

citur, quod neque extra Romam usquam, neque Romae valeat haec facultas: ut iudicio aliquando tuo, si tibi constans esse vis, nihil pluris sit ad regendas urbes hac una facultate. Quod deducis, hac scientia peritum neminem haberi posse, quod in eo, quod sciunt omnes, nullo modo possunt inter se discrepare: quod sumis, hoc erat probandum. Quod sciunt omnes: id quoque si probes, non vides, quo te includas. necesse est, eos omnes, qui sciunt, esse peritos: & qui tales sint, in peritis haberi. Difficilis res non putatur, quod & per paucis, & minime obscuris litteris continetur. Utinam istuc vere dices M<sup>•</sup> Tulli, quid si alibi dixisti, *artem iurisperitorum uberem & diffipatam?* an non una hac ex omnibus Graeciae ciuitatibus accepta iura, & nostrorum sapientum responsa, plebiscita, senatus consulta, decreta, leges continentur? parua ergo facultas? Quod si, ut in graeco proverbio est, quae difficilia sunt, ea pulchra; pulcherrima est facultas iurisperitorum. Multa sunt perpendenda ex iure naturae, quod non omne genus causae scriptis potuit comprehendendi, nec comprehendetur unquam: quae relictæ sunt ingeniosis unis iurisperitorum. Illud vero quanti est? quod latinis, purisque litteris sunt omnia illustranda, & iurisperitum in primis bene oportet esse eloquentem? huic accedit, quod si philosophia, quae ad mores attinet, tantis laudibus digna est, quantis eam extulit semper Cicero, quod mater omnium artium sit, dominum & inventum deorum; non video, qui reiicere possit hanc facultatem, quae pars optima est moralis philosophiae: sine qua non regna, non urbes, non denique vita hominum stare potest: quam qui contemnendam putat, is vincula reuelliit, non modo

iu-

iudiciorum, sed etiam vtilitatis vitaeque communis. Quid vero est tam necessarium retinere in vrbe, quam prudentiam ciuium? quid tam admirabile, quam vnum aliquem existere vsu & exercitatione probatum, qui nosse posset animi eorum sensum, qui multis ante annis fuerunt? quid tam denique vtile, quam leges aut scribere, aut restituere, aut tractare ad communem vsum; & prouidere, ne quem mali habeant nocendi locum? Haec curat Sulpitius, interpres legum, propugnator iuris, defensor aequitatis: & propterea acceptissimus M<sup>o</sup> Catoni, integerrimo viro: praeter quem non habet respublica, mihi credite iudices, non habet respublica, vnde praesidium expectet, qui consuleatur, qui atixilium ferat, cuius fidem imploret. In summum periculum atque discrimen adducta est: diuino quodam iudicio M<sup>o</sup> Cato venit, non incidit in disciplinam: .quam oppugnat, rerum vel nescius, vel dissimulator M<sup>o</sup> Tullius. Una haec est, quae potest aegrotis & infectis animis ciuium mederi. vix credibile est, quam late diffusa pestis per omne corpus reipublicae grassetur, ad quam propulsandam non Epidaurum mittendi legati, non Aesculapio opus est, sed veritate vestra, iudices, & restitutione veteris disciplinae. auaritia, libido, luxuria, audacia omnia occupauit: non priuata res, non publica antiquum obtinet. animi imbuti malis cupiditatibus, molles, effeminati, distorta depravataque sunt ingenia: comitia, magistratus, leges, quisque ex suo commodo aestimat; iura diuina atque humana seruiunt hominum cupiditati, his misericordis perditisque temporibus, corrupta ciuitate, non Graecis non barbaris, sed nobis scripta diuinitus vindicentur praecepta illa colenda & obseruanda,

SA-

SAPIENTEM GRATIA NVNQVAM MO-  
VERI NVSQVAM DELICTO CVIVSQVAM IG-  
NOSCERE. NEMINEM MISERICORDEM ES-  
SE NISI STVLTVM ET LEVEM. VIRI NON  
ESSE NEQVE EXORARI NEQVE PLACARI.

Salus ipsa, si velit, non potest nos magis ser-  
uare, quam haec doctrina: nam cum sapienter le-  
ges a maioribus nostris constitutae sint, ne aequali-  
tas iuris oppugnari possit; illud in primis est sapi-  
entis hominis, qui ad rem publicam accedit, gratia  
non moueri. Sapiens cum is sit, qui & scientia &  
vi mentis rerum omnium comprehendat rationem,  
rebus veris & certissimis ducitur: opinari ergo non  
potest. quid mirum? si neque falli potest, neque huc  
neque illuc impelli, quemadmodum stultus & leuis,  
qui in eo ipso, quod ignoscit, & misericordia senten-  
tiam mutat, peccat vel improbitate, vel imperitia.  
Iuras tu populo, recipis senatui legum custodem fo-  
rete, quem video esse euersorem, & non es impro-  
bus? Nescis, multos venire cum lacrimis & squalore,  
vt iuri vim adferant, & non es imperitus? Viri erat,  
primum statuere, quid bonum, quid aequum esset:  
& id recipere, quod esset aequum & bonum: deinde  
neque exorari, neque placari. Nam si ignoscen-  
dum est, cur huic potius quam illi? vel si omnibus  
ignoscendum, quid sunt leges, nisi verba inanissima?

SOLI SAPIENTES REMPVBLICAM ET AE-  
QVITATEM ADMINISTRARE POSSVNT. SOLI  
SVNT LIBERI SOLI DIVITES SOLI HONESTI  
ET FORMOSI. QVI SAPIENTES NON SVNT  
FVGITIVI OMNES EXVLES HOSTES INSANI.

Haec ita vera sunt, M· Tulli, vt digna ingenio  
tuo, postulent aliquando abs te illustrari. Depo-  
ne

ne personam patroni, remoue causam Muraenae: libenter ego abs te hoc iudicio, hoc concursu doctissimorum hominum audiuerim, quid sentire in hac re me velis. Nam per deos, quid hoc tandem est? negas, solos sapientes esse liberos? quos tu mihi alios producis? vindicta ne? censu ne? an testamento? an eos fortasse, si diis placet, qui multatum sint imaginum, & perpaucorum hominum, qui aequa vitiis seruant? Si animus est, qui agit, qui moderatur, qui imperat; is si captus est, quid est in homine liberum? Vitiorum crudelissimus est dominatus: habet qui tergit, qui vertit, aliquod vacuum tempus dum coenat, dum dormit: at cupiditates & libidines, magnos reges neque interdiu neque noctu sinunt quiescere. Quid dicam de iis, qui inuidia, qui odio, qui iracundia quasi effrenato equo feruntur? qui cursu concitatus, & incensus calcaribus, neque sessorena audit, neque habenas curat: quam multa admittunt, quorum e vestigio necesse est eos poenitere? An qui amant, hi ne sunt liberi? qui in alio se dicunt viuire, non mentis compotes. Saepe in fabulis audiimus haec mancipia meretricularum: ego ne illam? quae illum, quae me, quae non? sine modo: mori me malim, sentiet, qui vir siem. Quid postea? labascunt vel lacrimula, vel uno verbo tam cito, ut servi admirantur, ac clamant: dii boni, quid hoc morbi est? adeon' homines immutarier? Quae spectacula nobis poetæ valde boni proponunt saepe, ut a voluptate, veluti a Circe caueamus, quae facile homines vertit in bellus: quam quia soli contemnunt sapientes, soli sunt liberi: qui (vel quantulum hoc est?) neque nexus dominorum fieri servi possunt, neque vi abduci, neque ab hostibus capi. Siquidem

sapiens non est id, quod digito demonstrari potest, fragile, mortale, caducum: sed animus ipse, qui viget, qui meminit, qui sempiternus se mouet. Hunc quis vim adferat? quis faciat, ut nolit, quae velit? quod si animi sola est libertas, sola opulentia; soli sapientes sunt liberi, soli diuites, qui sua virtute contenti nihil quaerunt, nihil peruult, nihil optant amplius. Desunt multa tetrarchis, desunt multa regibus: sapientes abundant, & beati sunt, & beare alios possunt, & beant infinitos homines: neque propterea eorum copiae sunt minores, non decrescent facultates. Sunt in urbe, qui suis fructibus aere exercitum possunt, & nemo est diues. sunt ex portu, sunt ex decumis, sunt ex scriptura vestigilia populi Romani, & mira est inopia: profecto aut ingenia ciuum, aut vestigalia facta sunt deteriora. Multi sunt Publicani: at Fabricii, at Curii, at Coruncanni illi locupletes perdiu nulli: qui quod cultu corporis agresti ac rustico fuisse dicuntur, multo mihi videntur fuisse formosiores iis, qui delibuto capillo per forum volitant: quorum animos si possemus cernere, incredibile odium sui excitarent. Nihil est enim virtute formosius, nihil turpius vitio: quod quoniam a ratione, quae nobis propria est, deturbat homines, & a sapientia longe arcet; nonne tibi, M<sup>•</sup> Tulli, itidem videntur, ut Catoni, omnes imperiti, exules, extores? Quod si, qui sine causa alios laedunt, & hostes sunt, & insani: num qui vltro temere se, & alios perdunt, erunt sapientes? qui sentiunt, & dicunt aliquid, quod non sit, sibi videri, furere dicuntur: ii, quibus turpia honesta, mala bona videntur, quo nomine sunt appellandi? Orestes cum matri manus attulisset, agitatus est furiarum tacdis

dis ardentibus: an minor L. Syllam regnum occupantem furor, & amentia inuaserat? turpem Orestes, & iniustam matrem, cuius opera pater fuera occisus, de medio sustulit: at Sylla in optimam rempublicam, in patriam & ciues suos saeuebat, nullis satis iustis de causis, & praeclare se facere arbitrabatur. Sed quid Syllam commemoro? quasi non viderimus L. Catilinam, cupiditatum ardoribus accensum, animo ferri in patriam inimico, de excidio urbis cogitantem, de necando senatu, de templis deorum intendendis? quid est, si non hoc insaniam est? Qui illum noctes & dies furor agebat, ageret omnes imperitos, si cetera adfissent, quibus ille adductus est ad cogitandum & sperandum. Multi erunt Syllae, multi Catilinae, nunquam hac impunitate nobis deerunt seditiones magnus est in ciuitate campus corruptionis, multis apertus cursus ad regnum. istis itineribus ibat Sp. Cassius, istis Sp. Melius, istis M<sup>tr</sup> Manilius. Recordamini per deos immortales, iudices, quantum saepe fuit periculi: nunc his moribus, hac caligine temporum non est timendum? quid nocturnum praefidium disponis? quid cohortes explicas? quid ex cubiae & vigiliae istae nobis prodeesse possunt, M. Tulli, si ambitio, si auaritia, si luxuria ciuitatem occuparit? quid anseribus cibaria locamus? quid canes alimus in Capitolio? Vereor iam, ne barbari nostras impensis rideant, cum viderint a custodibus libertatis ea excludi, quibus unis salvi esse possumus. Vbi nam ille mos maiorum nostrorum? vbi illa integritas? vbi seueritas est? quae turbulenta reipublicae temporibus caput etigere, & vociferari solebat, & regio dominatu liberare? Quid

reficiet, aut recreabit mentem meam? cum videam  
a consule laudari prensandi studium, ambiendi dilig-  
entiam: obiurgari Sulpitium, quod integritatis  
fuerit obseruantior: ob grauitatem iniuriose appell-  
ari Stoicum, & rideri Catonem? Videbis, videbis,  
M· Tulli, si quando pro salute patriae vita sit pro-  
fundenda, quantum ad pietatem accendere possit  
Stoica disciplina, qua vna lex ambitus nititur, &  
quaecunque alia lata est vnquam ad coercendam lu-  
xuriam, auaritiam, ambitionem. Nemo legi am-  
bitus amicus est, & huic disciplinae inimicus. Quid  
ita? quia nemo esse potest integritatis amator, & op-  
pugnator seueritatis: cuius obseruantissimum non  
Zenonem, iudices, non Panaetium, non ceteros ho-  
mines Graecos; sed auctorem generis recognoscite  
Romulum, recognoscite L. Brutum auctorem li-  
bertatis: alter, vt licentiam reprimeret eorum, qui  
dissimili genere ac lingua, moribus corruptissimi con-  
fluerant in urbem, vt in ea esset aliqua obseruantia  
legum, fratrem, quod muros transiliisset; alter libe-  
ros, quod de reducendis regibus egissent, securi per-  
cussit: vt si qua vestigia essent reliqua corruptionis,  
hac morte tollerentur. Quid his proprius potuit ac-  
cedere ad Stoicam disciplinam? quae non modo phi-  
losophis, sed principibus ciuitatis nostrae, qui do-  
mi militiaeque clarissimi fuerunt, vna semper visa  
est aptissima ad totius imperii conseruationem? Qui-  
bus illam laudibus Africanus extollebat? quibus il-  
lam Maximus, Cato, Rutilius ferebant in coelum?  
quorum tempore beatam & florentem rempublicam  
habuimus: non quod populus Romanus Graecis ar-  
tibus esset eruditior; sed quod amplissimi viri, qui  
rebus praecerant, ea disciplina oblectarentur, quae  
ad

ad integratatem vitae, ad grauitatem morum esset maxime accommodata. Quid, inquiet aliquis, populo igitur est philosophandum? quis nisi stolidus haec petat? quasi vero quiuis non intelligat, paucis esse concessum donum, & inuentum deorum. Quid ergo est? dico, eos, qui ex omni numero in consilium publicum delecti sunt, & studiorum & morum grauitate debere excellere. Solet enim fieri in eminē republica, ut tales se esse studeant ceteri ciues, quales videant principes ciuitatis. nunc Aristippi sententiae in honore sunt: eorum praecepta, qui ad voluptatem omnia referunt, latinis versibus illustrantur, eantur ad tibiam, ad multam noctem: quibus auctoribus quid tandem didicerunt nostri? pescinas in medio mari exstruere, in quas seruos commentos & obtruncatos coniiciunt, ut mulos barbatos habeant meliores; montes exaequare, ut feras alant, & interea effodiendis metallis miseris homines speciebus includunt, in quibus odore foedo, & quod de celo animam ducere non possint, moriantur. Nolo cetera: turpitudine abhorret animus a recogniendo, refudit lingua a dicendo, & dubitamus, iudices, in vrbe corrupta retinere parentem iuris, reginam aequitatis, expultricem vitiorum, Stoicam disciplinam? cuius vim vel ex eo cognoscite, quod eloquentissimus, & ingenio praestans, & vsu callidissimus orator, corruptionem, ambitum, luxuriam Muraenae non sperauit se posse defendere, nisi hanc oppugnasset: ut ea deturbata de mentibus vestris, animos oratione effeminaret. Nostis oratoris ingenium: & mehercule praecclare a vobis agetur, si quae dixerit, omnia erunt vobis plenissima suspicionis. nisi ab eo non putatis cauendum, qui cum est dicturus,

solet sibi sumere ad meditandum complures continuos dies. Quae praeterea ars? quae exercitatio? A pueritia scripsit de iis rebus commentarios, a pueritia sic declamauit, ut nulla esset causa, quae suo patrocinio digna non videretur. De gratia, auctoritate, potentia nihil dicimus. nam quod alienissimo loco & tempore contendimus, quod nec diis nec viribus pares sumus, vos oculis cernitis, iudices, & nos dolimus. Clamat tamen!, conqueritur, precatur, ac auctoritas, existimatioque aliorum sibi & suis noceat: immo vero, quod multo est aequius, ego vos aro, atque obsecro, iudices, ut sicuti fieri solet, cum tironi cum veterano manus est conserenda, si qua eorum, qui adsunt voluntatis fit inclinatio, in eam partem esse solet, quae aequitate teneri, viribus & peritia non potest sustineri; ita & vos nunc faciatis. Primum, nihil eloquentia, nihil auctoritas, nihil existimatio valeat: sed plurimum ius, lex, conseruatio ciuitatis: deinde, ut quidquid incommodi est, quod post tres summos oratores ab omnibus rebus imparati dicimus, id commodi aliquid adferat imbecillitati nostrae, quae vna spe aequitatis vestrae se sustentat.

Qua fretus, quid vereor tandem? quid cunctor de integritate comitiorum dicere, & te ipsum compellare, Muraena? volo enim de te audire, quoniam rei militaris maiorem usum habes, quam urbane, quae plaga est iniecta exercitui L. Luculli? quae pestis, quae pernicies eastra inuasit? cum veteri disciplina sublata, aliquis lasciuia atque licentia milites corrumpebat paullatim, occulte largitione solicitatbat. Nolo ego quenquam nominare: si tu nosti, quo auctore veterani secessionem facere, lixae & ca-

calones cum iumentis abire, & impedimenta deserere coeperunt; hunc latronem, hunc hostem patriæ, hunc parricidam adpellabat imperator tuus. Quod si ille faciebat veris, iustisque de causis, quid est, quod mirere, si M<sup>·</sup> Cato, si Seruius Sulpitius, si Posthumius, olim familiaris, nunc quaesitor, clamanter, accusant, quod euerteris veterem disciplinam comitiorum, malis artibus circumuenieris centurias equitum, & classes populi Romani? si castra L<sup>·</sup> Luculli deserta & capta fuissent, non negarim, non potuisse fieri sine ignominia & damno reipublicae. at poterant noui haberi delectus, aliae submitti legiones, alia castra deligi, duci, communiri altiore vallo, latiore fossa: at, quod dii prohibeant, si hanc urbem, lucemque libertatis semel amiserimus; nusquam alibi nobis imperium, nusquam Roma futura est. Quae te (malum) spes in istam insaniam adegit? ut auro, quod cepisti, vel quo potius captus es in Asia, putares posse emere dignitatem consulariem, & cibo obiciendo corrumpere populum omnium gentium victorem? In ea re tu fidem, tu pietatem, tu religionem, tu iura diuina atque humana violasti. Quae deorum immortalium, quae legum haec humanarum contemptio & iniuria est? Consularibus comitiis quid est sanctus? quae centuriata, quae iusta, quae maxima adpellantur: auspicio haec urbs condita est, auspicato comitia consularia habentur. auspicamus in aliis, fateor, sed non ita: si pulli non pascantur, si cauea exierint tardius, si occinuerit avis, haec impediuntur: si fulserit, si tonuerit, si seruatum fuerit de coelo, dimittuntur. Quid hoc est? quod omnibus rebus fulmen optimum auspicium habemus, in his comitiis est

masum: Iupiter haec comitia sciungit ab aliis. quid quod fore si rodere auditus est, quid hoc leuius videtur? Magna in his comitiis est obnunciatio: quid ita? quia nulla in re scimus deos esse praesentiores, quam in his comitiis. status, fortuna, conservatio ciuitatis posita est in magistratibus gerendis. Quantum interesse putas, boni malue sedeant ad rerum gubernationem? sine tu populi integrum esse iudicium, sine verissimis sensibus discernere tribus: appage te a classibus, ne quod virtute effici debet, tentetur pecunia. Oppugnas comitia largitione? hoc est reipublicae manus adferre, hoc est deturbare ciues suis sedibus: L. Philippus gloriabatur, se sine prece adeptum esse omnia: Curio, quod sine ullo munere, quae haberentur amplissima, esset adsecutus. Magnum signum est innocentiae, maximum virtutis, vocari inuitum ad honores: proximum, petentem sine ambitu admitti. Quod si epularum apparatu & largitione contendendum est; quo loco erunt viri boni, qui in virtute omnia posita esse censuerunt? Ergo si M<sup>c</sup> Curius, si Fabricius, si Cincinnatus reuiuiscant, turpissimi habebuntur? Non ita dii irati sunt huic virbi, vt istum velint esse sensum populi Romani, qui firmissimis legibus muniuit comitia consularia, vt essent integra, sancta, incorrupta. Quae sunt leges? Licinia, iudices, lex est de sedalitiis, lex est Fabia de numero sectatorum: est grauissima Calpurnia, quae omnes leges ambitus complectitur, restituta L. Tullio & M. Lepido consulibus: poena aucta ex edicto, quod est L<sup>c</sup> Caesare consule factum, aucta ex S<sup>c</sup> C<sup>c</sup> quod est factum M<sup>c</sup> Tullio Cicerone. Tu cum leges, edicta, senatus consulta contemseris, violaueris omnem religionem, audes tamen, Muracena

na, in horum hominum conspectum venire? audes ab his iudicibus pro scelere petere consulatum? parum hoc est, nisi etiam dices meritum & debitum. Homine pecunioso nihil iniustius; qui omne, quod ipse petit, aequum & rectum putat. Nullane religio, nulla existimatio, nullius iudicii metus pungit, ac auocat ab audacia? Itane comitia & iudicia nundinationem putas? Procede in medium male conciliare, quoniam ambitum admissum negavit patronus tuus: ego iam sic agam, ut omnes mortales tui sceleris non vestigia, sed frontem videre possint.

Erat in Gallia Muraena, iudices, eo tempore, quo Metellus in urbein a Pompeio missus dicebatur veluti fulmen ad feriendam rem publicam: qui rumor, ut scitis, ab iis natus est, qui gloriae clarissimi viri inuidabant: quibus non satis fuit, sollicitare ciues falsis nunciis, & turpissimam serere suspicionem, nisi fundamenta etiam iecissent de oppugnanda dignitate eius, qui magnis exceptis laboribus, nullis se periculis frangens, in extremis orbis terrarum partibus bellum gerit pro gloria populi Romani. hoc tempore, si meministis, agebatur de consule designando: ardebat ambitione Muraena, molestissime ferebat absentiam: venisse tempus videbat, quo periculum faceret, quid aurum Ponticum posset, & tota Asia quaestiae diuinitae. ad ea conuexus, quibus potentior accederet ad petitionem consulatus, desperatas pecunias in prouincia sibi addixit, spopondit nostris, exoluit pro peregrinis, pependit de suo, ut vna re & municipales & urbanas tribus haberet obnoxias. qua largitione sic omnes obstrinxit, vt cum in urbem venire diceretur, vndique ad eum legationes concurrerent, tanto comitatu, ut nullus

la diuersoria alere , nullae vrbes possent excipere : quamobrem iste more regio praemittebat antecursores, mulos, coquos, pulpamenta, tabernacula, ante coenam tibicines , in coena pueros vocibus, fidibus denique canere iubebat: nunquam in homine tanta fuit vanitas & leuitas. Dii immortales, quae superbia , quae ignoratio sui? cum plenissimis viis iretur, scribit ad L. Nattam , adolescentem primarium & gratiosum, sex diebus se tridui iter processisse, vt percommode cum copiis urbanis veniat obviam : pecuniam per Agathonem libertum mittit, vt si vsu veniat, quantum velit, possit largiri. ibi cum Natta conuenire sodales, gregem cogere, orare, obsecrare, prehendere vt sequantur, aliis equos emere, aliis dare vestem , pecuniam multis. Obuiam itum est usque in Umbriam, vt istum, tanquam si esset consul, salutarent. Ponite ante oculos, iudices, magnam multitudinem salutantium & resalutantium: considerate, qui sermones tot diebus haberi potuerunt dissimili hominum genere, cum biberetur ad multam noctem, luderetur alea , penstrepent omnia vocibus ebriorum. Nam quid est, quod Cn. Posthumius paternus amicus, vicinus & necessarius vetus Muraenae, qui necessitudinis causas complures , simultatis nullam commemorare potest, sedet pro accusatore? Iuerat ipse quoque obuiam , honestissime amico cupiebat, & fauisset petitioni. quid est? percuntemini: erat cum equitibus praefectus fabrum, qui fuit in exercitu Lucretii socius consiliorum, particeps praedarum. Huic mandatum est, praesente Posthumio, vt militibus, qui ad triumphum Romam conuenerant, & cum praefecto exierant, pecunia daretur, vt sequerentur.

Au-

Audite, iudices : audite, quid Fimbriani milites eundo canerent: *Me saucium recreauit, me praeda donauit, hoc duce castra cepimus, quae capiemus consule?* si haec non inter ciues Romanos, sed in aliqua solitudine dicerentur, conclamaremus, regno viam fieri. Hic cum & ciues & peregrinos largitione corrumpat, spe lactet, incendat cupiditatibus, excusatur, defenditur. O impunitatem incredibilem, o nunquam expectatam defensionem. Sed quae foris gesta sunt, si esse possunt, sint sane levia, sint exigua, sint nulla : videamus quae domi.

Venit in urbem Muraena cum exercitu, cum grandi pecunia, veluti oppugnaturus comitia, bellum illatus legibus : erant aedes regio adparatu plenae ornatorum, vestibulum novo tectorio, imagines coronis, parietes veste stragula, pavimentata opere vermiculato distincta : auro, argento, ebore omnia collucebant. hic a L. Lucullo & suis excipitur, tanta laetitia, tantis complexibus, ea salutatione, ut non ad petendum, sed ad gerendum consulatum venisse videretur. Nox tota in epulis, compotationibus & cantibus absunta est. Postero die vix lucebat, & iam ad fores L. Natta cum equitibus, M. Lucullus cum patriciis : ad quos beatus iste aedium dominus, purpura vestitus, tandem progeditur, & stipatus deducitur in campum Martium. Praefectus interea fabrum, cum ludi futuri essent, invitat tribules suos ad spectandum : locum pollicetur, unde honestissime & iucunde spectarent. Lucillam vestalem, hujus propinquam & necessariam, Muraenae nomine, Muraenae, inquam, nomine orat, ut locum suum concedat. Honestissimae sunt matronae, quae si vultis, non recusant, iudices, testi-

mo-

monium dicere. Est virgo vestalis ipsa ingenua, ea consecrata religione; vt rogata non tacere, iurata non mentiri possit. nam quod L. Natta, vt equef-trem ordinem conciliaret Muraenae, in equitum centuriis esse voluit: quid fuerit causae, rogate vitricum eius, rogate matrem, rogate domesticos. cum adolescentis litteras accepisset a Muraena, vt cum sodalibus maturitatem proficeretur, vt diximus, aliis equos emit, aliis vestem, aliis pecuniam dedit. im-pendium ad matrem serui domestici deferebant: sumtus vnde suppeditaretur, cum ignorarent, hon-poterant deferre. quamobrem misera cum se excru-ciaret, eius rogatu vitricus adolescentem ad se vocat: *Hem Natta, inquit, quid te nobis, quid tibi rem familiarem perdis? quid lancinas? quid patrimo-nium dissipas?* Bonus adolescentis, vt consolaretur, in conclave senem adducit, grandem pecuniam of-fendit missam a Muraena. Tum vero admirari, suspicari, vociferari senex, *mi fili, quid nos laqueis implicas? quid periculum creas? nam sic agere, pro-petodium nobis diem dicere est: nam hic ambitus est.* Cum responderet Natta, facile aetate adolescentem excusari posse: veritus est grandis natu, si quando haec suo consilio facta viderentur, ne posset accusati. homo antiquus seruis praesentibus cum uxore communicat; pergit ad iureconsultos: petit, an quae fierent, adolescenti vel vitrio fraudi aut cri-mini esse possent. Cum esset responsum, neque a-lienum pro candidato, neque vitricum pro priuigno teneri; nolite quererere, iudices, quam Natta audae-ter, quam effrenate cetera: turmatim equites ad se vocat, conficit pecunia, vt se in equitum centuriis esse velint. impetrat cum gratia: & miramini, si se-cutum

cuti sunt equites vsque in Vmbriam? Cum redisset  
 in urbem, noctu diuifores tribuum adit, suffragia e-  
 misit, pecunia in circo Flaminio apud Apollinis aedi-  
 tuum deponitur, quam, consule renunciato Muraena,  
 capiant. Quid est hoc, iudices? num vanum, aut  
 fictum est? Pecuniam nos per praetorem intercepi-  
 mus: quam vbi diuifores partiri inter se non posse  
 intellicherent, in Seruui petitionem omnia redundar-  
 runt. comprehensa pecunia est a nobis: clamat L.  
 Natta, indignum facinus esse, si a vitrico metuat, pe-  
 cuniam sibi non licere deponere in tuto. Aedituus  
 pecuniam delatam non negat: qui enim negare  
 potest, si comprehensa est? At qua causa delata sit,  
 minister consiliorum scire se id verq pernegat. Haec  
 suspicio, iudices, late manare debet: magna pars  
 fcculorum Asiam olet, cistophoris plena est. Vn-  
 de adolescenti, qui sub vitrico vicitat, humorum  
 tantum? quid est, quod nulli sunt bigati? quid, quod  
 noctu? quid, quod per seruos Muraenae missi sunt ad  
 aedituum? Excandescis Natta? amici seruis, in-  
 quis, tam bene vtor, quam meis. Perbelle nunc  
 concedis, quasi philosophus aliquis, omnia amico-  
 rum communia esse: si quid ego amici causa te fe-  
 cisse dicam, negas illico. Prandia, bone adoles-  
 cens, sectatoribus dedisti: nihilne ad Muraenam sus-  
 picio attinet? cum equum, vestem, pecuniam da-  
 tam abs te sodalibus aio, quereris protinus, impedi-  
 ri a me liberalitatem tuam. Quo me vertam, iudi-  
 ces? quid appellem, aut implorem, nisi prudenti-  
 am & sapientiam vestram? Cum his si de iure conten-  
 do, opera luditur: omitto tironem, exutio vetera-  
 num. Praefectus fabrum pecuniam militibus, praef-  
 sente Posthumio, mandato Muraenae dedit, & ex-

cu-

cusat. Erat illud viaticum, non largitio. Quid? quod tum dedisti, cum Muraenae itum est obviam. Quid ais? Si obuiam itum non esset, num dedisses? Non possum, inquit, diuinare. At hercle diuini & coelestes viri hi iudices diuinabunt. Praefectus iste fabrum prandia tribulibus suis, a ludo redeuntibus, dedit, plus quam trecentis. Quid est vulgo dare prandia, si haec non sunt data vulgo? Sectabantur candidatum quotidie equites, patricii, tenuiores: eorum dux, & quasi moderator erat M<sup>·</sup> Lucullus, & non fuit ambitus: quid hoc est, si ambitus non est? tracta Senatus consultum,

**SI MERCEDE OBUIAM CANDIDATIS  
IERINT SI CONDVCTI SECTABVNTVR SI  
GLADIATORIBVS VVLGO LOCVS TRIBVE-  
TVR SI PRANDIA VVLGO DANTVR CON-  
TRA LEGEM CALPVRNIAVM FACTVM VI-  
DERI.**

Quid est mercede obuiam ire, nisi emolumen-  
to accepto? Vestis, equus, non est emolumentum? Ergo si vestem militibus dat imperator, si frumen-  
tum metitur, non dat mercedem? si pecuniam dedit,  
non sunt conducti? Prandia data sunt tribuli-  
bus plusquam trecentis, non sunt data vulgo: quid  
ergo est vulgo? Quod factum est, concedunt; quod  
consectarium est, negant: turpissima fuga est. Solet  
fieri, iudices, ut qui victi sint, desperatis rebus con-  
silium saepe capere cogantur minime salutare. sed  
nos insequamur, & nullo loco finamus consistere.  
Licinia lex est de sodalitiis: dic tandem, Natta, quae  
tibi sunt sodalitates? an non eorum, quibus cum  
Muraenae itum est obviam? ante petitionem Mu-  
raenae perpauci tibi erant sudates, epulabarit modi-

ce,

ce, ingentes sodalitates a te constitutae sunt: constituta illius petitione, inuitasti centurias equitum, quas Muraenæ suffragatas videmus. Vitricus tuus, cui aequæ carus es, ac fuisti patri, negat fuisse te quenquam magis modestum, ac frugit: quod contra legem Liciniam, Cinciam & Corneliam feceris; culpam omnem coniicit in eum, qui te perdidit pecunia. Lex fabia est de numero sectatorum: de numero non laboramus, nemo deductus est in campum, nemo domum reductus est maiori numero sectatorum. Lex Calpurnia vetat, ne pecunia, ne vulgo locus, ne prandia dentur; pecunia, spectacula, prandia tributim data sunt. liberat nos, iudices, M<sup>r</sup> Tullius magno labore, ne testes producamus: sunt enim omnia in illustri loco, in conspectu populi Romani posita: fatetur patronus, concedit rei nomine. videte, in quem angulum res deducta est: tot tantisque de rebus, vnum est responsum eloquentissimi oratoris, mira est angustia, non habet iam, quo se vertat. quid inquit? Etsi hoc factum a Muraena omnino, iudices, non est, ab eius amicis autem more & modo factum est. Ita ne tandem? at isto more & modo quod fecissent superioribus annis nobilissimi viri P. Sylla & P. Antonius, consules designati, damnati sunt: Muraena absolvetur? Credo, nam quid per Deos est? *Muraena non fecit, amici eius fecerunt?* quid si Muraena fecisset, condemnaretur? Condemnaretur. Quid si per servos? quid si per amicos fecit, non erit idem? Inepta defensio est, *Pecunia data est, non est a Muraena numerata pecunia.* Fateor, ego quoque idem dico. Quid? si numerasset eius nomine argentarius, non dedisset Muraena? Natta dedit, praefectus dedit at  
ni-

nihil erat quod isti darent: Muraenae intererat, ut daretur, cuius gratia emta suffragia sunt. Non est quaerendum, cuius manu numerata sit, sed cuius iussu sit data: cum serui perferrent sacculos, tu ipse Muraena, perferebas. cum pecuniam numerarent amici illi tui, manus erant tuae: quidquid ab his datum est, quidquid numeratum est; tua manu datum, tua manu numeratum est. Nam quod tuo nomine rogata est virgo vestalis, ut locum concederet: scis quid est tuo nomine: tua scilicet causa. Sed niae ego homo ineptus sum, qui de re tamdiu differam, de qua dubitat nemo. Nam quod rescitum iri, Muraena, metuebas, egisti per amicos: quis non intelligat? quae cautio si firma esset, nemo vñquam esset tam stolidus, qui ea non vteretur. Non pudet his nugis agere? non vides apud quos iudices? ex horum severitate te villa fraus, aut eloquentia eripiet? Lex de ambitu dilucide vetat, mercede candidatis obuiam iri. itum est obuiam, merces data est: nihil refert, a quo data sit, sed qui fuerit candidatus, quaerit. Jubet, ne conducti sectentur: conducti sunt, sectati sunt. non quaerit, quorum opera, sed quem sint sectati. Vetat, ne gladiatoriibus vulgo locus tribuatur, ne prandia vulgo dentur: si tributim data sunt, quis nesciat vulgo data; si petente amico locus datus est, quis non videt e blandita suffragia?

Videtis, quo loco res sit, iudices: videtis audaciam hominum, videtis corruptionem. Vix credibile est, qui conuentus essent ad prandia, qui concursus ad cōmportationes. Itane seruire Romanos homines ventri & gulæ? vt nihil mirum iam sit, pluris venire in ciuitate piscem quam bouem, pluris vini

am-

amphoram quam olei mediumnum. Nam de auari-  
tia quid dicam? Ita ne venalia esse omnia in urbe, ut  
comitia sanctissima turpiter venditentur? ut barbari  
etiam, veluti Apollo Pythius dicant, rempubl. nos-  
tram, quod dii prohibeant, propere perituram?  
Quis huic imperio tam est inimicus, qui haec pos-  
sit audire & perpetri? Militem locupletem sperasse se  
consularem dignitatem pecunia emere, ciboque ob-  
iiciendo corrumpere comitia populi Romani ne li-  
bera essent: ita effeminare animos, ut tot rebus vic-  
tores, pecunia & cibo vinceremur? Hunc ciuem ap-  
pellabimus? hic rempublicam geret? huic libertas  
patriae committetur? quam si non poterit occupare,  
cum tanti emerit, pecunia maiore vendat? Obscro,  
iudices, consulite libertati nostrae, quae vita vobis ca-  
rior esse debet: prouidete, ne largitio omnia occupet:  
ne leges, ad quarum custodiam delecti estis, victae in  
foro turpissime iaceant, obterantur, & conculcentur.  
In comitiis consularibus, ut videris, precio & cibo ad-  
dicta fuit fides & religio: vultis hunc usum & consue-  
tudinem ciuibus vestris iniicere? vultis alere impuni-  
tatem? nunquam ambitus fuit maior, nunquam cor-  
ruptio certior. Quid si hic iudicium effugerit, im-  
probi non tentabunt? dubitatis, posthac omnia om-  
nes ausuros? utinam esset integrum. Si iudicia se-  
uera futura non sint, quam vellem, Muraenae dies  
dicta non fuisset, ne in hoc periculo versaremur:  
non enim eodem loco res est, quo fuit antea, quam  
accusaretur. tutius multo erat, Muraenam non accu-  
sari, quam nunc absolui. Cogitate diligenter, iu-  
dices, & pro vestra sapientia prospicite, quantum pe-  
riculi sit, si is hoc iudicio erumpat, cuius salus cum sa-  
lute reipubl. coniuncta esse non potest. Memineri-

D

tis.

tis postea, si hic absoluetur, breui nullam nobis futuram rempubl. Quae ea vox est? vox haec mea est, vox doloris & pietatis, non malevolentiae aut odii. Quid est? inhiant libertati nostrae, iudices, non Manlius, non Catilina, notissimi latrones, quos satis constans rumor est ab Antonio fuisse oppressos, sed principes ciuitatis opulent & gratiosi: neque armis vinci res Romana potest, sed obsequiis, lenocinio, corruptela, pecunia, largitione. Formidolosum est, & optimo cuique pertimescendum, si veterani milites Saturninum ad occupandum Capitolium excitarunt: si L. Syllae memores, libidinem Catilinae ad extinguendam rempublicam iniecerunt: si Luculli tirones legatum secuti extulerunt ad consulatum, & prostratis legibus defendunt, & de manibus vestris eripere conantur: pertimescendum est, ne legionarii, qui duces posthac sequentur, incendant imperatores nostros prauis cupiditatibus, praesertim cum plures Catilinae coniurationis participes fuisse dicantur. Quare per deos immortales date operam Catoni, iudices, expurgescimini, capessite rempublicam: is in hoc iudicio censet esse omnia, & in manu vestra positam fortunam populi Romani. Nihil vos falsae quorundam lacrimae abducant. Si quis misericordiae locus est, misereat vos in primis patriae, cui nati estis: quae diuulsa a regibus, disceptra a ciuibus, timore perdita, misera atque afflita, desperatis prope rebus a vobis auxilium petit, & de nobis sollicita est: duces armati domi forisque cum magnis copiis sunt, milites inflati cupiditatibus feruntur. Quis nos eripiet? quis liberabit, nisi sapientia, nisi seueritas vestra, iudices? eos si hoc iudicio deterrebitis, salui sumus.

## O R A T I O II.

## PRO ANTONIO BELLANTE.

*Ad iudices reipublicae Senensis.*

**S**I quis animo cernat, iudices, quid sit, quod pro fortissimo viro nemo causam velit dicere; intelliget is, qui sit reip. vestræ status, qui sicariorum concursus, quamdiu impudentium & furiosorum hominum ferocia fracta & compressa non fuerit: etenim quid aliud esse potuit? hospitem, qui aliis de causis in urbem diuerterat, vocatis iudicibus in senatum pro ciue dictufum venisse? nisi terrore & formidine omnibus impeditis, hominem oportuuisse aduocari, qui sic amicitiam coleret, ut quod reliqui non auderent attingere, ipse benevolentia adductus, maximo cum periculo dicere non extimesceret. quod cum miserum sit, non ne illud, iudices, miserrimum est? ciuem vestrum neque familiae dignitate, neque bene actae vitae conscientia, neque maiorum suorum memoria apud vos iudices sperare adiutores, patronos habere, in senatum tuto posse venire: quod cum grauiter & iniquo animo vos ferre, intelligam; spero remp. aequitate vestrâ iam respirantem, posse aliquando in pristinum statum & dignitatem vindicari. Nostis hoc aduentu clarissimorum heroum, quae bonorum omnium sit exspectatio, qui perditorum hominum timor, qui laudis vestræ fructus amplissimus. Quod nisi opinione celerius effrenatae aliquorum libidini resistatis, iudices, quid est in ciuitate sanctum, firmumque? quid, quod bonorum animos consoletur? quid, quod ab illorum iniuriis, furtis, caede, incendiis tutum esse possit? Omnia quidem, ut arbitror, nemo est, qui coruti-

perdita manu, latrociniis indignissimis municipia vastata, domos exinanitas, fana spoliata, vitae & religionis ordinem euersum non videat: hi nunc, iudices, in subselliis sedent, ante hemicyclum tuum, Osma, in conspectu tuo, Coua, versantur: nihil iudicium seueritas, nihil senatus amplitudo, nihil utriusque vestrum grauitas quidquam est, quod admoneat. Itaque audent in hunc locum amplissimum & honestissimum venire, qui permultis caedibus praeclarorum ciuium adhuc manus crurore adspersas habent, adhuc ora squalore obsita, adhuc inconstanter vocem sceleris conscientia emittunt. Quid hoc est, iudices, quod nunc primum ab Osma, viro sapientissimo animaduersum video, accusatores venire cum patrone, aduocasse C. Messanum, hominem callidissimum, & in causis huiusmodi maximo cum quaestu exercitatum? Magna quidem vis est veritatis: cognoscunt illi graui poena se esse dignissimos: norunt, se nihil habere, quod accusent, nisi vani & falsi quidpiam: putant fortasse, indigere se patrocinio: sciunt, quid tot annis impune admiserint: verentur, optimorum hominum, egregiorum ciuium occisorum manes accusare: pertimescunt, simulacra ipsa spoliata proclaimare apud vos iudices. nam ab iis, qui vivunt, quos affecere iniuriis, nihil est quod timeant: partim enim minis deterruerunt, partim in fori fauibus detineri iubent, ne huc ad vos intromittantur. Forsitan queretis, iudices, quo modo huc venerim, cum aditus omnes intercluserint, cum pericula vndeque intenderint: neque ab his praetermissum arbitramini, quo me a dicenda causa deterrerent; quin accusatorum unus A. Polenta scelerum architectus, & disciplinae huiusmodi magister, hic ipse, qui ante me est,

est, iudices, inter minas illud saepe iactauit, *bic, bic ante pedes tuos, Cona, ante hemicyclum tuum, Osma constituam oratoris caedem.* Admonebat etiam me, pro ea necessitudine, quae academiae gratia mihi est cum Iano fratre, cauerem, ne Antonii causam suscipierem. Commonebat idem vir optimus, hoc eodem anno Vlyssis Cosppii, cuius nobilissimi atque honestissimi, Bononiensis caedem non longe a foro ab huiusmodi sicariis factam, quod ab iis aes, quod deberent, repeteret. Percussit hoc primum mihi animum, fateor, iudices: incusit aliquem timorem, ut qui eorum ingenia nossem, caedes innocentissimorum hominum multas viderim. Cum vero cogitarem, quantum amicitiae, & beneficiis Bellanti deberem, quantum fidei, quod eius mandatum receperissem, a quo idcirco aduocatus, & in senatum missus essem, ut libere dicerem; non potui, quod suscepissem, non fortiter perferre: tum quod Scipionem, Amalphitanorum ducem fortissimum, maximeque illustrem, grauiter hac indigna accusatione commotum, & viros florentissimos ciuitatis, Marium Bandinum, & Franciscum Seuerinum, equites ornatisimos (quos honoris causa nomino) in hunc locum venturos intelligebam: quos ego cum multis, iustisque de causis amicissimos haberem; ab eorum latere nunquam discessi, quo usque in senatum venirem. Sciebam adfore Iohannem Palmerium, senatorem nobilissimum: quem saltem pro ea familiaritate, quae mihi est cum Foederico Carteromacho nepote, non defuturum sperabam, ut dum dicerem, illi ab iniuria temperarent. His ad ductus, huic causae patronus extitit: in qua etsi de fortunis omnibus, de capite ipso florentissimi viri ageretur; etsi scirem obstatre aduersaries potentissimos, &

qui loricati obductis gladiis in senatum venerint: nihil veritus sum, iudices, ne aut dicendi inopia, & prope nullus usus, nulla exercitatio, aut timor esset impedimento, quo minus iniuriae incredibili scelere conflatae resisterem; & hominem innocentem, ciuemque de bonis omnibus benemeritum, maximo periculo liberarem. Quid ergo est? temerare ego non nihil mihi arrogabam? nihil puto. Quid? nonne in huiusmodi causa erat timendum? maxime. Quod consilium? quae cogitatio? unde haec animi firmitas? scelus horum, iudices, indignissimum est: eorum postulatione percepta, qui sint, quid velint, facile intelligetis. Huius vero innocentia in excelso & illustri loco sita est. Noui ego aequitatem vestram, iudices: noui, Osma, amplitudinem tuam: vident aliquoties hic senatus grauitatem tuam, Coua? intellexerunt iam omnes animi vestri sententiam. Quaro vos oro, ut fide vetttra fretum, aequitate adductum, bona cum venia audiatis: ut quae hominum ingenia, qui cupiditatum ardor, quae libido inexplebilis, intelligere possitis: & contra, quam omni tempore huius vita integerrima, quod iuuandae reipublicae studium, quae animi temperantia, quam admirabilis arduarum & difficilium rerum perpesatio: & quod ad causam maxime spectat, in ea re, quam isti detulerunt, singularis innocentia.

Antonius Bellantes secundus (fuit enim primus hoc nomine in familia avus, quo neque vir melior, neque amantior reipublicae) natus est nobilissimus atque optimis parentibus, Petrino Bellante, clarissimo viro, & Vgurgeria lectissima femina: in qua nunc etiam ea morum integritas, & antiquitatis vestigia remanent, ut virtutis & religionis exemplum inter-

ma-

matronas habeatur: pater tamdiu laudabitur, quamdiu rerum Senensium memoria vigebit. nihil enim aliud vñquam visus est cogitare, nisi quod ad ciuium quietem & gloriam spectare videretur. Ea re studia iuris & ciuilium disciplinarum secutus, respondendo fuit veluti oraculum ciuitatis: in quibus cum excelebat, nunquam tamen de opera publica quidquam detraxit. Scitis vos, iudices, munera quae saepe obierit, quoties principibus ciuitatis regnum iam occupantibus consilio, opibus, viribus ipsis maximo cum periculo obstiterit. Scitis in vincula indignissime coniectum, causam capitis orasse: missis tamen in exilium, & ex vrbe pulsis, fratre viro optimo, & hoc filio, tum puer, vix annos XIII. nato: puer quidem, & de patria bene sentiente. Quamobrem si quaeratis, nihil quidquam erat causae, nisi quod pater rempublicam valde amaret, quod cum bonis sentiret, qnod audaciae improborum hominum resistendum censeret. qui etsi permultis rebus domi forisque gestis animum in patriam declararit; maxime tamen testamento obsignato, in quo filio mandauit, vt ex ciue patriae amantisimo se natum meminisset: vertuitque, ne singulari etiam a senatu aliquando accepta iniuria, contra senatum sentiret, & noui quidquam moliretur: sed pluris reipublicae commoda, & ciuium quietem, quam fortunas suas, quam liberos, quam caput ipsum faceret, hoc vt sanctissime seruaret, testamento cauit: & a filio, priusquam a vita discederet, ea de re fidem accepit. Hoc patre natus, ita bene & beate vixit, vt non modo patris instituta seruaret; se I maiorum suorum gloria facile superata, maiora sane, & vitae digniora exempla populari laude liberis sit relicturus. Neque vero hoc aquulationis causa, cuius

quidem ille est plane hostis, a me dictum puteris: sed re ipsa ita admonente, ut aduersariis respondeam, qui eius laudem labefactare semper cupierunt. Num fingo? num mentior? adeste accusatores, adhibete, quem aduocatis, patronum. desidero, si falsum est, refelli. Percurramus eius vitam: non recusamus adolescentiae, quae semper libera fuit, iuuentutis etiam omnis rationem reddere. Dicimus nihil ab illo vñquam gestum; nisi sapienter. quod etsi in obscuro esse non potest; populus tamen & senatus superioribus annis declarauit, cum ciuiis discordiis, & bello perniciofissimo ordo Nouenus ex vrbe esset pulsus: illum tamen eius ordinis principem populus orare, obsecrare senatus, ne ab urbe discederet; ne ciues, quorum esset amantissimus in eo discrimine relinquaret. His precibus adductus cum remansisset, vna omnium voce, maxima cum laetitia tribunus plebis est declaratus: qua de re vobis gratiae semper agentur, a vobis enim seruatum, honestatum, auctum se confitetur: tot mentorum memoriam nulla fortunae vis, nullus casus, nulla vñquam delebit obliuio. Hos honores cum perditissimi homines, bonorum omnium & quietis publicae inimici, aegre ferrent, & misceri omnia velarent; coniuratione facta, de huius viri optimi caede cogitare coeperunt. Itaque eo ipso die missi sunt veteres gladiatores, quorum hic aliquos cum accusatoribus sedere video, vt cum ferro trucidarent. Ille vero ab egregio ciue, Iohanne Vgurgerio certior factus, non priuatis armis contendere, non publico tumultu, non seditione concitata se defendere, vt fortasse poterat, non firmis praesidiis domum munire voluit, ne culpa aliqua subesse videretur: sed clam ex vrbe discedens, in Areolae arcem, quae in

in finibus vestris posita est, iudices, abiit, vt perditorum hominum e manibus se eriperet, & quoad liceret, produceret vitam, quam pro republica putaret esse degendam. Itaque illi, cum in eius domum venissent, neque eum compreserent, quem erant interfecturi: domum omnem opulentissimam depopulati exinanierunt, familiaribus ac domestis plagas inflixerunt, matri ipsius tribuni, iam senectute confectae, pecuniam imperarunt. Quid est hoc, iudices? quo usque tandem haec patientia? sicarios homini integerrimo, cui optimo, tribuno plebis manus voluisse adferre? praedones ausos fuisse tribuni domum spoliare, exhaustire, diripere, domesticos & familiares verberare, captiuos ducere: matronam sanctissimam, iam septuagesimum annum agentem, domo & focis patriis deturbaré, detergere minis, vt pecuniam extorquerent? Haec ego, iudices, tacuissem, vt multa, nisi excusamenta quaedam me incitasset: qui videam, hos obrectare huius vitae, qui nunquam bene vixerunt. Nam quid ad illud potuit praeclarus accedere? quod, cum Areolae decem dies se continuisset, inimicos vero quotidie in senatum venire audiret, neque deesse, qui iam accusarent, & obiicerent nonnulla, quae optimi viri gloriam & dignitatem immisuerent viderentur; confessim nulla periculi ratione habita, nullo timore deterritus, in urbem venit, in iudicium descendit, conuocauit accusatores: cuius oratione declaratum est, nihil tale, quod illi dicerent, admissum. Cum vero adhuc eos furere intelligeret, neque ad sanitatem velle reuerti, nec se bonorum praesidio satis tutum fore speraret; in arcem rediens, vt eorum furori concederet, ultra exilium fere

D 5

quod-

quoddam sibi delegit, & rus, se, liberosque suos amandauit. Nominis hoc exemplum est viri fortissimi, & de republica bene sentientis? Quid Scipio? quid Rutilius; quid Metellus? quid ciuis vel quiuis optimus patriae magis praestare potuisset? Neque illud silentio praetereundum arbitror, quod cum difficillimo reipublicae tempore senatus fidem publicam dedisset, si Antonius duo millia nummorum aureorum senatui daret, decreto praestaturum senatum, ut omnia bona subrepta restituerentur; cumque eorum iam facta fuisset inquisitio, qui in eius fortunas inuasissent: tanta horum praedonum vis fuit, ut neque ipse senatus id adsequi potuerit, ea tamen pecunia iam soluta, ut bona huic redderentur.  
Recita S· C-

CVM ANTONIVS BELLANTES PETRINI F· DVOBVS MILLIB· NVMMVM AVREORVM DIFFICILLIMO TEMPORE REIPVBL-SVBVENERIT AMANTISSIME EQVE · RE-PVB· FECIT·

IDQVE ANTONII MERITVM IN REM-PVB· SENATVI POPVLOQVE SENENSI GRA-TVM EST ET ERIT EIVS MERITI MEMOR.

QVOD SENATVS POPVLIQ· SENEN-SIS INIVSSV IN ANTONII BELLANTIS AE-DES ET PRAEDIA NONNVLLI SVPERIORE ANNO IRRVPERVNT. S· C· FACTVM EST QVOD FIRMVM FIDE PVBLICA RECIPIT AC SPONDET S· P· Q· S·

QVI EX AEDIBVS AGRO RVREVE AN-TONII BELLANTIS AVRVM ARGENTVM ET QVOD PLVRIS NVMI SIT PECVS VINVM O-LEVM FRVMENTVM ET QVOD MINORIS FOE-

FOENVM VTREM FOLLEM FACVLAM ALI-  
VDVE QVID NON DATVM NON ASSIGNA-  
TVM NON VENDITVM NON CONCESSVM  
INVITO DOMINO ASPORTAVERIS

TRIDVO IPSI DOMINO REDDITO QVI  
POSTRIDIE EIVS DIEI NON REDDIDERIS  
FVR ESTO VRBE ABITO SOLVM VERTITO:

QVOD SI QVIS NON AVDIENS DICTO  
IN MANVS NOSTRORVM MILITVM VENE-  
RIT HVIC LICITOR MANVS COLLIGATO  
CAPVT OBNVBITO INFELICI ARBORI RES-  
TE SVSPENDITO.

Num obscurum est? num infirmum? accepit  
pecuniam quaestor, perscripta in tabulis publicis  
duo millia nummum, relata sunt in aerarium, pro-  
nunciatum est per praeconem, data sunt nomina,  
numquid tamen bona huic restituta? numquid dic-  
to qui audientes non fuerunt, aut in exilium mis-  
si, aut fures declarati sunt? versantur in media vr-  
be, in foro, adsunt in senatu: fere tamen nihil  
se eius optimus vir aequo animo, iudices, atque is  
qui patris mandati, qui pietatis, qui fidei meminerit.  
Et quoniam patronum, quem isti aduocarunt, ri-  
dere video: continere me non possum, quin homi-  
nis ingenium vobis aperiam. Is unus est ex illis  
annoqae praefectis, qui tritici medimna ciso vicccc  
nullo iure cat. septempribus ex praediis Antonii af-  
portauerunt: quae quidem eum eo anno angustius  
frumentum prouenisset, venierunt n-s cxx ero  
Causa, quam illi adferunt vna haec est, quod de-  
creto frumentario is non steterit. Videte, o iudi-  
ces, quae res haec sit, quam acerbum: quid acerbum?  
iniustum dico iudicium. Qui obsecro, bone pa-  
tro-

trone, dicto praefectorum annonae non audiens  
fuit Antonius? quod cum edictum esset, non lice-  
re ex praediis frumentum alio asportare; huius seu  
cliens, seu obaeratus quidam, ex castro, quod  
Argianum dicitur, in Areolae arcem frumenti sex-  
tarium deuexit. Obsecro, diligenter veteratorem  
attendatis. quo die decretum editum est? nonis  
sextilib. in vrbe, in foro. Qto die frumentum  
asportauit? nonis ipsis. Vnde asportauit? ex cas-  
tro Argiano. castrum hoc directo itinere sane am-  
plius xx. millibus passuum abest: potuitne eo ipso  
tempore edi decretum in castro, quo in vrbe? Non  
noui. Non noui? norunt municipes, intercessit  
enim dies. Qui ergo decreto non paruit, si non-  
dum erat editum? Nescio, inquit: quis tu es? qui  
tibi a praefectis rationem reddendam putes? satis est,  
non stetisse decreto. Fac esse omnia; qui non stetit?  
obaeratus ille. quid vos ex Antonii praediis c*ccccc*  
medimna frumenti abstulisti? non poterat homo ille  
rusticus inscitia, quae quidem horum hominum  
propria est, inuito domino asportasse? Videtis, quan-  
ta horum audacia sit, quam nulla prorsus verecundi-  
ae ratio. Esto, errauerit Antonius: pro sextario  
frumenti modiis c*cc* xxxviii & cccc an erat aequum  
multari? quid, quod ille quinques festerium depo-  
situm se dixit, si res non in praefectorum, sed in  
hoc iudicium veniret? quod si ab iis iudicibus decre-  
to non paruisse diceretur, abiicere se eam pecuniam  
non recusabat: sin autem paruisse, reddi frumentum  
postulabat. Noluere optimi viri stare iudicio, vt  
qui scirent, praedari non licere iudicio. Hic nunc  
patronus, in hac causa, ab accusatoribus est aduoca-  
tus, iudices: hic vltro venit, tentaturus, si possit,

opi-

opimam aliquam praedam , vt per scelus saepe con-  
fueuit , nunc per iudicium vestrum consequi . sedet  
ad eius latus , & ad aurem insusurrat A. Polenta , qui  
acriter vsque adeo me intuetur , iudices , vt perturber  
interdum : vix , vix in conspectu vestro sese continet .  
Quaeretis fortasse , quis hic sit , vel nihil admodum  
fortasse quaeretis : permultis enim annis hic lanista  
in signis habetur : permultis sic vixit , vt sit in urbe  
maleficiis , latrociniis , caedibus multo cognitissi-  
mus . Nonnullae sunt causae , quibus adductus est  
ad accusandum : primum , quod in ciuitate turpe  
aliquid fieri non vult , in quo ipse & signifer & dux  
non habeatur : deinde , quod fratrem habet Ianum  
Polentam , huius optimi patroni collegam , qui in  
praedia Bellantia , cum inuafisset , & permagnum  
frumenti numerum , vt diximus , abstulisset ; orauit ,  
vt fratribus partes sequeretur , vt sese fratribus simillimum  
vellet esse ; vt cum collega suo bene sentiret : vnum  
esse Antonium , quicum inimicitias continent  
gesserint , qui patrimonium amplum & copiosum  
habeat , praedia item nobilissima & fructuosa , &  
cum eorum praediis coniuncta : itaque hoc damna-  
to , in quod semper animum intendisset , adsecutum  
iam , non dubitare , in agros illos se posse irruere :  
Polentis nunquam fallaciam , nunquam audaciam  
defuisse : ostendit , quam aduersarii Antonii ad eam  
rem parati essent , & desiderio ardentes , quam facile  
adduci possent homines rustici , quae aeris alieni plu-  
rimum habeant , vt pro testimonio dicant , quidquid  
ipsi mandarint : demonstrat ea de re , se iam funda-  
menta iecisse cum salinatoribus quibusdam , qui  
summam operam in scelere conflando polliciti es-  
sent : rem esse in eum locum adductam , vt nihil de-  
sit ,

fit, nisi aduersarios conuenire, testes producere, nomen deferre. Secundus accusator, iudices, est Victor Cersinus: ipse is, qui in subselliis & patrono amicissimo saepe etiam rogatus, considere nunquam voluit: aegre fert video, iudices, quod cum huiusc coniurationis ipse auctorem omnino se profiteatur, ut praedae primas partes capiat, cum perditissimorum hominum princeps, & vitae turpissimae exemplum quoddam semper existiterit; ego primas partes alteri vendicasse videar, & cum eo negligenter agere, qui sic posthabuerim, qui secundo loco adpellauerim. Male quidem factum, Cersine, habes, quod iuste queraris: sed tamen est, quod te consuletur. Putasne viros hos sapientissimos & prudensissimos, tuae vitae ordinem, tuorum scelerum magnitudinem, animi tui sensum posse ignorare? Qui sint accusatores, iudices, videtis. nunc dicendum, quid tandem deferant: ut productis testibus, & re omni perspecta, facile intelligatis, quam indignissime optimi viri nomen, honestissimae familiae gloriam, ciuis ornatissimi fortunas, & caput oppugnant.

LEGEM SALARIAM maiores vestri tulerunt pro vectigalibus. lex ea est, ne quis inuitis, imprudentibusque praefectis quatuor, qui salinatores appellantur, ex municipiis vestris in praedia, neque e praediis in castra, neque e castris in urbem sal asportet: si quis asportauerit, is bonorum mulctatione & capitis condemnatur. Lex grauis est: sed tamen ut ceterae, sic ea quoque committenda optimo & aequo iudici, & iis, qui iurati magistratum sapienter gerant. Leges enim a maioribus vestris, non ab hostibus vobis scriptae & latae sunt, non ad ciues perdendos, non

non ad delendas familias, non ad improbos extollendos: sed ad bonorum defensionem, ad coniunctionem ciuium, ad malorum terrorem, ad reipublicae denique omnis firmitudinem. Nihil tamen est, iudices, tam bonum, aut sanctum, quod temeraria dominatrix animi cupiditas non violet, nisi moderator rerum omnium pudor obstat. Nihil a patribus mandatum, aut iussum est, quod ad prime utilie in vita esse videatur, quin item nobis perniciosissimum esse possit, si eo effrenata hominum prorumpat audacia. Quid legibus antiquius? quid sanctius? sine quibus neque urbes stare, neque homines vitam agere possunt. sunt enim institutae ad vitam tuerendam, ad hominum coetus congregandos. Nihil tamen iis inhumanius, nihil durius, nihil perniciosius, si iuris administrandi, quantum velint, scelesti habeant potestatem, si ex insidiis agere, atque obseruare coeperint, ut qui digitum a lege discedat, eum omni legis poena obligari debere pronuncient. Eum vero, qui cum ipsis sentiat, vel scelestissimus, si contra legem omnem fecerit, nihilo secius fingant, se non videre. Id nunc ego dico, iudices, quod sciam multis iam annis hosce ipsos, qui accusatoribus fauent, qui improborum hominum cupiditati obtemperant, nunquam cogitasse, quid sit huic legi parere: sed in sale asportando ita fuisse diligentes, quasi ii, qui non maximum numerum imprudentibus praefectis asportassent, condemnari solebant: nunc tamen pro re vel minima, & ea quidem falsa, communis studio solicitare accusatores, ut ita rei exiguae rationem reposcant, atque ipsis in vita omni sanctissime vixerint. Quae res ea est? accusant, quod huius cliens ex oppido, quod Colonia dicitur,

de-

deuexerit in Argianum salis cados tuo : quod multis item ex Argiano in urbem cados treis. Haec est omnis accusatio , iudices : nihil aliud quidquam habent , nihil omnino aliud : ex hoc vno iudicium universum constituitur. Itaque pro salis cadis VI. fortunas omnes , & vitam florentissimi ciuis oppugnant. O tempora perdita & misera , o ardentem avaritiam , o inexplicabilem hominum cupiditatem ? Petunt prescribi bona , quae sunt sexagies: iubent , damnari capitis ciuem de bonis omnibus benemeritum. Vos ego nunc , dii immortales , adpello , quorum in fide ciuitas Senensis est , ut quos decori & ornamento huic ciuitati esse voluistis , eorum nunc reliquiae vestra ope a perditorum hominum insidiis tutae esse possint. Verum est , in tabulis publicis hanc esse legem : fatemur , iudices. neque enim ob aliud in hunc locum venimus , nisi ut vestra virtute & gratia locum veritas , vbi consistat , iam reperiat. Sed quae sint eius legis conditiones , obsecro , animadverte. Si quis contra legem fecerit , eum fortunis & capite multari oportet. Iam video , a vobis ipsis quaeri , ad quemnam fortunae istae perueniant ? cui bono sit reum damnari ? hoc erat , quod iniquum videbatur , iudices , hoc nullo modo ferendum : in accusatorum & praefectorum , non in reipub. commodum res omnis conuertitur. Videtis , quid hoc sit ? praefectos iudicio bonis posse spoliare aliquem , quibus tamen se & accusatores auctent. Quid si perditi & scelesti homines magistratum huiusmodi obeant : quis non videat , in eorum potestate positam dignitatem , fortunas , vitam bonorum omnium ? Obsecro vos , ne veritatis plena actio , fretum acquitate vestra in inuidiam rapiat : liceat mihi libe-

re

re audacterque dicere apud tales viros pro sanctissimis legibus, quas maiores vestri summa obseruantia coluerunt, vos nunquam improbastis: quibus ista lex aduersaria est constituta. in quo satis mirari non possum, quorundam hominum indiligentiam, vel potius inscitiam, qui cum in gymnasiis perbelle garriant, in foro strepant, in vectigalibus magnis stipendiis affecti latrocinentur, ea de re nunquam verbum fecerint: cum tamen insuavi loquacitate mirifice delectentur, volumina in dies edant, ornamenta vero eloquentiae contemnant, atque abiiciant, quod scilicet barbare melius quam latine sciant, remque omnem in ieunia verborum volubilitate & recitandis legum capitibus positam esse opinentut, cum interea verbosi pugnantia se loqui non videant. Quid ergo iuris isti homines peritissimi, Liciniam & Ebutiam legem ignorauerunt? cumque in rogandis legibus, conformanda repub. adstitissent, res ad senatum relata non est: nam profecto aut abrogari Ebutiam & Liciniam legem oportebat, aut institutum illud salarium tolli. At ne omnia in iurisconsultorum officinis esse arbitremini, leges illae ex eloquentissimi viri pulcherrimis monumentis mihi repetehdae sunt. LICINIA LEX, atque altera EBVTIA est, quae non modo eum, qui tulerit de aliqua curatione ac potestate, sed etiam collegas eius, cognatos, ad fines excipit, ne eis ea potestas, curatiique mandetur. etenim si populo consulis, remoue te a suspicione alicuius commodi, fac fidem, te nihil nisi populi utilitatem & fructum quaerere. Nonne in tabulis publicis sanctio est in primis firma de legibus romanis? non ne pugnant illae cum salario vestra? Licinia & Ebutia non modo quaestum, sed commodum: non modo

commodum, sed suspicionem non admittunt. Haec vero non solum in quaestu, sed in praeda quoque versatur, per quam iudicia compilationes esse possunt, furta impune admitti, latrocinia cum laude exerceri. hoc non eo dico, iudices, quod criminis huic culpam aliquam subesse, aut errasse in ea re Antonium aliquo modo arguam: sed vt vos, vbi ea potestate ex senatoibus iudices creati estis, qua nulli unquam antea, periculum, quod ea lege in omnes intenditur, propulsetis, vt legem istam veluti gladium districtum in bonos omnes, veluti mucronem a iugulis ciuium, ex impiis hominum manibus extorqueatis. Neque enim vos fugit, superioribus annis eodem crimine indignissime accusatum fuisse virum summa prudentia & grauitate Julium Pannilineum: qui etsi ab ornatissimis viris defensus est, fuit tamen in ea re negotii plurimum. Scitis, eam legem scelestis hominibus semper pro sica fuisse: ad praedam vero & latrocinia, ad flagitia denique omnia viam aperi-  
tissimam. & dubitatis, o iudices, aut abrogare, aut, si hoc impetrari non potest, addere quidpiam, in salinatores animaduertere, supplicium aut poenam statuere, vt illorum intolerabili audaciae resistatis? nam his miseris temporibus quae hominum sint cupiditates, quae ingenia, quam boni ratio nulla, scio vos intelligere. Quod si maiores vestri leges tulerunt, fuere illi optimi quidem viri, & ciues egregii: sed tamen eo tempore, quo mentes omnia ad rem publicam conuersae erant, non tum ciuilibus discordiis ardebat Heturia, non in ordines distributae inimicos, incertus erat vestrae ciuitatis status, non homines perditos bonos fallaciis circumueniebant: sed quam vitae usuram natura dederat beatissimam, placide & tran-

tranquille producebant. Vbi vero ad ea tempora ventum est, quibus ratio nihil temeritatem coeret, & vitiis contaminare se, ingenii aciem omnem in alterius perniciem alter intendere consueuit; multa quidem a vobis ex legibus illis & institutis commutanda sunt, nonnulla addenda, pleraque proximis annis commutata antiquanda. Licet id facere maiorum exemplo & consuetudine. Quod si prudentissimorum hominum fuit, leges ferre, corrigere quidem sapientissimorum est. Mamerlus Aemilius legem, qua censura quinquennalis erat, commutandam curauit: censuram intra sex mensium & anni spaciū coegit. Acceperant Romani ex Graecis legem de ciuium virgis: seruata est ea multis annis. cum tamen dignitatem maiestatemque eorum imminuere videretur, abrogata est: & lex Porcia prolata, quae in ciues honestius animaduerteret. Neque vero in legibus quibusdam abrogandis trepidandum est: sed pro aliis rogandis, & praeferendis, si intersit reipubl. non consilio solum, sed armis est agendum. Lex de connubio patrum quanta contentione, lex de consulibus diligendis quibus armorum terroribus prolata est. C. Calpurnius Piso ex S. C. cum de ambitu legem ad populum tulisset, & e foro maximo cum periculo fuisset electus, virorum fortissimorum globo stipatus in forum descendit, nec ab armis prius recessum est, quam lex confirmata.

Sunt exempla alia, iudices, quae vos commonefacere debeant: sunt & philosophiae loci de capite, de fortunis pro salute patriae vouendis: quae omnia cum vobis non ignota, sed sint multo cognitissima, in his breuis admodum mea erit oratio: in hoc vero altero neque erit longior. nam quis non in-

telligat iniquissimam esse legem, quae institutis antiquissimis & sanctissimis repugnet, per quam iudices accusatores esse possunt, & bonis & capite pro re vel minima ciuem condemnare, fortunas omnes in rem propriam conuertere? si enim rei bona ad temp. peruenirent, non ad praefectos ipsos, quorum iudicio standum erat; non vtique laborarem nunc, iudices, non in discrimen adduceretur fama & caput optimi viri, non ea esset hominum sitis, & deuorandi patrimonii alieni cupiditas. Namque magni refert, duos praefectos esse, M<sup>·</sup> Gorgiam, & Nacium Amerinum: qui tantum aeris alieni habeant, ut nullo modo soluendo sint, nisi summis opibus huic detractis: cumque is M<sup>·</sup> Gorgias proximis diebus in ius vocaretur ab adolescente optimo, Iulio Bargilia, exacturo ab eo H-S LX<sup>·</sup> praediolum, quod, patrimonio effuso, sibi reliqui erat, pro aere, quod debet, concessit. cumque facete obiiceretur, de re patria nihil iam ei restare: respondit, multo plura sua industria & ingenio parta, quam pater reliquisset: paucis diebus fore, ut decem & septem praediorum esset dominus, qui in re patria fuisse egentissimus. Itaque hoc in scelere conflando cum omnem operam, curam, diligentiam, mentem adhibuisset; vltro cum Crasso Labeone, praefecto, in domum Amerini vepit, communem egestatem ostendit, premi miserabiliter vtrumque aere alieno, pecuniae magnitudinem, praediorum copiam demonstrat, coniurationem in Bellantem aperit. Illis enim ipsis diebus cum Polenta & Crasso in domum C<sup>m</sup> Messani, huiusc optimi patroni, venerat, & multus sermo ea de re habitus est: meministin'; Polenta, eo ipso die, meministin' initam societatem cum praefectis & patrono, & colle-

ga

ga tuo? distribuisse bona, & fortunas huius, dixisti, quinque praedia cum arce tibi satis esse; quae in Colonensi agro sunt, C<sup>o</sup> Messano ob patrocinium deberi; M<sup>c</sup>. Gorgiae in Maetiano XVII<sup>o</sup> Naeuio Amerino totidem ad Argianum: Cersino, collegae tuo, & audaciae satelliti Valdassium, & aedes maritimas assignabas: Labeoni, quem tecum semper dicebas sensisse, & propterea esse carissimum, pascua Caldensia, restare adbuc suburbanas villas, & aedes cum hortis: eas protestibus comparandis, & presumtu satis esse debere. His sic constitutis, statuisti, quo quemque proficiisci oporteret: M<sup>c</sup>. Gorgiam Pisas, Cersinum in Coloniam veterem, Labeonem in castrum Argianum: in vrbe te cum Amerino & Messano remanere, inimicos quosdam Bellantis solicitaturum. illud tamen in primis memoria omnibus tenendum, cum quarto praefecto A<sup>o</sup> Tancredo nihil coimunicandum: esse illum noueni ordinis, & Bellanti ita amicum, vt cum ipsis nunquam sentire possit. Videatis, iudices, quid sit, rei bona ad salinatores si perueniant? Praefecti ipsi pro comparandis falsis testibus adlegendantur: non pudet eos, quorum iudicium exspectabatur, fungi accusatorum munere. itaque tollitur ex Polentarum consensu M<sup>c</sup>. Gorgias, & Pisas usque volat. Meminerat enim habere familiarem ibi, nescio quem hominem tenuem seruili genere Toforum, quem precio adduci posse non dubitabat, vt in queruis testimonium diceret. nam proximis superioribus diebus cum in vrbe fuisset domi huius optimi viri, adpromiserat, si quando vsu venisset, ad omnia fore se paratissimum. Cersinus interim cum in Coloniam venisset, comperit ibi Ionom Scotum, qui iussu Bellantis coniiciendus erat in

vincula, quod non dissoluisset numos ecce accurrit  
Cersinus, hominem amplectitur: querentem, qui  
pro se vadimonium sistat, consolatur, iubet esse bo-  
no animo, demonstrat ab inimicis potentissimis ac-  
cusatum Antonium: perquiri nunc testes, qui in e-  
um dicant: posse nunc iniurias vlcisci, aeris alieni  
cura liberari, si cum aliis iuratus testimonium dede-  
rit. atque id ut aequissimo animo faciat, damnato  
Bellante, praedium promittit. quid putatis, iudices,  
aut illum potuisse recusare, aut hunc, quae dixi,  
non fuisse pollicitum? Postridie eius diei Scotus lae-  
titia elatus, totus exsultans, totus gestiens, qui mul-  
tis mensibus vico se continuerat, qui se in domicilii  
tenebris ex hominum conspectu abdiderat, qui in  
vincula erat coniiciendus, in urbem venit, Polentas  
adit, hospitio excipitur, orant ut in sententia mane-  
at, praedium adpromittunt. cumque ei Lucas Cas-  
nouensis municeps, homo satis accuratus, gratula-  
retur, quod custodia emissus esset; interrogauit; an  
pecuniam domino dissoluisset? Quid creditis? po-  
tuisse confictum mendum continere? homo rusticus  
imprudenter rem omnem aperit, consilium euomit,  
coniurationem nudat: dicit, se eo in urbem venisse,  
ut iniurias vlciscatur. comparatum sibi in accusando  
praefidum potentissimorum hominum: alium esse  
se, atque olim, cum deprecabatur. Ad haec Cas-  
nouensis cum respondisset, nequaquam bono colo-  
no ea digna videri: diutius esse animo lustrandum,  
quid rei sit, in ciuem dicere, dominum laedere, ad-  
uersariorum fidei se committere: itaque admonere  
pro amicitia, ne pro aere & largitione bonum no-  
men & vitam profunderet: nam si hac sollicitudine  
aliquando esset liberatus Antonius, acrius in clien-  
tem

tem esse animaduersurum, qui ab auersariis mercedu-  
la fuisse adductos. Tum homo rudis, primum co-  
gitare coepit, & intelligere, in quas salebras incidis-  
set, quanto in periculo versaretur. ad Polentas redit,  
commemorat, quae municeps obiecisset: tamen se  
ab officio non discessurum, spem omnem in eorum  
fide & auctoritate esse positam, ut si Antonius absolv-  
ueretur, in colonia tamen ipse tuto esse possit. Tum  
illi maxime cohortari hominem, vt in eo fese confir-  
maret: orare, vrgere, ne a fide constantiaque disce-  
deret: sed in proposito, susceptoque consilio per-  
maneret: & promissi exspectatione potius, quam  
rustici hominis verbis moueretur. Atque vt suspici-  
onem omnem ex animo delexerent, metuque libera-  
rent, ad deductores coloniae nouae adducunt: hunc  
Orbitelli colonum fieri orant, atque impetrant. ex-  
stat enim S: C: vt in eam oram, grauem aeris vitio,  
colonia deduceretur: qui eius oppidi coloni fiunt,  
etsi aes alienum vel magnum conflauerint, in iudici-  
um vocari non possint. Spero ex hoc ipso, iudices,  
vos intelligere, quales testes adduxerint. nam crimen  
omne mōx ego diluām. Quid hoc est Cēsiū? quid  
Polenta? tantum pro vicano elaborasse? quid vobis  
cum illo negotii est? quid haec cum Scoto, homine  
rustico, ciuibus familiaritas & necessitudō? Videte,  
ne in istis tenebris lucem iudices respiciant.

Venio nunc ad laudes egregias, ad praeciatos  
labores tertii praefecti Labeonis. Cum is in castrum  
Argianum venisset, neque inueniret, qui audaciae  
huius partes suscipere vellat, ne in ea legatione nī-  
hil profecisse videretur; Sācium & Hieronem, in-  
ſitores Bellantis, in urbem, in speciem triumphi  
clarissimi, captiuos ducit: miseris quidem homi-

nes, & indigne nota hac affectos. quos cum in urbem  
iauexisset, & comperisset, eo tempore, quo sal aspor-  
tatum ceretur, non fuisse institoris Bellantis, ul-  
tro in castrum remisit: sed tamen ne praedam sum-  
mis laboribus non acquisiuisse sibi videretur, & vt  
suis collegis satisfaceret, saltem fallacia, fingit insti-  
tores terroribus illis percusso dixisse, Carduonem  
famulum Bellantis accepisse quondam a Byrsa muli-  
one salis cados duos: illum tamen in Areolae arce es-  
se. qui si in eorum sit potestate, crimen in apertum  
professri. Conclamant ergo in urbe praefecti, & fo-  
rum vocibus complent, vi, vi detineri a domino fa-  
mulum, qui rei omnis scit conscius, qui sal accep-  
rit, qui testimonium possit dicere. Id cum ad Bel-  
lantem deferretur, ne falsae accusationis genus in  
bonorum ciuium animis falsi quidquam imprimeret,  
mittit illum in urbem, ad praefectos ipsos. An est  
obscurum, iudices, si Carduo huiusc culpae ad finis  
fuisset, quin a domino in urbem missus non fuisset?  
Non rerum imperitus adeo, neque imprudens est, vt  
quod sua permagni interesset, non videret. Cum er-  
go ille in urbem accessisse diceretur, percussi sunt praefec-  
torum animi, quod praeter omnium opinionem  
ad eos venisset, intellexerunt: hoc uno dilutum: cri-  
men, & rem in illustri ciuium conspectu esse pos-  
tam. Et quoniam Carduo (vt sunt huiusmodi ho-  
mines timidi) verebatur, ne herili odio adducti, aut  
veteribus inimicitii salinatores secum iniquius age-  
rent, accepta nobilissimorum ciuium fide, ad eos  
contendit: numquid tamen inexplebilis auaritia,  
num cupiditatis ardor, num audacia, num temeri-  
tas diu longe abesse potuit? Nihil est, iudices, quod  
illorum libidinem coercat: nihil est in illis non cru-

de-

dele, non inhumanum, non ferum. nam cum omnia licere sibi putarent, cum iura humana & diuina contemnerent, hominem vltro venientem, fide principum ciuitatis fretum, in vincula coniiciunt, eo consilio, vt per minas id adsequantur, per supplicia id extorqueant, quod precibus, promissis, largitione adsequi non potuerunt. Itaque hic ipse Labeo, qui praefecti munere fungebatur, Carduonem ad se adduci iubet, catenas relaxari; admonet, famulo, qui sapiat, debere pluris esse vitam suam, quam henri fortunas: praefectos ita certum & constitutum animo habere, nisi rogatus dixerit, salis cados aliquot sibi ex Argiano redditos, & Antonii nomine acceptos, eum supplicii genere omni adfici oportere: itaque sibi duo esse nunc proposita, aut ad voluntatem praefectorum dicere, aut cruciatus omnes & poenarum exempla omnia exspectare. O conditionem iniquam, iudices, o ferociam inhumanam! an magis, au crudelius tyrannus, eius plenum inuidiae apud vos nomen est, interminari potuisset? Quid tyranno pulso exsultat respublica? quae nam haec libertatis restitutio est, si tyrannidem, & eam quidem acerbissimam, in foro palam sunt, qui exerceant? si tantum quiuis peccare potest, quantum qui velit maxime? Neque vero ea solum dixit, quae diximus, sed re quidem multo plura praestitit, nam cum miser ille sapienter respondisset, nullum aequum supplicii genus esse horribile, ac prodita fidei dedecus est, & conscientia; sublimem abripi iusit, & excruciarum suppliciis. Sunt haec indigna, iudices: atque, mehercule, non mediocriter pertimesco, ne demisse nimis, ne parum audacter, non grauiter, non fortiter, vt causa flagitat, conqueri videar. Nam cum ille

summis cruciatibus torqueretur, & in veritate adseueranda semper constantissime perstisset, implorabat hominum deumque immortalium fidem: appellabat praefectorum acquitatem, in quibus nulla humanitatis & rationis effigies vñquam fuit: ad pedes secesserat, lata restebat, abiiciens, obsecrabat, vt accusatorem adduci iuberent, & paribus suppliciis adficerent, ita facile veritatem inueniri posse: facillime hoc uno intelligi, ipse, an potius accusator a veritate descisceret. Honestissima postulatio, non negligenda, aequitatis & fidei plena. Cum vero illi scirent, neminem plane nomen detulisse, Labeonis hoc esse cogitatum, vt in quaestionem datus famulus, vi allata in dominum diceret; vehementius instare, minari acrius, crudelitatis satellites solicitare. ille tamen dicta adfirmare constantius, conqueri liberius, obtestari clarissima voce, iudicio se esse circumuentum: intelligere iam praefectos esse accusatores, cum alios nunquam adduxerint. Videntis iudices, vt veritatem in profundum detruserint. O facinus indignum, & nos ferendum: videntis, vt hominem innocentem dolo malo, nullo iure, nullis suspicionum vestigiis, cruciatibus cumularint. Verum cum ex hoc nihil prorsus habeant, quod contra nos faciat, intelligo, spe maxima destitutos.

Venio igitur ad testes, sed tamen ad hos ipsos iratos, cupidos, tenues, rusticos, a fide omni, a religione remotos: ad hos, inquam, ipsos, quos modo tam bono iure improbaueram, vt reieoti, praecclare videbentur. Sed quoniam alios non habent, quos producant, instantum etiam est, diligentius quaerendum, acrius explorandum, vt eorum fallacias, & perditos mores intelligere possitis: ne ad plenam & egredi-

giam

giam defensionem quidquam defuisse videatur. Atque illud primum per deos immortales a vobis peto, iudices, ut maiorum exemplo, & sapientum institutis, de accusatoribus, de reo, de testibus diligenter iudicetis. Quod si in culpa Bellantem esse vere quis arguere potest, ego oratione quidem certe nihil obsto: ipse non recusat, hoc comperto, obligari omnibus iudicij poenis, vel grauissimis. Sin autem in hac causa nihil est, nisi accusatorum cupiditas, & audacia, praefectorum iniquitas, & crudelitas, testium improbitas incredibilis; flagitamus, iudices, ut tanta & tot scelera vindicetis, ut eos vos in hac quaestione praebeatis, quos aequum est, & boni omnes iamdiu exspectarunt. Videte, accusatores cum Bellante veteres inimicitias gerere: cognoscire eorum vitam, intelligite ingenia: cogitate, quos testes adduxerint: lustrate, obsccro, animo, an verisimile sit, quod detulerunt. perfacile est vobis, si libet, coniectura rem omnem percipere. Habeo aliquid, & id quidem permagni momenti, quod in animis vestris opinionem inserere possit. Antonius cum ex vectigalibus sefertia duo singulis annis esset exacturus, quod Adellus Placidus quaestor reipublicae nomine viginti abhinc annos numos scutatos cccc ab eo accepisset, contracto aere alieno decreuit senatus, non sine creditoris iactura, ut ex salinis vrbanis cadi xxv. uno quoque anno pro ea pecunia darentur. Scitis vos ipsi praefecti grauiter illum tulisse, conquestum apud vos, cum diceret, salis se nimium habere, quod decreto municipali singulis annis pro castris & praediis cadi xl. adportarentur: habere se ex rationibus urbani cados xxx. qua ratione ergo fieri potuit, si tantum sibi salis erat in vrbe, ut ex castro Argiano, & Colonia

Ionia veteri , tanta praeſertim intercapedine , tanto cum periculo , cados quinque in urbem deuehendos curarit? O praeclarum argumentum! o egregiam conjecturam ! o acrem ingenii aciem ! non possum non magnopere mirari, iudices , quam nullo consilio veteratores isti , in fallaciis diu versati , & exercitati , tam leuiter haec confinxerint . Nam quid dicam de eorum patrono , sine quo nihil commentabantur ? verebar ego in hoc homine , ut est summa peruersitas , & accusandi uſus , fore quidquam ita constitutum , ut maxime in diluendo mihi eſſet elaborandum . Sed non ita eſt : nam quid in hac cauſa obſcurum ? quid in hac quaefione eloquentiam , aut dicendi exercitationem desiderat ? Pudet me de re tam aperta diutius differere apud tales viros . Quid eſt accusatores ? producите iam eos ipsos testes , quibus , quod erat ex voluntate vestrā dicendum , memoriter recitare iustissis . TESTIMONIVM TOFORI . Verbum interponam : vel is Toforus eſt , qui apud M. Gorgiam coenatus , cum Cersino pernoctauit ? Is ipſe eſt . Perge iam ; dic quod lubet . TESTIMONIVM TOFORI PISANI . Quantum audio , dicit ſe abhinc decennium idibus februariis , cum caſtrum Argianum uerſus proficiſceretur , offendisse in itinere mulionem : itaque cum eo in villam Bellantis divertiffe : fuiffe in ea Hyeronem & Sancium , tum iſtitores , qui ſalis cados duos domini mandato acceperint . Consideremus , obſecro , quibus verbis ytatur . quae enim haec potuit eſſe memoria , non rustici quidem hominis , ſed nec Themistoclis , aut Luculli , in quibus praeſtantissima fuiffe dicitur , ut in re exigua , & quae ad ſe minime attineret , abhinc decennium meminerit diem , quo Argianum uerſus proficiſcebat ? nam ita clare idibus

bus februariis pronunciauit, ac si hieri fuisset dicendum. Addit, domini mandato accepisse. Qui hoc scire poterat? nisi ariolari dicat etiam se scire. Sunt haec certissima, iudices: quibus corruptelae suspicio possit significari. Videntur haec verba prolata ab eo, qui mercede ab accusatore sit adductus. nam quid tam temere, tam cupide illa dixisset? Quae rursus ut refellamus, ut intelligatis nulla iurisiurandi religio ne in testimonio dicendo fuisse commotum; producamus nunc Hyeronis & Sancii testimonium, quibus iste sal idibus februariis redditum iuratus tam teatrat. HYERONIS TESTIMONIVM. Per bono loco res est. diligenter obsecro attendatis, ut eorum dicta conferamus: per bono loco res est. Producito nunc TESTIMONIVM SANCII. O rem singularem, iudices. videtis quae vis, quae lux sit veritatis? Primo quoque verbo illum mentiri, necesse est. dicunt, institores abhinc septennium primum aduocatos fuisse, praefectosque negotiis a Bellante: qui ergo ad eos diuerti, qui sal deferri potuit, & domini mandato reddi, si tum ibi eos constat non fuisse? si certissimum est, tum Bellantis non fuisse institores? quod ex eo intelligite, quod Hyeronem & Sancium a Labeone in urbem captiuos ductos, cum innocentissimos cognouissent, vltro remiserunt. nam si in culpa esse potuissent, conieciissent in vincula, detinerent in fouea, cruciatibus conficerent. Audiamus nunc alterum veteratorem: atque interea, Polenta, conside, obsecro, & ne me ita acriter intueare. TESTIMONIVM IONIS COLONI IAM ORBITELLENSIS. Scio nunc, Polenta, quare surrexeras, quo me ita intuebare. est hic, cui patrocinium nunquam defuturum pollicebaris: memini illum esse tuum

tuum clientem, cum primum colonum iam Orbitelensem audiui appellari. is enim est, pro quo re nisi imperata nunquam conquiesti: sed ut vere & libere dicam, haec ipsa verba praeseferunt hominis peruersitatem. nam quae illa est inscriptio? COLONI IAM ORBITELLENSIS. nisi tua opera aere alieno liberatum dicere: pro quo ut ille referret gratiam, iuratus ad accusatorum voluntatem dicere non est veritus? Dicit is, dum triduum in urbe fuisset, in sedibus Bellantiis vidisse a Byrsa mulione clam seruo redditos salis cados tres, quos ex castro Argiano asportauisset. Primum hoc rogo, si triduum in urbe fueras, qui sciebas ex eo castro sal deuectum? quid ergo adfirmas, quid iuratus dicis, quod te ignorare necesse est? Quid scis, in iis cadis, si clam redditii sunt, sal fuisse, vel aliud quidpiam? sed video, clam dixit, ut hoc ipsum suspicionem faceret. Quomodo vero clam, si tu quoque aderas? si praesentia hominis infidelissimi non commouebantur? sed huic testi, iudices, non credendum esse, multa sunt, quae postulent. primum, testimonium est ex coniecturis. deinde quod constat, illum communicasse cum multis, in quibus est L. Casinouensis: in Bellantem dixisse ex accusatorum voluntate, ut per eos aere alieno liberaretur, ut dominum perderet, cuius iussu in vincula erat coniiciendus: quo incolumi, scelerum conscientia diu horum patrocinio se tutum fore non sperabat,

His sic constitutis, quid dubitatis, iudices, leges tueri antiquas, emendare nouas, commune periculum propulsare, graui animaduersione ab huiusmodi insidiis hosce licarios deterrere, Bellantem vestra acuitate subleuare? Et quidem certe si hominis

nis summo splendore, summa virtute ratio non habetur, cuius permagna habenda esset; admoneat vos, iudices, quae res vna rempubl. vestram augere possit, & ciuilibus discordiis multos annos perturbata omni molestia liberare. neque enim aliis de causis ad gubernacula reip. sedetis, & in hoc consilium delecti estis, nisi, vt cum iudicia per vos fiant ad ciuitatis temperationem, vtrumque oculum, & animi aciem omnem intendatis: vobis nunc integrum est, iudices, dispersos, dissipatosque ciues conuocare, lenire, eorum animis pacem adferre, quos contumeliis oneratos, acerbissimo dolore angi necesse est. itaque malunt in vicis & municipiis rusticani duriter viuere, quam videre in patria vitam ipsam in sicariorum manu esse positam. Sunt & hi ciues vestri, iudices, quorum maiorcs hac in vrbe nati, educati, nunc demum mortui conquiescunt: quorum laudes hic multas, quae dici possunt, nolo ego commemorare, ne ad aliud quidpiam mea pertinere videatur oratio: illud tamen meminisse debetis, si quid in illis prudentiac, fortitudinis, gloriae fuit, quod litteris & hominum memoria sit consecratum, id totum vestrum esse: ita quoque & hi, qui ex illis natu sunt, si quid eorum maioribus dignum fecerint, hoc omne ad vos attinere: & vobis, liberis, posterisque eorum fore ornamento. Sin autem in rerum inopia, quod bonis paternis vti non possint: quod patria expellantur, quod nulla domesticae dignitatis ratio habeatur, aliquid mirius ingenuum atque illiberale admitterent, ita vt in eorum vita macula conciperetur: existimare, eam ablui non posse; sed ad liberos, posterosque vestros in perpetuum permanare. nam etsi distributa in multos ordines vestra ciuitas est; genere tamen, &

san-

sanguinis communione sic iuncti estis, vt si quis superiota tempora, & nostra haec, maioresque vestros memoria repeatat; ex iisdem diuersos, ex diuersis eosdem prognatos esse dixerit. Quod si ex urbe pulsi, & eiecti, sic honeste & sapienter vixerunt, vt in egestate indignissima, vastatis eorum agris, domiciliis oxinanitis, adhuc in officio ciues manserint, adhuc instituta vestra sanctissime seruarint; decet vos, iudices, aliquando eos subleuare, & a molestiis, aerumnisque abducere: decet vos, non deponere memoria, qui viri hi sint, quales maiores eorum fuerint, quanta cum dignitate, & omnium existimatione in hisce subsellis, in quibus sedetis, considerint. debetis reminisci humanae conditionis, & rerum vicissitudinis; posse vos, liberosque vestros, aliquando apud aliquos causam dicere, qui aequitatis, sapientiaeque vestrae rationem sint habituri; posse circumueniri ab hominibus improbissimis, quos virtutis vestrae memores fortissimi viri defendant. Quarē deorum immortalium munus, iudices, prospicite, cognoscite, amplexamini: causa huiusmodi vobis oblata est, non vereor dicere, ab illis ipsis diis, quorum in fide vestra ciuitas est. nam si prudentissimi ciues, qui vicos sese continent, viderint, oppugnatū a perditissimis hominibus, egregium virum, sic praclare a vobis defendi, sic severa iudicia fieri, & poenam in aleatores, adulteros, vexatores bonorum excogitari; moram nullam interponent, quin in urbem redeant, vt ciuibus gratulentur, sibi gaudeant, hunc senatorum delectum in coelum laudibus ferant: quorum opera liberis, coniugibus, propinquis, amicis restituti sint, aduenientibus in Hetruriam Osma & Coua, veluti magnis diis: qui cum mihi tam humaniter adfuerint, vt nihil magis

gis ego desiderarim; sic moleste hominum scelera ferant, ut nihil severius a grauissimis viris sit exspectandum: praecclare a vobis, iudices, factum iri, arbitror, si in accusatores cupidos, temerarios, in testes ab omni religione & fide remotos, in praefectos iniquissimos, & a veritate longe pecuniae cupiditate abductos, grauiter animaduertatūs: ut cum ad Caesarem, cuius nomen maiestatis plenum est, ii viri venerint, ad quem nunc proficiscuntur, de aequitate vestra, de optimo iudicii genere, de bonorum defensione, de concordia, & reconciliata gratia ciuium, multa commemorare cogantur, & laetentur suo aduentu illuxisse reipublicae vestrae faultum & felicem diem.

## O R A T I O III.

## PRO SE IPSO.

*Ad patres conscriptos reip. Senensis.*

CVM superioribus annis P. C. is de me sermo esset, quem non mea innocentia, & spectata a puerō vita, sed omni humanitate exuti aduersarii mei esse voluerunt, non magnopere commouebar. Existimabam enim miseris, perditisque temporibus, quibus iura diuina & humana confundebantur, boni in situ & squalore iacebant, felicitatis prope cuiusdam meae esse, quod ab iis contemneret, quibus ego placere sine magna infamia non potuissim: itaque in meis calamitatibus communi incommodo subleuabar, & leuationem aliquam fortasse adferebam amicis meis, quod in iisdem rerum angustiis versarer, quibus illi indignissime premerentur. Nunc cum eorum immortalium beneficio, & Caroli V. Cae-

saris augusti pietate , per ornatissimum & sapientissimum virum, C. Franciscum Sfondratum, non modo color & species, sed etiam succus & sanguis reipublicae sit restitutus ; & fortissimus vir, Franciscus Crassus, vrbi praefectus , stet ad bonorum defensionem : quid est P. C. quod ego me non excitem , atque erigam ? praesertim cum vterque istorum in iis disciplinis atque artibus excellat , quas ego semper mirifice colui , & obseruaui. Te ne ego, C. Francisce Sfondrate, in loco tam excelso pulcherrime sedente, te ne, Francisce Crasse , ad ius dicendum ab Insubribus usque accersito, oneratus omnibus iniuriis, laudator atque imitator studiorum vestrorum, non caput extollam ? non animo forti ac magno sim ? non eruptione veluti facta, ferrum & manus conferam cum iniquissimis hostibus meis ? quos ego, non, vt illi me, imperitorum voculis obiiciam , sed adducam in illustrium virorum conspectum , qui suffusos animos malevolentia, & inuidia grauidos excutere possunt ; & facile agnoscere, qui ad maledicendum multum, ad ementendum licentiae plurimum habeant in ciuitate. In hoc enim P. C. grauissimum supplicium constitutum esse arbitror aduersariis meis, si, qui sint, a vobis dignoscantur. id si mea oratione fiet, eximiam quandam gloriam consecutus videbor: quod si plusculum etiam accesserit, vt pro aequitate vestra, littera ea ad caput affigatur , qua iam diu digni sunt ; nihil est, quin beatissimam mihi vitam esse putem. Etenim P. C. cum maleficii nulla spes perficiendi & occultandi in ciuitate vestra sit, nullus maledicto etiam debet esse locus. Quod si ego tam patienter tuli istorum quotidiana conuicia, spero , me vel ob hoc ipsum vobis non posse esse non gratum, qui rationem semper habue-

buerim dignitatis & aequitatis vestrae. Nunc cum effrenata audacia impudentes & furiosi homines sic elati sint, vt de me multa iniquius detulerint, rumores sparserint in ciuitate, alienare a me conentur eos, quos virtute, officio, dignitate reuereor plurimum; quid est, quod me contineam P. C. Liceat mihi per deos, aliquando egredi extra cancellos tam diuturni silentii: liceat, libere audacterque in hoc loco dicere: liceat, tandem repughare impuris hominibus, qui fortunas, nomen, & caput meum, nulla priuatim laesi iniuria, indignissime oppugnauerunt. Quod si magni imperatores, quibus summae curae est, ne quid in castris incommodi ex militum discordia oriatur, non modo concedunt duobus legionariis, qui inter se perpetuas controuersias habent, vt armis contendant; sed etiam pugnae locum constituunt, vnde & ipsi & milites spectare possint, vter vtri virtute anterendus videatur: non puto, alienum esse a dignitate vestra, si qui ad ciuitatis temperationem sedetis, adfueritis veluti spectatores & iudices contentionum nostrarum. Nam quemadmodum nullam praeclaram aliquam laudem habet miles, qui vel ex insidiis, vel sub sarcinis hostem adoriatur; sed bene summant gloriam is, qui pro castris in imperatoris & totius exercitus conspectu inimicum magnifice incedentem sis- tit, & inaniter exsultantem sternit: sic apud vos nullo in honore esse debent dolosi isti, & circumforanei obtrectatores. At qui in hunc locum ad agendum amplissimum hosce istos tam impudentes prouocent, & conuincant, iustis de causis vobis P. C. carissimi esse debent. Fur, aut rapax aliquis, sicarius, vel lanista, corruptor vel adulter erunt in ciuitate; sexcentae sunt leges patriae, quibus vinculis, verberibus,

exilio, morte multari possint: in maledicos conuiciatores lex nulla a vobis rogata est, nullum edictum, nullum S. C. factum, quo boni sibi cauere queant. Quam ob rem imitari vos decet veteres illos, sapientissimos quidem viros, qui ut horum improbitatem retunderent, coercent audaciam, tollerent inhumanitatem, dicendi licentiam incredibilem quandam oratoribus esse voluerunt: qui si peruersa studia talium hominum graui & copiosa oratione prosequerentur, minime causa cadebant; sed erant ob id ipsum etiam gratiosi: vel quod diuinos viros lepos & festivitas sermonis in re seria delectabat: vel quod nihil magis deterrebat impudentes veteratores, quam si nosset, timerentque eorum ingenia, mores, vitaeque omnis actionem posse aliquando in iudicium vocari. Hi si conuicti ab oratoribus essent, ut disserent, quid sit bonis negotiis facessere, lege Memmia plectebantur: de qua ego in extrema orationis parte, si mihi ea benignitate, qua coepistis, adfueritis, nonnulla dicam.

Ego P.C. anno tertio ab urbe Roma, ab Hispanis capta, cum omne Latium arsisset bello tetro & calamitoso, & pestilentia inopiaque frugum Hernici mei laborarent, & tribus ingentibus malis valvati agri, villae succensae, urbes assiduis funeribus haustae essent, in Hetruriam veni. rebus enim integris acceperam, praestantissimis artibus, & omnium disciplinarum genere pulcherrime hanc Italiae partem esse exornatam. In qua cum pedem posuisset; sensi eadem miseranda temporum calamitate, iisdem atrocissimis fortunae fluctibus, qui Latinos & Hernicos populos absorbuissent, afflictam fuisse ciuitatem vestram. Neque enim philosophos eos comperi, quos  
vt

vt audirem, tanto cum desiderio veneram: non poetas, non oratores, quales hic esse dicebantur: quod vel morbo fuissent absunti, vel ab hominibus determinis morte adfecti. Iuuenes per id tempus factiosi, nouis rebus studebant: senes ciuilibus odiis accensi, nihil nisi dirum atque immane cogitabant: duo tantum optimi, & illustri & praestanti ingenio iuuenes, veluti diuina quaedam lumina, exstinctis ceteris, elucebant in ciuitate, Bartholomaeus Carolus & Bernardinus Bono, insignis quos grauitas, integritasque morum, & studiorum similitudo arctissime coniunxerat. Vbi enim nullam praecclaram aliquam operam reipublicae vidissent se posse praestare; contulerant se se ad eas artes, quae verissima solatia sunt humanae vitae: in quas dum tota mente incumbimus, nullus prope nobis sensus est praesentium malorum: quod ita perceptio magnarum rerum incredibili dulcedine animos perfundat, vt qui ea se adsuefecerint, nihil omnino sentiant temporum indignissimorum acerbитетem. Hi me abire auentem, omnibus rebus ad profectionem paratis, precibus & officiis animum retinuerunt: alter enim librorum mihi copiam fecit, quos pater philosophus tota Hetruria compararat: alter nobilissimorum virorum, qui tum in castellis & municipiis se continebant, familiaritates adiunxit: in quibus fuit fortissimus vir Antonius Bellantes, Petrini F. cui dies cum esset dicta ab iis, qui antiquissimae familiae gloriam, clarissimi viri nomen & fortunas delere conabantur; scitis P. C. quanto cum periculo, qua pietate defenderim ciuem vestrum. Id primum mihi causa fuit omnium incommodorum: id in me multos concitauit, quo vel uno omnium ciuium animos conciliatum iri, sperabam. Quod si

in me tam duri & iniqui sunt homines, qui ab improbis circumuentum ciuem defenderim; quid facient illi, qui socios & amicos populi Senensis spoliandos & opprimendos curarit? Et miraminí P.C. quid sit, quod patronus aliquis, quem vos in vincula conieciatis, cum ex sanguine & miseriis ciuium & oppidanorum incredibilem opulentiam compararit, nunc restituta republica habeat defensores principes ciuitatis? Quod non eo dico, vt in aliquem vos incendam: sed vt facile intelligatis, quam vir bonus esse possit is, qui inferius mihi sit ob optimi viri defensionem. Nam cum eo tempore, quo Antonius accusabatur, Osma & Coua senatum coegissent in aeribus Spannochiiis, vt omnibus sententiis absolveretur; cumque testes a me paeclare fuissent rejecti: aegerime in primis ferebat optimi viri laudem Otho Melius Cotta, vulgi quidem opinione, quod hominum amplitudinem non egregiis animi dotibus & liberali ingenuitate, sed diuitiarum adfluentia, & magistratum muneribus metitur, homo amplissimus: existimatione autem eorum, qui nihil minus quam vulgi opinionem sequuntur, malus, arrogans, furiosus. Is vbi omnes, qui aderant tam humaniter propensos in Bellantem vider, tanquam iubatus draco, male capillatam ceruiculam illam suam iactare, emisitiis atque ardentibus oculis me intueri, contorto pallio sudare, atque vt est homo vafer, Hispana lingua loqui coepit: credo, vel vt heroas illos Hispanos abalienaret, vel ne, quae ipse obiiceret, diluere ego possem: cuius linguae cum essem non omnino ignarus, accepi quidquid in Bellantem euomuisset. Aiebat enim, arcem Antonio esse munitissimam, id reipubl. minime expedire; praesertim cum ea arx scelestis-

tissimo cuique esset apertissima & perhospitalis. Ad eam orationem erga cum Osmae & Couae conuersos animos esse vidisse; nolite quaerere P. C. quam me amicitiae studiis currentem, religio quaedam incitauerit pietatis. arcem. Antonio esse farebar a patruo exaedificatam: id vero expedire reipublicae, quod in finibus sit, qua excusione impediri, bellum percommode in agro alieno geri, auxilia commeatusque perfacile subministrari possunt? haec qui reipublicae noceant, me non videre, nisi ciuem fortissimum & integrerrimum viuere, liberos bene eductos atque educatos in tuto esse, reipublicae noceat. cetera, quae obiecisset, ad inuidiam, ad liuorem, ad malevolentiam spectare: quae si falsa esseat, vel ex eo liquere, quod inimici Bellantis cum coelum & terras mischissent, ut grauissime accusarent, & ea in re fuisse diligentissimi, quae tamen Melius Cotta obiecisset, non detulissent. Quid hoc est? quis putet illos rem tantam fuisse praetermissuros? quid per deos in cadis salis quinque accusationis summam posuissent, si capitatis arcessiri posset is, quod hostes reipublicae iudicatos arce receperisset? Hoc argumento cum illorum voluntates reconciliasset, & Cottae rabiem elusisset; difficile dictu est, quanto ille in me odio exarserit, quam omni tempore animo inimicissimo fuerit: a quo cum ego non cauerem, & odii causam prope omnes ignorarent; facile fuit homini furioso & loquaci flabellum illud seditionis, pestiferam linguam suam in me acerrime exercere. Nec sum dubius P. C. perexiguam vobis videri iracundiae causam fuisse Othoni, vereor, ne quid a me effungi & insimulari putetis, cum praesertim is habeat religionis opinionem. Utinam P. C. ut vestitum purpureum, ut corporis in-

cessum, ut oris habitum, ut contumaciam in vultu cernitis; sic inanes cogitationes, sic arrogantiam, sic ostentationem, sic spiritus illos animi feroce videre possitis. nihil est illo superbius, nihil magis tumidum atque inflatum. Itaque si quis roget, & quae animo concepta habet, ex ore excidant, quis sapiens est, ex fenatoribus? peream nisi, ~~vnu~~, inquiet Otho. quis summa nobilitate & gratia? Melius: quis dignus, ut regnum in ciuitate obtineat? Cotta respondebit. Quam ob rem non est mirandum, si cum libere, audacterque dixisset pro innocentissimo viro, putarit me prope maiestatis accusari oportere, quod parvam rationem habuerim eius excellentis cuiusdam dignitatis. Itaque superiore anno cum iuuenes, qui ad praecclara studia liberalium artium, temporibus intermissa, sese referre desiderabant, ab octouiris, gymna-  
si praefectis, pertiissent, ut curarent a me interpretatione aperiri libros oratorios, rescissetque id Otho; quid creditis? vetus atque inexpiable odium non effervuisse? non solet ita ille gerere inimicitias P. C. ut oblatum laedendi tempus amittat, qui non idoneum non solet omittere. Homo est, ut scitis, a pueri factione infectus, a litteris prope alienus, ingenio tamen versuto & acri in tebus gerendis: hinc ad religionem, non quae dei pio veroque cultu continetur, sed ad eam, quae superstitionem imitatur, animum adpulit, quod scilicet fit ad fallendos homines aptissima. De superiore enim loco dicunt, qui in equitum, quae vocant, collegia cooptantur: praecedunt item dignitate equites, quibus pallium est insignitum nota crucis: quae si rosea est, longe praeit. O miseri insipientiam hominum, o insaniam incredibilem, ut sunt altæ stirpes stoliditiae. pudet me in haec tempo-

tempora incidisse, quibus non animi pietas, integritas, spectata innocentia, iuuandi alterius desiderium, propensio in deum, si pura, incorrupta mente & voce cum **venefemur**, venerandos nos facit: sed torque aureus, sed nota & signum aliquod eius, quod pallio gestemus, a quo tamen colendo vitiis imbutus abhorret animus, refudit cor, actiones omnes aduersantur. Putas, Cotta, te christianum esse, quod in purpura feras **CHRISTI** signum? cum tamen **CHRISTI** effigiem non mutam, hominem innocentem, graui calunnia straueris, atque obtrueris. Qui hominem dolo malo oppugnat, is longissime abest a **CHRISTI** religione: tu cum a me nullam iniuriam acceperis, & ea sis molitus, non sat scio, qui in **CHRISTI** oculis te esse arbitrere. Nam quod in me falsum crimen, veluti venenatum telum, contorseris, quod inuidetis dignitati, quod circumuenitis omnibus modis, credo, te non didicisse a **CHRISTO**. An tu cum ad octouirum aedes quotidie ad ementiendum in me ventitares, Hierosolymas ire, vel ad virginis putabas? cum falsum testimonium diceres, faciebas religione? Quid ni? quod in mentem veniret, huiusmodi insidiis appetitum olim innocentissimum **CHRISTVM**? O egregiam pietatem, o admirabilem religionem. nac si tu ita **CHRISTVM** colere dedicisti, mirum est, ni ut eius mortem in memoriam tibi reducas, homines innocentes in crucem tollas. Tolleris, tolleres quidem, si quantum furor iste, superbia, iracundia effert, tantum tibi liceret. nam quantum profecto licuit, nihil loci facutiae, nihil temeritati, nihil dolo, inquam, reliquisti. Faccio de adolescentia tua: tam longe enim digredi nolo, ut innotente verbum nullum, quod in ea quam studiosus rerum

F 5

noua-

nouarum & horribilium fueris, nemo est qui ignoret: firmata iam aetate, & minime properante ad prudentialiam, quam te dirum in factionibus praebuisti, consulto relinquam. nolo pluribus ptosequi, quod cum in salario iactaretur Antonius, & ad misericordiam omnium mentes conuersae essent; tu vnuis inventus es, qui in alia causa, & quidem falsa, miserum atque afflictum implicares. Haec omnia omitto. ad illud redeo: non puduit te id aetatis falsum in me testimonium dicere? Accessisti, bone vir, ad octouiros: petiisti, ne interpretationis munus mihi demandaretur, homini (vt tuis verbis vtar) haeretico: a qua voce, veluti graeca & noua, certe quidem refugio, quod non omnis mihi tecum sermo sit, homo barbare & vulgaris, sed cum his etiam, qui aures habent teretes & religiosas, Addebas impudentissime, cum Germanis me sentire: de ea refacere te cumulatissime fidem. Quae verba ab iis, qui odium intercedere ignorabant, non pro accusacione, cum hic accusandi locus non esset, sed pro testimonio accepta sunt. Conueniunt mane octouiri, refertur de interpretatione. tum Scipio Gabrielius, amantissimus olim mei, ab impuro hoc homine abductus, orationem habuit in me parum honorificam. singulis prope verbis Othonem adpellabat, atque id extra modum: quod (vt aiebat) dixisset Cotta, sibi pergratum fore, si nominaretur. Patum erat Otoni, P· C· si me laesisset: volebat vt ego etiam id scirem, & propterea nominari. Quid ita? recognoscite hos spiritus: volebat, vt ego me ad eius pedes abiicerem, quoties eum in foro viderem tremebundus, vel obmutescerem, vel egomet tecum, *Hiccine est ille, qui Bellantem, qui me, quem oclou-*

ri,

*ri, quem senatus?* Quam vellem, Cotta, ut ego tuum, tu contra meum ingenium nossem. Eloquentiam, eruditionem, sapientiam senatoriam amare, laudare, admirari soleo: arrogantiam, ostentationem, cogitationes istas inanes ita semper odi, ut in quibus hae sint vel mediocres, cum iis consuetudo mihi nunquam esse potuerit. Tu cum illorum nihil habeas, hic postremis abundes, in animum induxisti, a me posse coli & obseruari? Viros ego graves, integros, veritatis cultores, in deorum prope numero reponendos censeo: ex mendacio compostos, impudentes, leues, homines vix puto adpellandos. tu vel illorum, vel in horum grege sis, age nunc videamus.

Dixisti haud dubitanter, me in ea haeresi esse, quae de religione male sentiat. Obscro te, Apollo Delphice, quotus hic annus est a causa Bellantia? Quorsum hoc? noli quaerere. quotus hic annus est? decimus. Quid tum? cum de sale, de arce ageretur, attinebat id ad religionem? irrides? non hercle, non attinebat. Post eum diem fuitne unquam tibi mecum sermo abhinc decennium? obtundis, quasi vero de opera publica deceat senatorem aliquid detrahere priuato colloquio. Scio ego, vos magnos viros hominum priuatorum sermonibus nolle illigari: num per id tempus legisti aliquid eorum, quae a me scribebantur? Quid mihi cum tuis scriptis? quanti vero putas te a me fieri? ne pili quidem. At veritatis lucem, at testimonii religionem, at deum ipsum reuereri debebas. Tu cum hominem, qui cum tibi nullus sermo unquam fuit, accusas de re, quae nisi multa disputatione, multo sermone, sine firmissimis asseverationibus cognosci non potest? Difficilima

ma vna omnium est diiudicatio, in qua non verba ipsa, sed animi sensum perpendimus. Etenim si voces eaedem nunc in bonam, nunc in malam partem accipi possunt, & propterea difficultatem adferunt, quid putas de animi sensu? quem vnum ex rebus omnibus cognitu difficillimum esse, omnes sapientes dixerunt? Verba ipsa aut audis, aut scripta vides: animum nec vides, nec audis. In nulla autem facultate fit frequentius, quam in theologia, ut non quid vox sonet, sed quid scriptoris mens significet, attendamus, nam diuina animo potius, quam verbis complectimur: & patres, qui ea scripsere, non verborum delectum, sed haustus quosdam e sempiternis illis mentibus constat fuisse secutos. itaque difficillima omnium diiudicatio est de theologia. Tu cum fabellas Hetruscas legeris, & poemata imperitorum, tantum tibi arrogas, ut vendices disciplinam sapientiae? nam si non vendicas, quid potes de eius partibus difficillimis iudicare? Non est haec ars, veluti aliqua humilis, in qua manus etiam accedit, ut pictura, ut topiaria: quam si quis facere nesciat, discerne tamen potest, quid in ea vitiosum sit. tota haec anceps, lubrica, periculosa est, iis etiam, qui in ea multos annos sunt versati. Cum Germanis me sentire dixisti. Dii boni, quam hoc etiam vulgare est. an putas omnes Germanos veluti in eundem fasciculum alligatos? an omnes malos? nescis, ut alios omittam, in iis esse diuum caesarem; & Ferdinandum augustum, natos patre germano? itaque cum mihi opprobrii causa Germanos obiicis, non sentis, miser, in quas salebras incidis, in quos impudentissimum istud os tollis. Si sentire me cum germanis theologis vis dicere, istuc quoque perplexum est. nimi

mirum in Germania theologi nobis illissimi sunt multi: neque vero est prouincia altera, in qua tam variae & in omnem partem sententiae diffusae sint. quamobrem cum dicas, me cum Germanis sentire, nihil prope dicas. At tua maledicta cum plenissima sint omnium ineptiarum, habent tamen aculeum: & quia abs te profecta sunt, venenum aspersum, Germanos vocas Oecolampodium, Rotherodatum, Melanchtonem, Lutherum, Pomeranum, Bucerum, & ceteros, qui in suspicionem vocati sunt? ego vero ex theologis nostris tam stupidum arbitror esse neminem, qui non intelligat & fateatur, permulta esse in his, quae ab illis scripta sunt, digna prorsus omni laude: sunt enim grauiter, accurate & sincere scripta, repetita vel ex patribus illis primis, qui praecetta nobis salutaria reliquerunt; vel ex commentationibus Graecorum, & nostrorum hominum: qui etsi cum columnibus illis conferendi non sunt, interpretatione tamen non negligendi videntur. In his quae sunt ex cdmmmentationibus sumta, qui Germanos accusant, Origenem, Cryfostomum, Cyrillum, Irenaeum, Hilarium, Augustinum, Hieronymum accusant: quos si ego mihi ad imitandum proposui, quid obtundis? quid garris, quod cum Germanis sentiam? An si illi sanctissimos viros sequuntur, mihi eosdem sequi non licet? Mirum profecto est, quam tu semper nihil sapias. In quibus igitur suspicio subest? in iis, in quibus firmos auctores non habent, sibiq. ipsis nituntur: in his ego neq. Germanos sequor, neq. eos probo, qui sequuntur: id seu Galli, seu Itali faciunt, non sunt ferendi. Quid hoc? intellectustin? an tu me in quorumdam ineptias abire vis, qui omnia aequae Germanorum benedicta maledicta oppugnant, ut al-

assententur iis, a quibus magna praemia exspectant? Auream hic ego paupertatem meam appello P· C- tenuitatem rei familiaris, qua serio triumpho, cum magnificientia & luxurie istorum non confero. Res domi augusta est: at conscientia in animi penetralibus angusta, laeta, alacris, quam neque interdiu agitant furiae, neque terrent noctu tedis ardentes. Sedeant illi in cathedra, diademata imponant, diaphurn vestiant, textili stragulo triclinia sternant: ego cum tripode iligneo abdam me in bibliotheca: cui satis laneus amictus est ad frigus, linteum ad sudorem, lectulus ad quietem. Atque utinam, bone CHRISTE, auctor, conseruator, amplificator munerum tuorum, ut contemtionem & despicientiam illarum rerum mihi dedisti, ut animi firmitudinem, ne ad voluntatem & sensum, sed ad veritatem loquar; ita mihi pietatem, modestiam, continentiam esse velis; & iis rebus cumules, quas tibi & tuis scio esse gratissimas. Nullae mihi cum Hispanis, nullae cum Gallis, nullae cum Germanis inimicitiae intercedunt: nihil ad veritatem interesse arbitror, cuias quisque sit. Laudas (iniquies Otho) omnia Germanorum acta? Est profecto haec interrogationum tuarum tam similis, quam quae maxime: respondendum tamen est. Ego quaedam probo, quaedam non probo. nam ut alia praeteream, quod obsita multa barbarie, obvoluta nonnulla paupertate incredibili orationis, spinosa olim & offusa quaedam tenebris, nunc latinis litteris illustrata sint: non modo laudo, sed gratias etiam agendas Germanis puto, qui in ea refuere diligentibus. Iacebant divina studia, strata in cellulis hominum otiosorum, qui licet in silvas se abstrusissent, ut in haec incumberent, ita sterrebant

ta-

tamen, vt nos in vrbibus & vicis audiremus: erecta prope sunt ab istis, cum Chaldaicis, tum Graecis, tum Latinis bibliothecis restitutis, typis pulcherrime ad inuentis, theologis perhonorifice stipendiis decreta. quae res clarior? quae glorioſior? quae commendatior esse potest memoriae hominum sempiternae? Secutaq[ue] interim discordiae ciuiles, intestina bella, populorum motus, seditiones, & mala cetera: quae cum multis mihi quidem ob caritatem fraternumque animum in christianos saepe incredibilem dolorem attulerunt. Quis illa non laudet? haec non improbet? Est hic bonorum omnium communis sensus. Sic ego vos P. C. sic hos Hetruriae soles sentire arbitror. Credo iam Othio, quam indigna ea de me dixeris, te videre: quo tamen scelere contaminaris, vt expiari vix possit, puto, te non videre.

Emitte iam e cauea teterrimas belluas illas, non modo solutas a te catenis & officiis omnibus humanitatis, sed excitatas atque inflammatas in me vocibus tuis. Quae ferae tam immanes vnquam irruerunt in aliquem, vt monstra haec tua? Salii, Gallae, Druides: quam cucullo & reliquo vestitu varii & deformes, tam ingenii mobilitate & crudelitate terribiles & horrendi. dii boni, quibus clamoribus, qua vociferatione in me impetum fecerunt? Iam quidem certe probantur ea mihi P. C. quibus habere fidem nunquam volui, quod incerto auctore ad me rumoribus tantum perlata essent: cum primum contra me consilia inirentur ad Sebastiani fanum, in specu, in quem multa nocte ex superstitione conuenerat infinita multitudo eorum, quos Ioannellos vocant, precibus Othonis trecentos ex istis admotos altaribus per lapidem iurasse, nunquam se lampadas diuis accen-

centuros, nisi prius eorum opera me perdidissent. Vbi deuotio est absoluta, ibi tum bellaria data, & multis poculum singulis ab Deciano Leguleio. In qua coniuratione, Otho Meli, si hic coepit est, ut dicitur, quid lingua illa tua, quid agebat? quo ferebatur fluctus ille verborum? qui tumor erat ostentationum tuarum? cum male consultus, & bene potus vino, & odio veluti calcaribus concitatus, omnes modestiae fines preecepit esse egressus? Hic siue coniuratio facta est, siue alibi, nihil adfirmo? sunt enim qui ad Observantiae specum factam contendant, quod certissimum est, dico, te auctore Cotta, te auctore coniurationem esse factam mane, ut postea comperi, ex trecentis illis XII. lecti sunt, qui testimonium dicerent, iidem & accusarent. Ex prima classe, quae sacerdotum appellatur, tenues homines, sed arrogantes, imperiti, loquacissimi, Sp. Bauius, M. Pierus, Rapidus Volaternus: ex secunda, quae est cucullatorum, Hieron. Cianus, Andreas Pansa, Gregorius Primipilus: ex tertia, quae omnium est capacissima, Otho Melius Cotta, L. Auloetes, G. Cirsa, Alexis Lucrinas, Balbus Rufus Negociosus, Janus Thida Belides: hi ad antistitem & praefectum sacrorum post meridiem profecti, qui erat in suburbano, ita per viam fremebant, ut mulierculae non-nullae ad fenestram accurrerent, & prospectarent saepe, numquis ad supplicium traheretur. Erant enim inter eos controversiae. alii me, auditis testibus, mox in ignem coniiciendum censebant, indicta causa: alii, causa dicta, poenam sequi oportere, putabant. tum M. Pierus excandescere, pileo deuoluto prensare hos atque illos: obtestari theologiae magistros Primipilum, Cianum, & Pansam, non esse ex dig-

dignitate theologorum, si homini, ab ipsis accusato, spacio daretur ad viuendum: existare decretum, quo iure atque iniuria praecipites agi in ignem licet eos, qui de haeresi accusantur. Hoc clamore antistes, qui animi causa in villam confugerat, e somno excitatus, puerum vocat, intromitti iubet eos, qui vociferentur. Hic Alexis, homo perdidulus, quod aliquando coenasset apud praefectum confidens, & se magnifice circumspiciens, primus verba fecit, in quibus nihil fuit praeter conuicia, obtreccationes, maledicta. quae cum obiicerentur odiose, atque extra modum, magnis amicitiae vinculis contineri non potuit praefectus, vir sapiens & grauis, quin diceret, concursum sibi videri plenissimum leuitatis. Cui cum homo nequam & audax respondisset, leuitatem in accusatione non esse, in qua adessent subscriptores prope trecenti; hem Alexi, inquit ille, habeo ego sexcentos viros, qui te acerbissimum foeneratorem vel iurati dicunt, nihil tamen eorum accusatione sum permotus: vtrum tibi bene, an male fecisse videor? Obmutuit nebulo, veluti qui sibi esset conscius, qui sciret non mentiri praefectum: miserum esse intelligebat negare, turpissimum confiteri. Cum in eo stupore esset bellua, ceteri ad pedes prouoluti religionis nomine obsecrarent, vt decreto agere liceret. Id vbi impetratum est, testimonium singuli dixerunt: in quibus cum illiberaliter & inhumane quidam se gesserint, non potui P· C· non mirari, C· Cirsam, optimi viri filium, optima quondam puerum spe praeditum, summo loco & honestissimo ordine natum, tam leues, tam vulgares, tam ineptos homines fuisse secutum: quam verbor, ne patri infelicissimo vulnus refricem, qui

de filio his praestigiis actum putat. Quid de fratre  
 humanissimo dicam? quid de domesticis omnibus?  
 qui veluti infatuatum noctes diesque lugent? Nam  
 quae (malum), Cirsa, non modo vescitum & cuktum  
 corporis, non modo vultum & incessum dignum ho-  
 mine libero, sed vegetae mentis aciem, & ingenui  
 animi sensum omnem furiae tibi ademerunt? huius  
 tuae insaniae testimonium, nullum est euidentius,  
 quam quod in me dixisti testimonium. in eo recog-  
 nofee te, si potes: statue tibi reddendam rationem  
 eorum, quae dixeris, quae feceris: adiuuabit ea res  
 non nihil fortasse ad resipiscendum. etenim quod ac-  
 cusationem meam, a quo numquam laesus fuisses,  
 gloriae tibi fore patasti, requiro ego probitatem abs  
 te ciuilem: quod calumniarum fueris perstudiosus,  
 desidero religionem: quod iam annum vtero citroque  
 cursaris cum laruis istis, opto mentis tibi constanti-  
 am, & sanitateni. Nam quid illud est, quod cum  
 Primipilo & Piero, a praefecto sacerdotum litteras tanto  
 studio efflagitasti, quibus sollicitares inimicos meos?  
 quid item illud? quod tabellarios publicos ad inqui-  
 rendum Volaterras & Florentiammitti volebas? quid  
 quod inuidiae plenas istas ipsas litteras, & nuncios  
 praefecti nomine misisti? Agnosco, vt dicam tibi,  
 non stupiditatem, sed malitiam ingenii cui: nihil  
 me fallis: ignauiae & simulatae simplicitatis inuolu-  
 cro vultum obtexisti. at in pectore toli, fraudes, fal-  
 laciae subsident semper in excubiis. Et quidem vt  
 viri boni sapientia & integritate orania optima de di-  
 is hominibusque constituuntur; sic mali hominis  
 insania & malitia, iura diuina atque humana pertur-  
 bantur. Quod si homine stulto & improbo in terris  
 nullum monstrum est perniciosus; ego te nihil peius

arbitror esse in ciuitate, qui religionem illudere, & clandestinis consiliis capite oppugnare scias & possis tam iuuenili aetate hominem innocentem. Athenienses puerum damnarunt, quod coturnicum oculos erueret: suspicati, si adoleuisset, multis illum exitio futurum. Quid de te sapientissimi viri existimari debent? cui vix egresso a pueris, cum primum licuit, bello indicto bonis artibus, inscitia litterarum inertiam, inertia improbitatem, improbitas audaciam, audacia furem, & laedendi cupiditatem incredibilem attulit: vt non modo quemuis laedas, sed in laedendo putas positam pietatem; edoctus. a L. Auloete, qui vultu demisso, & voce humili, quamuis flagret ardore cupiditatis, ita vt paratus semper ad litigandum a curiae foribus diuelli non possit, praebet tamen opinionem sanctitatis. Quem secuti alii, quibus desidia, stupor, torpedo fecit, vt mali essent poetae, pessimi oratores, philosophi ineptissimi, aetate prope consumta in litteris, desperatis rebus immiscuerunt se multitudini huic imperitorum, cum quibus laudem consecuti sunt: egregiam vero laudem, quod auctore Auloete damnarunt iuris ciuilis scientiam, & medicinae artem, & liberales disciplinas: ementi, se id facere iudicio quodam praestanti, quod necessitate faciunt, vt hoc integumento ignominiam occultent, & ingenii hebetudinem. Quemadmodum mercatores, qui emtionibus & venditionibus malefici, vbi neque foenore neque versura soluere possunt, religione simulata cucullati fiunt. Hoc hominum genere numquam quidquam injustius, qui veluti Aesopi vulpecula, omnibus ornamenti carere ceteros vellent, quae ipsi consequi non possunt. Concurritur vulgo ad bibliopolas, acerui librorum auctio-

ne constituta venduntur. Quid hoc est P·C·? deseruntur studia liberalium artium, adolescentes otio lasciuunt, iuuenes per forum vagantur: quorum consilio & commento? Quaerite, quaerite P·C· gloriatur Alexis Lucrinas, se hostem esse facultatis poeticæ, homo impudens, & inscitus: qui, Phaleucium qui scribant, omnes putet esse poetas. E-ludit iuuentutem hic nebulo argumento Berniae hominis vulgaris, & insanissimi, quod magnorum potarum fata mortis indignissima fuerint: quasi vero principes oratores Sardanapali vice mortem obierint: quasi vero imperatoriae mortes non sint præclarae. At quoniam homo audacissimus & ineptissimus theologum se profitetur; rogo, qua morte adfecti sint sanctissimi viri, qui CHRISTO testimonium dederunt? qua CHRISTVS ipse? quo nihil melius, nihil sanctius in terris fuit. Mouet hic mihi risum, quod tanto studio magistrum secutus est, qui multis annis eum nihil sapere, docuit. Nam quod Socraticos philosophos sectatur, mouet mihi stomachum potius, quam risum. A quo vero binis centesimis foenerari didicerit, non sat scio. Iani tamen Belidae tam repente amicum esse factum, non possum non valde mirari, qui versibus octo Thusce scriptis poeta adpellari cupiat, & velit, De Balbo, & Spurio, non multis agam: quorum alteri ob insaniam catenas iniectas saepe vidi, alteri egestatem obiretere possum, domestico lenocinio sustentatam. Quid de Pansa & Ciano dicam, furacissimis hominibus? qui superiore anno a me in iudicium adducti ob helluatam pecuniam, quasi talione mecum agere voluerunt. At innocentia oppugnari potest, conuinci non potest. Latrocinium nihil est,

quod

quod obteget, & excuset. Indignum facinus, duo monstra religionis vagari tam libere in ciuitate, vt exhauiant domos, & furentur impune. Horum cum ego nomina detulisse, suscepitas mihi sensi inimicitias cum ceteris cucullatis, qui veluti sues, uno laeso, gregatim ingruunt vniuersi. Et quoniam haec facta potius, quam facta, vobis videri volumus P. C. actionis libellum, testium tabulas, subscriptorum chirographa produximus: vt leuitatem accusatorum, testium improbitatem, subscriptorum impudentiam cognoscere possitis: a quibus accusatio non pro religione, sed religio pro accusatione suscepta est. Quae vero a nobis dicta sunt, & disputata, in eodem libello inclusimus: vt quiuis intelligere possit, ad omnia accurate fuisse responsum. De quibus egismus in senatu libenter, nisi a forensi sermone ab horrerent quidem illa, & nouum quoddam dicendi genus postularent, quod theologi alia prope lingua loquantur. In iis de ferie & ordine ex omni aeternitate fluenti: de republica ante mundi principia designata, constitutaque a deo, cuius dux, auctor & moderator unus est CHRISTVS: de lege abrogata, & grauissimo iugo seruitutis differuimus tantum, quantum tempora haec misera, in quaе incidiimus, permiserunt, non quantum certe optabamus, quod in iis aperiendis locus nullus sit periculo vacuus. Sunt enim homines acerbi, duri, criminosi, apud quos ne parens quidem & deus salutis nostrae CHRISTVS, omnium gentium, omnium populorum rex, omni ex parte laudari potest: cuius ex morte quanta commoda allata sint humano generi, cum hoc ipso anno Thusce scripsisse, obiectum fuit in accusatione. Quid hoc indignius dici, aut ex cogitari potest? Aie-

bam ego, ab eo, in quo diuinitas inesset, vita cum  
 sanguine pro salute nostra tam amanter profusa, ni-  
 hil nos debere de coelestium voluntate dubitare, om-  
 nia nobis tranquilla & quieta posse polliceri; adfir-  
 mabam ex monumentis vetustissimis, & certissimis,  
 finem malorum esse factum, notam omnem deletam  
 iis, qui animo in CHRISTVM crucifixum conuersi.  
 eius fidei se permetterent, acquiescerent promissis,  
 spe pleni haererent in vno, qui fallere nescit opinio-  
 nem. Haec ita amara, detestabilia, execranda sunt  
 visa XII illis, non dico hominibus, sed feris imma-  
 nissimis, vt scriptorem in ignem deturbandum cense-  
 rent: quae poena si mihi subeunda est pro testimonio  
 dicto, quod testimonium existimari illud volo poti-  
 us quam libellum; nihil est me beatius P· C· neque  
 enim puto christianum esse hoc tempore in lectulo  
 mori. Parum est accusari, & deduci in carcerem:  
 virgis caedi, teste suspendi, insui in culleum, feris  
 obiici: ad ignem torrii nos decet, si his suppliciis  
 veritas in lucem est proferenda. Quod nisi indicto  
 concilio spes bonis iniecta esset, negotium felix &  
 salutare a pontificibus, a caesare, a regibus vna sus-  
 ceptum iri, vt magnis concursibus omnium gentium,  
 omnium nationum celeberrimi conuentus peragan-  
 tur; desperaremus omnino tantarum perturbationum  
 finem ullum vnuquam futurum; desperaremus posse  
 fieri, vt sica ista districta in omnes scriptores, de ma-  
 nibus eorum extorqueatur, qui vel leuissimis de cau-  
 sis crudelissime ferire didicerunt: a quibus appetitus  
 fuit aliquando vir omnium sanctissimus & integerissi-  
 mus, Sadoletus meus. qua re nihil multis annis sol vi-  
 dit indignius. Horum, horum vulgarium & im-  
 peritorum hominum opera P· C· Bernardinus Ocel-  
 lus,

lus, vir dura illa ac horrida vita, admirabili illa abstinentia istis ipsis diebus accusatus, quod vos non valde erectos videret ad se defendendum & sustentandum, de fuga consilium cepit: nunc cuius vester Italia omni (quod magno cum dolore dico) expulsus, & eiectus, in remotissimis ab Hetruria nostra locis vagatur solus, & peregrinus. Quae littora, quae siluae, quae oppida fortunata non sunt, quae ille attigerit? quos homines fore putatis eos, apud quos ille diutissime commorabitur? qui fructum capere poterunt ex consuetudine viri excellenti ingenio, & summa animi humanitate temperati. Nulla gens tam fera est, nulla tam barbara, nulla tam immanis, quae eius oratione flecti non possit. Fatis fortasse volentibus (vtinam id eueniat, quod ego auguror) in eas oras profectus est, quae disceptae, diuulsae, conquassatae sunt varietate opinionum, vt qui a christiana regula aberrarunt, redeant iam in viam, & veritas locum, in quo conquiescat, tandem reperiat. Vultus vestrum me inuitant P. C. vt haec cum lacrimis dicam: cogarque ipse mecum cogitare, quantum eloquentiae amisit Hetruria, quantum solatii vniuersa Italia, in cuius urbibus florentissimis & celeberrimis, magno plausu, concursu ingenti populorum, summa admiratione colebatur huius viri incredibilis quedam & diuina virtus: hunc in illo exilio fuga trepidum, plenum squaloris titubantem atque afflictum.

Non committam P. C: vt diutius vos angam querelis, & mihi saepius manus adferam: hoc tantum dico, a vulgaribus & impeditis hominibus illatum fuisse vulnus Ocello vestro, qui & mihi plagam infixerunt: illud in memoriam q̄digo, posse nunc

vos per sententias vestras, restituta lege Memmia, ci-  
 uem vestrum vlcisci, hospitem innocentem subleua-  
 re, magnam turpissimorum hominum manum, per-  
 niciosam sentinam reipublicae ex vrbe exhaustire.  
 Nam peropportune accidit & innocentia mea, &  
 fortuna vestra P. C. ut sese ipsi bonorum hostes inclu-  
 serint, atque implicarint: laedendi cupiditate eo  
 progressi sunt, vt neque retro regrediundi, neque ul-  
 terius procedendi libera facultas detur. Quid ergo  
 est? inciderunt in S. C. Turpilianum. iam anni extre-  
 mum est, qui fuit totus ab aduersariis in accusationi-  
 bus & restibus comparandis consumtus: si quis est,  
 qui aliquid ab iis praetermissum putet, quo minus ini-  
 quissimum iudicium conflaretur, vehementer errat:  
 neque enim aut studium in accusando, aut tempus in  
 inquirendo defuit: gratia vero & opulentia ita pug-  
 natum contra me est, vt saepe in triuiss aduersarii di-  
 carent, hominem inopem & desertum, duobus his  
 tormentis percussum, stare non posse. Quid Otho  
 Melius Cotta magnis opibus, quid L. Auloetes, qui  
 sermones contra me semper temporis aptos serit, non  
 impetrasset cum gratia? quid ceteri adsequi non po-  
 tuissent, florentes amicis, cognatis, propinquis?  
 quas vrbes, quae oppida non adierunt, vt modis  
 omnibus obruerent? Testor ego hic te, C. Francisce  
 Sfondrate, quem pro eximia tua virtute, summisque  
 honoribus, quos a caesare, quos a senatu, quos a  
 populo Senensi adeptus es, honoris causa nomino:  
 appello te, Francisce Craiffe, praestantisimum vi-  
 rum, summa fide, summa pietate: quam homines  
 isti magno numero conuenerint, vt virtusque ves-  
 trum in custodia salutis meae diligentem abducerent,  
 atque abalienarent. De antistite nihil dico, a quo  
 if-

istorum opera constat scriptas litteras , ad inimicos meos solicitandos, in me quidem parum honorificas: omitto cetera. Ventum est ad iudicium, in quo testimoniis mendaciis cum omnia conspersa viderem, petiti per hunc ipsum conseruatorem otii & quietis communis , ut quae testes dedissent, ea coram potius , me praesente, dicerent. honesta quidem postulatio, non negligenda , praesertim cum a tali viro exponeretur ; tandem admissa est , recepit praefectus sacrorum. si venire noluisserent, cogi poterant: venire noluerunt, coacti non sunt. quid hoc est , si non iniuria est? cui facta est? nihil dico: nullam sentio fidem habitam rationem. at hoc quoque parum est. Allato libello de CHRISTI morte repetitum est testimonium a Volaterno : falsum est inuentum. quid tum postea? nihil est. Ego ob CHRISTI laudationem accusatus toties , vocatus toties , electus toties , capitibus prope fui condemnatus: Volaternum ob tantum scelus nullae poenae secutae sunt. Prouocati a me accusatores , venire noluerunt: testes pugnativa loeuti , fugae sese mandarunt. vt sint tuto , in arce Cirsarum sunt: in finibus tamen vestris. Quid hoc est P· C· nisi insolens , nisi turpis , nisi foeda iudiciorum species? actionis libellum habetis , testimoniū tabulas, chirographa subscriptorum. Illi vt subterfugiant, reiiciunt sese ad instituta ciuitatis , ad plebiscita, in quibus nihil est in accusatores. At vero si quid a me dictum , factumue esset , pontificum decretis agere illis contra me licebat: cur mihi non licet legibus agere imperatorum? in quorum fide ciuitas vestra est, & fuit semper. Nunquam effugient hodie , si aures animosque intenderitis in S. C. Turpiliarium ; quid enim illud est?

CALVMNIAE CAVSA PVNIVNTVR QVI  
IN FRAVDEM ALICVIIS LIBRVM VEL TES-  
TIMONIVM ALIVDVE QVID CONQVISISSE  
VEL CONSCRIPSISSE VEL IN IVDICIVM  
PROTVLISSE DICVNTVR.

Quid item illud?

QVI SVBIECISSENT ACCVSATORES  
AVT SVBIECTI POSTVLASSENT NEC PERE-  
GISSENT REOS QVIQVE CHIROGRAPHVM  
OB ACCVSANDVM DEDISSENT.

Tergiuersari non licet, perge.

ET QVI ACCVSATIONEM SVBMITTIT  
AVT QVI INSTIGAT AVT QVI MANDAT  
ALICVI.

Calumniae causa conscriptus est accusationis liber; testimonia conquisita sunt, chirographa ob accusandum data: accusatores subiecti, reum non peregerunt: similitudo supplicii, quo adfici reum oportebat, si conuictus erat S: C: calumniatoribus poena est constituta. Magno odio dignus existimatur, qui temere ad improbam accusationem accedit: reo absoluto, lex Rhemia de accusatoris consilio incipit quaerere, Memmia de nota inusenda accusatori: quarum altera vix ipso nomine nota est iurisconsultis, altera omnino ignota, sed pro ciuium quiete tam necessaria, quam quae maxime. In qua ciuitate non erat Memmia, numquam discordiae, numquam deerant bella ciuilia. accepta enim ob accusationem iniuria, irritati animi non conquiescunt, pungit dolor, vrget memoria, ardet cor, gliscit ira: ad quos motus sedandos nihil est prius, quam Memmia, per quam defendendo & vlciscendo contumeliam ab innocentibus propulsamus. Turpiter accusatus es?

ho-

honorifice es absoltus. ab improbis fuisti oppressus? a bonis leuatus es. iacuisti in squalore & situ? positus es in illustri ciuium conspectu, crimina, quae obiiciebantur, diluta sunt omnia: noli queri, euome virus acerbitatis, quiesce iam: accusatoribus nota est inusta, quam nulla vñquam delebit dies. Magnae sunt huius generis consolationes P· C· quarum exspectatio, quod de aequitate vestra non dubito, me miserum atque afflictum iampridem sustentat. Nam quod fortissimi homines Collini, a quibus honestissime sum ornatus cum publicis litteris, ingenti concursu venerunt, est sapientiae vestrae non aspernari. Non videtis in fronte, in oculis, in vultu denique toto studium, desiderium, ardorem defendendi municipis sui? neque mehercule tam multis ego in senatu egissem mea causa, nisi illi magnopere efflagitassen: quod non de dignitate vnius hominis in oppidum adsciti, sed de toto municipio agi putant, de necessitudine inueterata, de commercio, de vsu cum patribus vestris, quibus cum benevolentia & officiis saepe, de finibus numquam est certatum. Adebat Bernardinus Francisconius, ciuis optimus & integerrimus: adebat iurisperitissimus, Hieronymus Bandinellus, Ghini filius, summi vir officii, summaeque probitatis: adebat Petrucliorum omnis familia nobilissima: adsunt Tancredi, Placidi, Maleuoltae, praestantissimi ciues: adsunt Thorii, Fungarii, Syluanii, qui calamitoso reipublicae vestrae tempore domo egressi cum vxoribus & liberis, in hoc oppidum se receperunt, in iis sedibus seruarunt: a finitimis omnibus destituti, omnibus rebus adiuti sunt a Collinis, qui per quingentos prope annos patres vestros, saepe ciuali bello fugientes, suis armis texerunt: neque

que vero est oppidum alterum in Hetruria, in quod  
aeque profugiant ciues vestri, tanquam in portum.  
Itaque quod mea sponte non facerem, municipum  
meorum iussu facere cogor, quorum nomine ami-  
cissime a vobis repeto vicissitudinem officiorum, quam  
illi in mea dignitate tuenda positam purant. Adsunt  
germani fratres, honestissimi optimique adolescen-  
tes, Faustus & Euander Bellantes, qui sic me intuen-  
tur, vt & lacrimas eliciant, & ipsi tenere non pos-  
sint: dolent, me in odium tam acerbum incurrisse  
ob patris, ob familiae defensam dignitatem, ob ser-  
uatas fortunas eorum, vt ego perirem. Quod vero  
saepe receperint, relatuos se aliquando gratiam;  
nunc tempus venisse vident, eam vt per vos referre  
possint, cum lacrimis deprecantur. Quid me angis  
pietate ista tua vir Bono, & virtute insignis comes,  
& dux studiorum meorum? vtinam ex Hetruria abe-  
untem numquā retinuisses, non vtique nunc labo-  
rarem: amissō Carolo post illas lacrimas, non vidis-  
ses etiam iacturam nominis mei, non prenseres hos  
atque illos, non rogares pro misero, quem in tua  
patria ornatum & florentem esse voluisti. Hem,  
quid tu quoque vxor huc ingressa es cum matronis  
honestissimis & sanctissimis, vt te ad senatorum pe-  
des abiiceres cum liberis, mutata veste? hem mea lux,  
mea vita, anime mi: abi domum, liberos educa:  
numquam iis sponsore CHRISTO deerit pater. Ex-  
cipe istam, age socrus, prae dolore misere exanima-  
tam, reduci si potes, amoue causam lacrimarum. Si-  
nite, obsecro, me gratias agere optimis viris, qui in  
extrema fortuna non deseruerunt. Nam quid cuni-  
manū lectissimorum hominum, & fortissimo fratre  
aditas, ornatissime eques, Camille Chisi? vt opera  
ad-

aduersariorum inclinatum & labentem, tua virtute fulcias & sustineas? magnam mihi spem facit splendor iste dignitatis equestris, & robora ista populi Senensis. Quid Egidi pater, cum Augustinis theologis, hisce magistris sanctitatis, pudoris & modestiae? iure ego vos semper colui, & obseruavi. Quid tanto numero iuuenes eruditii & eloquentes in senatum venistis? veluti accusaturi eos, quorum opera iam annum intermissa a vobis sunt studia litterarum. Agnosco ego pietatem & obseruantiam studiosorum: deprecantur hi vos P. C. & obtestantur per fortunas, per liberos vestros, ut cuius monitis & praeceptis septem annos secuti sunt studia liberalium artium, eius vos existimationem & dignitatem a disciplinarum hostibus defendatis. Nam quod altera ex parte nocturnis concursibus simulata religione in specus factiosi homines conueniant, vulgo coniurations fiant, credo vos consulturos reipublicae. Hic, hic dies P. C. declarabit, qui sint sensus animorum vestrorum.

## ORATIO III.

DE

## LAUDIBVS ELOQVENTIAE.

*Ad Lucenses.*

**E**T si me pudor, quem mihi natura tribuit, satis commonere poterat, ne in hunc locum, qui eloquentissimis & eruditissimis viris semper patuit, omnino descenderem; fecit tamen beneficij vestri magnitudo, & proximo delectu declaratio animorum vestrorum, ne obscure aut tacite a me ipso reposcerem rationem officii mei. Nam cum mihi non am-

mi-

micitia, non consuetudo, non usus intercederet cum homine Lucensi, non hospitium aliquod esset in ciuitate vestra; & ea fuerit humanitas, ut neque priuato, neque obscuro, sed clarissimo lectissimorum ciuium consensu, summa cum dignitate munus mihi delatum adsignatumque sit, quantum ego virium mearum tenuitatem sustinere vix possum: sic agendum esset, ut si non disertum & eloquentem, praestarem tamen me & memorem & gratum virum: testatumque apud animos vestros relinquerem, & quantum vobis debeam, & qualem de benignitate vestra animo conceperim opinionem. Quo enim minus ea in me esse video, quibus tam honorifice inuitari potui in ciuitatem; eo magis in vobis esse intelligo, quae praecclare quidem apud omnes de laudibus vestris dicantur: quibus ego adductus, multos iam annos colui & obseruaui rempublicam vestram. Itaque antequam ego vos vidisset, amabam, habebamque animo comprehensas imagines fortissimorum & grauissimorum hominum: cumque superioribus proximis litteris acceptis, venire ad vos constituuisse, existimabam me ad Brutos, Decios, Catones esse iturum: in eam denique ciuitatem, in qua cum ceterarum artium liberalium, tum eloquentiae studia pulcherrime colerentur. Est enim vetus opinio hominum, eam dicendi vim, quae eloquentia dicitur, apud vos maxime vigere: quod ea certe nusquam melius versetur, quam in libera ciuitate: nusquam omnibus ornamentiis incedat, nisi in bene constituta republica. Etenim si eius siue artis, siue scientiae, siue facultatis principia vestigemus; si incrementa, si summum locum, in quo visa est aliquando consistere: reperiemus in optima Atheniensium ciuitate ortam, educatam & perfectam: unde leges & rei-

reipublicae imaginem aliquam accepit, qui rerum potitus est populus romanus, apud quem floruit eloquentia, dum respublica floruit: quam ob rem libertatis comes atque alumna, a sapientissimis viris est appellata, quod inclinata rep. & libertate ademta, ipsa quoque stare noluerit. Neque vero hostibus reipublicae, & vexatoribus ciuium aliud telum est infensius oratoria facultate. Ecquae, dii immortales, sunt fulmina illa in Philippum, Graeciam iam occupantem? quae putamus fuisse L. Bruti in Tarquinios? quae sunt illa principis eloquentiae in L. Catilinam? quae in Antonium, euersorem iam romanae libertatis? & contra nullum reipublicae praesidium est patratus & expeditius, quam dicendi facultas pro retinenda libertate: quam cum fortunis, liberis & vita ipsa cariorem esse vobis intelligam, praecclare a me factum iri puto, si dum gratiae aguntur pro accepto munere, plusculum in eloquentiae laudibus immoriter: horterque hos adolescentes, quibus nihil est ornatus, ad ea studia, quae vobis potissima esse debent ad praesidium, ad ornamentum libertatis.

Omnium praeclararum rerum parens & conservatrix est eloquentia: omnis aetatis, omnium seculorum princeps & regina: magna eius munera & officia fuerunt semper. Primis illis temporibus, quibus conditae vrbes & ciuitates constitutae sunt, quid sine hac fieri potuit? abducti ab agris & siluis homines, fera agrestisque vita mutata, muris septae vrbes, leges rogatae, iura, iudiciaque descripta sunt sapientis hominis eloquentia: vnde in caligine, & rerum omnium perturbatione rudes illi ciuilem cultum, & urbanam lucem primum adspicere coepérunt, firmissimas societas inire, sanctissimas amicitias

colere, omnia ad communem usum excogitare, qua ratione artes quoque ipsae inuentae dicuntur. Ex quibus quae & quantae sint utilitates, possem ego commemorare, nisi eas quotidie viuendo magnas & multas experiremur. At parum fuisse artes inuenire, nisi splendor orationis accessisset, ut res cognitione dignissimae, a maioribus nostris notitia comprehensa, non modo conseruatae, sed in dies auctae & exulta magis ad nos peruenissent. Etenim cum ita natura constitutum sit, ut omnia temporibus orta, mobilia, caduca, incerta temporibus occident; nihil dii immortales hominibus eloquentia melius derunt, quae vna a situ & squalore vindicaret, incredibiles utilitates adferret, maxima adiumenta compararet. Huius facultatis vim non intelligit, qui non cogitat, quanta sine hac via hominum fuisse incommoda. Quae vita? vel potius mors? si quae animo comprehendimus, eloqui non potuimus? Nam quod ratione veteremur, non fuisse infinita incommoda cum hoc commodo compensanda. Quod vero commodum? si, quo plura in animum incidissent, quod enunciare non potuimus, eo magis erat dolendum. An non videmus, eos, qui lingua sunt impedita & haerenti, incredibiliter angi, quod loqui non possint: & pedibus manibusque obnixe omnia facere, ut quid velint, nobis significant. Est enim colenda vita mutuis officiis & necessitudinibus: & docendo, monendo, orando, accusando agendum est in communione hominum societate: in quam suas cogitationes non posse adferre, grauius quiddam est, quam forte aliquis putat. Sicuti enim cum recte valemus, eorum modestias, qui infirma sunt valetudine, tantas esse non cre-

credimus; sic qui perbelle, cum volumus, loquimur, mutorum & elinguium magnos esse angores, non suspicamur. Quae praeterea in cogitando voluptas percipitur, ea maior est in dicendo: quod dicentes sensa nostra in alios transfundere gestiamus, & ipsi interea versemur in eadem rerum cogitatione. Quid est, quod remotissimis locis ab inanimis etiam voces excipiuntur? quid, quod aues quaedam nobis loquentibus diligenter operam dant, ut tanquam a magistris discant, ea sollicitudine, ut si adsequi non possint, moerore & desiderio moriantur? Quanta ergo re homines caruissent, si sermone caruissent, pro quo imitando bestiae mentis quasi viribus excitantur, saxa & solitudines respondent? In eo vnum aliquem excellere, quale tandem est? ut in quo homines ceteris animantibus praefstant, ipse ceteris antecellat hominibus: in quibus si, ut vi regnum occuparent, magni imperatores omnia pericula subiungunt: quanti facienda facultas est, per quam libentissimis animis id ipsum obtinere possint, etiam cum gratia? An fluctuantem populum concione aduocata lenire, animos temperare, adducere ad misericordiam, lacrimas excitare, cum libet, mentes odio incendere, perturbare, permiscere, agere in furorem si possis, non est imperium habere in homines? Quod si permagni refert, vtrum ii, quibus imperatur, sponte quid. an inuiti faciant; maiorem ego potestatem esse oratorum video, quam summorum regum. Qui vero pietatis fructus? si tristissimis amicorum temporibus adesse possis, miseros & calamitosos subleuare, innocentes defendere, consolari, erigere: inimicis repugnare, improbos deterrere, eorum consilia apercire, spiritus frangere, furorem

H

exa-

**exagitare, vlcisci scelera?** Vere hoc mihi videor dicere, ex omnibus, qui priuatis & publicis rebus intersint, nullius officia vel plura, vel maiora esse in ciuitate, quam hominis eloquentis.

Sed quoniam magni sunt conuentus studioforum, qui ut aliquid de eorum disciplinis dicatur, audiissime exspectant; conuerto ad vos orationem meam, adolescentes, quos & ardor animi, & virtus ipsa rapit ad spem quandam immortalitatis: seu liberales doctrinæ & artes ingenuae, per quas videntur ad coelum homines posse ascendere, vobis cordi sunt; seu bene de republica mereri, & id veram & solidam gloriam esse ducitis: nulla ies tanti a vobis facienda eit, quanti eloquentia. Nam ut a philosophorum disciplinis incipiamus, quae a diis inuentae, & datae hominibus dicuntur, quae philosophiae partes optimo dicendi genere non desiderant illustrari? Huius prima pars dicitur, quae naturæ obscuritatem continet: secunda, quae differendi acumen: tertia, quae mores & vitam. Primam pulcherrime prosecuti sunt, qui physici dicebantur, speculatores, ventilatoresque naturae: in qua illi quidem excelle-re visi sunt, qui distincte, qui dilucide, qui enucleate dixerunt. Quid enim in tenebris, naturaque inuolutis quaestionibus optatius esse potest, quam lux quaedam orationis? eam si tollas, nihilo plus agas, quam si tenebras tenebris offundas. Quod si rem ipsam per se difficultatem habentem, & laborem, difficultate impediueris: hoc est iuuenes a philosophia auocare potius, quam de natura docere: in quo errore diu versati sunt, & versantur his temporibus sophistæ, qui latinitatis splendore, veluti noctuae luce oblata, ingemiscunt: quique ut eos, qui audi-

diunt in admirationem trahant, in ieiuna nouorum verborum volutatione, barbarisque ineptiis, merisque nugis philosophantur, ostentationis & quaestus gratia. Fuit, fuit tempus, (iam enim acutius vident homines) in quo praeclarum ducebatur, non posse intelligi: sapientes habebantur, qui minus latine dicerent: sapientissimi, qui inuenta quaedam & excogitata, nusquam nisi in verbis existentia, obuohierent magnis voluminibus quaestionum. De secunda vero philosophiae parte, quae dialectice dicitur, quid putatis? Perturbauerunt omnia: nonnulla quae de genere diffinitionum, & divisionum, de sedibus argumentorum, non modo latine, sed ornatisime ab antiquis, dicta sunt, vel non legerunt, vel contemserunt. istis ipsis veluti superstitionis non satis fuit unus Aristoteles, admirabili quadam scientia princeps philosophorum, & in dialecticis, ut in ceteris disputator acutus & eloquens: quod ne a me temere dici putetis, petam firmum & graue testimonium a doctissimo viro, qui a veteribus eloquentiae deus est appellatus. Nam quid illud est? ARISTOTELES AVREVM ORATIONIS FLVMEN FVNDENS. Quamobrem si quis philosophiae studiis se dedere voluerit, eloquentia illi in primis comparanda est, ut quemadmodum graeci philosophi luculenter scribunt, ita ipse faciat, latine & distincte, & ornate omnia explicans. Quid enim turpius, quam cum excellentium philosophorum laudator & imitator quis esse velit, earum laudem rationem non habere, quibus illi laudem amplissimam sunt consecuti? Ea ratione maiores nostri sapientissimi viri, dum philosophiae partem, quae a moribus nomen accepit, pertractarent, summam

in dicendo curam & diligentiam adhibuerunt. Quemadmodum enim ille optimus orator est, qui non temere & impudenter, sed ex arte dicit, & in dicenda causa argumentis aptissime ductis texit orationem, & philosophiae studiis adiutus, quocunque vult animos trahit; ita & philosophus ille probatissimus est, qui res magnas & obscuras inuentas aperit atque illustrat, & ab oratore instructus puris & electis verbis vestit res ipsas, ne obscure dicendo offendat corum animos, qui in cogitando & quaerendo sunt defatigati.

Sunt praeterea & artes aliae, & facultates quae-dam propositae ingeniis: philosophiae tamen partes, ut medicinae & iuris ciuilis scientia, altera sub ea philosophiae parte est, quae de natura dicitur: altera sub ea, quae de moribus. At medicinae ars a graecis auctoribus diserte & eleganter tractata est: & cum rebus latinis fuit melius, mihi quidem non est dubium, apud nostros huic quoque facultati non defuisse splendorem orationis. Sed quid ego antiqua repeto? quasi vero desint, quos magno numero proferre possum, scriptores eius artis vel eloquentes, ita ut medicina nostris temporibus non modo latine loquatur, sed ornate & docte. nam cum ad eam facultatem manus etiam accedere videretur, & non deessent obtrectatores, eius studiosi, quo esset cumulata omni laude, exornauerunt optimis disciplinis, dialectica, philosophia, mathematicis, & ea praesertim scientia quae stellarum errantium cursura docet: ita ut medicina non vna quaedam ars, sed plures quodammodo in unum coactae, & concretae esse videantur. Quod vero miseris perditisque temporibus offusae essent te-nebrae a barbaris, in eam curam incubuerunt peritis-

si-

simi viri, vt illustraretur, & nitesceret oratione. De  
 iuris ciuilis scientia, quae philosophiae, vt dicebam,  
 pars est, quid dicam? est illa quidem omni laude dig-  
 nissima, sine qua non regna, non vrbes, non vita  
 denique hominum stare potest. At ea insignem mul-  
 tis iam seculis iniuriam accepit, qua in re quid pri-  
 num querar? quo me vertam? Appello ego vos  
 praeclara iurisconsultorum monimenta, legumque  
 sanctissimarum reliquiae, quae vix saluae ad nostrum  
 usque tempus peruenistis. Vos eo candore, ea luce  
 in tantas tenebras fuisse coniectas? dii immortales,  
 quam non possum non vehementer commoueri? Per  
 illa ipsa vos ego iuuenes dicta prudentum, & sapien-  
 tum responsa, quae summa obseruatione colitis, per  
 ingenium, per fortunas vestras oro atque obtestor,  
 ne pulcherrimam facultatem, vobisque gratissimam  
 diutius in commentariorum quorundam sordibus ia-  
 cere sinatis. Aduocate eloquentiam, quae lucem  
 rebus adfert: adhibete castitatem sermonis, quae illi  
 coniunctissima solebat esse: insistite vestigiis ipsis iu-  
 reconsultorum vestrorum, qui optimis temporibus  
 floruerunt: hos vobis proponite imitandos. Coep-  
 ta est ea facultas proximis annis illuistrari a doctissimo  
 viro, qui cornicum oculos confixit, Andrea Alciato:  
 mox a Germanis, a Gallis. si in eam curam incubue-  
 ritis, numquam poenitebit. Neque vero sum nesci-  
 us, hic adesse praestantissimos ingenio & doctrina  
 homines iurisperitos, qui a pueritia hoc consilium  
 secuti, cum iuris ciuilis scientia semper eloquentiam  
 coniunxerunt: a quibus quoniam meam sententiam  
 probari non dubito, referam. ego iam me ad eos,  
 quos amor, quos caritas, quos pietas accedit, atque  
 inflamat, vt ea cogitent, ea curent, ea moliantur,

H 3

quac

quae sint ad reipublicae gloriam. Quae vero est reipublicae gloria? nisi ciuium vera & cumulata laus? Quae facultas imperatorum gesta monimentis consecravit? eloquentia. quae praecellere non modo facta, sed dicta sapientum ad coelum extulit? eloquentia. quae posteritati propagauit memoriam virorum illustrium? eloquentia. Haec nisi fuisset, nulla exstaret gloria Thebanae, nulla Lacedaemoniae, nulla Atheniensis, nulla Romanae reipublicae. Per magna quidem res est, celebrari scriptis eloquentissimorum hominum: haec spes excitauit Brutos, sustentauit Decios, aluit Scipiones. Quanta vero commoda illa sunt? ut ex ciuibus delecti ad patriae defensionem, & libertatis, difficillimo reipublicae tempore magni oratores mittantur ad reges & caesares. Nam etsi Thuscum dicendi genus per se est dulce, & ornatissimum: nisi tamen ex graecis & latinis litteris quasi nerois & vires accipiat, in re graui & seria futile est, atque inane. Huc accedit, quod vbi magna regna & imperia apud exteris gentes sunt, quae latinam eloquentiam colunt & obseruant, turpe est legatos nostros nescire latine: turpissimum est, ab exteris vinci in ea re, quae nostra cum esset, ignavia & socordia prope facta est aliena.

Quamobrem si gloria ciuium, si commoda reipublicae, si laus denique Italiae nostrae commonet, aut commouet; summa ope, iuuenes, est enitendum, ne vobis defuisse videamini. Nam quod patres sapientissimi, & clarissimi viri, id non postulent, sed flagitent, quis non intelligit? quo enim spectant hae curae? quo solicitudines? quo hic proximus electus? quibus quoniam is ego non sum, qui possim satisfacere; tamen ut aliqua ex parte desiderium leniam,

am , proposui mihi hoc anno explicandas M· Tullii orationes , in quibus ille curam & mentem omnem fixit , vt in eloquentia Graecis essemus vel pares , vel superiores . In his nolite querere , quae industria , qui labor , quae diligentia : nam dicendi genus nullum est castius , numeri nusquam maior ratio , at vero in his omni ex parte se ostendit . nam siue ornamenta oratoria , seu locos communes , & argumentorum formas aptissime ductas spectes ; nihil est artificiosius , & admirabilius . In iis explicandis & rhetorum praecepta , & figurās omnes euoluemus : & quoties ex inductione Socratica colligit , vel ex ratione Peripatetica disponit enthymemata ; ostendemus magnum oratoris ingenium , summam peritiam , infinitum laborem . Ex hac explicatione , quid imitari debeant , intelligent iuuenes : & quae res , quae spes , quod consilium in studiis , secum ipsi constituent . At vero quoniam rhetoricae facultas ex altera parte respondet , ad finisque est dialecticae , quod nullis regionibus continetur ; & in eo utraque versatur , quod probatur opinione hominum , & tam orator quam dialecticus agit argumentis : ille mihi ridiculus videtur , qui sperat , praeclarum aliquid se posse consequi vel in scribendis , vel in explicandis orationibus , qui dialectica non sit imbutus . In hac re ut iuuenemus adolescentes , & studiosis linguae graecae satisfaciamus , proposuimus hoc , vel altero anno , si mihi per vos liceat , interpretari dialecticae libros , graece ab Aristotele scriptos : vt non ex riuulis quorundam , sed ex fonte ipso Peripateticorum habeant iuuenes , quod hauriant : & vt latina cum graecis coniungant , & ad linguae graecae peritiam , & ad disciplinastam necessariae perceptionem . Erit hic

mostē labor omnibus, vt puto, adcommodatus. qui enim plurimi faciunt orationē facultatem, quid magis expertere possint, non video: qui ad eam philosophiae partem se conferre voluerint, quae ethice dicta est, ita secum statuere debent, nisi artem differendi norint, quae scripta sunt ab Aristotele de moribus numquam vere percepturos. Nam quae physica appellantur, vt quis intelligat, nemo dubitat, quin opus sit adiumento dialecticorum. Quod si quem praetanti ingenio excellentique iudicio iuuenem diuina quaedam virtus trahit ad perscrutationem rerum aeternarum, quid putatis, vbi in magnas dissensiones, theologorum inciderit, non capturum mirificos fructus ex hac disciplina? In qua tamen nos non multum insistemus, sed veluti ex decursu, qui sit necessarius oratori in colligenda ratiocinatione, & enthemmatibus dignoscendis, perquirendisque locis & sedibus argumentorum. Quod si quis est, qui tam grauibus studiis hoc anno iuuentutem non putet implicandam, & Aristotelem, & Demosthenem, quem ego post hunc proxime volebam, censet in aliud annum reiiciendum; nihil opus est contentionē: cedam atque obsequar gymnasii praefectis, sapientissimis viris. quos si coniuncta cum philosophiae moralis institutis graeca facundia delectat; referam ego me, quoniam ita illis placet, cum graecarum litterarum studiosis ad eloquentiac parentem Isocratem, in cuius sepulcro posita erat Siren illa, quae significaret suauem & dulcem eius orationem: quae quoniam pura est, & culta, & numerorum mensura & figurarum artificio elaborata; plurimum conferet ad perceptionem verae, solidae, & germanae eloquentiae: ad quam cohortor ego hos iuuenes, expensor

po-

potius, ac aestimator beneficiorum vestrorum, quam virium mearum. Nam quod primus nouo delectu publice sum vocatus, summo honore ptaeditus, auctus, atque ornatus a vobis, viri Lucenses, non licet mihi iam me continere intra cancellos modestiae, & pudoris mei. Audendum est, & eritendum noctes & dies, & non quid ego possim, sed quid debeam cogitandum: ut si non par, aliqua saltem gratia referatur, fructumque aliquando ex beneficio vestro capiant hi iuvenes, spes, flos, robur reipublicae Lucensis: qui mihi & ob ingenii suavitates, & communionem studiorum, & quod vobis parentibus nati sunt, carissimi esse debent.

### O R A T I O V. D E R E P V B L I C A.

*Ad senatum populumque Lucensem.*

**E**st hoc in more ciuitatis positum, viri Lucenses, vt in illustri ac frequenti ciuium conspectu, delectu hoc tribunorum verba facturus, vel laudando, vel docendo aliquid adferat, quod vobis, reipublicaeque vestrae sit felix, & salutare. Eam ob rem, quae vestra est humanitas, me in locum ornatissimum, atq. amplissimum, in quem ego mea tenuitate adspirare non poteram, inuitaftis ad dicendum. Quod etsi mihi iucundissimum fuit, vt pro summis in me beneficiis in gratiarum actione saepius versarer: tamen quod ius tu vestro ad iuuentutem instituendam bonis artibus omne meum tempus mihi sit transmittendum; & vobis incumbentibus ad maiora quaedam, in gerenda republica sit otii minimum: minus libenter hoc munus suscipiendum putabam. Neque enim vir-

tus vestra vulgaribus laudibus contenta esse potest: neque orator breui tempore, cui multum negotii sit, in alia re occupato: praesertim cum magna exspectatio sit eorum, qui in hunc locum ad dicendum descendunt, non modo apud ciues, sed etiam apud finitimos vestros, apud quos omnium disciplinarum studia pulcherrime florent: quorum mihi ratio eo habenda est magis, quod illi magnis praemissis propositis, eloquentiam & philosophiam in finibus vestris alunt, & in dicendo sese quasi Athenis quotidie exercent: ad quos si nostra scripta peruenient, non lita luminibus ingenii, & industriae laboribus adiuta; parum dignitati vestrae, viri Lucenses, honori meo minimum consuluisse videbor. Quid autem, per deos immortales, à me, qui exercitatio ne parum, ingenio nihil possum, adferri potest? cui vix semihora adsignata est ad dicendum: de re vbera, & copiosa, quae ab ipsis initis oratione esset illustranda? Magna enim video, viri Lucenses, & multa a maioribus vestris: at a vobis prope coelestia & diuina quaedam fuisse proximis annis administrata. Neque mihi satis liquet, vtrum illos magis laudandos putem, qui in propaganda ditione armis exercitatisimi fuerunt: an vos, qui ea, quae a patribus accepistis; sine bello, sine armis, prudentia & consiliis vestris defenditis, & conseruatis, tanta ciuium concordia, tanta animi continentia, vt omnes principes, omnes Italiae populi, omnes barbarae & externe nationes admirarentur. Quam ob rem, eti: ciuitatem vestram celebratam memoria eloquentissimorum scriptorum sciunt, nihilque deesse ad generis nobilitatem; nihil tamen virtute vestra, nihil aequitate, nihil excellenti isto bono putant esse antiquius. Quare

re quod in primis mihi dicendum putabam, praeterero: quod ex iis ciuitatibus, quae in Hetruria habent imperium, & ditionem, nulla est praeter vestram, quae Romanae reipublicae tempore certa firmorum scriptorum memoria celebrata sit. Praetereo aduentum Caesaris & Pompeii in hanc ipsam urbem, quam summa cum gloria hodie incolitis: quae eo aucta est sapientia vestra, Viri Lucenses, ut vrbis Roma amissio imperio, & libertate, admiretur: Romani ciues collant, & obseruent. Neque enim fieri potest, vbi ad nobilissimos homines rumor ipse, & multorum sermo multa perfert de integritate vestra, de aequitate magistratum, de senatus & reipublicae statu, quin cogitent cum animi sensu, ac dolore, quibus rebus eorum maiores floruerint, qualem ipsis ciuium cupiditate rempublicam amiserint: cuius quoniam apud vos formam atque imaginem vident, nolite dubitare, id illis in primis carum esse, atque iucundum. Sicuti enim, cum liberos, aut aliquid rerum nobis carissimorum amissimus, ex quo dolorem suscepimus longinquitas temporis mollire potest, memoriam delere non potest; si qua eius rei, quae desiderium reliquit, effigies ocurrat, magni motus animorum fiunt: ita non modo Romani homines, sed Itali omnes, cum ex historiarum lectione incidunt in cogitationem illius, quae rerum potita est, reipublicae, mirum in modum commouentur; & quoniam de ea restituenda spes vlla quidem reliqua est; vobis bene precantur, qui in omnium rerum perturbatione, & diurnis laboribus, Italiae dignitatem & amplitudinem retinetis, & in paruaditione ingentem splendorem & lucem istam reipublicae, in qua vt vna ciuium esset aequalitas, summam populi voluntatis esse auctorita-

tatem, qualis Athenis aliquando fuisse dicitur. Cum enim duo sint corpora ciuitatis, alterum potentiorum, alterum tenuiorum; legibus ciues coercuistis, vsu confirmastis, consuetudine deuinxitis, ut in unum populum ciuitas coalesceret: ita ut nihil putent tenues a diis sibi melius datum, quam potentes: quorum cum ampla & magna negotia sint, ex iis illi non modo in dies, sed in diem vivunt. Opulentique in mercatura facienda operas habent paratas artificum, scribarum, institutorum: ea re magnae inter vos necessitudines intercedunt. Qui excellenti ingenio ad studia liberalium artium se contulerunt, habent ipsi quoque honestos quaestus, & copiosos: horum in iudiciis, in senatu, in concionibus magna est auctoritas. Unius rei militaris minora sunt studia, quod ciuitatem vestram non tam finitimus formidolosam, quam omnibus gentibus amandam & colendam esse voluistis. Si qua in ea re studia sunt, ea sunt omnia ad defensionem libertatis, in quam curam & cogitationem omnium mentes conuersae sunt.

Optima, ita me dii ament, respublica est: quam tamen nouis institutis confirmare, & quasi senescentem curare, & sustinere debetis. Sunt enim rerumpublicarum vicissitudines, & morbi, in quos illae sicuti humana corpora saepe incidunt: & tanquam parietinae, nisi crebro reparantur, vetustate ipsa collabuntur. Quod si iis muris, quibus cinctam urbem a maioribus accepistis, contenti non esitis; an in legibus haerebitis, quas illi pro tempore tulierunt? Perlatum ad vos fuit, cis Apenninum firmiores esse muralium aedificiorum formas: mox fabros, & redentores ex Gallia usque arcessistis. Perfectur ad vos, ab oratoribus quotidie florentissimas fu-

fuisse respublicas Atheniensem & Romanam: cur non Graeci & Latini architecti adhibentur vel ad exaedificandam, vel ad muniendam rempublicam? Viuunt Veneti in luce illa libertatis summa cum gloria plusquam noningentis annis: vero, ne quis grauius ferat, si dixerim, mittendos legatos ad eorum instituta, iuraque cognoscenda. At senatus populusque Romanus Sp. Posthumum Album, M<sup>·</sup> Manilium, P<sup>·</sup> Sulpitium Camerinum Athenas misit, iussitque, vt inclitas Solonis leges describerent. Optimates, inquiet aliquis, in illa republica sunt: popularis nostra est. Quasi vero Athenis imperium non fuerit populare: quod tamen propterea Romani patres non contemserunt. Est enim, si doctissimis viris credimus, ea in primis firma respublica, quae in duas, vel summum tres diuisa partes, dissimili hominum genere constat, qui legum aequabilitate se temperent. Quam ob rem popularis diurnior est, si non imperio administretur plebecculae, sed consilio eorum, qui optimi sunt in ciuitate: in qua propterea ciuium a populo, cuius summa est auctoritas, delectus est habendus, vt virtuti primus sit locus, secundus nobilitati, tertius diuinitati. Nam virtus omnibus rebus est praferenda: & qui bene meriti sunt de republica, digni sunt ut amentur, non modo ipsis, sed & liberi, posterique eorum, praesertim si sustineant exspectationem. Et quoniam magna sunt adiumenta saepe ab opulentis & locupletibus, eorum quoque ratio habenda est, maxime in republica vestra: quae cum exiguis sit vectigalibus, eo est firmior, quod nemo de regno cogitat, nemo inhiat aerario, nullae sunt hirudines, nulli depeculatores, nullae proposita præda discordiae. Sunt tamen magistratus vestri mag-

ni-

nifici, legationes lautae & sumtuosae, aedificationes ingentes. Vnde pecunia est? omnes omnium fortunae, priuata patrimonia, vectigalia sunt reipublicae Lucensis. Quis me arguer? aut quis vñquam criminabitur, si hoc loco appellari ego vos diuinos & coelestes viros? Nam quid hoc est? quantum alii ad res suas obeundas, quantum ad augendum patrimonium incumbunt; tantum vos ad rempublicam cogitationem, mentem, animumque conuertitis. Ceteros pudeat: qui aut exteris nationibus patriam produnt, aut ipsi diripiunt, aut libertati insidiantur: vos patriae laudem, vos commoda ciuium, vos salutem publicam semper plurimi fecistis. Quod si quae a vobis, quae a maioribus vestris gesta sunt, oratione fuissent illustrata; nolite quaerere, quo loco esset gloria hominum Lucensium.

Vna in re fuistis minus diligentes: quaeſo a vobis, quoniam in hunc sermonem incidi, vt mihi detis hanc veniam, huic loco & tempori accommodatam, & vobis, quemadmodum ſpero, non inutilem, vt de republica dicentem, frequenti & iucundissimo conſpectu vistro, his animis, hac attentione, patiamini me ad historiae desiderium vos cohortari. Quid enim est, dii boni, quod maiorem lucem adferre poſſit reipublicae? quid, quod gloriam nominis magis augere? quid, quod tam accendere atque inflammarie ciues poſſit ad fortiter aliquid gerendum? Habuerunt maiores vestri excusationem, quod eorum aetate, ſi voluiffent, nihil poquifſet scriptis illuſtrari: idem euenit Senensibus, idem Liguribus, idem ceteris finitimiſ vestris: idem Venetis, qui terra marique, praeclara & multa gesserunt: quorum nihil memoriae proditum eſt, dignum vt iterum lega-

gatur. Quid? an nescitis ab eloquentissimo & ornatissimo viro, Petro Bembo, qui superioribus diebus triste sui bonis omnibus desiderium reliquit, quem mortuum etiam honoris causa nomino, historiam esse scriptam de rebus Venetis: cuius tanta exspectatio est, ut putent homines nihil posse accedere iam ad gloriam illius reipublicae? Quid? Paullus Iouius, historiae pater, rerum gestarum non modo explicator, sed illustrator, seuerus, grauis, & copiosus: ita gnarus ac prudens, ut non vnam aliquam urbem ac regionem describat, sed vniuersum prope orbem terrarum; non vnius populi ingenium aperiat, sed naturam omnium fere gentium & nationum: nullone vos desiderio adficit, ut res vestrae scribantur? Quantam vero arbitramini capere voluptatem senes, qui rebus aut interfuerunt, aut praefuerunt; si eas videant celebrari scriptis, & versari in ore doctissimorum hominum, & magnorum regum? Quassispe putatis erigi iuvenes? ut dignum maioribus suis aliquid posteris relinquant, vbi sperent facta, dicta excipi a scriptoribus publicis, & consecrari memoriae hominum sempiternae. Haec spes si destituat, neque praestans miles, neque fortis ciuis, neque bonus imperator, neque praeclara respublica esse potest. An aliud, obsecro, causae fuit, ut pro patria vitam profuderint saepe fortissimi viri? Clamabat M<sup>•</sup> Attilius Regulus, cum vigiliis, fame, & cruciatibus necatur, se in suppliciis illis beatiorem esse Thorio, pontanti in rosa: clamabat Epaminundas, cum Lacedaemonios apud Mantinæam vicisset, simulque ipse se graui vulnere animam efflare sentiret, clypeus ne saluus est? saluus est. Euelle spiculum: ut eo euulso felix, beatusque, ut ipse aiebat, moreretur.

Hinc

Hinc praeclaræ & admirabiles fuerunt saepe mortes imperatoriaæ, nempe igniculo hoc desiderii, ut essent aliqui, qui ab eis res gestas memoriae proderent. quamobrem magno in honore apud Graecos, summo apud Latinos historia semper fuit: quod ea excitari homines, atque accendī viderentur ad facinus praeclarum aliquod obeundum. Eam ob rem L. Sylla, & C. Caesar, maximi imperatores, non sunt veriti ipsi commentarios scribere de rebus a se gestis: ex quibus eloquentes homines, qui historiam scribe-re vellent, haberent paratam, vnde sumerent: & simul, vt desiderio historiae incenderentur militum animi. Quanti enim illud erat, laudari ab imperatore militem lectissimis verbis? celebrari scriptis ab imperatore? quem ea gloria non allexisset? qui tam iners atque ignavus esse potuisset miles, qui ubi rescisset, re fortiter gesta, tantam gloriam se adsequi posse, qui non vitam libenter profunderet pro imperatore suo? Quamobrem desino ego iam mirari, quid sit, quod cum magnis saepe copiis reges & caesares nostris temporibus configere consuerint; non illae sequantur pugnae, non caedes ingentes, quales olim, cum, vt poeta inquit, HAEREBAT PEDE PES, DENSVSQVE VIRO VIR. Desino iam mirari, cur ciues saepe multi priuatae rei fuerint studiosissimi, publicae perdiu pauci. Laus enim & gloria, quae est quasi merces bene gestae reipublicae, cuius fructus ex historia erat uberrimus, nulla patrum nostrorum memoria fuit: eloquentia, quae quid actum esset, illustrare poterat, multis iam seculis iacuit in situ & squalore. Quamobrem satis sibi fore putabant homines illi, si quem vitae cursum natura dererat, sine laudis aut ignominiae cura otiosè traduxissent.

sent. Qua cogitatione nihil est perniciosius, nihil quod imminuat magis malestatem reipublicae. Huic malo vnum illud remedium est, si eloquentiae suus honos restituatur, vnde aptissime historia scribi possit, lingua non aliqua inopi atque angusta, quae intra Italiae regiones se contineat: sed quae diues atque augusta, apud exteris nationes versetur in magnorum virorum conspectu, a quibus perpendantur dicta & facta praeclarorum ciuium: quorum fortunae, ita me dii ament, ut miseret. Quid est enim, quod, si quae ab antiquis illis dicta fuerunt, scripta sunt illico, quae graeco vocabulo apomnemoneumata, latino memoratu digna adpellarentur? a nostris cum lepidissime & ingeniose nonnulla dicantur, parum hoc est, cum fortissime dico a nostris quotidie multa gerantur, vel silentio praetereuntur, vel intra patriae fines consenescunt.

Quae res vos magis quam ceteros, commouere debet, viri Lucenses, quod res vestrae maxime dignae sint scriptione, & memorabiles; quae e libris & annalibus quibusdam, vt audio, rudibus & obscuris erui, atque in lucem proferri desiderant. Quas ut antiquas praeteream, sunt enim magnae & ingentes: an labores, quos proximis annis sustinuistis in tuenda & firmando republica, non commemorabo? Hos ut praeteream: num quae audio, quae versantur oculis atque oculos, & video quotidie, possum praeterire? quae noctis fuit, qua ego surrexerim ad lucubrationem, qua non audierim ex arce proclamare custodem? vigiliis praefectos respondere? excurrere oppidanos per pomoetum? qui dies fuit, quo non viderim, dare vos operam reipublicae, & consilio prouidere, ne quid desit ciuitati? Habet curia praesidium fortissi-

morum militum, habent propugnacula stationes, ha-  
 bent iudicia iurisperitos, ornatissimos & integerrimos  
 viros: quid hic conspectus lectissimorum hominum,  
 qui ad gubernacula reipublicae sedent? nonne gra-  
 uitatem? nonne sapientiam? nonne maiestatem  
 fronte & vultu, qui est animi index, prae se ferunt?  
 quid isto splendore populi signifer? quid tribuni ple-  
 bis, fortissimi viri? quid ceteri magistratus? quo stu-  
 dio, quo ardore, qua pietate adsunt ad bene gere-  
 dam rem publicam? quid populus vniuersus Lucensis  
 tanta multitudine confluxit, in curiam? Est, est  
 haec Romae veteris diuina illa effigies. Habet an-  
 gustos fines Lucensis respublica; habuit angustissi-  
 mos aliquando Romana. Quod si ciuitas non sunt,  
 vt yulgus hominum existimat, moenia, sed ciues ip-  
 si; non est angusta ciuitas vestra, viri Lucenses. nul-  
 la Europae vrbs est nobilis, ac potens, in qua magno  
 numero ciues vestri non habeant magnas familias, &  
 ampla negotia. Itaque non in regionibus Italiae  
 solum, sed in Galliis, Hispaniis, Germania, mul-  
 tae vobis coloniae sunt, a ciuibus vestris deductae.  
 Quod si non, quod terrae corpore occupamus atque  
 obtegimus (paruum enim id est), sed quod animo pos-  
 sidemus, vere possessio est: magnam is vobis facit  
 iniuriam, qui ista robora, istos egregios animos an-  
 gustis finibus circumscribit. Sed ne ego eo ingrediari,  
 vnde difficilem habitura esset exiitum oratio (adsigna-  
 ti enim temporis curriculum elabitur); digna sunt om-  
 nnia, quae a maioribus, quae a vobis geita sunt, & ge-  
 runtur, scriptis illustrari: dignus est hic populi con-  
 spectus celebrari laudibus amplissimis: dignus est po-  
 puli signifer pro caritate in patriam: digni sunt tri-  
 buni pro fortitudine sua: digni, qui magistratibus

prae-

praesunt, prae aequitate & sapientia, tabulis, statuis, & omni genere ornamentorum. Quamobrem nisi vos consuleatis, excitabo ego iuuenes vestros, qui liberalibus artibus se dediderunt; commonebo sedulo, orabo, obsecrabo, ne patiantur conseruatores libertatis, & otii publici, silentio praeteriri, et si aliquando in hanc curam vobis est incumbendum, viri Lucenses, ne qui rebus omnibus rempublicam pulcherrime exornastis, hac vna defuisse videamini: quam rem si a iuuenibus, si a vobis ipsis negligi intellexero, pro vestris summis in the beneficiis, si vestra voluntas feret, breuissimo hoc dicendi spacio, quod mihi bis in anno adsignasti, non vnis, sed pluribus orationibus prosequar. Quae si ad gloriam vestram celebrandam non erunt satis (quod certe scio, qui meas vires probenorim, & ingentem cumulum laudum vestrarum), erint nihil secius illae erga vos & rempublicam vestram veluti testes animi, amoris & obseruantiae meae.

## O R A T I O VI.

## DE CONCORDIA CIVIUM.

*Ad senatum populumque Lucensem.*

**Q**uod ego semper optabam, viri Lucenses, verari aliquando in ciuitate, in qua sanctum libertatis nomen, neque vanum, neque falsum esset; id deorum immortalium munere, & liberalitate vestra videor adsecutus. Nam etsi ex disciplinis liberalibus, & sapientum praeceptis didiceram, tantum cuique libertatis esse, quantum quisque se a vitiis vindicasset: tamen quod non in solitudine vita, sed in actione & vsu quotidiano posita est; ad reipublicae

statum maxime hoc nomen spectare intelligebam.  
 Neque enim elucere potest animi continentia, vbi  
 nulla sit, aduersaria constituta cupiditas? neque iusti-  
 tia, vbi nihil sit, quod possit occupari. Quamobrem  
 quae a summis philosophis diuinitus scripta sunt, in  
 quibus percipiendis omne meum studium a pueritia  
 fuit, nunquam a me intelligi potuisse confiteor, nisi  
 mihi respublica Lucensis occurisset, in qua vna sunt  
 omnia, quae sapientissimi viri vndique collegerunt.  
 Quare si postea quam in hanc urbem, veluti in deo-  
 rum concilium sum admissus, & fructu iucundissi-  
 mae consuetudinis vestrae, & vos ipsos contemplan-  
 do, tantum sum consecutus, vt de republica ausus  
 sim dicere; concedite mihi, quaeſo, quoniam hu-  
 manitate vestra cetera concessisti, vt virtutes, quae  
 in republ. vestra sunt coniunctissimae diuidam, &  
 singulas temporibus iis, quae mihi ad dicendum ad-  
 signasti, singulis orationibus prosequar. erit id pu-  
 to vobis iucundius, & mihi facilius atque expeditius  
 ad celebrandam gloriam ciuitatis: quae vna copioſe  
 mihi, non vereor dicere, suppeditabit exempla ea-  
 rum rerum omnium, quae a doctissimis viris cele-  
 brantur. Quod si mihi licet nominatim proferre ci-  
 ues vestros, continentiae, fidei, iustitiae & cetera-  
 rum virtutum ciuilium obſeruantissimos; o qui mi-  
 hi campus esſet, in quo excurrere & exultare po-  
 ſem, & cum antiquis Graecis, & cum Latinis multa  
 conferre. Nunc quoniam quasi instituto prohibeοr  
 aliquid proloqui, quod ad priuatam laudem conuerſi  
 positi; vos oro atque obſecro, quae a me dicuntur,  
 ne ſic dici putetis, quasi in republica aliqua Platonis  
 efficta, in qua potius quales ille ciues desideraret,  
 quana quos haberet, ostendit. Ego id in primis laetor,  
 quod

quod de rebus ciuilibus apud eos mihi est dicendum, quorum cum variae sint facultates & artes; omnibus tamen optima mens, vnum atque idem est studium reipublicae bene gerendae: quae cum a vobis placide tanquam ac tranquille administretur, quantum non vna aliqua domus a germanis fratribus; de ciuium concordia mihi dicendum proposui, qua ciuitatem Lucensem non modo nouis aedificiis & moenibus, sed populo, opulentia, & nominis gloria quotidie video fieri auctiorem.

Libertatis publicae proereatrix, & quasi parens, concordia semper fuit. Nam siue primis illis temporibus; cum in siluis homines dispersi vagabantur, siue constitutis iam oppidis, nata est vlla respublica; necesse est eam vel ab uno, vel a pluribus fuisse profectam. Si tantam rem vnu potuit praestare, qui vir existimandus? qui non praeceptis alienis, sed suis ipse primus sapiens per se iustitiam & fortitudinem coleret, sibi constans, concors, & secum consentiens: vt nihil mirum videri debeat, si quis, cum se tam praecclare temperaret, ita sit meritus, vt vni infinita hominum multitudo obtemperaret. Quod si a pluribus id boni adlatum est, qui ab aliquo metuerent, a quo iniuria inferretur; eos concordes & sapientes omnino fuisse, & semina quaedam sapientiae iecisse ad concordiam ciuium, est credendum. Nam si auctoribus reipublicae prius de legibus, quam de moenibus fuit cogitandum; qui rogari leges potuerunt sine ciuium consensu, popularique adprobatione? quam ex iisdem fontibus emanasse necesse est, e quibus legum latores hauserunt. Qui enim tam multi libenter aequitatis iugum subiissent, nisi rationis lux praepotens, ab eorum animis inscitiae & cupiditatis te-

nebras abegisset, ut prius liberi essent, quam iurarent in leges: iis principiis natae res publicae semper terna esse, nisi cum temporibus mores & ingenia hominum mutarentur. Etenim si tempestatum vicissitudines, & coeli conuersiones tantam varietatem adferunt, ut orbis, qui eadem semper & aeternamente regitur, non idem videatur in hieme, qui fuit in vere; quantam rerum fieri commutationem putatis, decadentibus e vita illis, atque his accedentibus ad reipublicae temperationem? quid vero est aliud commutatio, quam dislidii principium & origo? quod malum, quoniam euitari non potest, semper prudentissimorum ciuium fuit, euellere initia ciuilium dissensionum, spargere semina concordiae. Menenius ille Agrippa, cum plebs Romana a patribus secessisset in Auentinum, conquestus adposita fabella, membra in corpus conspirasse: ostendit, in una concordia positam fortunam ciuitatis L. Valerius, & M. Horatius, cum ex Auentino in sacrum montem esset concursum; decem viros causam discordiae imperium deponere iusserunt, & plebem animos rerum nouarum studiosos. Ardebat Athenae odiis & inuidia, eorum maxime causa, qui aes alienum conflagrant. sapientissimus Solon fuisse dicitur, qui auream aequalitatem ad controvexas sedandas putauerit adhibendam. Aristides, cui iusto cognomen fuit, saepe hanc in patria pestem gliscentem compresit. Lacedaemonii veluti sementem discordiae aurum & ciuitate expulerunt: & ne quid lex agraria perturbationis posset adferre, sic eorum agros diuidi passi sunt, ut cum Lycurgus per regionem iter faceret, & risisse, & dixisse feratur, fratres videri Lacedaemonios, qui ex aequo scripti haeredes tum primum pa-

ternum agellum viritim diuisissent. Huiuscemodi homines vbi in republica non fuerunt, urbem qui possent colere; quam repente altis defixa radicibus infelix discordia omnia occupauit, enecauit, disperdidit. Quid graecas respublicas, quae pluribus sapientibus, quam sideribus coelum, fuerunt exornatae, quid euerit? nisi discordia ciuilis. Quid libertatem, & ornamentum illud humani generis, imperium populi Romani, quid deleuit? nisi haec eadem vbi coniuncta cum temeraria animi dominatrice cupiditate, eos, qui armis vincebant, cum maxime se putarent vincere, in turpisimam redigebat feruitum: qui si quantum armis, tantum sapientia valuerint; non coniecissent liberos, posterosque eorum in calamitates, in quarum cogitationem illi quidem numquam incidérunt. Mitto amissionem prouinciarum, regnum, ditionis, quae ad orientem & occidentem solem spectabat: mitto amissionem libertatis. Vrbs illa Roma, hospitium omnium gentium, conciliatrix populorum, lux orbis terrarum, saepe capta, direpta, incensa, multis diebus caruit habitatore. Quām vellem illis ipsis temporibus ab inferis rediisses, C. Caesar, rediisses Cn. Pompei: quibus vos oculis vidissetis spectaculum occidentis patriae? quo animo tulissetis casum ciuium uestrorum? vbi inter caedes exaudiendae fuissent voces exprobantium hostium barbarae, mulierum puerorumque ploratus, sonitus flamarum, fragores ruentium tectorum. Illo ipso die, quo ciuilis discordiae semina sparsa inter vos, illo ipso die iacta sunt fundamenta omnium malorum.

Sed quoniam antiquae res, vel quod eas saepe auduerimus, vel quod additum a scriptoribus dubi-

temus, mirus adficiunt; putabit quispiam, ex nostris temporibus aliquid petendum. Utinam, viri Lucenses, non eam mihi copiam suppeditarent provinciae christianaæ. nam quod Asia & Africa intestinis odiis sic in potestate sunt crudelissimorum hostium nominis nostri, ut in tam magnis regionibus, in quo ponamus pedem, non habeamus: minus quereret, nisi ex Graecis vrbibus, quae fidelissima & munitissima erat Rhodos, arx, propugnaculum, praesidium christianaæ reipublicæ, vnde mare tueri, impeditum cursum, cohibere hostium classem poterimus, superioribus annis turpiter amissa fuisset, cum interea nostri reges magnis exercitibus inter se contenderent. Pannonia, in quam & natura loci, & incolarum virtute nullus erat aditus hostibus, discordia tandem patefacta est legionibus inimicis. Arsit toto hoc anno Germania bello tetro & periculoſo: ex dissensionibus ciuilibus, quae armis romanis debellari non potuit, suis ipsa viribus ruit. Sed ne ego longinqua prosequar, cum latissimum atque amplissimum Italiæ vna omnibus scriptoribus det argumentum, Gallia Cisalpina, quam altissimis montibus natura muniuerat, in regum clientelas diuisa, quasi Iani templum semper apertum, vocat ad arma barbaras nationes: quae saepe ad Brutios usque exturrentes, vastatis agris, vicos incensis, quae castella non expugnarunt: quas vrbes non diripuerunt? Atque ut cetera taceam, redeo in Hetruriam, & ad vnos vicinos Senenses, qui vobis carissimi sunt: quibus miseri homines in laboribus per hosce annos non sunt versati? nihil unquam eorum ciuitati defuit, nisi concordia ciuilis: vrbis situ, natura, & aedificiorum descriptions, & ingeniiis nobilis, inter amoenos colles

les conclusa, fertilis & copiosa omnium rerum, proximo anno non modo peregrinis, sed ciuibus ipsis vix fuit hospitalis. Vos vidistis in hanc urbem relegatos, quo patriae desiderio tenerentur. ego nobilissimos homines turmatim cum liberis & vxoribus vidi, excentes in alienum solum, oculis lacrimantibus querentes discordiam ciuitatis. Nolite quererere, quamuis omnes a finitimiis humanissime excepti sunt, quantum saepe acceperint incommodorum. Quae omnia ea causa a me dicuntur, viri Lucenses, vt confirmetis vos, & fruamini isto vestro excellenti bono.

Non est vulgaris res otium, & tranquillitas publica: munus est deorum immortalium, qui soli largiri possunt, quod optimum est ut velimus, & ut adsequamur. Quid enim hoc est? urbem, quae magna ex parte e mercatoribus quidem honestissimis constat, usque adeo uidam esse bonarum litterarum, colere philosophos, obseruare iurisperitos, instituere veluti officinas liberalium artium. Laudata est a quibusdam respublica Lacedaemoniorum, quae late quondam imperasse dicitur, quod has artes veluti inanes & inutiles exclusisset e ciuitate, in qua non verbis, sed armis imperium esset propagandum. Quanto viri Lucenses sapientius, qui cum viderent cupiditate hominum graecas respublicas & libertatem romanam concidisse, iudicarunt optimum fore, si liberales artes honestissime essent in ciuitate: quibus instituti & exculti ciuium animi regionibus temperantiae & iustitiae continerentur. Eam ob rem, et si magnus usus & infinita commoda vobis sunt ex mercatura; primas tamen iis omnes defertis, qui vel sanctissimarum legum, vel philosophiae studiis se dediderunt. Quae de Lacedaemoniis dicuntur, mihi

quidem non satis est compertum, an odio quodam in Athenienses, qui in illis artibus excellebant, adducti fecerint: vel potius, quod suspicor, ut eam philosophiae partem, quae de natura difficultima est, & saepe falsa, excluderent; at eam, quae de moribus, non voculis & concertationibus, sed totis animis complectentur. Ego quidem, ut quod sentio, dicam, cum a Lacedaemoniorum ducibus res gestas lego, nihil aliud videre videor, quam fortes viros, parentes praeceptis institutisque philosophorum: eorum dicta, & facta omnia, vno ex Iudo sunt continentiae & fortitudinis. Nulla gens, nulla ciuitas vñquam laudem habuit, quae philosophiam ducem non sit secuta. Res bellica, quae longissime abesse ab hac facultate videtur, sine huiusc studiis stare non potest: quam ob rem de ordine, de fortitudine, de continentia militum, de imperatoris officio, & denique de militari disciplina multi scriperunt. Est enim ad conseruationem omnium rerum necesse adhiberi moderationem: quae si tollatur, omnia corruant, necesse est. Haec moderatione esset, quibusue ex partibus constaret, qui primi obseruarunt, sapientes homines a nostris, a graecis philosophi dicti sunt: etsi quidam deorum potius quam hominum putant fuisse donum, & inuentum eius disciplinae, quae cupiditates frenaret, quod fas, ius, & aequum esset, ostenderet, & vocaret non modo ad corporis, sed ad animi libertatem, legibus parendum doceret, raperet ad patriae caritatem, & sensum communem bonorum.

His radicibus, viri Lucenses, si stet; labefactari nullo modo potest concordia ciuitis. Nam lucrum & quaestus, aut aliud commodum huiusmodi,

pa-

parit aliquando concordiam, sed non potest diu conservare: quod conciliauit Caesarem Pompeio, Antonium Augusto, tale aliquid fuit: fed id quamdiu? ubi commodum sit incommodum, concordiae iura dissoluuntur. Ea re maiores vestri, sapientissimi viri, omnium artium peritissimi, quae incommodi nihil possent adferre, leges statuerunt aequissimas, & mores sanctissimos ciuitatis, quibus a philosophia acceptis veluti vinculis adstricti omnes concordiam aleretis, ne ea voce abuteremini, quam male acceptam a doctissimis quibusdam viris non possum non mirari. Libertatis proprium est, sic viuere ut velis: eam si sic illi interpretentur, vt solent, quae ista vox est? quae pessima, quae pernicies? quod exitium verae libertatis? quanto grauius & sapientius, decemvir reipublicae Lucensis peregrino audaci & temerario, qui ad sensum & voluntatem esse viuendum iactabat in libera ciuitate, respondit, *si in libera ciuitate es, liber esto, modo sic viuas ut debes.* Nam cum diuersae sint hominum naturae & voluntates, non dici potest, quae dissidia, quae damna, quae mala sint, ubi cuius quodus licet: vix crediderim in filiis, cum more ferarum vitam sibi homines propagabant, istam vocem istis interpretibus ferri potuisse. Nam cum in bene instituta republica eae leges sint, quae boni cuiusquam animum non possunt offendere; malis quidem praeceditur licentia viuendi, latores legum voluerunt omnes esse bonos, neminem nisi sapientem esse liberum: & profecto, quantum in apsis fuit, exulat improbitas, pulsa legibus, ac fugata: diuersa & contraria studia dissident inter se, nec possunt cohaerere. an sunt villa magis pugnantia, quam bonum & malum? Diuersae cupiditates sunt in homi-

mine: eas conuincit ratio, quae in corpus habet imperium, & dominatum: philosophus sapientum praeceps se temperat, & cohabet: bonus cuius iisdeni seminibus natas leges accepit, has amplectitur ut cum ceteris ciuibus consentiat: ex iis delecti viri ad gubernacula reipublicae discrepare non possunt, aut dissidere inter se, quod in ipsis est veluti sensus bonorum omnium, quae concordia appellatur. Variæ sunt facultates & artes ciuium, diuersa ergo studia: nihil refert. idem ager non vnius generis multas habet arbores fructuosas, quas terrestris humor nutrit: non ne corporis multa ac distincta sunt membra? quae idem potus & cibus alit. sic in ciuitate variis artibus, non iisdem studiis praedita sunt ingenia ciuium: quae vnu s tamen atque idem patriæ amor educat, atque educit. Quam ob rem ciuibus omnibus veluti commune bonum proposita est vna respubl. in quam omnium ora, oculi & mentes conuertantur: cuius vis & auctoritas quoniam omnis est ex consilio publico, C. Cassius prudentissimus censor, & patriæ amantisimus, concordiae signum in curia posuit, curiam ipsam concordiae dedicauit: vt omnes sententiam dicturi admonerentur, similitates, iniurias, iniurias, dissensiones, in curia non habere locum, sed ante fores & sacrata limina deponendas: ut aduentu senatorum concordia sancte atque augustinæ culta, apertis curiae foribus emittat securitatem, tranquillitatem, otium: ex quibus annona, opulentia, libertas, sunt in tectis atque agris: vnde publica hilaritas, pax rebus, laeta coniugia, procreationes liberorum, mercatura amplae & copiosae, studia litterarum inflammata atque ardentia.

Quæ bona tanta, & tam præclara, quoniam ne-

neque in obscuro esse, neque silentio præteriti pos-  
sunt; non modo finitos, sed eos, qui longissime  
absunt, trahunt in admirationem sui. Hinc pere-  
grinorum conuentus, & frequentia: multi cum libe-  
ris, vxoribus, fortunis ad habitandum, multi ad re-  
creandum se conferunt in liberam & tranquillam ci-  
uitatem. Quotus quisque est, qui porta hac iter fa-  
ciat, quæ pulcherrima mochia cum propugnaculis &  
aggere exaedificantur, qui vos non fortunatos appelle-  
let? qui suspirium alte petens non optet, non mo-  
do moenibus; sed legibus & animis vestris stare pa-  
triæ suam? Quod putatis, ubi in urbem hospites  
dinerterunt, conspicentes plenum ciuibus forum,  
plenas rerum omnium officinas, plenam concordiae  
ciuitatem, lacrimas tenere non potuisse? non inui-  
dia, aut odio in vos: sed quod dolent, hanc sapi-  
entiam ciuium non esse in reliquis Italiae urbibus &  
regionibus. Atque ego, ut ex meo sensu ceteros iu-  
dicem, quoties in plateam & forum animi causa de-  
scendo, descendo autem fere quotidie, mea summa  
cum voluptate contemplor ex hac concordia fortu-  
nas vestras: & licet cum hominibus optimis, & ho-  
nestissimis ciuibus, & mihi amicissimis, sermonem  
(ut fit) de variis rebus habeam, conuertor tamen  
nonnumquam ad cogitationem: & totus interea  
pendeo, atque haereo in iis virtutibus, quas iam a  
natura video in vobis esse, ex quibus indies cuius  
suppetere possunt amplissima argumenta ad scriben-  
dum, & dicendum: ita ut earum rerum omnium,  
quae a sapientissimis viris celebrantur, exempla ex  
hac ciuitate colligi possint: quae quoniā optimis  
principiis orta, alta, & perfecta studiis, sic tradita-  
sunt ad posteros; sic coluntur a vobis, ut tanquam

in

in unam aliquam arborem omnia bona insita videantur in ciuitatem. Ex iis ego, quod ratum firmumque sit, viri Lucenses, certissimis signis augor perpetuam fore libertatem, tranquillitatem, lucem reipublicae vestrae.

O R A T I O VII.  
D E P R V D E N T I A  
*Ad patres conscriptos reipublicae Lucensis.*

**Q**uod bonum, faustum, felix, fortunatumque sit mihi, senatui, populoque Lucensi, cupio, patres conscripti, instituto potius meo, quam more eorum, qui ante me in hunc locum ad dicendum venerunt, ex domestica & umbratili ludorum exercitacione in curiam, & conspectum vestrum iucundissimum educere eam philosophiae partem, quae ad mores & vitam spectat: donum & inuentum deorum. Nam cum superiore anno receperissem aliquando, me de virtutibus, quae in republica vestra sunt coniunctissimae, dicturum; satis mihi visus sum cognouisse sensum animorum vestrorum. Humanissime enim mihi vos adfueritis, & populus Lucensis ea frequentia conuenit, quanta antea numquam: neque post illud tempus amici mei, ornatisimi viri, desisterunt hortari, orare, monere, ne putarem mihi esse integrum diuertere in aliud genus orationis. Videbant illi magnam propositam difficultatem, quod rem suscepissem ab oratoria imitatione remotam: per tractata quidem ab antiquis, sed alio quodam dicendi genere. Quod si quis forte obiiciat, in magna Graecorum & Latinorum hominum copia vix unum aut alterum fuisse, qui in conuentibus publicis eam atti-

ge-

gerite quid dicam? Negemne illos summa fuisse eruditione & eloquentia, qui diligenter, qui ornate, qui diuinitus tam multa scripserunt? Negem hanc facultatem grauem, aptissimam naturae, necessariam communitati & societati hominum, meritam aliquando in ciuilem lucem proferri? Dicam ab optimis viris aliquid praetermissum, qui otium, & negotium, & viitae commoda ad nostram utilitatem contulerunt? quorum doctrinam non admirari, improbi est; ingrati, benignitatem negligere, inhumani, diligentiam ignorare. Nihil mihi tanti sit P. C. quod pietatem meam, qua illos a puertitia colui & obseruaui, imminuat, aut iminuet: nihil tanti sit, quo de illorum laude detraham: quos qui imitantur, vni mihi sunt laudatissimi. Quid ergo est? Difficile est dicere, quam in republica fuerint occupati, quam defensionum laboribus impediti, quam illorum vaga semper & volubilis fortuna fuerit. Quod nisi in perturbatione omnium rerum non exigua pars temporis obicienda fuisset vel fortunae fluctibus, vel periculis amicorum; haberemus illorum orationes graves, de iis ipsis rebus, quae praexceptis quibusdam continentur. Quod vero ex Graecis aliqui sunt, quibus plus otii omnino fuit, qui commonendo, & laudando, ad amicos & reges luculenter scripserunt; id mihi satis est P. C. Quis impedit, quo minus, ego hoc exemplo agam apud vos, non dico reges, sed fortissimos & sapientissimos viros, custodes legum, & conseruatores libertatis? An concursu hoc doctissimorum hominum, qui vel in philosophiae studiis, vel scientia iuris ciuilis summa cum laude versantur, verear de virtutibus agere, quibus bene animatus populus Lucensis ex omnibus regionibus urbis con-

confliuit in curiam? Quia in re P· C· illud videre videor, quod celebrarunt veteres sapientes, omnes homines moueri desiderio percipiendi, & cognoscendi. Nulla est ars, nullum studium, nulla disciplina, cui non sit propositum aliquod optabile ac bonum. Est enim in homine innata, insitaque vis continua ac perennis, quae excitat ac iubet semper cogitare, quid sit faciendum, quo sit felicissimus: quod quoniam adsequi non potest, nisi sine tristitia sit, & adfluat omnibus rebus; mirum profecto est, quam diuersi & varii fines excogitati fuerint, ad quos omnia referrentur. Facta hinc erat via ad libidinem, ad auaritiam, ad ambitionem: nisi ratio ipsa reclamasset, non voluptatem, non diuitias, non honores esse verum & summum bonum. Nam si quod homines beat, id non potest esse commune cum belluis; exclusa certe est voluptas, in quam proclives feruntur, qui a belluis nihil differunt, nisi forma & effigie. Opes vero saepe turpissimo quaestu comparatae retinentur vi, perniciose satellite: quae si honestissime partae sint, pendent tamen a fortuna, sicuti & honores, facileque aufetri possunt: & in iis sunt interdum, qui longissime absunt a beata vita. Neque vero hic ego vos in immensam illam rerum omnium perceptionem reiecerim, quae sapientia a nostris dicitur, vestigandam omnibus scientiis: quae si in hominibus vñquam fuit, non sat scio. Sed hoc ipsum bonum quaeto, quod in vobis est, viri Lucenses: de quo cum mihi dicendum statuisse, putabam ego me de laudibus vestris esse dicturum. Est enim non aliquod vnum aut simplex, quod quaeritur, sed concretum & coactum ex multis virtutibus: quod facile ostenderem, si sine inuidia mihi ticeret nominatum

tim proferre ciues vestros. In quibusdam ego prudentialiam singularem, in aliis iustitiam, fortitudinem in multis, modestiam in omnibus esse video. Eas iam vniuersas animo colligitе vos, ac putate esse in aliquo, qui omnibus bonis abundet, omnibus his virtutibus excellat, quae in omni actione eluceant. Qualis, quantus, qui vir vel qui potius deus erit existimandus is, in quo uno beato ac felici, tot tantaque cohaereant bona? Quod etsi difficile factu est, immo vero omnium difficillimum; tamen ita conari & eniti debemus, tanquam nobis singulis propositum sit, quod facile adsequamur. Sicuti enim sagittariis non frustra proponitur, quod petant, & vix est, qui totum diem iaculans aliquando non collineat; ita nobis P·C· non hoc temere propositum est a natura, ad quod nos tam honeste inuitat atque accedit. Sunt nimirum semina quaedam in nobis virtutum, veluti e diuinis mentibus accepta, quae passim sparsa, si colantur diligenter, homines iam non homines, sed prope dei sunt immortales. Harum princeps & regina prudentia est: de qua, ut reliquas in aliud tempus differam, breuissimo hoc dicam spatio, quod mihi adsignatum est ad dicendum.

Eius ea lux, is splendor est, ut ille ipse, cuius nutu coelum, terram, mariaque reguntur, optimus & maximus deus, nihil habeat, quo magis omnes trahat in admirationem sui. Quidquid hoc est, quod oculis videmus magnum, atque immensum, quam multa continet? quibus non solum vniuersis, sed singulis prouidet mens una, rerum omnium moderatrix & gubernatrix. Anni tempestas admonet: quid hoc est? Vix superioribus diebus frigoris vim, & hincemem rectis ferre poteramus? terra inculta erat, at-

que horrida, montes niue obducti, valles pruina rigentes: nihil iam feris reliqui erat ad victum. Nunc coeli spiritus iste iucundior est: virent agri, florent prata, frondescunt siluae: speciem quandam videor reuiuiscentis mundi. Sol moderatis caloribus alit segetes, mox vehementioribus educet fruges, firmabit fructus, qui temperatis postea mitescent. At ubi satis erit consultum vitaè animantium, & quasi annonae copia facta, ad reparandas terrae effoetae vires, quasi anus solicita incumbet prouidentia. Hinc obrigere terram gelu, & magnis frigoribus coget quietescere, ut ad cultus & labores ferendos aptior sit, cum primum per anni tempus licebit. Age, iam videamus exempla, & imagines deorum immortalium, prouidos & prudentes homines, quorum consilio coacti populi, exaedificatae vrbes, ius aequale constitutum, leges scriptae, artes inuentae sunt. Qua prudentia opus fuit, ut a ferinis moribus agrestes illi, quid agrestes? ferae ad humanitatem traduerentur? praesertim cum adsueti essent cupiditatibus patere, viribus pugnare, rapto viuere. Nondum oratione poterant commoueri, qui ratione vix vertentur: nemo commune norat bonum, delectabat inueterata consuetudo. Prudentiae proprium fuit, uti opportunitate temporis idonei ad agendum: prudentiae fuit, ponere ante oculos, quantum utilitatis haberet societas, quantum periculi solitudo. Sed ut e siluis & agris ad vrbes veniamus, quae quot sunt, quis enumeret? Praetereo castella, & minora oppida, quibus terra exornatur, veluti stellulis coelum, magnas & praeclaras vrbes dico: earum vsu quid utilius, ut ferarum truculentia, & vis hostium arceatur, & ut tuto simus, interque nos, & eos, quos metuit-

tuimus, murus intersit? Earum descriptione quid pulchrius? ex qua regiones, viae, plateae, curia, forum, basilicae sunt, & priuata aedificia, quibus nihil commodius, vt & frigoris & maleuolorum vim repellamus, & ineptorum hominum & caloris vitemus molestias. Est senatus, sunt magistratus, sunt iudicia sacrosancta, sunt leges, sunt consuetudines, & praeclara instituta ciuitatum. Quam multae sunt gentes, & nationes, quas vna prudentia moderatur, & regit, acuens hominum ingenia? Vnde agricultura, vnde frugum & fructuum conseruatio, vnde mercatura, nauigatio, emporia, nundinae, vt rebus abundaremus: quae si angustius prouenissent, veteremur importatis. Est enim haec virtus, quae maxime prospicit in posterum: quam ob rem aptissima semper habita est ad consulendum, quod non ut ars & scientia in rebus necessariis, quae in vnum exitum spectant, versatur: sed in iis, quae natura dubia sunt, obscura & incerta. Etenim quae aliter se habere nequeunt, in consultationem non veniunt: quae latent, & prehendi & dimitti possunt, ea omnibus vestigiis prudentia adsequitur: quod vna aeu-tissime & celeberrime videat, vna habeat rationem expetendarum & fugiendarum rerum. Et propter ea, sicuti qui medicinae artem tenet, experientia multa nouit, quibus infirmam valetudinem curet, integrum conseruet; ita vir prudens rerum usum habet, quibus prospicit omni tempore, quid sit agendum. Quis rem familiarem tuetur? quis leges scribit? quis iudiciis praecest, & consiliis publicis, qui exercitatus non sit aptior ad haec omnia gerenda? Multa dies adfert, & plura, quam quis putat, discimus quotidie: quo fit, vt maxime prudentes sint grandes na-

tu, qui priuatis & publicis rebus interfuerunt. Nestor ille apud Homerum quam multa commemorat, quam multa docet & monet confidenter. cuius similes decem si obtigerint, non dubitat Agamemnon facile captum iri Troiam. Quid apud nostros Cato ille Censorius ignorat? quorum mirifica fuit rerum cognitio sane longiore vita: cuius quoniam perbreue curriculum nobis natura circumscriptis, ab eorum vita, qui ante nos fuerunt, omnia petere debemus. Quis non miretur quorundam indiligentiam & stoliditatem? dili immortales, quae societia est? ut cum tam multa homines nosse possint, tam paucis omnino sint contenti? Vix dici potest, quae adiumenta adferat historia, quae numquam esset deponenda de manibus: quod cum lectione percurrimus omnem antiquitatem, & quae gesta sunt animo lustramus, rebus non modo interesse, sed praeesse videmur. Et ex euentis facile intelligimus, quid sapienter sit, quid stulte factum: quid consilio gestum, quid temere administratum: quibus diputationibus magna prudentiae fit accessio. Ecquae nobis antiquissimi poetae scripta reliquerunt, ut in alienis personis expressam vitae nostrae imaginem videremus; essentque ad intuendum multa, & aliqua posteris relinqueremus ad imitandum? Hoc consilio excusa numismata, fusae fictaeque imagines, posita statuae, ericti colossi, benemeritis de republica: ut essent illis sua ornamenta, & posteris spes gloriae ex prudentia, sine qua viri boni esse non possunt.

Saepe quaeritur in senatu, quid sit agendum: saepe aliquid utile viderut, quod si fiat, obterit plurimum. Quis discernet? quis reclamabit? nisi vir ad-

accuratus, & prudens? Appius Claudius, cum senatus populusque Romanus ad pacem cum Pyrrho inclinasset, & foedus faciendum, quantum profuit captus oculis? quod animum tanquam arcum intentum haberet, quo verum longissime attingeret? Quis primum cognouit, quae domi gerebat, parum dico, quam spem regni animo concepisset Sp. Melius? non prudentia L. Minutii? Quis P. C. turbulentissimis temporibus reipublicae vestrae, cum turpissima erat facies ciuitatis, summa trepidatione bonorum, cum formidolosus ille pugnantium concursus esset incuriam, quis vidiit, in quos labores, in quas calamitates necesse erat ciues incidere? quis ciuilibus malis occurrit primum? non ne virtus vna prudentiae? quae freti diuini & prope coelestes homines Lucenses, dignitatem reipublicae, maiestatem senatui, tranquillitatem ciuibus reddiderunt. Qua freti, praeter leges, mores & consuetudines, quas cum ceteris Hetruriae populis habent communes, primi in Italia Lucenses homines maiorum instituta intermissa temporibus renouarunt: primi coeperunt militem proprium alere, obligare militiae sacramento, habere delectum ex agris & municipiis rusticaniis: conuentus agere, diligere, qui noctu per pomaeria excurrant, qui interdij succedant portis: cum interea ex peregrinis militibus Italiciis, praesidium sit in curia, ita dispositis stationibus, ut semper aliqui sint in armis? Quid dicam de armamentariis publicis, ingenti imensa sumtuque comparatis? incredibili multitudine armorum, telorum, igniumque missilium, machinarum bellicarum, tormentorumque muralium? Quid dicam de pistrinis intra muros, de officiis exaedificatis? quid de molitis cibariis non in annum,

K 3

sed

sed in annos? an haec P·C· parua argumenta sunt prudentiae hominum Lucensium? quae ea est, vt cum de eius vi & commodis esset agendum, & propterea ex philosophorum scriptis praecepta, ex antiquitate exempla colligere; illud vobis vere dicere possum, & sanctissime iurare, semper mihi fuisse visum, & versatam ob os atque oculos, vestrae imaginem ciuitatis.

## ORATIO VIIII.

DE

## OPTIMIS STVDIIS DEFENSIS

*Ad senatum populumque Lucensem.*

**D**EOS primum quaeso, viri Lucenses, vt qui amoremus in vos omnes, & rempublicam vestram semper fuit, si veris, si iustis, si optimis de causis ortus est, is nunc mihi conciliet animos, & sensus ciuium vestrorum. Deinde quod ad vos, existimationemque vestram maxime pertinet, vt illi ipsis, in quorum fide ciuitas est, eam mentem vobis dent, quae optima sit: qua studiis liberalium artium ita confusatim, vt ea res vobis liberisque vestris, posterisque eorum bene & feliciter eueniat. Quod si quid praeterea est optandum, illud quoque deprecor, quod in vobis est situm, vt me bona cum veria audiatis: neque eorum sermone abducamini, qui me a vobis liberisque vestris abalienare cupuerunt. De qua re si qui mirentur fuisse silentium, iis, antequam de optimis studiis dicam, exponam breuiter, cur in hunc diem distulerim expectatam ab omnibus defensionem. Nam mihi quidem nihil fuisset optatius, quam illis ipsis diebus, quibus de studiis actum est in se-

na-

natu, mos consuetudoque vestra tulisset, vt qui a vobis praefecti sunt instituendae iuuentuti adesse, & sententiam libere dicere possent. Egisse ego prefecto causam bonorum non maiore eloquentia, quam egerunt disertissimi viri ciues vestri, qui graui-  
 ter, qui ornate, qui copiose dixerunt: sed maiore dolore, qui spes, qui spiritus, qui desideria norim adolescentium vestrorum, qui labores, qui vigiliae  
 viderim eorum, quos iuris civilis scientiae & dialecti-  
 cae facultati praefecisti. Sed ego, viri Lucenses,  
 cum superioribus annis publicis litteris humanissime  
 a vobis suis aceritus, illud in primis mecum sta-  
 tueram, quantumcunque mihi contigissent in hac vr-  
 be offensiones, sic ferre, ut nullae futurae essent si-  
 multates, nulla intercessura odia cum ciuibus vestris.  
 Cuius propositi memor, fateor me remissius, ne di-  
 cam ignaius, tulisse non iniuriam meam, sed op-  
 pugnationem bonarum litterarum. Huc accede-  
 bant constitutiones superioris anni, quas si memoria  
 deponere voluissem, non poteram: etenim locus ip-  
 se admonebat, quod vobis frequentibus hoc ipso in  
 loco, cum de prudentia dixisse, receperam me de  
 ceteris virtutibus esse dicturum. Quod cum primum  
 mihi otium dabitur, faciam omnino: neque com-  
 mittam, ut eius obliuiscar, quod sentio omnibus es-  
 se gratissimum. Id si nunc fecisset, offendissimum  
 bonorum animos, qui turpe putant, me tandem de opti-  
 mis studiis tacere, quem de aliis rebus toties apud  
 vos audiuerunt dicentem. Etenim si quae in illustri  
 ciuium conspectu habent defensores paratos, cen-  
 sentur, hoc potissimum die de bonis litteris agendum  
 fuit. Obsecro vos, quae vestra est humanitas, ut  
 hoc concursa doctissimorum hominum, hac frequen-  
 tia,

tia, conspectuque vestro iucundissimo, quantum hoc spatum patitur, quod mihi adsignatum est ad dicendum, mihi detis hanc veniam, adcommodatam huic temporis, ut patiamini me de optimis studiis dicere, & conqueri liberius, & meo quodam iure deplorare temporum acerbitatem, & fortunam eius, quem vos instituenda confirmandaque inuentuti delectu iudicioque vestro praefecistis.

Quae duae sunt opiniones eorum, a quibus bonae litterae oppugnantur, haec sunt ambae hodie a nobis ex animis hominum expellendae. Altera eorum est, qui vel nulla, vel exigua putant esse a litteris adiumenta. Altera eorum, qui nullo delectu verborum, nulla diiudicatione numeri ac stili censent litteris incumbendum. Prima opinio, et si locum fere non habet, in quo possit consistere; vix credibile tamen est, quam non modo vulgi, sed magnorum regum ac principum animos occupauit. Secunda, et si communi quodam iudicio damnatur, sustinetur tamen ab infinita multitudine studiosorum. Enimvero magni sunt ardores cupiditatum, altae stirpes stultitiae. Omnia cum mortales vel vi occupare, vel pecunia possidere se posse putent; quis miretur eorum omnem in armis & lucro spem esse positam? At antiqui reges, quorum nomen sanctum atque augustum semper fuit, & erit, apud omnes gentes & nationes, constituti confirmandae societatis humanae causa, auctores fuerunt omnium commodorum. Qui quoniam gloriae cupiditate incendebantur, & iuuandi desiderio ardebant; non cruore hominum aspersi, non belli crudelitate horribiles & formidolosi, cum a caede & iniuria longissime abesse vellent, & memoriam nominis quam ma-

xime longam efficere, omnibus gentibus & nationibus boni ac salutares, liberalitate & diligentia incredibiles utilitates attulerunt. Nam inuentoribus rerum cognitione dignarum magna praemia proponebant, quas cum memoriae proderent, propagabant posteritati: in quibus & ipsi minime raro labores excipiebant, & ferebant pulcherrime: quorum antiquissimi fuerunt, qui signorum ortus & obitus, accessus & recessus siderum, coniunctiones, propinquitates & interualla astrorum obseruarunt: & tanquam cum diis immortalibus continenter habitaissent, hominibus ostenderunt sempiternos errantium stellarum cursus, & coeli motum contrarium: quae sidera prospera essent humano generi, quae aduersa: quae lunae, quae solis viæ, ex quibus potissimum sunt anni varietates, & tempestatum vicissitudines. Quibus inuendis, certas viuendi regulas potuerunt constituire homines, quae tempora essent sementis facienda, quae colligenda messis, quae seruandarum frugum, quae caedenda materiae, quae corporis curandi. Sine quibus rebus & officiis vita hominum stare non posset: tot tantaque adiumenta attulerunt nobis reges Aegyptii, inuentores artium, & magistri scientiarum. Quae grata memoria, quae magnitudo obseruantiae tot tantisque beneficiis respondent? Quae vberitas ingenii, quae dicendi copia satis laudare optimos maximos reges, quod diuinum & admirabile genus orationis eorum labores complecti possit? Nam eadem ratione qua coelum, terram quoque dimensi sunt. Hinc illi ordines, hinc illae descriptiones, hinc enarrationes illae, qui montes, quae flumina, qui lacus, quae maria, qui portus ubique essent: querum rerum ob-

feruatione pulcherrimae scientiae natae sunt: ut cum coeli ac terrae magnitudinem metirentur, oppidorum situs, regionum, gentiumque naturam cognoscerent. Cum vero orbium illorum, qui diuinis animati mentibus circumferuntur, impulsus, concitationesque obseruassent, tantos motus silentio incitari non posse putarunt: sed cum imparibus interuallis & motibus distinguerentur, maius quiddam quam fortasse est, suspicati sunt variis reddi sonis: qua cogitatione acuta & grauia temperarunt. Quod cum docti homines vocibus & neruis, an fieri posset experientur, musiken inuenere, & numerandi artem: quarum altera tam necessaria est, quam quae maxime: altera iucundissima, ad orationem accomodata, compleat aures hominum, & incredibili voluptate animos perfundit. Quae scientiae cum ad Graecos fuissent adlatae, nolite quaerere quam ab acuto ingenio hominibus, studio & diligentia sint excultae. Veluti nouellae arbores, sterili loco natae, si in solum foecundius transferantur, fructus ferunt vberiores; sic in Graecia liberales artes felicitate linguae, quae non modo apte, sed ornate & distincte loqui posset, factae sunt fructuosa. Quae mirunt in modum auctae, cum quasi cognatione, & communis quodam vinculo tenerentur, coaluere in unum corpus philosophiae: quae diuinarum & humana- rum rerum indagatrix, veri inuentrix, magistra vi- tae, beare homines posset, & in concilium deorum admittere. Illustrata est Graecia disciplinis, & or- nata sapientibus, veluti sideribus coelum. Quos interea principes ciuitatum, quos reges illa prouincia tulit, vnius ope philosophiae? quae ea moderatione Graecos homines temperauit, ut ceteri bar- ba-

bari dicerentur. Quam infamiam & ignominiam  
vt fugerent Roniani, omnium gentium, omnium  
populorum victores, dum resp. magis floruit, quo-  
tidie magis litterarum studia coluerunt, & humani-  
tatis nomine adpellarunt, quod e fera agrestique  
vita, ad humanum cultum ciuilemque deducerent:  
sine quibus qui essent, monstra essent humana specie  
& figura. Nam per deos, ecquid illud est? quod  
bestiae quaedam institutione cicures fiunt, & a dis-  
ciplina non abhorrent? Id si est, quod iudicium sit  
eorum, qui qui sunt, vel reges, vel principes ciuitat-  
um, vel moderatores reipublicae, qui liberales artes  
& disciplinas contemnunt, si haec aetas veretur di-  
cere, omnes gentes & nationes, omnis posteritas a-  
liquando intelliget. Ergo ferae ad disciplinam ad-  
haerescunt, & sient mitiores: rationis participes  
homines studia reiicient, quibus meliores fieri pos-  
sunt?

Quaeret hic aliquis, num sit omnium princi-  
pum idem sensus? Non ita dii irati sunt bonis arti-  
bus, vt nullos esse velint, qui sustineant rempubli-  
cam studiosorum. Sunt tamen pauci, quorum nomi-  
ni nulla caliginem aetas offundet, nulla gloriam  
tempora minuent, nulla memoriam delebit obliuio.  
Sunt respublicae & liberae ciuitates, quae alunt phi-  
losophos, educant oratores, poetis delectantur: at  
in his saepe non nihil incommodi est, quod diuerso  
hominum genere constent: quare non vna est sem-  
per senatus sententia, non idem semper populi iudi-  
cium. Quis persuadeat multitudini imperitorum,  
disciplinas magnis praferendas esse pecuniis? Quis  
studiosioribus rei militaris, iustitiae non esse, bello  
vexare finitos? non licere imperium habere in  
ex-

exteras nationes. Quod si iuri diuino credimus, nefas esse concupiscere; vere mihi illud dicere videor, beatas esse respublicas, quas docti & sapientes homines regant: beatas esse ciuitates, in quibus eorum principes omne suum studium in doctrina & sapientia collocent. Dii certe adpellandi sunt, qui ciuibus, qui finitimis, qui externis profunt vel inuentione, vel restitutione disciplinarum. Quae gloria potest esse maior? quae illustrior? quae firmitior sempiternis seculorum aetatibus, quam amari ab omni hominum genere fama meritorum? Haec, quae ex armis gloria est, odiosa est, periculosa est: & crudelitate prius, & sanguine imbuta, quam honestata victoria: multis exitio fuit, multis erit calamitosa.

Quamobrem, viri Lucenses, aut nulla respublica futura vñquam bona est, aut vestra est optima: quae exiguis contenta finibus, nemini formidolosa, disciplinarum amantissima est. Dii faciant, vt qua superioribus annis ire via coepit, ea perget. Adiutum ex S. C. liberalibus artibus patefecistis, orationem, dialecticam, & iuris ciuilis facultatem mandastis illustrari interpretationibus latinis. Qui dies fuit, quo non magni fuerint concursus adolescentium vestrorum, quibus illi animis incedebant, quo desiderio flagabant, qua spe ferebantur? Tantum ne hominis vnius apud liberos vestros oratio potuit de laudibus eloquentiae? itane tandem commouit, vt non modo sordes illas dictionis semilatinæ abiicerent, sed ab earum auctoribus capitali odio dissiderent? O probitatem mirificam, o suauissimos mores, o humanissima ingenia adolescentium: num diu vobis cum agendum fuit, vt ab inueterata quorundam opinione

nione & sententia discederetis? Nihil vos impo-  
tunae magistrorum voces, nihil conuicia propinquorum, nihil parentum minae deterruerunt, quin ad nos quotidie veniretis? Multa mea causa sustinuitis ab iis, a quibus minime erat exspectandum. Incredibilis enim, viri Lucenses, coniutatio fuit in bonas litteras, eorum, qui dicendi genus sequuntur sordidum & vitiosum. Quod ab imperii Romani inclinazione ortum, veluti indicium seruitutis & calamitatis nostrae, eo studio, ea diligentia propagatum est a barbaris hominibus, ut non modo philosophiam & ius ciuile foedarit, sed studia ipsa poetarum & oratorum. Dies me deficiet, si scriptorum volumina enumerare velim respersa, quid dico respersa? immo vero cumulata barbarie: in quibus quoniam nescio quas commentationes continentur, non dici potest, quam ad ea se contulerit infinita multitudo hominum studiosorum: quibus nisi occurrisserent, & reclamassent eloquentissimi & sapientissimi viri, semper ita bona litteris nox fuisset offusa. Tantus fuit Romae litteratorum clamor, ut qui in Galliis & Germania essent, expurgicerentur. Praecitate quidem a Transalpinis nationibus barbaries reiecta & expulsa est, at in Italia adhuc regnat: & ita regnat, ut non villis, aut vicos se contineat, sed in claris urbibus, & Italiae luce versetur. Magna enim fuit, & est ubique copia studiosorum, qui quaestum sibi proponunt, quem ut cito consequantur, aut cursim artipiunt, aut omnino praeterereunt adiumenta & ornamenta ad omnem vitam, ad omnes artes, ad omnia officia adcommodata: quae, in adolescentia honestissima, in iuuentute optima, iucundissima in senectute, dialecticen iuvant, ius ciuile exornant, illustrant phi-

lo.

losophiam: cum legimus, delectant: cum scribi-  
mus, sunt necessaria. Quibus vel nostra, vel aliena reddimus melius, explicamus, interpretamur.  
Qui vero quae stui inhiant, ambitione quoque titillantur, & ostentatione doctrinae. Quare cum scribunt, aut differunt, inopes ac ieconi, latinis ver-  
bis non possunt, vulgaribus vti pudet: necesse est tandem aliquid monstri pariant, quod non modo alunt, sed laudant, vt quasi bellissimum obtrudant  
iis, vui nullo vsu, nullo sunt ingenio. Placuit commentum desidiosis, vt sincera linguarum castitate veluti religione se exsoluerent. Quid mirum,  
si quibus libido pro labore, socordia esset pro diligencia, optimum factu esse contenderent, si nullis legibus adstringerentur? Ea licentia pro bene sonanti-  
bus verbis horrida, pro vsitatis noua, pro exquisitis vulgaria attulit. Nullus scriptorum delectus erat,  
nulla numeri, nulla stili ratio habebatur: suo regno pulsata aliquando eloquentia iacuit in situ & squa-  
lore: ea caligo praestrinxerat mentes hominum, vt qui peius dicerent, melius loqui putarentur: qui obscurius, litteratius quam ceteri. Quae pestis cum late esset grassata, vt reliquas Italiae vrbes, vestram quoque inuaserat. Quare uos, quae prudentia est hominum Lucensium, quae coelestis & diuina ani-  
mi virtus, nihil cunctandum putas, nihil superse-  
dendum, nulla in re sumtui parcendum esse, quo bonis studiis florentem haberetis iuuentutem.

Hoc ego credo fuisse iudicium S· P· Q· Lucen-  
sis, cum superioribus annis studiorum tota ratione  
mutata, S· C· illud factum est, quo ego vocatus consilio, hortatu, monitu ciuium vestrorum, primus in  
hae vrbe barbarorum claustra fregi, obfessos, circum-  
val-

vallatosque adolescentes eduxi, & veluti e tetrostimo carcere liberaui: declamaui totos dies domi, in ludo, ante curiam, utinam licuisset in senatu. Putabam id vobis omnibus fore gratissimum: quo uno sensi, non sine dolore bonorum, me in odia & voculas quorundam incurrisse. Nam cum minime exspectarem, minimeque munus interpretationis mihi prorogari peterem; sed ii, qui non tam mei, quam iuris ciuilis, quam dialecticae, quam oratoriae facultatis rationem haberent, me inuitio peterent, ipsi obtrectari ponis artibus audierunt, ego repulsam tuli. Quo tempore quod frequentes senatores vestri, grauissimi & amplissimi viri, summa contentione, incredibili studio, ardentissimis animis egerunt causam meam, cum commendatione etiam instituti, vitae, morumque meorum, immortales ago gratias, agamque dum viuam. At ea res leuat fortasse, non sanat dolorem meum. Quos putatis per illos dies rumores de me apud finitimos vestros fuisse? quos apud eos, qui longe absunt: quibus ego placere magnopere cupio, praesertim cum pro me restituendo vehementer laboratum sit in senatu: quid feceram? quid commerueram? quid peccaram? liceat mihi pro pietate vestra conqueri liberius, liceat audacter dicere. Si aduersus vos, patriam, liberosque vestros arma tulisse, nihil magis fuisse oppugnatus. Haec ergo spe, viri Lucenses, iubetis esse studiosos bonarum artium? haec sunt praemia vigiliarum? hi sunt fructus laborum nostrorum? ut vobis praesentibus consternamur a ciuibus vestris, appetamur conciuis, cadamus animis: & si quid existimationis nobiscum attulimus, amittamus turpiter in ciuite, quam nos oratione & scriptis, si non quibus

vo-

volumus & debemus, at certe quibus possumus,  
honestamus.

O R A T I O V I I I .  
D E I V S T I T I A

*Ad patres conscriptos reipublicae Lucensis.*

**S**AEPE mihi cogitanti, patres conscripti, cum regum afflictas fortunas, inclinationes imperii, interitus rerum publicarum memoria repeto illud verissimum videri solet; si quae diligentia hominum semper fuit in aliis rebus, ea fuisset in excolendis animis optimis disciplinis: antiquissima nos regna, iustissima imperia, beatissimas & sempiternas respublicas fuisse habituros. Quod si quis miretur, tantas saepe fuisse rerum omnium commutationes; illud potius mirari debet, neque sanctissimorum regum, neque prudentissimorum ciuium, qui respublicas instituerunt, apud ullas gentes & nationes diu retineri potuisse veterem disciplinam. Nam barbarorum regum res gestae, ampliae magnificaque fuerunt: & Atheniensium & Lacedaemoniorum maiores, quam memoriae ac litteris sit proditum: Romanorum vero tantae, quantas neque Graeci neque Latini, eloquentissimi homines, scriptis unquam complecti potuerunt. Horum omnium mores prius corrupti sunt, & depravata ingenia, quam regnum & rerum publicarum orbes illi conuersi. Quo loco imperiti fortunam statuerunt reginam rerum humanarum: quasi vero non sit necesse, imperium, quibus partum sit, iis moribus atque artibus retineri & conseruari. Quae artes si in viro bono fuerunt: qui vel ut architectus sit vocatus ad aedificandam, vel ut moderator ad tem-

pe-

perandam rémpublicam ; ex rebus gestis intelligi potest, fortunam semper veluti pedissequam secutam esse sapientiam & splendorem virtutis. Quam ob rem est profecto mirandum, homines, qui neque fabro imperito credant veteres parietinas, neque sortito operas conduci velint ad agrum colendum, non videre, quantum in maximis rebus delectus haberet momenti, si diligentia adhiberetur. Non latuit hoc P· C· maiores vestros, sapientissimos viros, quorum morem & institutum antiquissimum retinetis, ut inconspectu senatus populi Lucensis laudentur virtutes, quibus ciues vestri meliores fieri possint : ut qui sapientia praestant, pulcherrime sedeant ad gubernacula ciuitatis. Sunt enim artes regendae reipublicae, quae si rectissimis & honestissimis ciuium studiis colantur, laetos & vberes fructus ferunt: si cum moribus corruptis coniungantur, sunt pernici- es & interitus ciuitatum. Quare quis tandem aut me reprehendat, aut quis vobis iure succenseat, si quantum aliis ad fabulas recitandas, aut ad inanes sermones audiendos conceditur temporis; tantum ego ad cohortandum ciues vestros ad egregios animi habitus mihi sumsero: vos ad vestigandum conuersi, quibus e fontibus hauriamus, operam dederitis non inuiti.

Omnium virtutum conciliatrix, & quasi domina iustitia est, de qua mihi hodie dicendum proponui bona cum venia vestra. Etenim cum omnes virtutes, quae spectant ad bene & beate vivendum, habeant quoddam commune vinculum, & quasi cognitionem inter se; nulla est tamen, quae aequa vniuersas colligat, & coniungat, atque iustitia. Haec prudentem ciuem iubet de patria esse solum, & de

L

re-

republica noctes & dies cogitare: haec fortis viro imperat, ne in acie a signis discedat, ne perturbet ordinem, ne scutum abiiciat: haec metum incutit modesto adolescenti, ut pudoris & verecundiae meminerit. est enim una quaedam in animis hominum non lata, sed nata lex, iubens honesta, prohibens contraria: haec partes cuique tribuit, officia distinguit, describit munera, mater aequi & boni: cuius commoda nemo intelligit melius, quam qui iniustiae experitur incommoda. Multum auri, argenti multum, plurimum Melitensis stragulaeque vestis apud Lucenses esse dicitur: ingentes omnino sunt diuitiae terra marique partae: eas vobis dii fortunent. Si iniustiae vitium inuaserit ciuitatem, quid sunt pecuniae, nisi magnum malum? quid domus, quid praedia, nisi impedimentum? quid vxor, quid liberi, nisi lacrimae & moeror? Quod non eo dico, P· C· quod metuam hoc consilio, hoc senatu, iis praefaciis, teterimae huic pesti esse aditum in ciuitatem: sed vt audiat populus Lucensis, audiant peregrini, quae gratia vobis habenda est, per quos omnibus frui licet tanto ac tam excellenti bono. Namque id est iustiae proprium, non tam sibi quam aliis prodesse. Atque vt iniustus est, qui dolo malo in alterius perniciem ingenii aciem intendit, vt sibi sit emolumento; sic vir iustus non habet rationem priuati commodi, sed recto animi sensu fertur, vt nemini noceat, & bonis profit quam plurimis. Quid hī tribuni plebis? quid populi signifer? quid praetor? quid iudices? num suas res agunt? vel potius ciuium? Senatores patres sunt patriae, iudices custodes legum, magistratus conseruatores fortunarum vestrarum. Ea vis est huius virtutis, vt non modo animos adficiat

vt ceterae; sed erumpat, & se ipsam prodat, accensam atque inflammatam desiderio communis boni: qua vna ratione longissime absumus a natura ferarum, quae vel priuatam utilitatem, vel voluptatem sequuntur. At nos iustitiae vi nos ipsos contemnimus, & incredibili caritate complectimur omne hominum genus.

Neque res vlla est, qua ad similitudinem deo proprius accedamus. etenim ille optimus est, quod lenibus aliquando ventis, aliquando vehementioribus, saepe frigore & calore, nonnumquam pluviis & tempestatibus consulit vitae animantium, & spatium hoc humidum & caliginosum ita temperat atque illustrat, vt lucem, qua omnes fruimur, & spiritum, quem omnes ducimus, suauissime hauriamus: qua cogitatione verissime admonemur, vt deum sequamur ducem, & vel optimis institutis, vel legibus feuerioribus, nonnumquam disciplinis & artibus liberalibus, saepe cohortatione consilioque fidei iuuemus hominum coetus, vt vitae cursum per se difficilem & laboriosum melius tenere possint. Et quoniam bonus ille tam multa large ac liberaliter in dies ad usum hominum creat, & conuertit; curandum est, vt amemus nos inter nos, & veluti dii quidam aliis prodesse velimus; & cum gratuito omnia acceperimus, gratuito largiamur. Nam quae haec est iniustitia, vt qui nudus nascendo in lucem prodieris, tam multa occupes solus? An vero non occupas? vnde igitur in possessionem tantarum rerum venisti? Amplum patrimonium relictum est. Credo. Quod vero patrimonium? si natura omnia sunt communia. Haereditas aliqua obuenit? non potest dici. Emit pater? de quo tandem? fac esse de auo meo. Quis,

me nondum nato, mihi potuit praescribere? cum iura omnia gentium, & ciuiles etiam leges iis caueant, qui nondum sunt nati, vt cum in communem hominum societatem venerint, nihil eis non sit integrum. Si me iam nato vendidit pater meus, fecit iniuriam: quod mihi dare non potuit, voluit adimere? sibi fortasse, non mihi praescripsit: dare non potuit? non ademit. Sed quid ego tam multis? quasi vero quiuis non intelligat, nullam sanctam societatem cum iis esse, qui ita se ipsos amant, vt naturae ius violent: quo iure non nobis nati sumus, non patriae, non parentibus solum; sed toti hominum generi, quod ita est vnum atque coniunctum, vt si visu veniat, pro vilissimo quoque subleuando magnis miseriis non dubitarit vir iustus mottem oppetere.

Sed haec maiora sunt, quam hoc loco quaeramus miseriis perditisque temporibus: quibus mirum videri debet, si aut veteri occupatione, aut victoria, aut lege & pactione omnibus rebus compositis & adjudicatis constans & perpetua voluntas suum cuique tribuat, ne quis sibi plus aequo adpetat, ne quis adferat iniuriam, ne quis alteri adferri sinat. Sit Sabinus Sabinorum ager, sit Romanus Romanorum, sit Lucensis Lucensrum. Temeraria dominatrix animi cupiditas, nullis terminis & cancellis contineri potest, inimica iustitiae. Haec iura diuina & humana saepe peruertit, tenuioribus admouet stimulos, potentioribus ministrat faces, & fallit opinione virtutis. Quis tam tetrae filius est, qui nolit in coelum tolli? quis tam beatus rex, qui non cupiat aliquando propagare fines imperii? Haec turbas facit, haec dis-

discordias alit, haec seditiones excitat in republica, haec saepe fratres iussit armis decernere, haec seruos in dominos armauit, haec animauit saepe in senatum furentem plebeculam. Cui malo remedium nullum satis idoneum inueniri poterat, nisi iustitia occurrisset: quae compositis aliquando rebus, aeternam nobis pacem & tranquillitatem adlatura videbatur, si per nos licuisset. Sunt leges, sunt senatusconsulta, sunt plebiscita, edicta, decreta, iudicia. Haec sunt arma communia ciuium. Est aliquis de possessione deiectus? Bono sit animo: est praetor, qui in possessionem restituat. Est iniuriis, est lapidibus, est ferro adpetitus? Sunt leges vindices, sunt poenae constitutae, est iudex. quasi libripens, qui vel damnum damno exaequat, vel emolumento resarcit, vel malum malo vlciscitur, & condemnatione compensat. Ferarum est, vim vi repellere, & iniuria propulsare iniuriam: nam si id est hominum, quid est ferarum? In bene institutis ciuitatibus turpius est inferre plagam, quam accipere. sicuti, quam accipere, honestius beneficium dare. Monstri simile est, vultu & effigie hominem praese ferre, & animo ferae crudelitatem. Quae (malum) res homines in istam insaniam adegit? ne quis iurget, ne quis saeuat, ne quis conserat manum, est effigies quasi iuris, est vis legum iudex non muta, est quasi vocem intendens iustitia: per quam si ita omnia transigi possunt, ut pax sit animis, nullae irae, nulla odia, nullae sint inimicitiae ciuium. Est virtus ista nobis colenda, quae non modo gratiam reconciliat; sed ciues ciuibus, socios sociis, vrbes vrbibus, iuris legumque societate deuincit. Haec emolumenta, eadem honores, eadem magistratus distribuet, pro dignitate

personarum. Ciuitatis vnum est corpus, membra plura. Quid est? multa sunt membra corporis, ita-  
dem ciuitatis. Alia honestamus purpura, alia nu-  
da esse patimur: neque tamen membris vllis, quae  
nobis carissima sunt, facimus iniuriam. Quid pe-  
des, qui totum corpus sustinent, quam sunt necessa-  
rii? neque tamen queruntur, primas capiti deferri.  
Diuersa sunt ingenia ciuium, diuersa munera: di-  
uersi, & alii aliis praestantiores labores: & propte-  
rea non sunt eadem omnium dignitates. In iustus  
est Ajax, vt Graeco exemplo vtar, licet a classe ig-  
nes abegerit, licet cum Hectore fortiter manum &  
ferrum contulerit, si de Achillis cum Vlysse armis  
contendat: cuius consilio bellum gestum est ipsum  
decennium, qui in cohortandis ducibus oratoris of-  
ficium praestitit, in pugna militis. Grauiores sunt  
labores fabri tignarii, quam architecti: quid est, quod  
architecto stipendia per honorifica decernuntur, fa-  
bro pauci teruncii? Vitam agit miles durissime sub  
pellibus, mollius fortasse imperator in tabernaculo:  
neque tamen propterea praestat miles imperatori.  
Nullam expeditorem habent viam rerum nouarum  
studiosi ad seditionem excitandam, quam quae con-  
fundit distributionem iustitiae. Multae sunt leges,  
multa instituta, quibus facile obtrectet imperitus.  
Bonis ciuis est, putare, sanctissimum esse ius ciuale,  
firmissimas esse leges, quae a maioribus latae sunt:  
nihil in mentem imperiti cadere posse, quod non  
viderint sapientes, contulerint, examinarint. Ne-  
que vero est res altera, quae clariores fecerit Locros,  
quam illud institutum, vt si quis nouam legem pro-  
poneret, cogeretur prius collum in laqueum insere-  
re, deinde dicere pro lege. Si lex placuisse, cum es-  
set

set lata, relaxabatur restis: fin minus, laqueo frangebatur gula. Videbitur alicui genus hoc instituti acre atque acerbum: sed illi duobus monstris immannissimis, imperitiae & arrogantiae, quibus iura divina & humana pervertuntur, hac seueritate occurrabant. Vix credibile est, quae sit temeritas imperitorum, quanta superbia vulgi. Quis Magios, quis Blosios, quis Iubellios nesciat, flabellia illa romanae seditionis? Quis ignoret, quae mala rerum nouandarum causa ob inscitiam & audaciam semper fecuta sint? Graecis & latinis historiis testata sunt omnia, nemo est, qui iam legendo non sit defessus. Recordamini per deos P. C. cum superioribus annis in senatum vestrum imperiti quidam, & audicissimi homines erecto vultu, supercilio illo, ardentibus oculis ferebantur, scelere & furore inflammati, quod omnibus rebus non modo interesse, sed etiam praecesso volebant: quo tempore, quae res a vobis gestae sunt pro salute patriae, nisi iustis de causis fuissent gestae, numquam profecto illae testimonio orbis terrarum, & iudicio magnorum regum & imperatorum fuissent comprobatae. Quae vero satis iusta & causae fuerunt? nisi ut retunderetis audaciam imperitorum, qui hanc virtutis partem confundebant, ne habetur ratio dignitatis personarum. Quae confusio tantum abest a iustitia, ut iustitiae nihil magis posse esse contrarium.

Per paucorum igitur hominum est leges ferre, non multoram emendare. Infinita sunt, quae legum latores comprehendere non potuerunt: infinita, quae cum temporibus mutantur. De iis si ager mediocriter eruditus, & qui non calleat usum rerum, Hydræ, ut in proverbio est, capita absinduntur.

Non sunt illa credenda ostentatoribus doctrinæ, non vulgi opinione corrigenda: lectissimorum hominum prudentia & sagacitate opus est, quae aequitas appellatur: cuius vis, quoniam natura cietur ipsa, aeterna & immobilis est apud omnes gentes. Quod enim a natura est, eandem ubique semper habet vim: ut ignis, qui apud nos itidem, & apud Persas virit. Quamobrem, quae legum fuit inuentrix, eadem potest esse moderatrix, vna aequitas: pro qua saepe prudentes & eloquentes homines contra ius scriptum dixerunt. Ea quoniam detracitis animi vitiis est inuenienda, boni quidam viri quaerendi sunt, quales apud veteres Solon, Lycurgus, Numa fuisse dicuntur: quales apud patres vestros ii, qui Ostracismum, quem appellant Athenienses, apertissimum viderunt ad sustinemendam rem publicam popularem. illi seditionem, illi molliciem, illi aleam excluderunt, oblectamenta amentium, & otiosorum; illi incesta, stupra, adulteria coercuerunt, magnis poenis constitutis: iidem prouiderunt, ne caedes injunctate fierent; ne agri, ne saltus latrociniis infestarentur. Horum sanctissima sunt instituta. Deum pie, caste, augusteq. colendum esse, amandam communem hominum societatem, finitimus honestissime cupendum, exteris bene precandum, pro patria moriendum: parentes alendos esse, vxorem diligendam, liberos bene & pudice educandos: cognationes, affinitates, necessitudines, clientelas habendas in loco rerum carissimarum: defunctos non esse iniuria adficiendos, non dimouenda sepulcra, testamenta non violanda: suae rei ita ius esse debere, ut quisque legat: supplicum misereri oportere, tueri bonos & innocentes: benemerentibus gratiam referri

con-

conuenire, animaduerti in malos & nocentes: promissa, pacta, conuenta seruanda esse: fidei summa rationem habendam suis quemque contentum rebus esse debere: virtute animos ita confirmandos, ut ne quis precio, ne quis metu, ne quis gratia a bono & aequo deducatur. Si iustitia loqui posset, quid aliud roget, aut iubeat? Antiquissima haec est disciplina, pleni sunt omnes monitorum libri, plena exemplorum vetustas. Vna vox est sapientum, vna regum, vna imperatorum, principumque orbis terrarum: firmissimum esse statum ciuitatis, cuius iustitia est fundamentum.

## O R A T I O X.

## D E F O R T I T V D I N E

*Ad patres conscriptos reipublicae Lucensis.*

SI quid etii mihi esset P: C: libenter id ego pro mea in vos omnes, & rempublicam vestram obseruantia ponerem in laudandis fortissimis viris tribunis plebis, quorum causa pulcherrime hic nobis illuxit dies, qui cum sua virtute, tum splendore isto tribunitio dignissimi sunt, ut amplissimis laudibus commendentur memoriae hominum sempiternae. Sed mihi ut cetera adessent, quae longissime absunt, temporis quidem certe non est satis: sunt occupationes meae maiores, quam vulgus hominum putat; nullum mihi tempus liberum a labore est, nullum vacuum a munere publico. Erudita nobis, quod vobis gratulor, est iuuentus: dignissima est, quoniam vos ita voluistis, vt in eam erudiendam conferam omnes curas & cogitationes meas: auidissima liberalium artium exspectat quotidie, quid a nobis adferatur, non

ex cella nostra egentissima omnium rerum, sed e  
penu locupletissimo oratorum & philosophorum:  
Cui ego ut satisfaciam, non sunt mihi totae noc-  
tes dormiendae, cum multum etiam vigilanti non  
defint obtrectatores suffusi malevolentia, criminosi,  
plenissimi omnium ineptiarum: a quibus ego non  
metuo, qui vos habeo defensores, testem florem iu-  
uentutis, iudicem populum Lucensem. Quae P.  
C. non a me dicuntur ostentationis alicuius gratia,  
eius ego sum plane hostis: sed ut vos excusationem  
meam accipiatis, si breuissimo hoc spatio, quod mi-  
hi adsignatum est ad dicendum, res tantas, quan-  
tae sunt tribunorum vestrorum, oratione prosequi-  
non possum: praesertim cum sint illae obuolutae  
antiquitate, & mutatae saepe cum temporibus ipsiis.  
Quid? egone tribunos firmamentum reipublicae-  
praesidium, arcem libertatis vestræ, tanta hominum-  
frequentia, conuentu hoc ornatissimo præteribo?  
Non faciam. Quid ergo est? Meminisse debetis P.  
C. quid in hoc loco, præsente senatu populoque  
Lucensi, superiore anno receperim. Promisi me-  
mor, hodie bona cum venia vestra de *fortitudine* di-  
cam. Eius virtutis isti auctores & magistri quidam  
sunt tribuni. Quod enim putatis fuisse consilium  
maiorum vestrorum, cum in tribus diuiso populo  
vexilla ista erexerunt? quae ex edicto mota loco, quis-  
que ciuius sequeretur; nisi ut domi haberetis fortissi-  
mos duces, qui, cum vsu venisset, collatis signis pro  
communi bono pugnare, & vobiscum una pro liber-  
tate patriæ mori possint? Quotiescumque de hac vir-  
tutis parte verbum faciam, toties mihi in mentem  
veniet tribunorum vestrorum. Nam &c altera virtu-  
tis huius pars est P. C. quac ad liberos & vistros maxime

at-

attinet, in qua studium diligenter est adhibendum: quod sapientissimi viri, qui res publicas instituerant, putarunt in hoc posita esse omnia, si iuventus esset patientissima laborum. Nulla enim capitalior pestis est liberis civitatibus, nulla maior contagio, nihil tam exitiosum, quam libido voluptratis: ad quam quoniam omnium hominum ingenia sunt propensas a pueris est enitendum, ut eam veluti monstrum immane, & multo foedissimum, aut fugiamus, aut fortiter adsuecamus vincere.

Est fortitudo virtus animi egregii atque excellentis, quae nisi quod honestum sit, nihil rectum putat. Ea veluti singulare munus a diis immortalibus hominum generi est data; ob id Graeci, qui multa significantius dicunt quam Latini, a viro fortitudinem appellari voluerunt: quod huius virtutis qui, ubi primum sapere coepit, non est studiosus, vultus & effigie fortasse aliquando virili erit, animo certo numquam nisi molli & effeminato. Ob id ipsum Hercules, qui vel Iove natus est, ut poetae fecunt, vel (si plures dicti sunt hoc nomine) fortissimus aliquis, ad quem unum non ab uno res gestae referuntur; cum ians adhuc esset, utraque manu comprehensos angues elisisse dicitur: hoc est, primo quoque tempore egregie superasse fallacem istam animis dominatricem voluptatem. Cretenses pueri, dum res publica Cretensium sterit, duri ac laboriosi, coenantes numquam eubare visi sunt. Lacedaemoni adolescentes, ubi multis verberibus accepti esurire didicissent, nihil in coena praeter panem adhibebant: ubi siti prope essent cuncti, nihil praeter aquam, quam ex Eusotae altera ripa natando in humeros cado imposito transportassent. Romani veteres inediae, si-

tis, vigiliae, algoris, aestus patientissimi, in castris per laborem vsu militiam discebant: & si magnis itineribus erat eundum, praeter arma, quae neque noctu, neque interdiu deponere licebat, ferre molita cibaria in mensem, ferre utrem cum aqua conseruant: non minus ad pugnandum parati, quam si essent expeditissimi. Qui sensus fuit P. C. tantarum gentium & nationum? quid haec instituta volebant? Cretum leges Minos sanxerat, iustissimus omnium rex: Lacedaemoniorum Lycurgus, optimus & sapientissimus: Romanorum dii quidam potius quam homines adpellandi, auctores summi imperii, & dominii orbis terrarum. Horum consilia non sunt contemnenda. Intelligebant isti, fortitudinem virtutem esse diuinam, & sane coelestem, ad quam unus esset aditus iuuentuti, si laboribus esset exercitata: templicam diu stare non posse, in qua sit otiosa & delicata iuuentus. Et nos canere & saltare iubemus adolescentes, bibere permittimus freracius, capere ientaculum, prandere, meridiari, coenare. Sunt ista obsequia parentum. Si parentum obsequia rieruos virtutis elidunt, non sunt ferendi patres, qui obsequiose filios alunt. Excludendi sunt ei civitate, qui educant luxuriose. Ab iis sic eductis & educatis prodita saepe patria est: ab iis saepissime coniurationes factae: ab iis semper sunt excitatae tyrannides. Nam ubi venere, gula, & talo patrimonium absuntum est, & familiares opes defecerunt; necesse est, audacem iuuentutem, quae neque famem, neque sitim, neque frigus ferre potest, incendi prauis cupiditatibus. Laudanda in primis igitur fortitudo est, ob tolerantiam egregiam rerum difficultum, quae neque egostatem, neque exilium, neque mortem.

mortem timeret: nihil denique, praeter turpitudinem. M<sup>·</sup> Curius, homo non locuples, ad focum rapas coquebat in coenam: ad quem cum legati Samnitum magno cum auri pondere venissent, ut eo munere gratiam suis conciliarent: is & donum repudiasse, & dixisse fertur, *auro non egent, quibus haec coena est satis.* P<sup>·</sup> Rutilius exemplum fortitudinis, cum a Syllanis in exilium missus esset, & Sylla, qui in libera ciuitate regnum iam obtinebat, quibusdam, in quibus erat Rutilius, redeundi potestatem fecisset; in exilio esse maluit, quam tyranni vultum adspicere. L<sup>·</sup> Aemilius fortissimus consul, cum in clade Cannensi expers culpae, & cruento oppletus in saxo moribundus federet, & Cn. Lentulum tribunum militum equum praeteruectum intueretur, num lamentabili voce, & tremula obligari vulnus, aut in equum tolli se precatus est? Immo vero, cum eum vellet protegere tribunus, reclamauit, *abi Lentule, quid tempus terris? sine me bene mori, ubi collega meus non passus est honeste viuere.* Quibus profecto intelligere licet, non egestate, non exilio, non morte deterri viros fortis: & mori malle, quam de dignitatis gradu dimoueti.

Quid? inquiet aliquis, non omnes ad virtutem istam apti sunt. Id est dicere, homines non esse homines. Fatemur natura inesse in omnibus molle, demissum, humile, quiddam denique humandum: sed illud quoque dicimus, inesse rationem, ut diuinum aliquod veluti corporis praefectum, & administrum consiliorum, cui parere debet animi pars illa mollis & eneuata, veluti sapientissimo imperatori miles imperitus. Quis nostrum est, qui si virum, cui pes condoleat, aut dens, ingemere, iura-

lare & flere videat, risum tenere possit? Quis, vbi audiuerit ignauos milites, simulac viderunt hostem clamasse, abiecto scuto fugisse, qui ira non excedat? Id certe non fieret, nisi in omnibus esset aequa sensus quidam interior, qui contestatur, quod abiecta, quod timide, quod muliebriter factum sit, turpissimum esse. Qui vero turpissimum est? nisi aequa ad omnes spectet fortitudo, quae appetentissima est honestatis, quam ignorant animantia, quae ratione carent. Hinc belluae quaedam, quae certant acrius, & insultant liberius in omnes, non fortes dicuntur, sed immanes ac ferae. Insani cum periculum adeuant, ridentur potius, quam laudantur. Qui temere aliquid adgrediuntur, audaces appellare consueverunt. Virtus enim a recta animi ratione proficiuntur: quam ob rem vir fortis mentis constans pulcherrime fert secundam & aduersam fortunam, quidquid contingat, modo vacet culpa: neque dolet, ut ceteri, neque laetatur.

O rem incredibilem P<sup>r</sup> C<sup>r</sup> tantamne esse vim huius virtutis, ut eo homines impertiat, quod est praepotentis dei? Quid tam mirabile, quam unam mentem, omnia quae sunt, quae fuerunt, quae futura sunt, videre, intueri, intelligere ut praesentia: neque tamen laetitia adfici umquam, neque capere dolorem? Nam siue salubritas sit, siue pestilentia, siue sterilitas agrorum, siue fertilitas, siue cluaciones, siue exustiones terrarum, deus nihil commouetur, nihil adficitur: in quem si laetitia & dolor cadere posset, non esset beatus, non liber, non sincerus, non simplex. Et vir fortis mente firma ac stabili & paupertatis morsus, & stimulos doloris, & fortunae fulmina contemnit: non minis, non tormentis mo-

uc-

uetur: curvultus est semper idem, eadem semper oratio, idem semper animus, quod in re angusta, in suppliciis, in morte inueniat vitam beatam. si aegrotabit, feret patienter: si secabitur, si vretur, non emitte vocem viro indignam. Amicus meus, fortissimus vir, quem vos omnes probe nostis, quotannis ex pedibus laborat. Hunc ego, cum podagrae doloribus ardet, conuenio semper: liquet mihi deierare, numquam me illum non modo audisse clamantem, sed ne lamentantem quidem. Quid illud fuit? cum superioribus mensibus nobilissimus puer parentibus dulcis & optatus, ex altissima fenestra cedisset in impluuium; adposita erat secunda mensa, discumbebat pater, vidit cadentem filium, & una prope exspirantem: testes sunt magno numero familiares, qui adhuc obstupescunt, non modo vocem turpem non emisit vir fortissimus, sed neque mutauit vultum. Sed quoniam mors extremum est reruna omnium, putant quidam ea deterri viros fortes: id est falsum. Vidistis vos aliquando ciuem vestrum (nolo nominare, ne dum de fortitudine dico, faciam dolorem): is cum ad mortem mitteretur, hac virtute praeditus, ibat fronte ac vultu bellissimis, quasi e carcere euolasset. pone vxor erat, lectissima femina, & grauissima: ea dolore credo oppressa, neque vocem, neque oculos tollebat: liberi conclamantes sequebantur. Tum ille limis oculis intuens, tacete, inquit, quid hoc clamoris est? quibus nec pater, nec mater flet, infirma aetate abhuc estis, auferte istam molitiem. Quid si amemillies non audissetis pueri, mortem non esse malum, nihil esse timendum praeter turpitudinem? Videtis P. C. quae semina virtutis huius sint in animis ciuium vestrorum? qui si diligenter-

tissime colantur, quid obsecro, quid est futurum? Habent enim animi ortum ac originem coelestem, vnde insita est viris fortibus despicientia quaedam rerum humanarum. Hinc Anaxagoras, qui mens a veteribus est adpellatus, cum patrimonium amplum & copiosum accepisset, quod neque augeret, neque conseruaret, accusabatur a suis. a quibus cum aliquando premeretur, quod non modo agelli auiti & paternae domus, sed & patriae curam abiecisset; ille manus ad coelum tollens, *bem*, inquit, *patria*, *bem domicilium*, *bem funde noster*, *quam tui defidrio ardeo*. Quem secuti nobilissimi philosophi, tantum profecerunt, ut compererint, & docuerint deos esse nos: quod non id simius, quod forma ista declarat, sed mens cuiusque, id est quisque: non ea forma, quae digito demonstrari potest. Ea re Anaxarchus, cum in crudelissimi & inimici regis manus incidisset, iussissetque eum rex ferreis malleis contundi; *tunde*, inquit, *tunde rex Anaxarchi utrem, nam Anaxarchum non potes tundere*.

Quam ob rem excellenti animo homines, despicientes res humanas, a negotiis publicis remoti, contulerunt se ad cogitationem, contemplationemque rerum aeternarum: qui quoniam tranquillitati seruire & labores publicos fugere visi sunt, non plena manu laudantur: etenim non satis est scriptis agere, & concertatione verborum adiumento esse hominibus; sed re fortiter gesta corpus & animum conferre debemus ad communem hominum utilitatem. Quid? cum Romae fortissimi viri tribuni plebis senatus consultis intercedebant, cum stipati populo omnium gentium victore legem ferebant, cum in concionibus grauissime accusabant, cum senatorem, cum con-

consulem, cum dictatorem prehendi iubebant, quibus parere omnes, adsurgere, & loco cedere necesse erat, non praebebant specimen roboris & magnitudinis animorum? praesertim cum in foro erecta staret plebs Romana, quam ferocem faciebat belli gloria: & tribuni sacrosancti iurarent, se millies morituros potius, quam paterentur dedecus aliquod admissumiri? Quid magni imperatores, cum fortiter bellum gerunt, quos labores corporis, quas animi angustias subeunt? vt exploratores mature in omnes partes dimittant: vt quo intendunt cum impedimentis, cum exercitu incolumi perueniant: vt locum pugnae aptum capiant: vt deligant idoneum castris: vt comedant hostes intercludant, ipsi abundant: vt calones & lixas hostium lignari, aquari, pabulari prohibeant: vt quid melius statuant, an hostibus occurrendum sit, an in finibus pugnandum, an extra fines. si acies instruenda est, vel legionibus in longitudinem explicatis, vel quadrata forma: vt videant ne pedes, ne eques perturbet ordinem: suo loco manipulares, suo centuriones, suo tribuni sint militum: ne quid denique timide, ne quid temere geratur: est enim haec virtus media inter timorem & audaciam. Non decet terreri virum fortem: sed neque decet efferrari temeritate. Audaces sine consilio praecipites aguntur, & ante signum datum volunt concurrere, ante adire pericula, quam sit necesse: cum difficultate loco res est, tum vero perturbantur, tum turpisime trepidant. sicuti qui natura dimidi sunt, ignavi, imbelles, vel leuissimis rebus mouentur, inanissima quaque circumspiciunt: vaecordes semper, reliqui semper, ac desperati. Contra vir fortis cogitat, quae possunt accidere, ne in ipso negotio cogatur consili:

um capere: leni primum tractu, cursuque temperato incedit, veluti sedatus amnis: ubi aut vincendum est, aut moriendum, incitatissimus fertur: non quod magnis laboreibus non sudet, non quod plagarum dolorem non sentiat (nam id hominis non est, sed lapidis aut trunci) sed quod omnibus rebus preferat honestatem: quae quoniam in patria veluti in parente sustinenda & conseruanda maxime posita est, quae armis oppugnari & defendi potest, permagni aestimari debet ab omnibus ciuibus, omnium ordinum, omnium aetatum militaris peritia, & usus armorum, si cum hac virtute coniungantur. Nam etsi consilio geritur respublica, indiget tamen saepe praesidio armorum. Si leges, si plebiscita ferenda sunt, iniurias etiam malis: si sedicio ab improbis excitata, ubi oratione sedari non potest, armis reprimenda est: quanti erit, habere cohortes bene animatas, veluti portum, arcem, aram, praesidium bonorum? Dii faciant, ut pace totius Italiae ubique parta, omnia vobis laeta & tranquilla sint. Si tamen vel auaritia hominum, vel iniuria in hanc Hetruriae partem belli periculum & terror ingruat; quanti erit habere milites admirabili virtute, summo studio, optimoque in rem publicam sensu, qui muros, domicilia, focos populi Lucensis, templa, sedes, sepulcra maiorum vestrorum, cognatos, propinquos, coniuges liberosque vestros defendant? Quanti erit, habere fortissimos viros, qui reipublicae boni ac salutares cum signis istis, quae mota loco omnes ciues sequi debent, pulcherrime prodeant in hostes: ut victis, fugatis fusisque omnibus, qui lucem hanc ciuitatis ferre non poterunt, praeclara atque egregia sit opera tribunorum vestrorum.

ORA

## O R A T I O XI.

## D E T E M P E R A N T I A

*Ad patres conscriptos reipublicae Lucensis.*

**A**NIMADUERTI P·C· OMNES GENTES & NATIONES, QUAE vel in suos, vel in alienos imperium tenuerunt, virtute aliqua plurimum praestitisse, qua veluti gubernaculo vterentur ad temperandas moderandasque ciuitates. Etenim cum res humanae sua natura sint mobiles, incertae ac fluxae, vel comprehendi non possunt, vel comprehensae cito elabuntur, nisi in aliquo haereant, quod firmum ac validum non fallat opinionem. Virtutis autem natura cum stabilis sit, fixa, & constans, aptissima semper fuit ad ea sustinenda, quae per se leuissimis motibus mouentur. Quam ob rem Assyriorum, Medorum & Persarum antiquissima regna, & romana res publica, Graecorumque liberae ciuitates tum maxime floruerunt, cum iis industria virtutem, virtus gloriam, gloria imperium comparauit: quod bene & legitime partum, una virtus propagare potest in sempiternas seculorum aetates. Quae ea est? Credo P·C· si omnia vobis proponantur, quae opinione hominum sunt amplissima; pluris vos facturos virtutem, quae perpetuo distinctionem vestram & libertatem tueri posse. Quae ea est? num longissime petenda? num aliena & peregrina? Minime: domestica virtus vestra est, quae continenter habitat in tectis & domiciliis populi Lucensis, *temperantia, moderatio, continentia, modestia*. his enim fere nominibus a Latinis una virtus est appellata, custos regum, conseruatrix populorum, regina rerum publicarum. De qua cum hodie mihi sit dicendum, obsecro vos, vt me bona cum venia au-

diatis. agitur enim de virtute omnium maxima, quae & homines, & respublicas retinet, & confirmat cum dignitate. Nam quod homines saepe non sunt homines, & respublicae non respublicae: fit ab huius inimica intemperantia. Quod si defectio a tota mente & ratione, dissolutioque rerum communem utilitatem continentium, tam turpes sunt, ut nullae res sint turpiores; magnopere profecto contendere debemus, ut quae longissime hoc monstrum arcet ac fugat, temperantiam amplectamur: quae veluti viaticum senectutis, & praesidium omnium aetatum, comes sociaque omnium temporum & locorum a pueritia concilianda est. Quoadmodum enim, qui lapidem iecerit, et si mitendi potestatem habuerit, non habet tamen postea retinendi; ita quisq. vbi hanc virtutem missam fecerit, nunquam adsequetur, ut eadem possit veluti postliminio redire. Quamobrem pro amore ego meo in rem publicam Lucensem vos oro atque obtestor, adolescentes, qui me iam quadriennium secuti, aut in eloquentiae campis vagamini, aut retulistis vos ad seueriorum vitae ducem & magistrum philosophiam, ut si ullam mihi unquam operam dedistis, hodie plurimam detis ad audiendum. Nam et si breuissimo hoc spatio, quod mihi semihora est circumscriptum, ea maxime oratione prosequi sit in animo, quae ab iis maxime exspectantur, qui sedent ad gubernacula ciuitatis: cum tamen peropportune eadat, ut & vobis aliqua ex parte, qui tanto concursu libentissimis animis adestitis, possim satisfacere, non deponam memoria desiderium vestrum, adolescentes.

Temperantia virtus est animi moderatrix, & actionum in omni vita. ea in duas partes distribuitur, quarum altera ad priuatam rem spectat, altera ad com-

mū-

munem: ambae tamen iisdem institutis ac praeeceptis continentur. Neque enim aliud est, quo bonus rex, & bonus est ciuis: quamvis hic ciuitatem regat, ille familiam. Vterque modum, & veluti artem adhibet & obseruat, quae sunt tradita a prudentibus viris. Quod si fieri potuisset, vt in singulis hominibus omnes virtutes essent; nihil opus fuisset monitis sapientum, & constitutione rerum publicarum. Cum mortales proclives sint ad eas partes, quae sunt extremae; necesse fuit iis commonstrari viam, qua medium quiddam tenere possent: quam si recusarent inire, possent etiam cogi. Incredibile est, qui motus animorum in visceribus haereant, qui a tranquilla & beata vita abducunt. Quis mare ventorum vi agitatum & perturbatum vidi: & putet aliquem sic auaritia ferri, vt maxima hieme nauiget? Quis cum uxore optimâ, & dulcissimis liberis viuit: & credat, aliquem sic incendi cupiditate pecuniae, vt patriae amorem abiiciens deserat suos? & humanitatem provinciae contemnens, libentius cum feris habitet, & barbaris nationibus? Quid est, quod cum omnibus animantibus sit a natura tributum, vt se, vitam, corpusque tueantur: & infiniti sint locupletes; qui illiberaliter corpus curant, & in magnis opibus parce ac duriter vitam agunt? Quid est, quod cum in omnibus hominibus vis praepotens quaedam sit, quae deorum immortalium metum incutit, & tam multi semper fuerint, qui aras spoliarunt, fana diripuerunt? Nihil tam integrum, nihil tam sanctum, nihil tam religiosum est, quod non violet auaritia: cui contraria est luxuries, & profusio paternorum bonorum. Sinite hoc loco P· C· me ridere sollicitudines, & inanissimas cogitationes parentum. Dii immortales,

M 3.

quae

quae eorum sunt curae? qui labores, ut liberis patrimonium sit amplum & copiosum? M<sup>·</sup> Brutus, is, qui de iure ciuili plures libros scripsit, in Priuernati fundum reliquerat filio, in Albano villam, in Tyburni rus peramoenum, balneas etiam cum domo & seruis: at haeres helluo ac gurges, omnia sic absumperat, ut de tanto patrimonio ne iter quidem ad sepulcrum patrum sibi reliquisset. Sed quid ego te, Brute, ex tanta antiquitate repeto? quasi vero nobis magno numero non sint in omnibus prouinciis nepotes, qui aleatores, qui scurras alunt, qui domum habent refertam assentatoribus: qui curant diligenter, ut quemadmodum apud veteres post coenam personabant aedes laudibus virorum illustrium; ita nunc ad multam noctem perstrepant aulae obscoenis cantibus otiosorum?

Quid de ira dicam? quam poeta bonus & sanctus insaniae principium esse dixit: quos credendum est in animo cieri motus, cum in corpore tantas fieri mutationes videmus? Sunt oculi iratorum ardentes, sunt supercilia contracta, frons rugosa, capilli erecti, genae pallidae, & conspersae maculis, ex buccis anhelitus creber, toto denique ex ore crudelitas emanat. Mediocriterne putatis ab hoc monstro esse cauedum? Deus philosophorum Plato, quam moderationem adhibuit? is cum seruo aliquando succensusset, vapulares, inquit, nisi essem iratus. Adhuc cum indignitatem & molestiam seruuli ferre non posset, fororis filium Speusippum ad se vocans, obserero, inquit, tu istum caeduo: nam mibi irato non licet. Timuit sibi Plato, summa continentia & ceteris virtutibus praeditus, quod videret homines immutari ab ira, & de ratione deiici: & nos ho-

mun-

munculi tam multa quotidie dicimus & facimus  
irati?

Quid de Circe illa dicam, corruptrice animo-  
rum, libidine? quae cum procreandi causa a natura  
animantibus data esset, hanc vnam ob causam erat  
retinenda: huius illecebra capti homines miseri, ad-  
flicti, aerumnosi, quantas sibi & suis & alienis cala-  
mitates attulerunt? quas tragedias excitarunt? Hac  
vna saepe sunt amicitiae rescessae, societas dirematae,  
distractae adfinitates: hac vna sunt saepe conuenta,  
pacta, foedera soluta, fracta, violata periurio: hac  
vna sunt familiae deletae, vrbes exhaustae, respubli-  
cae proditae, regna euersa, collapsa imperia. Quae  
(malum) labes? quae pestis? quae intemperies ho-  
mines agitat furiarum taedis ardentibus? Filios esse  
ausos parentibus manus adferre? parentes liberorum  
sanguine manus foedare? fratres mucrone latus &  
iugulum petere germanorum? Nolite obsecro P.  
C. me hoc loco adulteria, stupra, incesta, parrici-  
dia prosequi oratione. Qui poetae sunt? qui scrip-  
tores historiae, qui horribile aliquid, atque atrox hu-  
iusmodi non memoriae prodiderint? nulla in re ma-  
gis peccant homines, nulla pecudibus sunt similiores.  
Et ausus est rex aliquis praemium proponere iis, qui  
inuenissent nouam voluptatem? dignior multo vt  
bestiis, quam hominibus imperaret. Quid mirum  
si tot iam sint commenta libidinis? Feras, feras vici-  
mus obscenitate & turpitudine.

Praetereo ceteros animi motus, qui sane multi  
sunt: singulos nihil opus est enumerare, quod om-  
nium perturbationum, quae reprimi ac sedari possunt,  
vna conciliatrix & moderatrix est temperantia. Quae  
longo vsu confirmatae dimoueri non possunt, quod

omnes regiones egressae velut hosti se dediderunt: de his quidem nulla spes est: eae improbantur potius, a nobis, quam pertractantur. Etenim cum omnis virtus mediocritas quaedam sit, ii a nobis colligendi sunt motus, qui ad eam reuocari possunt. Vbi nauem fregeris, nihil opus est gubernatore. quamobrem pueritiae, adolescentiae, iuuentutis bene & sapienter instituendae, sic habenda ratio est, quasi faciundae sementis, quam respublica possit metere. Vides tu adolescentem propensum ad luxuriam vrbana? contine ruri. vides infici sorde ac auaritia rusticana? ale splendidius in vrbte. Si audacior iuuenis est, deterre oratione, commone propositis periculis, doce legibus esse parendum: si est timidior, erige spe, excita gloria, incende aemulatione aequalium. Breuissimo hoc tempore non possum omnia. Si nescis, via via virtiis quasi ex altera parte respondent; horum necesse est, vt tu sis moderator, & quasi temperator. Quemadmodum in balneis domesticis, cum ex altera parte frigida sit, ex altera feraens, neutra commode utimur: si qua neque feraens, neque frigida sit; ea iucunda est, ea salubris. Sic in concitationibus animi mediocritas quaedam tenenda, quae est inter nimium & parum, vt neque huc neque illuc declinemus. Dicet aliquis, id fieri non potest. Homo barbarus quidam superioribus mensibus, spectante populo Lucensi, a curiae peristylio per funem ad altissimam turrim religatum expeditissimus incedebat: cumque esset descensurus, omnes ne corrueret timebamus: is brachiis examinantibus ita se sustinebat, vt non modo praeeceps non ferretur, sed neque dependeret, neque propenderet: cumque aliquando studiis loco se deieciisset, pede altero se suspendens, tanquam

quam paribus liberatus ponderibus, exurgebat mirandum in modum. Ergo fanambulus poterit corpori moderationem adhibere, & vir sapiens animo non poterit? Quid igitur inflati inani gloria ferimur? quid colimus studia liberalium artium? quid appellamus usum patrem sapientiae? si ad regendos animi motus nihil ingenium, nihil doctrina, nihil valet exercitatio? Quae certe singula si per se multum valent, & coniuncta plurimum; quis dubitet posse fieri, ut frenatis cupiditatibus homines modesti sint, continentes & temperati? An vero terrae bonitate, & rusticorum cultu arbores & poma mitescant, & ponent asperitatem: & animal prouidum & fagax, plenum consilii & rationis, tot artibus, a tot sapientibus excultum, si quid vitii habet, non queat depnere, ut fiat optimum? Esto, inquiet, talis vir sit unus aut alter: sed ut ciuitas tota virtutem aliquam habere possit, non est concedendum. Peragraui ego, patres conscripti, multas prouincias & regiones: obseruaui vultum & incessum hominum, corporis habitum, & vestium usum: illud certissimum competi, ut sunt quaedam publica studia & instituta ciuitatis, omnes omnia moderari. Quid est? agnoscebam prope in singulis hominibus sensum vniuersae nationis. Quod ne quis a me ambitiosius dici existimet, quis vestrum est, qui adspectu ipso ad corporis motum, ad conformatiōnēm vultus, Gallum ab Hispano, Senensem a Florentino, Ligurem a Lucensi non dignoscet? Quod si vitium & virtus habitus quidam est, quem sibi quisque delegerit; facile omnes intelligimus, tam vitio quam virtute imbui posse vniuersam ciuitatem: praesertim cum ad hoc peragendum paucis quibusdam sit elaborandum: si qua-

les sunt in republica principes, tales sunt reliqui ciues. Ecquid hoc spectaculum tanto adparatu bis ante curiae fores quotannis constituitur, in quo decemvirum personae quasi imagines deorum immortalium proponuntur? an non, ut habeat populus Lucensis omnium virtutum domesticum exemplum ad imitandum? Qui praefecti sunt aliis regendis, eos in primis omni vicio carere oportet: nihil in his avaritia, nihil luxuria, nihil ira, nihil libido habeat loci, in quibus velut in speculo vitam nostram intueri debemus. Quid sibi vult iste ornatus? quid purpura ista? quid usque ad talos demissa toga, latus clavus? quid pallium? quid cetera insignia dignitatis? nisi cum in hos ora oculosque conuerterint ciues, videant, eos augustiore forma esse quam humana: a quibus discant prudentiam, iustitiam, fortitudinem, temperantiam? quibus virtutibus quantum a ceterorum animalium natura recedimus, tantum accedimus ad diuinam.

Quid? hac ipsa virtute, de qua hodie agimus, nonne similitudinem quamdam gerimus immortalis dei? Pura ille mens est, soluta ac libera, segregata ab omni concretione: & vir temperatus mente integrâ & vegeta, in primis continens est, ut non modore, sed cogitatione etiam absit a turpitudine. Ille corpora prima inter se contraria, quae elementa appellantur, sic temperat, ut ex iis omnia nascantur: hic extrema extremis conferens, & vicia vitijs exaequans, revocat omnia ad mediocritatem. Deus optimus maximus ad coeli temperationem sedens, con-torquet incredibili celeritate vniuersam hanc mundi molem: in qua licet sint globi infixi, qui diuinis animali mentibus retro contrario motu versantur, & eius.

ius vis sit infinita; nihil tamen violenter facit, nihil superbe, nihil potentia non ferenda: mouet ut finita vis, sinit quemque suos cursus conficere & seruare ordinem, & ut dei bonitatem possis agnoscere, singulis vires sufficit, curatque, ut omnes vniuerso coelo sint prosperi & salutares. Et vir temperatus, qui ad gubernacula ciuitatis sedet, licet sit potentissimus, non periculose contendit cum iis, qui in eadem sunt nauis: si ceteris contra pudentibus vela, respublica non eum portum, quem ipse maxime probat, sed alium petit, non repugnat, non inhibet, quo minus cursum tenere possit, obseruatione nimirum ista motum coelestium. Audite, audite P· C· haec una ratio est, ut sempiternae possint esse respublicae, qua scilicet coelum ipsum temperatis animis aeternum est. Starent nunc Athenae, staret Sparta, floreret imperium populi Romani, si hanc moderationem tenuissent. Etenim cum tam varia sint ingenia hominum, tam diuersae de omnibus rebus sententiae; quantum periculi fore putatis, si nulla ratione habita rerum, temporum & personarum dieantur sententiae severae & graues? Quantum pernicierit, si temere quaedam gerantur? In omnibus rebus modestia est adhibenda. Non sunt omnia libere dicenda semper: non facienda omnia. Et propterea dissimulare aliquando non est vitium, cedere etiam virtus. Ambitiosior est aliquis? est farendus. superbus est senator? deliniendus est oratione. dictum est aliquid iniquius? non est ad omnia respondendum. Multa toleranda facit patriae caritas, & commune bonum. Omnia sunt in republica suaissime tractanda, arte quae leniat, non exasperet: sanet, non ulceret: moueat, non perturbet animos cuium.

GR. 4.

## O R A T I O XII.

## D E F E L I C I T A T E .

*Ad patres conscriptos reipublicae Lucensis.*

**A**Ccessit P· C· quintus annus muneri meo, in quo dies hic mihi apud vos finem dicendi adfert: idemque, iis absolutis, quae restabant, initium quiescendi. Etenim cum de virtutibus, quibus hominum mentes, animique componuntur, dicere incoepissem; meminisse debetis formam a me quamdam fuisse propositam, & quasi effigiem adumbratam eius rei, quae hodie in medium est proferenda: in qua illustranda libenter ego, si possem, adhiberem faces orationis, non tam ciuium vestrorum causa, qui optimis legibus & moribus instituti sua sponte feruntur ad bene & beate viuendum: quam multarum gentium & nationum, quarum summus est labor, incredibilis miseria, infinita calamitas: vt commemoratione rerum vestrarum posito ante oculos excellenti bono, excitarem desiderium prudenter, iuste, fortiter & temperate viuendi: in quo tanta est voluptas, vt ea sedati animi, ac delibuti, sentiant prope nihil humanorum incommodorum, nihil perturbentur inconstantia & temeritate fortunae, nihil cupiditatibus, nihil doloribus adficiantur. Quae si supra mortalitatem nostram contingere videntur; nolite, obsecro, memoria deponere, quod principio dicebam, esse philosophiam donum & inuentum deorum: cuius est proprium facere ex seruis reges, ex misericordiis beatos, ex homunculis heroas diuines & coelestes. Quam ob rem cum singillatim de virtutibus ageremus; antiquissimum nobis fuit exemplar illud intueri aeternum praepotentis dei, quod in iis virtutibus

vsi.

vsque adeo elucet, vt facile intelligamus, posse ita conformari animos, vt mira in nobis sit quies, solidum gaudium, & germana felicitas. de qua cum mihi hodie sit dicendum, obsecro vos, vt me vestra bona cum venia audiatis.

Duo sunt in nobis P· C· quorum alterum fragile, caducum, mortale, commune est cum belluis: alterum cum diis immortalibus firmum, stabile, aeternum. Horum naturam sequuntur omnes humanae voluptates & actiones, vt tales sint, quales ab his profiscuntur. A corpore nihil est, quod non cadat sub sensum, quod non sit concretum, quod alterius ope non egeat. A mente sunt, quae sensibus attingi non possunt, cogitationes & contemplationes, simplicesque motus animi, vi ipsius mentis excitati. Quae duo cum affectissime coiuncta sint; quamdiu viuimus, necesse est, multa sic perfici, ac prodire in medium, vt illa ipsa vel sua causa, vel aliena se habent. Hinc nata est in nobis felicitas, non ex corporis vnius, non ex animi vnius bonis. Non possum non mirari, P· C· eos homines, qui sapientissimi sunt adpellati & habiti, tam libere pronunciasse, omnia in sola virtute esse posita. In re quidem illi aperta turpissime lapsi sunt. Quis non videat nos esse homines? & propterea animantia, & idcirco alii cibo ac potu, refici somno & quiete, egere vestitu ac tectis, in quibus calorem melius, & frigus aliquando feramus? Quis vestrum est, qui liberos suos velit esse sapientes, qui non multa putet opus esse pecunia, ad libros coemendos, ad paedagogum parandum, ad conducendum doctorem? Si ad percipientias liberali dignas homine disciplinas peregre sit profiscendum; sine viatico Graecus non viset Aegyptum, non Ger-

Germanus Italiam, non Italus exteris regiones. Sed hoc omitto, illud dico: quis domi forisque studia virtutis colet diligenter? quis contemplabitur? qui melius id non faciat optimo corporis temperamento, quam dissoluto? acuto melius ingenio, quam hebeti? Quae cum ita certa sint, ut tam stolidus sit nemo, quin sentiat esse verissima: & tam multi semper fuerint indagatores felicitatis, quam in contemplatione positam esse recte intelligerent: quid est, quod quidam, quos sicuti boues armenta secura est infinita hominum multitudine, sese & alios oleribus & crassiorre cibo pascere instituerunt? quod genus vitae fecit homines minime aptos ad meditandum. Vnde primum iuri naturali & ciuili bono incredibiles tenebrae sunt offusae. Vnde illa nata sunt monstra, ut alii cum feris libenter habitarent, alii in fordibus & situ iacerent, alii sibi plagas infligerent & adferrent crudeliter vulnera, quasi morbis affecti melius contemplarentur, & propterea corpus non esset curandum. Horum simillimi fuerunt philosophi non ignobiles, quibus cum pecunia ampla & copiosa hæreditate obuenisset, ad scopulos declamantes, multa argenti, multa auri talenta in mare coniecerunt: quasi liberalitas non esset virtus, quasi miseri non essent subleuandi, quasi numus lege constitutus non esset consilio prudentissimorum hominum ad usum necessarium communis vitae. Quos secuti sunt, qui a regendis populis, a republica, a priuata administranda, a procreandis liberis, a lectissimae feminae societate abhorruerunt: quique parentes, cognatos, propinquos, amicos non bono esse nobis putarunt ad beatem viuendum. Inuenti sunt, qui ab omnibus refugerent hominibus, cum tamen ipsi essent humana spe-

specie & figura. Quanto illi nostri melius, qui dulce magistra vitae, philosophia, bonam valetudinem, formam, ac robur, agri copiam, terrae vertutem, pecuniae usum, fidelitatem uxoris, liberorum, cognatorum, propinquorum affluentiam, hominum denique necessitudines & societas bona esse intellexerunt?

Quid ergo est? dicam P· C· aliquid in nobis inest ex puris illis, aeternisque mentibus, quod si studiose colatur, omnia praeclare se habent: in quod unum omnium oculi sunt coniiciendi, neque interea aliud quidquam est spectandum. Quis non videat, quasi Phidiae Mineruam illam in arce, sic in suo capite mentem pulcherrime repositam, quasi dominam sedere, & reginam consiliorum? quae oracula continenter fundit instinctu adflatuque diuino: quam qui contemnit, deum contemnit: cui qui repugnat, is oppugnat iura humana & diuina. Quaduce intelligimus, melius omnino geri, quae ratione certa fiunt, quam quae temere administrantur. Animantia, quae prudentia censentur, magis sibi cauent, quam quae feruntur imprudentia. Respublicae in quibus sunt sapientes, & usu rerum callidi ciues, omnibus partibus commodius agunt, quam quae ab imperitis & inquilinis reguntur. Eadem est patrimonii ratio: haereditas, quae scientissimis administratoribus vtitur, optime conseruatur. Nihil autem omnium rerum melius est mente, plena consilii ad omnia regenda. Nam & solis & lunae conuersiones, & signorum ortus & obitus, certum ac perpetuum ordinem seruant: & tempestatum commutationes constanter fiunt: & dierum noctiumque vicissitudines, quasi ad clepsydram aquatae, quotannis proueniunt.

unt. quae certe omnia sunt argumento, praeparenti quadam mente mundum vniuersum regi. Quod si melius geruntur, quae ratione certa fiunt, quam quae temere administrantur: & ad omnia regenda, mente plena consilii nihil est melius: quis dubitet, ratione & mentis consilio omnia esse administranda? Quod si diuina haec pars accesserit ad rerū temperationem, quid officiet, quo minus bene & beate viuamus? Bona valetudone? at ex ea in primis est tranquillitas, ne doloribus corporis abducamur a contemplando. An forma? quae honestatem natura habet, & mirificos amores excitat sui. An robur? quo ntititur fortitudo, si pro bonis arma sint capienda, si sit pugnandum pro patria. An opulentia? quā aliis etiam prodesse possumus, & ad deum proxime accedere: cuius diuitiae sunt immensae, & infinita liberalitas. An parentes, vxor, liberi, cognati, propinqui, amici? quos vt tueamur & sustentemus, si ipsa loqui possit pietas, nos vehementer etiam atque etiam roget. Qua igitur re opus est? dixi iam saepe P·C· mente bona ac firma, animo potenti & exercitato ad omnia prudenter, iuste, fortiter & temperate gerenda.

Non satis est nosse, quid sit prudentia, quid iustitia, quid fortitudo, quid temperantia: re ipsa experiri oportet: non dicto, sed facto est opus. Si verbis fieri possent viri boni, praclare se res haberet. Quae sunt praecepta sapientum? quae conciones theologorum? nemo est, qui legendo & audiendo iam non sit defessus: & tamen bonorum mita est paucitas. Quid est? auarissimi etiam homines magnifice de liberalitate loquuntur, dissoluti crebro de continentia: de re bellica nemo plura, quam ignauissimus quisque. Exul Annibal olim cum Carthagine expul-

pulsus Ephesum venisset ad Antiochum regem, in Phormionem quemdam incidit, qui cum castris tubarum cantum numquam audiuisset, numquam vidisset signa ferri, numquam cum hostibus conseri manum: & tamen homo graecus ausus est apud magnum regem, & summum imperatorem differere de omni re militari. Quod si Phormioni fuit turpis simum, illud primum nobis est videndum, ut ea, de quibus dicimus, cognoscamus; deinde ne in verborum inanis volutatione, sed in re ipsa perficienda possumus putemus fructum excellentis virtutis. Non sat placet concentus, qui totus est ex falsis voculis: nulla suauior est harmonia, quam cum dictis facta respondent. haec Dorica illa est, quae in primis peritos decet: hoc Architae est instrumentum, quod a pueritia est adhibendum. Quod eo dico P. C. quod sci- am, ubique gentium studiosam iuuentutem dare operam philosophiae, non ut vitam cum virtute colat, sed ut de virtute possit differere: & infinitos mortales in causis rerum scrutandis, & obscuris quaestionibus aetatem consumere, quibus studiis nihilo fiunt meliores: & principes orbis terrarum legere audiissime res a maioribus gestas, non ut sese conforment, talesque sint quales esse oportet; sed ut inanem, necio quam, ex rerum illarum commemoratione capiant voluptatem, ad cuius motum quoniam omnes propensi sumus; illud est videndum, ut ea sit semper cum utilitate & honestate coniuncta: ad quam regulam diligendae sunt omnes voluptates. Sicut enim aegrotantibus dulcia videntur amara, & alba lippentibus nigra; sic malis obsecnae voluptates bona & honestae. At sicut de saporibus recte diuidicant, qui bona sunt valetudine; sic de voluptatibus,

N

qui

qui sana sunt mente. Quamobrem mali (quod vix est credibile), qui in voluptate summum bonum ponunt, voluptate semper carent: & ab ea, quam se manibus putant tenere, longissime quidem absunt. Quod si illis persuaderi posset, non esset iam declamandum in voluptatem: sed in eos potius, qui non ita se parant, ut suauissima re fruantur. Est enim felicitas, voluptas ex animi & corporis bonis in rebus vel agendis, vel contemplandis: qua veluti sale res natura adspersit, ut recte illae quidem fierent, & factae conseruarentur. Artifices ipsi, & operarii dicere consueuerunt, si voluptas, & animi propensio accederit, sese omnia melius facturos. Laboriosa litterarum sunt studia: & tamen quos delectant, cum iis non modo assidua sunt domi, sed peregrinantur etiam, & rusticantur. Dura sunt munia rei militaris: & tamen cum bellum geritur, summa est alacritas imperatorum. Qua creditis Q. Fabium laetitia fuisse affectum? cum patientia sua molliret Annibalem iuueniliter exsultantem? Qua M<sup>r</sup>. Marcellum? cum intelligeret confirmatis a se legionibus spem injectam senatui, Annibalem posse vinci? Qua P<sup>r</sup>. Scipionem? cum contemplaretur, qua virtute in Italiam hostis descenderat, eadem cum ipse in Africam venisset, fuisse hostem superatum, otium ciuibus partum, honestatum atque auctum imperium populi Romani? Nulla maior est voluptas, quam quae percipiunt ex conscientia rerum bene gestarum.

Sed quid ego longissime abeo? vos ego testor P<sup>r</sup>. C<sup>r</sup>. vos praesidia ac robora libertatis populi Lucensis, vos conseruatores tranquillitatis, & publicae quietis: vos, inquam, testor, de vobis ipsis cum dignitate reipublicae quaero. Cum superioribus annis ciuitas

tas laboraret seditione, & non Galli, non Helvetii, non Hispani essent ad portas: sed ciues vestri ad palatii fores, ante curiam contra senatum arma cepissent, & acriter pugnarent: rebus a vobis praecclare gestis, & domesticis inimiciis ex urbe pulsis, consilio & sapientia ciuium conspiratio illa, & concordia omnium bonorum secuta esset ad defendendam libertatem, obsecro, quae laetitia fuit senatus? quae voluptas? quod gaudium? quae alacritas animorum vestrorum? quae salutationes in foro? qui complexus illi erant inter vos? cum alter alteri congratularetur & exponeret, id quod discriminem & periculum ciuitas venisset, quorum virtute esset liberata. Mitto illa tempora: quid cum proximis superioribus annis diuina ista prudentia prospiceretis, orbem terrarum bello aliquando arsurum, nec procul abesse tempus, quo Gallia, Hetruria, Latium, Campania, Brutii magnorum regum conatibus ita conquassarentur, ut nihil cis alpes vsquam esset tutum; num Lucae trepidatum est? num Delphos legati missi ad Apollinem Pythium? Vesta vobis P. C. sapientia praesto fuit, qua intellexistis ante exaedificandas arcas, exaedificandum senatum, prudentia, iustitia, fortitudine, temperantia ciuitatem esse muniendam: quo pulcherrime a vobis constituto, & facto, cum ciuitas vestra in totius Italiae conspectu posita eluceret, quasi diuinum aliquod lumen, & tempestatibus coortis omnia miscerentur, omnes prouinciae, omnes regiones in magnas calamitates inciderent, omnes urbes barbararum & immanium gentium eluizione obruerentur: vos ad reipublicae gubernacula sedentes veluti magni dii, repulstis tempestatem e moenibus vestrīs. Vnde tranquillitas orta est, vnde haec

N 2

dig.

dignitas libertatis, unde adfluentia omnium rerum, vt cum hisce annis Europa, Asia atque Africa bellis exhaustae fuerint: vobis numquam annona defuit, numquam concidit fides publica, numquam mercaturae, numquam litterarum studia sunt intermissa, numquam opifices se suis artibus remouerunt. Quare nunc pacatis temporibus, senes optatissimo otio fruuntur: pueri & adolescentes ingenuis se dedunt artibus: matres educandae familiae, & conseruandae rei student: iuuenes aut nauigatione maria transmitunt, aut in Galliis, Germania, Hispaniis gerunt magna & ampla negotia, vt sint opes, quibus ciues bene agere & sustinere queant rempublicam, in quam omnium oculi & animi conuersi sunt. Quae res tanta neque fuissent, neque possent diu esse apud vos, nisi animos vestros voluptas, & virtutis amor accenderet, quo vestra facta est beatissima ciuitas: in cuius contemplatione nolite mirari, P· C· si diutius moror, & ad eam saepe iam redeo: est enim contemplatio felicitas, in qua boni tantum ineſt, vt hac vna deus ipſe felix sit, ac beatus.

Cuius etsi ea est prouidentia, vt nihil habeat, quo magis omnes trahat in admirationem sui; ea iustitia, vt omnibus omnia aequa dispertiat, & consulat vitae animantium; ea fortitudo, vt omnia videat vt praesentia, neque laetitia adficiatur umquam, neque capiat dolorem; ea temperantia, vt licet eius sit infinita vis, moueat tamen vt finita, & ingentes sustineat globos, qui contrario motu versantur: cum tamen is mens simplex, pura ac praestantissima sit; nihil aliud agere quidquam potest, quam contemplari & intelligere. Quod si homini quoque est proprium, certe ad hoc homo natus est, vt agendo &

& contemplando fiat aliquando deus. Quam obrem otiosi, qui neque sibi, neque aliis prudentia, iustitia, fortitudine, temperantia sunt boni ac salutares, & qui magnis susceptis negotiis magistrum omnium bene dictorum beneque factorum, virtutem non intuentur & contemplantur, felicitatem adsequi non possunt, quae nobis proposita est ex imitatione immortalis dei: in quem quoniam non cadit perturbatio; curandum est diligenter, & efficiendum omnibus, qui beati esse volunt, ut ita se exerceant, & omnino confirment, ut in vitium delabi non possint: ut cum semper absit culpa, absit semper indolentia, tranquillitas, gaudium, & infinita voluptas: quod rebus praeclaris gestis eorum casta & sincera mens, diuinacioni se coniungat: ad quam intelligendam ita natura omnes ferimur, ut nullus suauior cibus sit animis, quam contemplatio rerum diuinarum: cuius ita me P· C· desiderium tenet, ut iam plane ardeam, & contineri non possim, quin rogem vos in conspectu populi Lucensis, loco & ad petendum & ad impetrandum aptissimo, ut maturiore iam aetate mihi bona cum venia vestra liceat deponere hoc onus dicendi, quod melius suscipere ac ferre possunt, qui hoc tempore apud vos ingenio & aetate maxime florent: quo ego illud prosequar, ad quod iam non populus Lucensis, sed tu me vocas omnis egregiae voluntatis, omnis efficienda rei auctor, moderator, perfector. Qui quoniam me & gratum & memorem esse iubes, quo me vertam? quem invocem? cui ego hos, qui metam amanter quinquennium aluerunt & sustentarunt, commendabo? nisi tibi, qui optimus es, & maximus. Quaeſo, ut eorum hanc, quae in tua fide est, tueare & conserues rempublicam, quae bonas

semper artes coluit, nemini umquam molesta fuit, numquam finitimus terribilis & formidolosa: quae peregrinis etiam, & exteris nationibus benigna est, & per hospitalis: per te ipsum oro te, perque sapientiam tuam, qua coelum terra mariaque reguntur, sint fausti, sint felices, sint beati Lucenses mei.

## ORATIO XIII.

DE RATIONE STUDIORVM SVORVM  
HABITA MEDIOLANI.

**Q**uae mea semper in senatum, magistratus, collegiaeque vestra, patres conscripti, obseruancia fuerit, qui meus in omnes Mediolanenses amor; nemo omnium melius nouit, quam praestantissimi viri, ciues vestri, qui superioribus proximis annis cum imperio & fascibus in Hetruria fuerunt: ad quos cum magnus esset conuersus bonorum, nihil mihi fuit antiquius, quam ut eos conuenirem & colerem, qui omni virtutum genere ornati venisse dicebantur. hi eum in sermonibus, quos fere quotidie cum Hetruscis nostris habebant, multa de senatus vestri dignitate; nonnulla de patriae institutis, ac legibus; plurima de dictis ac factis ciuium vestrorum saepe narrarent: iucundissime ego in primis audiebam, accendebarque in dies praeconio laudum vestrarum, & beatissimos eos esse iudicabam, qui essent apud vos, summa prudentia & sapientia viros: ex quo tempore magnus in me erga vos liberisque vestros amor est exortus & desiderium excitatum, suscepturnque consilium; ut, si qua mihi umquam facultas daretur, ac omit-

omnitterem occasionem declarandi amoris huius & obseruantiae meae; quae cum mihi non modo largiter, sed etiam gratiōse data sit a vobis, P· C· quas gratias agam? vnde incipiam? ab humanitatē? qua nullo meo merito per litteras publicas, optimi etiam maximi regis nomine, tam amanter, tam honorifice in ciuitatem inuitastis, vt fructum capere possim dulcissimae consuetudinis vestrae: an a benignitate? qua prius re ipsa vos munificos liberalesque sensi, quam de facie cognoui. Quum enim stipendia ampla atque magnifica constituta essent interpreti publico graecae & latinae linguae; vos ne rogati quidem mihi ea auctoritatis & rationem habuistis itineris rerumque meorum, vt commodissime ad vos venirem, & tranquille essem apud vos, nihilque mihi decesset, quo minus diligenter delatum ad signatumque munus exequi & explere possem: qua de re magnas vobis gratias ago, P· C· non tam accessione pecuniae, quae a me numquam plurimi facta est, quae nisi ad educandos liberos alendamque familiam esset necessaria, fortasse etiam contemneretur: quam quod a vobis data est, a quibus nihil proficiere potest, quod non sit plenum honoris & dignitatis. Splendor enim vester eam lucem ad fert, vt, qui beneficium a vobis accipiat, in obscuro esse non possit. Quamobrem si memor, si gratus, si denique vir bonus esse, & videri cupio: ea mihi cura, & cogitatio fuisse ipsienda est, vt omnes intelligant, quoniam humanitati & liberalitati vestrae para me gratia referri non potest; fuisse tamen aliqua ex parte responsum & satisfactum ciuitati diligentia, labore & praeclera ratione inita liberalium studiorum: de qua ut aliqua dicam, inuitat me conspectus iste vester iucundissimus & magnorum hero-

um, praestantissimorum ciuium, doctissimorum virorum praesentia, & concursus, atque attentio adolescentium vestrorum.

Quae duae res olim coniunctissimae erant & sciungi non poterant; eas torpor & labor, qui sunt studiorum hostes acerrimi, disiunxerunt & separarunt. rerum enim scientiam & dicendi facultatem veteres, qui in studiis istis excelluerunt, diligentissime prosequuti sunt: quod nisi utraque teneretur, operam ludi viderent. Qui enim fieri potuisset, ut, quae eruta sunt ab illis, a nobis euoluerentur: nisi eam lucem rebus ~~ratio~~ attulisset, ut, ad nos adlatam, visa primum fuissent; deinde comprehensa? Quamobrem, quum omnes disciplinae & artes liberales content ex perceptione rerum, quae verbis significantur; a dicendi ratione rerum comprehensio, sicuti corpus ab animo sine interitu sciungi non potest: si res subtraxeris, quid sunt verba? quid de rebus dices, si verba sustuleris? Natura fit, ut, quod voce pronunciamus, prius animo conceperimus, statimque lingua cordi, & cor linguae consentiat. quae duo licet diuersa sint, ambo tamen, si recte officium suum facere velint, sciunda esse non possunt: eamdem rationem sequuntur dicendi facultas & intelligendi scientia: diuersae illae quidem, sed sic coniunctae, ut neque apte dicere possit, qui nihil sciat; neque multa scire videatur, qui de nulla re possit dicere: quid? quod ea est artium liberalium & disciplinarum ingenuarum cognatio, ut, qui earum unam vere teneat, omnes teneat, quod miro quodam societatis vinculo, & quasi circulo connexae, & colligatae sint: quam rem sic multis locis Graeciae sapientes memoriæ prodiderunt, & Latini veteres scriptis il-

lus-

Iustrarunt suis, vt saepe numero mihi cogitanti P· C·; illud mirum videri soleat, cur homines quidam, qui, vt sapientes haberentur, magnis voluminibus omnia impleverunt, non intelligerent, sapientis nomen non satis conuenire iis, qui in magno liberalium artium & scientiarum numero, particulam vnius tenerent, &, quam tenerent, eam neque in ordinem digerere, neque eorum ipsorum cogitata possent recte enunciare: neque minus saepe summiratus, P· C·, quid sit, quod, quam tam multi, qui a pueritia aude se litteris dediderunt, vbi paullum aetate progressi, tantum profecere, vt latine & graece sciant, philosophiam & nobiliores artes contemnant; nimirum alios ingenii hebetudo, alios infinitus quidam labor deterruit: quaenam (malum) est ista coecitas? dies, & noctes habere in manibus scripta maiorum, quibus artes & disciplinae nobis traditae sunt, & qua ratione sint illa scripta, non videre: quum praesertim omnes isti illa eadem se docere & illustrare profiteantur: in quo quid turpius? quam dicendo & scribendo vel ignorare vel contemnere dicendi & scribendi artem: quid item indignius homine liberali, quam, vbi quasi ianua a musis patefacta est, datusque aditus ad sacraria scientiarum, ulterius progtedi nolle? vere illud apud Graecos dicitur: quemadmodum proc̄i de coniugio Penelopes desperantes, eius ancillis se dedere, & commiscuere; ita, qui philosophiam adsequi nequeunt, in humilioribus disciplinis consenserunt.

Quamobrem semper ego, P· C· praestans iudicium ciuium vestrorum, quibus cum mihi v-

sus & consuetudo fuit, sum admiratus, qui cum  
 summa rerum peritia eloquentiam coniunxerunt:  
 hi, quum essent iurisperitorum eloquentissimi, &  
 eloquentium iurisperitissimi, ad docendum, & di-  
 cendum ius ab Insubribus accersiti, Italiae gymnasia  
 ornauerunt, ciuitates bearunt, inclinantes respubli-  
 cas sic erexerunt, vt, quamdiu eorum legibus, &  
 institutis steterint, laudissimae illae quidem & flo-  
 rentissimae haberentur: horum ego orationes & poe-  
 mata saepe legi, & audiui differentes, quasi tum de  
 Platonis & Aristotelis ludo exissent: ex horum in-  
 genio & eruditione facile intellexi, P· C· qui sit  
 in litteris sensus ciuitatis vestrae, quae ratio studi-  
 orum. Nam, vt praeterea ingeniorum Medio-  
 lanensium praestantiam & a pueritia exercitationes  
 apud disertos & peritos rhetores: quanti illud est,  
 quod nobilissimum orbis terrarum gymnasium aca-  
 demiae Ticinensis ab vrbe vestra non longe abest:  
 saepe vos ad philosophos, saepe illi ad vos diuer-  
 tunt: feriae aestivae quantum admunt de studiis  
 Ticinensium, tantum colloquiis & disputationibus.  
 Mediolanensium addunt: quid est? adfueti a pu-  
 eris pure casteque dicere, barbariem non ferent:  
 educati in scholis philosophorum, inani orationes  
 contenti esse non possunt: nisi me illud, P· C· con-  
 solaretur, quod, qui doctissimi sunt, sunt iidem  
 humanissimi; numquam profecto commisissim,  
 qui scirema ea a vobis desiderari, quae sentio in mo-  
 quam sint exigua, vt ad vos venire: sed quoni-  
 am id mihi non est integrum, aliud est suscipien-  
 dum. Quum multa sint Graecorum & Latino-  
 rum monimenta, in quibus publicus interpres ver-  
 sari potest: conandum, & efficiendum est, vt ad iu-  
 dici-

dicum, sensumque vestrum accommode cōgitationes meas.

Video P· C· ciuitatem vestram a prudentissimo & sapientissimo imperatore Carolo V. caesare augusto, delectam, atque adsignatam Philippo filio suo, regi pio, forti ac felici, quasi firmamentum & columen regnum, quae multa ac ingentia pater illi & fors fortuna, vel, ut melius dicam, deus concessit. Est enim Mediolanum totius Galliae Cisalpinæ nobilissima vrbs & pacis bellique tempore aptissima ad res magnas gerendas. nam & loci natura & arce munitissima est, vnde cohiberi facile possunt, qui ex Alpibus irruant, & reprimi hostium motus repentina, & percommode agri vbertate & opificum concursu omnia suppeditari necessaria ad bellum gerendum: quae quum magna sint, est illud vel maximum, quod, quanti sit faciendum, diuus caesar declarauit, quum senatorium ordinem honestissimum & facrof sanctum esse voluit in hac ciuitate, in qua summa rerum Italiae administraretur: quod non sit altera aptior ad moderandas prouincias, ad continendos in officio populos, studiosos rerum nouarum. Sunt enim ingenia Mediolanensium matura & temperata, & cum omnibus doctrinis disciplinisque liberalibus dedita; tum maxime iis, quae ad communem hominum societatem tuendam spectant. Ea re iurisperitorum scientia hic honestissima habetur & philosophiae pars, quae est de ciuitatibus gubernandis apud vos in primis viget: quod vero hinc saepe legati imperatorii, & praefecti regii cum mandatis mittuntur, est quasi ciuitatis vestrae alumna eloquentia.

Haec

Haec ego mecum reputans, P· C· quod bonum, faustum, felix, fortunatumque sit mihi, vobis liberisque vestris, & gratum diuo caesari, maximo imperatori, iucundumque Philippo, regi ac duci vestro, facile statui de studiis, & interpretationibus meis. Quae a deo philosophorum, Aristotele graece scripta sunt politica, quod est, quae ad regendas ciuitates spectant, latine interpretabimur: quae ab eloquentium deo, M· Tullio orationes scriptae sunt, in quibus facundia & vero etiam numero Graecis oratoribus superior visus est, eas paelegemus &, explicabimus: vestro de studio mea studia erunt omnia, non fallam opinionem ciuium, habebo rationem fidei praestantisimorum virorum, qui vobis polliciti sunt, me non modo dicto fore audientem, sed ad nutum voluntatemque vestram me totum esse conversum: quod si qui censem, adolescentes, qui graecae linguae usum non satis tentent, primo quoque tempore alliciendos scriptore aliquo, qui suauitate orationis ceteris praefet: non confemnam consilium optimorum virorum amicissime commonentium, reuocabo ego me, conferamque interea ad musam Atticam Xenophontis, ex cuius ore, vt de Nestore & Vlysse dicebat Homerus, melle dulcior & niae candidior fluit oratio: id vero tantisper faciam, dum ad Aristotelia adolescentes fiant aptiores: illud tamen firmum erit in interpretationibus meis. Haec una semper est seruanda conditio, quod sciam in hac re doctissimis viris, qui sane multi sunt in ciuitate vestra, me facere gratisimum, nulla mihi vel Graecorum vel Latinorum attingenda sunt monumenta, quae rationem non habeant moralis philosophiae. nulli mihi auctores vel laudandi sunt, qui purum &

cas-

castum dicendi genus non sequantur. quid ergo? inquiet aliquis, ea pars philosophiae, quae de natura est, & quae de differendi ratione, & ceterae artes liberales contemnentur? minime: in interpretationibus istis saepe digredi necesse est, vt abdita quaedam in antiquorum scriptis illustrentur, hic ego, quantum potero, satisfaciam audioribus scientiarum. Nam, quod rhetorice dialecticae cognata atque adfinitis in eodem vertitur: quum usu veniet, in utraque consecunda nullis nos terminis & cancellis continentebimus, saepe in illius, saepe in huius fines excurremus. Atque utinam tantum temporis aliquando nobis superet, vt, quae de hac facultate graece scripsit Aristoteles, latine possumus interpretari. In rhetoricis enim praeceptis satis fortasse erit M. Tullius, in dialecticis non libet consecutari riuulos barbarorum. Quis est, qui non probet, si cum graecis latina coniungentur? quod in Aristoteliis & Xenophontiis istis interpretandis faciemus, ita adolescentes res scitu dignissimas uno eodemque tempore & latinæ & graecæ linguae usum discent: quis me accuset aut reprehendat, si, dum M. Tullii verba explicauero, res ipsas persequar? an, si quid historia celebratum est aut fabula, de quo ille breuiter, mihi de eodem copiosius dicere non licet? si quid a rhetoribus graecis accepit, si quid a Demosthene, Lysia, Isocrate mutuatus est, si quid a Platone ad nos attulit, id ego non expendam? an, quum Aristotelis aut Xenophontis scripta interpretabor, immorari in eorum scriptis, si verbum verbo est reddendum, voces examinare, & proprietatem verborum non possum? sunt interpreti quasi subsecuuae horae, in quibus, occasione data, intra modum licet vagari.

nam

nam extra modum de proposito digredi, & deflectere ab eo, quod suscepseris illustrandum, non est interpretis; sed hominis potius vel amentis vel furentis ambitione: idque interest sophistae peritus, quod ille loco differit, & apte, quantum sat est, res oratione prosequitur: hic temere omnia, quum minime etiam opus est, inculcat, vt unus sapere videatur: contra infans interpres semper aride ac iejune agit, quasi religione adstrictus, ne praeter verborum interpretationem quidquam dicat.

Quod ergo officium rectum? sicuti non est negandum, non semper interpretem incidere in florum varietatem; ita est concedendum, ridiculum esse eum, qui, cum viridia florent, latiora lumina non aperiat, vt, eorum prospectus sint suauiores: occurrit aliquid dicendum de numeris, qui discreti appellantur? sume ab arte, quae a Graecis & a nostris arithmeticice dicitur: sunt geometriæ demonstraciones probandæ? si mutuatus fueris a Megarico philosopho, non est peccatum: quis in disciplinis versatus vel mediocriter, si de siderum situ & errantium stellarum motu sit dicturus, non audeat sphæram & radium sumere? quis de concentu & harmonia vocum & neruorum velit, qui plurima non possit dicere? sunt vicinae, & vt paullo ante dicebam, ita finitimæ & coniunctæ scientiae, vt altera alteri quasi manum porrigat & prehendat: nulla sunt scripta maiorum, quae referta non sint verbis atque sententiis, quibus eorum oratio elucet sicut stellulis coelum. Vere illud dicere videor, in his interpretandis, cui dicendi argumentum deest, is unde illa accepta, vel qua ratione inuenta, & qua arte scripta sunt, ignorat: illud quoque non falso dixerim,

rim, rectius, quae a maioribus scripta sunt percipientur, si eorum essemus quam simillimi, qui nullius scientiae expertes, ista nobis monumenta reliquerunt: quorum si tantopere studiosi sumus, cur eorum studia non imitamur? Nam, ut a nostro incipiam, quid M<sup>·</sup> Tullius ignorauit? an dicendi artem? eam multis libris docte ac distincte a puero usque prosecutus, quantus & qualis orator euasit? an differendi rationem? dii immortales, dum is vestigat ac lustrat sedes argumentorum, & communes locos, per aspera atque arida quem cursum eius tenet oratio? an rerum humanarum & diuinarum scientiam? sunt de vniuersitate, sunt de diuinatione, sunt de natura deorum, sunt de fato libri: nulla praeterea pars moralis philosophiae ab eo non retractata atque absoluta est diligenter, ornata, & copiose. De te vero, quem omnis antiquitas admirata est, omnis posteritas collet & obseruabit, sapientissime Aristoteles, quid dicam? vix credibile est, quot abs te docte & eleganter scripta volumina amisimus. ea quoque quae resent, tam multa sunt, ut neque ferro, neque igni absensi potuerint, vndique Gothorum, Vandalarum, Saxonum saeuiente barbarie. Tu multarum rerum inuentor, plurimarum corrector ac vindex, omnium illustrator & quasi sol, de tuo lumine lumen nobis accendisti, & commonistrasti viam apertam ac facilem, ut passim & ordinatim iremus ad matrem omnium artium & disciplinarum philosophiam; ut, quum primum per te eloqui & persuadere sciremus, sciremus etiam dissenserere diligenter, essetque nobis instrumentum aliquod ad sapientiam, ut neque fallere neque falli possemus, dum abdita quaedam naturae essent vestiganda, ne quidquam nos fugeret eorum,

quae

quae apud nos & supra nos fierent, & animo ferremur in coelum, & intueremur diuinis mentes, quae sideribus praesunt & orbibus temperandis; vt in tanta cognitione rerum, imitatione diuinarum mentium, nos quoque, veluti dij quidam, non modo nobis, sed patriae, parentibus, liberis, propinquis, amicis & communi denique hominum generi boni, ac salutares, bene & beate viueremus. Id enim propositum est & fuit semper sapientibus: haec finis est, haec meta, hic portus, & tanquam sedes beatorum, in qua, qui scientiarum cursu, & quasi nauigatione iactati defessi sunt, tandem conquiescant: quumque ea sit vis virtutis, vt eam adepti, & omni animi perturbatione vacent, & in otio ignavi esse non possint, praeclarum semper aliquod agunt, & meditantur, & vel rebus publicis adsunt quasi architecti, vt, si illae stent, eas muniant, si labantur, erigant; vel a regibus aduocantur quasi oracula ciuitatum, quasi moderatores populorum. Quae, si magna, si praeclara, si denique diuina sunt, adolescentes, (ad vos enim conuertam extremam partem orationis meae, quibus cum mihi laborum, & vigiliaruin communicatio futura est) suscipite curam, & cogitationem dignam animis vestris: sunt haec domestica studia, sunt munia parentum, fuerunt maiorum vestrorum, gratissima diuo Carolo, caesari, iucundissima regi ac duci vestro Philippo, probatissima senatui, qui mihi non tam senatus & conuentus hominum, quam concilium quoddam videtur immortalem deorum.



ORA-

## ORATIO XIII

## DE PACE

*Ad Ferdinandam Austriam imperatorem, & ad Phi.  
lippum Austrium Hispaniarum, & ad Henricum  
Valesium Galliarum reges fortissimos & poten-  
tissimos, octerosque principes reipublicae christia-  
nae.*

Scripta non habita.

*Quam scripserat, ut haberet in adventu ro-  
gam in Italiam, qui, dimissis exercitibus paeque  
facta, adfinitatibus denicti constituisse cum caesare  
principibusque Germaniae, Hispaniae & Galliae  
Mediolanum venire dicebantur ad conuentus pera-  
gendos: ut, pace populi christiani ubique parta,  
cum Paullo IIII pontifice Romano de concilio fla-  
ueretur, communi concordia & summa aequitate ba-  
bendo.*

**N**ihil erat, principes, sapientia vestra dignitus,  
quam vt a maioribus accepta respublika, agitata  
& discissa discordiis, consisteret aliquando & cohae-  
reret coniunctione animorum vestrorum. Quod  
cum factum sit, non dubito dicere, a deo & patre do-  
mini nostri Iesu Christi, auctore omnium bonorum,  
primum vobis gratulor omnium gentium, & natio-  
num nomine, qui eius numen, & opem implorant:  
deinde eundem precor perfectorem egregiorum ope-  
rum, vt haec concordia firma, fixa perpetuaque sit,  
eaque vobis, & vniuersae reipublicae christianaee be-  
ne & feliciter eueniat. Quod ego nunc pio impe-  
ratori, & sanctissimis regibus, fortissimisque princi-  
pibus, in Italiam ingressis ominor atque auguror, ob

O

prae-

praecclara ista initia, quibus magno metu ac terrore liberauistis orbem terrarum. Qui enim magnis regibus, summa contentione pugnantibus, vocatis ad arma non modo patriis, sed exteris etiam nationibus, populi sibi non pertimuerunt? quae ciuitates non trepidarunt? cum praeſertim imperatorum vita magis quam aliorum periculis sit exposita: quibus si quid humanitus accidisset, eorum casu, moderatione sublata militum, concitatis seditione ac coeuntibus tantis & tam variis exercitibus, quo se loco res humanae habuissent? ecquis ignorat, hisce concursibus atque cluuiionibus gentium Europam, Africam, atque Asiam olim obrutas, linguam, mores, religionem commutasse? firmissimos ac potentissimos populos suis sedibus fuisse pulsos, & deturbatos? An res villa publica, an regnum aliquod habuit tantum firmitatis ac roboris, quantum imperium populi Romani? an Romanis veteribus quidquam fuit exercitatus, an illorum legionibus quidquam instructius, vel armatum genere, vel militari disciplina? eius tamen imperii nomen nisi vel Graeci, vel Galli, vel Germani sustinuissent, & conseruassent maiestatem, fuisse omnino deletum. Itaque, ut ceterarum prouinciarum urbiumque direptiones & incendia praeteream, quae illis temporibus contigerunt, omittamque Italiae vastitatem; illud quidem satis constat, urbe Roma capta & incensa, ubi illa gentium domina suis deterrita ruinis quasi solum vertit, & e collibus in planitatem descendit; de tanta populi Romani maiestate ad id ventum esse, ut hoc tempore ex tot clarissimis familiis, quae regum & nationum clientelas iactabant, quaeque per orbem prosemnatae videbantur non posse extingui, quibusque pluribus Roma ipsa ful-

fulgebat, quam sideribus coelum, nulla sit reliqua,  
 nullum vestigium appareat, nulla viua memoria:  
 quo vel vno exemplo, satis commoneri deberent regna & liberae ciuitates, nihil tantopere sibi esse extimescendum, quam concursus atque conuentus exterrarum gentium ferociumque nationum. Imminebat praeterea ceruicibus nostris, & inhiabat imperio perpetuus hostis christiani nominis, magnus Turca, rex Asiae, & e Byzantii speculis in Germaniam, in Gallias, in Hispanias usque prospectabat, animo volutans stragem futuram nostrorum, occasionem non omisurus, si duae refertissimae acies concurrisserent & acriter dimicassent, ubi vel alterius, vel ambarum fortissimus quisque cecidissent, quin ipse ingenti equitatu, peditatu incredibili in Pannoniam excurreret, classem Apollonia educi atque emitti iuberet in Italiam, ut terra marique nostras copias infirmas, ac trepidantes inuaderet & profligaret, ut celeriter reconfecta deterritis foederatis, & vi coactis & proditis, in Asiam rediret, & vnis litteris, unoque die omnibus, qui in Graecia & Palestina versabantur, necatis, in Indiam irrumperet ac volaret, ad delendum seruatoris nostri Iesu Christi nomen, quod ibi pie & sancte coli dicitur. Haec ne acciderent, deus auertit: illa, quibus vehementer laboramus, quoniam ad eos oratio est, qui nostram fortunam miserati priuatas iniurias publico bono condonauerunt, non reticebo. Bello diutino fessae christianae prouinciae, premebantur rerum omnium inopia. nam multos iam annos excursionibus militum agris ubique vastatis, vicis incensis, rusticis prope deletis, agricultura deferebatur, pecuaria relinquebantur, emporia ita cessauerant, ut nihil in municipia, nihil in

colonias, nihil in praefecturas comportaretur: piratarum vero latrociniis ita maria erant infesta, vt mercatorum nauigatio conquiesceret & maximae familiae, quae in salinis erant, exterminarentur, orae maritimae nihil proferrent. Quamobrem, quum neque ex portu, neque ex decumis, neque ex scriptura vestigal colligeretur; & loca passim munienda essent & classes exaedificandae, stipendiaque danda militibus: necesse erat acerbissime exigi tributum, pecuniam nove imperari, pro censu, pro domo, pro capite, pro molitis cibariis pendi tantum, vt vitae iam vulgo homines poeniteret. Quae omnia, reges, vobis inuitis & cum magno dolore vestro, principes, facta fuisse certo scio, sed ea erant magnarum ciuitatum odia, ea hominum pugnandi insania, eae infinitis caedibus cumulatae iniuriae, vt bella quasi legitima & iustissima summa etiam cum laude geri videbantur: quorum nullus finis unquam erat futurus, nisi sapientia vestra, reges, occurrisset: quae quoniam, cum minime speraremus, nobis illuxit, quasi diuinum aliquod lumen; nolite mirari, si, ubi de aduentu vestro auditum est, ita ex omnibus locis concurritur, vt ipsae urbes, ipsae regiones ex suis convulsae sedibus, obuiam prodire videantur ad complectendos liberatores orbis terrarum: ex omnibus ciuitatibus legati & magistratus mittuntur: omnes omnium aetatum, omnium ordinum plenissimis viis, nobiles, ignobiles, viri, mulieres, ex oppidis atque agris se effundunt cum coniugibus & liberis, vt vos non ut mortales, sed lapsos de coelo principes intueantur & venerentur. Atque, vt de aliis taceam, ecqua laetitia affectam putatis hanc ciuitatem Mediolanensem? cuius potentissimus rex Philippus op-

optimo iure haereditatis & colonorum mirifica voluntate dux, dominus, & possessor est: quae eam gaudia gaudere arbitramini, vbi tantum imperatorem, vbi talem regem, vbi tot principes conuenisse videt sanguinis communione & animi benevolentia regi suo coniunctissimos? si ciuitas loqui posset, quam humaniter salutaret, qua pietate ducem & deum suum adloqueretur & complecteretur? qua verborum & animi significatione exciperet augustissimum cæsarem, domini patrum sui? qua alacritate & festiuitate potentissimum Galliarum regem, patrem reginae & dominae suae? quibus vocibus appellaret ista reipublicae christianaæ robora, heroas istos omnium gentium, omnium aetatum, omnium seculorum facile principes? quod quoniam fieri non potest, iussum est, imperatumque mihi hodie a senatu populoque Mediolanensi, vt ciuitatis nomine significem publicam laetitiam: quae quoniam tanta est, vt eam neque animi hominum, neque ipsa loca urbis capiant; & aera manu repulsa, cantusque tibicinum ex arce, & tympanorum mugitus, fulgor strepitusque tormentorum bellicorum, & vrbe prope tota ardente, accensa funeralia ignesque nocturnai superant omnem verborum significationem: non est dubium, quin sapientissimis principibus satis in hac videatur esse factum. In eam partem incumbam potius, quam mihi posthanc prudentissimus senatus iniunxit, & nobilis populus Mediolanensis, vt, si mentes tantorum principum non offendи videre, sed adorationem meam aliqua ex parte conuerti; dicerem aliquid dignum exspectatione, de pace ista, cuius nomen, cum dulce est, tum res ipsa maxime salutaris erit, si, vt ditionum & regnorum discordiis

finem fecit, itidem requiem, & tranquillitatem adfusat motibus animorum. Quod quoniam humanitate vestra, principes, mihi contigisse video, ut laetitiam publicam gratulationemque istam non inuiti acceperitis; date hoc mihi, pro sapientia, & pietate vestra, ut cetera, quae dicam christianaे rei publicae causa, attente, & bona cum venia audiatis.

Tria sunt, quantum ego arbitror, quibus in istam cogitationem concordiae dignissimam virtutis vestrae venire potuistis, quae commemorata saepius, maxime vero hoc tempore, possunt confirmare animos vestros: quia pax honesta est, quia utilis, quia necessaria. Quorum prima illa ratio accedere, atque inflammare vos debet, quae vestra maxime propria est. Honestas enim, quanquam omnibus viris fortibus sit proposita, ea tamen ita est regum ac principum excellentium, ut una cum ipsis nata esse videatur: quid est enim tam regium? quam alacritas quaedam magnarum praeclare gerendarum rerum, quae animis eorum ingeneratur, qui praestantissimi sunt, ex quibus virtutis praepotens vis suauissimos educit fructus. Quae quoniam sola honesta est, & omne honestum bonum, fit necessario, ut in principibus tantum sit boni, quantum inest honesti: quorum si proprium est excellere, honestissimum est illis profecto, ceteris praestare prudentia, iustitia, continentia, fortitudine, liberalitate. Sit mihi fas, sanctissimi reges, hoc loco aperire, atque explicare initia tantorum consiliorum: ut iis oratione mea commendatis sempiternae hominum memoriae, quantum commodi nobis pax ista attulit; tantum sit etiam boni posteris adlatura, aemulatione laudum vel-

vestrarum. Prudentiae diuinæ cuiusdam fuit, tan-  
tis exercitibus coactis, & in conspectum adductis, ita-  
vt altera acies alteram e regione prospectaret, cum  
ceteri animo essent perturbato, duos reges mente ve-  
geta ac serena tum maxime vidisse, ac intellectisse chris-  
tianam pessum ire rem publicam, nisi temerariam a-  
nimorum dominatricem cupiditatem ratione coerce-  
rent. Quapropter, cum omnes, qui longe abera-  
mus, aduersos potius exitus timeremus, quam spe-  
raremus secundos: primi reges ipsi per se de pace co-  
gitare, & consilia inire ceperunt. Et quoniam, vbi  
aliquid certe noris, quod verum rectumque sit, nihil  
opus est consultore, cum praeſertim ſaepe in aulis  
principum nonnulli ſint, qui multis ſtudeant: rem,  
ut solebant, minime in publicum confilium adduce-  
re, ſed cum paueis agere, & tantum cum illis com-  
municare, quos intelligebant priuato eſtimendo pa-  
eis desiderio teneri. Itaque res tanta, quanta num-  
quam altera fuit, inter ſummos reges per paucis in-  
ternunciis tranſfacta eſt. aderant enim ceterae virtu-  
tes, quibus aditum prudentia patefecerat, inter quas  
alumnam regum iuſtitiam, ducem vitae, inuentri-  
ecm legum, conſeruatricem humanae ſocietatis,  
quos motus in eorum animis concitasse, quas facies  
admoniſſe, quos accendiſſe ignes putandum eſt? cum  
ii, qui tantis cum exercitibus conuenerant, vt armis  
decernerent, antiquifimis controuerſias tot vrbium,  
& ditionum, quaē modo ad hos, modō ad illos vel  
haereditatibus deuolutae, vel iure victoriae acquiſi-  
tae peruenerant, acqūitate diremerunt: turpisſimum  
zati, priuatos homines ſic iuſtitiam eolere, vt alienis  
abſtineant, iniuriis temperent, iudiciis agant: &  
ſi qua fuerunt accepta iniuſtia, veteribus dominis

reddant ac restituant: principes vero orbis terrarum  
vi agere, armis decertare, cupiditate efferti, ut ~~qad~~  
~~suum~~ ~~commodum~~ iura & rationes aliorum conuer-  
tant. Bellis vero gerendis quam multos iniuriis ad-  
fici necesse est, qui nihil deliquerunt: qua cogitati-  
one grauissime omnium commotus diceris, iustissi-  
me Galliarum rex Henrice, cum initio belli germani-  
ci lapsum veteri disciplina militem, corruptum atque  
insolentem, legibus coercendum putasti edicto pro-  
posito. Ne quis tiro, veteranusue oppidis captis  
templa diriperet: ne quis virginibus, ne quis matro-  
nis vim adferret: ne quis laedere sexagenarios; ne  
quis pueros auderet attingere: tironem aduersus edic-  
tum facere ausum, virgas, veteranum fustuarium  
merere. Cum huiusmodi rege pacem confiscere faci-  
le tibi fuit, continentissime regum Philippe, qui  
numquam alieni adpetens, diuini & humani iuris fu-  
isti semper obseruantissimus: quod si quid aliquando  
armis est gestum, id gloriae magis causa, quam au-  
aritiae; defendendae potius gratia maiestatis tuae,  
quam laedendae alterius, cum fortitudine est a te  
gestum; quae virtus in maioribus vestris semper cla-  
rissima fuit, in vobis vero diuina proximo anno &  
coelestis enituit. Cum animi magnitudine & despi-  
cientia rerum humanarum vicistis vos ipsos. delevi-  
tis enim omrem memoriam paternarum simultatum,  
euellitis radicitus causas non modo praesentium, sed  
etiam futurarum offendionum: tetrarchias, & regna  
potius abiicienda putastis, quam non sanctissime in-  
ter vos colendam pietatem: qua duce fortitudinem  
liberalitas ita complexa est, ut, cum uterque plura  
dare vellet, quam accipere, non modo ditionibus &  
imperiis concedendis, sed pignoribus etiam carissi-  
mis

mis liberaliter certatum sit. Dii immortales! qui nobis illuxerunt dies? an non sunt haec aetatis aureae vestigia ad nos reuertentis? Nupfit magnis auspiciis, diis auctoribus, faustis omnibus omnium, potentissimi Galliarum regis carissima filia Hispaniarum felicissimo regi Philippo: & Henrici magni praestantissima soror inuictissimo duci Sabaudiae, quae ciuitas Allobrogum antiquissimae gentis est. Nihil habet potentius Europa, nihil nobilior orbis terrarum: Valeriorum familia in Galliis princeps: in Germania, & in Hispaniis Austriorum: in Italia ducis Allobrogum. Honestissima ergo pax, quae ipsis conciliata virtutibus, coniunctione familiarum maxime illustrum, affinitate summorum principum firma aeternaque habetur. Quae tibi eo iucundior esse debet, maxima Romanorum imperator Ferdinande, quod tuis velut auspiciis coepta & absoluta est, uno eodemque tempore, quo tibi orbis terrarum moderandi & regendi habenae commissae sunt: quis hanc pacem non laudibus adscribat tuis? ex qua pace auream tui imperii aetatem appellatum iri necesse est: quae res gloriolor augusta familliae Austriorum? quae commendatio erit memoriae homini sempiternae?

Satis multa de honestate: dicam deinceps, ut proposui, de utilitate, de qua cum ad eos principes oratio fit, qui natura cohaerentia bona nunquam, neque re, neque opinione distraxerunt, perpanguis agendum esset. nihil utile isti, utile esse censeant, quod non honestate praeluceat: sed quoniam alia est ratio utilis, alia honesti, & natura omnes cum deliberamus, in id aciem intendimus, quod valde utile adpareat; sequar communem prudentiam, & consuetudinem consultorum: vincat utilitas, ut recte-

galium, vt portuum, vt agrorum, vt ciuitatum rationem in primis habeamus. Gallia latissime patet, qua Aquitanicus finus spectat ad occidentem, qua Sequana in mare influit, & opulentissima regio vergit ad Septentriones, & in Germaniam usque protenditur, relictisque Belgarum & Heluetiorum finibus, Alpibusque, exclusa Italia, Mediterraneo mari prominet, ad orientem solem exposita, & longissimo tractu ad meridiem vergens recutrit in Aquitaniam: huius multa sunt regna, innumerae ciuitates, infiniti populi vestigales, portus frequentes, qua in Britanniam transmittitur, qua in Hispanias, qua in Italiam merces nauibus comportantur, lacus & flumii navigabiles multi, agri feracissimi omnium rerum, saltus & siluae ita pecuariis aptae, vt ex pensionibus, ex portoriis, ex decumis, ex scriptura vestigal pendatur, vt auctor valde bonus litteris & memoriae prodidit, exaequatum aliquando sit cum eo, quod fuit olim florentissimi populi Romani. Quid hoc est? ubi sunt isti consultores & ratiocinatores, qui res omnes utilitate metiuntur? vir sane peritus, qui rationibus Galliarum publicis non modo interfuit, sed praefuit consiliarius regius, octuagies quinques decies eo anno, quo deesse commentarios scribebat, in accepti tabulas dicit fuisse relatum; annis postea fere singulis tributum auctum est & exactum. Vos rationes rursus, dum in Hispanias excurreo, confieite: subducite summam, quod vestro commodo fiat: vagabor pluscum, conferam me in alias quasdam regiones: videte, in tabulis quid sit accepti, & dicite, in quod feratur expensum. Hispania, maxime rex Philippe, multos olim reges aluit, eosque omnes gloria & potentia insignes. Habet enim regiones in-

innumeris haec Europae pars nobilissima, quae a montibus Pyrenaeis incipiens longissimo spatio ad occidentalem oceanum usque protenditur, & ab Iberico mari immensa latitudine a septentrione Lusitaniam continens, quae in tuorum fide & ditione est, diffundit se in mare Gallicum & Aquitanicum simum: quis eius ciuitatum? quis populorum? quis portuum? quis agrorum nomina recenseat? quis libertatem nesciat, qua fluviorum rex Iberus, qua Tagus aurifer, qua ditissimus Betis exurrit? ex his, qui pontificum vestigal nouit, quod ex Hispania colligunt, quale tandem statuet regibus? Aragonium regnum tuum est, Valentinius, ac Balearicum: tuum Castulonense vetus, & nouum Toletanum: tuum Cordubense, tuum, Philippe, Beticum: horum incolarum virtute animoque materni aui additae sunt tibi terra marique prouinciae, & cumulata regna regnis: tua est Sicilia omnis, tua omnis Sardinia, horrea illa quondam populi Romani, unde frumenti ingens numerus, unde vestigal incredibile. Aui eiusdem virtute accessit Campanus ager, & beatissima illa ora, ubi summum fuisse libero patri cum Cerere certamen ferunt: tua est Neapolitana ciuitas, & amoenissima regio Salentinorum ac Brutiorum, quae magna Graecia dicebatur. Aui quoque paterni, cui regnum & nomen debes, haereditate ad te deuenient opulentissimae vrbes Belgarum, qui, quam olim a cultu & humanitate prouinciae aberant, tam hoc tempore praefstant ceteris. nam & ipsi stragulas vestes mirabili artificio & incredibili quaestu conficiunt, & ad eos minime raro mercatores commeant, qui magna in Belgica & ampla negotia habent, & collybum exercent, & ea maxime important, quibus nul-

nulli tam duri sunt animi, qui non moliantur: ex quibus rebus tantum hic vectigalis est, quantum numquam fuit in Asia: quid augustissimus pater tuus, nonne hanc nobilissimam prouinciam Insubrum, caput & robur Italiae, tuis regnis adiecit? quae licet sero accepta est, fecit tamen omni obsequio, vt, si cuti nulla patrī fuerit carior; ita nulla tibi posset esse iucundior: omne eius latifundium (quo digna est ut subleuetur) quodcunque fuit belli tempus sponte obculit ad vectigal: haec numerosum peditatum, haec equitatum ingentem aluit: haec nihil missis a te praefectis ausa est umquam denegare, &, cum tributum imperaretur; in rerum omnium caritate, libentissime dedit, eitiusque, quam praefecti ipsi exspectarent. Venio nunc ad nouas regiones, vel potius nouum orbem terrarum, & montes aureos, insulasque natas pro auro, argento, aere flando, feriendo: feracissima regio metallorum tantum auri, tantum argenti misit in Hispanias, quantum non est credibile. Quae (malum) res, tantas opes absumvit? dicite ratiocinatores regii, vbi sunt vectigalia exacta? vbi sunt tributa accepta? vbi evenis, visceribusque terrae effossae, nauibusque exportatae diuitiae? nihil moror: vnum omnium responsum est certissimum, & verissimum, omnia bellum exedit, exhaustus, absumvit; monstrum ac portentum ingens, nam neque Charybdis ipsa tam multa vorat, neque pater absorbet Oceanus: eius diuturnitate quid horribilius? quid vastius? quid desertius? cuius effigiem, cum e montibus Pyrenaeis descendisset, Antibal in somnis vidisse dicitur; serpentem scilicet mira magnitudine, cum ingenti strage arbores & virgulta consternentem, & nimbum cum fragore coeli, grandine ac fulminibus grauidum,

COR-

Corripientem villarum culmina domorumque tecta,  
ac summas urbium arcis. Sed quid ego res a memoria  
nostra remotissimas oratione prosequor? Bellum faci-  
em nos Itali saepe vidimus: sed quoniam sua premunt  
quemque, & nouissima mouent magis; dicite vos;  
tribuni militum, dicite vos duces, & imperatores, qui  
bello proximo Gallico, qui Belgico praefuistis, quae  
belli sit forma? si recusabitis dicere; Celtae dicent,  
populi Galliae nobilissimi, qui eius praesentia suas  
segetes interire, oliueta & vineta caedi, consternique;  
late patentem regionem amplius centum sexaginta  
millibus passuum, uno die, una horaflammam tol-  
lere, & in coelum ferre viderunt: turres praeterea, &  
arces ingentes discindi, ac cadere tormentorum no-  
vo genere magnis glandibus, quasi fulminibus per-  
tus, fulgorem inter ac caliginem, cum horrendo  
coeli fragore: dicent miseri, sed non sine lacrimis,  
qui cum suorum urbes captas diripi, suas domos exi-  
naniri, vxores & liberos a complexibus auelli atque  
abduci viderent, mori voluissent, sed non potuerunt:  
taceo indigniora, prae quibus minus crudele specta-  
culum fuit, quadrimus puer in conspectu parentum  
iugulatus, & veru transfixus, ad ignem tostus, adpositus  
in coena, & vocatus a militibus. Quis haec po-  
test audire & perpeti? esse aliquem tanta audacia praedictum,  
tam infesta in omnes mortales ira, qui bellum  
iam mentionem faciat? cum tot, ac tantorum ma-  
lorum una sit emendatio pax honestissima & utilissi-  
ma. Quae quam sit necessaria, tametsi ex dictis fa-  
cile intelligi potest: tamen, quia apud plium impe-  
ratorem, & sanctissimos reges, fortissimosque  
principes oratio est, tuo ductu, Christe, dicere in-  
cipiam.

Ia

In extremum discrimen adducta est res publica christiana: cui malo nunc primum sapientia vestra, principes, mederi potest. Magnus clamor annis superioribus e Germania sublatus de violata religione incredibiles vbiique animorum motus excitauit: est enim superior natura quaedam data hominibus, qua dei cultus continetur, quam sibi violari omnes gentes grauiter ferunt: sed nulla aequa ac christiana, quod intelligat, alias religiones vel falsas esse, vel magna ex parte diminutas, vnam esse pietatem puram, castam, ac sinceram christianorum: quae cum violata dicentur, mirum omnes desiderium inuasit audiendi & intelligendi: quae sita sunt terra marisque theologi, qui varietate interpretationum popularique eloquentia in publicis concionibus tam multas sectas proseminalerunt, vt in vrbibus, & castellis, in pagis ac vieis nulla prope sit domus, nullum tugurium, quod religionis opinione non dissideat: Germani, & Helvetii quotidie sunt in armis variis, & discrepantes: fremunt Pannones, Sarmatae, Daci: student Britanni rebus nouis: magni in Gallia sunt tumultus: facuit Hispania in suos: sunt ex Italia profugi: omnia sursum, deorsum: seditione vbiique concitata, caritas illa religionis, vinculum illud pietatis relaxatum, & disolutum est: in quo disfido, quid tam erat opportunitum, quid tam necessarium, principes, quam concordia vestra? ad seditiones enim populorum sedandas publicis conuentibus opus est, ad quos cuique veniendi libera potestas fiat: in quibus per vos inprimis cauendum, vt praefecti prouinciarum, & legati nationum, atque oratores principum libere possint dicere, eaque res neque sibi, neque prouinciis, neque nationibus, principibusque earum fraudi sit, quo minus sin-

singuli sint tuto, qui ex prouinciis, nationibusue conuenerint vel ad docendum, vel ad dicendum. Qui vero conuentus isti peragi poterant, non modo semi-tis ac saltibus a latronibus infestatis, sed viis etiam miliaribus obsesis, occupatis praesidio portibus, clas-sibus mari clauso, ita ut omnibus rebus angustissime vteremur? Quae incommoda pax omnia sustulit, vias aperuit ac placauit: portus pandit, maria patefecit: quae commoda vrbes etiam, quae longe absunt ab ora maritima, senserunt. siquidem eo die, quo pax declarata est in Brutiiis, in Hetruscis, ea parte, qua non sunt ad mare, annonam carissimam summa vtilitas est consecuta: nos hic Mediolani vidimus eodem die frumentum minoris vendi dimidio: cursores, qui ex Salentinis in Galliam, vel Aurelia, vel Cassia, vel Flaminia veniebant, quasi miraculi loco nunciabant, dissipato de pace rumore, cum tam multi domo exissent & dedissent se in viam in frugum inopia, ac fame totius Italiae, hospitia nihilo secius facta esse vbiq. meliora: cum ex Hispaniis triremes nostrae in Liguriam excurrissent, ab actis praedonibus barbaris, qui duas insulas prope obsidebant, frumentum ex Sardinia atque Sicilia coeptum est comportari: Corsica bello libera-ta vinum transmittit in Hetruriam, & proximas regi-ones. Venetorum legati, qui e Peloponneso soluerant, onerarias Epidauriorum mercibus preciosissimis plenas secundum se venire dixerunt, & classem Turcarum vidisse, quae aduersis agitata ventis, plena desperationis ac metus, titubans, atque afflictta in Asiam ferebatur. O pacem igitur beatissimam, quae uno nuncio, ac rumore deterrita classe barbarorum, celocibus fusis piratarum, mari securitatem peperit, terris copiam omnium rerum,

Mag-

Magna me spes tenet, principes, inuitat conspectus vester & perspecta in vobis prudentia, ut facile credam, si ad pontificem Romanum, qui vos Bononiae exspectare dicitur, nunc accesseritis, oratione ex sententia euentera. Nouit enim ille optime, ad salutem totius reipublicae necessariam concordiam vestram fuisse: aduentum vero talium principum ab extremis ac diuersis orbis terrarum regionibus, hoc comitatu, tanto sumtu, tanto labore, tot dierum via, ut ad se, quasi ad oraculum, iretur, intelligit, honestissimum esse, & reverentiae plenum: non committet sapiens pontifex, si in se, hac suis sit situm, ut per se stetisse videatur, quo minus die dicto publicis conuentibus peragendis, omnes ciuitates, eartumque principes ac legati, in unum aliquem locum tanto conuenire possint, & dirimere controversias, & pacem inter se conciliare, & communicare cum regibus de statu totius reipublicae. Qui dies si illuxerit, videbis, inuicti caesar, videbitis sancti reges, quod ego nunc humanae & diuinae spei plenus intueor tum vero, magni principes, multo maximus istius concordiae vestrae fructus adparebit: ut, rebus compatis & vocatis ad arma gentibus, & nationibus, quae pro Christo emori possunt & volunt, tandem aliquando conuellatur, & perferatur a regibus vexillum crucis illud aureum, quod unum fuit, est, & erit semper christiani nominis hostibus horribile, & exitiosum.



AO-

AONII PALEARII  
VERVLANI

# ACTIO

---

IN  
*PONTIFICES ROMANOS*  
ET EORVM ASSECLAS  
AD IMPERATOREM ROMANVM  
*REGES ET PRINCIPES*  
CHRISTIANAE REIPUBLICAE  
*S V M M O S O E C V M E N I C I*  
CONCILII PRAESIDES  
CONSCRIPTA  
CVM DE  
CONCILIO TRIDENTI HABENDO  
DELIBERARETVR.





AONIVS PALEARIVS  
SERVVS IESV CHRISTI DEPOSITARIIS LI-  
BELLISVI FIDELIBVS ET SANCTIS VIRIS PACEM ET  
GRATIAM DICIT A DOMINO NOSTRO IESV  
CHRISTO.

**M**eae litterae vnae atque alterae ad Helue-  
tios & Germanos annis superioribus  
scriptae sine praefatione nominis, quae spes,  
quod consilium, qui animi mei sensus fuerit,  
significare potuerunt. Testis est mihi DEVS.  
& pater domini nostri IESV CHRISTI, me diu  
desiderasse a principibus christianis, ut aduoca-  
tis bonis & doctis viris, ipsi conuentibus pera-  
gendis principes interessent ac praeescent, ut in  
eorum corona testimonium firmum sanctumq.  
dicere possem, & si necesse fuerit, fortiter mori pro  
gloria CHRISTI. Cum in eo desiderio fuisset  
multos annos, & in aliis rebus principes occu-  
patos viderem, & adpropinquare tempus reso-  
lutionis meae; scripsi testimonium & ex testi-  
monio actionem in pontifices romanos & eo-  
rum asseclas, ut, si bene instructum ad mortem  
contemnendam mors prior occupasset; post  
mortem etiam prodessem optimis fratribus  
meis, quorum malis testimonio hoc mederi in  
conilio cupiebam. Quod sincere, caste, in-  
tegreque scriptum depono apud viros sanctos  
& fidei plenos, ut hac ratione conseruetur us-  
que ad tempus concilii futuri, quod oecume-  
nicum, liberum, sacrum, solemne, fiet sine du-  
bio

bio in suo tempore: quod tempus ut cito veniat, flecto genua mea ad patrem domini nostri IESV CHRISTI. Quod concilium si tamdiu differetur, vt vos depositarii, ingrauescente aetate, vereamini praeueniri morte; deligit ac substituite alios bonae famae viros & pietatis euangelicae studiosos vel ex fidelibus Helvetiis, vel ex Germanis vestris, vt depositum per manus tradatur, & alter ab altero accipiat conseruandum usque ad tempus concilii futuri. Cauete interea, ne prodeat ac vulgetur, propterea ne alii quam depositarii legant & habeant in manibus. Id vos seruus IESV CHRISTI rogat & obtestatur per fidem, quam debetis testi fidi, ac iudici viuorum & mortuorum, qui reddet vnicuique secundum opera sua. Quod si dies exspectatissimus illuxerit, vt desiderio pacis publicae & concordiae ecclesiarum, populi, qui obediunt euangelio, agant inter se, & flagitent atque impetrant ab imperatore Romanorum, a regibus & principibus christianis, vt concilium serio indicatur pontifici Romano, vt cum cardinalibus suis & episcopis aseclisq. eorum conueniat in vnum aliquem locum, ad publicos & liberos conuentus peragendos ex omnibus gentibus & nationibus, quae inuocant nomen domini nostri IESV CHRISTI, in quibus omnes populi libenter & attente audiantur per oratores, qui sine periculo, sine fraude, sine metu libere possint dicere in praesentia imperatoris ac regum principumque & legatorum ciuitatum, vt, constituta aequitate iudicij, gladio verbi dei rescindantur abu-

abusus, dirimantur controuersiae de religione, purgentur & sanentur ecclesiae, vt cohaereant in vnū corpus. Cum hoc tale concilium indictum adparari videbitis; tum memineritis, depositarii, & effeceritis, vt haec mea scripta integra ac sincera perferantur ad ecclesiarum fidelium Heluetiorum aut Germanorum praefectos & defensores sancti euangelii, quos domini nostri IESV CHRISTI nomine in spiritu sancto tutores veros & legitimos facio ac instituo huius libelli, vbi e depositariorum manibus exierit.

### PRAEFECTIS SANCTARVM ECCLESIA-RVM HELVETIORVM ET GERMANORVM.

**Q**ui libellus cum ad vos allatus fuerit, praefecti sanctorum ecclesiarum Heluetiorū & Germanorū, vestrum crit vel eum retinere vel emittere in tempore, vt scilicet cum commendatione vestra & litteris publicis producatur in ipso concilio oecumenico, libero, sacro, solemni testimonium hominis pii, qui e vita decedens nihil erat, quod Christo mentiretur, vt sit hoc testimonium cum actione veluti fulmen repentinum, quod feriat antichristum: cui spatium longius ad respondendum, viri fratres, non est dandum. Verbo DEI malus ille opprimendus est primo quoque tempore, in concilio ipso, ob os atque oculos magnorum principum. Habet ille, quod vos probe nostis, sophistas & praestigiatores, per quos, si spatium dabitur, illudet, vt ante hac fecit, regibus & imperatoribus, & propterea libel-

lus hic non alibi quam in concilio ipso est exhibendus. Quod si vetus vulpecula romana spem concilii fecerit, & ipsa refugiens aliquos tamen episcopos dolo malo submiserit, vt saepe iam factitauit, tentans animos principum & illudens ecclesiae DEI; continete, viri fratres, libellum. Dabit enim, dabit DEVS & pater domini nostri IESV CHRISTI, vt aliquando, concitatis & confluentibus populis, a regibus cogatur adesse; cogatur, inquam, adesse. Quod eum videbitis, tum, viri fratres, leuate oculos, tollite manus, erigite animos, tempus illud est sublevandae ecclesiae. Tum vos orat & obtestatur seruus IESV CHRISTI per aduentum domini & spiritum DEI nostri, vt curetis & efficiatis, vt haec scripta mea cum commendatione vestra & litteris publicis integra ac sincera in manus principum, qui concilio aderunt, fideliter perueniant, vt spiritus cupidissimus gloriae CHRISTI, qui mihi in scribendo adfuit, pungat corda magnorum principum, vt iubeant de tantis rebus pontificem romanum, episcopos, assecrasque eorum causam dicere, & hoc testimonium cum actione semel atque interuin legi & expendi, atque examinari diligenter ab iis, qui praefecti concilio purgabunt ecclesiam DEI. Vos interea valete, boni & fideles ministri & defensores euangelii. Caritas DEI & communicatio spiritus sancti & pax DOMINI nostri IESV CHRISTI sit cum omnibus vobis. Amen.



AO-



AONII PALEARII  
VERVLANI  
**TESTIMONIVM**  
AD GENTES ET NATIONES  
QVAE INVOCANT NOMEN DOMINI NOSTRI.  
IESV CHRISTI.

**Q**uod bonum faustum felixque sit piis, invictis, augustis principibus vniuersoque populo christiano; in id tempus venimus, in quo firmum & sanctum testimonium pro CHRISTO est dicendum. Nam quod superioribus annis, mitra, virgis, igne & reliquis terroribus propositis, sic viximus, ut neque fidem neque obseruantiam neque pietatem in Christum declarare potuerimus, habuit fortasse ea res excusationem: quod, et si omnia pericula subiissimus, nullam tamen praeclaram aliquam opem adferre videbamur fratribus nostris, qui hoc ipsum subleuandae reipublicae tempus exspectabant. Id nunc cum oblatum sit ab ipso DEO & patre domini nostri IESV CHRISTI auctore omnium commodorum nostrorum; quid est, viri fratres, quod timeamus? quid est, quod ludibrio esse hominibus, vir-

gis caedi, in ignem coniici, prò testimonio sancto dicendo recusemus? Non proponuntur haec nunc primum iis, qui Christum sequi volunt. Veniat obsecro in mentem, iisdem poenis in conciliis, magna hominum frequentia, (ut praedixerat dominus Iesu *a*) condemnatos sanctissimos viros illos, qui patrum nostrorum memoria pro testimonio Christi dando vitam cum sanguine profuderunt, Omnia feremus facillime, si nos cohortati, non quomodo in vita, cum satanae commentis oppresso euangelio filii DEI, manendum; sed quomodo, excitatis fratribus, ad Christum pro Christo decedendum sit, constituerimus. Id quoniam non verbis sed sanguine testatum posteris est relinquendum? *Ego Antonius, seruus IESV CHRISTI firmissimum testimonium dico ea lege, ut, si necesse sit, mori non recusem, pro ea fide, quam debeo CHRISTO auctori pacis & salutis meae.*

## TESTIMONIVM I.

Tempore apostolorum multi pseudoapostoli existiterunt, qui cum in credentium numero haberentur veluti legi doctores, ut sensim a Christo abducerent, umbris obscurare lucem a Christo allatam, beneficium sanguinis Christi obtregere, sanctificationem per spiritum dei nostri imminuere, aut velare reductione aut imitatione Mosaicae legis cooperunt: de qua re conqueritur Paullus in epistolis *b*), Iacobus item & seniores in actis apostolorum illis verbis ad Paullum *c*), *vides, frater, quot millia sunt credentium, & omnes aemulatorum sunt legis: Iohannes item quosdam proprio vocabulo appellat antichristos: et nunc, inquit *d*), antichristi multi sunt. Quāobrem nihil*

*est*

*a) Matth. X. 16. seqq. b) v. g. ad Galatas. c) Act. XXI. 20. d) Iob. II. 18.*

est mirandum, si post obitum apostolorum, instigante diabolo, hoste gloriae Christi & salutis nostrae sempiterno, nonnulli umbras & legalium speciem pietatis fugo adposito, ut in iis fiducia esset, reducere audacius tentarunt, ut adimpleretur verbum domini, quod factum est ad Esaiam prophetam, a) elegerrunt omnia haec in viis suis, & in abominationibus suis delectata est anima eorum.

## TESTIMONIVM II.

Credibile non est, doctrinam ex traditionibus apostolorum aliam fuisse ab ea, quam scriptis testam reliquerunt. Verisimile potius est, fuisse eius, quae scripta est, quam simillimam. Itaque, si qua ex traditionibus doctrina circumfertur, quae vel illorum scriptis repugnet vel aliud euangelizet; minime esse apostolorum, sed pseudoapostolorum, qui fortasse Paulli & apostolorum discipuli dici voluerunt, & prodierunt fortasse ex illis, sed in unitate doctrinae eorum non persistiterunt: quamobrem clamat Iohannes b), ex nobis prodierunt sed non erant ex nobis, haec scripsivebis de his, qui seducunt vos.

## TESTIMONIVM III.

Pontifices romani iam multis ac multis saeculis secuti sunt aemulatores legis, aemulatione legalium beneficium sanguinis Christi obtexerunt, offuderunt tenebras doctrinae apostolicae, ut apostoli verbo vtar c), conuerterunt euangelium Christi. Id facile fuerit exemplis planum facere. Itaque, vt ea, quae praedicta fuerant per spiritum sanctum d), complerentur, homo in templo dei sedens, ostendens se tamquam deus, operatus est mysterium iniquitatis.

N 5

TES-

a) Esai. LXV. 2. b) I. Ioh. II. 19. c) ad Galatas I. 7. d) 2. Thess. II. 4.

## TESTIMONIVM III.

Tentauerunt pontifices romani DEVM, cum pro suauissima gratia domini nostri IESV CHRISTI, per quam credimus seruari, imposuerunt onus graue innumerabilium praceptorum, reclamante Petro a) & Paullo b), sanctissimis apostolis. Neque vero est dubitandum, pontifices, scribas & phariseos Hierosolymanos gessisse typum horum nostratium, de quibus dixit dominus c), *alligant onera grauia & importabilia & imponunt in humeros hominum.*

## TESTIMONIVM V.

Non dubitant, qui spiritu DEI aguntur, spiritum sanctum locutum esse per Paullum apostolum, cuius euangelium sanctum est. Itaque, qui Paulli instituta reiiciunt, spiritum sanctum reiiciunt: in quos adhuc clamat d) apostolus, *an experimentum quaeritis eius, qui in me loquitur Christus?* Huius apostoli doctrinam & instituta ita sustulerunt pontifices romani, ut qui eorum sedem apostolicam appellent, quod Paulli doctrinam sequantur, dicant malum bonum & bonum malum, ponentes lucem tenebras & tenebras lucem.

## TESTIMONIVM VI.

Pontifices romani non sunt veriti rescindere verbum dei, ut firmarent traditiones hominum, quos in spiritu vidit propheta Ieremias dicens e), *& praeuentis verba dei viuentis, domini exercituum, dei nostri.*

## TESTIMONIVM VII.

Arroganter fecere homines & peruersi, qui Christi praecincta consilia adpellatunt, ut eo verbo mihi-

a) Act. XV<sup>o</sup>. 10. b) Rom. VI<sup>o</sup>. 6. c) Matt. XXIII<sup>o</sup>. 4. d) 2. Cor. XIII<sup>o</sup>. 3. e) Ier. XXIII<sup>o</sup>. 36.

minus adstringi videamur; sanctiones autem pontificias praecepta dici voluerunt: cum contra, humana illa consilia & commenta erant adpellanda atque habenda; diuina vero haec, quibus verissime sumus adstricti, praecepta, de quibus non ego dico sed dominus a), qui soluerit unum de mandatis istis minimis, & docuerit sic homines, minimus vacabitur in regno coelorum.

### TESTIMONIVM VIII.

Hominum commenta, pontificum decreta, conciliorum sanctiones, quaecunque scriptae latetue sunt contrariae euangelio Iesu Christi & actis institutisque duodecim apostolorum, canonicis libris scriptis, daemoniorum doctrinam esse, neque potuisse ab hominibus conueniri in nomine Christi & congregari in spiritu sancto contra Christum, dicente domino b), qui non est mecum, contra me est, & qui non congregat mecum, spargit.

### TESTIMONIVM VIII.

Et quoniam pharisaici homines, habentes quidem speciem pietatis, virtutem autem eius abnegantes, qui veluti Iannes & Iambres restituerunt Moysi ita & ipsi resistunt veritati, interpellatione facta spernant, se posse illudere populo dei; occurrentum est. Obiiciunt enim, qui scitis, hos libros esse canonicos & qui scitis, Christum esse filium DEI? dicimus ab ecclesia, veluti Samaritanos audiuisse de Christo & de iis libris. At ubi mysterio dei ineaarrabili ad Christum venimus, reuelatum nobis neque per carnem neque per sanguinem sed per patrem domini, qui in coelis est & per spiritum sanctum, diuinum quiddam mirabiliter esse impressum atque inustum in cordibus nos-

tris,

a) Matt. V. 19. b) Matt. XII. 30.

tris, ita ut baptizati spiritu sancto & igne, firmitatis & non superbiae pleni, dicamus verbis euangelicis, quia non propter tuam loqueland credimus; ipsi enim scimus, quia hic est vere servator mundi, filius DEI viui. Ita & spiritus DEI testatur spiritui nostro, quod per Mattheum, Marcum, Lucam, Iohannem, Paullum, Iacobum, Petrum, Iudam Jacobi fratrem, euangelizatum est & scriptum, quod unum est & idem, esse sanctum euangelium Iesu Christi, & quod hi libri, quos legimus, verissimi sunt: & quod scimus, loquimur: & scientia nostra verax est, non ab homine neque per hominem, sed quia unctio, hoc est, ipse spiritus sanctus, qui hoc nomine in scripturis adpellari consuevit, docet nos. Quamobrem inquit fidelis Iohannes a) nec necesse habetis, ut aliquis vos doceat, sed sicut unctio eius doceat vos de omnibus, & verum est & non est mendacium.

## TESTIMONIVM X.

Ecclesia dei sancta semper nixa est verbo dei. Ante aduentum domini sustentata est verbo dei per prophetas: Christi tempore testimonio scripturarum defensa est verbo dei per ipsum etiam Christum: post ascensionem domini in coelum apostoli, paracletus accepto, defenderunt, administrarunt, probauerunt omnia verbo dei, lectissimi viri, quos Deus praedestinarat ante mundi constitutionem, suggerente spiritu sancto, euangelizarunt verbum dei unum & idem ea conditione, ut in perpetuum, qui aliud euangelizet & doceat, anathema sit. b) Qui igitur scriptis canonice coerceri nolunt, & ut auctoritate superiores sint verbo dei contendunt, neque putant audiendum, si contra eorum traditiones scrip-

a) I. Joh. II 27. b) ad Galatas I 9.

scripta diuinitus adducantur; manifeste reprobri sunt,  
& eorum sententiae standum non est, quod ad eccle-  
siam dei nihil attineant, dicente domino, *a) qui ex  
DEO est, verba dei audit; propterea vos non audi-  
tis, quia ex DEO non estis.*

## TESTIMONIVM XI.

Scripta peritorum hominum, quantalibet ii.  
sanctitate doctrinaque sint, nullo modo cum scriptu-  
rarum canonarum excellentia comparari posse mon-  
net Augustinus. Huic sententiae consona est illa  
Cyrilli, *b) optimum fuerit, Hermia, non curare ali-  
orum procacitatem, qui probatam mentem nobis  
auferunt, sed magis fidei canonem rectum & non  
peruersum, hoc est, sermones ab apostolis factos,  
nec aliis quam illis applaudere nos decet, ac dicere,  
non vos estis, qui loquimini, sed spiritus patris vestri,  
qui loquitur in vobis.*

## TESTIMONIVM XII.

Interpretes, quos doctores vocant, otatorum,  
poetarum, philosophorum perstudiosi fuerunt, non-  
numquam abierunt in commenta cogitationesque eo-  
rum. Non protinus ergo adserenda, quaecunque  
ab illis dicta sunt, sed expendenda verbo dei: scrip-  
tum est enim *c)*, *& interpretes tui praeuaricati sunt  
in me, & venerunt structores tui destruentes te, & dis-  
sipantes a te exhibunt.*

## TESTIMONIVM XIII.

Commentum ignis purgatorii a Pythagoricis,  
Platonicis & poetis magna ex parte esse sumtum, per  
adserionem eius commenti, remissionem peccato-  
rum infringi, reclamantibus omnibus prophetis,

*a) Job. VIII. 47. b) lib. IIII. dialog. c) Esai.  
XXXXVIII. 17.*

sanguini testamenti singularem iniuriam fieri,  
apostolis longe aliter docentibus, a) ne evanescatur  
crux Christi.

## TESTIMONIVM XIII.

De coena domini sacramentum est sanctissimum  
institutum a Christo, quod a Paullo ceterisque apo-  
tolis & discipulis domini & multis postea saeculis, qui-  
bus optimi fuerunt christiani, summa diligentia est  
obseruatum. Verum in hoc ut in ceteris videadum,  
ne arrogantia quorumdam, qui omnia sibi licere pu-  
tarunt, itum sit in abusus. Quod si ipse apostolus  
in hoc ritu nihil sibi temere faciendum putavit, quam  
moderationem adhibere ceteri debuissent, facile in-  
telligimus. Quid autem inquit apostolus ? b) Ego  
enim accepi a domino, quod & tradidi vobis.

## TESTIMONIVM XV.

Preces, rogationes publicae, imprudenter for-  
tasse nonnullae irrepserunt rudibus saeculis, nonnul-  
lae superstitionis. Quamobrem in hanc quoque curam  
est incumbendum, viri dei, ut sint purae castaeque  
deprecationes, modique orandi euangelici, ut & im-  
periti etiam bene petere adfuescant. Verba enim a-  
postoli commonefacere nos debent, c) petitis & non  
accipietis, eo quod male petatis.

## TESTIMONIVM XVI.

Magna est licentia episcoporum & clericorum,  
qui, ut vitae integritate & innocentia in ecclesia lu-  
cerent, quasi diuinum aliquod lumen, ampla ab im-  
peratoribus & regibus priuilegia sunt adsequuti, qui-  
bus freti in omne genus sceleris irrumpunt & coerceri  
legibus ciuilibus non possunt: quae sicuti iustis olim  
de causis fuere concessa, sic nunc iustis de causis pos-  
sunt

a) 1. Cor. I. 17. b) 1. Cor. XI. 23. c) Iac. III. 3.

Sunt tolli. Quae multa ex scriptura diuina adducunt pontifices romani, vt eorum decreta fulciant, ne omnino accusentur, ne in eos animaduerti possit, ne iudicia subeant, durissime esse detorta & nullā esse. Pleraque enim, quae de Christo domino dicta sunt, sibi arrogant: nonnulla, quae ad fideles omnes aequē spectant, veluti ad se solos dicta conuerterunt: multa ieiune collecta inanem verborum voluntatem habent, praeterea nihil. Posse nunc imperatorem romanum & reges principesque reipublicae christianaē priuilegia, quibus illi abusi sunt multis saeculis, abrogare, edictum proponere, vt, quoniam vita spectatæ non fuerit integratatis, a plebe sancta & populo dei de gradu deiici possint, & alii spectata vita & doctrina substitui, vt spiritus, quem DEVS suscitabit in populis a), vendentes & clementes in templo eiiciat, & mensas numulariorum & cathedras videntium columbas euertat.

## TESTIMONIVM XVII

Non modo non haereticos sed pios esse eos, qui firmiter crediderint, ecclesiam dei esse aedificatam super petram Christum. Hanc opinionem si sequi fuissent episcopi romani, minus haberemus abusuum & abominationum. Freti enim ea opinione, quod super petram, hoc est, Petrum, &, vt ipsi deducunt, super pontifices rotmanos & eorum doctrinam aedificata sit ecclesia dei, in quae non manus intulerunt: quid non sibi licere putarunt? vt scriptura impleretur, b) arrogantiā tua decepit te, & superbia cordis tui, qui habitas in cavernis petrarē, & ad prebendere niteris altitudinem collis: grec c) per-

a) Marc. XI. 15. b) Ierem. XXXXVIII. 16. c) Ierem. L. 17.

*deus factus est populus meus, pastores eorum seduxerunt eos.*

### TESTIMONIVM XVIII.

Quoniam aliqui non contemnendi auctores adseruerunt, ecclesiam dei apificatam super petram Petrum; nihil ex ea re plus habere pontifices romanos, quam ceteros episcopos, qui non habent ea, qb quae amanter dicta sunt illa Petro: cuius vitae exempla, quae ex actis apostolorum colliguntur, ita minime sunt imitati; doctrinam vero, quae ex apostoli huius scriptis habetur, ita passim romani pontifices proculcauerunt & euertierunt, vt Petri euersores potius quam successores sint adpellandi, **PER QVOS**, inquit apostolus Petrus, **a) via veritatis blasphemabuntur, & in auaritia fictis verbis de vobis negotiabantur.**

### TESTIMONIVM XVIII.

*Reuelatur ira dei, inquit apostolus, b) super omnem impietatem & iniustitiam hominum eorum, qui veritatem dei in iniustitia detinent; quia, quod notum est dei, manifestum est in illis: at cum cognouissent, quod dominus Iesus factus est c) nobis salus, sapientia, a DEO, iustitia & sanctificatio, non glorificauerunt aut gratias egerunt; sed euanuerunt in cogitationibus suis, & obscuratum est insipiens coreorum, & contulerunt gloriam vnigeniti dei rebus inanimatis, ita vt genu fletterent, & adorarent illas, & peterent in sanctificationem. Propter quod DEVS tradidit eos in caecitatem, vt facerent ea, quae non conuenirent: sicut praedixerat spiritus sanctus per os Paulli, d) quod FVTVR ERANT (videte iam, si reue-*

*la-*

*a) 2. Petr. II 2.3. b) Rom. I 18° c) 1. Cor I 30. d) 2. Tim. III 2. seqq.*

Iata est ira dei super hominum impietatem; animaduertite, si bene expressi sunt pontifices romani & eorum asseciae, qui veritatem dei in iniustitia detinuerunt) homines seipso amantes, cupidi, elati, superbi, blasphemi, parentibus non obedientes, ingrazi, scelesti, sine affectione, sine pace, criminatores; incontinentes, immites, sine benignitate, proditores, proterui, tumidi, & voluptatum amatores magis quam dei; habentes quidem speciem pietatis, virtutem autem eius abnegantes; homines corrupti, reprobi circa fidem: sed ultra non proficiunt: insipientia enim eorum manifestabitur.

## TESTIMONIVM XX.

Malae consuetudines, abusus, abominaciones publico edicto tollenda. Bacchanalium enim speciem habemus, ludorum speciem, simulacrorum abusus. Neque enim abest, quin infirmitas humana, instigante satana, ut deos olim, diuos morbis praefecerit, ita ut ad Petri fanum Romae templum febris sit, diuae Mariae titulo. Nec brutis deest patrocinium sanctorum, adplaudentibus pontificibus romanis. Fornicari impune licet: scorta vbiique publica; ita ut Romae superioribus annis censa sint meretricum publicarum capita ad decem millia: earum quaestus portionem quandam sibi pendit iubent, sicut & a Iudeis pontifices, quod foenerari impune permittant, centesimam exigunt. Acerbissimae vero exactiones, crudelissimi dominatus, Simoniac, doli, spiritus sancti venditiones & emtiones, & cetera abominanda sic Romae regnant, ut qui Christi spiritum habent, liquido videant scriptum in fronte

Q

cu-

curiae romanae, BABYLON MAGNA MATER FORNICATIONVM ET ABOMINATIONVM TERRAE<sup>a)</sup>)

Cum tot tantasque abominationes, abusus, incommoda, offendicula, praeuariationes, inuexerint pontifices romani, collegae & aſſeciae eorum; in iis ipsis diiudicandis pontifices romani, collegae & aſſeciae eorum iudices esse non debent. Quis enim nesciat, si eorum iudicio standum sit, quibus ille stipatus sedet, quos ipſe ſibi adere iuſſit, tamquam membra ſui corporis; tales nos habituros ſanctiones, quales illi ſemper probauerunt? Quid enim hosce homines aliud in conciliis voluisse & hodie velle creditis? niſi decretata eorum magna populum & principum frequentia firmari, vt cinerem habeant, quem in principum oculos ſpargant, & post paucos annos iura humana atque diuina confundentes ſacuiant in eos, qui hiſcere auſint, vniuersos. An putatis in hac pompa venisse ſpiritus remiſſuros? An de magnis censibus & luxu vltro deceſſuros? Homines ardentis cupiditate & satanae coeno obuolutos expertaties, nescimus quid ferant nebulae iſtae turbinibus exagitatae? TERRA, inquit vir dei, ſaepe venientem ſuper ſe bibens imbre, & germinans herbam opportunam illis, a quibus colitur, accipit benedictionem a DEO, proferens autem spinas & tribulos, reproba est & maledicta proxima. Tanta ergo existente corruptione epifcoporum & praefectorum ecclesiarum, vt videamus abominationem ſedentem in loco ſanto, configiendum eſt ad montes. Tuo ductu, Christe, configiendum eſt ad montes, ad principes populi tui. Itaque testimonio dicto ſeruus Iesu

Christ.

a) Apoc. XVII. 5.

Christi orat, obsecrat, obtestatur vos, principes reipublicae christianaæ, in quos omnium gentium, omnium nationum oculi conuersi sunt, per aduentum domini nostri Iesu Christi, ut omni studio & diligentia incumbatis in hanc curam. Illucescit in cordibus vestris dominus Iesus, qui est testis fidelis, qui est imago patris, in quo tenebrae non sunt viliae. Suscipite hanc curam, dignam animis vestris, principes. Ad finem operis peruentum est. Perfacile est vobis, ex ciuitatibus & prouinciis, quæ inuocant nomen domini nostri Iesu Christi, diligere, qui de tantis rebus iudicent, viros metuentes DEVVM, quos paruulos & lactantes ubera appellat propheta Ioel, quod est, non qui se praelatos esse & vocari volunt, *congregare*, inquit a), *paruulos & lactantes ubera*, non corruptos, non auaros, non tumidos homines, nulla acceptione personarum, sed quos vobis spectata vita & eruditione sanctorum scripturarum testabitur esse plebs sancta dei. Quae est illa plebs sancta dei? Populus ipse vester, populus acquisitionis, regale sacerdotium, gens sancta, quam is, qui de tenebris vos vocavit in admirabilem lucem suam, sibi praedestinavit ante mundi constitutionem, pro qua seipsum tradidit Christus, ut illam sanctificaret, mundans eam lauacro aquæ in verbo vitae, ut exhiberet sibi gloriosam ecclesiam, non habentem maculam aut rugam. Quis autem dubitet, sanctissimos viros communi bono reipublicae christianaæ delectos ab huiusmodi ecclesia sancta dei, posse iudicare de tantis abominationibus & corruptione episcoporum, quanta nulla vnaquam fuit: qui partim (quod magno cum animi mei sensu ac dolore dico) in episco-

Q 2

pa-

a) *Ioel II. 16.*

patum prouecti sunt lenocinio sororum & adulteriis  
 impurissimis pontificibus conciliati ; partim spiritus  
 sancti venditione adsumti ; partim in spiritu mam-  
 monae iniquitatis , vt magnis censibus pontifices &  
 eorum adseclae suos augerent , nonnulli pileo ad ser-  
 uitutem coemti sunt , & paullo ante sagina & largiti-  
 one saturati a pontificibus romanis , vt eorum reg-  
 num stabant abominationum mole nutans . Quod  
 si qui sunt , qui vitae probitate & peritia scripturarum  
 diuinarum in episcopatum prouecti fuerint boni vi-  
 tri ; eos hoc signo dignoscetis , principes , si rogati a  
 vobis non recusabunt iis , quos plebs sancta delegerit  
 ad iudicandum , manus imponere , atque orare , vt ac-  
 cipient virtutem superuenientis spiritus , vt bono-  
 rum episcoporum praecellare ratione habita , pseudo-  
 pastorum impurissimo coctui , plena spiritu sancto  
 sancta canat ecclesia verbum domini , quod factum  
 est ad Ezechielem prophetam .<sup>a)</sup> *Haec dicit domi-  
 nus , vae pastoribus Israel , qui pascebant semetipso ,  
 nonne greges a pastoribus pascuntur ? Lac comedebas-  
 tis , & lanis operiebamini , & quod crassum erat oc-  
 cidebatis ; gregem autem meum non pascebatis , quod  
 infirmum fuit , non consolidastis , & quod aegrotum ,  
 non sanastis , quod confractum est , non adligastis , &  
 quod abiectum est , non reduxistis : SED CVM  
 AVSTERITATE IMPERABATIS ET CVM PO-  
 TENTIA : & dispersae sunt oves meae , eo quod  
 non esset pastor , & factae sunt in deuorationem om-  
 nium bestiarum agri , & dispersae sunt . Erra-  
 uerunt greges mei in cunctis montibus , & in uni-  
 uerso colle excuso , & super omnem faciem terrae dis-  
 persi-*

<sup>a)</sup> Ezech. XXXIIII. 2. seqq.

persi sunt greges mei, & non erat, qui requireret,  
 non erat, inquam, qui requireret. Propterea,  
 pastores, audite verbum domini. Vnuo ego,  
 dicit dominus DEVS, quia pro eo, quod facti  
 sunt greges mei in rapinam, & oues meae in de-  
 uorationem omnium bestiarum agri, eo quod non  
 esset pastor (neque enim quaesierunt pastores mei  
 gregem meum, sed pascebant pastores semet-  
 ipsos & greges meos non pascebant): propterea  
 pastores, audite verbum domini, haec dicit domi-  
 nus DEVS, ecce ego super pastores, & requiram  
 gregem meum de manu eorum, & CESSARE eos  
 faciam, ut ultra non pascant gregem meum. Hoc  
 verbum domini, si per principes christianos liceat,  
 pseudopastoribus canet ecclesia: a quibus abom-  
 nationes, abusus, tenebras, praeuaricationes, in-  
 commoda, offendicula, & mala incredibilia in-  
 uecta esse in omnes prouincias populi dei, testor,  
 adsero atque adfirmo; ego Aonius, seruus IESV  
 CHRISTI, qui multos annos audiissime hunc di-  
 em exspectaui, quo orare, obsecrare & percommo-  
 de commonere possem fratres meos, non odio,  
 (scit dominus) non inuidia, non ostentatione do-  
 loue malo adductus, sed amore sanctae veritatis &  
 gloriae christi, in cuius rei fidem scriptum hoc de-  
 di per capita, de quibus singulis recipio me pleni-  
 us dicturum, si quid item ad testimonii firmitudi-  
 nem facit, libenter vitam positurum pro veritate.  
 Quod testimonium caste sincere & integre dictum  
 si quis contemnit, contemserit: voco ego eum,  
 quisquis is est, ad Christum, regem omnium gen-  
 tium, omnium seculorum, ad quem nunc prouo-

co, ante cuius tribunal, o homo, quisquis es,  
sisti te oportet paucos abhinc dies, de hac ipsa  
re, quod mihi operam non dederis, redditum  
rationem. Id iam non dico ego, sed is, qui  
me bene animat, qui obtestari iubet, cui testi-  
monium do, IESVS CHRISTVS filius  
dei, iudex viuorum & mor-  
tuorum.



AO



AONII PALEARII  
VERVLANI  
ACTIO  
EX DECLARATIONE TESTIMONII IN  
PONTIFICES ROMANOS ET EORVM  
ASSECLAS.  
*AD PRINCIPES CHRISTIANOS  
ET PRAEFECTOS CONCILIO  
IN QVIBVS HABITAT SPIRITVS DEI.*

**C**Vm eo consilio domo exissem, vt emitt-  
terem aliquando vocem, dignam ho-  
mione christiano; non eram nescius,  
quaes pericula essent adeunda, qui suscipien-  
di labores, in quas angustias esset venien-  
dunt. Neque enim parui aut obscuri erant  
terrores isti pontificii, in quos mihi necessa-  
rio incidendum videbam, si in testimonio di-  
cendo christi causam suscepissem. Non enim  
una, non una stare possunt pontificiae sanctio-  
nes & euangelium dei. Illud vt reiicerem,  
quod mihi in visceribus & animo haeret, non  
poteram: has vt oppugnarem, deterrebat cru-

dele atque atrox imperium pontificum romano-  
rum: a quibus iam multis seculis, si qui ad  
eorum pedes abiici, & prouolui respuerunt,  
caesares & summi reges magnis molestiis & dif-  
ficultatibus adfecti; ciuitates amplissimo no-  
mine, publicis execrationibus deuotae; po-  
puli ingentes in numero impiorum habitii &  
veluti ex orbe nostro exacti sunt atque exclusi.  
Quod si neque tantis fortunae muneribus  
quisquam neque vitae sanctitate adhuc fuit,  
qui nisi ad eorum nutum & voluntatem loque-  
retur, diem sibi periculo & ignominia vacu-  
um polliceri posset; quid ego sperare debe-  
bam ab omnibus rebus imparatissimus, homo  
inops atque egens, excitaturus in me acerbis-  
simum odium atque inuidiam summorum  
pontificum? In quam cogitationem cum in-  
cubuisse, multa versabantur ob oculos. Vi-  
debam ego me praeter Christum, cui me de-  
uoui, omnia vitae praesidia amissurum, nihil  
esse reliqui ad existimationem & dignitatem,  
ab alienatum iri magnos viros pontificiarum  
partium, a quibus ego beneficia permulta ac-  
cepta, malevolentiae signa nulla possum com-  
memorare; quae multorum annorum studio  
& diligentia adiumenta mihi compararam ea  
omnia vna hora amittenda intelligebam; non  
modo agello, quo me sustentabam esse caren-  
dum, sed cognatos, propinquos, amicos,  
vxorem optimam, suauissimos liberos relin-  
quendos, excedendum Italia, abeendum in  
solitudines, aut in carcere habitandum & in  
suppliciis moriendum. Quae cum in ipso  
dis-

discessu meis necessario aperuissem, vt liberos alicui commendarem, nolite quaerere, quam omnia domi reliquerim dolorum & lacrimarum plena. Quae non eo dico, viri christiani, quo me constantiae & fortitudinis pigeat; sed ne in suspicionem cadere possit, me vel odii vel commodi alicuius causa vel rogatu cuiusquam accessisse ad dicendum, aut pecunia subornatum, aut praemii spe aut cupiditate aliqua adductum. Quidquid in hac causa suscepi; diuinae legis a pontificibus romanis violatae, religionis confusae, euangelii euersi causa suscepisse confirmo: maximique aestimo conscientiam mentis meae, quae a Christo accepta a me diuelli non potest, tantumque abest, vt gratiam mihi ex ea re suscepisse videar, vt permagnas inimicitias initas intelligam, non obscurio fortunarum omnium & capitis periculo; quae omnia feram toleranter, relicta vxore, liberis, propinquis, amicis. Rebus omnibus amissis consolabor ipse me, si apud vos, viri principes, qui vestra sponte satis incitati esse debetis, mea oratione sensero aliquid accessisse ad defensionem euangelii filii dei. Haec mens mea est, utnam tam felix quam pia. Causa certe ea suscepta est, contra quam nihil honeste dici potest. Quid ergo vereor? Inueterauit, uiri christiani, opinio falsa & pernitiosa non modo in vulgus imperitorum sed aliquando apud reges & caesares, qui qui sunt, sanctissimos esse & beatissimos pontifices romanos, eos omnes diuino quodam auxilio regi & numine adflari.

Qs

&amp;

& in ea causa, quae de religione est, aberrare numquam potuisse. Magnum est atque difficile veterem consuetudinem, quae iam naturae vim obtinet, euellere ex animis hominum, cum praesertim quorundam opera magnis propositis praemiis magnus exsudatus sit labor, ut pontificum male parta, male gesta, male retenta imperia non modo censibus & armis, sed etiam commentationibus eruditorum firmarentur; iis praestigiis, multis iam seculis acies ingeniorum perstrictae sunt <sup>a)</sup>. Extorta enim & vulgata fallaci interpretatione aliqua ex sanctissimis libris, qui sunt nobis scripti diuinitus, non modo fortunis & corporibus hominum sed animis, non modo animis sed euangelio dei manus & vim impune intulerunt. Reges apud omnes gentes & nationes sacrosancti verissime sunt & habiti fuerunt semper: si tamen moribus minime antiquis, minime humanis fuere, quid obsecro, illis profuit regium nomen antiquum magnum & sanctum? Vita pontificum romanorum quaequaerit, nihil nocuit regno pontificum. Quod nocte dico, ut eos rapiā in inuidiam ex istis ipsis, quae audire consueuistis & notissima sunt, & ex historiis repeti possunt; sed ut cum vestra bona venia petam, ut veritatem ducem, apostolis commonentibus, sanctissimis viris commonistrantibus, non inueteratam istam opinionem sequamini. Vehementer enim mihi opus est vestra sapientia, principes christiani, dum sica illa Christo vestro intentata, gladius ille, quo recissum est verbum dei, epon-

<sup>a)</sup> Vide cap. XVI. XVII. & XVIII.

tificum manibus extorqueatur. Peto per Iesum Christum, ut id animis vestris quam lubentissimis fiat, neue interea tacitae cogitationes ex veteri consuetudine recurrent, neue ex consiliis quorumdam prudentia animis vestris haereat<sup>a)</sup>, quae dei inimica obstringit, & circumscrimit gloriam Christi. Eiusmodi consilia perdita ac dissoluta, quaecunque sunt, reiicie, principes. Aut hoc negotium suscipi non oportuit, aut geri pro dignitate Christi, regis omnium gentium, omnium seculorum, per quem peto, si quid veritas ipsa aperiet, si quid spiritus commonebit, ne repugnetis! Adesto animis omnes, & pro maiestate vestra principes, tuemini verbum dei, pro animorum vestrorum propensione in Christum existimate, vos pro tempore, dum de apostolica doctrina sublata dicimus, apostolos ipsos esse: dum de euangelio euerso querimur, fingite vos scriptores esse euangelii. Ita facile de omni re iudicabitis, in cognitionem omnia bene cadent, veritas ipsa sese in lucem proferet, cuius ego cupidissimus testimonium diebus superioribus scriptum dedi. At quoniam eius firmitudinem non in verborum volubilitate sed in re ipsa posttam arbitror; misla nunc faciam dilecti ornamenta, quae in alia causa fortasse me delectassent, in ea, quae Christi est, qui istis adiumentis non eget, minime delectant. Quod eo facio libentius, ne quis putet me gloriae umbram querere, aut aliud quid praeter gloriam Christi, qui per apostolum monet, b) ne quis nos fallat sublimitate orationis. Tenuer  
 a) vide exp. VIII. b) ad Col. II. 4.

ita-

itaque & humile dicendi genus sequar, & libenter profecto lingua vulgari & patria de his agerem, quo minus viderentur haec elaborata, & exquisita industria, nisi apud eos sermo esset, quorum nonnulli Italice nesciunt, Latine omnes sciunt; quos quidem verborum ornatum a me desiderare facile patiar: at testimonii integritatem, sinceritatem, constantiam, qua me bene animauit Christus meus, spero non desideraturos. Vesta itaque humanitate fretus, quoniam theologia alia prope lingua loquuntur, utrū eo genere dicendi, quod etsi abhorret a sermone eloquentium hominum, huic tamen causae proprium est & accommodatum. Causa haec quoniam una & simplex non est, sed coniuncta & multiplex, testimonium per capita dedi, ut suo quaeque loco atque ordine dicerentur. Est enim id mihi ad agendum aptius & vobis ad iudicandum facilius. Itaque veluti declaratione, in singulis capitibus tantum insistam, quantum ad veritatis illustrationem duxero necessarium.

### R E C I T A P R I M V M

### C A P V T P R I M V M

Tempore apostolorum multi pseudoapostoli existiorunt, qui cum in credentium numero haberentur, veluti legis doctores, ut sensim a Christo abducerent, umbris obscurare lucem a Christo adlatam, beneficium sanguinis Christi obtegere, sanctificationem per spiritum dei imminuere, aut velare reductio-  
ne aut imitatione mosaicae legis coeperunt:  
de qua re conqueritur Paullus in epistolis,  
a) v. g. ad Galatas. Ja-

Iacobus item & seniores in actis apostolorum, illis verbis ad Paullum, a) vides frater, quod milia sunt credentium, & omnes aemulatores sunt legis. Iohannes item quosdam proprio vocabulo appellat b) antichristos. Et nunc, inquit, antichristi multi sunt. Quamobrem nihil est mirandum, si possit obitum apostolorum, instigante Satana, hoste gloriae Christi & salutis nostrae sempiterno, nonnulli vimbras & legarium speciem, pietatis fuso adposito, ut in iis fiducia esset, reducere audacius tentarunt, ut adimpleretur verbum domini, quod factum est ad Esaiam prophetam, c) elegerunt omnia haec in viis suis, & in abominationibus suis delectata est anima eorum.

## DECLARATIO TESTIMONII I.

**E**pistola scripta est a Paullo ad Galatas in pseudoapostolos istos, qui etsi in credentium numero haberentur, erant tamen aemulatores paternarum traditionum, ceremonias, ut per totam epistolam testatur apostolus, non reiici debere contendebant, immo vero necessarias esse ad salutem. Incredibilis fuit horum hominum vis: id ex eo liquet, quod eorum concursu tota Hierosolymorum ciuitas commota est, & accurrente tribuno cohortis cum militibus & centurionibus vix seruatus Paullus: tantae illorum irae, tantus furor. Quamobrem? quia discessionem docebat a Moyse. Sunt haec omnia integerrime sumta ex actis apostolorum d). In iisdem actis e) legimus, ex haeresi phatiseorum credentium surrexisse hosce pseudoapostolos, qui praeciperent ceremonia-

a) Act. XXI. 20. b) 1. Job. II. 18. c) Esa. LXV. 2. d)

Act. XXI. 27. 28. e) Act. XVI. 19. seqq.

nias seruari; ab iis facta est seditio illa, qua Petrus timore ingenti percusus est & magni apostoli. A nullo hominum genere magis semper periculum fuit euangelio *Iesu Christi* quam ab aemulatoribus legis, non tam quod numero & concursu ingenti plurimum possent, quam quod fucus pietatis in aemulatione legis pulcherrime adponitur. Nihil est, viri christiani, quod maiorem laborem aliquando attulerit sanctae religioni: nam qui ceremonias populo restituunt, pietatis speciem videntur restituere, quod designatae illae a deo sint ad suum cultum & gloriam. Quantum vero a Christo abducere possunt, quantum cum euangelio pugnant; nemo umquam intelliget, qui Christi domini mentem & doctrinam apostolorum nolit intelligere. Apostoli in legalibus reiiciendis sicut & pie quidem hoc tempore eo laborarunt, quod ii, qui ceremoniis fauebant, attinere videbantur ad ecclesiam, cuius unitatem apostoli, quia Christum a patre petiisse, a) ut unum omnes essent, recordabantur; nolebant diuidere, & propterea indigna quaedam tulere aliquando non modo alii, sed Petrus & Paullus, qui obsecro apostoli? Petrus visus est hac tolerantia & dissimulatione cogere gentes iudaizare b). Paullus Timotheum circumcidit c): at cum ea via (ut apostoli verbis utar) non recte ambularetur ad veritatem euangeli; Petrum coram omnibus reprehendit d) Paullus & acclamauit, e) si circumcidamini Christus nobis nihil proderit. Quid hoc est? Unum legale recipientibus nihil prodest Christus: dies observatis & menses & tempora, timeo vos ne forte sine causa labore uerim in nobis. f) Quae est via, quarec-

a) Iob. XVI. 20. 21. b) ad Gal. II. 11. scqq. c) Act. XVI. 3. d) ad Gal. II. 11. e) ad Gal. V. 2. f) ad Gal. III. 10. 11.

te ambulatur ad veritatem euangeli? quaeſo vos adſete mihi totis animis, ea eſt, quam docet Petrus apos-  
 tolus a) dominus Iesu poſtquam resurrexit a mortuis,  
 p̄aecepit praedicari, quia ipſe eſt, qui conſtitutus eſt  
 a deo iudex viuorum & mortuorum, cui omnes pro-  
 phetae teſtimonium perhibent, remiſſionem peccatorum  
 accipere per nomen eius. Et in epiftola inquit, b) in  
 ſanctificatione ſpiritus, per adſperſionem ſanguinis Ie-  
 ſu Christi. Paullus, qui plura ſcripsit, tractat haec  
 copiosius: ne ex legalibus pendeamus, clamat, c)  
 Cbriftus factus eſt nobis ſapientia a deo, iuſtitia, ſan-  
 ctificatio & redemtio: neue in mentem cadere poſſit,  
 nos ex ceremoniis mundari, ſanctificari aut iuſtifica-  
 ri, colligit d) ſed abluti iſtis, ſed ſanctificati iſtis, ſed  
 iuſtificati iſtis, in nomine domini Iesu Christi, & in  
 ſpiritu Dei noſtri. Id autem ne per aliud nos habe-  
 re opinemur quam per ſanguinem Iesu Christi, ſcri-  
 bit ad Romanos e) iuſtificati gratis per gratiam ipſius,  
 per redemtionem, qua eſt in Cbriftu Iesu, quem propo-  
 ſuit deus propitiatorem per fidem in ſanguine ipſius  
 ad oſtentationem iuſtitiae ſuae in remiſſione delictorum.  
 Et ad Ephesios, f) deus praedestinavit nos in adoptio-  
 nem filiorum per Iesum Christum, in ipsum, ſecundum  
 propositum voluntatis ſuae, in qua conciliauit nos in  
 dilectio, in quo habemus redemtionem per ſanguinem  
 eius in remiſſione peccatorum. Sit ergo caput hoc  
 firmum & ſanctum, remiſſionem peccatorum accipe-  
 re per nomen domini noſtri Iesu Christi omnes, qui  
 credunt in eum, Christum eſſe iuſtitiam & ſanctifi-  
 cationem noſtram, neue in mentem cadat, in alio  
 nos mundari, ſanctificari aut iuſtificari, ablutos,

fanc-

a) Act. X. 42. 43. b) 1. Pet. I. 2. c) 1. Cor. I. 30. d) 1.  
 Cor. VI. 11. e) Rom. III. 24. 25. f) Eph. I. 5. 6.

sanctificatos, iustificatos nos esse in nomine domini nostri Iesu Christi & in spiritu dei nostri. Haec est vna atque eadem doctrina omnium apostolorum, omnium vere fidelium: quam si deus per spiritum suum impressit in cordibus vestris, principes christiani, obsecro vos, ne deponatis beneficium iustificationis & sanctificationis animarum vestrarum. Hanc doctrinam si qui oppugnant, si qui adulterant, si qui obtegunt, qui qui sint, si vos illos esse memineritis, qui esse debetis, hosce omnes pseudoapostolos cum Paullo adpellabitis, antichristos cum Iohanne. Quos ut discernamus, rogemus iam, cum Petrus & Paullus & verbo & scriptis saepe communiuerint, non ex operibus legis sed per hanc fidem in Iesum Christum iustificari; cur non fitisset recte ambulatum ad veritatem euangelii, si ne credentibus illis offendiculo essent, persistissent ut cooperant in dissimulatione & tolerantia ceremoniarum legalium? Nam (omnes nos quidem scimus) mysteria fidei nostrae significata fuerunt vmbbris illis ceremoniarum: quod, ut verbi causa ex Augustino recitem, a) educti sumus ex Aegypto, ubi diabolo tamquam Pharaoni seruiebamus, ubi lutea opera in terrenis desideriis agebamus, hinc educti, per baptismum tamquam per mare rubrum Christi sanguine consecratum, mortuis omnibus inimicis nostris, qui nos infectabantur, id est, deletis omnibus peccatis traiecti sumus, & reliqua. Nonne pium videbatur, tenere istas dierum observationes, si non vmbrarum ratione, significatione ipsarum? certe videbatur: hac via, inquit apostolus, b) non recte ambulabatur ad veritatem euangelii: quid ita? quia in populis multos necesse est esse infirmos,

qui

a) August. tract. XV. euang. Ioban. b) Gal. II. 14.

qui mysteria non capiunt, umbras pro rebus amplectuntur. Proni fuerunt semper infirmi ad superstitionem, quibus erat a sapientissimis apostolis consulendum, ut fugatis umbris lux certa proponeretur. Remota est umbra, inquit Augustinus, ut nuda eorum luce frueremur; cum citius nihil titubet spiritu infirmorum, edocendi sunt populi, ut rem ipsam capiant, non umbras sequantur. Si apostoli umbras tulissent, in quos abusus non issemus? cum illis contra commonentibus in tot iuerimus. Ne qua ergo spes mundificationis, iustificationis, sanctificationis in ceremoniis & legalibus poneretur ab infirmis & contentiosis, & ut in deum patrem, in Christum Iesum, in spiritum dei nostri oculos mentem animumque intenderent omnes; Petrus <sup>a)</sup> ceremonias confudit, omnibus christiane vesci docuit, non per legalia sed per gratiam Iesu Christi seruari omnes: Paulus <sup>b)</sup> aemulatores legis, operarios subdolos, conuersores euangelii & pseudoapostolos adpellauit, ab ecclesia seiunxit; sensim enim beneficium sanguinis Christi obtegebatur, contumelia insignis fiebat spiritui gratiae. Sapienter itaque sanctissimi apostoli nobis consuluisse dicuntur, ut sciremus, qua via recte ambularetur ad veritatem euangeli. Nunc per humilitatem Christi oro atque obtestor vos, principes christiani, ne memoria deponatis piam obsecrationem, qua in principio usus sum, quaque mihi videntum saepe intelligo, ut pro maiestate vestra tueamini verbum dei, <sup>c)</sup> dum doctrinam, dum mentem apostolorum vobis commendat seruus Iesu Christi. E-

R

xif

<sup>a)</sup> Act. XI. 5. seqq. Act. XV. 7. seqq. Gal. II. 14. seq.  
<sup>b)</sup> 2. Cor. XI. 13. <sup>c)</sup> Act. XVIII. 31. 35. seq. 1. Cor. VI. 2.

xistimate, vos apostolos ipsos esse: doctrina apostolorum est a) remissionem peccatorum accipere per nomen domini nostri Iesu Christi omnes, qui credunt in eum, Christum esse iustitiam, sanctificationem nostram; ne uita mentem ac dat, in alio nos mundari, sanctificari, iustificari, ablutos, sanctificatos, iustificatos nos esse, quam in nomine domini nostri Iesu Christi per sanguinem eius, in spiritu dei nostri. b) Mens apostolorum est, umbras non esse repetendas, seuendum nobis luce allata per Christum, ut recta eatur ad veritatem euangelii, in ceremoniis non constituendam esse iustificationem aut sanctificationem, sed in spiritu dei per sanguinem crucis, curandum, ut a superstitione alieni populi & ab insidiis longe remoti, quibus adpeti possent a diabolo, oculos, mentem, animumque intendant in deum patrem, in Christum Iesum, in spiritum dei nostri. Haec ego tam multis, viri christiani, quoniam immiscuit se in iis satanas, subdolus hostis salutis nostraræ & gloriae Christi, atq. (vt apostoli verbis c) utar cum de hoc ipso periculo ex ceremoniis ageret) transfigurat se satanas in angelum lucis, ut falsam pietatem induitus occidat specie religionis. Occasionem nactus est, viri christiani, a tempore usque apostolorum ab his aemulatoribus legis, qui nihil misum videri debet, si non nullis sanctissimis viris, quod ii discessione a Moysi docerent, crudeliter occisis d); si Petro Hierosolimis Antiochiam & Paullo in urbem usque fugatis e), audacius in incepto persistenterunt: nihil mirandum, si post obitum apostolorum vel iidem vel eorum liberi paternarum traditionum aemulatores, qui

a) Rom. III 24. seqq. b) Eph. I 7.] c) 2. Cor. XI 14.

d) Act. VII 56. e) Act. XII 17.

in numero credentium haberentur, sicuti & patres eorum admiscerunt vel legalia vel species legalium lites christianismo, ut adposito fuso pietatis reciperentur seruarenturque a posteris pro salutaribus. Haec quae sint ostendemus. Ea si indigna, si ad aemulationem legis omnia conficta, si a doctrina & mente apostolorum longe aliena comperietis; peto a vobis, principes christiani, per eam fidem & operam, quam praestare debetis Christo, ut seuerissime iudicetis, ut diligentissime tueamini doctrinam apostolorum & euangelium dei.

### R E C I T A   C A P V T TESTIMONII SECUNDVM.

Credibile non est, doctrinam ex traditionibus apostolorum aliam fuisse ab ea, quam scriptis restatam reliquerunt. Verisimile potius est, fuisse eius, quae scripta est quam simillimam. Itaque, si qua ex traditionibus doctrina circumfertur, quae vel illorum scriptis repugnet vel aliud euangelizet, minime esse apostolorum, sed pseudoapostolorum, qui fortasse Paulli & apostolorum discipuli dici voluerunt, & prodierunt fortasse ex illis, sed in unitate doctrinae eorum non persisterunt: quamobrem clamat Iohannes, a) *ex nobis prodierunt, sed non erant ex nobis.* Haec scripsi vobis de his, qui seducunt vos.

### DECLARATIO TESTIMONII II.

**C**aput hoc nemo oppugnabit, nisi qui velit esse maxime contentiosus. Positum est eo consilio, ne quem locum habeant aduersarii, quo se victi

R 2

re-

a) *Iob. II. 19.*

recipient. Huc enim se conferunt, non ut traditiones apostolorum, sed ut magnos abusus defendant. Aut enim scriptis quibusdam, quae cum doctrina & mente apostolorum pugnant, tueruntur traditiones impias, aut consuetudinem inueteratam & longinquitatem temporis obiiciunt. Consuetudinem quantumuis inueteratam, si ea perniciosa est, euellendam esse radicibus pontifices ipsi concinunt <sup>a)</sup>). Longinquitatem temporis non negamus; immo vero superiore capite diximus, tempore apostolorum hosce abusus emanasse ab aemulatoribus legis. In illud mihi potius est incumbendum, ut ostendam traditiones pontificum & abusus existare ad aemulationem legis monasicae: in quibus veluti legalibus fidere homines docentur, quae beneficia sanguinis Christi obregunt, sanctificationem per spiritum dei velant, aliudque euangelizant. Quod longinquitas temporis obicitur, eo maior suspicio inesse debet, emanasse illas traditiones a pseudoapostolis, qui mirandum in modum conturbauerunt sanctos apostolos? Quo magis caendum est, viri christiani. Nam si constat <sup>b)</sup>, aemulatores subdolos illos legis apostolos appellari iussisse, vel dubitatis multa illorum commenta ab eorum asseculis apostolica fuisse adpellata? Dubitandum item, ne, qui vel libri vel epistolae ab illis & eorum studiosis scriptae, prodierint, subdititio nomine discipulorum Pauli vel alterius apostoli. Nam ut de antiquis auctoribus taceam & latinis & graecis; si Augustino & quibusdam aliis interpretibus multi libri falso adscripti sint: quid putatis fugisse id fallendi genus subdolos homines pseudoapostolos, ut scilicet auctoris nomine reciperentur a fidelibus eorum com-

<sup>a)</sup> ex decret. dist. 8. & 9. b) 2. Cor. XI. 13.

menta? Haec ne quis a me singi putet, recitemus Paulli apostoli verba commonentis atque obtestantis a), rogamus autem vos fratres per aduentum domini nostri, Iesu Christi, ut non cito moue amini a vestro sensu; neque terre amini, neque per spiritum, neque per sermonem, neque per epistolam tamquam per nos missam. Quid hoc est, neque per epistolam tamquam per nos missam? Ex ea etiam, quae est ad Galatas b), id etiam colligi potest, cum euangelii nomine loirent eorum commenta aemulatores legis. Haec eorum dicuntur, ne qui, ubi abusus & traditio-nes pontificias pseudo apostolorum esse contendat, quae beneficium sanguinis Christi obtengant & sanctificationem spiritus, illi ad epistolas & libros quorumdam recurvant, qui neque scriptio[n]is aut imitationis generi vel stili & spiritus apostolici quidquam ha-vent, quo Paulli vel cuiusquam apostoli discipulum possis agnoscere. Quae scripta vel ex eo maxime sunt repudianda, quod eorum doctrina repugnat euangelio dei, doctrinac & menti sanctorum apostolorum & discipulorum domini, quorum traditiones simplicissimae, purissimae, castissimae nihil sapiunt, nihil redolent, nihil docent nisi hanc unam mentem. Neque vero tam torris aliquis benignitus prae se fert ignem, ac illae, quoquo spectes, hoc euangelium, hanc doctrinam apostolorum; ablui, sanctificari, iustificari credentes in spiritu sancto, adsequi remissionem peccatorum per sanguinem Iesu Christi. Io-hannes cum primus baptizaret, non aquae baptismum extulit sed spiritus sancti, ego baptizo (inquit c) in aqua, ille vos baptizabit in spiritu sancto. Christus, cum omnibus sacramentum & unum eundemque

R. 3

cha-

a) 2. Thess. II. 1. &amp; 2. b) Gal. I. 6. 7. c) Marc. I. 8.

characterem institueret, ex spiritu suo renasci debere, docuit a). Non b) enim aqua lauat animam, sed ipsa prius lauatur a spiritu. Apostoli in actis c) non baptismō Iohannis sanctificari homines docent, sed baptismō Christi in spiritu dei: Paullus in sanguine & in morte ipsius docet d), quicunque baptizati sumus (inquit) in Christo Iesu, in morte ipsius baptizati sumus. Quid manus impositio, quid insuffratio, an sanctificationem aliam proponunt quam ipsum unum spiritum dei? Insufflat dominus & dicit e), accipite spiritum sanctum. Imponunt manus apostolif) & orant pro populis: quid populi accipiunt spiritum sanctum? Vngendos oleo infirmos docet Iacobus f) in nomine Iesu Christi: & quid sanat infirmum? oratio fidei, fides, inquit, nimisum quia b) iustus ex fide viuet. Et quid dicit Christus i)? Qui credat in unigenitum dei, habebit vitam aeternam. Instituit k) sacramentum coenae dominus: quid proponit? corpus suum, sanguinem suum in remissionem peccatorum, hoc est, inquit l) corpus meum, quod pro vobis datur; hic est sanguis meus, qui pro multis effundetur in remissionem peccatorum. Recenset eam traditionem Paullus m), acceptam a domino: quid inculcat in mentibus? mortem domini, etucem domini, sanguinem Christi. Nonne videntur haec singula eodem annulo impressa? quid ni? cum suggesta sint ab uno paracletō: adulterina sigilla facile cognoscetis, si in ceteris signis impressis singillatim

a) Ioh. III. 5. b) Hieronymus. c) Act. XVIII. 2. seqq.

d) Rom. VI. 3. e) Ioh. XX. 22. f) Act. VIII. 17.

g) Iac. V. 14. 15. h) Abac. II. 4. i) Iohann. III. 16.

k) Luc. XXII. 19. 20. l) Matt. XXVI. 27. 28. m) I.

Cor. XI. 23. seqq.

minuta etiam quaeque obseruabis. Clara est atque aperta, pura & simplex mens & doctrina apostolorum, quam recitauimus, eam si memoria tenebitis, nemo vos falleat. Hic rogabunt isti, quid tu sis istam doctrinam & mentem esse apostolorum? interrogatio haec a diabolo est, viri christiani, ut fidem, quae est donum dei, ex qua vivitis, tollant ex cordibus vestris. Interrogant enim ut titubemus in eo, in quo stat firmitudo fidei nostrarum: quibus etsi respondebit potest ex iis, quae superiori capite dicta sunt & capite testimonii non respondebimus; nunc tamen dicimus, In hoc seruimus domini non oportere litigare: hoc nos scire, quod verissime scimus, a) remissionem peccatorum accipiunt per nomen domini nostri Iesu Christi omnes, qui credunt in eum: Christus est iustitia & sanctificatio nostra: abluti, sanctificati, iustificati sumus in nomine domini nostri, Iesu Christi, per sanguinem eius in spiritu dei nostri. Mens apostolorum est, umbras non esse repetendas: fruendum nobis luce allata per Christum, ut recta eatur ad veritatem euangeli: In ceremoniis non constituenda est iustificatio aut sanctificatio, sed in spiritu dei per sanguinem crucis: curandum, ut a superstitione alieni populi & ab infidelis longe remoti, quibus adpeti possent a diabolo, oculos, mentem, animumque intendant in deum patrem, in Christum Iesum, in spiritum dei nostri. Obtundis, inquiet, ineptus es, qui haec eadem toties: non euro, dici ineptus; idipsum fortasse aliquando obiectum fuit Paullo apostolo, qui b) negabant, se se quidquam aliud scire, quam Iesum Christum & hunc crucifixum. Huic doctrinae toties repetita si quis repugnat, si quis

R. 4.

ab

a) 1 Tim. II. 4. seqq. b) 2 Cor. II. 2.

ab hac doctrina aliud instituit, anathema sit. Nihil refert, si is aut magnus aliquis, aut Paulli discipulus, aut Petri contubernialis dici voluerit: immo vero fuerit, quid tum? si constat, aliquos fuisse apostolorum coniunctissimos, qui in unitate doctrinae non persistiterunt: *ex nobis prodierunt*, inquit Iohannes, *sed non erant ex nobis.* Quid illud est? *ex nobis prodierunt:* addit, *hac scripsi vobis de his, qui seducunt vos.* Qui auctores igitur in unitate doctrinae apostolicae a nobis dictae non persistant, non persistiterunt, qui qui sunt, etiam si angelus de celo, non probari iam a vobis, sed reici & explodi sentio. Benedictus deus & pater domini nostri, Iesu Christi.

### RECITA CAPVT TESTIMONII TERTIVM.

Pontifices romani iam multis ac multis saeculis secuti sunt aemulatores legis, aemulatione legalium beneficium sanguinis Christi obtexerunt, offuderunt tenebras doctrinae apostolicæ, ut apostoli verbo utar, *conuerterunt euangelium Christi.* Id facile fuerit exemplis plenum facere. Itaque ut ea, quae praedicta fuerant per spiritum sanctum completerentur b), *homo in templo dei sedens, ostendens se tamquam deus, operatus est mysterium iniquitatis.*

### DECLARATIO TESTIMONII III.

**C**hristus Iesus, in quo repositi sunt omnes thesauri sapientiae dei, videbat aliquando fore homines, qui conuicti maiestate virtutis & gloriae suæ confiterentur, Christum esse filium dei, sed non glorificarent ut dei filium: quod scilicet non constitutierant in uno ipso omnem iustitiam & sanctificationem Gal. I. 7. b) 2. Thess. II. 4.

nem per sanguinem eius in spiritu dei, quem spiritus  
suis erat datus: futuri erant isti pseudoapostoli, qui  
aliquam partem sanctificationis & iustificationis in  
legalibus reponerent, & ex Christo & legalibus salu-  
tem nobis esse adfirmarent; perinde atque ex Chris-  
to & Iudaeorum institutis corpus unum aliquod reli-  
gionis constaret solidum atque perfectum; quod  
commentum non a se esse & propterea diligenter reii-  
ciendum a fidelibus, docet dominus Iesus ex similitu-  
dine illis verbis a), nemo commissuram a novo vesti-  
mento immittit in vestimentum vetus, alioquin et no-  
num rumpitur, si veteri non conuenit commissura a  
novo: et nemo mittit vinum nouum in vases veteres,  
alioquin rumpit vim novum vases, et ipsum effun-  
detur. Utres peribunt, sed vinum nouum in vases no-  
uos mittendum est. Non pudet me ita loqui barbare  
inquit: at christiane. Cum a Christo esset id com-  
monstratum, sublata fuerat omnis ceremoniarum iu-  
daicarum species, omnis usus antiquatus. Vmbræ  
fugacæ sunt atque exclusæ. Si ceremonias imitati-  
one legalium reduxerunt homines falso christiani;  
id totum ex ictorum cerebro fluxit, qui aemulatores  
fuerunt legis & vmbbris delectati obduxerunt tenebras  
rebus clarissimis, subdoli operarii, inquit apostolus.  
Vbi enim lucem immensam a Christo allatam respice-  
re coepimus, spiritusque ducere a deo, per quem  
sub manifesta ignis & linguarum forma acceptum a-  
postoli illustrarent omnia scriptis & oratione, turpe,  
indignum nefisque fuit reiucere populum dei & lucis  
filios in tenebras. Id ut exemplis planum fiat, ut  
aditus ad rem propositam sit facilior, liceat mihi par-  
ca dicere atque intra modum: scimus, dominum Ie-

R 3

sum

a) *Luc. V. 36. 37.*

sum corpus suum templum adpellare *a)*. Decepti sunt ea adpellatione Iudaei, nos, qui lucis filii sumus, decipi turpe est. Luce hac per Christum accepta nouimus, ea, quae fuerant a Salomonē dicta *b)*, in celebrationem templi, in quo deus in perpetuum habitaret, umbras fuisse adornatas in celebrationem corporis Christi, in quo veluti in tabernaculo diuinitas perpetuo inesset: de quo scriptum est celebre illud *c)*; *mons, in quo beneplacitum est deo, habitare in eo.* Huc attinent preces illae regiae *d)*, ut quaecumque homines deprecarentur in templo illo, de coe-  
lo deus exaudiret, omnia in templo illo impetrarent cum gratia. Tempulum igitur per quod deo placetius, templum in quo audiuntur, Christus unus est; in eo & per eum, in quo semper est deus, roganda omnia a patre. Hoc tabernaculum illud Moysis significabat sacrum & sanctum ad explendum diuinum cultum; nam quid illud est *e)*? *Adsumto vocationis oleum ungendum tabernaculum cum vasis suis, ut sanctificeatur altare holocausti & omnia vasorum eius; labra cuim basi sua, omnia vocationis oleo consecranda ut sint sancta sanctorum.* Significabant haec umbrae Christum spiritu sancto unctum, de quo scriptum erat illud *f)*; *spiritus domini super me, eo quod auxerit me: quod apostoli uno ore adserunt in precibus ad deum patrem *g)*, connenerunt enim vere in ciuitate ista aduersus sanctum puerum tuum Iesum, quem uxisti.* Si quis haec de vocatione aliqua corporea intelligat, non longissime dicitur abesse a luce Christi? a doctrina apostolorum? de qua audi Petrum *h)*, verbum misit de-

*a) Iob. II. 19. b) 2. Paral. VI. c) Psal. LXVIII. 17. d) t. Reg. VIII. 28. feqq. e) Exod. XXXX. 9. f) Esa. LXI. 1. g) Act. III. 27. h) Act. X. 36. 38.*

deus filii Irael annuncians pacem per Iesum Christum, quem vnxit deus spiritu sancto. Vnctum est tabernaculum & altare holocausti, ut corpus Christi sanctificaretur, qui fuit nobis in holocaustum, qui tradidit semetipsum pro nobis oblationem & hostiam dei, Et omnia vasorum eius ut sint sancta sanctorum, Et omnia vasorum misericordiae ut omnes, qui Christi sunt, spiritus sancto ungarentur: propter quod nos vocat apostolus Petrus a), genies electum, regale sacerdotium, gentem sanctam, populum acquisitionis, ut virtutes annunciemus eius, qui de tenebris nos vocavit in admirabile lumen suum. Haec cum ita sint, nonne indignum fuit gentibus & nationibus in lumen admirabile vocari, tanta luce a Christo accepta, doctrina ea vulgariter per apostolos, consecrata monumentis illis spiritus sancti, restituere populum dei in tenebras? instare aeterrimationibus legis? implere b). Omnia ceremoniarum iudeearum? restituere manufacta templorum, ut colantur ex vnibris Salomonis, encoenia reducta sunt & ceterae ceremoniae iudaicae de consecratione exempli, de inungendo altari & vasibus: adseruantur haec tam belle hodie, quam enim maxime olim apud Iudeeos. Vnctio mosaica, quae spiritum sanctum significabat non modo restituta, sed late promulgata eius doctrina est, multis additis non modo a christi sed a Moysis institutis longe alienis: de qua suo loco. Indignum item fuit, cum apostolus Paullus docuisset c), nos verissime esse templo spiritus sancti, in quibus Christi spiritus inhabitat, ea doctrina vel contenta vel non celebrata ab episcopis (quantum certe erat necessarium) sed alia quadam pontificum inducta &

a) 1. Pet. II. 9. b) tertia parte decreti: distinc. prima de consecrat. eccl. c) 1 Cor. VI. 19.

& vulgata per orbem <sup>a</sup>), tam magnis sumtibus tanto numero vbiique exaedificari templo, in ea magnificientia absumi omnem pecuniam, cum valde saepe acciderit, ut in iisdem urbibus manufacta templo surgerent, & spiritus sancti templo cadere fane & regum omnium inopia, cum ad audiendum verbum dei, ad coenam domini manducandam, aut aliquid tale vel satis esse potuisset una basilica, non encoenisis, nonunctionibus consecrata, ne umbras reducentur, in quibus fiderent homines & iudicarent. Quin etiam, ne lucis liberi veluti umbrarum filii haeserent in templis manufactis, vulgo celebrandum erat ab episcopis & senioribus illud idem, quod Esaias <sup>b</sup>), quod Stephanus, quod apostoli ingeri & inculcari volebant <sup>c</sup>) per verbum domini dicentes, *baec dicit dominus; coelum sedes mea, terra autem scabellum pedum meorum; quae est ista domus quam aedificabitis mihi? Et quis est iste locus requietianis meae? omnia haec manus mea fecit, Et facta sunt universa ista; dicit dominus.* Quo ergo spectant tot & tantae substitutiones ad magnificentiam templorum quam non respicit deus; pergit enim <sup>d</sup>), ad quem suscit respirationem, nisi ad pauperulum. *Et contrarium spiritu Et trementem sermones meos.* Qui offert oblationem, quasi qui sanguinem suillum offerat. Christo pro nobis oblato, oblationes ceteras non modo renuit pater, sed dicit in sacerorum violationem. Qui recordatur thuris, quasi qui benedicat idola <sup>e</sup>). Non modo sibi thus adoleri vetat, sed recordari de thure; quid hoc est? thus illud tam frequens in sacris Christum Iesum significabat, de quo inquit apostolus <sup>f</sup>), *Christus de-*

<sup>a)</sup> decreti par III<sup>r</sup>. <sup>b)</sup> Esa. LXVI. 1. c) AET. VII. 49. 50.  
<sup>d)</sup> Esa. LXVI. 2. <sup>e)</sup> Esa. LXVI. 3. <sup>f)</sup> Eph. V. 3.

lexit nos & tradidit semetipsum pro nobis oblationem & hostiam deo in odorem suavitatis. Omnis sacrificii & thuris usus, omnis umbra completa est in Christo Iesu, qui est dilectus dei. Respuit cetera pater, hunc unum amplectitur, qui est imago dei. Qui igitur umbram reducit, qui recordatur thuris, quo loco habebit pater? quasi, inquit, qui benedicat idolo. Sunt haec verba dei viuentis, quae vel non intellexerunt vel contemserunt pontifices romani, qui de thurificatione decreta ediderint, ex his umbris offuderunt tenellas doctrinae christi, superstitionem inuenierunt, docentes etiam ex umbra legali thuris fumo fugari daemones, non intelligentes in nomine Iesu, quem thus illud significabat, cuius odor suauissimus est & recta it ad deum, daemones esse fugandos, dicente Christo a), in nomine meo daemina eviccent. Deus thuris recordationem non admittit sicuti neque circumcisoris: isti per honorificis decretis de thure adolendo statuunt: quodque ille per Esaiam contestatur, se in malam partem accepturum; isti dura ceruice, ut semper spiritui sancto resistant, docent, accepturum in bonam. Quod ergo sequitur, elegerunt omnia haec in viis suis & in abominationibus suis delectata est anima eorum, non in Iudeos dictum est, sed in hosce ipfos, qui nobis praecepta mortuera pro salutariis scripserunt. Nam Iudei quidem ceremonias illas in viis domini elegerant: liquet id ex leuitico, in quo a deo illa per Moysen ad signantur, inquit vero Moyses, haec dicit dominus. At cum longe longe alia doctrina a Christo ad nos addata fuisset, unde lucem & eam quidem admirabilem respicere caepimus. Si qui vestimentum vetus umbras illas rudi panno tuant-

ge-

a) Marc, XVI. 17.

gelii luci voluerunt adsuere *a*), illi, illi prohibente Christo, reclamantibus apostolis, contemptu edicto dei viuentis *b*), elegerunt omnia haec in viis suis, & in abominationibus delectata est anima eorum. Nam mirum certe est quam reductionibus iis & imitationibus legalium pontifices romani delectati sint: nihil videntur fecisse tanti, quam ut magna volumina implerentur iis monstros, ita iusserunt seruari haec a gentibus & nationibus, ita inculcarunt in mentibus hominum *c*), ut multis, ac multis saeculis omnes cum fiducia in haec ora, oculos, animumque conuerterint. Hic audio sucllamare istos, ceremonias ergo putas esse tollendas: ha si non ferentur, instituent alias sibi populi fortasse etiam doteriores. Haec isti multis, quasi quis neget, dum propensionem illam animi, quae deo gratissima est, in deum ostendimus, ut cum sacramenta exhibentur, ut cum a deo petimus ut signo visibili accepto spiritu suo nos informet, aliquid a nobis vultu, manibus, voce & totius corporis gestu fieri, quod ceremonias, qui velit, possit appellare: non has ego dico, sed quae ex reductione & imitatione legis mosaicae, veluti umbrae tenebras obducunt doctrinæ Christi, quaequae sunt, quae sanctificationem in alio statuere videntur, quam in spiritu dei; remissionem peccatorum per aliud quam per sanguinem Iesu Christi *d*); ceremonias dico veluti legalia, quae ad sece animos trahunt, in quibus vulgo homines fidunt atque haerent, in quibus salutem collocant, cum aliud praeter Christum non sit, in quo oporteat nos salvos fieri. Ceremoniae, quae a Christo sensim ab-

*a) Luc. V. 36. b) Esa. LXVI. 3. c) videant qui velint  
missali. Pontificali. Rationali. Missali. d)*

*Aet. IIII. 12.*

ducunt non sunt ferendae. Longo vſu inueteratas, nisi recipias, offendiculum eris fratribus *a*): non est hoc offendiculi genus, quod vitandum docuit Christus, quo adfecturum vniquam ſe fratrem negauit apostolus; offendiculum hoc sanctum eſt atque diuinum, quo Paullus in Petri faciem reſtitit *b*), quo apostolorum multi vitam cum ſanguine proſuderunt: ob hoc ipsum in Stephanum lapidatio facta eſt *c*), quod diſceſſionem a lege doceret; offendiculum hoc fuit ſaepiſſime Christus Iudeis, quod dies non obſeruat, quod ciborum vſum confunderet *d*), quod doctrinam hanc proferret in lucem, quae eadem illuſtrata proximis annis zelo pharisaico, & iudaica animaduertione pontificum romanorum, & aſſeclarum eius perturbauit, vexauit, perniciuit omnem tempublicam Christi. Offendiculum obiiciunt illi noui Caiphae, quod Stephanus, quod apostoli, quod Christus fuerunt. Possumus & volumus mori ut offendiculo ſimus iis, qui tantis ceruicibus ſunt, vt ne- fas putent eſſe, Christum ſequi, Stephanum imitari, Paullum audire, qui, ne quis arbitretur parui cuius-dam momenti eſſe, ſi qui haereant ceremoniis iudeis, ſed tanti ut cum iis ſtare non poſſit euangelium Christi, clamat & confeſtatur *e*), ſunt aliqui, qui vos conturbant & volunt conuertere euangelium Christi, ſed licet nos aut angelus de coelo euangelizet vobis, praeterquam quod euangelizauimus vobis, anathema ſit, & nunc iterum dico vobis, ſi quis vobis euangelizaue- rit praeter id, quad accepistiſ, anathema ſit. Utinam dominus noster, Iesu Christuſ aperiat mentem fra-

trum

*a) obiectio pontificiorum hominum. Mat. 18. b) ad Gal. II 14. c) Act. VII. 58. d) Mat. XII. 1. seqq. XV. 1. seqq. e) ad Gal. I. 7. 8.*

trum verbis his , quibus per spiritum sanctum clamat apostolus , vt id ipsum cauerent a pseudoapostolis illis , quo nostris temporibus adpeti videmus populum dei. Velim hic omnes esse quam diligentissimos & petere ex commentationibus omnium interpretum a) eius epistola , quid esset , quod euangelizarent illi , quo conuerteretur euangeliū Christi: adserebant illi , Christum esse filium dei , adserebant alia , quae euangelio continentur ; nam erant a credentium numero . Ii erant , inquit Theophilactus b) , qui dignitate praeccellerent , & vitam cum Petro & Iacobo duxerant , eosdemque ceteris longe praeferrent ; propterea angelorum nunc meminīt , & de *coelo* adiecit , cumque & sacerdotes angeli vocarentur supernas potestates expressit , neque si contraria solum praedicauerint intulit , sed si euangelizauerint id , praeter quod ipsi euangelizauimus , hoc est , si plusculum quidpiam ipsi adiecerint , execrationi subdantur . Ii vnam aut ad summum alteram ex ceremoniis iudaicis reduci & obseruari volebant . Et tantopere acclamat Paullus , grauissima apostoli oratio est , non temere iterata , non tamen ob aliud quam ob ipsum , ne quis ab aemulatoribus legis ceremonias reciperet : quae si tanti sunt , vt ex una aut altera subuertatur euangeliū Christi ; quam ego vocem nunc mittam , viri christiani , qua satis significem dolorem meum ? negemne quidpiam esse adiectum ? qui sciam magnum , incredibilem , infinitum numerum ceremoniarum ex iudaicis aemulationibus reuectum esse multis ac multis saeculis a pontificibus romanis . Quod si id verum est , quod om-

a) ex Chrysostomi , Theophilacti , & ceterorum interpretum commentariis . b) Theop. in Epistol. ad Gal. 1.

omnes interpres indubitanter adserunt *a)*, vt vna aut altera ceremoniarum legalium recepta totum corrumperatur euangelium, quemadmodum (aiunt) dici de regio nummo potest, qui vel leuiter circumcisus totus adulteratur: vos iam videte, quam insignis iniuria facta sit castissimae religioni; quorum opera, nihil dico: nam mitrae quoque istae loquuntur. At quoniam nonnulli ex peritioribus istis non magni putant referre, si ceremoniae ex iudaicis sint restitutae maiori etiam cumulo, modo (inquiunt) doctrina per has aemulationes non sit inuestigata, qua possint homines sensim abduci ab Christo; id enim ex doctrina pseudoapostolorum erat conjectarium: nam si qua pars iustitiae aut sanctificationis in aliqua legali posita fuisset, sanguini Iesu Christi singularis fiebat iniuria, per quem tantum iustificati & sanctificati sumus in spiritu dei: per bono loco res est. Recita mihi tu decretum de aqua benedicta Alexandri primi papae, quem fuisse dicunt annos ab hinc mille quadringentos tres & praeterea viginti, vt quiuis possit intelligere tempore pseudoapostolorum haec subrepisse. *Aquam b)* sale conspersam populis benedicimus, vt ea cuncti adpersi sanctificantur ac purificantur, quod ex omnibus sacerdotibus faciendum esse mandamus. Nam si cinis vitulae adpersus sanguine, populum sanctificabat atque mundabat, multo magis aqua sale adpersa diuinisque precibus sacrat a populum sanctificat atque mundat. Et si sale adperso per Helisaeum prophetam sterilitas aquae sanata est, quanto magis diuinis

S

*a) consensus mirus in ea re interpretum omnium & commentat. b) decretum Alexand. primi papae, ex aemulatione legis velat, obtegit beneficium sanguinis Christi & aliud euangelizat.*

nis pretribus sacratus sterilitatem rerum auferit huma-  
narum, & coquinatos sanctificat atque mundat &  
expargat, & cetera bona multiplicat, & insidias dia-  
boli auertit, & a phantasmatum versutiis hominem  
defendit. Quid primum rogem? quid primum que-  
ratur? nam quid hoc est, si aemulatio legis non est? Nam  
si cinis vitulac adspersus sanguine populum sanctifica-  
bat atque mundabat, multo magis aqua sale adspersa  
diuinisque precibus sacra populum sanctificat atque  
mundat. Negetne quisquam beneficium sanguinis  
Christi obtegi his verbis? sanctificationem in legali  
colloeari? Obscro, animaduertite, ut cognoscatis,  
quibus haec doctrina sit orta principiis, quantum a  
doctrina apostolorum absit. Tractemus hanc eandem  
vmbram ex epistola, quae scripta est ad Hebraeos a).  
Si enim sanguis hircorum aut taurorum & cinis vitu-  
lac adspersus inquinatos sanctificat ad emundationem  
carnis, quanto magis sanguis Iesu Christi, qui per  
spiritum sanctum semetipsum obtulit immaculatam  
ideo, emundavit conscientiam nostram ab operibus mor-  
tuorum ad seruendum deo viuenti. Quid hoc est? ille  
obtegit beneficium sanguinis Christi; hic aperit at-  
que illustrat: ille proponit vmbram cineris adspersi  
sanguine vitulac, & in vmbram aquae sale adspersae  
recedit per aemulationem legis; hic vmbram omnino  
fugat luce doctrinae apostolicae, illustrato benefi-  
cio sanguinis Christi, nulla aemulatione legis propo-  
fita: ille abducit sensim a Christo & ad legalis fidu-  
ciam retrahit; hic ad Christum trahit, & a legali lon-  
ge abducit. Quantum inter haec intersit, iudicate iam  
ipsi vos, principes christiani, & pro maiestate vestra  
tuemini verbum dei. Si quis (inquit apostolus b))

a) ad Hebr. VIII. 13. 14. b) Gal. I. 8.

ali-

*aliud euangelizauerit praeter id, quod accepistis, anathema sit.. An docere gentes & nationes, aquae sale conspersae & exorcisinis sacratae adspersione omnes sanctificari & mundari, non est aliud euangelium? quid accepimus a Iohanne? dicat testimonium summa auctoritate, religione & fide praeditus Iohannes a), sanguis, inquit, Iesu Christi emundat nos ab omni peccato. Quid accepimus a Petro? in adspersionem sanguinis Iesu Christi, inquit. b) Quid a Paulo? per sanguinem crucis eius. c) Quae est doctrina omnium apostolorum, & discipulorum domini? remissionem peccatorum accipere per nomen domini nostri, Iesu Christi omnes, qui credunt in eum; Christum esse iustitiam, sanctificationem nostram, neve in mentem cadat in alio nos mundari, sanctificari & iustificari; ablutos, sanctificatos, iustificatos, nos esse in nomine domini nostri Iesu Christi per sanguinem eius in spiritu dei nostri. Quae mens est apostolorum? umbras non esse repetendas, fruendum nobis luce allata per Christum, ut recte eatur ad veritatem euangelii; in ceremoniis non constituendam esse iustificationem aut sanctificationem, sed in spiritu dei per sanguinem crucis; curandum ut a superstitione alieni populi & ab infideliis longe remoti, quibus adperi possent a diabolo, oculos, mentem animumque intendant in deum patrem, in Christum Iesum, in spiritum dei nostri. Quae est doctrina pontificum romanorum? aquam sale adspersam diuinisque precibus sacram populum sanctificare atque mundare, salem diuinis precibus sacram & exorcizatum sterilitatem rerum auferre humavarum, & coquinatos sanctificare atque mundare & expurgare, & cetera bona multiplicare, & insidias di-*

S 2

abo-

a) Iob. I. 7. b) I. Pet. I. 2. c) ad Col. L 20.

*aboli auertere, & a phantasmatum versutiis hominem defendere. Quae mens est pontificum romanorum? instandum esse aemulationibus legis, umbras esse repetendas, in ceremoniis constituendam sanctificationem, iustificationem, expurgationem, ut in eas populi ora, oculos, mentem animumque conuertant.* Annon haec ipsa fuit mens pseudoapostolorum. Verbum hic non puto posse istos proloqui. Nam si qua usquam distinctio & remedium ostenderetur, quo haec possent ferri, id omne vitio verteretur sapientissimis apostolis, qui ignorarint, quo mederi potuissent tantae seditioni credentium, quae tum fuit pro reiiciendis ceremoniis. Sed ego ad illud redeo de Haelisaeo, in quo repetenda quaedam sunt ex libro regum, in quo haec habentur a), cum aquae pessimae essent & terra sterilis, dixit Heliacus, afferte mibi vas nouum & immittite in illud sal, & ait: haec dicit dominus, sanavi aquas has, & non erit ultra in eis mors, neque sterilitas. Factum est hoc sic quidem: sed erat in hoc umbra futurorum, quae ex doctrina apostolica poterat illustrari ab episcopo. Legimus enim in apocalypsi b) per aquas, populos & gentes significari & linguas. De gentibus quod erant in semine Abrahae, Christo, benedicenda, praedictum erat c), ad quas Paullus & apostoli immisuri erant sal, delaturi verbum dei. Collatio ergo christiane si poterat tractari. Si sale adsperso per Haelisaeum sterilitas aquae sanata est; quanto magis praedicatione & oratione Pauli & apostolorum per verbum dei & immissionem spiritus sancti gentes sanatae sunt, sublata morte & omni sterilitate earum, ex quibus Christus exhi-

a) 2. Reg. II. 19. seqq. b) Apoc. XVII. 1. & 15. c) Genes. XXII. 18.

hibuit sibi gloriosam ecclesiam? Erant ita vimbrae aperiendae, non ex vmbbris inuehendae vmbrae denfiores ad superstitionem. Agite vero, recenseamus iam formulas sacrationum & precum in hoc legali, vt quae sit eorum doctrina, quae instituerint petere gentes & nationes, intelligamus. Recita benedictionem salis. *Exorcizo te creaturam salis per deum viuum, per deum verum; per deum sanctum, qui te per Helisaecum prophetam in aquam mitti iussit, ut sanaretur sterilitas aquae, ut efficiaris sal exorcizatum in salutem credentium, & sis omnibus te fumentibus sanitas animae & corporis.* Annon videtis, ex quo ludo haec prodierint? quibus sint orta principiis? in sale exorcizato ponere salutem credentium? salutem animae & corporis? Exorcismorum vero istorum vfuscus unde tam frequens irrepserit, ipsi viderint. Non me fugit, multis post saeculis ab Ambrosio adornata quaedam fuisse, & laudatos in ecclesiis exorcistas. At simplicissimae erant, vt dixi, traditiones apostolorum & candidissimae: pura aqua ad baptismum, puro oleo ad vnguentum, ipso vino & pane ad coenam domini vtebantur. Exorcistas Iudeos celebres fuisse tempore apostolorum legimus, homines daemoniorum etiam iudicio non probatos. Tentauerunt (inquit a) quidam de circumventibus Iudeis exorcistis invocare super eos, qui habebant spiritus malos, nomen domini Iesu dicentes, adiuro vos per Iesum, quem Paulus praedicat: respondens autem spiritus nequam dixit eis, Iesum, noui, & Paullum scio, vos autem qui estis? At quid hoc est? vos autem qui estis? Sed tu perge, de consecratione salis: immensam clementiam tuam, omnipotens aeterne deus, humiliter implora-

S 3

mus,

a) Att. XVIII 13. seq.

mus, ut hanc creaturam salis benedicere & sanctifica-  
 re digneris tua pietate, ut sit omnibus sumentibus salus  
 mentis & corporis. Hocceine est ex euangelii cath-  
 dra docere? Proh tantam esse hominum socordiam,  
 instituere gentes & nationes, petere & sperare salu-  
 tem mentis & corporis ex salis libatione. Hi sunt  
 praefecti ecclesiae? ministri euangeli? Pseudoapo-  
 stoli illi, instigante satana, commentati sunt hanc  
 doctrinam, quam secuti aemulatores legis, pontifi-  
 ces romani & eorum asseclae in miros abusus abie-  
 runt, quorum magnum atque incredibilem nume-  
 rum praeteribo consulto, ne vos multis moreret: per-  
 paucos, & ex his ritum de cineribus *ex ramis oliuae*,  
 exempli causa & breuiter recensebo. Vbi exorcismos  
 & precationes de more adhibuerunt, quae ab episco-  
 po, qui nouit & ponderauit, quo & quanto precio si-  
 mus redemti, sine stomacho recitari non possunt:  
 tandem, vbi thuris fumo & aquae salitae rore arbi-  
 trantur satis fugatos esse daemones, reponunt hos  
 ipsos ramos, vt sequenti anno in cinerem redigant,  
 quem feria quarta exorcismis adgrediuntur: eius ci-  
 neris consecrationem iis precibus confici docuerunt.  
 Recita preces in consecratione cinerum. *Omnipo-*  
*terens sempiterne deus, parce metuentibus, propitiare*  
*supplicantibus, & mittere digneris sanctum angelum*  
*zuum de coelis, qui benedicat, sanctificet hos cineres, ut*  
*fit remedium salubre.* Quod remedium salubre? per-  
 ge, ne sit obscurum. *Vt quincunque eos super se ad-*  
*fisperint pro redemtione peccatorum suorum, corpo-*  
*ris sanitatem & animae tutelam percipient.* Miseret  
 me istorum: nam quae haec est inscitia atque amen-  
 tia? Vnigenitus dei, qui est in sinu patris, de coelo  
 descendit, serui formam induit, in tot laboribus vi-  
 tam

tam duriter egit, expediri in se virgas, vinciri, caedi, in crucem tolli voluit, sanguinem omnem cum vita effudit; pro quo? pro quo? pro redēctione peccatorum nostrorum: praestititne eam? immo vero cumulatissime praestitit. Quid ergo petis per cīneres redēctionem peccatorum, quasi non sis adsecutus? Si per sanguinem Iesu Christi cumulatissime es adsecutus, cur per cīneres adsequi potas, non video. Certe hic quis potest suspicari, ea opinione istos fuisse, ut crederent effusionem illam sanguinis Christi satis fuisse pro peccatis eorum, qui ante Christi mortem fuerunt, pro sceleribus tot & tantis eorum, qui postea fuerunt, non satis esse, & propterea quaerendum supplementum ex cīnere adspersione: quasi vero non dicat Iohannes <sup>a)</sup>, propitiatiōem eam satiis esse non modo pro peccatis nostris, sed pro peccatis totius mundi. Quid si sexcenti essent mundi? pro sexcentis diceret Iohannes, modo credant in vnigenitum dei. Maioribus benevolentiae signis, quantum nos amet pater, non potuit declarare, quam ut filium vnigenitum daret crucifigendum pro seruis in redēctionem peccatorum, dedit libenter pater: consecuta est plenissima redēctio <sup>b)</sup> & reconciliatio eorum, quae in coelis sunt. & quae in terris; serio triumphant Christus, & mera euangelia, confidite, inquit <sup>c)</sup>, ego vici mundum. Quid tu aut inuidus aut ingratus aut immemor beneficii instas his verbis? ut mittat angelum de celo; eur? ut cīneres sanctificet; quamobrem? ut si super me adspersero, adsequar redēctionem peccatorum. Quam petis, si scelerum poenituit, si aliam agis vitam, si credis in vnigenitum dei, nonne es adsecutus per sanguinem eius, in

S 4

qua-

<sup>a)</sup> i. Iob. II. 2. <sup>b)</sup> ad Col. I. 20. <sup>c)</sup> Iob. XVI. 33.

quo es adspersus, in quo es lotus, in quo es sanctificatus? Nescis, quid petas, & mysterium operatus iniquitatis alios facis nescire, quod nescis. Obscurat hoc commentum beneficium sanguinis Christi, & magnitudinem verae liberalitatis & misericordiae dei. Nam si, sicuti datus est unus sanguis Iesu Christi pro plenissima redemptione peccatorum; ita omissionis superstitionibus unus proponeretur gentibus & nationibus, quae inuocant nomen domini nostri, Iesu Christi; pro hoc uno gratiae agerentur, quibus illustraretur benignitas dei, & gloria Christi: cuius hostis subdolus satanas, veluti mulierculae solent cum pueros aliquo nolunt prospectare, alia quaedam spectanda proposuit, ut a Christo crucifixo sensim non modo oculi sed animi quoque gentium & nationum abducerentur: qui, cum inhiare in sanguinem & corpus Iesu Christi debuissent; in ridicula haec incubuerunt ex institutione illa pseudoapostolorum, ut facta tantâ redemtione, quanta nulla maior possit ex cogitari, quaeque extra modum supra sit peccata nostra & totius mundi, adhuc pueriliter instant & mulierbriter & superstitione, immo vero insipienter pertinent, ut cineribus ramorum oliuarum; qui eos cineres super se adsperserint, adsequantur redemtionem peccatorum. Obscro vos, viri principes, vel hoc est ex doctrina apostolorum & euangelio Christi? Cuius quoniam conuersationem quidam fieri indignorem putant, si quis curauerit reducendam obseruationem dierum ex veteri lege, quod dictum sit a), dies obseruantis & menses & tempora & annos, timeo de vobis, ne forte sine causa laborauerim in vobis; nam & ob id clamat Paullus b), sunt aliqui, qui vos conturbant,

a) ad Gal. IIII. 10. & ii. b) ad Gal. I. 7.

*E* volunt onuertere euangelium Christi. Liquet id ex commentariis omnium interpretum. Quid putatis? continuisse ab hac impietate sese pontifices romanos? immo vero, quia Paullus & Petrus & ceteri apostoli veterunt restitui dierum obseruationem & mensium & annorum; pontifices romani & eorum asseclae restituerunt & seruari mandarunt. Recita obseruationem quatuor temporum <sup>a)</sup>, & sermonem Leonis papae ex Hieronymo: *ieiunium quarti, et ieiunium quinti, et ieiunium septimi, et ieiunium decimi mensis domini Iudae et Hierusalem in dies festos vertet in gaudium.* Hoc loco nostrorum multi multa dixerunt *et inter se dissonantia.* Cogimur igitur ad Haebreos recurrere, *et scientiam veritatem de fonte magis quam de riuulis quaerere, ieiunium quarti mensis, qui apud Latinos vocatur Iulius, die septimo et decimo eiusdem mensis, illud arbitramur, quando descendens Moyses de monte Sinai tabulas legis abiecit et confregit, et iuxta Hieremiam muri primum rupti sunt ciuitatis.* In quinto vero mense, qui apud nos appellatur Augustus, cum per exploratores terrae sanctae seditio orta esset in populo, iussi sunt montem non ascendere, sed per quadraginta annos longius a terra sancta circuire dispendiis, ut exceptis Caleph & Iosue omnes in solitudine caderent, *et in hoc mense a Nabuchodonosor et multo post a Tito et Vespasiano templum Hierosolymis incensum atque destructum, capta vrbe Bethel, ad quam multa millia confugerant Iudeorum.* In septimo vero, qui apud nos appellatur Agobar, occisus est Godolias, *et Iudei tribus ac Hierusalem reliquiae dissipatae sunt mense decimo, qui apud nos Ianuarius dicitur, eo quod ianua sit anni atque principi-*

<sup>a)</sup> ex decreto Gratiani in parte prima dist. 76.

pium, Ezechiel in captiuitate positus audivit, & cunctus populus captiuorum. Quinto mense templum est subuersum. Observatio haec mera est iudaicarum rerum, ut quiuis videre possit, eam ab aemulatoribus legis iudaicae ad nos transfuisse. Hanc tamen observationem dierum & mensium mandarunt pontifices romani seruari debere ubique gentium & ieiunio celebrari, edicto proposito & poena mortis animae indicta, si qui non seruarint. *Annorum observationem ex iubilaeo* fatentur a veteri testamento reduxisse, qui? Bonifacius octauus & Clemens sextus, pontifices romani. *De encoeniis restitutis* ad iudaicam accumulationem nihil dico, quod ipsimet ex libro regum accepisse testantur; *in quo*, inquiunt *b) perlecta dedicatione templi reperies.* Argumentum vero eorum est perridiculum, statuere celebrationem dedicacionum templi, quod aliquando Christus illis ipsis diebus inambularit in templo in portico Salomonis. Nam fac esse, quod ex eo venerit, inambularit in templo in portico Salomonis ut legale seruaret, num propterea nos quoque tenemur seruare? *ipso*, inquiunt, exemplum dante. Annon hoc argumento nitebantur pseundo apostoli adserere, seruandam esse circumcisioinem, *ipso*, ut aiebant, *domino, qui circumcisus est, exemplum dante.* Scimus illum frequentem fuisse in templo, in quo ceremoniae & cetera de ritu siebant. Inservit tamen argumentum est. Christus in templo dum legalia celebrarentur adfuit; ergo a nobis legalia sunt seruanda. Confutauerunt enim haec omnia apostoli, quod lex usque ad Iohannem habuisset imperium. A Christo vero, quae erant ex lege, furentur  
*a) de consecratione templi diff. i. de encoenii in decreti part. l.*

erunt obseruata, vt omnem legem pro nobis adimpleret vnuſ is, qui veriſſime dixit, & dicere potuit vnuſ a), non veni ſoluere legem, ſed adimplere. Legale item de consecratione templi pontifices romani reſtuerunt: quam ob rem ab aemulatione legis ſic ordiuntur. Recita ſanctionem b), tabernaculum Moysen deo praecipiente feciffe & ſacriffe cum monſa & altari eius & aeneis vasis & ueniſlibus ad diuinum cultum explendum legimus, & non ſolum diuinis precibus eas ſacriffe ſed etiam sancti olei vncione domino iubente perliuiffe nouimus. Qualiter autem haec facta ſunt, vt non alii ipſa sacramenta quam ipſi facerdotes ſacra vncione delibuti dominoque cum vſtibus sanctis ſacra- ti, ſacrati Leuitae, tractabant, ferebant, erigebant & deponebant, in ipſis institutionibus, quae iubente domino cōscriptae ſunt per Moysen, in lege domini reperietur. Si meminifte, multis ac multis ostendimus, has ceremonias fuſſe vmbreas futurarum: & haec ipſa de tabernaculo omnia exposita ſunt ex doctrina apostolica. Diuersa enim eſt doctrina apostolorum, & ea, quae eſt aemulatorum legis: illi, vt eſt in prouerbio, in cortice & testa adhuc iuſtunt; christiani in nucleo & medulla: illis velum Moysis adhuc poſitum eſt ante oculos; a nobis omne involucrum eſt ereptum atque ſublatum per Iesum Christum. At quoniam recepimus nos de vncione sancta aliquando dicere, & verba de consecratione admonent, quod sancti olei vncione omnia perlita fuerint; primum neceſſe eſt, vos aliqua memoria repetere ex iis, quae diximus, per ipsam vncionem, qua omnia illa ſan- tificabantur, ipsum ſpiritum ſanctum fuſſe ſignifica- tum.

a) Matt. V. 17. b) de consecratione ecclesiarum dift. in decretis part. i.

tum, quo Christus erat vngendus & sanctificandus & omne regale sacerdotium, non clerici tantum, quos vocant, sed omnes christiani fideles, *omnes*, inquit apostolus, *qui sunt Iesu Christi*: deinde alia quae-dam ex illis vmbbris sunt illustranda. Praeteribo tamen multa, & strictim omnia, principes christiani; quod non hoc mihi propositum est, vt explicem omnes vmbbras, sed eas tantum, quae ad sanctae vncitionis, ad sacerdotii regalis explicationem duxero necessarium, vt & cetera manifesta sint & veritas illustretur: quod vt praestem, ignoscere mihi debetis, si paullo altius quaedam repetam: cumque vmbrae sint aperienda, paucis me expediam, non in vocibus ipsis sed in mysticis significatis insistens, quae in diuturna obscuritate latuerunt. Scriptum est in lege domini, *filiis Aaron ad sacerdotium adsumtis eorum partem periisse, partem fuisse seruatam*; quod illud significat, *ex populo dei ex Iudeis ipsis reliquias quasdam secundum electionem dei saluas factas esse, partem concidisse, ut ex illorum delicto*, inquit apostolus a), *salus esset ex gentibus & diminutio illorum dimitiae gentium*. Ergo, Nadab & Abihu, filii Aaron mortuis, locutus est dominus ad Moysen, vt adplicaret tribum Leui ad cultum diuinum: *& erunt, inquit, dominus, Leuitae mei*. Per hanc adplicationem significabatur adplicatio gentium b), *ex quibus gentibus, ut praedictum erat, statueret sibi Christus regale sacerdotium, ecclesiam: pro qua c) tradidit seipsum, ut illam sanctificaret, mundans eam lauacro aquae in verbo vitae, ut exhiberet ipsam sibi gloriosam ecclesiam, non habentem maculam aut rugam aut aliquid huius-*

<sup>mo-</sup>  
a) ad Rom. XI. 11. & 12. b) 1. Pet. II. 5. c) ad Eph. V.  
25. seqq.

*modi, sed ut sit sancta & immaculata.* Ex Leuitis ergo sacratis & perunctis significabatur ecclesia fidelium gentium, sanctificata per sanguinem Iesu Christi, peruncta sanctissima unctio, spiritu sancto ipso, qui per mosaicam unctionem significa batur: qui Leuitae haberent sacras vestes, sacra & munda corpora, de quibus inquit apostolus a), nescitis quoniam corpora vestra membra sunt Christi? nescitis quoniam membra vestra templum sunt spiritus sancti? qui in vobis est, quem habetis a deo, & non estis vestri. Quid est, non estis vestri? Annon illud idem, quod dicit dominus? Leuitae mei sunt. Et de fidelibus ait apostolus, non estis vestri: emti enim estis pretio: glorificate & portate deum in corpore vestro & in spiritu vestro, quae sunt dei. Id significabant stolae & vestes omnes illae in lege veteri sacratae sacerdotum: lotae scilicet stolae christianorum fidelium in sanguine agni Christi, de quibus scriptum est? *beati, qui lauant stolas suas in sanguine agni:* sacratae vestes, omnium fidelium christianorum sacrata corpora, quoniam Christi sunt membra peruncta, non oleo aliquo exteriori, sed quoniam in his habitat spiritus sanctus, qui unctio in scripturis adpellatur. Annon hoc illud est fidelis Iohannes b)? *vos unctionem habetis a sancto.* Omnia haec non ex iudaica sed apostolica doctrina sunt accepta, quae quam indignissime velata atque obscurata sit ab aemulatoribus istis legis, quos credo iam vos probe nosse; vel ex eo cognoscite, quod non eorum corpora munda, sanctificata, immaculata in castitate, in sinceritate, quibus longe ceteris debent excellere: sed stolas & vestes oleo perunctas & exorcismis sacratas domino offerunt; se vero ipsos non

a) 1. Cor. VI. 15. seqq. b) 1. Job. II. 20.

non vunctione sancta spiritus, ex qua spiritus sancti opera prodeunt, sed exteriori quadam vunctione perungi curarunt. Quare in omne genus sceleris impune irrumptunt, & veluti vulpeculae, illudentes populo dei suppliciis se eximunt, quae ex ciuilibus legibus necesse fuisse infligi. Sed haec suo loco. Nunc sat is est, ut intelligatis, vunctionem illam legis, umbram fuisse spiritus sancti, in quo omnes, qui Christi sunt, baptizati sunt, ne opera carnis perficiant. Spiritum sanctum vero vunctionem fuisse adpellatum tam a prophetis quam ab apostolis, demonstrauimus & meminisse debetis, & illud non obliuisci, non haec eo a nobis dici, ut negemus signo aliquo visibili opus esse in sacramentis exhibendis & ceremoniis quibusdam; sed ut eo signo visibili mentes ad coelestia erigantur non deprimantur, utque ceremoniae purae ac simplices ad significata ipsa rapiant, non in umbras, veluti Iudeorum legalia, doceant insistendum esse denique ut gentibus & nationibus etiam infirmioribus adiumento sint non impedimento, ut omnes mentem animumque intendant in deum patrem, in Christum Iesum, in spiritum dei nostri. Ad hanc normam instituendae sunt preces & rogationes, non ut reductione aut imitatione legis mosaicae tenebras obducant euangelio, superstitionem inuehant, quod sanctificationem & remissionem peccatorum statuere in se videantur. Quod commentum ipsum fuit pseudoapostolorum ad imminuendam gloriam Christi, ad conuertendum euangelium, quod illi, ut docuimus, instigante satana, summo studio, incredibili diligentia, dolo malo, operarii subdoli, inquit apostolus, commo-

li-

liti sunt: ex quorum ludo haec produisse non est dubitandum, quae velut zizania dormientibus hominibus sata super bonum semen, mirum in modum creuerunt in agro domini, ita ut pene granum suffocent. Quae ut internoscamus (iam etiam oratio de his properat ad finem); attendite, obsecro, diligenter, quae agantur, quae petantur a pontificibus & collegis, dum ea vncio conficitur, ut ex iis actis intelligatis, quo spiritu haec inuenta sint in mundum. Volumen adpellant pontificiale: secundum ritum ecclesiae romanae: in eo haec habentur<sup>a</sup>), recita sanctionem de officio quintae feriae in coena domini. *Hac die in toto orbe christiano chrisma & oleum sanctum & oleum catechumenorum conficiuntur. Dominus enim Iesus Christus, postquam cum discipulis coenanit & eorum pedes lanuit, ut Fabianus inquit, chrisma conficere docuit.* Quod nouum hoc est euangelium? quis umquam accepit ex iis quatuor, qui adscribendi manus delecti sunt a patre domini nostri Iesu Christi? Tantamne rem tam negligenter egerunt, ut, quod unum esset maximum ad sanctificandos homines, vel neglexissent vel omisissent? An Iohannes, qui de coena & lotione pedum omnia minutissime collegit, tantum mysterium praeteriuit? Quid Paullus, cum euangeliū a se scribi dicat, diligentissimus omnium scriptor atque illustrator, de hoc ne verbum quidem? Quid, cum usque adeo acclamasset, ne legalia restituerentur, non unum exceptit de vocatione? sed nos ad rem. Vbi quasi gesticulariam egerunt apud tres ampullas, quae plenae oleo sunt b), disposita mappula, dimissaque ampullae sua (ut aiunt) serica ueste alba, pontifex ca-

<sup>pi-</sup>  
a) in pontificiali, de officio quintae feriae in coena domini. b) ex pontificiali verba omnia.

pete inclinato salutat chrisma aut oleum, dicens, aue sanctum oleum, aue sanctum oleum, aue sanctum oleum; semper altius dicendo; utar eorum ipsorum verbis: quod postquam tertio dixerit, osculatur labium ampullae: quo facto sedet pontifex & accipit mitram; tum singuli duodecim sacerdotes parati accedunt successive per ordinem ad mensam, supra quam posita est ampulla, & factis reverentiis genu flectunt coram ampulla, qualibet vice, semper altius dicendo in tono praedicto, aue sanctum oleum, aue sanctum oleum, aue sanctum oleum. Quid hoc est, si idololatria non est? Nisi quis velit vocare elaeolatriam. At non haec quidem a Moysè, longe, longe haec monstrat absunt a Iudeis. Salutatur oleum tamquam viuens aliquid, non significatione vlla, sed quasi sanctitate & diuinitate ipsa, quae insit in oleo, non modo salutatur sed adoratur etiam a collegis duodecim ter sigillatim. Hoccine Christus docuisset? hoccine apostoli? desinant tandem, desinant subdoli operarii illudere populo dei, qui quoniam haec, ut Fabianus docuit, accepisse a Christo non possunt ostendere; proximum est, ut iis dent, qui proximi fuerunt temporis, quo iacta sunt fundamenta salutis nostræ a). In iis quoniam miri sunt abusus, qui pseudoapostolorum ingenia ex scriptis Paulli norit, facile suspicabitur ab illorum commentis ad pontifices romanos transisse. Quod si inexcusabiles sunt ii, qui cum cognouissent deum non sicut deum glorificauerunt, aue gratias egerunt, sed euauerunt in cogitationibus suis, & obscuratum est insipiens cor eorum; dicentes enim se esse sapienter, stulti facti sunt, & mutauerunt gloriam

a) Chrismatis commentum ex epistolis Clementi ad signantur. b) Rom. I. 21. seqq.

am incorruptibilis dei in similitudinem imaginis corruptibilis hominis & volucrum & quadrupedum & serpentium. Quae tandem amentia est? quae superstitionis? quae indignitas? reiectis umbris accepta tanta luce a Christo per apostolos, ad oleum, creaturam insensilem, genua flectere, acclamare ad oleum illis Salutationibus, *aue sanctum oleum, aue sanctum oleum, aue sanctum oleum.* An Iouis sacerdotes aut Apollinis aliter sua idola salutarunt? An aliud tenuerunt adorandi ritum, quam prouolui genibus ad manus statuas, facta acclamatione, atque isti ad oleum? Recita consecrationem olei a). Exorcizo de creatura olei, in nomine dei patris omnipotentis, in nomine Iesu Christi, & spiritus sancti, ut in hac invocatione individuac trinitatis atque unius virtute deitatis, omnis nequissima virtus aduersarii, omnis inueterata malitia diaboli, omnis violenta inuersio, omne confusum coecum phantasma, eradicetur & effugatur & discedat a te, ut diuinis sacramentis purificata sis in adoptionem carnis & spiritus his, qui ex te vngendi sunt in remissionem omnium peccatorum. Quid hoc est? quam indignum? Quid audiperi remissionem omnium peccatorum? At dominus Iesus, cuius vos fratres aquam salientem in vitam aeternam bibere oportet, non abominationes pontificum, quid ait b)? hic est sanguis meus noui testamenti, qui pro multis effundetur in remissionem peccatorum. Hoc est sanctum euangelium, viri principes, haec est doctrina omnium apostolorum, remissionem peccatorum accipere per nomen domini nostri Iesu Christi omnes, qui credunt in eum; ablutos, sanctificatos, iustificatos nos esse in nomine domini nostri, Iesu Christi, in spiritu dei. Sufficit, sufficit hic sanguis ad remissionem peccatorum, sufficit hic spiritus ad sanctifica-

T

a) in pontificali de benedictione olei. b) Matth. XXVI. 28.

tionem animarum nostrarum: cognoscimus Christum, dei filium, volumus glorificare ut dei filium, volumus euangelicere in cogitationibus nostris, ne & cor nostrum obscuretur & fiat insipiens. Nam quid est, visi christiani, tanto pretio soluto redemptionis nostrae, diuina illa effusione sanguinis Iesu Christi facta, per quam reconcilianit sibi omnia pater, quae in terris sive quae in coelis sunt, ut exhiberet nos sanctos & immaculatos, & irreprobenfibles coram ipso a), petere, ut ex adspersione aquae cum sale, ex cineribus ramorum oliuarum superiectis, ex perunctione oleti exorcizati, remedium salubre fiat omnibus gentibus & nationibus in remissionem omnium peccatorum, in tutelam animae & corporis? An non sunt haec petitiones obscurati cordis & vel maxime insipientis? Praetereo consecrationes de amictu, de alba, de zona, de cingulo, manipula, casula, planeta, calligis, sandaliis, cheirothecis, annulis, vasis. Praetereo benedictiones imaginis, ut ipsi loquuntur, incensandae, ut quicunque ob deuotionem ad ipsam adorandam se deuote inclinauerint, salutem mentis & corporis consequantur. Praetereo benedictionem pabuli animalium, hordei, auenae in festo sancti Stephani, benedictionem vini in festo sancti Iohannis euangelistae contra venenum, benedictionem panis & vini fructuum & seminum in festo sancti Blasii contra malum gutturis, benedictionem segatum & seminum in festo sancti Marci, benedictionem casei vel butyri, benedictionem lardi: ex qua una ceteras cognoscite: nam qui unam norit, ceteras norit. *Benedic domine creaturam istam lardi, ut sit remedium salutare generi humano, & praesta per inuocati-*  
onem,

a) Col. Lao.

vocationis tui sanctissimi nominis, ut, quicunque ex eo sumserint, corporis sanitatem & animae tutelam percipient a). Quod est remedium salutare generi humano? lardum. Ex qua re animae tutelam petunt? ex esu lardi. Unde haec sunt? a pontificibus romanis. Hi sunt praefecti ecclesiae? praedicatorum euangeli? magistri sanctitatis? Sunt haec quidem indigna. Non pudet haec in lucem proferre? Aiunt tamen esse benedictiones; nimirum eae benedictiones sunt, de quibus, quod non solidam sui nominis gloriam darent, deus inquit per Malachiam b), maledicam benedictionibus vestris, o sacerdotes. Quae cum ita sint, principes christiani, nunc per virtutem dei, per spiritum sanctificationis animarum vestiarum petit, orat atque obsecrat vos seruus Iesu Christi, primum ut seuerissime iudicetis, deinde ut bono animo sitis, magnamque spem habeatis, neue dubitetis praecipue aliquod in iis factum iri aliquando ab ecclesia sancta. Et quoniam nihil aequa consolationem adfert animis bonorum ac ipsum verbum dei; nolite putare haec, quae hodie geruntur, non fuisse praedicta in scripturis sanctis. Omnia, inquit Augustinus c), quae nunc vides in ecclesia dei & sub Christi nomine per totum orbem terrarum geri, ante saecula iam praedicta sunt. Quid ergo est? consecratum est memoriae hominum sempiternae in iis libris, qui sunt nobis scripti diuinitus, quod vos maxime consolari debet atque erigere. Cum creuisset Isaac & ablactatus esset, fecit Abraham grande conuiuum in die ablactationis eius, cumque vidisset Sarafilium Agar ludentem eum Isaac filio suo, dixit ad Abraham, ecce ancillam hanc & filium eius; non enim erit baeres filius ancillae cum filio meo Isaac d),

T. 2.

par.

a) in missali curiae romanae b) Mal. II. 2. c) de catabizandis rudibus. d) Gen. XXI. 9. 10.

per quem significantur filii promissionis), christianus populus, *ablatetur*, deturque illi cibus solidus, solida veritas, solida pietas, solidum euangelium, quod est, remissionem peccatorum accipere per nomen domini nostri, Iesu Christi, omnes, qui credunt in eum, hanc non per aliud adsequi, non petere, non sperare debere gentes & nationes, quam per sanguinem Iesu Christi; sanctificationem non in alio esse, non per aliud adsequi, non petere, non sperare debere gentes & nationes, quam in spiritu dei nostri, ut oculi, mentes, animi omnium intendantur in deum patrem, in Christum Iesum, in spiritum dei. Cumque Sara, ecclesia sancta, videat Ismaelem, filium ante Isaac, carnis filium non spiritus, populum iudaicum aliquando populum dei, nunc non populum dei, colludentem cum Isaac cum populo christiano aemulatione legalium, obseruatione dierum, fiducia rituum & ceremoniarum; dicat Sara, dicat ecclesia delecta a piis, augustis, inuitis principibus, ad Abraham ad coetum seniorum & patrum, eiice ancillam hanc, eiicite doctrinam iudaicam, & filium eius & delectu habito, quidquid ex ea doctrina natum est & profectum aemulatione legis, umbrarum repetitione, obseruatione legalium. Non enim erit haeres filius ancillae cum filio meo Isaac, quid iudeis cum christianis? Filii ancillae adhuc in umbris sunt; haereditas nulla ex umbris, sed ex ipsa; christiani filii lucis, filii veritatis, filii excelsi omnes, haeredes per sanguinem Christi, in spiritu dei. Non ludat Isaac cum Ismaele, eiicite, eiicite ancillam hanc & filium eius. Haec fore aliquando, viri principes tam video animo, quam ea, quae nunc oculis cerno: ea

vt

a) Rom. VIII 9.

vt nostris temporibus contingent, faciat pater domini nostri, Iesu Christi.

### RECITA CAPUT TESTIMONII QVARTVM.

Tentauerunt pontifices romani DEVUM, cum pro suauissima gratia domini nostri IESV CHRISTI, per quam credimus seruari, imposuerunt onus graue innumerabilium preceptorum, reclamante Petro *a)* & Paullo *b)*, sanctissimis apostolis. Neque vero est dubitandum, pontifices scribas & pharisaeos Hierosolymanos gessisse typum horum nostratium, de quibus dixit dominus *c)*, *alligant onera gravia & importabilia, & imponunt in humeros hominum.*

### DECLARATIO TESTIMONII IIII.

**C**onsequens erat necessario ex tanta aemulatione legalium, ceremoniarum, traditionum, vt durissimum iugum imponearetur ceruicibus fidelium gentium & nationum: quas vt a iugo legis liberaret Christus, magnis susceptis laboribus mori potuit & voluit, vt pro libertate suorum vitam cum sanguine in cruce profunderet. O indignum facinus! o scelus horrendum! o incredibilem impietatem! Quantum Christus sua morte generi humano profuit, tantum, quantum in ipsis fuit, pontifices romani obfuerunt. Christus a lege nos liberauit *d)*; pontifices reiecerunt in legem: Christus laqueum contriuit *e)*; pontifices non laqueum sed laqueos restituerunt: Christus in coelum abiens animis nostris pacem veram reliquit; pontifices ad inferna descendentes pa-

*a) Act. XV. 10. b) Rom. VI. 6. c) Matt. XXVIII. 4. d) Rom. VI. 6. e) Ps. CXXXIII. 7.*

cis & quietis spem sustulerunt. Quae enim pax homini esse potest in ea turba praceptorum, quae si non singula seruentur, peccatum, inquiunt, est mortale, quod est, poena animis mors est proposita. Hoc multis ac multis saeculis, conscientiis ulceratis, universae audierunt ecclesiae, corpus ipsum scilicet Christi, quod quoniam crudeliter, impie, miserabiliter confossum est mucrone isto vestro, pontifices, nihil vobis mirum videri debet, si ea ex me audietis, quae Caiphae, quae Herodes, quae Pontii, si viuerent, non audirent. Nam erant illi quidem manifesti ac aperti hostes Christi, vos domestici inimici & proditiones. Dum vos seruos seruorum dei appellabatis, nemo umquam putauit inimicos fore Christi. Dum vos Petri officio fungì velle ubique gentium praedicabatis, credidimus vos Christi discipulos & perfamiliares: cuius corpus quia postea discedistis mirum & miserum in modum, fateor, me non habere, quo vos nomine satis digne adpellem. Integerrima vita & admirabilis vir, Bernardinus Ocellus Senensis, cum ex lege non esse iustitiam sed per Christum Iesum superioribus annis euangelice & apostolice doceret, & vos ob id ipsum Italia expulissetis, appellauit pontifices romanos antichristos. Parum hoc fuit, si quid grauius dici posset. Nam quis usque adeo Christi nominis est inimicus, cuius opera ita ablegata sit eius libertas ab orbe, cuius tantae misiae fuerint in defensores libertatis christiana? Nulla vis tormentorum acerrimorum a vobis praetermissa est, ita ut, crudelissime quibusdam necatis, inquisitionis & mortis metu ceteri perterritentur, qui longissime aberant: iis quoniam vim & manus adferre non poteratis, execrationes publice exercenatis, non intelligentes punitate &

iustis precibus deum , non deuotione iraqua concitari . Nam verus est propheta a), quomodo maledicam , cui deus non maledixerit ? vobis ad libertatem Christi satis videbatur fore , si pileo quidam donarentur . Perbelle saepe illuditis populo dei . Non pudet vos curare , ut eius insignia in honore sint , eius estis euersores ? Nolite mentionem facere libertatis , quam funditus sustulisti . Neque vero mihi nouum neque inopinatum est , si quod superioribus annis indignissime fuit obiectum Germanis , id nunc ego quoque audiam , defensione hac libertatis Christi , licentiam carnis queri . Mirum profecto est , quam pontifices romani & eorum affectae doctrina & vita & conuiciis phariseorum sint simillimi . Omnia in scribas & phariseos dicta a Christo in hosce verti possunt . Nihil est dubitandum pontifices , scribas & phariseos hierosolymanos gessisse typum horum nostratium . Cum libertatis huius iaceret fundamenta Christus , quid audiuit b) ? ecce homo vorax & potator vini . Sobrietatem , siccitatem , continentiam & in rebus omnibus modestiam , ego amplector & laudo : neque haec tollit christiana libertas , sed facit ut omnia suo commodo fiant . Si illae carnis usum tollebat Moyes , eam concedit Christus , non ut helluonem alat , sed ut tuo commodo , cum usu venerit , his carnis non ceteris , ut possis . Surge , accide , dictum est Petro c) , & manduca : non est ea vox licentiae , sed libertatis ; neque enim iubet , ut uno tempore ad gammaris , aues , feras & pecus occidat , ut ingurgitet , sed ut libertatem ostendat , non minus his quam illis , non plus hodie quam cras & perendie vesci liceat , sobrietatem & moderate , cum gratiarum actione .

T. 4

ne

a) Num. XXIII. 8. b) Mat. XI. 19. c) Act. X. 13.

us, inquit Paulus a). Ebrietatem, crapulam, deliciarum curam, magnifica & sumptuosa conuiua, quae utinam nulla sint in pontificibus romanis & collegis, damnat Christus, improbant apostoli. Nam quid illud est b). *Attendite autem ne forte grauentur corda vestra in crapula & ebrietate.* Quid item illud c)? abiiciamus opera tenebrarum, & induamus arma lucis, sic ut in die honeste ambulemus, non in commissationibus & ebrietatis. Modestum ciborum usum admittunt & probant, gratiarum actionem inculcant, apostoli, quod sabbathum & ceteros dies & cetera omnia creavit deus, mundabit Christus d), ut homini christiano seruant. In villa sum, hospes ad me diuertit: sunt mihi pulli gallinacei, sunt columbini, est grex & propterea copia agnorum & haedorum, est deo gratia, excipitur hospes humanissime & fraterniter venit illi in mentem diem veneris agi: conturbatur, neque enim sunt pisces non oua non fortasse numi: quod meo commodo atque hospitis facere poteram ex libertate christiana, ut pullos occiderem & apponiterem in coena, sanctione pontificia non possum. De coelo vox est e), accide & manduca: Christi vox est f), manducare, quae aponuntur vobis. Pauli doctrina est g), omnis creatura dei bona est; & nihil sciendum, quod cum gratiarum actione percipitur. Antichristus papa denunciat, ne manduces, ne comedas sexta vel septima feria sub poena peccati mortalis. Quid est sub poena peccati mortalis, nisi cum hoc feceris morte aeterna morieris? itaque, quantum in pontificibus est, dum iudicant inter diem & diem,

prae-

a) 1. Tim. IIII. 3. b) Luc. XXI. 34. c) Rom. XIII. 12. 13.

d) Marc. II. 23. seqq. e) Act. X. 13. f) Luc. X. 7. g)

i. Tim. IIII. 4.

praecepto eorum morior deo , qui , vt sibi viuerem , per adspersionem sanguinis filii sui omni periculo liberarat . Huc illud accedit , si adpono , offendiculum sum hospiti . Quid autem , inquit dominus *a)* ? *vae homini , per quem scandalum venerit.* Per quem autem nunc venit , nisi per pontifices , per quos edictum propositum fuerat tanta poena ? Vae ergo pontificibus romanis , non ego dico , sed dominus . Vbi enim lex non est , nec praeuaricatio nec offendiculum *b).* Quae sunt ludibria ista superstitionis ? quid de iis disserimus , quasi Christus aperte non dixerit *c)* , *audite & intelligite.* Non vult pontifex romanus , vt audias : qui spiritum Christi habent , non possunt non audire , immo vero videntes vident , & audientes audiunt . Quid dicit dominus ? *audite & intelligite :* *non quod intrat in os coquinat hominem , sed quod procedit ex ore , hoc coquinat hominem , tunc accedentes discipuli eius dixerunt ei , scis quia pharisaei audito verbo hoc , scandalizati sunt.* Nonne & nos possumus dicere ? nostine domine pontifices romanos & eorum asseclas audito hoc esse scandalizatos ? At dominus , *omnis plantatio* , inquit , *quam non plantauit pater meus coelestis , eradicabitur.* Non magis id dictum in pharisaorum traditiones quam pontificum . Nostis , quae plantatio non est plantata a patre ? quae repugnat euangelio filii . *Filius enim & pater unum sunt d).* Sinite illos ; coeci inquit , *e) sunt & duces coecorum.* Tam dictum hoc de scribis & pharisaieis quam pontificibus , si in eodem errore verfantur . *Coecus autem si coeco duxit praefstat , ambo in foueam cadunt.* Id praefstant decreta , praecepta ,

T. 5

tra-

*a) Mat. XVIII. 7. b) Rom. III. 15. c) Matt. XV. 10. ii. 12. d) Job. X. 30. e) Matt. XV. 14.*

traditiones pontificum, si cum euangelio pugnant, ut in foveam cadant tam pontifices, quam qui eos sequuntur. *Respondens autem Petrus dixit ei; edisse nobis parabolam.* Utinam peterent vellentque ad discere, ut Petrus, qui Petri successores dici volunt: nolunt vero ipsi de iis doceri sicut Petrus, quod Petri successores non sint, & Petri doctrinam non sustinent a). Neque enim abs re est; quod potissimum Petrus petat edisseri parabolam. *Ait dominus ergo abhuc vos sine intellectu estis.* Absit ut putent pontifices romani hoc sibi a Christo posse dici, cum sanctissimi sint & beatissimi, & errare non possint. Q tempora! o mores! quasi vero ignoremus Babyloniae reges, quo spiritu agantur. *Non intelligitis, inquit dominus, quia omne, quod in os intrat, in ventrem radit & in secessum emittitur, quae autem procedunt de ore, de corde exeunt, & ea coinquinant hominem: de corde enim exeunt cogitationes malae, homicidia, adulteria, fornicationes, furti, falsa testimonium, blasphemiae.* A quibus si tantum abstineret homines, curassent pontifices romani, quantum a carnium esu die Veneris & Saturni; minus certe coinquinatas haberemus gentes & nationes, quae inuocant nomen domini nostri, Iesu Christi. At hi, vt firmarent eorum traditiones, non sunt veriti, eas praefettere precepto dei, quibus ne ego imponere videar, agam rebus minime obscuris. *Nemo omnium est, qui ignoret, quam incredibili numero multos annos Romae fuerint, immo vero floruerint meretrices, adulteri, scortatores, lenones, sicarii, lanistae, cynaedi, aleatores, harioli, vinolenti, scurrae.* Quidam, quod nonnulli ex his in honore summo fuerint apud pontifices: quod vulgare est dico, hosce homines impudicis declarationem testimonij XVIII. ros

ros non modo toleranter ferebant omnes esse in urbe, sed salutabant, ut sit, omnes qui occurrebant. Fuit per id tempus fortasse aliquis vel Germanus vel Italus, qui, dicto Christi confisus vel Paulli sententia, docuit die Veneris & Saturni carnibus vesci licere, nihil esse a mensa reiiciendum cum gratiarum actione. Id ubi rescitum est, omnes clamabant haereticum esse, in ciuitate non ferendum esse, omnes illum adspernabantur, omnes abhorrebant, nemo illum auditu, nemo dignum colloquio existimabat. Quid hoc, pontifices? Extra hanc rem ne verbum quidem expecto. Praeceptum dei est a), non moebabere, non occides, non furtum facies, non desiderabis uxorem proximi tui, non ancillam, non bouem, non asinum. Contemtores verbi dei ea diligentia praecepta ista soluebant, quasi qui seruarent condemnari solerent. Quid est, quod tam perditis viris, tu, tu pontifex, nihil commouebare? nam uterbas familiarissime. Quid est, quod hosce ipsos tui tam honorifice persalutabant? illum miserum, quodvis carnes comedisset sexta vel septima feria, omnes tamquam immanem & pernicirosam aliquam pestem fugiebant. Hic quoniam tergiuersari non licet contra Christum, qui mihi facit animum, quoniamque id mihi solum non respondes, quod solum audire volo, egomet dicam b), in templo dei sedens efferris supra omne, quod dicitur deus, offendens te tanquam sis deus. Praeceptura tuum seruari vis, non verbo, sed re: dei praeceptum verbo quidem egregie, re nihil, seroari curas. Non mihi, viri christiani, sed veritati eredite, transgressione praeceptorum dei potius videte, sedere pontifices neque valde commoueri; transgressione prae-

a) Deut. XX. 20. b) 2. Thess. II. 4.

ceptorum suorum surgere pontifices, conturbari curiam, clamorem tolli, *i lictor, mitram impone, colligamus manus, virgas expedi, tetrude in ignem.* *Gutae, inquies, peccatum est indignum.* Non negamus. Hic tu responde. Bonus vir inops atque egens suo commodo die Veneris hoedinam comedit, damnat: ii, qui exquisitissimis epulis, conchiliis, & omni genere piscium non vulgarium mensas extruunt, adorantur. Quae haec est, pater domini nostri, Iesu Christi, audacia & inscitia helluonum. Hic, ubi opus est, non verentur; illic, ubi nihil opus est, ibi verentur. Multa essent dicenda, principes christiani, quae ne molestus sim, prastereo. In uno pracepto pontificum de escis pluriculum sum moratus, ut reliqua, quae magno hominum incommodo inuexerunt pontifices isti, singillatim a vobis pro prudentia & pietate vestra perpendantur. Sunt enim infinita prope & multo his, quae diximus, grauiora, quibus misere onerarunt populum dei: qua de re Petrum audite clamantem a), nunc ergo, quid tentatis deum, imponere iugum super cervices discipolorum, quod neque nos neque patres nostri portare potuimus; sed per gratiam domini nostri Iesu Christi credimus saluari quemadmodum & illi. Ob id etiam Paullus apostolus b), misit deus filium suum factum ex muliere, factum sub lege, ut eos qui sub lege erant, redimeret. Et alibi c), pretio redempti estis, nolite fieri servi hominum. Omitto, quod manifeste iubet, non esse iudicandos in cibo & potu. Quibus sententiis communi & contineri non potuerunt pontifices romani, ut adimpleretur, quod de hoc ipso fuerat praedictum a).

a) Act. XV. 10. b) Gal. III. 4. c) 1. Cor. VII. 23.

Ieremia propheta *a*), posuerunt offendicula in domo, in qua inuocatum est nomen meum, ut polluerent eam. Nunc ergo tanto conuentu hominum & frequentia expedit, vt solo, solo aequentur praecepta pontificum, vt caput tollere christiana libertas possit, nisi forte exspectamus, vt, qui nos a lege Moysis sua morte redemit, iterum crucifigatur, vt redimat a lege pontificum. Episcoporum erat non onerare praeceptis propriis ecclesiam dei, non pugnare cum evangelio & monitis apostolorum: si quaedam pia videbantur, de quibus non erat praeceptum a domino, commonere & fraterne hortari poterant, paullumque imitari dicentem, *praeceptum domini non habeo, consilium autem do tanquam misericordiam consecutus a domino*, vt sim fidelis. Nunc vbi vel inscitia vel audacia elati isti pontifices, libertatis christiana nullaratione habita, grauissimis praeceptis oppresserunt populum dei, resistere ac repugnare tandem vos principes viri debetis, neque recusare sudore & sanguine Christi partam vobisque traditam libertatem pie, sancte & auguste defendere.

### R E C I T A C A P V T TESTIMONII QVINTVM.

Non dubitant, qui spiritu DEI aguntur, spiritum sanctum locutum esse per Paulum apostolum, cuius euangelium sanctum est. Itaque, qui Paulli instituta reiiciunt, spiritum sanctum reiiciunt: in quos adhuc clamat apostolus *b*), *an experimentum quaeritis eius, qui in me loquitur Christus?* Huius apostoli doctrinam & instituta ita sustulerunt pontifices romani, vt

*a) Ier. VII. 30. b) 2. Cor. XIII. 3.*

qui

qui eorum sedem apostolicam adpellent, quod Pauli doctrinam sequuntur, dicant malum bonum & bonum malum, ponentes lucem tenebras & tenebras lucem.

## DECLARATIO TESTIMONII V.

**N**ON possum non mirari vehementer tanta audacia fuisse homines, ut iis, quae diuino testimonio sancta & firma essent, manus inferre, & iura diuina confundere, & in coelum os suum ponere non sint veriti. Quia in re quid in causa fuisse dicemus nisi prudentiam hominum? quae, nisi probe se norit, quam sit infirma & tenuis; tam est temeraria tamque audax, ut facile efferatur in deum. Hinc illae cogitationes quorumdam impietatis & superbiae plenae, qui nonnulla vel frustra vel ad perniciem producta fuisse a deo queruntur, quasi ipsi ad rerum temperationem sedissent, multa melius fuissent dispositi. Horum certe sunt quam simillimi, qui spiritus sancti instituta per apostolum non sunt veriti rescindere. De quibus Irenaeus egregie, *deserti*, inquit a), igitur cum sint a paterna dilectione, & inflati a satana, abstiterunt sententiis ab eo, qui est deus, & putauerunt, quod a semetipsis plus inuenissent, quam a apostoli, se autem sinceriores & prudentiores apostolis esse. Qua de re Augustinus, *opus est*, inquit b) mitescere pietate, neq. contradicere diuinae scripturae sine intellectae sienon intellectae, quasi nos melius sapere meliusq. percipere possimus; sed cogitare potius & credere, id esse melius & verius, quod ibi scriptum est, etiam si latet, quam id, quod nos per nos metipso sapere possumus. Utinam perpendissent haec pontifices romani.

a) *aduersus haereses Valentini lib. III. cap. 12.* b) *de doctrina christiana lib. II. cap. 1.*

ni. Non enim ausi essent commutare, antiquare, evertete institutiones Paulli, quasi sapientiores. Vtinam vel legissent, quae colligunt, in principio eatum institutionum, omnes prope interpretes. Nam cum sic esset exorsus a), Paullus apostolus Iesu Christi secundum imperium dei; commentatur Chrysostomus b), porro ubique dum scribit apostoli nomen adiungit, ut audience erudiat, ne humana esse existiment, quae dicuntur. Secundum imperium dei commentatur Anshelmus c), non secundum suam præsumptionem: qui ergo ei resistit, imperio dei resistit. Theophilactus inquit, cum legem de constitudo episcopo & diacono sit Timotheo datus, se ipsum apostolum nuncupat, ut suis dictis faciat fidem, perinde ac si dicat; neque enim, quæ mea sunt loquor, sed eius, qui me ut apostolus sim definavit: caendum itaque, ne mea haec iusta praeterreas; neque enim hanc ipse mibi arripui dignitatem, sed domini, inquit, defugere mandata non queo. Quorsum vero interpretum testimonia? Nihil his valde opus est. Clamat apostolus d) an experimentum quaeritis eius, qui in me loquitur Christus? Quid ergo est? Spiritus sanctus dicit per apostolum e), melius est nubere, quam viri. Ac traditio pontificum f), damnabile est vuentibus velle nubere. Itaque prohibentur, etiam si vrantur. Erudit Paullus in spiritu sancto Timotheum, moneret, rogat ut denunciet, ne quis aliter doceat, quam ipse per imperium dei constituit de episcopo constitendo & diaconis: oportet, inquit g), episcopum esse irreprobusibilem, viuis uxoris virum, sobrium, ornatum

a) 1. Tim. b) in epist. ad Timoth. c) in epist. ad Timoth.  
d) 2. Cor. XIII. 3. e) 1. Cor. VII. 9. f) Decretum  
parte prima dist. 27. g) 1. ad Timoth. III. 2. seqq.

*tum, prudentem, pudicum, hospitalem, doctorem, non vinolentum, non percussorem, sed modestum, non litigiosum, non cupidum, sed suae domui bene praesumit, filios habentem subditos cum omni castitate, diaconi sint unius uxoris viri, qui suis filiis bene praefert & suis domibus.* At traditio pontificum a), in conjugio constitutus in sacerdotium adsumi non debet. *Vnius uxoris virum in episcopatum adsumi non debere,* diligentissime est obseruatum multis saeculis. Sed bene saepe adsumti sunt in episcopatum, non modo qui illis ornamenti careant, quae inesse iubet apostolus; sed etiam extra modum reprehensibles, ebriosi, impudici, inhospitales, imperiti, vinolenti, auari, multarum concubinarum viri, filios habentes impuros & in omni vita inquinatissimos & infames. Spiritus sanctus per apostolum adferit b), *vir suis corporis potestatem non habet, sed mulier; uxori vir debitum reddat.* Traditio pontificum c), presbyter uxorem suam quasi sororem diligat & quasi hostem fugiat. Id vero non intelligi potest ex consensu ad tempus. Quid hoc est, si instituta apostoli euertore non est, ut firmentur traditiones pontificum? Quid clamas Paulus? nempe si pontifices romani credidissent, Christum dei sapientiam in te locutum; numquam fortasse tua instituta susculisset: si quae in epistolis scribis, fuissent arbitrati, esse ex spiritu sancto, qui est spiritus veritatis, spiritus intellectus; putassent, credo, ea omnia obiecta, quae adducuntur, sapientiam dei & spiritum sanctum, tum in te is loqueretur, non ignorasse. Cum itaque tam temere tua instituta sublata videam, illud est consectorium, ut opim

a) decreti parte prima dist. 28. b) 1. Cor. VII. 3. 4. c) decreti parte prima dist. 35.

opiner, non credidisse illos, te per imperium dei<sup>a</sup>), ut tu adserebas, sed per prudentiam humanam ea locu-  
tum, in qua cum illi sese longe lateque superiores ex-  
istimarent; quid est, quod veriti sint in haec prorum-  
pere? Quod dignum & pudicum & honestum est, sua-  
demus (parum hoc fuisset, nisi aliquando addidissent,  
volumus, iubemus, praecipimus) ut sacerdotes & le-  
uitaecum vxoribus suis non cocant.<sup>b</sup>) Quasi vero  
indignum, impudicum, inhonestum esset, quod in  
te loqueretur Christus, dum ea institueres, apostole  
sanctissime. O blasphemias! Hortor, inquit<sup>c</sup>), mo-  
neō, rogo, ut tollatur hoc opprobrium: sacerdos ut  
que omni momento paratus esse debet, munditiae pietate  
securus, ne aut sacrificium offerat, aut baptizare  
cogatur, qui si contaminatus est carnali concupiscentia,  
quid facies? excusabit? quo pudore? qua mente usur-  
pabit? qua conscientia? quo merito hic exaudiri se  
credet? Haec Siritius. Miseret me atque pudet hu-  
ius episcopi. Nam quae est haec scriptorum sacro-  
rum inscitia & peruersa interpretatio? illud, ut sint  
vnius vxoris yiri episcopi, non tollit, quin possint  
esse sancti. Et damnatissima haeresis est eorum, qui  
putant matrimonium esse inquisitionem. Annoa  
daemoniorum est doctrina, quae prohibet nubere<sup>d</sup>). Castum coniugium ita deo est acceptum, ut plerique  
omnes adfirment, reputari a deo in sacramentum. V-  
sus ad generationem legitimus, solutio coniugalis  
debiti vxori, nonne sunt ex pracepto dei? o homo,  
tu quis es, ut statuas in peccatum, quod delis sic  
commendauit, ut censeatur inter sacramenta? cogi-  
tationes meae non sunt ut cogitationes vestrae, dicit do-

V

mi

<sup>a)</sup> I. ad Tim. I. 1. <sup>b)</sup> Siritius papa in epistola. <sup>c)</sup> verba Siritii pa-  
pac. <sup>d)</sup> I. ad Tim. IIII. 1. § 3.

minus. a) Quid tu extimescis, Siriti? Inniteris, ut vere dicam, prudentiae tuae, & super pectus tuum gradieris, &c., veluti Sara b), ad verba domini rides occulte. Quid contaminatum & immundum dicis, cum ipse, quod in te optime intorquetur, adseras, omnia munda mundis? per Christum tamen intellige, non per nos, ut tu fortasse arbitrabaris, ut merita, nescio quae humanae infirmitatis extolleret. Sed ego ad rem. Paullus si quando in sermonem incidit, praedestinationis ipso nomine exultat, quodque ex ea magnum imperium, praepotens dominatus dei, solidum gaudium electorum ostenditur, serio triumphat, tollit eam in coelum, neque sua commendatione contentus adhibet testimonia prophetarum. At romani pontifices eius praedicationis sempiterni hostes, nomen praedestinationis tam frequens tamque solerane in scriptura diuina oderunt, & sine offensione audire non possunt, atque in ea re, quod mirare, dicunt, aures se habere pias. Paullus non ex lege & operibus iustificari hominem apud deum contendit, quasi athleta fortissimus, fidem effert omnibus laudibus, eamque reputari ad iustitiam proponit gentibus & nationibus. Is sermo durus est pontificibus romanis & scandalum. Paullus infirmitatem nostram exponit, neque cogitari quidem aliquid ex nobis posse, adfirmat c). At pontifices romani, nescio quod, arbitrium liberum cum affectis commentati, vires humanas extollunt, neque curant vulgus omne in Pelagii blasphemias ruere. Merita hominum extenuat Paullus, passiones huius seculi minime dignas ad futuram gloriam ostendit d). At pontifices romani cum

a) *Esa. LV. 9.* b) *Gen. XVIII. 12.* c) *2. Cor. III. 5.* d) *ad Rom. VIII. 18.*

cum asseclis, nescio quid de congruo & condigno  
commentati, meritorios actus eliciunt, & merito-  
rum magnitudinem ita praedicant, ut ex his mercimo-  
nia ampla sint constituta, & publice nundinentur,  
proposita veritate & luce euangelii legalia & um-  
bras reiicit Paullus *a*), dierum, mensium & annorum  
obseruationes, declarat, obtestatur non esse repeten-  
das. Harum reductione & imitatione ita pontifices  
romani sunt delectati, vt implerint magna volumi-  
na umbrarum legalium & ceremoniarum *b*). Inue-  
hitur Paullus in eos, qui angelos mediatores inter de-  
um & homines adserebant, quod in veteri lege ali-  
quid erat, quod deferri preces nostras per illos ad de-  
um commonebantur. Hac causa epistola ad Collo-  
senses scripta est, in qua aperte refutat illorum com-  
mentum, monetque non nisi unum esse mediatorem  
dei & hominum Christum. Pontifices romani non  
modo angelos sed animas sanctorum hominum, exu-  
tas corpore, praeter Christum mediatores intercessio-  
resque esse contendunt, quod est interponi inter nos,  
& deum, quibus (vt illi loquuntur) mediantibus &  
intercedentibus nobis reconcilietur, & in eos, qui  
vnus, vnum Christum adfirmant pro nobis adstant  
vulnui dei, patronum, aduocatum, intercessorem,  
saeuiunt vniuersos. Quae omnia magno studio, in-  
credibili diligentia oppugnantur a pontificibus roma-  
nis, aduocatis etiam scriptoribus vndique eloquentis-  
simis & defensoribus pugnacissimis, qui dibaphum,  
qui hyacinthinam vestiant, magnis propositis praesi-  
mis, quod doctrina Paulli (huc omnia spectant) ad  
quaestum pontificum romanorum, ad firmandos cen-

V 2

sus

*a) ad Gal. IIII. 10. 11. b) Pontificale. Ceremoniale. Ra-  
tinoale. Missale. Pastorale.*

sus minime sit accommodata. Sed ut ego iam me his expediam, Paullus moset manifeste a), spiritum dicere discessuros quosdam de fide, & auscultaturos spiritibus erroris & doctrinis daemoniorum prohibentium nubere & abstinere a cibis, quos deus creauit ad percipiendum cum gratiarum actione fidelibus. Hortatur Timotheum, ut haec doceat: addit b), haec proponens fratribus bonus eris minister Christi Iesu. Nos haec proponentes fratribus adpellamur haeretici, cogimur in vincula, virgis caedimur, detrudimur in ignem. Crudelissimi Neronis & Diocletiani sunt exempla ista, romane pontifex. Liceat mihi in te Hilarii illa repetere, ubi in nos seruitia silent & tormenta ipsa defessa sunt, contra deum pugnas, concreta ecclesiam dei sacuisse, sanctos Christi occidis, religionem tollis, tyranus non iam humanorum sed diuinorum christianum te mentiris. Christi hostis vetus es, condis fidem contra fidem, doctor profanorum, euersor piorum, diuitias ad terrorem ecclesiae Christi disponis, ad labem, ad perniciem, imperitos rerum ad impietatem compellis, non trudis in carcerem ad libertatem, sed intra palatium honoras ad seruitutem: multis non gladio caput desecas, sed animum auro occidis, subrepis nomine blandienti, illudis specie religionis, Christum confiteris, ut ne ges Christi fidem, Christi mendax assertor euertis unitatem, procuras, ne pax sit, haeraes comprimis, ne christiani sint, sacerdotes honoras, ne sint episcopi. Haec, quae ille in alium, percommode ego in te, pontifex romane: quod indignissimum sit, per eum episcopum, quem nonnulli praesidem apostolicae doctrinae custodemque esse voluerunt, apostolicis institutis impudentissime sublatis apostolicam doctrinam esse eueram.

RE-

a) i. ad Tim. IIII. 1. seqq. b) i. ad Tim. IIII. 6.

**R E C I T A C A P U T  
T E S T I M O N I I   S E X T U M**

Pontifices romani non sunt veriti rescindere verbum dei, vt firmarent traditiones hominum, quos in spiritu vidit propheta Ieremias dicens a), & praeuertit is verba dei viuentis, domini exercitum, dei nostri.

**D E C L A R A T I O T E S T I M O N I I   V I**

**E**T si ex iis, quae diximus, in obscuro esse non potest, Christi spiritus loquentis in Paullo nullam habitam fuisse rationem, & propterea indignissime rescissum verbum dei, vt firmaarentur traditiones & mandata hominum; tamen vt audacia & impietas eius ostendatur, quem dominus Iesus interficiet spiritu oris sui, & illustratione aduentus sui b), pauca suggерam, quibus testimonii veritas comprobetur. Deus per Moysen famulum loquitur, repetit per Christum filium c), bonora patrem tuum & matrem tuam, sciat precepit dominus deus tuus. Quamobrem tales filios iubet esse in parentes vt illorum aetas ingrauefcens, in officio & pietate acquiescat liberorum. Ex traditionibus a pontificibus romanis probatis & firmis propter vitam monasticam saneitur, vt liceat homini, immo vero expeditat, parentes, fratres, sorores, liberos, relinquere. Decepti sunt, qui hoc tradiderunt, veluti Eustathius, a quo, et si damnato, cucullati multa accepisse videntur, falsa eius dicti interpretatione, quod adducent d), omnis, qui reliquerit dominum vel fratres aut sorores aut patrem aut matrem aut u-

V 3

x o -

a) Ier. XXIII. 36. b) 2. Thes. II. 8. c) Ex. XX. 12. Deut. V. 16. Matt. XV. 4. seqq. Marc. VII. 10. seqq. Col. III. 20. Eph. VI. 1. seqq. d) ex concilio Garencisi.

*xorem aut filios aut agros propter nomen meum; contemptum accipiet & vitam aeternam possidebit a).* Quod eo est dictum, si pro Christo, filio dei adserendo defendendoque eius euangelio, necesse sit quempiam omnia relinquere; ita sese accingere debet homo christianus, ut neque periculi impendentis meta, neque dilectione rerum sibi carissimarum ab assertione Christi, a defensione euangelii abducatur. Hoc illud est b), qui perdidit animam suam propter me, saluam faciet illam. Quod si parens tibi sit aut frater aut propinquus, qui de Christo male sentiat, tibique eam ob rem sit iratus, teque accuseret, curetque aut de medio tollendum aut abducendum a Christo, relinquendi sunt potius illi, quam Christus deserendus. Eam ob rem dixit dominus c), non veni pacem mittere sed gladium: veni enim separare hominem aduersus patrem suum & filiam aduersus matrem suam; & inimici hominis domestici eius. At si, pii tibi parentes fint, iam senio confecti, si sorores nubiles, si fratres, si liberi christiane agentes & indigentes ope tua; non licet tibi abire in solitudines, ut agas vitam monasticam & ocio languescas: multo sudore ac labore, ut pietatem serues, pater, frater, liberisunt nutritandi, multo sudore panis tibi & iis est comparandus, ut dicto dei sis audiens: quod, si pius es, mi frater, pluris facere debes, quam traditiones & mandata hominum, qui resciſſo verbo dei concinnunt d), licet parvulus ex collo pendat repos, licet sparso crine & scissis vestibus ubera, quibus te enutrierat, mater offendat, licet in limine pater iaceat, per calcatum perge patrem. An id est, quod declarat apostolus e)?

Si

a) Matt. XVIII 39. b) Iac. VIII 24. c) Mat. X 34-35. d) Hieron. ad Heliodorum de vita monastica. e) I. ad Tim. V 8.

*Si quis autem suorum & maxime domesticorum, curam non habet, fidem negavit & est infidelis deterior.. An hoc est, quod praecepit deus, honor a patrem tuum, per calcatum perge patrem? At vero, quoniam vita monastica eo maxime commendatur, quod coelibatum illa prae se ferat & colat, aliqua a nobis hic etiam sunt dicenda: qua in re extrema video quosdam secutos. Nam qui virginitatem ita extulerunt, ut nuptias improbarent, magnopere errauerunt: qui item nuptias virginitati praetulerunt, fecerunt indignissime. Paullus sanctissimus apostolus laqueum iniicere se nolle dixit: at consilium salubre quidem dedit, ut unusquisque in sua vocatione maneret. Solutus es, neque in fornicationem te labi vides: sat firmo corpore, firmissima mente, non accendi, non viri sentis? Donum hoc non vulgare est, mi frater, ex deo, ex deo est. Non esto superbus, non immemor, non ingratus. Non haec sunt ex carne & sanguine, ex deo sunt haec munera, gratiae deo agendae sunt: nam in vocatione, persista in coelibatu. Non tamen ex eo pii parentes & fratres deserendis sunt. Si ocium fugiendum est, non deerit ager vel alienus, in quo defatigere, ut ex iis, quae supersint, eleemosynas des, & openia, inquit dominus a), remittentur tibi. An velut amica lutosus amandari & ad claustrum tantummodo alivis, ubi pane alieno victites, ociosus, numquam proximum adiuturus. Nam quod depreciatione isthuc te facturum polliceris, potes aequi in villa atque urbe, more Paulli & ceterorum apostolorum, quos imitari debemus. At si ligatus es, inquit apostolus b), non est quaerenda solutio, custodienda exor, sicuti & caro tua; succurrentum item fratribus sus-*

a) *Luc. XI. 41.* b) *i. Cor. VII. 27.*

sustentanda est vita patris & matris , pie educandi **liberi**, eorum ratio tibi reddenda est veluti villicationis & hic & alibi. Nam quod documenta eam rem **nobis** voluit esse apostolus in episcopo deligendo , imprudenter fecerunt , qui signum de episcopo & veluti experimenti genus non incertum sustulerunt. **Filios babentem** , inquit a) , *deligeret oportet cum omni castitate* : ad quod respexisse videtur concilium Carthaginense tertium b) , *ut episcopi vel clerici suas filios & sua potestate per emancipationem exire non sinant* , nisi de moribus eorum fuerint & aetate securi , *ut possint ad eos iam propria pertinere peccata*. At si quis in fornicationem dabitur , etiamsi in claustro sit , si accendi , si vti se sentiat , *melius est* (inquit apostolus c) , *nabere quam vri*: ea remedia nulli hominum generi sunt deneganda ; siquidem ob id dictum d) , *propter fornicationem unusquisque suam uxorem habeat*. Hic magno numero cucullati & clerici , et si prope omnes impurissimi & falsi coelibatus inuolucro per quam similes sint , *vt dixit dominus e)* , *sepulcris dealbatis* , *quaedam foris adpareant hominibus speciosa* , *intus vero plena sunt ossibus mortuorum & omni spurcitia* ; clamant tamen & apostoli dictum obiciunt f) , *nemo militans deo , implicat se negotiis saecularibus*. Commentantur , per haec verba Paulum mandasse , *ut sacerdotes coniugio abstinerent* , ne negotiis saecularibus implicarentur : quasi vero regnis inhiare , tyrannidem exercere , confiare bellum , hos atque illos detrudere de regnis autis , in his spurious suos collocare aut cognatos , excitare reges , aduocare caesares , condu-

a) i. Tim. III. 4. b) concilium Carthaginense iii. cap. 14.

c) i. Cor. VII. 9. d) i. Cor. VII. 2. e) Matt. XXIII. 27. f) 2. Tim. II. 4.

cere externas nationes, permiscere omnia, perturbare bello prouincias christianas ob regnum obtinendum, agere internunciis, legationibus vltro citroque, negotia saecularia non sint & mentes non implicit. Sed quoniam haec sunt sanctissimorum pontificum romanorum propria, ad ea venio, quae sunt eorum asseclarum. Quasi vero ambitione titillari, subuifidis pilei & rosei desiderio ardere, & primam cathedram in ecclesia, vt pharisaei in synagoga, adpetere, in fastu illo per urbem incedere, palatia exaedificare ad memoriam, piscinas & septa ad gulam, equos alere & canes ad voluptatem, & sexcenta parare vt in omni luxu viuant, negotia saecularia non sint & mentes non implicit. Coniugium unum negocium saeculare est. Quanto melius ex hoc ipso colligit concilium carthaginense tertium a), non castum coniugium sed diuitiarum curam & ardorem auaritiae ab episcopis & clericis ex sententia apostoli esse abigendum. Ut episcopi, inquit, & presbyteri & diaconi vel clerici non sint conductores neq. procuratores neque ullo turpi lucro vel in honesto negocio victum quaerant; quia respicere debent scriptum esse, nemo militans deo implicat se negotiis saecularibus. Et carthaginense quartum b), ut episcopus villem supelletilem, ac mensam & victum pauperem habeat, & dignitatis suae auctoritatem fide & vitae meritis quaerat. Non loquor ad sensum episcoporum nostrorum; fateor. ex Pauli apostoli sententia loquor, quam si fecuti fulf. sent pontifices romani, non in hos abusus abiisset ecclesia. Audite vos, obsecro, principes christiani, Paulum apostolum, ubi episcopi nolunt audire. Scribit is ad Timotheum episcopum de episcopis, qui &

V §

qua-

a) concil. carth. III. cap. 15. b) conc. carth. III. cap. 15.

quales esse debeant, ut deo militantes non implicentur negotiis saecularibus. *Haec doce & hortare, si quis aliter docet, non acquiescit sanis sermonibus. domini nostri, Iesu Christi a).* Quanti id est? *Si quis aliter docet, non acquiescit sanis sermonibus Iesu Christi.* Pergit sanctissimus apostolus?.. *Habentas alimenta & quibus tegamur, hic contenti simus.* His, inquam, contenti simus. *Nam qui volunt diuites fieri, incident in tentationem, & in laqueum diaboli & desideria multa inutilia & nociva, quae mergunt homines in interitum & perditionem: radix enim omnium malorum est cupiditas.* Sunt haec clarissima, quae vel satis esse deberent episcopis, qui pro regno, pro censu firmando digladiantur & apostoli dicta inuentunt, veluti & illud b), qui in carne sunt, deo placere non possunt: *vos autem non estis in carne, sed in spiritu.* Quod non eo dictum est, ut coniugio sit abstinentia; sed ne veluti carni omniho simus, neve secundum carnis sapientiam ambulemus, sed in spiritu. Nam si hoc esset, esse in carne, uxorem habere, ut isti dicunt, illud esset consequens, neminem omnium, qui uxorem habeat, deo placere posse: christiano itaq. homini uxorem ducere, fas non esset. Ecquae commenta haec sunt? Pudet me horum theologorum. Mala, inquit, sunt opera carnis. Est id profecto verissimum. At quae sunt opera carnis? num castum coniugium? num matrimonium sanctum? num thorax immaculatus? minime. Sed fornicatio, inquit apostolus c), immunditia, impudicitia, luxuria, idolorum seruitus, beneficia, inimicitiae, contentiones, aemulationes, rixae, dissensiones, scotae, inuidiae, homicidia, ebrietates & his similia? quae in homine if-

a) 1. Tim. VI. 2. seqq. b) Rom. VIII. 8. 9. c) Gal. V. 19. seqq.

christiano esse non debent. Haec si, ut par erat, fuissent exposita & illustrata, non in claustra refugient multi, veluti abhorrentes a pracepto dei, quod est a), crescere & multiplicamini. Itaque persuadendum erat iis, quibus illud virginitatis munus a deo non erat concessum, ad aliud sese esse vocatos, quod si pudice seruarint, deo fore acceptissimos, dignosque ut ad omnes gradus, ad omnes honores prouehantur, modo curent ut coniugali sacramento crescant, & domino legitime multiplicentur, familiae bene praesint. Nunc si quis fiat episcopus vel presbyter ex iis, qui vxorem habeant, coelum & terra iniscentur: episcopus sine uxore, si in omne genus veritatem libidinis ruat, toleranter fertur: si quis, ut cucullatus fiat, parentes, fratres, liberos, qui in egestate sint relinquat, pius habetur: at si iam senio confessis prope parentibus, si fratre mortuo, filiis superstibus, infirmissima aetate ut miseros sustentet ac lat; a claustro in patriam domum redeat; apostata est & sacrilegus appellatur. Si in cucullatorum manus venerit, auctoritate ea, quam habent a pontificibus romanis, in vincula coniicitur, adficitur suppliciis crudelissime, ut illud sit in comperto, a pontificibus romanis, ut firmarentur traditiones hominum, rescissum est verbum dei.

### R E C I T A C A P V T TESTIMONII SEPTIMVM.

Arroganter fecere homines & peruersi, qui Christi pracepta consilia adpellarunt, ut eo verbominus adstringi videamus; sanctiones autem pontificias pracepta dici voluerunt: cum contra, humana illa consilia & commenta erant adpellanda atque habenda; diuina vero Gen. VIII. 7. 10.

ro haec, quibus verissime sumus adstricti, *præcepta*, de quibus non ego dico sed dominus <sup>a)</sup>, qui soluerit unum de mandatis istis minimis, & docuerit sic homines, minimus vocabitur in regno caelorum.

### DECLARATIO TESTIMONII VII-

**S**i Christi mandata quaedam, quod imbecillitate virium humanarum vix seruari posse videantur, eo non sunt adpellanda præcepta, neque omnibus dicta sunt; quid dicendum de præcepto dei per Moysen <sup>b)</sup>, *diliges dominum deum tuum ex toto corde tuo & ex tota anima tua*. Num non omnibus est dictum? Quid de illo? non concupisces <sup>c)</sup>). Num quod imbecillitate virium humanarum vix seruari posse videatur, non erit præceptum? num non ad omnes spectat? Illa per Moysen seruari sunt iussa: haec per Christum, cuius mandata qui violarit, pollicetur se ultorem deus. Prophetam, inquit <sup>d)</sup>, suscitabo eis de medio fratrum suorum, & ponam verba mea in ore eius, loqueturque ad eos omnia, quae præceptero illi. Qui autem verba eius, quae loquuntur in nomine meo, audire noluerit, ego ultor existam. Quod si præcepta nihil aliud sunt, quam mandata cuiusquam præpotenti auctoritate præediti, quibus non seruatis poena in transgressores est constituta; ego quidem quod isti dicant, nihil video. Testimonium de auctoritate Christi quaerimus? dedit per Moysen pater amplissimum; proxime vera locutus est nobis in filium <sup>e)</sup>, *bis est filius meus dilectus, in quo mibi bene complacui, ipsum audite*. Iis mandatis adsignatis non poena sed poenae sunt constitutae, *quod qui non seruauerit, minimus vocabitur in regno caelorum, quod reus erit in di-*

<sup>a)</sup> *Matt. V. 19. b)* *Deut. VI. 5. c)* *Deut. V. 21. d)* *Deut. XVIII. 18. 19. e)* *Heb. I. 2. Matt. XVII. 5.*

*iudicio, quod reuerterit concilio, quod in carcerem mittetur, quod totum corpus eius ibit in gehennam a).* At vero in eodem capite habetur b), *diligite inimicos vestros, benefacite iis, qui vos oderunt.* Consilium est: quod sequitur c), *mutuum date, nabit inde sperantes, erit praeceptum.* Ex mutuo si quis teruncium acceperit, non est ferendum: cetera si non seruarit, sat potest ferri. Praeceptum est, ne quis uxorem dimittat, excepta causa fornicationis: quid ita? quia praeceptum est a Christo d), *audistis, quia dictum est antiquis, quicunque dimiserit uxorem suam, det ei libellum repudii: ego autem dico vobis, quia omnis, qui dimiserit uxorem suam, excepta causa fornicationis, facit eam moechari.* Hac dicendi formula elicitur praeceptum. Bene est. Perge: item audistis, quia dictum est antiquis, non periurabis, reddes sicutem domino iuramenta tua: ego autem dico vobis, non iurare omnino e). Non est hoc praeceptum? quid ita? nonne eadem dicendi forma? nonne continuum est? non repetitum ab apostolo Iacobo? repetitum f). Non tamen est praeceptum, vel si praeceptum, non ita intelligendum, vt omnino non liecat iurare. Orathic seruus Iesu Christi, vos, principes, in quibus habitat spiritus dei, vt neque humili neque leui de re audiendum & iudicandum putetis. Nam quid hoc est? quid querar? quo me vertam? Vnum mihi tale aliquod ingenium esset, aliqua dicendi facultas, vt impietatem istorum si non omni, aliqua saltem ex parte possem ostendere! instituta apostolorum sublata sunt, doctrina apostolica euersa, recessum est verbum dei, quae tanta ista impietas con-

iu-

a) Mat. V·22. seqq. b) v. 44. c) Luc. VI·34. d) Matt. V·31.32. e) v. 33. 34. f) Iac. V· 12.

iurauit in diuinum ius, vt iis rebus non potuerit **expleri**. Ea impietas, ea impietas, nisi occurritis, **principes**, nisi resistitis; recta ad euertendum euangelium Christi, recta proficiscitur: & quoniam prudencia humana inimica deo est, cum ea hostes Christi **societate inita**, impietate duce, bellum inferunt euangelio. Mirum quot tormenta quacunque potuerunt adduxerint, quod auctores ex magnis commentationibus allegarint, vt terra marique oppugnetur praeceptum Christi. Sed ego, vt belli huius causam **exponam**, pauca dicam, **principes**, quibus vos de tota refacilius iudicare positis & pro vestra pietate malo perniciosissimo mederi. Prudenter non modo iudeae sed & populi Graeciae veteres & Romani facere visi sunt, quod iuramentum in omnibus prope rebus adhiberent. Hinc iuratos indices, iuratos testes, iuratos milites, iuratos magistratus, iuratum senatum passim legimus, & quid denique non iuratum in singulis, quae antiqui obibant tum publice tum priuatim, vt vel maxime iurisiurandi religione, quae penderent ex promisso, firmiora essent? Indignum visum est pro prudentia nostris hominibus, tam frequentem tam solemnem morem pracepto euangelico omnino tolli; omnia meditati, omnia commentati sunt, ne tolleretur solemnis gentium usus & consuetudo; cum tamen a Christo dictum meminisse poterant, qui haec praeuidebat, sic fore aliquando, *in dies gentium ne abieritis a)*. Alii non a iuramento dixerunt Christum praecepsisse, vt abstineremus, sed a periurio. O miram crassitudinem! o ineptias singularis! Sic enim agunt, quasi verba domini obscura esse possint. Existabat praeceptum, vt a periurio abstineremus. Non hoc adsumit Christus, sed a) Mat. X. 5.

Nud & maius infert. Quid? *Audistis, quia dictum est in antiquis, non periurabis, reddas autem domino iuramenta tua: ego autem dico vobis, non iurare omnino a).* An potuit dici clarius, quam non iurare omnino? Alii, quia hoc non valde placebat, aliud commentati sunt, Christum non praecipisse per haec, ne iuraremus, sed voluisse omnino, ut neque per coelum neque per terram, quod est, neque per nomina angelorum, neque per angelos, neque per capita hominum aut creata reliqua, sed per ipsum deum iuraremus. Est profecto hoc commentum illius pharisaici quam simillimum, quod improbat dominus, quia sua verba lux mundi, imago dei, in obscuro esse noti patitur. *Stulti, inquit b).* Quid hoc est? *quicunque iurauerit in templo, iurat in illo & in eo, qui habitat in ipso, & qui iurat in celo, iurat in throno dei & in eo, qui sedet super eum: cum praecipit ergo Christus c), non iurandum neque per coelum, neque per terram, quia coelum thronus est dei, terra autem scabellum pedum eius;* praecipit non esse iurandum neque per eum, qui in throno sedet. Itaque ut christiane & euangelice nonnulli multis iam saeculis docuerunt, & aliqui nostris temporibus contendunt, Christus vetuit omnino suos iurare. Quid dicitis, pontifices? non teneri pracepto Christi populos, aut teneri? Nam quod omnia commoda nostra, spem, salutem, vitam obtainemus a Christo; non puto vos aperte nobis fuasuros, ut a Christo recedamus: id quoniam clandestinis consiliis, cum asseclis & collegis vestris agitis, ut scilicet vos secuti, recedamus a Christo; genus eiusmodi hoc est, quod principum animos excitare atque inflammare debet. Nam quod

a) *Matt. V. 33.34. b) Matt. XXII<sup>r</sup> 22. c) Matt. V. 34*

eo vsq. vos diligitis, vt neminem dignitate exaequari patiamini, potest hoc, si velint homines, ferri: sed quod praecoptis Christi nolitis adstringi homines sed vestris; hoc non est iam cum hominibus sed exaequari cum Christo, immo vero & superare & vincere velle: id, si quid noui ego hos, principes non ferent: qui quoniam non vt contemtores verbi dei, sed vt iudices veritatis, pulcherrime sedent; recitemus omnia argumenta, quibus vestri assaeclæ per vos egerunt, non vt verum inueniretur, sed vt falso abducerentur gentes & nationes.

Deus iurat: ergo nobis licet iurare. Quantus est veritas, principes, quantus est spiritus Christi, nihil poterat adduci, quo sensus domini magis eluceret, *non esse iurandum*, quam hoc ipsum argumentum, in quo, quoniam veluti ex praecedenti agunt & consequenti, quod deus iuret propterea & nobis liceat iurare; primum illud esset videndum ex collatione, qui nos homunculi simus, quis & quantum sit deus. At ego quidem neque mearum virium tam malus sum aestimator tamque ignarus, vt ausim eo ingredi, unde nulla umquam inuentura exitum oratio est. Tantum cum propheta colligam a), domini esse terram ad plenitudinem eius, domini esse coelum & quidquid ubique est, domini eam esse potentiam, ut quaecunque voluerit, fecerit in coelo & in terra. Quam contra sit vis exigua vel nulla hominum, non crediderim ego melius usquam ex alio intelligi posse, quam ex his verbis domini: *non potes*, inquit b), *non potes unum capillum facere album aut nigrum*. Mira haec virtus exiguitas & impotentia. quae propterea hic monstrata est a sapientia aeterna dei, Christo, ne omni-

a) Ps. XXIIIIT 1. Ps. LXXXVIIIT 12. Ps. CXXXV-

b) Matt. V. 36.

nino iuraremus, qui nihil habeamus, quod iuramento interponere & polliceri possumus. *Si per coelum polliceris ac iuras, coelum, inquit dominus, thronus est dei; si per terram, terra est scabellum pedum eius; si per Hierosolymam, ciuitas ea est magni regis: per caput, inquires, meum iurabo, hoc quoque tuum non est: nam omnes dapi illi capitum tui numerati sunt a), neque ex his tam minimis capillum potes facere album aut nigrum.* Quid ergo est, quod tam magnifice possis polliceri, quod est iurare? Ridicula ergo illa sunt magni tanten cuiusdam interpretis, *cum dicit quisquam, per meam salutem, salutem suam deo obligat;* quando dicit per filios meos, oppignerat deo filios suos: quasi haec omnia non sint dei. Sed ego redeo ad argumenta aduersariorum. Deus iurat. Nostin' quare? quia omnia unus nouit, omnia sunt eius, is firmissime potest polliceri, is vere potest iurare, quia omnia nouit, omnia quaecunque voluit, fecit in coelo & in terra b). Nam per quid iurat? *Per memetipsum, inquit c), iurauit dominus:* quia ipse unus est omnia in omnibus, ipse sibi regnat; *tui autem filii tui non sunt, immo vero tu tuus non es, sed domino tuo stas aut cadis d).* Cognoscet ergo, quam sis exiguis, vel melius, sine deo nullus. Quamobrem, ait dominus e), *auditis, quia dictum est antiquis, non periurabis,* reddes autem domino iuramenta tua: *ego autem dico vobis, non iurare omnino, neque per coelum, quia thronus deus est, neque per terram, quia scabellum est pedum eius, neque per Hierosolymam, quia ciuitas est magni regis, neque per caput tuum iuraueris, quia non potes unum capillum al-*

## X

bum

- a) Mat. X. 30. b) Ps. CXXXV. 6. c) Gen. XXII. 16.  
d) Rom. XIII. 4. e) Mat. V. 33.34.

*bum facere aut nigrum. Sit autem sermo vester est est, non non: quod autem ab his abundantius est, a malo est.*

At vero apostolus Paullus iuravit. Qui haec dicunt, si ab interpretibus graecis potius petant, quos linguae Graecae peritiores fuisse par est, quam a latinis, passim legent, *adseuerantis haec sunt Paulli, non iurantis.* Huiusmodi illa sunt a), quae autem scribo vobis, ecce coram deo, quia non mentior. Et deus scit & testis est mihi deus b). Nam in eo quotidie morior, per nostram gloriam c). Nihil est tantopere mirandum, quod particula usus est, quam Graeci solent adhibere iurando. Tale quid est nostrum per, quo utimur vulgo, cum firmiter aliquid volumus adseuerare. Hac ipsa Graecorum voce nostrum *Hercle & medius fidius*, nescio quid, est maius, quo tamen nonnulli nostro quoque tempore utuntur: eos si roges, dicent nihil a se longius abfuisse, quam per Herculem jurare. Significatum vetus recessit, vox ipsa remansit, quam veluti longo usu tritam & nostram eloquentes scriptores ad numerum orationis aptam non reiiciunt d). Sicuti enim, cum viam aliquam quotidie imus ac redimus, singula, quae pede terimus, non respicimus, sed quacunque pedes apte ferunt, incedimus, praesertim si in cogitando fuerimus occupati; sic in progressu & filo orationis in singulis vocibus non insistimus, sed quaecunque opportune nobis offeruntur, eas accipimus, ut ad maiora quae-dam

a) Gal. I. 20. b) Rom. I. 9. c) I. Cor. XV. 31 d) Tale iurandi genus non rei aut negocii, sed moris & usus esse, Hermogenes contendit, qui est frequens scriptoribus graecis assuerantibus & non iurantibus ad uenustatem orationis δραμάτων. Hermogenes περὶ μεθόδου δειγότητος.

dam, in quibus totus est animus, veniamus: in minimis istis & in singulis litteris atque interpunctionibus occupari, non modo theologis, qui praepetis mentis haustus ex aeternis illis mentibus sequuntur, sed etiam oratoribus antiquis puerile ac turpe fuit. Ex sensu Pauli nihil est, quod per uertas praeceptum Christi. Sensus enim ex verbis illis hic est apertissimus: si Christus non resurrexit, ut quid nos periclitamur omni hora? *quotidie*, inquit, *moriō, nac gloria nostra*, quae ex resurrectione est, de qua, inquit, quia non ambigo, omni hora tot periculis me expono, ut quotidie prope moriar, & libenter quidem: *nac nostram ob gloriam* scilicet resurrectionis, quam habemus in Christo, domino nostro, in quo gloriamur, quia primus resurrexit, ut certa esset fides nostra, sciremusque nos cum corpore, ut fecit ipse, reddituros aliquando esse in vitam. Nam quod quidam *per vestram gloriam* legebant, potuit fortasse ea res esse in causa, ut putarint iurasse apostolum. Quod vero idem dixerit, *ego autem deum testem inuoco ad animam meam, quod parcens vobis nondum veni Corinthum a)*: qui animaduertent, Paullum hic dicere, in ea re spiritu sese agi atque actum, quod cum voluisse ad Corinthios venire, tamen non accesserit, ut veteres eruditissimi interpretes colligunt b); nullum alium sensum nisi hunc elicient: ego autem quod Corinthum non venerim, ea fuit causa, ut vobis parcerem: testem inuoco deum & animam meam, quam desiderium tenebat ut ad vos venirem, sed contra spiritus dei nolebat: anima mea itaque desiderio tenebatur, ad eam testem inuoco deum, ad eam testis acce-

X 2

dit

a) 2. Cor. I 23. b) Chrysostomus, Athanasius, Theophilus, Lactius.

dit deus , cuius spiritus noluit vt venirem , ea causa ,  
 vt vobis parcerem . Saepe in iis , quae scripta sunt  
 diuinitus , dicitur anima desiderare , vt a ), quemad-  
 modum desiderat cervus ad fontes aquarum , ita des-  
 derat anima mea ad te , deus . Sonant ergo haec pro-  
 pe idem apud apostolum atque illa , ecce coram deo ,  
 quia non mentior : &c , deus scit ; &c , testis est mibi  
 deus : quae affectat apostolus , cum aliqua non ex se  
 veluti ex se , sed vt ex Christi spiritu solet adseuerare .  
 Sic enim haec dicuntur a Paullo tanquam in praesen-  
 tra dei , cuius spiritu agebatur : quod vt melius qui-  
 quis capiat , illud tractemus , quod est in euangelio  
 Iohannis b ), dicit Simoni Petro Iesus , Simon Iohannis ,  
 diligis me plus bis ? dicit ei , etiam , domine , tu scis , quia  
 amo te . Dicit ei iterum , Simon Iohannis diligis me : ait  
 illi , etiam , domine , tu scis , quia amo te . Dixit tertio , Sa-  
 mon Iohannis amas me ? Contristatus est Petrus , quia di-  
 xit ei tertio , amas me ? Tertius dixit ei , domine , tu omnia nosti ,  
 tu scis , quia amo te . Numquid in his iurauit Petrus ? ne-  
 mo omnium est , qui id dicat : nihil enim his verbis  
 dici potest modestius : nemo tanten dubitat , firmis-  
 me esse adseueratum : nam idem est , tu scis , tu scis ,  
 quia amo te , ac si dixisset , testis es tu , quia amo te ;  
 & si dixisset , quoniam tu ades , ecce coram deo , quia  
 non mentior , & testem inuoco te ad animam meam ,  
 quia amo te , aut si quid apostolice dici potest signifi-  
 cantius & firmius ad adseuerandum . Omnia ergo ,  
 quae apud apostolum huiusmodi sunt , non iurandi  
 causa , sed ea ratione dicta sunt , ne cui dubium sit ,  
 per imperium dei esse dicta , cuius spiritu plenus erat ,  
 in quo loqueretur Christus . Quae cum ita sint , ne-  
 mo tam audax esse debet , vt haec tam firmiter adseue-  
 rantis apostoli verba audeat usurpare , nisi qui per  
 a ) Ps . XXXXII l . b ) Job . XXI 15 . 16 .

imperium dei spiritu sancto actus possit dicere, experientum eius quaeritis, qui in me loquitur Christus.

Venio iam ad argumentum illud, in quo, veluti in arce, aduersarii se putant confistere, quod in epistola, quae ad Hebreos scripta est, illa habebatur.<sup>a)</sup> homines enim per maiorem sui iurare, & omnis contiouersiae eorum finis ad confirmationem est iuramentum. Facile quiuis hosce ex arce deiciat, facilissime denique ipsa corruet arx, si capit is epistolae plurimum quis admoueat. Non enim agit in ea epistola parte vir dei, quod licet iurare, sed ut veluti ab exemplo & more vulgatissimo hominum ostendat promissionem, quae Abrahæ facta est, firmam esse, quod iurauerit deus. Homines enim, inquit, per maiorem sui iurant, & omnis contiouersiae eorum finis ad confirmationem est iuramentum: in quo ergo abundantius volens deus ostendere pollicitationes haeredibus, immobilitatem consilii sui interposuit iuriandum. Nam quod dictum est, homines per maiorem sui iurant, ubi aduersarii petunt, non erit ab re, si ea verba perpendamus, homines iurant. Quid ea verba ponderis habeant ut sciatus, ab apostolo est sumendum, expedente Augustino, cuius haec sunt<sup>b)</sup>, cum enim dicitis, ego sum Paulus, ego Apollo, nonne homines estis? quid eorum volebat facere? Audite in Psalmis<sup>c)</sup>, ego dixi domini estis & filii excelsi omnes: omnes erga ad hoc vocat nos deus, ne simus homines. Ex quibus colligi potest, apostolum hic per homines intellexisse gentes & nationes, apud quas vigeret hic iurandi usus per maiorem sui, velut per primares & regem, & quale illud est, per Meropis, Steropisque ca-

X. 3

put;

a) Heb. VI. 16. b) Aug. in expos. in euang. Iohannio tract. r. c) 1. Cor. III. 5. d) Ps. LXXXII. 6.

*par*, aut quid simile, non christianos, quibus veluti opprobrii loco dicitur, *homines estis*. Sciebat vir dei, & confitentur isti, ne per maiorem sui iurarent, a Christo fuisse praeceptum; non ergo dixisset, homines christiani per maiorem sui iurant, cum ita iurare adserant, vetuisse Christum & per deum tantum iurandum dicant praecepisse.

Nam quod argumentantur, erroneum est dicere, iuramentum in lege noua simpliciter esse prohibitum, cum in lege veteri licuerit; quid? si quis *scotum* verbis fretus dixerit, erroneum est, dicere, diuortium, libello repudii dato, in lege nona simpliciter esse prohibitum, cum in lege veteri licuerit, num ferrent? Quid? si, ut pseudoapostoli possent dicere de circumcisione, erroneum est dicere, circumcisionem in lege noua simpliciter esse prohibitam, cum in lege veteri ea fuerit praecepta? Num ex eo concedenda est circumcisione? Hoe illud est, principes christiani, quod principio querebar, aemulatione legis sunt aliqui, qui nos conturbant & volunt concutere euangelium Christi.

Ii postremo, vt dicebam, inita societate cum impietate & prudentia, quae dei inimica est, sic instant contra euangelium, ordo iuris frequenter iuramentum exposcit, & quandoque utile est, quandoque necessarium, hominum commercia & principum foedera iuramento roborari. Hem, quid id est? vox haec sonat antichristum, antichristum haec vox sonat, principes. Nam quis non intelligat, quid dicat? non debere seruari praeceptum Christi, vt ordo iuris seruetur; infirmari debere verbum domini, vt principum ciuitatumque foedera roberentur. Quis Christi usque adeo est inimicus, qui ista possit audire

&amp;

& perpeti? Haec sunt illa vulnera, quae iis, in quibus aliquid Christi spiritus est, non possunt tractari sine dolore & gemitu. O consilia dissoluta & perditata hominum! vobis, pontifices, habete regna, vobis census, vobis honores, vobis cetera commoda & ornamenta: nobis sacrum, solemne, perpetuum, inuiolatum relinquite euangelium Christi. Quid hac postulatione dici potest aequius? Sinite, nos seruire deo nostro. Quid hoc dici potest humanius? Quod eo dicimus, principes, quod indignissimum sit, christianum hominem, si quid norit in causa, vbi verissime omnia, quae scit recensuerit, evoluerit, enumerauerit, inuitum cogi ad iurandum. Quid si dicit dominus, *nolite iurare omnino?* Antichristus pars denunciat, eo ipso, quod iurare nolint, sunt habendi haeretici<sup>a)</sup>). Nolite putare quidquam a me fingi. Verba haec ipsa decreti sunt pontificii: *eo ipso, quod iurare nolint, sunt habendi haeretici.* Hoc edictum publice positum latumque est, seruarique iussum multis sacculis a regibus Babyloniae romanae, de quibus iure per Ieremiam conqueritur dominus<sup>b)</sup>, *verba mea non audierunt & legem meam proiecerunt.* Quoniam vero dedit hoc mihi pater domini nostri, Iesu Christi, ut omnia aduersariorum obiecta facile diluerim, illud quoque ostendetur, quod obiiciunt, tam esse falsum, quam quod maxime.

Ciuile & communne bonum sine iuramento non posse stare. Contra ego dico, ciuile & communne bonum cum iuramento stare non posse. Quoniam Christus ipse mihi facit animum, facile probabo, omnia melius agi posse sine iuramento. Nam si, quid sit in iudiciis iuramentum, expendamus, ve-

rissime dicemus, iuramentum sicutam esse expeditissimum in manibus malorum contra bonos. Eos malos adpello, quos neq. amor in deum, neq. metus ex praecceptis dei cohibere potest a malo. Hi, nolite quaerere, quam facile pecunia, promissis, priuato commodo a veritate abducantur, modo putent rescissum non posse, modo impune facere, nihil est, quod testimonium non diuendant, non dent mutuum, non donent pro gratia fribi concilianda ciuium potentiorum contra tenues & miseros homines, mirum praeterea odium, incredibilis inuidia, magnae iniuriae saepissime latent in hoc hominum genere. Quamobrem nihil est melius, quam si hic mucro, quae se ipsos confodiunt ac iugulant, de eorum manibus extorqueatur. *Est enim, ut inquit vir dei a), iaculum, gladius, & sagitta acuta, homo, qui laquitur contra proximum suum falsum testimonium.* Quid ergo, inquirent, testimoniū usus est tollendus? Non ego id dico. At aliquam rationem excogitandam putto, qua commūne bonum fiat auctius & praecceptum Christi firmissime stet, *ne iuretur omnino.* Nam in testimonio dicendo a bonis, nihil necesse est petere iuramentum; siquidem si boni fuerint, si non turpitudine mendacii, praeccepto dei vel maxime continebuntur, quod est b), *non loquaris contra proximum tuum falsum testimonium.* Hoc mandatum si mali contemnerint, neque poenae aeternae propositae metu, neque imperantis dei maiestate petterebuntur, num iuramento sese continebunt? Quid si per ciuitates aliqui seniores deligantur viri spectatae fidei, qui, veluti per annum censores, videant, si quando testimonium est dicendum, an qui testimonium est dicturus, dignus sit, ut ei fides habeatur; melius erit con-

a) *Prov. XXV. 18.* b) *Exod. XX. 16.*

sultum testimonius dicendis , etiamsi nullum intercesserit iuramentum ? Eius loco placeret , vt is senior , qui ecclesiae praefest , commoneret eum , qui testimonium est dicturus , vt in memoria habeat proposatum esse praeceptum dei a) , ne falsum testimonium loquatur , standum pro ea re non multos post annos ante tribunal Christi severissimi iudicis ; prainde ea testimonio non agi tantum dere proximi , quantum de dicentis testimonium salute . Poenae interim ex cili iure possent constitui , vt , si constiterit aliquem falsum testimonium dixisse , pontificum romano-rum bullâ emta , vt turpissem fit , non posse poena subleuari ; sed vt is in ciuitate omnis honoris ac numeris sit expers , & aequus index , qui litem suam fecerit , & patronus , qui sit praeuaricatus , & is , qui testimonio aliquem circumuenerit , veluti causae aduersarij addictus & iudicii periculum & primam sortem & litigis aestimationem praestare debeat . Pro commerciis hominum quod obiciunt , nihil iuramento opus est . Optime enim caueri scripto & viris idoneis aduocatis potest . Ciuitates vero si quid inter se transigunt , si quid metuunt non seruatum iri , magnorum hominum fidem accipere & obsides inter se dare possunt . Quo iuramento adhaec non accedit , eo agetur melius , quod multa excogitabuntur , quibus firmiora sint promissa , & periuicio nullus sit locus : siquidem natura ita constitutum est , vt id potissimum quisque exiret ; in id animum intendat , quod sibi bono est . Quamobrem , qui ab officio discedere vult , facile causam repererit , vel ex iure naturae vel gentium vel forasse diuino , quae causa iuramento aliquo , quod iuravit , se non pudet teneri . Non deerunt , sicuti nesciuerent utramque assentatores legulcii vel sophis .

a) Exod . XX . 16 .

X . 5 .

tae .

tae, qui persuadeant, eaque adducant, ut quod voluntus facile credamus, non teneri nos iuramento. De principum foederibus nihil dico. Neque enim est dubitandum, christianos principes optime consulturos, ne minuatur maiestas praeceptorum Christi eorum causa: qui quantum imperio & dignitate, tantum fide ceteris praestare debent; cuius in primis regium est, summam habere rationem cum fidei observatione, qua nihil est sanctius, tum boni nominis causa ad posteritatem, tum quod in excelfo atque illustri loco sunt constituti, ut nobis exemplo sint pii, felices, augusti principes, a quibus omnia bona sunt exspectanda, idque praecipue, ut in singulis praeceptis Christi restituendis studium, diligentiam, curam adhibeant, dignam animis tantorum regum, ut disciplina christiana ad priscos redintegretur mores. Eo enim peruentum est opera eorum, qui veluti veneficita quaedam miscuerunt euangelio Christi, ut vox illa non vnius cuiusdam videatur interpretis, sed vere piae & deplorantis ecclesiae. *Vetat Christus, ne iuremus omnino & pluribus verbis inculcat;* & tamen ob tris drachmas iuramus passim, sic excusantes, non est iurandum scilicet temere. *Vetat ille irasci;* mox subiicimus temere. *Vetat ille compellare quendam contumeliosus;* nos etiam colaphos impingimus, denique occidimus, & excusamus, non laedendi sed castigandi animo. *Vetat ille, ne manus offeramus,* ni prius redditum sit in gratiam cum fratre; excusamus, si petat ille ignorisci, & si satisfaciat. *Vetat, ire ad iudices pro credito,* sed rem transfigi iubet cum aduersario; nos ob sex oboudos coniicimus proximum in vincula, & iure agere dicimur, immo definimus peccare cum & negligentia reum agimus, qui ius suum hac via non persecutur. *Vetat,* iniuriam iniuria retaliare, etiam iure (nam antiquitus

retalioris poena sine iudicio, ni fallor, non permittebatur; nos ob paucos nummos subductos hominem ad suspendium adigentes excusamus, ius persequor non vindictam. Veniat ille, resisti malo: nos excusamus, consilii esse non pracepti, licere nihil feci, vim vi repellere: et, ne singula persequar, iubemur diligere inimicos, bene mereri de male merentibus, bene precari male precantibus; excusamus, optabo inimicis meis mentem meliorem, signa familiaritatis non teneor exhibere. Postremo communis execusatio opponitur omnibus, perfectis haec praecipiuntur, neque quisquam interim ex tam multis, qui se perfectio-  
nis titulo venditant, agnoscit perfectae pietatis professio-  
nem cum exigitur officium, ut ista bene frustra dicta sint  
a Christo. Haec ille a). Quae verissima quidem  
funt, quibus bonorum animi maxime commouentur,  
quod commendationibus istis rescissum fuerit multis  
iam saeculis euangelium sanctum; imminuta maiestas  
praceptorum, abductae gentes & nationes a  
Christo, quem per Esaiam, principes, audire potes-  
tis his vocibus lamentantem b), haec dicit dominus,  
redemptor tuus, sanctus Israel, ego dominus deus tu-  
us, docens te utilia, gubernans te in via, qua ambu-  
llas. Utinam attendisses mandata mea; facta fuisset  
sicut flumen pax tua, & iustitia tua sicut gurgites ma-  
ris, & fuisset quasi arena semen tuum, & stirpes vteri  
tui sicut lapilli. Utinam attendisses mandata mea.  
Quae verba commouere vos debent, principes, ut in  
hanc curam incumbatis. Dat nunc nobis deus &  
pater domini nostri, Iesu Christi, ut una hac ipsa re-  
facillime mederi huic malo positis, una hac ipsa re-  
fi hoc loco ad agendum amplissimo declarari curauen-  
tis, diuina consilia Christi, ubi consilia adpellata  
sunt, praferenda esse omnibus hominum sanctioni-  
bus;

a) Erasmus in annotat. epist. ad Cor. I. cap. 7. b) Esai.  
XXXVIII. 17. 18. 19.

bus, ea denique sacra solemnia perpetua esse p̄aecep-  
ta filii dei, quibus verissime omnes simus adstricti, vt  
ea declaratione vulgata, atque accepta ab omnibus  
gentibus & nationib⁹, quae inuocant nomen do-  
mini nostri, Iesu Christi, illud sit consecrarium, vt,  
si qui per donum dei ea p̄aecepta seruauerint, mag-  
nas deo gratias agant, per quem seruarint, si non ser-  
uarint, id ipsum dolentes, vbi vitam aliam institue-  
nint, erecto animo gratias itidem agant, quod per spi-  
ritum sanctum sibi remissae sunt iniquitates, vt ad lu-  
cem & splendorem gratiae Christi & gloriam dei om-  
nes confiteamur infirmitatem nostram & peccata  
nostra, quae tollens agnus dei, Christus dilexit nos  
& seipsum tradidit pro nobis, vt uno sanguine abluti,  
uno spiritu iustificati, simus omnes perfecti, non  
habentes maculam aut rugam <sup>a)</sup>). Quod si verum,  
si pium, si sanctum vobis videtur, principes, exigit  
pietatem iacentem, tuemini euangelium, proponi-  
te vobis ante oculos Christum, imminuta p̄aecepto-  
rum maiestate humilem, contemtum, abiectionem.  
Id si quid vos tangit, declarate iam sententiis vestris,  
neque imperia neque regna neque liberos neque vi-  
tam neque denique rem ullam maiestate Christi vobis  
esse potiorem.

### R E C I T A C A P V T TESTIMONII OCTAVVM.

Hominum commenta, pontificum de-  
creta, conciliorum sanctiones, quaecunque  
scriptae lataeque sunt contrariae euangelio Iesu  
Christi & actis institutisque duodecim aposto-  
lorum, canonicis libris scriptis, daemoniorum  
doctrinam esse, neque potuisse ab hominibus  
con-

<sup>a)</sup> Eph. V. 27

conueniri in nomine Christi & congregari in spiritu sancto contra Christum ; dicente domino a), qui non est tecum , contra me est , & qui non congregat tecum , spargit.

## DECLARATIO TESTIMONII VIII.

**E**ccliae coetus , synodi , concilia , in quibus vere in nomine Christi conuentum est , sanctissima & firmissima sunt & erunt semper , quorum auctoritas ex eo colligitur , quod receperit dominus b) , dico vobis , quod si duo ex vobis consenserint super terram , de omni re , quamcumque petierint , fiet illis a patre meo , qui est in celis : ubi enim duo vel tres congregati in nomine meo , ibi sum in medio eorum . Quae verba diligenter sunt expendenda : habent enim plus ponderis quam vocis . Nam his non bene acceptis , disciplina christiana conciliorum licentia prolapsa est : iisdem optime expensis , a vobis , principes , in quibus habitat spiritus dei , conciliorum sinceritate facile potest restituiri . Conciliorum firmitudinem non facit locus , in quo conuenitur : quod indefiniti- te sit dictum , ubi duo vel tres congregati fuerint , non magis Niceae quam Laodiceae . Maiorem minorem numerum eorum , qui conuerterint , non video , ut quidam putant , debere tantopere expendi , cum dixerit dominus , Si duo vel tres congregati fuerint . Si sexcenti , si mille , si duo aut tres fuerint , nihil refert ; modo quod est ad firmitudinem concilii non destit . Illud etenim est certissimum , concilia multa , in quibus incredibili hominum numero conuentum est , ex deo non fuisse ; cuiusmodi conuentus ille magnus regis Babylonii in statuae dedicationem c).

Ta-

a) Matr. XII. 30. b) Matr. XVIII. 19. 20. c) Dan. III. 2. seqq.

Talia prope infinita ut omittam, vnum illud a) exempli causa satis erit. Congregati sunt principes sacerdotum & concilium fecerunt, ut Iesum dolo tenerent: princeps autem sacerdotum & omne concilium quarebant falsum testimonium contra Iesum. Negabitne quispiam hoc ex deo non fuisse? Hoc concilio non dubitate significata fuisse, veluti certissimo typo & figura, concilia omnia, in quibus id agitatum est, ut aliquid a sapientibus mundi excogitaretur pro firmandis hominum commentis, decretis & traditiohi- bus, quibus rescissum fuerit verbum dei, conuersum euangelium, imminuta maiestas praceptorum Christi. Quaesitum est saepe falsum testimonium contra Iesum, cum congregati homines pro cupiditate explenda, dicam planius, vel avaritiae causa, pro regno, pro ditione, pro censu, pro immunitatibus firmandis, vel ambitionis gratia, pro primatu, pro praeeminentiis, pro prerogatiis statuendis, falsum testimonium quaesuerunt contra Christum, mententes, se fuisse congregatos in nomine Christi, qui nihil minus iussit, quam pro hisce rebus in nomine suo congregari eos, quibus illud dicebat, quos ne- dum harum rerum sed ne cibi quidem aut vestitus voluit sollicitudine teneri b). Nam quod quidam ex- pendunt verba domini, dico vobis, si duo ex vobis, illud vobis non est negligendum, quod iis dicatur quibus dixerat, vos estis sal terrae c), & cum abiret ad patrem, de iis inquit d), de mundo non sunt, sicuti ego non sum de mundo. Quibus verbis excludi videntur omnes imperiti sanctorum scripturarum & in coeno mundi obuoluti: quae mirifice congruunt cum ver- bis

a) Matth. XXVI 3.59. b) Luc. XII 22. seqq. c) Matth. V 13. d) Ioh. XVII 16.

bis Iocelis prophetae de concilio sancte peragendo. Vbi enim *sanctificate ecclesiam* dixit a) subiunxit, *co-adunate senes, congregate paruulos & fugentes vbera.* Senes cogendos dixit, quod homines id aetatis sapientiae plus & pietatis habere videantur; paruulos etiam cogendos & fugentes vbera dixit, quod ea aetas sit purior, minus infecta prauis cupiditatibus, magis ignara malitiae, superbiae & ambitionis omnino expertis. Quam ob rem & dominus Iesu in medio discipulorum paruulum statuens, inquit b), *amen, dico vobis, nisi conuersi fueritis & efficiamini sicut paruulus iste, non intrabitis in regnum coelorum.* Ex quo sequitur, homines imperitos, impuros, infectos cupiditatibus, avaritia & ambitione ardentes, superbia elatos, minime idoneos esse ad conuentus istos peragendos in concilii sancti celebrationem. Quos vero & quales, pater domini nostri, Iesu Christi, hic adeste video: non dubito dicere, eo spiritu abductos, ut pugnent pro traditionibus suis, seque ceteris praeferant, vnde & praelatorum superbiae nomen sibi statuant, currentque, ut omnia ad unum veluti ad eorum caput firmamentumque conflati regni cuiusdam deferantur, in quod regnum omnes adspirent, quorum singulorum cupiditati nimis angustus orbis terrarum esse videtur. Dicent tamen, se conuenisse Christi nomine. Iti tam audaces sunt tamque arrogantes, ut per apostolos, non simplices purosque homines minime cupiditatibus infectos & Christi gloriae cupidissimos, adeo electos ante mundi constitutionem, significatos adserant, sed sese tantum mitratos, superbos, elatos, quorum typum, ut dixi, geserunt mitrati pontifices, scribac & pharisaici hierosol-

a) *Iocel II. 16. b) Matt. XVIII. 2. 3.*

Iymani in satanae coeno & mundi sordibus, auaritia & ambitione, sicut isti hodie, voluta*ți*. Sed ego ad rem. Illud enim, *in nomine meo congregati* a), omnia complectitur; omnia ex eo pendent: hoc est, si fideles homines in nomine Christi congregati sunt in spiritu sancto. Huic spiritui spiritus Mammonae ex aduerso stat contrarius atque inimicus. Alter purus, simplex est atque integer, dei gloriam p<sup>r</sup>aefere*n*s, obseruator, laudator, illustrator beneficii sanguinis Christi, defensor doctrinæ & institutionum apostolorum: alter subdolus, multiplex, corruptus, gloriam incorruptibilis dei in hominum aut aliarum rerum corruptibilem gloriam conuertens b), contemtor, detractor, obscurator euangelii, abrogator institutionum & doctrinae, quam per apostolos suggerit spiritus sanctus. Habet uterque spiritus sua concilia & praefectos suos, quo*s ab operibus*, inquit dominus, cognoscetis non obscuro signo. Tradent enim vos in conciliis & synagogis suis, & flagellabant vos c). Quia in re nolite putare, defuisse illis inuolucrum falsae pietatis, quæ se dei causa dicerent congregatos, quod scilicet per concilia in eos saeuirent, qui ceremonias diuinas confunderent, qui discessiōnem docerent a lege dei, qui noua doctrina euangelii replete*n*t ciuitatem; quibus rebus summi pontificis & praefectorum ecclesiae, quam illi synagogam adpellabant, auctoritas & existimatio minueretur d). Hoc postremum, hoc postremum erat in causa, quo abducentur ab ambitione veritatis. Ambitio scilicet, superbia, auaritia, priuati commodi ratio excœbat, non oculorum sensum sed mentis aciem, ne in-

a) Mat. XVIII. 20. b) Rom. I. 23. c) Mat. X. 17. d) Act. VI. 11. seqq. act. XXI. 28. ad. V. 28.

telligerent, quae ex scriptis diuinitus adducebantur ab apostolis in euangelii defensionem. Ad haec accedebat prudentia humana, quae dei inimica iis, qui ad rerum temperationem sedebant, persuadebat, antiquos ritus, inueterata[m] consuetudinem retinendam esse in ciuitate; nihil melius ad commune bonum, ad otium, ad quietem ciuium, quam si, quae longissimo tempore fuerant recepta, ea seruarentur; in eo potius esse inuigilandum, ne quid noui recipetur a populis, vnde dissensiones, tumultus, seditio facile possent exoriri inter ciues; in eos maxime animaduertendum, qui non ambularent iuxta traditiones seniorum. Quae & quanta haec prudentia, cuius tam auctor erat (vt nostis) spiritus Mammonae? In hoc enim spiritu congregatus summus pontifex, princeps sacerdotum, & omne concilium, Christum in crucem sustulit a): in hoc spiritu a Iudeis Christus habitus est scandalum, a gentibus stultitia b): hunc spiritum secuti, duce humana prudentia, Nerones, Diocletiani, Probi, Maxentii, crudelissime & miserum in modum insecuri sunt ecclesiana dei: hic spiritus ut longe absit ab hoc concilio, vestrum est prouidere, principes. In spiritu sancto congregati non quaerunt gloriam propriam sed dei c), vtque eorum dux & moderator spiritus agit, Christi dignitatem, maiestatem, non ambitionem sequuntur, non auaritiae stimulis solicitantur, verbo dei, non prudentia humana omnia perpendentes. Ab iis omnino diuersi sunt, fuerunt & erunt semper, qui rebus terrenis inhiantes mentiuntur, se coactos in nomine Christi, quorum opera, si quaeritis, comperietis conuersum euangeliū, sublata instituta apostolorum, ademtam liber-

Y

ta-

a) Iob. XI. 47. seqq. b) I. Cor. F 23. c) Iob. VII. 18.

tatem Christi, iugum legis reductum, vulgatam ac inculcatam gentibus & nationibus doctrinam daemniorum. An haec in nomine Christi possunt, non dico agi, sed intentari? qua de re praclare quidem Cyprianus a), nec se quidam vana interpretatione decipiante, quod dixerit dominus, ubicunque fuerint duo aut tres collecti in nomine meo, ego cum illis sum: corruptores euangelii atque interpretes falsi extrema ponunt, & superiora praetereunt, partim memores & partim subdole corrumpentes. Quomodo possunt duo aut tres in nomine Christi colligi, quos constat a Christo & ab eius euangelio separari? propter quos clamat Esaias propheta, vae vobis filii desertores, habuistis consilium, & non per me, fecistis conventionem, & non per spiritum meum. Haec ille, quibus facile coarguantur omnes, qui abutuntur Christi dicto, sicuti fecerunt imperiti, arrogantes, superbi homines, collegae horum, quos adesse tanto numero videtis. Ii, ne vos multis morer, cum in concilio Basiliensi publice pronunciari iussissent & edictum proposuissent magna poena, ne quis institutionem Christi, Christi inquam institutionem & primitiuae ecclesiae morem & consuetudinem sequeretur, verbis Pharisaeis illis b), licet Christus post coenam instituerit; licet suis discipulis ita administrauerit; licet primitiua ecclesia, &c. Haec inquam, cum pronuntiassem, tamen primo quoque verbo se in Christi nomine & in spiritu sancto congregatos adferebant. Quamobrem illud potius est videndum, quo spiritu acti sint (quod ex eo potest dignosci, quod statuerint) quam quo nomine dicant sese coactos. Falso prophetae, inquit dominus,

a) Tractatu tertio de simplicitate praepostorum ecclesiast. b) Concil. Conf. sessione 13.

nus, vaticinantur in nomine meo; non misi eos, & non  
praecepi eis, neque locutus sum ad eos. Visionem men-  
daciem & diuinationem fraudulentam & seductionem  
cordis sui prophetant vobis a). Audius, quae dixe-  
runt prophetæ, prophetantes in nomine meo mendacium,  
qui volant facere, ut obliniscatur populus meus nomi-  
nis mei, propter somnia eorum, quae narrat unus-  
quisque ad proximum suum b). Prophetantes, inquit c),  
mendaciter in nomine meo. Haec cum ita sint, mag-  
nam omnino laudem vobis primum tribuendam esse  
puto optimis integerrimisque viris, qui veluti bucci-  
nae cuiusdam cantu mirabiliter exsuscitatis gentes &  
nationes: deinde ceteros omnes vehementissime lau-  
do, qui non mobilem aut inanem sed firmam & sta-  
bilem de Christo sententiam habetis, cuius gloriae &  
maiestatis, quoniam studiosissimi estis, sanctiones,  
commenta & decreta hominum, quaecunque lata  
scriptaque sunt, examinanda diligentissime censetis,  
ne cum euangelio pugnent aliudue doceant. Dein-  
de, quoniam, ut par est, desideratis, ut instituta  
sanctissimorum apostolorum restituantur & ritus in  
sacramentis, quam maxime fieri potest, puri ac sim-  
plices; ex quibus pietatem haurire non supersticio-  
nem possint fratres nostri non sat fieri, quibus pre-  
caritate consulendum est: hortor ego, oro atque ob-  
secro vos per eum, qui de tenebris vos vocauit in ad-  
mirabile lumen suum, ut in ea sententia permaneatis,  
neque cuiusquam vis aut minae a proposito abducant,  
utque ego superioribus annis Germanos per epistolam  
commonui, contendendum putetis a principibus  
christianis, ut eorum opera delectus habeatur in Gal-  
lia, Britannia, Germania, Italia, Hispania cete-

risque christianis prouinciis ex iis, qui rerum diuinarum bene periti, quam minime suspicionis & pontificiae corruptelae adfines sint, ii prouideant, ne quid resp. christiana detrimenti capiat. Quod si quid consuetudine vsuue, conciliis, disciplinis, imprudentia doloue malo, receptum fuerit, pugnans cum praecceptis institutisque Christi, quae a Mattheao, Marco, Luca, Iohanne scripta sunt diuinitus; quodue discrepet ab iis actis, quae apostolorum inscribuntur, ita ut exempli, aut admonitionis aut doctrinae illorum rationem non habeat; quodue alienum sit ab eo, quod Petrus, Paullus, Iacobus, Iudas, Iohannes, celebratissimis epistolis docuerunt: non obscuro istorum edicto, nullum, inane, futile sit. Hoc ut ab imperatore, regibus, principibusque ciuitatum, prece, admonitu, obtestatione impetratis, si respublica christiana loqui possit, vos vehementer etiam atque etiam rogat.

### R E C I T A . C A P V T TESTIMONII NONVM.

Et quoniam pharisaici homines, habentes quidem speciem pietatis, virtutem autem eius abnegantes, qui veluti Iannes & Iambres restiterunt Moysi ita & ipsi resistunt veritati, interpellatione facta sperant, se posse illudere populo dei; occurrentum est. Obiiciunt enim, *qui scitis, hos libros esse canonicos?* qui scitis, Christum esse filium DEI? dicimus ab ecclesia, veluti Samaritanos audiuisse de Christo & de his libris. At ubi mysterio dei inenarrabili ad Christum venimus, reuelatum nobis neque per carnem neque per sanguinem sed per patrem domini, qui in coetis est & per spiritum sanctum.

sanctum diuinum quiddam mirabiliter esse impressum atq. inustum in cordibus nostris, ita ut baptizati spiritu sancto & igne, firmitatis & non superbiæ pleni, dicamus verbis euangelicis, quia non propter tuam iam loquela credimus; ipsi enim scimus quia hic est verus seruator mundi, filius dei viui. Itaq. & spiritus dei testatur spiritui nostro, quod per Matthaeum, Marcum, Lucam, Iohannem, Paullum, Iacobum, Petrum, Iudam, Iacobi fratrem, euangelizatum est & scriptum, quod vnum est & idem, esse sanctum euangelium Iesu Christi, & quod hi libri, quos legimus, verissimi sunt: & quod scimus, loquimur: & scientia nostra verax est, non ab homine, neque per hominem, sed quia vncio, hoc est, ipse spiritus sanctus, qui hoc nomine in scripturis adpellari consuevit, docet nos. Quamobrem inquit fidelis Iohannes a), nec necesse habetis, ut aliquis vos doceat, sed sicut vncio eius docet vos de omnibus, & verum est & non est mendacium.

## DECLARATIO TESTIMONII VIII.

**M**agna est audacia, mira improbitas, incredibilis impietas aduersariorum, qui obnixe pedibus & manibus maiestatem verbi dei immiuere nituntur. Excoecauit illos deus, vt videamus, quo spiritu agantur. Rogauit me superioribus annis praefectus quidam ecclesiae, qui scirem, Christum esse filium dei; cumque respondissem, quoniam id rogaret, quod magis pro comperto haberem, quam omnia, quae oculis cernerem, quod verissime scirem, id me firmissime credere, fidei auctorem non esse vulgarēm, & propterea neque carnēm, neque sanguinem, sed pa-

X 3

trem

a) i. Iob. II. 27.

trem domini nostri, Iesu Christi <sup>a)</sup>, spiritumque dei testari spiritui meo, id esse verissimum, neque me Turcae, christiani nominis hosti, si quando vnu veniat, aliter esse responsurum: excanduit iracundia homo, quod ex libello, qui circumferebatur, non respondissem, scire id me non ob aliud, quam quod ita teneret romana ecclesia; sese de Christo id non ob aliud credere, nisi quia sic ecclesia romana statuisse credendum: si ea ecclesia aliter decreuerit, aliter se crediturum. Eius sententiam veluti infirmam atque instabilem cum minime probarem, neque a pia ecclesia aliud statui posse dicerem, quam quod ab apostolis & quatuor illis fuerit euangelizatum, quod vnum est & idem, indignissime quidem ille tulerit. Videtis, quid ferant turbinis istae nebulae exagitatae, sophistae diaboli, contentionis cupidi homines, non ve ecclesiae sanctae auctoritatem statuant, sed vt abominationem sedentem in loco sancto firment, & veritatem in profundo abstrudant, scriptisque diuinis cogi non possint, quorum maiestatem vt infringant atque imminuant, vt illis, inquam, cogi non possint, sic primo quoque verbo rogant & rogandum docent, <sup>b)</sup> qui scis hos libros esse canonicos? Deinde addunt, Christus non scripsit aliquem librum, Christus non praecepit, vt discipuli describerent, sed vt praedicarent: ite, inquit, praedicate euangelium omnem creaturam. Quae est ista peruersitas? qui iste animi furiis agitati sensus? quae diabolica fraus? Hic pontifices romani non clamant, hos scriptores non devouent, non execrantur, non damnant, horum scripta non prohibent legi, immo vero honorant & colunt. Si quis vel concionator vel scriptor Christi gratiam & pretium redēptionis nostrae honorifica &

<sup>a)</sup> Matth. XVI:17. <sup>b)</sup> dolus Iohannis. Ecclii. co-

copiosa oratione longius prosecutus est per hosce annos, meminisse, principes, debetis, quae turbae qui clamor, quae vociferatio. Tonare, fulgurare permiscere omnia visi sunt pontifices romani. Vt nam, principes, vtinam in hanc cogitationem incumbatis, vt vestigiis adsequamini caussam, cur quibusdam tantopere commoueantur, pontifices, episcopi, presbyteri, cucullati, quaedam negligenter admodum ferant. Vtinam intelligatis, qui & quantum opere sit cauendum ab iis, qui in spiritu sancto emendo & vendendo exercitati in hoc curam, cogitationem, mentem fixerunt, ne vestigalia, quaestuosis traditionibus imminutis, sibi fiant deteriota. Nam quid hoc est? Qui scis hos libros esse canonicos? Christus non scripsit aliquem librum, Christus non praeccepit, vt scribebent. Quorsum haec spectat oratio? Quid hosce aliud velle putatis, obsecro vos, principes, in quibus habitat spiritus dei, nisi suadere, ne tanti faciamus euangelium, & ea quae sunt nobis scripta diuinitus? Quamobrem fubdole agunt ex dicto Ieremiae a), ecce dies veniunt, dicit dominus, & feriam domui Israel & domui Iuda foedus nouum, non secundum pactum, quod pepigi patribus vestris; sed hoc erit pactum, quod feriam cum domo Israel: post dies illos, dicit dominus, dabo legem meam in visceribus eorum, & in corde eorum scribam eam, & ero ipsi in deum & ipsi erunt mibi in populum. Quid tum? num ex eo, quod praedictum erat scribendam esse legem dei in cordibus fidelium gentium & nationum, colligi potest non scribi oportuisse euangelium a Mattheo, Marco, Luca & Iohanne? An, quia scribendum in cordibus dixit, sequitur euangeli veritatem non

Y 4

con-

a) Ier. XXXI. 31. 33.

contineri scriptis illis diuinitus, sed pectore tantum quorundam, veluti sacrario, in quorum corde non dei sed bene carnis lex scripta est atque impressa, non attramento sed coeno satanae impurissimo, a quorum fallacibus & haeresibus ut caueremus, ut Theophilactus inquit <sup>a)</sup>, voluit nobis deus, haec extare monumenta consecrata memoriae hominum sempiternae. Quemadmodum, inquit, magni illi atque diuini viri, qui ante datam legem Moysi vixerunt, non discebant ex litteris & libris, sed munda praediti mente spiritus illustratione illuminabantur, atque hoc modo deo ipsis ore ad os colloquente dei voluntatem cognoscebant. Tales fure Noe, Abraham, Iob, Moyses. At postquam viuis contaminarunt se homines & indigni facti sunt, ne spiritu sancto illustrarentur & docerentur; concessit tandem misericors deus scripturas, ut per illas diuinae voluntatis effent memores. Ita & Christus apostolos coram in sua persona locutus est, & spiritus sancti gratiam misit, ut eos instrueret. Verum, quoniam haereses pullulatae erant, quae mores nostros depascerentur, operae pretium visum est, ut scriberentur & euangelia, quo edocti veritatem ex illis non ab haeresione mendaciis deciperemur moresque nostri non prorsus dissoluerentur. Haec ille de euangelio, quod quia Christus non scripsit, quid tum? Si per eos tamen scriptum constat, quibus Christus ex spiritu suo suggessit, ut promiserat. *Paracletus autem, spiritus sanctus, quem mittet pater in nomine meo, ille vos docebit omnia, quaecunque dixi vobis b).* Haec promissio si ad apostolos & discipulos domini verissime attinet, quibus id imprimis & indubitanter est dictum, quid oblatrant blasphemij? Cur non intel-

<sup>a)</sup> in principio comm. in euangel. <sup>b)</sup> Iob. XIII 26.

ligunt, suggestente spiritu sancto, post eius spiritus effusionem, ex voluntate Christi esse plenum atque perfectum magisterium admirabile spiritus sancti, scriptum scilicet euangeliū filii dei, ut imp̄l̄retur, quod predictum fuetat, per Ezechiēl prophetam in visione quatuor animalium, *in quorum rotis, inquit a), erat spiritus vitae & sonus alarum eorum velut sonitus sublimis dei.* Quid hoc est? an tale quid scriptum legimus tanto testimonio de iis, quos impudenter quidam conferunt cum magnis apostolis & scriptoribus euangelii? Quid, inquam, hoc est? *in quorum rotis erat spiritus vitae, & sonus alarum eorum velut sonitus sublimis dei.* Ex eo ipso, quod dominus dixerit b), euntes in mundum vniuersum praedicate euangeliū omni creaturae, ex eo ipso, inquam, apte colligi potest, spiritu sancto adflatos apostolos & discipulos domini intellexisse, quod non intelligit animalis homo, per haec scilicet verba iussum fuisse a domino, ut scriberetur euangeliū: quod ex iis, quae consecuta sunt, facile intelligere possumus. Quomodo enim ab apostolis itum est in vniuersum mundum? quomodo praedicatum omni creaturae? cum id pro multis creaturis etiam diceretur, quae post apostolos crediturae fuerant per verbum eorum, quomodo id praestitissent omni creaturae, nisi (ut ita dicimus) successione praedicationis euangelicae. Et eorum scriptorum lectione aliquando hoc erit consummatum, ut illud sit effectum c), *in omnem terram exiuit sonus eorum, & in finem orbis terrae verba eorum,* quodque recepit dominus magnum ministerium d), *& eritis mibi testes in Hierusalem & in omni*

Y 5

Iu-

a) *Ezech. I 20.24.* b) *Marc. XIX. 15.* c) *Psal. XVIII.*  
5. d) *Act. I 8.*

*Iudea & Samaria usque ad ultimum terrae.* Testimonio sunt apostoli domino, vbi vbi, modo hic, modo illic, hisce vel illis temporibus, recitantur scripta apostolorum & discipulorum domini ex apostolis accepta. Ea oratione a) orauit dominus pro iis, qui credituri erant per verba eorum. Vbi vero, obdormientibus apostolis, verbum eorum? nisi quia scriptura verba eorum. Quod vero legem suam deus promiserit scripturum se in cordibus eorum, id porro significat, futuram fuisse gentem christianam dei obseruantissimam, quae ita eius amore teneretur, ut numquam memoria esset depositura legem dei viuentis. Atque hoc est, scribi legem in cordibus hominum, non quod, scripto euangelio filii dei & suggerito per spiritum sanctum, eo omisso & contemto standum esset traditionibus & assertionibus pontificis romani & asseclarum, quotum tanta esset auctoritas, ut prae apostolis parui facienda essent scripta diuinitus. Nam quod obiicit homo corruptissimus & impudentissimus quidam, vt statuat in templo dei suum idolum tamquam deum, potest facile retorqueri. Frustra deus, inquit b), misit filium suum, frustra spiritum sanctum, frustra apostulos, martyres, doctores, confessores, si per Lutherum solum lux veritatis aperienda erat. Cur deus non unum misit Lutherum pro omnibus? Ego quidem Lutherum non noui. At dedit mihi pater domini nostri, Iesu Christi, vt animi tui sensum bene norim inuidia excoecati, ambitione & avaritia flagrantis: iis abductus quoniam contra euangelium Christi & scripta diuinitus ita efferris, vt quidquid velis, dicas; nihil mirari debes, si ea audieris,

quae

a) Job. XVII 20. b) Ioban. Ekkius cap. de ecclesia & eius auctoritate.

quae nolis. Si scriptum euangelium a Matthaeo, Marco, Luca & Iohanne, si scripta ab apostolis parui facienda sunt prae auctoritate pontificis romani, & vere tantum euangelium est, tantumque firmum, quod scriptum est in corde, quodque exit ab ore eius. Frustra ergo deus misit filium suum, frustra spiritum sanctum, frustra apostolos, frustra martyres, doctores, confessores, addo frustra prophetarum monumenta tam diu nobis adseruantur, frustra euangelium scriptum est, frustra epistolae nobis relictæ sunt; si ab hoc oraculo omnia sunt petenda, omnia ita in uno posita sunt & locata: per quem si tantum scripturae authenticæ sunt; Christus iam minus authenticis scripturis usus est, quod ante pontifices romanos fuerit, & fundamentum, quod Paullus dixit ita esse positum, ut aliud nemo possit ponere <sup>a)</sup>), sine auctoritate pontificis romani non sit bene positum. Quae quoniam tam falsa sunt quam quae maxime, illud profecto est verissimum, quae scripta sunt diuinitus, ea authenticæ semper fuisse, non ab homine neque per hominem, sed quod eorum auctor fuerit spiritus dei, sine quo nihil fuit, est, erit sanctum firmumque, quod isti vocant authenticum, in quauis ecclesia. Illud est consecrarium, tam Lutherum quam pontificem romanum, si christiani esse velint, teneri ut fateantur, scripta illa excellere supraque se esse, ita ut omnia eorum commenta prius necesse sit euanscere, quam horum verbum vel unum praeteriri. Quam sententiam non modo caesares & reges probauerunt sed pontifices ipsi aliquando, qui ad euangelii lectio- nem recti & nudo capite stare consueuerunt, ut ostendant, non humana sed diuina ea esse, quae recitentur.

Quam-

<sup>a)</sup> t. Cor. III. n.

Quamobrem peruerso faciunt adulatores, cupidi corruptique homines quidam, qui ut auctoritate pontificum gratiam, quibus nominibus non appellant? quae non licere dicunt? quas lites non intendunt? Si cum euangelio & scriptis diuinitus docent concertandum de auctoritate, ecclesiae nomine, quam nemo pius est, qui non revereatur & colat summa obseruatione, ecclesiam scilicet sanctam, cuius caput est Christus <sup>a)</sup>, dux spiritus sanctus, membra prophetae, apostoli, discipuli domini, martyres, fidelesque omnes Christi Iesu. Haec ecclesia cum euangelio & scriptis illis diuinitus non potest contendere, nisi secum ipsa contendat, quod cius caput sit Christus, dux spiritus sanctus, quo auctore scripta illa sunt a prophetis, ab apostolis & discipulis domini, qui sunt lectissima membra ipsiusmet ecclesiae. Horum scriptorum quanto est illustrior laus & maior auctoritas, tanto est & ecclesia ipsa, quae veluti totum nihil aliud est quam suae partes, ex quibus tota ipsa est atque consistit, quibus remotis nihil omnino ecclesia est, quae non ob aliud a spiritu sancto regi dicitur, nisi quod ii filii dei omnes a spiritu sancto reguntur: iis, cum vnum sit caput Christus, vnum quoddam corpus efficitur, quod uno spiritu informatum, nihil mirum videri debet, si, ubi a matre ecclesia audiuerit de Christo, ita adficitur, ut in animos ea a patre domini prius opinio insita videatur, non a carne & sanguine, quando ea ita haeret in cordibus fidelium, ut, si coelum ruat omne, omnia misceantur, titubare pro tempore fortasse possit, euelli non possit. Ita etiam & suggesta illa a paracleto per matrem ecclesiam nobis adseruata cum legimus, incredibili dulcedine tan-

gi-

*a) Eph. IIII. 15. seqq.*

gimur, complenturque non aures solum sed animi nostri, quod is spiritus, qui per Christum est effusus, veluti oleum laetitiae, ut in Psalmis est *a*), atque vncio exhilaret suos, mirificus consolator bonorum, bonus dator gaudii, lator meri euangelii, quod mundus non potest accipere.. Hoc qui accipiunt & spiritum una accipiunt, quo liquidissime cognoscunt, quod per Matthaeum, Marcum, Lucam, Iohannem, Paullum, Iacobum, Petrum, Iudam, Iacobi fratrem, euangelizatum est, & scriptum unum & idem esse sanctum euangelium Iesu Christi. Horum sermo verus est, & quod est, loquuntur, & veritas est in eis, qua pleni qui spiritu dei aguntur fideles, non necesse habent, ut aliquis eos doceat. Vncio enim docet eos, quos nisi doceret neque unde id sciret, haberet ecclesia. Quod ut magis perspicuum fiat,

### *R E C I T A C A P V T* TESTIMONII DECIMVM.

Ecclesia dei sancta semper nixa est verbo dei. Ante aduentum domini sustentata est verbo dei per prophetas: Christi tempore testimonio scripturarum defensa est verbo dei per ipsum etiam Christum: post ascensionem domini in coelum apostoli, paracleto accepto, defenderunt, administrarunt, probarunt omnia verbo dei, lectissimi viri, quos DEVS praedestinarat ante mundi constitutionem, suggestente spiritu sancto, euangelizarunt verbum dei unum & idem ea conditione, ut in perpetuum, qui aliud euangelizaret anathema sit. *b*) Qui igitur scriptis canoniciis coerceri nolunt, & ut auctoritate su-

*a) Ps. XXXXV. 8. b) Gal. I. 9.*

superiores sint verbo dei contendunt, neq. putant audiendum, si contra eorum traditiones scripta diuinitus adducantur; manifeste reprobri sunt, & eorum sententiae iudicioq. standum non est, quod ad ecclesiā dei nihil attineant, dicente domino, a) qui ex Deo est, verba dei audit; propterea vos non auditis, quia ex DEO non estis.

#### DECLARATIO TESTIMONII X.

**C**VRA frequentissime, etiam cum minime opus est, distinctionibus affluere soleant homines contentiosi pontificiarum partium; quid dicemus, esse in causa, quod in re maxime necessaria ad explicationem quaestioneis de ecclesia tergiuersantur & tanto-pere a distinguendo refugiant? Si ecclesiae nomen multiplex est, quomodo in magnas difficultates quiuis non incurrat, si de ea quaestio sit, nisi explicetur? Ecclesia, vt omnes norunt, Graeca vox est, quae apud nos coetum, concionem, congregationemque significat. Ecclesia templum aliquando minus proprie dicta est, locus scilicet, quo conuenitur, vt sit continens pro contento; quam significationem nunc omittimus: nihil enim ad rem. Ecclesia item dicta domestica familia, vt, ecclesiae, quae in domo tua est, gratia & pax b), & in singulis prouinciis ecclesiae quoque multae sunt appellatae, salutant vos, inquit c), omnes ecclesiae Asiae. Huiusmodi erant particulares dictae ecclesiae, vt Laodicea, Corinthia, Thessalonicensis. Coetus etiam quidam seniorum, senatus quidam ex ciuibus bonis non vt nunc ex sacrificulis imperitis, qui per ciuitates delecti constituebantur ad aequi bonique conseruationem, ad institutionem praedicationis euangelicae, ad veros, non inanes,

a) Iob. VIII. 47. b) ad Philemon. v. 2. c) Rom. XVI. 16.

nes diaconatus ut nunc sit, gerendos, presbyterorum, id est, seniorum dicebatur ecclesia, ad quam deferebatur, si quis fraterna admonitione testeque adhibito aliam non instituisset vitam *a*). Aliae prouinciales ecclesiae sunt, ut Africana, Graeca, Latina. Adhuc ex omnibus prouinciis, quae iuhocant nomen domini nostri, Iesu Christi, christiana ecclesia dicitur, in qua quoniam multae gentes & nationes vulgoque mali & boni sunt, comparata est a domino sagenae missae in mare ex omni genere piscium congreganti *b*). At quoniam ad conuentus peragendos, non omnes, qui ad hanc ecclesiam tam amplam copiosamque attinent, conuenire possunt; institutum est, ut aliqua (repraesentatiua quam vocant) ecclesia sit, in qua boni & mali esse possunt. Hisce distinctionibus de ecclesia facile soluuntur multa, quae ingeniis sunt proposita, propterea porro quod non omnia dicta omnibus ecclesiis conueniant. At hisce ipsis distinctionibus assertionibusque ecclesia ea non comprehenditur, de qua celebre illud; *vna est columba mea perfecta mea c*). *Tota pulchra es amica mea, & macula non est in te d*). Nam in illis ecclesiis, in quibus mali cum bonis mixti sunt, maculam esse oportet insignem, qua mali denique peribunt. Quae est igitur ecclesia, in qua macula non est? Ea certe est, quae obediens Christo spiritu sancto agitur, sine macula & ruga, de qua Paullus apostolus *e*). Et sicut ecclesia subiecta est Christo, ita mulieres sint viris suis in omnibus, pro qua Christus seipsum tradidit, ut illam sanctificaret mundans eam lauacro aquae, in verbo vitae, ut exhiberet sibi ipsam gloriosam ecclesiam

*non*

*a) Matt. XVIII 17. b) Matt. XIII 47. seqq. c) Cant. VI 8. d) Cant. III 7. e) Eph. V 27.*

*non habentem maculam aut rugam aut aliquid eiusmodi, sed ut sit sancta & immaculata.* Haec cum illis pulcherrime conueniunt, & macula non est in te, quod scilicet tota ex iis sit, neque aliud omnino ipsa sit, quam abluti, sanctificati, iustificati per aspersio[n]em sanguinis Iesu Christi & in spiritu dei, praetordinati ad vitam aeternam, pii omnes, sancti omnes, omnes filii dei, de quibus propheta a), ego dixi, *dii estis & filii excelsi omnes, ex quibus deus dedit huic sanctae ecclesiae quosdam prophetas, quosdam apostolos, alios vero euangelistas, alios autem pastores & doctores, ad consummationem sanctorum fidelium in opus ministerii in aedificationem corporis Christi b)*, hoc est, ut confletur haec ecclesia sancta dei, quam ipse deus praedestinavit ante mundi constitutionem. Unde in Psalmis, *memor esto ecclesiae tuae, quam possedit ab initio:* cuius quoniam caput petra & fundamen[t]um, Christus, unus est salus omnibus credentibus in eum, illud est certissimum, quod adserit Augustinus, *omnes, qui ante domini aduentum fuerunt spiritu sancto informati, fide baeserunt in Christo venturo, speque pleni mentem animumque fixerunt inservatore, in quo & nos, qui iam venerit fide baeremus, totoque animo amplectimur salutem nostram, Christum crucifixum.* Tempora, inquit ille, variata sunt, non fides. De eare Paullus c), *nolo vos ignorare fratres, quoniam patres nostri omnes in Moyse baptizati sunt in nube & in mari, & omnes escam spiritualem manducauerunt, & omnes eundem potum spiritualem biberunt, bibeant autem de consequenti eos petra, petra autem erat Christus.* Quae cum verissima sint ex iis omnibus, qui vel ante aduentum domini fuerunt,

vel

a) *Psal. LXXXII. 6. b) Eph. III. 11. 12. c) 1. Cor. X. 1. seqq.*

vel per id tempus, quo is egit apud mortales, vel quo nos sumus, quoque alii erunt aliquando vere credentes in vnigenitum dei ad nouissimum usque diem, quodabit is regnum deo patri, ex iis, inquam, omnibus, communione capitum & spiritus quoddam veluti corpus conficitur, quae sancta ecclesia, sponsa Christi, ciuitas dei dicta est, & coelestis Hierusalem, non ab haereticis, ut impudentissime obtrectant corruptissimi homines quidam, ut veritatem in profundo astrudant, sed a prophetis ubique, ab apostolis & sanctis discipulis domini pasim. De qua magnus ille Iohannes a), et venit ad me unus de septem angelis dicens, veni, & ostendam tibi sponsam, uxorem agni, & sustulit me spiritu in montem magnum & altum, & ostendit mihi ciuitatem sanctam Hierusalem, descendenter de celo, habentem claritatem dei, cuius ciues dixerat esse signatos magno numero ex omnibus gentibus & tribubus & populis & linguis. Hanc ciuitatem quae sanctam & vniuersam ecclesiam dei significat, sic exponit Augustinus b), Hierusalem verbum est braeum, & interpretatur visio pacis, cuius ciues sunt omnes sanctificati homines, qui fuerunt, qui sunt, qui futuri sunt. In hac neque macula est, neque ruga, ecclesia spiritu sancto plena: adde omnes illas laudationes, dei viui columna, quae errare non potest vlo modo, quo inferi portae in eam praeualeant. Hanc unam sibi statuit Christus sponsam, quae una est ex lectissimis partibus omnium illarum ecclesiarum. Non est bigamus Christus, hac cum una est usque ad consummationem saeculi c), nimirum cum iis, ex

Z

qui-

a) Apoc. XXI. 9. seqq. b) de catechizandis rudibus cap. XX. ecclesia sancta catolica ex August. non ex haereticis. c) Matt. XXVIII. 20.

quibus tota illa constituitur, ablutis, sanctificatis, iustificatis, praedestinatis ante mundi constitutionem, praordinatis ad vitam aeternam, quibus Christus, quantum se aperit, quantum spiritus sanctus communicat, quantum pater domini nostri, Iesu Christi, reuelat, tantum ab his ipsis nouit ecclesia illa, quae sagenae comparata est. Iis enim dilectis, vocatis, sanctis, qui spiritu dei aguntur & filii dei sunt, adspexit deus nunc maiori nunc minori numero, ut sibi placitum est, ecclesias illas, quae continent malos & bonos. Boni, quia, ut docet dominus *a)*, semper odio fuerunt, sunt & erunt mundo, nihil mirandum est, si pauci sint, & aliquando habeantur in despectu, & eorum vita aestimetur insaniam *b)*. Quin, ut apte quiuis colligere potest, saepissime in exiguum atque angustum locum adducta est ecclesia dei, *quae*, inquit Augustinus, *semper pauciori numero contenta fuit*, ita ut prophetarum tempore vix quidam veluti pro semine a deo seruatissint, clamante propheta *c)* *nisi dominus exercituum reliquisset nobis semen, quasi Sodoma fuissimus & quasi Gomorrae similes essemus.* Haec sancta ecclesia saepe ex admirabili prouidentia dei aucta, saepissime in angustum adducta locum, exacta est atque exclusa, substituente se in eius locum pharisaica & mundana; ut (quod exempli caussa dicimus) Christi tempore pharisei sumimique pontifices & sacerdotes, arrogato sibi nomine ecclesiae, Christum in crucem sustulerunt, dei ecclesia depressa, reprobauerunt lapidem, qui erat constitutus in caput anguli, eiecerunt apostolos, occiderunt sanctos dei. Quamobrem nihil mirum vi-

de-

*a) Matt. X<sup>16</sup>, Luc. XXI<sup>12</sup>, seqq. b) Sap. V<sup>4</sup>. c) Esai. I<sup>9</sup>.*

deri debet, si ab iis, qui in coeno mundi obuoluti sunt, saepissime statuantur pro ecclesiarum praefectis ii, qui non plus ad petram Christi attinent quam Iudas, *in cuius typo*, inquit Augustinus a), significati sunt malii episcopi. Vauet mundus suis, nobilitatem generis, prudentiam hominum, peritiam rerum humanarum & huiusmodi lampullas amplectitur: quamobrem saepe contigit, ut ab iis gubernata fuerit ecclesia, in quibus non modo non sit spiritus dei, sed bene spiritus satanae, solitus transfigurare se in angelum lucis, saeuens in ecclesiam Christi summo consensu gentium & populorum, qui pietatis fuso & ecclesiae titulo per haereses aliquas mundanae prudentiae acceptissimas & probabiles verbo dei non probatas ab hac ecclesia sancta abducuntur. Vnde Cyprianus b), quid vero astutius, quam ut Christi adventu detectus ac prostratus inimicus, videns idola derelicta, & per nimium credentium populum sedes suas ac tempora deserta, excogitauerit nouam fraudem, ut sub ipso christiani nominis titulo fallat incautos? Haereses inuenit & schismata, quibus subuertet fidem, veritatem corrumperet, scinderet unitatem. Rapit de ipsa ecclesia homines, & dum sibi adpropinquasse iam lumini atque enasisse saeculi noctem videntur, alias nescientibus tenebras rursus infundit, ut cum euangelio Christi & cum obseruatione eius & lege non stantes, christianos se vocent, & ambulentes in tenebris habere se lumen existiment, blandiente aduersario atque fallente, qui secundum apostoli vocem transfigurat se velut angelum lucis, & ministros subornat suos velut ministros iustitiae, adserentes noctem

Z. 2

pro

a) in expositione euang. Iohan. tract. 50. b) de simplitate praepostorum ecclesiae.

*pro die, interitum pro salute, desperationem sub obtentu spei, perfidiam sub praetextu fidei, antichristum sub vocabulo Christi.* Haec ille: ex quibus patet, nihil esse potius ecclesiis, in quibus boni & mali permixti sunt, quam ut traditiones & instituta, quibus longo temporis spatio nonnihil vitii potuit accedere, expendant atque examinent omnia, verbo dei, quod ex lectissimis membris illius ecclesiae per spiritum sanctum non vni aut alteri ecclesiae sed uniuersis relictum est, ut pura atque incorrupta doctrina irrigari possint corda fidelium gentium & nationum, manante ex fonte purissimo verbidei. Nam quod quaedam ex iis ecclesiis inani cogitatione tumeant atque inflentur, simillime sunt synagogis Iudeorum iactantium, *semen Abrahæ sumus a)*, quae veluti ex hoc sibi persuaderent, non posse errare: at deus illis odiosis & superbis reiectis fuscitauit ex gentibus veros filios Abrahæ: quamobrem inanem illorum fiduciam reprehendit Iohannes baptista inquiens b), *& ne velitis dicere intra vobis, patrem habemus Abraham.* Huiusmodi ostentationes sunt eorum, qui dicunt: *errare non possumus, quia promissum est c)*, *ecce vobiscum sum usque ad consummationem saeculi,* quasi id sibi tantum & non apostolis potius & vere piis sit dictum, quibus cum semper est spiritus Christi. Videant prius, qui & quales ipsi sint: lustrent animo, an ab ecclesia illa sancta discesserint, an aliud euangelium receperint, vitalique mortiferum miscuerint, seductione satanae, an oppugnant an velarint beneficium sanguinis Christi, an contumeliis insecuri fuerint spiritum gratiae. Putabat se populus iudaicus populum dei; appellatus ita in scripturis sanctis persaepe fuerat: & tamen

a) *Iob. VIII. 33.* b) *Matt. III. 9.* c) *Matt. XXVIII. 20.*

tamen non erat iam populus dei. Vide, ne id tibi contingat, quae superbe admodum efferris, quae in sanctos dei saeuis, ecclesiae nomine. Id ut scias tibi potuisse contingere, si quid te commonere potest apostolus Paullus, audi commonentem apostolum a), *vobis ego dico gentibus, quamdiu ego sum gentium apostolus, ministerium meum honorificabo*, vbi dixisset gentes esset velut oleastrum insertum in ramis populi dei, iudaici scilicet, subdit b). *Noli altum sapere, sed time. Si enim deus naturalibus ramis non pepercit, ne forte nec tibi parcat.* Vide ergo bonitatem & seueritatem dei, in eos quidem, qui ceciderunt, seueritatem, in te autem bonitatem dei, si permanseris in bonitate, alioqui & tu excideris. Quid ergo tumes? non sunt haec ex haereticis, sed ex apostolo sanctissimo Paullo. Lege haec, perpende etiam atque etiam, fatere nihil esse tutius, quam si verbo dei, quo se prophetae, quo se apostoli, quo se discipuli domini, quo se martyres, robora illa ecclesiae dei, sustentarunt, defenderunt, confirmarunt, itidem omnes ecclesiae, omnia expendant atque examinent, & ad deum conuerae cum coelesti Hierusalem, cui oportet omnes ecclesias, quae sanctae esse velint, esse coniunctissimas, ad quam veluti communionem sanctorum se referunt omnes credentes, infirmi etiam, si quid in dubio est, ut pie sancteque credant: cum hac, inquam, coelesti Hierusalem, sancta ipsa catholica & apostolica ecclesia, quae sine ruga & sine macula est, quae habet claritatem dei c), omnes vna sapienter concinant, *lucerna pedibus meis verbum tuum, & lumen semitis meis d).*

Z 3

RE-

- a) Rom. XI 13. b) Rom. XI 20. seqq. c) Apoc. XXI 23.  
d) Ps. CXVIII 105.

**R E C I T A C A P V T**  
**T E S T I M O N I I V N D E C I M V M**

Scripta peritorum hominum, quantalibet  
 & sanctitate doctrinaque sint, nullo modo cum  
 scripturarum canoniarum excellentia com-  
 parari posse monet Augustinus. Huic senten-  
 tiae consona est illa Cyrilli <sup>a)</sup>, optimum fuerit,  
 Hermia, non curare aliorum procacitatem, qui  
 probatam mentem nobis auferunt, sed magis  
 fidei canonem rectum & non peruersum, hoc  
 est, sermones ab apostolis factos, nec aliis  
 quam illis applaudere nos decet, ac dicere, *non*  
*nos estis, qui loquimini, sed spiritus patris vestri, qui*  
*loquitur in vobis.*

DECLARATIO TESTIMONII XI.

**Q**ui negant contentionis cupidissimos esse ponti-  
 ficos scriptores, quid hic dicent? quo spectant  
 illa iurgia & magnae contentiones misere excogitatae  
 ad aeque benedicta maledicta Germanorum oppug-  
 nanda? qui in re perspicua difficultatem adferunt,  
 quid facient in obscura? pudet me diu de hac re apud  
 tales viros dicere, apud quos satis esse arbitror, si dic-  
 to Cyrilli & aliorum, omissis Augustini, sententiam re-  
 citem. Ad quem autem scribit Augustinus? nempe  
 ad Hieronymum. excellenti doctrina & acri iudicio.  
 summoque ingenio virum, descendenter prope in-  
 arenam & campum. Num in se adductam sententi-  
 am reiecit Hieronymus? minime. Quid igitur  
 rabulae contendant, non sat scio. Quid vero ait  
 Augustinus <sup>b)</sup>? *Ego fateor caritati tuae, solis eis scrip-*  
*turarum libris, qui iam canonici appellantur, didici-*  
*bunus timorem honoremque deferre, ut nullum eorum*  
 a) lib. IIII. dialogorum. b) epistola XVIII. ad Hieron.

auctorem scribendo aliquid errasse firmiter credamus; alios autem ita lego, ut quantumlibet sanctitate doctrinaque praeponant, non ideo verum putem, quia ipsi ita senserunt, sed quia mihi vel per auctores illos canonicos, vel probabili ratione, quod a vero non abhorreant, persuadere potuerunt. Nec te, mi frater, sentire aliquid aliter existimo, prorsus, inquam, non te arbitror sic legi tuos libros velle, tamquam prophetarum aut apostolorum, de quorum scriptis, quod omni errore careant dubitare nefarium est. Et alibi a), in opusculis posteriorum, quae libris innumerabilibus continentur, sed nullo modo illi sacrissimae canonicarum scripturarum excellentiae coaequantur, etiam in quibusunque eorum inuenitur eadem veritas, longe tamen est impar earum auctoritas. Quae si verissima sunt cur magnis commentationibus oppugnantur Germani, qui idem quod Augustinus, quod Cyrillus dixerunt. Quid tot clamoribus opus est? In iis ergo augostos & pios principes multis morer,

### R E C I T A C A P V T TESTIMONII DODECIMVM.

Interpretes, quos doctores vocant, oratorum, poetarum, philosophorum per studiosi fuerunt, nonnumquam abierunt in commenta cogitationesque eorum. Non protinus ergo adserenda, quaecunque ab illis dicta sunt, sed expendenda verbo dei: scriptum est enim b), *& interpretes tui praeuaricati sunt in me, & uenerunt structores tui destruentes te, & dissipantes a te exhibunt.*

Z 4

TE-

a) contra Faustum, Manichaicum lib. XI cap. V. b)  
Esa. XXXVIII 17.

## DECLARATIO TESTIMONII XII.

**T**estantur ii ipsi, qui magna volumina commentis interpretationibusque impleuerunt, se oratorum, poetarum, & philosophorum fuisse perstudiosos. Alii enim rhetoricos publice docuerunt, alii se ciceronianos esse putarunt, quidam in Aristotele interpretando aetatem consumserunt, alii platonicos prope christianos esse rati sunt. Poetis vero quam sese oblectarint, quiuis intelliget, qui eorum libros videat saepe versibus adspersos. Quamobrem nihil est mirandum, si ex iucundissima eorum lectione, quasi ex consuetudine, haeserunt aliqua animis, quae, dum legerent in scripturis canonicis, quasi id concinentibus, offerebantur. Solet enim id fieri, ut quod vel opinione, vel persuasione tamquam probabile in animum induximus, facile credamus, videaturque quocunque legitimus idem persuadere ac probare. Etenim ad motus quosdam & impressiones animorum faciendas permagni refert, quibus auctoribus familiarerit utaris, quos quotidie libros habeas in manibus. Aristotelis studiosus facile arbitrii libertatem crederet, quod a Peripatetico didicerit, si ex necessitate omnia fierent, frustra consultatio, frustra esset prudentia, frustra, quae in homine ratio dicitur. Qui Stoico operam dedit, in illud fertur procliuius. Non sunt hominis viae eitis, quod fato agi omnia accepit aliquando. Putabit alter hoc, alter illud posse stare cum scriptis diuinitus. Quamobrem, cum variae sectae sint philosophorum, oratorum & poetarum, quibus non vulgares adolescentes se a pueris dediderunt, & firmiore aetate his etiam delectati theologia professi sunt; & dictionis genus facile recognoscimus, & aliqua etiam, quae philosophum potius,

us, aut oratorem, nonnumquam poetam, redoleant, quam apostolum purum, grauem & firmissime haerentem verbo dei. Optima ergo Cyrilli & Augustini sententia est, quam superiori capite recitauimus, de scripturis canonicis, in quibus neque retractationes, neque lapsus, neque errata legimus, ut in iis, qui interpretationibus & commentariis magnopere excelle-re videntur. Quid ergo (inquiet aliquis) eorum dicta ac sententias adducis in medium, ac veluti patronos atque aduocatos adesse iubes sententiarum tuarum? Dicam, & in quod auctores ipsi non adspirarunt, nunquam ego id deferam doctissimis & prudentissimis viris. Quid ergo est? incidimus in tempora perdi-ta ac misera, addite etiam, si velitis, suspiciofa. Cum aliquid dicimus, dubitant homines, ne noua, ne efflcta sint a nobis aut ab iis accepta, qui in inuidiam rapti sunt, veluti perturbata religione. Huic suspi-cioni medemur, si ab iis, qui laudati, qui idonei auctores diutissime fuerunt habiti, ostendamus aliquando fuisse probata. Doctores itaque isti atque interpres in opinionem adducere possunt, fidem fa-cere plene non possunt. Ut ergo nemo ea, quae proponimus & dicimus, a nobis primum sine pietate ex cogitata & dicta putet, & e numero eorum esse, quae in aliquorum, qui probi sunt & periti habiti, co-gitationem minime umquam ceciderint; adducimus dicta & sententias veterum interpretum, quos non propterea conferimus, aut conferendos putamus cum scriptoribus illis primis, non humano sed diuino tes-timonio probatis: quin fatemur, hosce doctores lapsos interdum. Atque utinam eorum sinistra pati-entia aliae causa non itum sit in abusus. Si enim tum primum restitissent, cum tam multi tamque fir-

mi non erant abusus , difficillimo hoc tempore non laboraremus. At ex iis quidam peritiores augustinoresque de gratia fundamentis praeclare iactis , cetera contemserunt , quasi surgente ingenti hoc aedificio parietinae superstitionum & peruersarum opinionum stare non possent , collapsura per se mirum in modum: quidam imprudentiores demulserunt plebeculas . variis ritibus institutis, prope ethimicis, & rithmis compositis , commentisque poeticis quibusdam receptis : alii suffarcinatione vmbRARUM veluti legarium , quibus augeretur studium pietatis , cum minus nihil sit factum , sed bene inuectus incredibilis cumulus superstitionum , offusaque nox luci euangelicae , imminutaque magna ex parte fiducia illa in deum patrem , in Christum Iesum , in spiritum dei nostri . Quod factum hodie liquidissime videmus , recognoscimusque praedictum a spiritu sancto , compilante ecclesiam his vocibus . *Et interpretes tui praeuaricati sunt in me a), Et venerunt fructores tui defruentes te Et dissipantes a te exhibunt b).*

### RECITA CAPVT TESTIMONII DECIMVM TERTIVM-

Commentum ignis purgatorii a pythagoricis , platonicis & poetis magna ex parte esse sumtum , per assertionem eius commenti , remissionem peccatorum infringi , reclamantibus omnibus prophetis , sanguini testamenti singularem iniuriam fieri , apostolis longe aliter docentibus c) , ne evanescatur crux Christi .

### DECLARATIO TESTIMONII XIII-

**H**oc commento ignis purgatorii nihil quidquam infirmius , nihil tamen quaestuosius vñquam ful-

a) Eſ. XXXXIII. 27. b) Eſ. XXXXVIII. 17. c) I. Cor. I. 17.

fuit episcopis, quorum cupiditati nimis angustus vi-  
sus est orbis terrarum. Ii simillimi sunt eorum, de  
quibus ethnici dixerunt, *exhauriunt domos, & su-  
perstitione animos implent*. Missa facio incómmoda  
accepta, abusus, blasphemias, quae praeter omni-  
um opinionem, qui tum commentum primum na-  
cens tolerarunt, secuta sunt. Vnum dico, remissionem  
peccatorum hoc commento infringi, merum euange-  
liuma), venite ad me omnes, inquit Christus, qui labora-  
tis & onerati estis, & ego reficiam vos; tollite iugum me-  
um super vos; & discite a me, quia mitis sum & humilis  
corde, & inuenietis requiem animabus vestris. Falleris,  
inquiunt pseudochristi, si post baptismum mole pecca-  
torum laborans & oneratus, Christo licet te quantum-  
vis commendes iugumq. crucis, quod ille tulit, super te  
expendas, aliamque instituas vitam, putas post mor-  
tem statim requiem inuenturum, nisi de mercimoniis  
nostris redemeris. Christus, inquires, pro me mor-  
tuus est. Quid tum? Respondent illi, culpa ob  
Christi mortem es liberatus, poenae tamen tempora-  
riae sunt pendenda. Falsa ergo tot oracula prophe-  
tarum recipientium maiora quaedam de Christo, eius  
scilicet morte delenda esse non modo peccata, sed  
memoriam etiam peccatorum. Isti autem non mo-  
do memoriam, sed cruciatus & tormenta multis ac  
multis annorum millibus restare adserunt. Quid au-  
tem Esaias pro Christo pollicetur b)? Ego sum, ego  
ipse sum, qui deleo iniquitates tuas, & peccatorum  
tuorum non recordabor amplius. Quid hoc est? deleo.  
Quid? non recordabor amplius. Et, deleui, inquit c),  
vt nubem iniquitates tuas, & quasi nebulas peccata  
tua. Et quoniam, vt consecratum est memoriae a  
sanc-

a) Matt. XI. 28.29. b) Esa. XXXXIII.25. c) Esa. XXXXIII.22.

sanctissimis apostolis, *hūic omnes prophetae testimoniū perhibent, remissionem peccatorum a)*, recipit Hieremias b), *quaeretur iniqūitas Israel & non erit, & peccatum Iuda & non inuenietur.* Quid est? non erit: quid est? non inuenietur. Et alibi c). *& peccati eorum non memorabor amplius.* Ezechiel item d), *omnium iniqūitatū eius, quas operatus est, non recordabor.* Et Micheas e), *deponet iniqūitates nostras & proiiciet in profundum maris omnia peccata nostra.* Et Dauid f), *quantum distat ortus ab occidente, longe fecit a nobis iniqūitates nostras.* Quac omnia ut es-  
sent plena ac firma, Christus mortuus est & resurrexit, sedetque ad dextram dei patris adparens vultui dei pro nobis, qui per Esaiam ea de re peramanter exsultat, gratulaturque quodammodo nobis de plenissima remissione peccatorum. *Venite g) & arguite me, dicit dominus.* Si fuerint peccata vestra ut coccinum, quasi nix dealbabuntur, & si fuerint rubra sicut vermiculus, velut lana erunt. Si dicerem niuem esse atram, quis ferret? Si fuloni dicerem in lana optime curata restare sordes cluendas, excandesceret iracundia homo, qui peritissimus eius artis, in ea lana curanda summam diligentiam impendisset, & merito, si fuisset optime curata. Qui ergo dixerit ob Christi mortem non omnem remissionem peccatorum esse factam, quantum in se est dicit, ecce ego venio, ecce ego arguo: peccata nostra non sunt dealbata sicut nix, non sunt munda velut lana. Tu vide iam, quam haec verba repugnant promissis dei, quam sint immenses beneficii sanguinis Christi, quam ingratiti, qui

a) Act. X. 43. b) Ier. L. 20. c) Ier. XXXI. 34. d) Ezech. XVIII. 22. e) Mich. VII. 19. f) Ps. CIII. 12.  
g) Esa. I. 18.

qui abierint in has blasphemias. Sunt alia prope infinita, quae adduci possunt ex prophetis: inter quae & illud tritum *a*), *vere languores nostros ipse tulit & dolores nostros ipse portauit. Vere portauit* dixit, ne tu inanem aliquam sed plenam remissionem delictorum factam esse putas. *Et languores & dolores* dixit, ut quiuis intelligeret, cum crudelissime, grauissimis poenis inquam, fuisse affectus innocentissimus Christus, has poenas fuisse pensas pro iis poenis, quibus debuissent adfici ob eorum delicta electi dei. Nam certe ob quid aliud poenae acerbissimae pensae sint ab innocentissimo Christo, nihil potest dici, nisi pro poenis ob delicta electorum suorum. Neminem vero tam impium esse arbitror, qui ausit dicere, poenas acerbissimas Christi non fuisse satis pro poenis, quae vel ante baptismum vel post baptismum deberentur ob delicta electorum dei. Nam si hae non sunt satis, nullae umquam erunt satis: aut si sunt satis, tantum pro poenis delictorum ante baptismum, non expedit baptizari, nisi cum prope abeundum est e vita. Haec haeresis proxime accedit ad eam, quae fuit de lapsis post baptismum. Quasi vero spiritus sanctus & benignitas dei non sit semper eadem, quacunque hora conuersus fuerit peccator a vita mala, & merita Christi sint ad mensuram, & eius crux non satis fuerit pro nobis diu viuentibus, nisi nos ipsi poenis nostris suppleuerimus. At quidem illae maiori benevolentiae signo non potuit declarare quam nos amaret, quam ut peccatorum nostrorum poenas vltro luerit, ne nos lueremus! Quam ob rem iam ferme moriens, ut spiritus sanctus per Dauidem praedixerat, pie admodum clamabat e cruce *b*), *deus, deus meus, quare de-*

*a) Esa. LIII. 4. b) Ps. XXII. 1.*

*dereliquisti me? Verba delictorum meorum.* Suscipe iam cogitationem dignam homine christiano. Quidnam is, de quo scriptum est a), qui peccatum non fecit, nec inuentas est dolus in ore eius, dicat? *verba delictorum meorum.* Age cum his perpendamus verba patris b), propter scelus populi mei percussi eum. Videntur, quod isti petunt, (ut eorum verbis vtar), plenarie poena satisfactum sit diuinae iustitiae? Qua de re audi communionem sanctorum. Omnes enim, qui ad Christum attinent, gratias agunt, & non modo ore fatentur, vt pseudochristiani multi, sed corde etiam id firmissime credunt ad eorum iustitiam, & Christum volunt, fatentur, amplectuntur iustificatores. *Ipse c) autem vulneratus est propter iniquitates nostras, attritus est propter sclera nostra, disciplina pacis nostrae super eum & linore eius sanati sumus. Pacis nostrae dixit, & sanati sumus dixit, ut ostenderet, relicto in nobis fomite peccati, non inducas, non curationem valetudinis infirmam, sed, quotiescumque ad ipsum redierimus, remissione plena peccatorum, pacem & salutem veram datam nobis per Christum.* Qua de re audi apostolum d), quoniam quidem deus erat in Christo, mundum reconcilians sibi, non imputans illis peccata. Numquid pro his, in ignem coniicieris ad cruciatus temperarios? An hoc est non imputare? Item alibi inquit e), iustificati ergo ex fide, pacem habemus ad deum per dominum nostrum Iesum Christum. Et, ne euacuetur crux Christi, inquit f), caritas Christi urget nos aeternantes hoc, quoniam, si unus pro omnibus mortuus est, ergo omnes mortui sunt, & pro omnibus mortuus est.

Chrif-

a) *Ef. LIII. 9.* b) *Ef. LIII. 8.* c) *Ef. LIII. 5.* d) *2. Cor. V. 19.* e) *Rom. V. 1.* f) *2. Cor. V. 14. 15.*

*Christus, ut, qui viuunt, iam non sibi viuant, sed ei, qui pro ipsis mortuus est & resurrexit. Itaque, si redempti per sanguinem Christi, in ignem cruciarentur, non sibi cruciarentur, sed Christo, qui, inquit a), est donans vobis omnia delicta. Quomodo donans? Tutissimum est, inquit Augustinus b) & Irenaeus c), scripturam per scripturam exponere. Idem ait apostolus, donantes vobis met ipsi, si quis aduersum aliquem habet querelam, sicut & dans donauit vobis, ita & vos. Num, si quis iniuriam nobis intulit, iubet dominus ut abesse illum a culpa dicamus, at supplicium nihilo minus aliquod sumamus pro tempore? minime. Sed liberalissime condonandum monet; si peccauerit, non modo septies sed septuagies septies, semper ita condonandum iubet d), ut ne irae vestigium sit, ita ut ne meminisse quidem iniuriarum velimus, & de illis ipsis bene mereamur: id non sequeretur, si non & ita ipse semper nobis, cum redierimus, donaret: donantes, inquit, vobis met ipsi, si quis aduersum aliquem habet querelam, sicut & dans donauit vobis; ita & vos. Dubiumne id est, quit sit ut dans donauit vobis? Haec vel pii animis satis sunt: ut impiis aliquas sint latus, non est requirendum. Quamobrem credere debemus, quod uno ore tam firme testantur prophetae, quacunque hora conuersus fuerit peccator, spiritu dei commonitus, & dono gratiae dei in viam redierit, exstare deum, diuina illa liberalitate, non peccati, non vindictae ullius memorem, sed paratissimum ad excipiendum per Iesum Christum summa etiam laetitia, per quem, inquit apostolus, reconciliavit sibi deus, quae sunt in coelis, & quae in terris.*

Nam

- a) Col. II 13. b) de doctrina christiana lib. III. cap. 27.
- c) aduersus haereses. Val. l. III. c. 12. d) Mat. XVIII 22.

Nam quod contra tot tantaque testimonia prophetarum & apostolorum , tres vel quatuor subobscuros & incertos locos scripturae peruerunt, faciunt, vt solent cetera. At praeponenda sunt a vobis , in quibus habitat spiritus dei , multa paucis , certa incertis , firmissima infirmis , in quibus , quoniam ad aliud properat oratio mea , nolo multum morari. Locum, quem ex epistola ad Corinthios prima <sup>a)</sup> de igne adducunt, Chrysostomus & Theophilactus ea in epistola non de purgatorio igne , sed gehennae interpretantur. Augustinus <sup>a)</sup> non modo interpretatur sed argumentatur probatque per eum ignem tribulationis , temptationem , debere intelligi. Quod ex Matthaei euangelio colligunt , id tale est, vt quiuis intelligat ingenium eorum , qui abusus defendunt. Si qui sunt , qui plus nimio dialecticentur in sacris libris , hi sunt scholastici homines : tamen , vt peruiçacia vincant , non pudet eos coiligere ex negatiua propositione adfimationem , quem dolum sophistarum omnes dialectici rident. Ii , vt nobis illudant & populo dei , cum placet , dialecticae regulis omnia examinant atque obstringunt , cum rursus placet , reiiciunt eam omnem disciplinam , & intra cancellos ipsi contineri nolunt. Astute. At Augustinus & Hilarius <sup>c)</sup> antiqui & doctissimi interpretes , non his dolis . Ii , cum singillatim ea verba ponderassent atque illustrassent magnis commentariis , nihil tale viserunt posse colligi. Conclusionem elicit Hilarius adsimilem praemissae. Omnino peccata cuiusque generis remittenda , blasphemiam in spiritum non remittendam. At isti magni dialectici ratioc-

<sup>a)</sup> 1. Cor. III. 13. seqq. <sup>b)</sup> in enc. ad Laur. cap. 6<sup>o</sup>  
<sup>c)</sup> in Mat. Canone. 12.

nantur ex eo: quod de aliquibus negatur, patet, quod de quibusdam conceditur; vnde hoc dialectice genus? Negatur de aliquibus homo, si dixero, homo neque lapis est neque lignum: ergo concedendum est aliquem hominem esse lignum. At ne in his diutius; Augustinus tandem absolvit quaestionem his verbis a), Quod scriptum est in euangelio Marci, non habebit remissionem in aeternum, sed reus erit aeterni deticti, quid est aliud, quam id, quod secundum Matthaeum legitur, non remittetur ei, neque in hoc saeculo, neque in futuro. Aliis quippe verbis & alio loquendi modo, eadem ipsa est expressa sententia, alium euangelistam non destruit aliis sed exponit. Ex Malachiae verbis b) firmi nihil habent aduersarii. Loquitur enim is de Iohanne baptista, quemadmodum declarat dominus ipse in euangelio: prosequitur postea propheta coniunctim, ut ordo postulat, aduentum Messiae, qui dicitur Christus. Si de alia re sermo esset, sensus ille de Iohanne baptista & Messia coniunctissimus & continuus diuideretur. Nihil est, quod de aduentu primo non optime quadret. Quod in apocalypsi dictum est c), facile omnes intelligent, qui nos rint tropos scripturae. Saepe enim a brutis inanimis atque insensibilibus laudari & benedici deus dicitur, non quod ore quaedam, quod non habent, deum laudent, sed quod ex iis tam belle dispositis eaq. sapientia productis, quae in admirationem traduxit semper omnines homines, laus ingens atque immensa redundet in deum. Huc spectant cantica illa d), laudate dominum bestiae & uniuersa pecora, serpentes & volucres pennatae. Benedicite ignis & aëris domino: bene-

Aa

d-

p. II a) de verbis domini supra Matth. serm. ii. b) Mat. III. 13. c) Apoc. V. 13. d) Ps. CXXXXVIII 7. seqq.

*dicite noctes & dies domino.. Quodque isti videntur non animaduertisse, de iis (quos spiritus vocant) omnibus pariter est dictum. Omnis spiritus laudet dominum. Quis haec intellexerit, nisi tropum scripturae intellexerit? Nam si quis ob haec dicta deducat, ergo nix benedicit dominum, ineptissimus est. At, si quis ex omnibus, quae sunt in coelo terra & inferis cumulatissime laudem referri in deum adserat, ad cuius gloriam facta sunt, quae vbiq. sunt; verissime adserat, ita ut veluti uno ore aequa omnia concinant<sup>s</sup>), sedenti in throno & agno, benedictio, honor & gloria. Sunt & aliae interpretationes non reiiciendae. Sed quid ego apud tales viros de his diutius? Cum praesertim doctissimi homines ad haec & cetera, quae obiiciuntur, adposite & copiose responderint. Commentum de purgatione animorum a pythagoricis, platonicis & poetis sumtum non dissimili arguento ex fabulis Graecorum potuistis nosse, quod latini poetae secuti versibus celebrarunt.*

*Quin & supremo cum lumine vita reliquit,  
Non tamen omne malum miseris, nec funditus omnes*

*Corporeae excedunt pestes, penitusque necesse est,  
Multa diu concreta modis inolescere miris.  
Ergo excentur poenis, veterumque malorum  
Supplicia expendunt, aliae penduntur inanes  
Suspensae ad ventos, aliis sub gurgite vasto  
Innectum eluitur scelus aut exuritur igni.*

Commentum unde sumtum sit videtis. At quod spectris auctoribus ab euangelio Christi de firma plenaq. remissione peccatorum, reclamantibus prophetis & apostolis, abduci potuerunt, fuit quidem indignissimum

a) Apoc. V. 13.

mum. Aiunt enim, animos duorum hominum qui mortem obierant, in balneis squalidos, sordidos, Gregorio esse visos; hos petiisse, ut pro se fierent oblationes, quae gregorianae hodie appellantur, eas remedio fuisse, ut illi poenis liberarentur, adsecutique remissionem peccatorum in regionem piorum conuolarint. Nolite dubitare, principes, daemonia quaedam forma hominum induita, non hominum animos, fuisse emissi ad Christi gloriam immi-  
nuendam, ad euacuandam crucem Christi, ne scilicet remissionem peccatorum, nobis pie abeuntibus ex vi-  
ta, omni ex parte factam plenam atque perfectam esse Christi morte crederemus. Gloriae crucis Christi malum dæmoniorum genus est inimicissimum. Daemo-  
nia illa fuerunt, ad solicitandos homines, ut ingratim  
immoresque essent beneficii accepti ob mortem  
Christi, ut, precium redēctionis solutum esse ne-  
gantibus hominibus, quos sanctos appellāremus, ali-  
qua ex parte, quod omni ex parte esset solutum, sin-  
gularis iniuria fieret sanguini testāmenti in perni-  
ciem animorum nostrorum sempiternam. Qui a  
daemonibus vexantur, saepe, cum super eos no-  
men domini nostri, Iesu Christi a piis invocatur,  
clamat, esse sese aut occisorum quorundam ho-  
minum animos aut eorum, qui suspendio perierint  
aut morte aliqua tetra. quod magni theologi fal-  
sum esse docent, adseruntque, non dubias esse illuſ-  
iones daemonum, qui superstitiones & tenebras vel-  
lent offundere humano generi, certas esse animis ad-  
signatas a deo sedes siue cruciatus siue quietis. Id  
illi tandem in nomine Iesu conuicti fatentur, & cu-  
ius legionis sint, coguntur dicere. Quod si verum  
est, quis tam non videat, huiusmodi monstra illuſ-

ones fuisse daemoniorum, quae persuaderent animos hominum vagari post mortem, & ad balnea quoque relegari, ut poeticis fabulis sancta conspurcarentur Christi religio & ad illud daberemur, *centum errant annos volitantque haec balnea circum?* Facit enim deus aliquando potestatem daemoniis, illudenidi in portentis & signis *a)*, siue ob peccata nostra, siue ut, illusionibus iis illustratione spiritus sancti mirum in modum reiectis, effulgeat gloria Christi, cuius euangelium nos, qui in lucem admirabilem vocati sumus, sequi par est, neque modo daemoniis credere sed ne angelis *b)* quidem de coelo, si aliud euangelizent, quam quod receptum est, debemus. An, si constet, nos optime esse ablutos, immo vero sanctificatos & iustificatos *c)*, & dixerit aliquis post mortem abluendos & purgandos, non aliud euangelizat? Testimonium daemonia cum dare vellet *d)*, respuit Christus, & minas etiam addidit. Et de purgatione animorum doctrinam ad minuendam gloriam crucis ab his recipiet ecclesia, cuius dux & moderator est Christus? ecquid aliud illusores illos voluisse putatis? nisi ut persoluto precio, & poenis depensis pro peccatis nostris, a Christo tam amanter, tam liberaliter, plus etiam quam oportebat, aliqua a nobis iniuria fieret spiritui gratiae & sanguini testamenti, per quem sanctificati sumus, ut periremus culpa nostra, qui, si nos eo sanguine vere ablutos crederemus & Christum iustitiam nostram fateremur, salvi esse possemus. Obscro, quid sit illud, quod in edicti formam iis verbis spiritus sanctus iussit pronunciari, perpendite etiam atque etiam *e)*, quanto magis putatis deteriora mereri sup-

*a) 2. Thes. II. 2. b) Gal. I. 8. c) 1. Cor. VI. 1. d) Marc. III. n. 12. e) Heb. X. 29.*

plicia, qui filium dei concutcauerit, & sanguinem testamenti pollutum dixerit, in quo sanctificatus est, & spiritui gratiae contumeliam fecerit. Haec addidit, camprius dixisset, et peccatorum & iniquitatum eorum non recordabor amplius. Vbi autem horum remissio, iam non est oblatio pro peccato; quibus illud videtur consecutarium, qui Christo semel pro nobis oblato peccatorum & iniquitatum deum recordari adserit; qui remissione peccatorum gratis per spiritum dei facta oblationem iam esse pro peccato adserit: is reclamantibus prophetis, reclamantibus apostolis, conculcat filium dei, euacuat crucem Christi, & sanguini testamenti singularem iniuriam facit. Quae si indigna & non diutius toleranda viderentur, ea ne iam fiant, vobis ad gubernacula reipublicae sedentibus, prouide, principes, ipsis, in quibus habitat spiritus dei.

## R E C I T A C A P V T

## TESTIMONII DECIMVM QVARTVM

De coena domini sacramentum est sanctissime institutum a Christo, quod a Paullo ceterisque apostolis & discipulis domini & multis postea saeculis, quibus optimi fuerunt christiani, summa diligentia est obseruatum. Verum in hoc, ut in ceteris, videndum, ne arrogantia quorumdam, qui omnia sibi licere putarunt, itum sit in abusus. Quod si ipse apostolus in hoc ritu nihil sibi temere faciendum putauit, quam moderationem adhibere ceteri lebuisserint, facile intelligimus. Quid autem nquit apostolus a)? Ego enim accepi a domino, mod & tradidi vobis.

Aa. 3

DE-

1. Cor. XI 23.

## DECLARATIO TESTIMONII XIII.

**C**VM dormientibus hominibus iam olim, instigante satana, aliud seiven superseminatum sit in agro domini, & incredibiles abusus creuerint in ecclesia, crebritate traditionum hominum, rescindentium verbum Christi & instituta apostolorum, accusantur aduersarii. Ii ut in aliquo loco consistant, in dicto quodam Paulli praesidia defensionis constituerunt. Locus est apud Paullum in epistola prima ad Corinthios a); quos inter cum essent contentiones, quas ille scissuras vocat, cuiusmodi fortasse, nisi maiores, hoc tempore sunt in ecclesia: de manducacione coenae dominicae eos arguit, quod non inuicem sese exspectarent commonens his verbis, itaque fratres mei, cum conuenitis ad manducandum, inuicem exspectate: si quis esurit, domi manducet, ut non in iudicium conueniatis, cetera autem cum venero disponam. Sunt haec coniuncta & continua, quid isti haec ad abusus defendendos vertunt, cum de ritu & vsu coenae dominicae loquatur apostolus? Agite vero, per Iesum Christum istorum hominum ingenium considerate. Ex hoc loco volunt tueri prope omnes ritus, quos, vbi per scripturas canonicas non possunt ostendere sibi ab apostolis traditos, velut acceptos per manus adserunt. Videamus, qui tueantur. Videte, quantum ipsis concedam, si in hoc ritu seruando fideles fuerunt & veluti depositum aliquod integre custodierunt, in ceteris omnibus fatebor fideles fuisse: at si, quo integratatem suam in ceteris volunt probare, hunc ipsum ritum, quem non esset ausus apostolus alium facere ab eo, quem Christus instituerat & discipulis administrauerat, & quo primitiva ecclesia illa vfa est, quaes incredibili hominum a) 1. Cor. XI. 33. 34. fanc-

sanctitate floruit, si hunc, inquam, ritum tantis aucto-  
ribus Christo, Paullo, ceteris apostolis & primitiu-  
a ecclesia firmum sanctumque, audaces isti homines  
conturbare, permiscere, & non modo clam multa  
addere, sed publico edicto multa deimere non sunt ve-  
ritati; quid credamus in ceteris ritibus, in quibus ne-  
que tales neque tantos auctores possunt ostendere,  
continuisse sese intra cancellos; intra pietatis termi-  
nios, vllis officii & reuerentiae legibus? Nam cer-  
te, quam institutionis Christi, apostolorum & pri-  
mitiuae ecclesiae rationem habuerint, obsecro, cog-  
noscite ex edicto eorum in sessione decima tertia  
concilii constantiensis. Recita edictum. Licet Christus  
post coenam instituerit & suis discipulis administraue-  
rit sub utraque specie panis & vini hoc venerabile sa-  
cramentum, hoc non obstante, & licet in primitua ec-  
clesia huiusmodi sacramentum reciperetur a fidelibus  
sub utraque specie panis & vini, postea a confidentibus  
& a laicis tantummodo sub specie panis suscipiatur.  
Quapropter dicere, quod banc consuetudinem aut le-  
gem obseruare sit sacrilegium aut illicitum, censi de-  
bet erroneum, & pertinaciter adserentes oppositum  
praemissorum, tamquam haeretici arcendi sunt & gra-  
uiter puniendi. Quae haec est in verbis pharisaicis  
audacia? quae in edicto antichristi impietas & trucu-  
lentia? Licet, inquiunt, Christus post coenam insti-  
tuerit & suis discipulis administrauerit, tamen hoc  
non obstante. Quid ergo obstat, si hoc non obstat?  
Licet, inquiunt, in primitua ecclesia hoc vene-  
rabile sacramentum reciperetur sub utraque specie, hoc  
non obstante, petentes laici communicari sub utraque  
specie, tanquam haeretici arcendi sunt, & graviter  
puniendi. Si Christi, si apostolorum, si discipulo-

rum domini , si primitiuae ecclesiae ratio habita non est , cuius rei habitam olim ab istis putatis rationem aut habendam vñquam ? Si tanti ac tales auctores , Christus , Paullus , apostoli , discipuli domini , primitiua ecclesia , non obſtiterunt istorum audaciae , quorum iudicio & monitis arbitramini impios sacilegos potuisse aut posse cohiberi ? Neque vero me fugit multas aduersarios comminisci cauſas , quibus ab instituto Christi , a consuetudine primitiuae ecclesiae sit recessum , vt ne ſub vini ſpecie feruatum sacramentum coaceſceret , neue cum per vrbeſ circumferretur lapsi ſacerdotis poſſet effundi . Hoc illud eſt , quod dicebam : ſi tam diligentes fuiffent epifcopi romani in excogitando , vt praeceptum Christi ſacrum , ſolemne , integrum , perpetuum maneret , quam fuerunt in fanciendo , ne aliqua ex parte feruaretur , o felicem rem publicam Christi ? Quid opus eſt feruari sacramentum in aere ? quid circumferri per vrbeſ , ſi domi potheſt confici & exhiberi aegroto . An sacramentum hoc in templo ſalomonio instituit dominus , vel domi potius alicuius ? Omnia ſunt excogitanda , vt praeceptum , vt institutum domini ſteſt . Cauſae , ſi quae obſtare videntur , tollendae ſunt , non excogitandae cauſae ad peruerterendum & tollendum praeceptum & institutum domini . Quod vero quidam non modo laicis tenuioribus ſed imperatoribus & regibus ſacrificulos & ſaliſubſulos quoſdam de grege eorum , de quibus dicemus , putent praeferendos & acceptione ſacramenti diſtinguendos ; primitiua ecclesia , quae feruauit traditionem apostoli , in qua non erat iſta diſcretio , testimonio eſt , quod ambitione faciant non apostolico instituto . Nam quod Chriſtum pontifices ſibi iſtituerint antecuſorem in itine-

ri-

ribus & laterna , & praesidio circumstant , faciant & indigne & astute , vt ferociorum animos contineant , & plebeculae vndique effluentes prouoluantur ad pedes eorum , quos , vt ipsi volunt persuaderi , Christus ipse concomitatur . Sunt pontificum romanorum hae propriae artes : in his nolite quaerere , quam sint excellentes . Quod autem mercimonia quoque ex hoc sacramento instituta sint , nolo commemorare . Disertissime enim & grauiter ea de re dictum est , & dicetur fortasse ab aliis . Neque est dubitandum , vt ea a piis , augustis , optimisque principibus tollantur , quos seruus Iesu Christi (quantum nomen Christi commouere potest) orat atque obsecrat per Iesum Christum , vt hoc sacramentum quam fieri potest purissimum restituatur ex vestigiis doctrinae apostolicae , non per modum oblationis nouae & sacrificii , sed commemorationis tantum oblationis eius sanctissimae & sacrificii , quod a semel factus est Christus pro nobis , quo a seipso tam amanter pro nobis oblato , & in sacrificium libertissime accepto a patre , omnes oblationes & sacrificia cesserunt in abominationes . Vnde vox domini obtestantis<sup>b)</sup> , qui offert oblationem , quasi qui sanguinem suillum offerat . Oblationes enim & sacrificia in hoc tantum pro tempore erant constituta , vt veluti umbrae significanter hoc unum domini sanctum & salutare , in quo salus facta est omnibus inuocantibus nomen eius . In commemorationem ergo domini coena est manducanda , qui inquit<sup>c)</sup> , haec facite in meam commemorationem . Et apostolus<sup>d)</sup> , quotiescumque manducabis panem hunc , & calicem bibetis , mortem domi-

Aa 5.

nō

<sup>a)</sup> Heb . VIII . 2 . 28 . <sup>b)</sup> Esa . LXVI . 3 . <sup>c)</sup> Luc . XXII . 19 . <sup>d)</sup> 1. Cor . XI . 26 .

*ni annunciatibis, donec veniat.* Hoc ergo tantum facendum, dum in commemorationem diuino instituto manducamus panem illū & calicem bibimus, vt mortem domini annunciemus, donec veniat. Sed tu iam,

## RECEITA CAPVT

## TESTIMONII DECIMVM QVINTVM.

Preces, rogationes publicae, imprudenter fortasse nonnullae irrepserunt rudibus saeculis, nonnullae superstitionis. Quanobrem in hanc quoque curam est incumbendum, viri dei, vt sint purae castaeque deprecationes, modique orandi euangelici, vt & imperiti etiam bene petere adsuescant. Verba enim apostoli commonefacere nos debent <sup>a)</sup>, *petitis & non accipietis, eo quod male petatis.*

## DECLARATIO TESTIMONII XV.

**Q**uod Christus ipse formulam orandi dictarit <sup>b)</sup>, vniuersae ecclesiae permagni refert: quod autem receperit, quidquid a patre per se petierimus, id nos impetraturos, manifeste a patre per filium docet esse petendum <sup>c)</sup>. Atque hoc Ambrosii illud est. *Filius vult rogari patrem: pater vult rogari per filium.* Progradientibus saeculis sensim (quae est infirmitas hominum) aliae formae sunt excogitatae, quae nunc a contentiosis & superstitionis defenduntur ex locis subobscuris & incertis scripturae, sinistra nonnumquam interpretatione deromptis. At si certissima dubiis, perspicua obscuris, optima ceteris praeponenda sunt, hanc unam deprecandi formam ceteris praeferemus. At eo processit impietas & audacia latronum, qui a pontificibus romanis omnibus locis dispositi sunt, vt quaestuosas traditiones tueantur, vt si quis

<sup>a)</sup> Iac. IIII. 3. <sup>b)</sup> Mat. VI. 9. seqq. <sup>c)</sup> Iob. XVI. 23. seqq.

oncionetur, hoc orandi genere adsuefaciendum pos-  
 sumus dei, alia genera intta modum adhibita, peri-  
 toribus fortasse non esse periculosa, infirmioribus &  
 imperitis periculum aliquod posse creare, ut si in o-  
 ando cultum, qui vni deo debetur, creaturae dent,  
 i sanctorum patrocinia toto animo complexi, spei  
 ninus minusque fiduciae in Christo habeant, eaque  
 e impediantur, ne toto corde & mente omni dili-  
 gant dominum deum, quod maximum praeceptum  
 est, in hac rogandi formula, quam Christus institu-  
 it, nullum periculum inesse. Ita, inquam, si con-  
 cionetur, eo procescit impietas & audacia hominum  
 pontificiarum partium, vt magnum periculum im-  
 pendeat homini apostolice & euangelice docenti. Ig-  
 norantia vero & confusio peruersioque primi & ma-  
 ximi praecepti, de uno deo tantum colendo tota men-  
 te & corde animo, excusationem villam non habet:  
 siquidem plus quam oportet, non necesse est sapere, sed  
 quantum oportet sapere, omnino necesse est. Nam  
 quod, vt diximus, apostolus gentium ob idipsum e-  
 pistolam a) scribat, & tantopere contendat, angelos  
 neque esse credendos neque adpellandos, neque in-  
 uocandos mediatores dei & hominum, sed unum Ie-  
 sum Christum, commonefacere gentes satis debet,  
 numquam fuisse daturum apostolum, vt animas ho-  
 minum, qui e vita decesserunt quantilibet sanctitate  
 fuerint, adpellaremus atque solemniter inuocaremus  
 patronos, intercessores aut mediatores. Quae non  
 eo dico, vt virginis clarissimae & gloriose & sancto-  
 rum hominum memoriam delendam putem, immo  
 vero peregriegie conseruandam: verum ea tollenda  
 arbitror, quae si illi viuerent, non ferrent. Nou-  
 mus Barnabam & Paullum, cum ipsis de aris ponen-  
 a) ad Coloff. dis

dis turbae Lystris cogitarent, consciisis tunicis exilit e  
 & proclamasse a), viri, quid haec facitis? E nos mer-  
 tales sumus, & similes vobis homines. Nouimus Ie-  
 trum, cum ad eius pedes abiécisset se Cornelius con-  
 turio, aperte recusantem huiusmodi cultum & argu-  
 entem his verbis b), surge Ego ipse homo sum. Haec  
 cum ita sint, tamen nos de templis ponendis &  
 de cultibus iis cogitamus, quos illi omnino vetue-  
 runt. Quid hoc est? Vtrum honoribus adficere sanc-  
 tos viros, an vero grauisimis iniuriis onerare? De  
 statuis autem & picturis cum propheta dicimus c), si-  
 mulacra gentium, argentum & aurum, opera manu-  
 um hominum. Similes illis fiant, qui faciunt ea, &  
 amnes qui confidunt in eis. Confundantur d) omnes,  
 qui adorant sculptilia, & qui gloriabantur in simulacris  
 suis. Nam quod aliquibus saeculis quaedam conce-  
 sa fuerunt, habuit fortasse ea res excusationem, quod  
 per id tempus lacte opus erat & non solido cibo.  
 Nunc vero, cum iam non simus paruuli fluctuantes,  
 occurramus, viri fratres, in unitate fidei, in virum  
 perfectum, in agnitionem plenitudinis veritatis. An  
 ignoramus, hoc abusu in idolatriae speciem incide-  
 re plebeculas, maiores fieri concursus ad hanc aedem  
 quam ad illam, statuae aut picturae alicuius gratia,  
 ante quas vulgo se homines abiiciant atque prouol-  
 uant. Quod malum quoniam neque nunc primum  
 repit, haud nunc primum admonuit spiritus dei, qui in  
 concilio e) aliquando meminit suae voluntatis. Nam  
 quae ea vox est? Placuit picturas in ecclesia dei esse non  
 debere, ne, quod colitur aut adoratur, in parietibus  
 depingatur. In cordibus enim fidelium non modo

pic-

a) Act. XIII 13. 14. 15. b) Act. X. 26. c) Ps. CXV. 4. 8.  
 d) Ps. LXXXVII. 7. e) concilio eliberitano cap. 36.

ictum sed fixum esse debet, viri fratres, quod in spiritu coli debeat & adorari, dicente domino <sup>a)</sup>, veri doratores adorabunt patrem in spiritu & veritate, am & pater tales quaerit, qui adorent eum. *Spiritus & deus, & eos, qui adorant eum, in spiritu & veritate oportet adorare.* Cuius rei gratia exstant spiritus sancti monumenta illa aeterna canonicae scripturie, ex quibus ut puram integrumque pietatem hauant homines, sanctissimi apostoli instituerant <sup>b)</sup>, ut resbyteri, non sacrificuli, sed seniores quidam speciae vitae & doctrinae per ciuitates constituerentur, i praedicandum verbum dei, non ad ponendas statas, picturasque exornandas, ut ex his (quod aiunt) astici & imperiti edocerentur; sed ex viuo & efficaci sermone dei, qui <sup>c)</sup> penetrabilior est omni gladio ancipi, & pertingens usque ad diuisionem animae ac spiritus, sceleror cogitationum & intentionum cordis. Id enim imprimis est cauendum, viri principes, ne indulgentia statuarum occasio detur infinitae hominum iultitudini ad idolatriam: qua illi quidem perirent, sed eorum animas dominus de manu vestra requiret. Id ne vanum aut futile putetis, contestatur odie vobis seruus Iesu Christi, quod illi in impietate peribunt, animas autem eorum dominus de manu estra requiret. Hoc zelo imperatores quidam olim rauiter commoti, vi pontificum romanorum nihil rofecerunt. Ille pontifices, ne vobis impedimento at, prouidete, principes vos, in quibus habitat spiritus dei, eorum apertissimam impietatem, ad resistendum semper spiritui sancto, sicuti & patres eorum, sequamini. Audite quam indigne, quam insipienter ex iis unus quidam maximus falsae pietatis inu-

<sup>a)</sup> Ioh. IIII. 23. <sup>b)</sup> Act. XIII. 23. <sup>c)</sup> Heb. IIII. 12.

lucro , quo se ille saepe obtexit , reprehenderit Seruium episcopum Massiliensem , qui , ad idololatriam ruentem populum cum animaduertisset , statuas omnes in ecclesia confregerat . - *Perlatum* , inquit a), ad nos fuerat , quod inconsiderata zelo succensus sanctorum imagines sub hac quasi excusatione , ne adorari debuissent , confregeris , & quidem , quia adorari eas veruisse laudamus , omnino fregisse reprehendimus . Dic frater , a quo factum sacerdote aliquando auditum est , quod fecisti ? Ut omittam de Paullo apostolo illud b) , quod , cum Athenis esset , incitabatur spiritus eius , videns idololatriae deditam ciuitatem ; nonne , o Gregori , legimus , Ezechiam regem deo gratissimum , illum ipsum , de quo scriptum est c) , qui fecit , quod erat bonum coram domino , iuxta omnia , quae fecerat David pater eius . ipse dissipauit excelsa , & contriuit statuas , & succidit lucos , confregitque serpentem aeneum , quem fecerat Moyses ; siquidem usque ad illud tempus filii Israel adolebant ei incensum ; quem tamen serpentem fecerat Moyses , posueratque ex iusu dei , & erexerat ad salutem coniumentium oculos in eum : stetigit signum ipsum Christi domini , cum idololatriae periculum ex eo immineret , confregit , inquam , Ezechias signum crucifixi d) , & erat deus cum eo : propter quod laudatur Ezechias in scripturis sanctis , reprehenditur Seruius a pontificibus romanis . Non est idem spiritus , qui laudat & qui reprehendit . Ecquid erat , inquam , serpens ille aeneus , nisi signum ipsum referens Christum domini ? Hoc tamen signum tam sacrum , tam solemne positum , ut eo

a) ex epistola Gregorii papae ad Seruium episcopum Massiliensem b) Act. XVII. 16. c) 2. Reg. XVIII. 3. 4.  
d) Num. XXI. 8.

commonerentur omnes de Christo, in quo spes omnis salutis esset ponenda, imminente periculo idolatrias, confringi debere, spiritus domini pungens nonnuit Ezechiam. Eodem spiritu, qui est spiritus intellectus & sapientiae, punctus & commonitus eruius, succensus dicitur spiritu & zelo inconsideratio. Sunt hae blasphemiae in spiritum sanctum propriae pontificum romanorum, per quos non est dubium, saepe illusisse satanam gentibus & populis, rae se ferentem angelum lucis. Sed ego haec missatio. Ad illud potius venio, quod autores ipsi, uibus nituntur, tametsi aliquando non ita constanter locuti sunt, ea tamen vis est veritatis ut saepius rauissime commonuerint firmiterque adseuerauerint. Quod operaे precium est audire, qui habet aures audiendi audiat, quid hic spiritus dicat ecclesiae. Uiter orare, quam Christus, filius dei, qui veritas est occuit, non ignorantia sola est, sed culpa, quando ipso posuit & dixit, reuictis mandatum dei, ut traditum vestram statuatis. Quid est, non ignorantia sola est sed culpa? Dicant iam, ignorantium eius rei inimi esse faciendam, operarii satanae. Haec Cyprianus a) & Augustinus b) in euangelio Iohannis multis ac multis agit, ne in sanctis, quos montes appellat, spem ponamus & collocemus. Non potest, iquit, esse in pace, qui spem ponit in homine. Noli sic erigere oculos in montem, ut putetis in homine, rem vestram esse collocandam, & sic dicite, leuaui oculos meos in montes, unde veniat auxilium mibi, ut statim abiungas, auxilium meum a domino, qui fecit coelum & terram. Vnde enim & montes acceperunt, ibi &

spes

) in sermon. de oratione dominica. b) in expos. euang.  
Iohannis tract. I, cap. 1.

*Spes nostra ponenda est. Mons erat & ille baptista Iohannes, qui dixit, non sum ego Christus, ne quisquam spem in monte ponens raderet ab illo, qui montes illus- trat. Et Crysostomus), cum ea verba interpretare- tur, unusquisque autem videat, quomodo superaedificet, fundamentum enim aliud nemo potest ponere praeter id, quod possum est, quod est Christus Iesus; subdit, super hoc ergo aedificemus, & pro fundamento habeamus tamquam palmitem vitis. Nullum sit me- dium inter nos & Christum: quod si medium aliquod intercederet, id quam primam ab oceamus. Quae etsi verissime dicta sunt, quia tamen eius non sunt auctoritatis, qua scripta illa diuinitus, ab illis non rece- damus, ex quibus docendi sunt populi ut firmissimis haereant, & fiduciam in deum per Christum habe- ant. Iustificari, inquit apostolus b), gratia per gra- tiam ipsius per redemtionem, quae est in Christo Iesu, quem proposuit deus propitiatorem per fidem in sanguine eius, ad ostensionem iustitiae suae: non ergo ut te ex operibus tuis iustum ostendas, sed ut ipse Christus clarificetur, quod est, ut omnibus sit compertissimum, quia solus ipse est iustus, per se ipsum tantum iustifi- cans nos, iustitia ipse nostra, lauans nos in sanguine suo. Est ergo perpendendum, quod nostra caussa venia digni non sumus, quod mediatore opus est ad deum, sed firmissime credendum, unum mediato- rem dei & hominum esse Christum c), cuius sanguinis & vitae effusione pro nobis placatus est pater, ita ut quicunque quacunque hora, ut pollicitus fuerat per prophetam, ad deum reuertemur, nos benigne excipiatur. Quamobrem assiduum propitiatorem habe- mus apud deum praepotentem & volentem. Vnde*

a) in ep. i. ad Corintb. c. 3. b) Rom. III. 24. c) I. Tim. II. 5.

*s̄ saluare, inquit apostolus a) in perpetuum potest ccedentes per semet ipsum ad deum. Et rursus b) Ion enim in manufacta introit Christus exempla verorum, sed in ipsum coelum, ut adpareat nunc ultui dei pro nobis. Sunt haec firmissima, quibus emo est tam stolidus, ut putet comparari posse, quae ducunt aduersarii eruta ex locis obscuris & incertis: si uismodi est illud c), si steterit Moyses & Samuel coram me, non est anima mea ad populum istum. Vien', inquiunt, cum iam olim e vita discessissent Moyses & Samuel, de ipsis tamen dicitur, si steterint Moyses & Samuel coram me. Non pudet haec proire in lucem? Tropi sunt quidam scripturarum, qui & frequenter apud latinos; his non bene accep- s, nihil mirandum, si cetera male accipientur. Con- tationis nota nihil habet firmi, nihil adserit, nihil ex sequitur, nisi antecedens postea adfirmes ac sumas, quo consequitur id, quod est annexum; at per se ota nihil complectitur. Tale est illud,*

*Nan tali auxilio nec defensoribus ipsis  
Tempus eget, non si ipse meus nunc adforet Hector,  
eque enim sequitur, si viueret Hector, Troia non peretur, ergo signum est, Hectorem viuere. Sed ene tropus est, quo ostenditur nullam esse spem de- lute Troiae. Sic neque sequitur, si Moyses & Sa- uel orarint, non flectar, ergo signum est Moysen Samuel mortuos orare. Sed bene colligitur, nul- m esse spem in flectendo. Tropo item illud est in- solutum d), facite vobis amicos de Mammona iniqui- tis, ut, cum defeceritis, recipiant vos in aeterna berna- cula. Quis est, qui recipit in aeterna taberna-*

B b

cu-

*1) Heb. VII. 25. b) Heb. VIII. 24. c) Ier. XV. 1.  
d) Luc. XVI. 9.*

cula? Quis est, qui dat vitam aeternam? nempe is, qui dicit *a*), *oues meae vocem meam audiunt, & ego cognosco eas, & sequuntur me, &c, ego vitam aeternam do eis.* Nam si quod vnicuius ex minimis Christi fecerimus, Christo fecerimus *b*), & quia pro ea re, quae fidem non inanem consequitur, nobis Christus dat vitam aeternam, dicuntur quodammodo & illi dare nobis vitam aeternam. Ut si quis furtum fecerit avarus, & ob subreptam pecuniam infelici arbori teste suspendatur, dicimus, pecuniae illum ad furcas adegerunt, cum tamen ad furcas non pecuniae sed lictores hominem adegerint. Horum similia multa sunt ineptissime ab aduersariis adducta, quae, ne vobis fastidio sim, omitto. Nam quod viuentes orant pro viuentibus, non puto vos exspectare, ut diluam. Ab iis (inquiunt theologi) qui sunt in statu promerendi caritas exigitur. Hic insurgunt. Non est credendum caritatem minui in animis beatorum. Quare, cum ii caritatem habuerint viuentes, eam, non est credendum, amissam in meliore vita. Coniectura haec est non sat firma. Quid si id est, quod nonnulli adserunt, omnem illorum caritatem, quae, ut ipsi loquuntur, in duos ramos diuisa erat, (in dilectione dei & proximi) postquam a nobis est decepsum, in unum ramum cohaesisse, in dilectione scilicet solius dei: ad eius maiestatem, potentiam, gloriam contemplandam conuersi, aliud praeterea nihil cogitare dicuntur, Christi gloriam exspectantes & regnum dei tanto desiderio; ut de vindicta clamare etiam dicantur *c*), & caritate tamen ardeant, amore scilicet illo in deum. Adde, quod etsi in sinu Abraham esse dicantur, qui tamen sit ille sinus, qui status dormientium, ad diem usque iudi-

*a) Iob. X. 27. 28. b) Matr. XXV. 40. c) Apoc. VI. 10.*

icili non liquet. Qua de re Augustinus a), sed qui-  
am sint illi beatissimi, qui iam sint in ea possessione, qua  
uite haec via magna, quaestio est. Et angelii quidem  
ncti quodibi sint, nulla quaestio est. Sed de sanctis  
iminiis iam defunctis, utrum ipsi saltem dicendi sint  
min illa possessione consistere, merito quaeritur. Et  
enaeus inquit b), cum enim dominus in medio umbras  
artis abierit eo, ubi animae mortuorum erant, post  
inde corporaliter resurrexerit, & post resurrectionem  
dsumus est, manifestum est, quia discipulorum eius,  
propter quos haec operatus est dominus, animae a-  
bunt in inuisibilem locum, definitum eis a deo, & ibi  
sque ad resurrectionem commorabuntur substantientes  
resurrectionem. Praetereo aliorum opiniones, & de  
ormitione quaedam, & cetera nata ex coniecturis,  
uae nihil habent firmi & comperti. At modus iste  
dogandi a patre per filium non est ex coniecturis, fir-  
missimus est, nusquam dubitabilis; quia ex verbo  
ei. Quae amentia tandem est adsudefacere gentes &  
ationes rebus incertis & coniecturis? Annon hoc  
lud est? Et ad fabulas conuertentur. Verbum dei  
conferre cum coniecturis numquid est apostolicum?  
uangelicum mandatum non pluris facere quam tra-  
ditiones hominum, numquid episcoporum, qui Pe-  
num, qui Paullum agunt? qui columnas ecclesiae?  
lic modus euangelice orandi est certissimus, & prop-  
erea praeferendus, & longe lateque praeponendus  
& praedicandus. Quid ad haec respondent? Haec  
Christi verba sunt. Si Christo non credunt, quod re-  
ciunt, declarent iam verbis animi sententiam. Quid  
iquit Christus c)? Quodcunque petieritis patrem in  
omine meo, hoc faciam, ut glorificetur pater in filio.

Bb. 2

Pec-

(I. I. c. 14. b) aduers. haer. Val. l. V. c) Job. XIII. 43.

Peccator, inquies, sum. At ipse dicit a), non ve-  
ni vocare iustos sed peccatores. Quomodo vero vo-  
cat? quam benigne, quam liberaliter. Venite, in-  
quit b), ad me omnes, qui laboratis & onerati estis;  
& ego reficiam vos: tollite iugum meum super vos, &  
discite a me, quia mitis sum & humili corde, & in-  
uenietis requiem animabus vestris: iugum enim me-  
um suave est & onus meum leue. Si quis ad Christum  
mediatorem tam humaniter inuitantem non venit,  
sed alio diffidens diuertit infeliciter; ne dubitate,  
principes, eorum factum esse culpa; qui maximam  
curam, incredibilem diligentiam adhibuerunt in fit-  
mandis eorum traditionibus. Quod si vos illos esse  
memineritis, qui esse debetis, nihil vobis erit potius;  
quam vt omnes intelligant, nihil vos in hoc conci-  
lio voluisse minus quam superstitionis, nihil plus  
quam verae & solidae pietatis, vt quantum in vobis  
fuit per sententias vestras & benefacere & benepetere  
discerent gentes & nationes, quae inuocant nomen  
domini nostri, Iesu Christi.

*R E C I T A C A P V T*  
**TESTIMONII DECIMVM SEXTVM.**

Magna est licentia episcoporum & cleri-  
corum, qui, vt vitae integritate & innocen-  
tia in ecclesia lucerent, quasi diuinum ali-  
quod lumen, & ceteris praeescent, ampla ab  
imperatoribus & regibus priuilegia sunt adse-  
cuti, quibus freti in omne genus sceleris ir-  
rumpunt, & coerceri legibus ciuilibus non  
possunt: quae sicuti olim iustis de cauissis fuere  
concessa, sic nunc iustis de cauissis possunt tolli.

Quae

a) Matt. VIII. 13. b) Matt. XI. 28. 29.

Quae multa ex scriptura diuina adducunt  
ontifices romani, vt eorum decreta fulciant,  
e omnino accusentur, ne in eos animaduerti-  
ossit, ne iudicia subeant, durissime esse de-  
corta & nulla esse. Pleraque enim, quae de  
hristo domino dicta sunt, sibi arrogant; non-  
ulla, quae ad fideles omnes aequa spectant,  
eluti ad se solos dicta conuertunt: multa ie-  
rine collecta inanem verborum volubilitatem  
abent, praeterea nihil. Posse nunc impera-  
torem romanum & reges principesque reipu-  
licae christianaे priuilegia, quibus illi abusi-  
int multis saeculis, abrogare, edictum pro-  
ponere, vt, quorum vita spectatae non fuerit  
integritatis, a plebe sancta & populo dei de-  
radu deiici possint, & alii spectata vita &  
doctrina substitui, vt spiritus, quem deus sus-  
titabit in populis a), vendentes & clementes in  
mplo eiiciat, & mensas numulariorum & cathedras  
endentium columbas euertat.

## DECLARATIO TESTIMONII XVI.

Vod imperatorum & regum priuilegia perpetua  
esse non possunt, sicuti verbum dei, quod sum-  
ma est auctoritate, huc adpulerunt animum ponti-  
ces romani, vt decretis agerent veluti ex scriptis di-  
nis, quibus tam se quam asseclas & collegas exime-  
nt legibus & poenis, quae ciuiles adpellantur; vn-  
& forum sibi aliud a laicis constituerunt: cui rei  
stissimis olim de causis fauerunt pii imperatores &  
ges. Nam eo tempore, quo non penitus recepta  
terat religio christiana, sed veluti noua & propterea  
uidiosa pullulabat, magnis opibus summa poten-  
tia

Bb 3.

) Marc. XI. 5.

tia oppugnabatur ab iis, qui deorum cultum, antiquos ritus, paternam atque auitam religionem tolli videbant. Eam ob rem, si pius aliquis per id tempus imperium romanum est adsecutus; id imprimis curauit, ut ecclesiae praefecti tuti essent ab laicorum vi regulorumque potentia *a*). Iis principibus orta sunt priuilegia & donatiua, quae illis temporibus furerunt quidem necessaria: at ubi gentes & nationes vulgo idolorum cultibus reiectis ad Christum venissent; priuilegiis nihil valde opus erat, cum praesertim ecclesiarum praefecti summo apud omnes in honore essent, qua data est via ad tyrannidem non modo humanarum rerum sed etiam diuinarum. Perstiterunt nihilo secius in incepto pontifices, & indies magis se priuilegiis munierunt. Concedebant omnia imperatores & reges, vel specie pietatis affecti, vel lactati spe a pontificibus romanis quaestuosa interpretatione scripturae, qua adsererent, sibi vnius esse potestatem fores coeli aperiendi transmittendique animas in coelum, licet eae ad inferna etiam loca essent destinatae, ut praeter alias fabulati sunt de Traiani & de Dagoberti (Francorum regis) anima apud Lyparim extorta de manibus daemoniorum: vel quod priuilegia & dona non pontifices, sed diuum Petrum ipsum a principibus accipere confinxerunt; unde cum ab aliis multis multa dona tum ab Honorio fundi coemti etiam beati Petro dicuntur *b*). Et perbelli Gregorius ad Ricardum regem Vnisigothorum Petri nomine rescripsit his verbis *c*), *beatus Petrus, apostolorum princeps, quam libenter munera excellentiae vestrae*

*a) ex Aug. de civ. dei. b) ex Palatina in vita Calixti papae. c) in epist. Gregorii papae ex tomo I conciliorum. In Gregorii septimi papae vita.*

rae suscepit: vel quod his artibus, rudibus saeculis, pontifices romani magna auctoritate praediti partue monarchia imperium iam haberent in principes, t nihil quod vellent non impetrarent, ita ut Henrico pontifex romanus potuerit dicere, *te imperatoria dministratio regiaque deilio*: & Toletano archieiscopo Romam venienti & in verba pontificis iurandi pallium & priuilegia concederet eumdemque totius Hispaniae primatem instituerit. Huiusmodi exempla infinita qui velit, ex historiis petere potest. Quae opiosissime dici possunt, a me ne quidem attinguntur, tum quod hic mihi labor non est propositus, tum quod res altera non est notior. Quod suscepit, id exsepar. Nam quod hominum priuilegiis contenti non uerint pontifices romani, sed vim etiam attulerint scripturis diuinis, vt per eas tyrannis in omne hominum genus & in verbum dei statueretur, meum officium est, vt ostendam indignissime esse factum, verum reliquum est, principes, in quibus habitat spiritus dei, vt, quid vobis agendum sit, cogitetis. Maximum commentum fuit semper pontificum romanorum omnium de potestate episcoporum & clericorum immunitate, in quo nihil aliud cogitatum, nihil aliud suscepit, nihil aliud actum est, nisi ut pontifices romani prouinciarum omnium totius reipublicae christiana, regnorum, gentium, nationum, orbis denique terrarum domini constituerentur? quam cupiditatem non modo in decretis sed ne in precibus quidem ipsis ad apostolos occultare posse dicuntur. *Agite (inquit Gregorius a) apostolorum sanctissimi principes, & vestra auctoritate interposita confirmate, ut omnes nunc demum intelligent,*

B b 4

f.

a) in vita Gregorii papae 7. ex Platina.

*si potestis in coelo ligare & soluere, in terra quoque, imperia, regna, principatus, & quidquid habere mortales possunt, auferre & dare nos posse.* Quid Petrus? quid Paulus audiit *umquam indignius?* quorum nomine haec tyrannis exercetur in terris. Pontificum summa cura fuit in singulis prope decretis, quae magno numero tomis conciliorum continentur, ut in primis agerent, episcopos omnino non esse accusandos, episcopos non esse iudicandos ab hominibus, homines omnes episcoporum at episcopos dei iudicium *exspectare* a): perinde atque non idem aequo sit constitutus iudex viuorum & mortuorum, cuius aduentum tam illi quam nos exspectemus. Vbi de hac re imperatorum & regum responsis frigide & ieiune conflictis egerunt, insurgunt ex dictis quibusdam veluti diuinæ scripturae b): *Criminatores contra doctorem nemo suscipiat, quia non oportet filios reprehendere patrem.* Quid hoc sit si postules; scriptum est, inquiunt, *non est discipulus super magistrum:* in quo dicto sibi impudenter arrogant, quod Christus de se ipso verissime pronunciat, ea arrogantia elati, ut non intelligent, quid moneat Christus, quod neque pater aliquis neque magister nobis est appellandus in terris: *& patrem, inquit c), nolite vocare vobis super terram;* *vnum est enim pater uester, qui in caelis est:* *nec vocemini magistri, quia magister uester vnum est Christus.* At pontifices romani, ut nouerimus quam sint dicto Christi audientes, non modo patres sese, sed patres sanctissimos & beatissimos instituerunt appellari. Ab hominibus, inquiunt, non su-

a) in tomo concil. i. & 2. b) in responsis Constantino adscriptis. Eleutherus papa in decretis. c) Mat. XXIII. 9. 10.

amus iudicandi nos , de quibus est scriptum a), deus etit in synagoga deorum ; in medio autem deus diuicat , &c , ego dixi , dii estis . Impudentia secunda aec est pontificum romanorum ; vt quod ad omnes Christi fideles attinet , episcopis vnis dent . Nam thuc ipsum , ego dixi dii estis & filii excelsi omnes , Augustinus b) & ceteri interpreses de Christi fidelibus mnibus aequa adserunt dictum , de quibus illud c) , edit eis potestatem filios dei fieri , his qui credunt in omnine eius ; & , ne multis morer , Christus ipse a- erit d) , ego dixi , dii estis . Deos , inquit , appellat mnes , ad quos sermo dei factus est . Huic simile il- ad est e) , nolite tangere christos meos , & in prophetis reis nolite malignari . Id de omnibus Christi fidelibus aequa dictum est , qui videntes , qui serui dei , fi- i Abraham , & filii Iacob electi dicuntur , quod ip- met pontifices liquidissime videbunt , si non vnum ut alterum Psalmi versum , sed Psalmum omnem le- ent , in quo haec habentur , semen Abraham serui- ius , filii Iacob electi eius , nos autem , inquit aposto- lis f) , secundum Isaac promissionis filii sumus . In uem errorem turpiter saepissime sunt lapsi , quod , t in principio prope querebar , luci euangelicae of- us tenebris de vunctione spiritus sancti , reiecerunt e in umbras iudaicas . Christi enim dicuntur om- es , qui credunt in unigenitum dei , quod de fidelibus testatur Iohannes g) , vos vunctionem habetis a incto . Hinc vnceti vocamur , hinc Christi omnes a propheta , hinc regale sacerdotium ab apostolo , non uod vunctione exteriori quadam perunctum caput

Bb 5

ha-

) Psal. LXXXII. 1. b) in euang. Iohannis. c) Ibid. I- 12. d) Ioh. X. 34. 35. e) Ps. CV. 15. f) Gal. IIII- 28. g) 1. Iob. II. 20.

haberemus aut aliud, sicuti sacerdotes illi veteres, quibus id contingebat in vmbbris, vt nos ipsi praefiguraremur, sed vunctione quadam interiore spiritus, ex qua spiritus sancti opera prodeunt, quam qui non habent, non possunt intelligere, non vt haberemus linostimas Zosimi, aut Sotheri pallam & consecrata vestimenta pontificum, stolasque leuitarum, sed a corpora munda & sanctificata, vel purum coelibatum vel legitimum matrimonii ius seruantes in castitate & sinceritate, vasa misericordiae impolluta, scientes quia corpora nostra membra sunt Christi, membra nostra templum sunt spiritus sancti, qui in nobis est, quem habemus a deo. Omnes igitur, qui per spiritum sanctum credimus in vnigenitum dei, Christi appellamur, quod vunctionem habemus a sancto, baptizati spiritu dei, vt ex nobis Christi corpus sit, quae ecclesia sancta adpellatur, in qua licet necesse sit esse quosdam spectatae integritatis homines & probatae vitae, quales proponit apostolus ad diaconatus & episcopatus gerendos, vel ob praedicandum verbum dei, vel ob egestates sanctorum subleuandas: ii quamquam a nobis colendi & obseruandi sunt, non tamen pro eis magis id dictum, *nolite tangere christos meos*, quam pro quo quis eorum, de quibus dominus b), *quidquid fecistis uni de his fratribus meis minimis, mihi fecistis*. De his nunc dicit per prophetam c), *qui vos tetigerit, tanget pupillam oculi mei*. Qui sensus cuique erit apertissimus, 'qui, quae praedicta sint, quae contingent, animaduertet. Sine muro praedixit futuram Hierusalem, quod est, ecclesiam, hoc est, sanctos Christi fideles, nudatam auxilio, quod accedit martyrum tempore: quos, vt ibi minatur proph-

a) 1. Cor. VI 15. seqq. b) Mat. XXV. 40. c) Zac. II. 8.

reta, mirabiliter vltus est deus, gente scilicet illa  
mana, quae saeuiebat in christos, illa orbis domi-  
ni deleta, vrbe direpta atque incensa, occupata om-  
nia Italia, imperio amisso. Annon huc illa omnia  
extant? nolite tangere christos meos, & in prophe-  
tis meis nolite malignari. Et qui tetigerit vos, tanget  
ipollam oculi mei. Perge, vt quae res secutae sint  
(gnoscamus a). Quia ecce ego leuo manum meam  
iper eos, & erunt praedae his, qui seruiebant sibi.  
Iaec propheta, quae de christis domini, hoc est, chris-  
tidelibus dicta sunt, qui fortiter ceciderunt & in sup-  
pliciis mortui sunt pro testimonio Christo dando:  
uos mirabiliter vltus est deus & pater domini nostri  
Iu Christi. Quae si perpenderent quidam consul-  
tores magnorum principum, non vsque adeo inflam-  
marent reges & nationes in defensores euangelii. Me-  
minerint, meminerint, quod polliceatur deus is, qui b)  
ufert spiritus principum, terribilis apud omnes reges  
erra, et si nos minimi eius serui sumus, pollicetur c)  
orrepturum se pro nobis reges, vocaturum famem  
uper terram & omne firmamentum contritum. Sed  
go me ad Christi pedes abiicio, cui seruio in spiritu,  
ad quem leuo manus meas. Aliud, quo nituntur  
irinare eorum decreta pontifices, est, quod dixerit do-  
minus d), qui vos audit, me audit, & qui vos spernit  
ne spernit. Constat hoc a Christo apostolis esse dic-  
um, per quos dominus multa erat instituturus, qui-  
bus propterea recepit se missurum spiritum sanctum.  
Ille, inquit, suggesteret quaecunque dixi vobis: qui er-  
eo vos audit, me audit, qui vos vestraque instituta sper-  
nit, me spernit. Quem sensum declarat Paulus di-  
cens,

i) Zach. II. 9. b) Psal. LXXVI. 13. c) Psal. CV. 14.  
seqq. d) Luc. X. 16.

cens a), qui haec spernit, non hominem spernit sed deum. Viderint iam pontifices romani, qui nihil magis curarunt, quam ut traditionibus suis instituta apostolorum tollerentur, quos spreuerint, Paullumne & Petrum an Christum ipsum? Quae sunt hominum ingenia, discite iam, qui interpretentur scripturas, volunt hoc dictum sic exponi, qui vos pontifices audit, me audit, qui vos pontifices spernit, me spernit, & non, qui vos apostolos spernit, me spernit: & tamen ad apostolos sciunt hoc dictum a domino: primum ergo ad apostolos attinet, deinde ad eos, quorum typum gerebant apostoli: gerebant autem typum vere fidelium. Quomodo vero fideles isti esse potuerunt, qui hoc ipsum dictum, quod tanti faciendum putant, nihili fecerunt? nonne ipsi metu iudicibus iudicati sunt? Si Christus dixit apostolis, qui vos spernit, me spernit, cur praetulerunt prudentiam suam inanem institutionibus apostolorum, ita ut abrogatis apostolicis institutis suas traditiones seruari mandarint; vel non hoc est spernere apostolos? Sperni apostolos dicunt, si pontificibus palatia & episcopis praeclaræ aedes non exaedificantur, si vestigalia fiant deteriora aut de censu dematur, quo minus in vestibus preciosis incedant gloriösi minusque in auro bibant; sperni mirum in modum apostolos, si praeter magnos census, quos sunt aucupati iam multis saeculis, decimae non persoluantur aut impediantur; sperni item si quis commonistret & clamet cauendas decipulas indulgentiarum, quibus nullus est tam custoditus nummus, quem non intercipiant. Quae omnia quam sint apostolica, iam omnes norunt. Sed ego redeo ad commentum illud episcoporum, ne ac-

cu-

a) i. Thes. IIII. 8.

cusentur. Si al enim sine crimine sacerdos eligi praecipitur, nullatenus ab hominibus criminibus irretitus accusari & calumniari permittitur. Hoc si verum est, non modo accusatorem sed nec sacerdotem (excipia semper Christum, qui peccatum non fecit, nec inuenitus est dolus in ore eius b), qui verissimus est sacerdos) habebimus. Quis enim est sine crimine? At quod Paullus dicit c), oportet episcopum esse irreprovensibilem, intellige tu virum bonum, qui homo esse possit; vere enim bonus solus est deus d). Ita & accusatores, si viri boni sint, erunt magis idonei. Nam fac esse, quod vir aliquis simulator ac dissimulator pulchre se continuerit, tantisper dum in episcopatum proucheatur, deinde ad ingenium redeat, non est ex praecepto Christi commonendus fraterne? Si malus esse non desinet, adhibito teste non est arguendus? Si tandem non audierit, non est accusandus apud ecclesiam seniorum aut praefectum ecclesiae e)? Nam quod Paullus dixerit f), accusationem aduersus presbyterum noli recipere, nisi sub duobus aut tribus testibus, non dixit, non esse recipiendam, sed duobus aut tribus testibus adserentibus esse recipiendam. Quod Euaristus g) adfert, non conuenit episcopis, qui non ad ferendum gladium ut principes terrae, sed ut exemplar vitae spiritualis, speculum religionis, obseruatori euangelii esse debent. Ii, si opinionem fallunt, cogendi sunt ab ecclesia sancta, ut episcopatu se abundant, aliique meliores instituantur, si fures si paricidae fuerint poenis adficiantur, quae ciuilibus legibus proponuntur. Quod fieri non potest, nisi

a) ex epist. Anacleti papae. b) Ef. LIII. 9. c) 1. Tim. III. 2. d) Matt. XVIII. 17. e) Matt. XVIII. 15 seqq.  
f) 1. Tim. V. 19. g) in epist. Euaristi papae.

quod vulnus imperatores & reges fecerunt, imperatores & reges sanent, ut priuilegia nulla sint, quae commune bonum impediant, & magnis diuitiis & regnis auctos episcopos in infinita potestate & summa copia rerum omnium in eum statum redigant, ut vere iam episcopi neque dominationes neque regna quaerant, sed mediocri censu contenti tranquillam & quietam vitam sequantur. Id cum ipsis optamus, optamus etiam, ut vere beatis sint. Quod si recusarint, cogantur ut dicto apostoli sint audientes *a*), habentes alimēta & quibus tegamur his contenti simus: nam qui, inquit, volunt diuites fieri, incident in tentationem & in laqueum diaboli, & desideria multa inutilia & nocua, quae mergunt homines in interitum & perditionem. Quam sententiam diuinitus scriptam carthaginense concilium securum decreuit *b*), ut episcopus rilem suplectilem & mensam & victum pauperem habebat & dignitatis suae auctoritatem sive & vitae meritis quaerat. Et rursus *c*), ut episcopus nullam rei familiaris curam ad se reuocet, sed ve lectioni & orationi & verbo praedicationis tantummodo vacet. Non impedit hic me, pontifices & collegae pontificii, vel trum inimicum edictum, quo declarasti *d*), haereticos esse habendos omnes, qui adfirmarent Christum eiusque discipulos nihil priuatim babuisse; in ignem esse coniiciendos omnes, qui adfirmarent ipsis discipulis vendendi, donandi, testandi, acquirendi, suopte ingenio ius non competere. Quorsum hae minae spectent; principes isti etiam considerabunt. Ne in me declamate, pontifices: minitamini ista mitratis vel tris

*a) 1. Tim. VI. 8. 9. b) concil. carth. quarto cap. 15. c) concil. carth. quarto cap. 20. d) in vita Iobannis papae 23. ex Platina.*

is & iis, qui procuruauerunt gēnuā sua ante Baal.  
go, non modo his principibus audientibus & vni-  
uerso populo; sed Christō ipso, qui coelum incolit;  
icam, apostolos non modo integritate vitae sed  
tiam patientia paupertatis fuisse ornatos; Christum  
non modo pauperem fuisse sed hac voce vēluti pro-  
pria adpellatum in Psalmis *a*), cuius denique vox  
*est b)*, *vulpes foueas habent, & voluores coeli nidos,*  
*filius autem hominis non habet, ubi caput suum reclinet.*  
Quod vero simuletis ad Christum, ad apostolos magis,  
quam ad vos ipsos haec regna hos censūs pertinere,  
id non sat scio: ad fratrum filios, ad spurious adoles-  
centes quosdam, & minime sobrias mulieres specta-  
se, persaepe historiae ipse testantur. Illud vero per-  
iniquum omnino & non ferendum, quod cum sum-  
ma avaritia & incredibili cupiditate pontificum infi-  
nita potestas coniuncta sit. Saepissime enim, quid-  
quid mali habuit Italia, quidquid calamitatis ex in-  
cendiis bellorum christiana respublica accepit, id  
omne a pontificibus romanis est conflatum. Quod  
si in ea felici quidem paupertate, quam apostolus in-  
stituit Tito *c*), non recedere episcopos iussissent, piis  
principes, qui cupidos homines imprudenter in op-  
ulentiam coniecerat, minus aliquando laborauisse-  
mus, plus laudatae pietatis haberet ecclesia. Sapi-  
entissimi imperatores, cum in hibernis legiones col-  
locant, si qua oppida contingent, quae bonitate agro-  
rum & rerum adfluentia excellant, nonnihil veren-  
tur, ne inuictos militum animos & dura corpora e-  
orum, qui a pueritia sub pellibus stare & vigilare no-  
tes & grauissima quaeque perpeti sunt adsueti, copia  
corrumpat & lasciuia molliat: & nos otiosis istis, du-  
bi-

*a) Ps. XXXX. 18. b) Mat. VIII. 20. c) I. Tim. VI. 8.*

bitabimus, an immensi census, regiae diuitiae, per amoeni fundi, voluptuaria domicilia periculum crearint? quos constat millies a regionibus officii & continentiae abductos, abducendosque semper, nisi modum aliquem licentiae potestatique eorum feceritis, vos principes, in quibus habitat spiritus dei. Nam maiores vestri eo priuilegia, regna & census ingentes iis concederunt, vt ecclesiae dei bono essent. Id cum vos falsum esse comperiatis, antiquare priuilegia, aliquid instituere potestis, quo census illi ecclesiae bono sint. Administratores ecclesiae dicunt, se esse episcopi. Sint sane. At si abusi sunt ea administratione sexagies septies, coactis saepe conciliis statutum est, ne abutantur, si rursus ac rursus ad vomitum, quo usque tandem haec patientia, principes? Statuite, vt censores quidam annui per ciuitates deligantur, qui a praefectis ecclesiae rationem reposcant administrationis, ne praeter alimenta & honestum vestitum quidquam habeant. Ex fructibus quae super sunt, vt monet Christus<sup>a)</sup>, eleemosynam dent: scripturae sanctae interpretes, euangelii praedicatorum alant: censuum rationes in tabulis publicis accepti & expensi conscribantur adseruenturque apud seniores non sacrificulos & salios praecedentes & succentores quosdam collegas episcopi, sed apud senatum & eos, qui ad reipublicae gubernacula sedeant: ii a censoribus accipient rationes, animaduertantque, ne in praefectorum affines erogata pecunia sit, censusque male effusi. Quod si episcopi culpa factum esse compererint, aduocata plebe sancta decernatur, ne teruncium posthac attingat episcopus is, praeter victimum & vestitum, &c, si ad regendam ecclesiam non

fit

*a) Luc. XI. 41.*

it aptus, de gradu deiiciatur & priuatus esto. Elec-  
tionis formula de episcopo & praefectis ecclesiae per  
uffragia populi constituendis ea semper mihi visa est  
optima, quam legimus apud Augustinum a) de cre-  
tione Eradii. Eam ut perpendatis, orat vos ser-  
ius Iesu Christi. Nam ut omnia ad episcopum v-  
num aliquem deferantur, non est ferendum. Omnes  
iam intelligimus, his artibus tyrannum ecclesiae esse  
quaesitum, vt iis, qui gratia plurimum possent, ve-  
lut Alexander aliquis regna suis commilitonibus di-  
uideret. Verisimilius est ciuitates ipsas melius sibi  
malle, quam quemuis alium exteris. De piis hospi-  
tiis nihil dico, quae praeter mentem eorum, qui iis  
exaedificatis testamentum fecerunt, neque paruulos  
alunt, neque regentes excipiunt, neque misere aegra-  
tantibus subsidio sunt, consciis pontificibus (nihil ex-  
cusent, consciis inquam pontificibus) quae hospitia  
opera pontificum praeter mentem mandatumque e-  
orum, qui exaedificarunt, curatoribus rejectis atque  
exclusis, vni cuiusdam seruiunt, adsignata saepe ho-  
mini, qui inuoleat vnguibus in oculos Christi, qui  
hauriat sanguinem innocentum. A quo adsignata  
sint, nolite quaerere. Quid creditis? Ab hoc ipso  
tyranno humanorum & diuinorum, Babyloniae re-  
ge, antichristo romano, qui non modo viuis homi-  
nibus sed etiam mortuis vim adfert, quem deus pro-  
pediem vlciscetur probe, quando ita loquitur b), ecce  
ego ad te mons pestifer, qui corrumpis vniuersam ter-  
ram. Quo iure, pontifex romane, in testamenta  
sanctorum manus intulisti? Quia hoc libet, licet. Id  
tu non modo his gentium dominis, sed ne assentato-

Cc

ri-

a) tom 2. in actis de Eradio successore designando. b)  
Ier. LI 25.

ribus tuis, quibus stipatus sedes, pileo ad seruitutem  
coenatis probaturum te esse, arbitror. Magna sunt,  
incredibilia, infinita cetera, quibus iste iura huma-  
na atque diuina confundens perturbauit atque per-  
misicut omnem rem publicam Christi, cuius vos mo-  
deratores & duces esse parest, principes, in quibus  
habitat spiritus dei. Neque vos deterreant quidam,  
qui, vt ait apostolus *a*), aberrantes sunt conuersi in  
vaniloquium, volentes esse legis doctores, non intelli-  
gentes, neque quae loquuntur, neque de quibus adfir-  
mant. Ii dolo malo inculcant *b*), cauendum om-  
nino vobis, ne in animum cadat ad vos attinere cu-  
ram rerum ecclesiasticarum, quod sacerdotibus solis  
id muneric sit adsignatum, vt arcum domini depor-  
tent. Hic commemorant Ozam *c*), quemdam incli-  
natam arcum sustinere volente misere periisse, quod  
is sacerdos non esset. At vero parietes istos dealba-  
tos si quis roget, qui fuerit iste Oza, num e sacerdo-  
tio regali & sancto pius aliquis imperator, num rex,  
num populi princeps & dux, quem vobis ita propo-  
nant, quid respondebunt? Si quis postea roget,  
quis eduxit de Aegypto populum dei? respondeant  
necessitate est, non sacerdos aliquis, sed Moyses ipse  
dux & imperator populi. Quis, vt multa praeteream,  
declarauit ac consecrauit Aaronem & sacerdotes cete-  
tos, nisi imperator populi Moyses? quis praecepta  
dei proposuit seruanda? quis ritus & solemnitates  
instituit? quis arcae isti primum ex voluntate dei for-  
mandae praefuit nisi Moyses cum imperio? Quis  
postea arcam foederis istam recte exportari iussit sa-

cer-

*a) 1. Tim. I. 6. 7. b) quo argumento maxime nituntur  
pontifices in abigendo caesare & regibus a cura re-  
rum ecclesiasticarum. c) 2. Sam. VI. 6. 7.*

sacerdotibus? annon Iosue, filius Nun, dux exercitus Israelitarum? cui dominus inquit a), tu autem praecipe sacerdotibus, qui portant arcam foederis. Quis arcam dei neglectam a sacerdotibus reduxit b)? nempe Dauid, rex bonus, pius & felix. Quis arcam istam in templo & sancto sanctorum collocavit? nonne Salomon c) summa & admirabili sapientia rex cum optimis principibus? Quamobrem si arca ista ecclesiam significat, qui melius praeerunt, vt ea ad voluntatem dei conformetur? qui praecipient, vt plaustro verbi dei vehatur per sacerdotes? quorum est officium, vt curent, vt a sacerdotibus diu neglecta reducatur? in qua impuri quidam Ozae, non vncisi spiritu sancto, arrogantes contemtores praecetti dei, dum arcam sustinere volunt, ipsi cadant: quorum tandem est in illustri loco & sancto colloca-re arcam istam, vt quiescat, nisi magnorum imperatorum, sanctorum regum, inuictorum principum, in quibus habitat spiritus dei? Quibus vero magni principes id oneris imponent, vt arca comportetur? num Ophni & Phineae, aut iis qui domino ignem alienum offerunt? minime: at e populo acquisitionis, ex regali sacerdotio, e gente sancta delectis vi-ris, qui, si per vos nunc liceat, principes, neglectam iam diu ab impiis sacerdotibus tandem pulcherrime reducent & in loco illustri & sancto collocabunt ec-clesiam dei:

### RECITA CAPUT TESTIMONII DECIMVM SEPTIMVM

Non modo non haereticos sed pios esse eos, qui firmiter crediderint, ecclesiam dei esse aedificatam super petram Christum.

C<sup>c</sup> 2 Hanc

a) Ios. III. 6. b) 2. Sam. VI. c) 1. Reg. VIII.

Hanc opinionem si secuti fuissent episcopi romani, minus haberemus abusuum & abominationum. Freti enim ea opinione, quod super petram, hoc est, Petrum, &c, ut ipsi deducunt, super pontifices romanos & eorum doctrinam aedificata sit ecclesia dei, in quaे non manus intulerunt? quid non sibi licere putarunt? ut scriptura impleretur a), arrogantia tua decepit te, & superbia cordis tui, qui habitas in cœnbris petrae, & adprehendere niteris altitudinem collis. Grex b) perditus factus est populus meus, pastores eorum seduxerunt eos.

## DECLARATIO TESTIMONII XVII.

**Q**ui ad vnum pontificem romanum omnia deferrunt, & verbo quidem episcopum, re vero ingentes & nationes, in caesares & reges principesque vniuersos, tyrannum constituunt, hoc imprimis argumento instant, quod Petro vni sit dictum a domino c), tibi dico; tu es Petrus, & super hanc petram aedificabo ecclesiam meam. Consulto nunc praetermittam responsa doctissimorum hominum, qui non ex his paucis verbis sed ex toto capite euangelii sensum domini colligendum sapienter monent. Dominus enim, cum haud vnum Petrum, sed omnes apostolos interrogaasset, *vos autem quem me esse dicitis?* pro omnibus respondit Petrus veluti os quadam apostolorum, *tu es Christus filius dei vivi.* Hoc siue responsum siue confessio, si vna est omnium apostolorum, immo vero fidelium omnium, & propterea ecclesiae totius sanctae, non vni Petro sed apostolis omnibus vniuersisque fidelibus & toti ecclesiae, cuius typum gerebat Petrus, dictum est, quod se-

a) Ier. XXXXVIII. 16. b) Ier. L. 17. c) Mat. XVI. 18.

sequitur: quod vel ex eo ipso aduersarios etiam concedere necesse est, quod promissa quaedam ingentia **ex confessione** illa non negant ad omnes apostolos attinuisse; & nunc ad omnes episcopos & ceteros, qui per ciuitates presbyteri constituti sunt, attinere adserunt atque adfirmant. Quae sunt ista promissa? **E tibi dabo claves regni coelorum.** Quae sunt istae claves? obsecro, ne quid anile aut superstitionem cogitemus, ferreas aut argenteas aut aureas fuisse claves, sed potestatem illam, quae his verbis declarata est, **Et quocunque ligaueris super terram, erit ligatum & in coelis, & quidquid solueris super terram, erit solutum & in coelis.** Annon hanc eamdem potestatem dedit omnibus apostolis, dicens a)? Amen dico vobis, quaecunque ligaueritis super terram, erunt ligata & in coelo, & quaecunque solueritis super terram, erunt & soluta in coelo: Atibi in coelis dixit, hic in coelo. Ridicula haec sunt, quasi de eodem non dicatur a propheta; **deus autem noster in coelo est:** & qui habitat in coelis irridebit eos b). Pudet me tam frigidarum commentationum. As Petro dixit, & tibi dabo claves regni coelorum. Rogo rursus, quae sunt istae claves? An aliud quam spiritus sanctus, per quem fores coeli aperiuntur & clauduntur hominibus, quod dimittendo peccata soluuntur, retinendo ligantur homines? Quam obrem claves dat dominus dicens c), **accipite spiritum sanctum, quorumcunque remiseritis peccata, remittentes, & quorumcunque retinueritis, retenta sunt.** Quae si verissima sunt, desinant iam opponere nomina scriptorum, **ex quibus sumunt, super petram,** hoc est, super Petrum aedificatam ecclesiam dei. Nam ex altera parte stant auctores vel nobilissimi,

Cc 3

quos

a) Mat. XVIII. 18. b) Ps. II. 4. c) Iob. XX. 22, 23.

quos summis laudibus celebrait ipsa etiam ecclesia romana & declarauit primarios, qui saepius meminerunt, ecclesiam dei super Petram Christum aedificatam esse. Quae expositio magis cum praedictionibus prophetarum quadrat, qui Petrum Christum non semel adpellarunt, & Pauli sententiae consona est, qui fundamentum & petram Christum esse, scriptis illustravit suis. Age vero, quid inquit Augustinus a) Quando Petro est dictum, tibi dabo claves regni coelorum, & quodcumque ligaueris super terram, erit ligatum & in coelis, & quodcumque solueris super terram, erit solutum & in coelis, universam significabat ecclesiam, quae fundata est super petram, unde & Petrus nomen accepit. Non enim a Petro petra, sicut non Christus a christiano sed christianus a Christo vocatur. Itaque non magis significat Petrus episcopos romanos, quam ceteros, immo vero quam omnes fideles, qui sunt Christi. Quid ergo tunc? quid inaniter inflantur pontifices romani? tamquam firmissimum esset, quod magnorum auctorum interpretatione necesse est vel aliter accipi, vel haberi pro infirmo. Quamobrem inquit Augustinus b) se bonares, si ad Christi corpus pertines, quod significat Petrus, habes Christum in praesenti & futuro. Et in libro de agone christiano inquit c). Cura Petrus dicitur, amas me, pasce oves meas, ad omnes dicitur. Quid id est? Cum Petro dicitur, pasce oves meas, ad omnes dicitur. Quam vellem haec legissent, qui vnde Petro hoc adserunt fuisse dictum, veluti ex promissione singulari. Quod si omnibus fidelibus est dictum, nemo dubitarit, multa sibi vnius arrogasse pontifices

a) in expaf. euang. lobann. tract. 124. b) in expos. euang. loban. tract. 50. c) de agone christiano c. 30.

romanos vel temere vel imprudenter. Accedat testimonium Origenis antiquissimi scriptoris. Quod Simon Petrus respondens dixit a), tu es Christus, filius dei vivi, si dixerimus quemadmodum dixit Petrus, non a carne & sanguine nobis reuelatum est, sed a luce, quae illuxit cordi nostro a patre, qui est in coelis, & tamquam non accepta huiusmodi reuelatione a carne & sanguine sed luce cordi nostro illucescente a patre, qui est in coelis efficitur Petrus, & dicetur, quod hunc sermonem sequitur, tu es Petrus, & super hanc petram aedificabo ecclesiam meam, & portae inferi non praeualebunt aduersus eam, & tibi dabo claves regni coelorum, & quocunque ligaueris super terram, erit ligatum, quocunque solueris, erit solutum & in caelis. Haec si a pontificiis hominibus fuissent perpenfa, numquam eorum ascensionibus cumuisserent Caiphas romani. Augustini verba sunt b), ideo quippe ait dominus super hanc petram aedificabo ecclesiam meam, quia dixerat Petrus, tu es Christus, filius dei vivi: super hanc ergo, inquit, petram, quam confessus est, aedificabo ecclesiam meam. Peter duxerat Christus, super quod fundamentum etiam ipse aedificatus est Petrus. Fundamentum quippe aliud. nemo potest ponere praeter id, quod possum est, quod est Christus Iesus. Haec Augustinus, quae sexcentis locis confirmat, ac probat. Quod sicubi aliter est interpretatus, hanc tamen propriam Augustini sententiam suffic, nemo est, qui in eius scriptis versetur, qui negciat. Quae si impia est, impius est Augustinus: si pia, omnes pii, qui eam sequuntur. At vero impia esse non potest, quae ex prophetis & apostolis desumpta est: qua in re ut notissima nihil

Cc 4.

mo-

a) tract. i. Mat. cap. i. b) in exposit. Ioban. tract. 124.

morabor. Hilarius a) etiam inter antiquos scriptores laudatissimus interpres minime super Petrum aedificatam esse ecclesiam dei contendit, sed super fidem Petram illam & confessionem ingenuam de Christo, quam confessus est Petrus, ita ut sententiam prophetarum, apostolorum, Augustini, ceterorumque fidelium prope scriptorum complectatur, ecclesiam dei ex his constituiti, qui eam fidem habuerint, quam habuit & confessus est Petrus. Qua de re inquit b), vnum igitur hoc est immobile fundamentum, vna haec est felix fidei petra, Petri ore confessa: tu es Christus filius dei, vixi. Et alibi, super hanc igitur confessionis petram ecclesiae aedificatio est, haec fides ecclesiae est fundamentum, per hanc fidem infirmos aduersus eam sunt portae inferorum, haec fides regni coelestis habet claves, haec fides, quae in terris soluerit aut ligaverit, ligata sunt in celis & soluta. Theophilactus item ait c), quia enim confessus erat eum dei filium Petrus, dixit, quod haec confessio, quam confesus es, fundamentum erit futurum credentium. Et Cyrillus inquit d), per petram aliud nihil quam inconcussam & firmissimam discipuli fidem vocavit, in qua ecclesia Christi fundata & firmata esset, ut non labaretur & esset in expugnabilis inferorum portis in perpetuum manens. Quae, quoniam magnorum auctorum sunt, & ad prophetarum & apostolorum sensum proxime accedunt, si iam ut coeptum est, illustrentur, quid fiet ampullis & inani illa verborum volubilitate, quae frequentissima est in decretis? Ex quibus, ut infinita prope omittam, : recensebo, quod ad orientales episcopos rescribit papa quidam.

a) de trinitat. l. 2. b) de trinitat. l. 8. c) e. 16, in Matt.  
d) in dialogo de trinit. l. 4.

dam a). Vos interea videte tumorem verborum, perpendite leuitatem. Decuerat vos aduersus sanctam romanam ecclesiam & apostolicam limate & non ironice loqui: quoniam & ipse dominus noster Iesus Christus eam decenter allocutus ait; tu es Petrus, & super hanc petram aedificabo ecclesiam meam, & portae inferi non praeualebunt aduersus eam. Et insolenter Siritius b), hactenus erratum in hac parte sufficiat: nunc praefatam regulam omnes teneant, qui voulunt ab apostolicae petrae, super quam Christus universalem construxit ecclesiam, soliditate diuelli. Et Leo in decretis c), non soluitur vel ligatur, nisi quod auctoritas beati Petri soluerit & ligauerit. Quasi vero ligandi & soluendi potestatem ceteri apostoli non acceperint a domino. Huiusmodi bullis praemunierant omnia prope eorum decreta, maxime vero, cum in synodos, episcopos, prouincias, caesares & reges fulminare sed dixerunt. Huiusmodi ampullas proiecerunt, cum perturbarunt iura humana atque diuina, quibus elati cum aliquid statuerent, non putarunt sibi esse perpendenda scripta illa diuinatus, ne quid imprudenter eorum scriptorum aliquid rescindere aut infirmarent, ne quid diuersum docerent atque instituerent; quin omni cogitatione conuersi tantum sunt ad verba illa, quasi aliam interpretationem non possent recipere, super hanc petram aedificabo ecclesiam meam. Quamobrem arrogantia, ut praedictum erat per prophetam d), verissime decepit eos. Putarunt enim omnia sibi licere, se se vnos ergare non posse; quidquid statuerent, merum esse e-

Cc 5

uan-

a) Iulius papa Euseb. Theognio, Theodoro, Berinthio & ceteris orientalibus episcopis. b) in decretis Siritij. c) Leo papa ex canone 24. d) Ier. XXXVIII 16.

vangelium, in ipsis esse omnia; unum esse videndum; an ecclesia romana statuisset, nefas esse postea dubitare, an firmum esset & sanctum, quod illa statuisset, in ipsos coniiciendos esse oculos atque animos omnium, qui aperire & claudere quibusuis coelum possent. Quamobrem traditionibus tatis poenas etiam minaciter addiderunt, ut verbis etiam videamus, quantum intersit inter moderationem & humanitatem christianorum & superbiam crudelitatemque pontificum, quibus pietas est mitram ad ignominiam imponere, colligare manus, virgas expedire, destrudere in ignem. At certe hanc pietatem a Christo non didicerunt, cuius tamen vicem sese agere dicunt in terris, immo vero se caput ecclesiae esse: quas appellations vendicare sibi aliquem episcopum aut tulissent ii, qui in concilio cauerunt <sup>a)</sup>, ne quis summus sacerdos aut princeps sacerdotum adpollaretur, aut aliquid buiusmodi, iudicare vos ipsi, in quibus habitat spiritus dei. Nam quid est? aut aliquid buiusmodi: His enim appellacionibus arrogantia alitur, superbia effertur, abusus versantur in religione, ita ut iis initii non modo interpretationes ex scriptura assentatoriae extortae sint, sed, ut alia missa faciam, quamvis Paulus <sup>b)</sup> & Petrus <sup>c)</sup> sermone & exemplo docuissent non esse ferendas, procedentibus tamen saeculis adorationes veluti dii quidam statuerunt sibi pontifices romani.

### R E C I F T A C A P V T TESTIMONII DECIMVM OCTAVVM-

Quoniam aliqui non contemendi autores adseruerunt, ecclesiam dei aedificatam super petram Petrum, nihil ex ea re plus.

<sup>a)</sup> conc. carth. III. c. 26. <sup>b)</sup> Act. XIII. 14. seqq. <sup>c)</sup> Act. X. 26.

plus habere pontifices romanos, quam ceteros episcopos, qui non habent ea, ob quae amanter dicta sunt illa Petro: cuius virtutae exempla, quae ex actis apostolorum colliguntur, ita minime sunt imitati; doctrinam vero, quae ex apostoli huius scriptis habetur, ita passim romani pontifices proculauerunt & euerterunt, ut Petri euersores potius, quam successores sint adpellandini PER QVOS, inquit apostolus Petrus a), via veritatis blasphemabitur, & in auaritia fidelis verabis de vobis negotiabuntur.

## DECLARATIO TESTIMONII XVIII.

**F**irma assertio ea esse non potest, quae ex interpretatione sumitur alicuius loci, quem primarii doctissimi & antiquissimi viri varie sunt interpretantur. Nam quod testimonium per honorificum mille & centum continuos annos ecclesia romana dederit Augustino, quod summis laudibus Hilarium, Cyrilum & reliquos celebrarit, quos praediximus, reiicere pontifices romani non possunt auctoritatem tantorum virorum. Quod si ex altera parte Cyprianum & quosdam sibi allegant, qui de petra locum aliter sunt interpretati; nihil plus agent, quam ut nostra quocunque assertio non sit firma. Fiet ergo, ut quod nobis non dant, neque ipsi adsequantur. At vero illud est consecrarium, si infirmum est fundamentum, supra quod tantam superbiae fastusque molem pontifices erexerunt, omne eorum aedificium corruat, necesse est. Remittant igitur iam spiritus atque animos illos, sedent arrogiantiam, intelligent, se esse episcopos aequem atque alios; qui si boni, si pii fuerint,

dig-

a) 2. Pet. II 2. 3.

dignissimi sunt, ut eos colamus & obseruemus: at si mali, si impii, norint, sese ad Christi petram nihil plus attinere quam Iudam, per quem typum mali episcopi sunt significati a). Nam quod Petri sedem dicunt se obtinere, quid existimant homines imperitissimi? regnumne fuisse illud Petri? aut tyrannidem? Sic enim disputant de primatu Petri, quasi regnum aliquod terrenum obtinuerit is, cuius ipsi sint legitimi haeredes & successores. At non ita est. Reuerentia obseruantiaque illa apostolorum iustissimis de causis fuit profecta, ob amorem Petri in Christum, qui omni ex parte se ostendebat, ob fidei firmitudinem, quod is vel ante omnes vel pro omnibus confessus est, Christum esse filium dei, tum ob caritatem egregiam, laboribus vltro suscepitis pro pascendis omnibus Christi: quae omnia in illo fuere singularia. Haec si in episcopo non sint, ex quibus nascitur propensio animorum, obseruantia esse non potest, quam isti primatum adpellant. In quo episcopo haec sunt, ad hunc omnia illa arbitror attinere, quae dicta sunt Petro. Quo quis vita erit candidior, quo in pacendis ouibus Christi studiosior; eo apud vere pios reuerentia & obseruatione erit dignior: non quia Romae sit magis quam Antiochiae aut Hierosolymitanae ecclesiae episcopus, & non Massiliensis. Nam quod locorum acceptore in faciant Christum, est porro indignissimum, cum eius spiritus doceat, non esse personarum. Metiri ergo oportet, viri principes, dignitatem episcoporum non ex loco sed ex vita & actis, in quibus eluceant dona illa spiritus sancti, quod & ipsi aliquando verbis non recelebrauerunt. Nam quid illud est b)? non sanctorum filii sunt, qui tenent

a) August. in expos. euang. Ioban, tract. 50. b) dist. 39.

loca sanctorum, sed qui exercent opera eorum. Et alibi, morum nobilitas, non loci, non generis, sacerdotes notificet. Et, non luca vel ordines, sed merita deo coniungunt. Quomodo vero Paullus probat, se non minorem esse magnis apostolis? obsecro animaduertite: *Hebraei*, inquit a) sunt; & ego: *Israelitae* sunt; & ego: *semen Abraham* sunt; & ego: *ministri Christi* sunt; & ego. At plus ego in laboribus plurimis, in carceribus abundantius, in plagiis supra modum, a Iudaeis quinque quadragenas una minus accepi, ter virgis caesus sum, semel lapidatus sum, in labore & aerumna, in vigiliis multis; in fame & siti, in ieuniis multis, in frigore & nuditate: instantia mibi quotidiana est & solicitude omnium ecclesiarum. His priuilegiis agere oportet episcopum, qui Petri, qui Paulli personam velit agere, non ex loco, quod Romae sedeat. Loci superbiam crediderim ego semper odio fuisse vnigenito dei. Nam quid est, quod Bethleem in praesepio rusticano, non Hierusalem, non Romae, quae tum gentibus & nationibus imperitabat, nasci voluit? Per iniquum est, caussas veras primatus & dignitatis episcoporum praeterire, & eas celebrare, quae inaptes sunt & odiosae etiam apud Christum. Si cui vestrum, principes, illud placet, quod vni Petro quaedam sint promissa & adsignata magis quam ceteris apostolis, non contendam vobiscum. Sed illud obsecro (quod libenter arbitror vos esse facturos) ut cogitetis, quam ob rem promissa illa sint atque adsignata Petri nomine. Si Hilario creditis, quod fide, inquit b) Petrus ceteros anteivit. Si Augustino, quod Petrus, inquit c), plus aliis dilexerit Christum. Sed nos haec ipsa ex verbis euan-

ge-

a) 2. Cor. XI. 22. seqq. b) in Matth. c) in Ioh. tr. 124.

gelii sumamus a), dicit Simoni Petro Iesus, Simon Iohannis, diligis me plus bis? dicit ei, etiam domine, tu scis, quia amo te. Dicit ei, pasce agnos meos. Dicit ei iterum, Simon Iohannis diligis me? ait illi, etiam, domine, tu scis, quia amo te? dicit ei, pasce agnos meos. Dicit ei tertio, Simon Iohannis, amas me? Contristatus est Petrus, quia dixit ei tertio amas me? & dixit ei, domine tu omnia scis, quia amo te: dicit ei, pasce oves meas. Quid primum rogat? an plus aliis diligat. Quid secundo? quid tertio? de dilectione. Obsecro vos, principes, in quibus habitat spiritus dei, ne sapientiam dei Christum inanitor frustraque hoc toties petere atque iterare existimetis. Docet hic vos sapientia dei Christus, non acceptorem esse loci aut personarum se, neque alio moueri quam dilectione erga se mirifica, ut alicui committat, ut pascat agnos & oves suas, quas neque Petro credidisset, nisi re cognita & explorata, quod plus ceteris amaret. Nam quid sic rogabat is, qui omnia nouit, quasi haec ignoraret? Norat ille quidem omnia, sed vobis rogabat, principes, qui probaturi episcopos aliquando eratis: plebi sanctae rogabat, quae in episcopos aliquos erat delectura: nobis rogabat, ut dignosceremus pseudopetros istos, qui multis iam saeculis gloriam Christi, salutem gentium & nationum, miserum in modum oppugnauerunt, qui plus vastitatis euangelio & institutis apostolorum attulerunt, quam vna reliqui hostes Christi, & tamen audaces ita sunt, ut pro ipsis dictum adferant, pasce agnos, pasce oves meas. Quibus verbis temere elati atque inflati non intelligunt, non eos se esse, quos ecclesiae suae promisit deus per Ieremiam b), & dabo

p. 10-

a) Job. XXXI 15. seqq. b) Ier. III 15.

vobis pastores iuxta cor meum, & pascere vos scientia & doctrina. Num ii vos pastores estis, pontifices? Existimate interea, principibus optimis praesentibus, respondere, qui probe norunt, quidquid aliquando mali, reges viderunt; quidquid incommodi ex bellorum incendiis acceperunt imperatores; quidquid solicitudinis ac negotii habuit ecclesia Christi, a certis quibusdam hominibus aliquando fuisse constatum; In quos si animaduertetur, non propterea minuetur gloria apostoli, immo vero augebitur, explosis pseudoepiscopis, & constitutis veris episcopis, in quibus euangelica puritas & apostolica ornamenta luceant, & cetera, quae habuit Petrus, quibus cum pontifices romani careatis, audite, quam cantilenam ad aures insusurret vobis Origenes<sup>a)</sup>. Quoniam qui episcoporum locum sibi vendicant, vtuntur eo dicto sicut Petrus; dicendum est, illos recte loqui, si pariter facta habuerint, ob quae dictum est illi, qui erat Petrus, tu es Petrus, & super hanc petram aedificabo ecclesiam meam; sique tales fuerint, ut a Christo super eos aedificetur ecclesia, & adeos iure referri possit. Porro si quis, cum baud sit nec habeat, quae dicta sunt; facti habuit Petrus, credit, se ligaturum in terra, ut quae ligauerit, ligata sint & in coelis, ac se solutum super terram, ut quae soluerit, soluta sint & in coelis; hic inflatus est, non intelligens, quid sibi ve- lint scripturæ, & tumefactus incidit in diaboli rui- nama. Haec Origenes. Quae si perpendissetis, pontifices, aequo ac laudationes quorumdam, qui vos vnos voluerunt esse omnia, & in officio fortasse manere & pascere oves Christi aliquando didicissetis. Nunc cum verbis illi vos suis infatuari, obiurgari

pa-

a) tract. I in Mat. cap. 1, in fine.

patiamini, si iure. In Cathedra Moysis, inquiunt, federunt scribae, & pharisei; quaecunque illi dicunt, seruate & facite. Remitto ego hos ad Theophilatum praecclare docentem a), quid sit in cathedra Moysis sedere. Ex eo nunc tantum sumam simile quodam. In cathedra Petri sedent ii tantum, qui non iugum reuehendum, sed ea docent, quae docuit Petrus, & quoniam super Petrum & eius successores ecclesiam dei aliqui aedificatam contendunt, nolo esse contentiosus, quod alias non concederem. Hic, quia omnibus modis possum vincere, concedam, si vnum, quod per se est verissimum, mihi dabitur, successores Petri non esse veluti regum principiique filios, regni cuiusdam terreni successores, sed spirituales potius ac sanctos, hoc est, ut ii fide in primis firma & dilectione praecipua sint in dominum nostrum Iesum Christum, qua fuit Petrus, & qui Petri doctrinam & instituta tamquam ex successione alant, sustineant ac tueantur. Si quis Petri doctrinam reiecerit, si quis ab apostolo descivierit & eius instituta sustulerit de medio, Petri successor non sit, non adpellatur: fateantur omnes hunc, qui sit, qui a Petro recesserit, ad ecclesiam, quae super Petrum aedifica ta est, nihil attinere: hunc Iudam, pseudopetrum, & antichristum, liceat bona cum venia vestra adpellare, pontifices. Iudicate vos, an aequa postulatio sit, principes. De dilectione pontificum romanorum in Christum ipse scit, qui omnia nouit. At Iohannes signo etiam aliquid adsequi nos posse docuit. Qui, inquit b), non diligit fratrem suum, quem videt, deum, quem non videt, quomodo potest diligere? Si historiam pontificum legimus, nullam curam intel-

a) in Matt. 23. b) i. Job. III 20.

telligimus illis fuisse potiorem quam dominatus pro-  
pugnandi & ditionis augendae & regni seruandi:  
quod ut tuerentur, barbarae gentes saepe excitatae  
sunt, rerum nouarum studiosi populi solicitati in re-  
ges & imperatores, foederibus modo in hos modo in  
illos ictis, aucta incendia bellorum, spoliati reguli &  
necati crudelissime, ciues exinaniti, aucta vestigalia  
pontificum, spoliatae vrbes, aeraria atiorum com-  
pilata, haec quoniam principes ipsi senserunt & po-  
puli, missa faciam. Ad illud venio, quod pene  
turpiter omiferam. Eius verba haec sunt, qui men-  
tiri non potest a). Qui non diligit me, sermones mu-  
qs non seruat, & qui habet mandata mea & seruat ea,  
ille est, qui diligit me. Caput b) est de maiestate man-  
datorum Christi imminuta, in quo pluribus questi-  
sumus, a pontificibus non modo non seruata manda-  
ta Christi, sed summa diligentia fuisse cautum, ad-  
hibitis etiam minis, & suppliciis constitutis, ne ab a-  
liis seruarentur. Eius vos meminisse oportet. Ob-  
secro, memineritis, vos principes, in quibus habitat  
spiritus dei. Percurramus nunc partem aliquam doc-  
trinae apostoli, ut cognoscamus, an pontifices roma-  
ni eam sustinuerint aut sustulerint. Proponamus  
vitam apostoli, ut intelligamus, si eius vitae exempla  
sunt imitati, aut potius execrati non verbo sed ipsa-  
re. In epistola multis agit Petrus, ut lapidem elec-  
tum & petram quamdam ostenda esse Christum. Ad  
quem, inquit c), accedentes, lapidem viuum, ab ho-  
minibus quidem reprobatum, a deo autem electum &  
honorisfatum, & ipsi tamquam lapides viui superae-  
dificamini. Propter quod continet scriptura, ecce po-  
nam in Syon lapidem summum, angularem, electum,

D d

pre-

a) Iob.XIIII.21, b) c. XII testimonii. c) i. Pet.II.4.seq.

preciosum, qui crediderit in eum, non confundetur;  
 Vobis igitur credentibus honor, non credentibus autem  
 lapis, quem reprobauerunt aedificantes; hic factus est  
 in caput anguli, & lapis offensionis & petra scandali  
 his, qui offendunt verbo, nec credunt, in quo positi  
 sunt. Docet hic Petrus, Christum esse lapidem &  
 petram, ut & ipsi superaedificemur. Ecquid aliud so-  
 nant? super hanc petram aedificabo ecclesiam meam?  
 Addit, & qui crediderit in eum, non confundetur,  
 quod est idem atque in eos, qui crediderint, portae  
 inferi non praevalebunt. Hanc doctrinam si secuti  
 fuissent pontifices romani, non laboraremus. Per-  
 git, vos autem genus electum, regale sacerdotium,  
 gens sancta: hic fideles omnes adpellat non modo  
 sacerdotes, sed & regios. Si quis laicos, quos vo-  
 cant, sacerdotes adpellet, quae & quam turpes in e-  
 um sequentur nomenclationes, declaratione opera  
 pontificum romanorum? Spirituales hostias nos, in-  
 quiunt, offerimus. At hoc de omnibus Christi fide-  
 libus dicit apostolus. Nam quid ait a)? sacerdotium  
 sanctum offerentes spirituales hostias, acceptabiles per  
 Iesum Christum. Christum, inquiunt, nos offeri-  
 mus. Quasi vero semel pro nobis seipsum ipse  
 Christus non obtulerit satis, adstetque semper vultui  
 dei pro nobis mediator aduocatus & interponens se:  
 Commemoratio mortis domini est celebranda. At  
 dum panem illum manducamus & calicem bibi-  
 mus b), omnibus aequo est praeceptum, ut eius be-  
 neficii memores mortem domini annunciemus, do-  
 nec veniat. Quae non eo dico, ut negem, diaconi  
 nos non inanes, & episcopos seu presbyteros non  
 adumbratos, constituendos esse per ciuitates ab eccl-  
 esia

a) 1. Pet. II. 5. b) 1. Cor. XI. 26.

sia sancta (est enim id perquam necessarium), sed ut ostendam, nihilo plus illos ceteris esse sacraiores. Nam vnum baptisma, vnam fidem, vnam vncitionem habemus a sancto, quā sumus sacri, non quod simus succincti vestibus & zona, sed succincti, inquit Petrus, lumbos mentis, quodque sancti simus omnes Christi sacerdotes fideles. Quamobrem sacerdotibus illis, quibus omnia contingebant in umberis, vt nos significaremur praedictum fuerat a), sancti estote; quia ego sanctus sum. Huic doctrinae apostoli tenebrae densissimae atque incredibiles offusae sunt a pontificibus romanis; quod saepe iam questi sumus b). Pergit c), Subiecti estote omni humanae creature propter dominum. Id omnibus dicit, neque diaconos neque episcopos excipit. Exemerunt tamen, veluti vulpeculae, pontifices romanū fe & suos, mirumque in modum priuilegiis muniuenterunt, non modo ne laicis sed ne ciuilibus legibus subiicerentur, neve Petri doctrinam sustinerent, quam manifeste in hoc priuilegiis quaesitis oppugnarent. Sed ego, ne totam epistolam videar velle interpretari, venio ad acta apostolorum. Petrus accepto spiritu sancto cogitat de regno dei, aperit scripturas, & adponit vno die Christo animarum circiter tria milia d). Pontifex romanus (ex historiis quiuis repeat), accepta mitra mammonae, cogitat de regno mundi, aperit fores Iani, quod est, de bello cogitat in regulos non suae factionis, & feudatarios, quos vocat, rebelles, & scandalizat, adponitque diabolo vno die hominum plusquam centum millia. Petrus nullatenus magis exultans quam paupertate, claudio di-

Dd 2

cit

a) *Leu. XVIII 2. b) cap. III testimonii. c) i. Pet. II 13. d) Act. II 41.*

icit a), argentum & aurum non est mihi. Pontifex vero exultans auro & regia gaza, in salibus habet, sed id non posse dicere, quod claudio apostolus Petrus. Vbi claudus saluus adstitisset, neque sese, neque aliud hominem spectari vult, sed Christum solum, docet non esse aliud nomen a deo datum sub coelo, in quo nos oporteat saluos fieri. Pontifex, si quid usquam tale acciderit, vel Petrum, vel alium quem ex hominibus, qui dicti sunt sancti, spectari vult, & iis templo exaedificari, erigi statuas, docetque sub coelo esse multa, quae sint ad salutem. Petrus in concilio principum, seniorum & populi vocatus, adserit b), aequum esse audire deum potius, quam concilium. Superioribus annis, cum Germani aduertissent aliud statuere decreta & concilia, aliud euangelium, & se dicto dei fore audientes potius quam hominum, a pontifice romano damnati sunt atque exclusi. Petrus precio agorum ecclesiae accepto dividit singulis, prout cuique opus erat, neque erat inter tot quisquam egens c). Pontifex romanus, acceptis bonis ecclesiae, magnis diuiniis cumulat suos, dat, quod cuique opus est, ne quis sit inter suos egens: ceteros miseros, qui vel seruitutem seruiunt in Africa & Asia apud hostes nominis Christi, vel qui duri-  
ter vitam agunt apud nos, non curat absurmi fame & rerum omnium inopia. Petrus Ananiam & Saphiram mentientes spiritui sancto, accensus spiritu, ad-  
spectu ipso exanimat d). Pontifex romanus, cum videat atque intelligat, ab iis, quibus stipatus sedet, episcopatus adpeti atque geri, non ut doctrina & sa-  
pientia (quam nullam in iis esse cognoscit) pascant  
oues

a) Act. III. 6. b) Act. IIII. 19. c) Act. IIII. 34. seqq.  
d) Act. V. 10.

ques Christi, sed causa magnorum prouentuum & in luxu vitam agendi, fert immo vero alit atque extollit, cumulatque magnis muneribus, &, vt Hilarius aiebat, *intra palatium honorat ad seruitutem, addam ego, ad calamitatem & exitium ouium Christi.* Petrus, cum apostolis Symon pecuniam obtulisset, vt impositione manus acciperet spiritum sanctum, abegit clamoribus hominem, qui donum dei existimat pecunia posse possideri a). At pontifices romani saepe pecunia, saepissime corruptione, vt his internunciis demererentur reges & principes, manus imponi curauerunt iis, quos non aptos ad episcopatus gerendos, curamque animarum suscipiendam, sed ad conciliandos imperatorum & regum animos intelligerent accommodatos, aut priuato aliquo commodo & sanguinis communione coniunctos. Petrus b), cum in caenaculum esset ductus, & circumstaret illum magna turba, reiectis foras omnibus, orauit ex instituto euangelico c), cum oratis, non eritis sicut hypocritae, qui amant in synagogis & in angulis platearum stantes orare: tu autem, cum oraueris, intra in cubiculum tuum, & clauso ostio ora patrem tuum; in abscondito reddet tibi. Pontifex romanus, cum orandum est, & tuba cani, & reboari per verbem instituit, & alta voce & confusa concini musicorum instrumentis contra reboantibus. Quod non eo dico, vt orationes publicas improbem, sed quod institutis pontificiis huc ventum est, vt tenues homines, cum domini possent orare & curare, quae curanda sunt, ad tempora volitent tamquam otiosi, quasi ille dominandi modus euangelicus, minus fit deo acceptus.

D d 3

Pc-

- a) *Actor. VIII. 18. seqq.* b) *Actor. VIII. 40.*  
c) *Matth. VI. 5. 6.*

Petrus *a*), cum visionem videret, & vas quoddam veluti linteum magnum submitti de coelo in terram, in quo erant omnia quadrupeda & serpentia terrae & volatilia coeli, vocem audit, *surge, Petre, occide & manduca*, non ut gulæ licentia, sed libertas Christi sanguine parta, gentibus & nationibus proponetur, ut sine offendiculo omnibus semper yteremur cibis, quos deus creauit ad percipiendum cum gratiarum actione. At pontifices romani poena mortis animis proposita, distinguentes inter diem & diem, contra vocem illam e coelo missam, reclamant; his aut illis diebus ne manducato neue adponito. Petrus, cum Caesaream intrasset, & ad eius pèdes Cornelius se abiecisset, adorassetque eum, non tulit, sed monuit hominem esse sese, & propterea tales cultus non sibi debet *b*). At pontifex romanus, non modo tenues homines ad pedes eius abiici statuit, sed beatissimis pedibus osculum dari vult ab imperatoribus & regibus, principibusque ciuitatum ad eius pedes prouolutis. Petrus os suum aperiens, dixit *c*), *in veritate comperio, quia non est personarum acceptor deus, sed in omni gente, qui timet eum & operatur iustitiam, acceptus est ei*. Pontifex romanus non modo personarum sed & locorum facit acceptorem deum, ita vt, si alii episcopi possint errare, episcopus romanus non possit, quod romanae ecclesiae sit episcopus, ob quam dictum est Petro, *tu es Petrus, & super hanc petram aedificabo eccleiam meam romanam, & portae inferi haereticorum sectae non praeualebunt aduersus eam*. Petrus tandem, cum surrexisserent quidam de haeresi pharisaeorum, qui crediderant, praeciperent que seruari quaedam legalia, acclamauit apostolus

*a) Act. X. 9. seqq. b) Act. X. 25. 26. c) Att. X. 34. 35.*

lus a), nunc ergo quid tentatis deum? imponere iugum super ceduices discipolorum, quod neque nos, neque patres nostri portare potuimus, sed per gratiam domini nostri Iesu Christi, credimus saluari, quemadmodum & illi: monet, obtestatur apostolus, tentari deum, si quis de iugo imponendo & legalibus cogitet. At pontifices romani nihil magis cogitasse videntur, nihil magis curasse, ut ostendimus b), quam ut eorum opera, iugum ex legalibus & praeceptis restitueretur. Si circumcisio onus apostolo intolerabile visum est, quod semel in vita cuique erat obendum, quod Iudeis fere semper in infantia illa absoluebatur, in qua graue quid sit non intelligitur, & tantopere reclamat apostolus; quid faceret hoc tempore, in infinita multitudine legalium & praeceptorum, quae non in omnivita semel, sed partim singulis annis saltem semel, partim non semel sed saepe & faepius singulis mensibus seruanda sunt, mortis poena animis proposita, si non seruentur? Habetis, principes, ex altera parte amorem Petri in Christum, doctrinam & vitam apostoli; ex altera parte pontificum romanorum. Vos ego nunc adpello, vestram imploro fidem, obtestor ego vos per Iesum Christum, ante cuius tribunal sisti tandem omnes oportet, ut iudicetis, utrum successores isti fuerint aeuersores Petri, utrum apostoli doctrinam aluerint, an sustulerint de medio. Mirum profecto est, quam in his nihil sit eorum, quae in Petro potissima fuerunt. Nihil tam diuersum est quam vita apostoli & pontificum romanorum; nihil tam pugnans quam huius & illorum doctrina. Conferte vos etiam atque etiam, principes, neque mihi sed veritati credite.

D.d. 4.

Con-

a) Acto. XV<sup>o</sup> 10. b) cap. III<sup>o</sup> testimonii.

Considerate, inquam, an hi sint successores Petri vel  
euersores. Liberare inueterata & indigna infamia apostolum. Declarare sententiis vestris, hosce  
illos ipsos esse, quos in spiritu vidit Petrus apostolus, magistros mendaces, qui in auaritia factis verbis  
(præfationibus illis serui seruorum dei, vel beatissimi  
& sanctissimi domini, domini nostri) non modo  
de tenuibus hominibus multis iam saeculis, sed magnis imperatoribus & regibus sunt negotiati: quod  
futurum apertissime monuit Petrus apostolus, ut  
erudiremini aliquando & caueretis ouibus Christi,  
vos inuicti, augusti, pii principes, in quibus habi-  
tat spiritus dei.

### R E C I T A C A P V T TESTIMONII DECIMVM NONVM.

Reuelatur ira dei, inquit apostolus <sup>a)</sup>, super omnem impietatem & iniustitiam ho-  
minum eorum, qui veritatem dei in iniusti-  
ta detinent; quia, quod notum est dei,  
manifestum est in illis: at cum cognouis-  
sent, quod dominus Iesus factus est nobis  
salus, sapientia, a deo, iustitia & sanctifica-  
tio <sup>b)</sup>; non glorificauerunt aut gratias ege-  
runt, sed euauerunt in cogitationibus suis,  
& obscuratum est insipiens cor eorum, &  
contulerunt gloriam vnigeniti dei rebus in-  
animatis, ita ut genu flecterent, & adora-  
rent illas, & peterent in sanctificationem <sup>c)</sup>.  
Propter quod deus tradidit illos in coecita-  
tem

<sup>a)</sup> Rom. I. 18. <sup>b)</sup> I. Cor. I. 30. <sup>c)</sup> vid. caput testim.  
tertium.

tem, vt facerent ea, quae non conuenirent; sicut praedixerat spiritus sanctus per os Pauli <sup>a).</sup> Quod FVTVR ERANT (videte iam, si reuelata est ira dei super hominum impietatem; animaduertite, si bene expressi sunt pontifices romani, collegae & asseclae eorum, qui veritatem dei in iniustitia detinuerunt) *homines seipso amantes, cupidi, elati, superbi cet.*

## DECLARATIO TESTIMONI XVIII.

**Q**ui hi sunt elati, superbi? discite ex eorum litteris. Nos reverendissimi, reverendique patres, miseratione diuina episcopi, presbyteri, diaconi, cardinales, patriarchae, archiepiscopi, episcopi, praefati <sup>b).</sup> Sed tu perge. *Blasphemi, parentibus non obedientes.* Adde etiam, si vis, iubentes, ne alii parentibus obedient. Nam de ea recaput fuit sextum. Perge. *Ingrati, scelesti, sine affectione, sine pace, criminatores, incontinentes, immites, sine benignitate.* Hic ego, si antiqua nolim repetero, Alexandrum sextum, qui plus veneni quam aquae miscuisse dicitur, possum commemorare; & Iulium secundum, cuius opera plus uno die sanguinis hausit terra, quam ipse cum combibonibus vini in toto pontificatu. Praetermitto populationes agrorum, ingentes praedas, incendia oppidorum, quae secuta sunt ferro ignique omnibus locis vastatis: quarum calamitatum primarios testes quam plures excitare possum, &, si libet, ab Ascanio Columna, & Camertui & Urbinatum duce petere,

D d 5

quos

<sup>a)</sup> 2. Tim. III. 2. seqq. <sup>b)</sup> in litteris conuocatoriis concilii constantiensis & concilii Basiliensis sessione 13.

quos credo Paullus pontifex iustis de caussis non sperat habere laudatores. Sed ego hanc partem orationis aliis relinquo. Nam quod sine benignitate & humanitate fuerint pontifices, qui potest esse obscurum? Si constat eos non modo in viuentes, sed in mortuos etiam saeuisse? Stephanus sextus Formosi corpus e sepulcro erutum, pontificio indumento spoliauit, abiicique in vilem tumulum iussit, duabus digitis dextrae abscissis. Sergius tertius Formosi cadaver tractum e tumulo, securi percussit, & post contumelias in Tyberim proiecit a). Multorum ossa, vt eorum verbis utar b), exhumari, multorum cineres vento spargi mandarunt. Recte ergo apostolus hos praeuidens appellavit homines immites & sine benignitate. Perge. *Proditores, proterui, tumidi, & voluptatum amatores magis quam dei, habentes quidem speciem pietatis, virtutem autem eius abnegantes.* Quis Romae fuit pompam illam intuitus & adparatum pontificum & collegarum asseclarumque eorum, quo Christi religionem elidunt, qui pietatis speciem non sit arbitratus inesse illis? Quis vero diem unum aut alterum Romae egit, vt oculis potius quam auribus crederet, qui virtutem solidamque pietatem ullam esse non negarit in his hominibus? Quid? quod se vicarios Christi, & Petri successores & episcopos & pastores & seruos seruorum dei adserant? Habent hic quoque speciem pietatis. Cum autem eorum nihil sit, quae pollicentur, sed contra omnia insint vitia; pietatis virtutem abnegare dicuntur. Homines corrupti, reprobi circa fidem, sed ultra non proficient. *Inspicientia enim eorum manifestabitur.* Vtina-

a) *Platina in vita Stephani sexti. & Formosi & Sergii textii. b) in concilio constantiens.*

nam, principes, det nobis hoc pater domini nostri, Iesu Christi, ut quod aliquando futurum est vobis ad gubernacula reipublicae sedentibus contingat, ut per sententias vestras omnes intelligent atque cognoscant, auctorem omnium malorum & incommode-  
rum nostrorum, quem oportet aliquando cognitum  
iri, *Reuelabitur*, inquit apostolus a), suo intento  
*pore homo peccati, filius perditionis, qui aduersatur*  
*& extollitur super omne, quod dicitur deus aut quod co-*  
*litur, ita ut in templo dei sedeat, ostendens se tam-*  
*quam sit deus.* Considerate principes, quid sit, ita  
ut in templo dei sedeat, ostendens se tamquam sit deus,  
*& iam mysterium operatur iniquitatis.* Tempore e-  
nimi Paulli b), ut ostendimus c), pseudoapostoli illi  
obtegere coeperant beneficium sanguinis Christi, ve-  
lare euangelium, tenebras offundere rebus clarissimis  
& simplicissimis, quorum pseudoapostolorum doc-  
trina sustentata atque aucta est aemulatione legalium  
a pontificibus romanis, ex quibus veluti unum ali-  
quod corpus, una ciuitas, unus quidam ex membris  
multis perficitur atque conflatur. Quamobrem per-  
git apostolus, *& reuelabitur ille iniquus, quem domi-*  
*nus Iesus interficiet spiritu oris sui.* Quomodo in-  
terficiet spiritu oris sui? euangelium, verbum, spi-  
ritus oris domini est. Illustratione euangelii cadet,  
cadet Babylon, peribit ille iniquus, qui dicitur anti-  
christus. Ut vero multos ac multos homines fore  
intelligatis antichristum, hic dicitur, insipientia e-  
orum manifestabitur. Quorum obsecro insipientiam  
fuscipte curam & cogitationem dignam animis ves-  
tris, principes, & finite iam illustratione euangelii  
fanc-

a) 2. Thess. II. 3. 4. b) Act. XVI & XXI. c) declara-  
tum est id capite testimonii primo.

sancti interfici impium, finite spiritu verbi dei corpus illud, coetum impurissimum dissolui hominum, qui seruari mandant doctrinam daemoniorum. Qui attendant doctrinæ daemoniorum, certissima signa proposituit apostolus, quibus omnibus vestigiis, si vultis, eos adsequimini; numquam effugient. *Spiritus* (inquit a), manifeste dicit, num dubitanter loquitur? manifeste dicit, quod in nouissimis temporibus discedent quidam de fide. Res digna est observatione. Haec enim tempora nobis sunt nouissima. Qui hi sint, qui discesserint de fide, agite iam videamus. *Discedent de fide, attendantes spiritibus erroris & doctrinis daemoniorum.* Quorum daemoniorum? probibentium (inquit) nubere & abstinere a cibis, quos deus creauit ad percipiendum cum gratiarum actione fidelibus. Nobis sunt haec, quibus viuimus, nouissima tempora. Nihil sane refert, vel Marcion vel Manichaei quidam docuerint, nuptias esse impuras propter concubitum, bonum non esse omnibus vesci. Si pontifices romani item instituerunt, & Marciones sunt & Manichaei. At tergiuersari non licet contra spiritum s. Res in illustri omnium gentium & nationum conspectu posita est: Marcion & Manichaei docebant, impuras esse nuptias, docebant, non omnia bona esse ad victum: at non prohibuerunt edicto aliquo gentibus & nationibus proposito. At apostolus non docentium inquit, sed prohibentium nubere & abstinere a cibis b). Non est idem docere & prohibere: vis est in verbo. Quis.

b) i. Tim. IIII. 1. b) κωλυόντων γαμέα, ὀπέχεσθαι βρωμάτων. Sic in i. ad Thess. II. 16. κωλύοντων ήμας τοῖς ἔθνεσι λαλῆσαι de euangelio, quod edicto proposito prohibuerant praedicari.

prohibuit; quis edictum proposuit; ne diaconi, ne presbyteri, ne episcopi, ex instituto spiritus sancti per apostolum scripto deligi possint ex iis, qui a plebe sancta probati & laudaci vnius vxoris viri sint, qui domui bene praesint, & a filiis bene eductis atque educatis pie colantur & obseruentur. Quis infinitam multitudinem clericorum & cucullatorum matrimonii sacramento abstinere non dico docuit, sed uti prohibuit, ita ut si quis eorum uxorem habeat, sacerdos esse non posse<sup>a)</sup>. Quis poena mortis aeterna proposita, non dico docuit, non dico hortatus est, prohibuit dico, ne gentes & nationes ex libertate Christi suo commodo semper cibis omnibus uarentur, quos deus creauit ad percipiendum cum gratiarum actione fidelibus, nisi libertatis christiana, & euangelicae apostolicaeque doctrinæ, inimicissimus coetus & insipiens pontificum romanorum b)? at insipientia eorum, inquit apostolus, manifestabitur. Latine multi scripserunt, germane ut audio plurimi, italice in primis integritate & castitate vitae admirabilis vir Bernardinus Ocellus Senensis de antichristo. Res celebrari cepta est etiam aliis linguis, ita ut, illustratis scriptis illis diuinitus Danielis prophetæ & Iohannis apocalypsi & sanctissimorum apostolorum Petri & Paulli epistolis, res in comperto sit, in pontificum romanorum persona expressam esse faciem antichristi.

### R E C I T A C A P V T TESTIMONII VICESIMVM

Malae consuetudines, abusus, abominationes publico edicto tollendae. Bachana-

li-

<sup>a)</sup> probatum fuit hoc cap. test. 5. in declaratione. <sup>b)</sup> probatum hoc cap. testimonii 4. in declaratione.

lum enim speciem habemus, ludorum speciem simulacrorum abusus. Neque enim abest, quin infirmitas humana, instigante satana, vt deos olim, diuos morbis praefecrit, ita vt ad Petri fanum Romae templum febris sit, diuae Mariae titulo *a*). Nec brutis deet patrocinium sanctorum, adplaudentibus pontificibus romanis. Fornicari impune licet: scorta vbiique publica; ita vt Romae superioribus annis censa sint meretricum publicarum capita ad decem millia: earum quaestus portionem quamdam sibi pendi iubent, sicut & a Iudeis pontifices, quod foenerari impune permittant, centesimam exigunt. Acerbissimae vero exactiones, crudelissimi dominatus, Simoniae, dolii, spiritus sancti venditiones & extintiones, & cetera abominanda sic Romae regnant, vt, qui Christi spiritum habent, liquido videant scriptum in fronte curiae romanae, BABYLON MAGNA, MATER FORNICATIONVM ET ABOMINATIONVM TERRAE *b*).

### DECLARATIO TESTIMONII XX.

**I**ncredibiles sunt abusus, infinitae abominationes in magnis urbibus. At quam omnia superstitionum, abominationum, abusuum plena sint in castellis, vicis atque oppidis rusticis, nullum est in-

*a) Praeser ea, quae alibi fiunt, Romae in festo diu Antonii Abbatis, magno concursu compelluntur e qui & muli pontificis & cardinalium & affectuarum ad eius fanum; putantque id a diu fore salutare belluis. b) apoc. XVII. 5.*

ingenium, nulla eloquentia, quae adsequi posse dico. Quo minus dici possunt, eo magis vestrum est, principes, animis & cogitatione complecti: in quibus illud est mirandum, quod omnia haec mala ab uno perditionis fonte manarunt. Quod si vos admiratione adficiat, quod tamdiu haec, non dico incognita (parum enim hoc esset) sed & celebrata & pro piis habita sint a regibus & populis, est consentaneum: id enim ipsum in spiritu videns reuelator illerum altissimarum Iohannes, *& admiratus sum (inquit a) admiratione magna.* Desinite iam mirari principes: illud vos potius consoletur, quod dixit Augustinus<sup>b</sup>, quot videntes, quae praedicta fuerant in scripturis sanctis, nostris temporibus adimpleri, adficiamur in fidem, quod est, ad cetera credenda efficiamur propensiores. Quam vellem, auguste caesar, pii reges, & magni principes, his, quae de hac ipsa re a Iohanne praedicta sunt, aliquantulum daretis: operae. Neque enim fugit hominem illum diuina mente praeditum quid futurum esset. *Apocalypsis inquit c) Iesu Christi, quam dedit illi deus palam facere seruis suis: beatus, qui legit & audit verba prophetiae huius & seruat ea, quae scripta sunt.* Pie quidem dicuntur: non sunt negligenda, principes. Videlicet dicit ille se meretricem magnam d), sedentem super aquas multas, cum qua fornicati sunt reges terrae, & inebrinati sunt, qui habitabant terram de vi no prostitutionis eius, & mulier erat haec circumdata purpura & coccino, & inaurata auro & lapide pretioso & margaritis, babens poculum aureum in manu sua plenum abominatione & immunditia fornicationis.

<sup>a)</sup> Apoc. XVII. 6. <sup>b)</sup> August. de catechizandis rudibus.  
<sup>c)</sup> Apoc. I. 1. 3: <sup>d)</sup> Apoc. XVII. 2. seqq.

*suae, & in fronte eius nomen scriptum; mysterium, babylon magna, mater fornicationum & abominationum terrae. Aperit mysterium angelus domini a). Mulier, quam vidisti, est civitas magna, quae habet regnum super reges terrae. Bestia adscensura de abysso, tyrannis pontificum est, pontificalia ipsa potestas, pontificalia vis, quae detortis scripturis, priuilegiis acceptis, ut ostendimus b), & inueterata consuetudine imperium sibi statuit in imperatores & reges. Huc illud accedit: septem capita septem montes sunt, super quos mulier sedet. Ecquae vrbis septicollis appellata est? Mulier, inquit, ebria de sanguine sanctorum & de sanguine martyrum Iesu. Num ea Roma est? dicant iam ipsi pontifices. Sed & meretrix super aquas multas. Aperit hoc etiam angelus domini: aquas quas vidisti, ubi meretrix sedet, populi multi sunt & gentes & linguae. Quis de certitudine & veritate religionis christiana possit ambigere, in qua mille & quingentis prope annis, quae praedicta fuerant, contingere ita videmus hoc tempore, ut ne minimum quippiam sit praetermissum? Coelum, inquit dominus c), & terra peribit: verba autem mea non praezibunt. Credo ego vos admirari solitos esse, principes, si tales fuerunt pontifices romani (quales utriam non fuissent), quomodo tam diu a gentibus & nationibus summo consensu celebrati & culti sint. Oportebat pontifices sedere super aquas multas, oportebat a gentibus & nationibus multis magno plausu probari doctrinam pontificum, ut impleretur scriptura, essetque babylon illa mater magna fornicationum & abominationum terrae, cum qua for-*

ni-

a) *Apor. XVII. 18.* b) *cap. XVI. testimonii in declaracione.* c) *Mat. XXIII. 35.*

nicarentur ipsi etiam reges. Magnae, ingentes, omnino infinitae a vobis deo gratiae agendae sunt, principes, qui vos in admirabilem usque adeo lucem vocavit, ut id de vobis neque dici neque cogitari possit. Quid enim est, *fornicari cum Babylone?* nisi cum iis sentire & coniungi, qui iura humana & diuina confuderunt. *Babylon* externa vox est, apud nos confusionem sonat. Liceat mihi pro amore atque obseruantia vestra in Christum, principes, aliquid liberius dicere. Imprudenter olim rudibus saeculis imperatores quidam & reges, cum Babylone sunt fornicati. Non mens illis noxia fuit, non animus nocens, non sensus, non consilium, non cogitatio illa peccandi. Quo purior & candidior illorum mens erat, eo facilius a quibusdam malis artificibus fraus & dolus admoti sunt. Imperatores primi illi, qui in barbaris nationibus ex imperii finibus pellendis fuerunt occupati, theologiae litteras interiores attingere non potuerunt, religionem nostram permanenter complexi, quidquid offerebatur, accipiebant, quidquid proponebatur, exsequebantur. Quamobrem antistites, qui per id tempus Romae fuerunt, perliberaliter tractati sunt. Numquam vero imperatores illi crediderunt, eorum muneribus tantam licentiam futuram pontificum romanorum, neque fortasse legerant, vietu & vestitu debere esse contentos episcopos, & cum diuitijs non putarunt apud barbatos illos auaritiam subrepere, quae radix est omnium malorum. At ubi episcopi reges esse coeperunt, simul suspicionem regni amittendi, & curam conseruandi & cupiditatem nonnumquam augendi necesse fuit accedere. Implicati sunt tum primum negotiis, quae saecularia ab apostolo ad-

Ee

pel-

pellantur: a quibus longissime eos iubet abesse, qui deo seruant. At pii principes illi prodeesse putarunt se sanctissimae religioni, obesse certe quidem numquam voluerunt. Nondum luxus isti prodierant, initio abusus ignoti, neque tanto numero, & ii, qui essent, non proferebantur. Proximi illorum saeculis fuerunt summo ingenio & eloquentia theologi, qui in reiiciendis sectis, quae ab Arrianis, quae a Manichaeis & ceteris magno incommodo fuerant inuectae, occupati, volumina compleuerunt disputationibus & commentariis. In his excelluit Augustinus; ita ut romanae etiam ecclesiae iudicio primus sit habitus obfessor atque expugnator haereticorum. Is quoniam & valde peritus & acutus fuit, in haec quoque penetrauit, quae hodie disputantur. Nihil enim non attigit, sed de quibusdam breuiter omnino & strictim veluti pungens & somno excitans. Fundamenta vero ea iecit de gratia, vt si ea attolli plusculum passi fuissent homines, & de abusibus multis & magnis actum & mirum in modum aucta fuisset doctrina vere apostolica. At Augustini opinio de gratia hoc tempore a pontificibus romanis & eorum asseclis ferri non potest, sicuti libri de praedestinatione, quos in senectute scripsit, matuore aetate & properante ad veram solidamque pietatem & pleniores peritiam. Tyrannidi pontificum romanorum, quod ii ex prouocatione ius sibi statuerent in omnes episcopatus, vniuersi Africæ episcopi egerunt in conciliis de capite, *de adpellatione ad episcopum romanum a)*, quod dicebatur, esse concilii Nicaeni capitibus suppositum atque adiectum;

*a) concil. Afric. VI.*

orum opera nihil dico, litterae adhuc existantur  
 nae querelarum Africanorum episcoporum, testimonia idem de exemplaribus concilii Nicaeni, summa diligentia conquisitis & acceptis ab antistitibus  
 aeciae, consonis iis, quae antiquissima in Africa seruabantur, in quibus caput non erat illud <sup>a)</sup>, circuit si episcopus accusatus fuerit. Reexplorata &  
 imperta de tyrannide pontificum romanorum in annis episcopos per dolum conquisita & compara-  
 , cum conclamare coepissent antistites Africani,  
 intigerunt per id tempus magni bellorum motus,  
 eruptiones Gothorum in Italiam, in Hispanias, in  
 alias, in Africam, quibuscum contueniendi &  
 sacerandi post commonitionem praeclaram ad pon-  
 ficiem romanam (vt concilii Africani verbis utar <sup>b)</sup>),  
 e famosus typus saeculi in ecclesiam Christi indu-  
 cetur, finem fecerunt carthaginensia concilia.  
 Occupata misere & diu Italia & illustribus prouinciis  
 excutae sunt incredibiles tenebrae disciplinarum om-  
 nium multis ac multis saeculis, ita vt non modo li-  
 berales artes, sed omnes etiam, in quibus manus  
 accedit, deperderentur. Non solum dicendi genus  
 & antiqua latinitas mutata est, sed etiam forma &  
 figura ipsa litterarum, quarum exempla ad nostra  
 quoque tempora peruererunt. Quid putatis inter-  
 re actum de theologia? annon ipsi quoque tene-  
 bras fuisse offusas. Supersticio (vetus est) religio-  
 nem imitatur: proni fuerunt semper homines ad  
 malum. Quis ergo dubitet ad superstitionem fuisse  
 aditum? Omitto, quod tenebrae istae & fames  
 verbi dei & iejunia praedicta fuerint in scripturis

Ee 2

sanct-

<sup>a)</sup> in epistola afric. concil. VI ad Bonifacium. <sup>b)</sup> afric. concilii VI ad Coelestinum.

sanctis: ad ea, quae oculis cernimus, veniamus.  
 Quis pictas, annos ab hinc non dico sexcentos aut  
 trecentos, sed centum ipsos, in parietinis imagi-  
 nes conspiciat & risum teneat? Quis latinitatis a-  
 mator schedulam, quae intra hoc tempus scripta fue-  
 rit, potest ferre, ut iterum legat? Et quoniam cum  
 imperatore & regibus principibusque ciuitatum ser-  
 mo est, de praeliorum genere & ratione belli gerendi  
 per pauca atque intra modum dicamus. Quis non  
 miretur, tanto olim vsu & peritia rei militaris apud  
 Romanos & exteris nationes multas ad eam insciti-  
 am fuisse ventum, ut neque milites ordinem seruare  
 neque imperatores aciem instruere neque castris fos-  
 sam ducere neque vallum iacere scirent. Vulgo sine  
 ordine, sine fossa, sine vallo castra metabantur.  
 Felicitate & virtute vestra, principes, ingenia ho-  
 minum se extulerunt, animi veluti e longo somno  
 excitati (quantum vix videbamur posse sperare) om-  
 nia diligentia & industria sunt adsecuti. Pictura,  
 ut a rebus notissimis & humilioribus incipiam, pul-  
 cherrime restituta est: latinae litterae honestissime  
 reductae; rei militaris ars atque ratio belli grendi  
 exquisitior atque absolutior fuit nusquam gentium.  
 Ecquid creditis, theologiae, chaldaicis, graecis, la-  
 tinis bibliothecis restitutis; magno studio, summa  
 diligentia, incredibili opera adhibita, nihil fuisse  
 melius? Mirum videri non debet, si, luce ingeni-  
 ti quadam sanctissimae facultati adlata, multa,  
 quae in diuturna obscuritate latuerunt, videricopta  
 sunt. Tempus est iam, *Carole caesar*, pio, felix,  
 auguste, vosque summi reges, & magni principes,  
 re in illustri omnium gentium & nationum con-  
 spectu posita, declarare sententiis vestris, non mo-  
 do

do nobis sed posteris , propensionem animorum  
vestrorum in Christum. Eius euangeliū conuer-  
sum & confusum , videtis miserum in modum , be-  
neficiū sanguinis Christi velatum atque obiectum ,  
infirmis male consultum , onus graue innumerabi-  
lium praeceptorū super humeros fidelium gentium  
& nationum impositum . Quid exspectandum ? li-  
bertas Christi sublata est : instituta apostolorum e-  
versa sunt : rescissum est verbum dei : praeceptorū  
Christi maiestas immunita : crux , quantum per hoc  
licuit , evanescuta est : abusus magni atque incredibiles  
inueniti : confusa denique iura humana atque diuina .  
Quis Christi nominis tam est inimicus , qui possit  
haec audire & ferre ? aut , si nulla ratione mederi  
queat , ne cum impiis sensisse videatur , non morte  
testatum relinquat ? Hanc ob rem , si quid grauius  
in me acciderit , qui pro gloria Christi , pro salute  
fratrum , periculoſo consilio , at per quam pia mente ,  
suscepi communem causam ; numquam profecto  
pigebit , si defenso euangeliō filii dei id sequi necel-  
se est . Accede lictor , colliga manus , caput obnu-  
bito : ipsum me cruciatibus & pontificum irae offe-  
ro : percute securi . Quae est ista tanta crudelitas  
& saevitia , quam mors ipsa non exsatiet ? Saturari  
pontifices nequeunt , nisi viscera nostra lanianda &  
in ignem coniicienda praebuerimus . Accede lictor .  
Id etiam feremus . Liceat mihi , antequam de misere-  
rio supplicia sumantur , abiici ad pedes , prouolui ad  
genua magnorum & sanctissimorum principum . O-  
rat vos seruus Iesu Christi , principes , & flens , ob-  
secrat per eam fidem & operam , quam praestare de-  
betis Christo , qui tam amanter pro vobis mortuus  
est , qui resurrexit , qui adstat vultui dei pro vobis , vt

ipſi iam euangeli defensionem fuscipiatis. Quod si supra hominum sortem, supra mortalitatem vestram datum est vobis, principes, vt rescifsum verbum dei, imminutam maiestatem mandatorum Christi, instituta spiritus sancti restituere possitis, orat atque supplicat, vt neque animi neque corporis laboribus defatigemini, quo minus ecclesiam dei, quam daemonia quaedam forma hominum induita multis saeculis labefactare conata sunt, vos hoc uno confessu vestro, quem illa sibi horribilem & formidolosum putunt, gentibus & nationibus vindicetis in pristinam eius lucem & dignitatem.



AONII

AONII PALEARII  
VERVLANI  
EPISTOLAE





# EPISTOLARVM LIBER PRIMVS

I.

AONIVS PALEARIVS

VERVLANVS

MAVRO ARCANO

S. P. D.

**E**go sane grauiter & moleste tuli discessum tu-  
um. Neque vero tu, licet me fortior vide-  
ri velles, lacrimas tenere potuisti: sicuti ne-  
que ego dissimulare diu dolorem. Vetus amicitia,  
similitudo studiorum, ingeniorum nostrorum, facili-  
tas, numquam profecto siuissent, vt sine lacrimis  
disiungeremur. Posteaquam a me discessisti, quan-  
tum potui, te oculis sum prosecutus. Soracte eges-  
sum, montes & siluae texerunt: cum ad flumen de-  
scenderem; caesar mihi noster cum magno comitatu  
factus est obuiam. Is, quo est splendore, qua est  
pietate, diligentissime commendauit me suis: iussit,  
vt se absente, omnia mihi essent promta, & parata.  
Nihil illo heroë potest esse illustrius, nihil excogitari  
humanius. Deos quaeſo, vt quorum vidi profecti-  
onem, eorum redditum laetissime videam. Cum in  
urbem rediisseſsem, mira mihi vbique visa est solitudo.  
Domi erat Lucilla tua: quo animo, noli quaerere.  
tristi ſcilicet: coenare noluit. nunc misera angitur,

E e 5

nunc

nunc emergit amor. nunc desiderium ferre non potest. cum iam aduerseretur, curauit, ut ad matrem dederetur. Postridie eius diei, qui fuit III. id Sex-ti. Eugenia nutrix me conuenit, conquerens, illam confici curis, somnum capere non posse, cohortuisse etiam paullo ante lucem. mirum ni, cum imbecilli sit natura, & valetudine, istis animi perturbationibus in febrim incidit: ad meas summas foliitudines haec etiam accidit. Eugubius medicus, qui te valde amat, simulatque introductus est, dixit grauidam esse, & propterea magis afflictari moerore. Ego puto anni etiam tempore vexari bile, & maximis caloribus (neque enim memini maiores) fieri, vt tam modice edat, & parum obdormiat: nam & ego superiorem noctem habui plenam molestiis. Nihil opus erat tam multa scribere, nisi veritus essem, ne cum alii ad te scripsissent, tu minus me amare impiceres: tum vt te commonearem, si alii ad te scribant, non esse grauitatis, quam tu a puero praestitisti, ferre immoderatus aegritudinem mulierculae. Famae aliquando, mi Maure, est seruendum. etsi nemo est, qui cum essem libertius, quam tecum: tamen tibi non sum auctor, vt tali cito ad nos redeas. Cave, ne subito consilium capias: solet te, cum temere aliquid fecisti, postea poenitere. Si me audies, dum caesar abest, non modo nobis, sed te ipso tibi est carendum. Cum essem obsignatus epistolam, nutrix per puerum mihi nunciauit, Lucillam meliuscule habere, desiderare tamen abs te aliquid litteratum: quod vt facias, te vehementer rogo. maior illi leuatio adferri nulla potest.

Vale, Romae.

II.

**AONIVS PALEARIVS  
MAVRO ARCANO  
S P D**

**V**igilantis hominis, & industriae, visae mihi sunt litterae tuae, plenae officii, suavitatis & amplitudinis. Ecquando ego tibi gratiarum aliquam partem? Omnia, ut video, summa diligentia es consecutus, quae ad honorem & dignitatem meam pertinent. Tua erga me benevolentia utilis, & optata mihi fuit semper: numquam vero tam necessaria. Maiorem in dies, mi Maure, humanitatis & pictatis tuae capio fructum. meam rem sic egisti, ut ipse tuam non ageres. Vnum mihi restat ad omne decus, & solidum gaudium, ut te videam, & osculer. De Verrucoso aut illud ipsum erit, quod scribis, aut non multo secus. Non nihil periculi est in insidiosa blanditia. Odi hominem: neque mehercule curo, si eius animum offendam, si tuum non offendeo: quamquam in iis litteris, quibus mihi cogitationes tuas explicasti, semper te eum sic dilexisse dicebas, tamquam aliquando fuisses osurus. negas tamen nunquam animo esse auerso. Sed natus ego homo ineptus sum, qui commemorando vel faciam, vel augeam dolorem. Fasciculus litterarum, quem Repantii puero dederas, Lucillae est redditus: in eo, si quid ad me fuit, non est adlatum. Obscro te, ne hic clames, neve succenseas, neve de negligentia accuses: nihil ego non sum expertus suadendo, orando, ut fasciculum Repantium solueret. Fuit hoc illi suspiciosum: numquam vidi hominem difficiliorem: quod nullo negotio impestrare debebam, summis precibus non sum adsecutus. Nihil attinet omnia scribere. tu, si homo es, post hac,

hac, nisi habueris fidelem tabellarium, ne quid epistolae credas, quod nolis resciri. Argentum ex pensione paratum est: si vis, isthic poteris sumere a Cospiis. collybus paruu omnino est: satiusque id, quam duro anni tempore via longa & deterima cursare ad transpadanos. Nollem in re minima tamdiu penderes animi. nam et si domesticas res impeditas Romae reliquisti, tantum profecimus, ut tuo commodo vti possis pecuniae permutatione. Rumor hic est, non satis tamen constans, & sine auctore, iras esse inter Clementem pontificem, & Carolum caesarem, quod regis adfinitatem alter expetat, alter cum Gallis nullam velit fieri coniunctionem. Bononienfes propterea in armis esse dicuntur: Germani paratissimi ad certandum. quod si est, periuimus. Non vides, quanta tempestas impendeat? Noli exspectare dum confligant: vt ab omni pugna absis, maturime abito. Mantuam si perrexeris, nihil melius: nusquam eris tutius. Vale, Romae.

## III.

AONIVS PALEARIUS  
MAVRO ARCANO  
S. D.

**S**I quid mihi accursius sui consilii impertiet, faciam te certiorem, dormias in vtramuis aurem: si non excidit, quod superioribus litteris scripsi. Maxima curae mihi erit, vt ea faciam, quae te sciam velle: non tamen dubito, Verrucosum, hominem fatuum, & intemperantem, qui aeris alieni magnitudine pedem porta non effert, tam odio tibi fore, quam mihi. Eum quoniam vis tuos nummos curare, faciam vt iubes: nutus mihi tuus fidem facit. Sed quem tu virum bonum dicas, non plane intelligo, nisi

nisi melius explicabis; vel, vt ego coniecturam facio, tu omnia εἰγωνεύμενος. id nisi est, poenitebit. Paucis verbis praestiti, quod debeo pro amicitia. si possem coram, non te epistolis obtunderem. Est omnino miserum, bona eorum, qui nobis carissimi sunt, diripi videre. At miseriis multo, amicorum consilia in eam partem non accipi, in quam si acciperentur, salua omnia esse possent. Sed vt ante a dixi, quocunque tuum in ea re consilium erit, illud persequar. Tu si nimium me in commonendo fuisse dixeris, non laboro: malo in hoc desiderari modestiam meam, quam amorem requiri, aut diligentiam. Nosti, qua in offensa sim apud Caesarem? miror, mihi nullas ea de re litteras abs te'datas. Consilia quorumdam inuidorum, euigilata malis cogitationibus, tandem eruperunt. Quae res ea est? Parua, & quae a te dilui facile potest. Obiicitur, esse apud me exemplum indicis cuiusdam bene longi, in Liuii libros ex obseruatione Cathanei. Primum, qui potuit tam breui volumen illud transcribi? deinde, quod consilium? opus est confusum, & dissipatum: in quo nisi nouus exsudetur labor, nihil quisquam proficiet: auctorque potius laudandus est, quod primus in eam curam incubuerit, quam quod exacte incubuerit. Quod si eo accusamur, quod ex indicis inspectione fecuti, &, vt illi dicunt, furati sumus obseruandarum rerum rationem: tu vide iam, quam iniqui sint homines: antequam ii libri in manibus haberentur, absoluti prope a me fuerant commentarii in orationes M<sup>·</sup> Tullii: non mehercule, vt laudem alicui praeriperem (nihil enim minus umquam cogitavi), sed quia magnis praemiis propositis urgebar, vt tu scis, a viro amplissimo: cui si tam libenter me:

as vigilias concessi, nescio, qui tam ineptus sit, qui  
in animum inducat, me appetiuisse alienas. Muti-  
us vir est optimus, & egregius ciuis romanus: mira  
in homine clementia, pietas, integritas. eius opera  
plurimum vni sumus. Is non modo oratione, sed  
re etiam declarauit, nihil sibi videri illiberalius, quam  
innocentem oppugnari. itaque me vir fortissimus de-  
fendit. Quid tum, inquit, si litterarum studiosus  
huiusmodi exemplar habeat? fac esse, transcripse-  
rit: num id est flagitium facere? Tum patronus con-  
tumeliosus, & minax, quo vultu? quo spiritu? Ca-  
uebo (inquit) meis, sine vadimonio non discedes:   
bibliotheca fuit apud te, pecuniam accepisti. non sa-  
scio, quid surripueris, quantum debeas: vadare, &  
abi, quo vis gentium. Haec quam visa fuerint in-  
digna, quam tulerim grauiter, nihii dico: tu si hie  
esses, disrumpereris. Cincius Phrygepan, summa  
humanitate, modestia, & nobilitate iuuenis, nulla  
in re defuit: ubi me in iis angustiis esse vidit, vltro  
satisdedit. Haecce praemia vigiliarum mearum?  
te sponsorem adpello, tam insignem mihi fieri iniuri-  
am? caesare haec, inquies, inuito omnia. Nihil  
raor, pro iis ut emori possim? tot contumelias o-  
neratus ut Romae maneam? non faciam.

## III.

AONIVS PALEARIVS  
MAVR O ARCANO  
S. D.

**N**Vlli citius remittunt iram, quam qui subito ex-  
candescunt. Scripsi ad te idibus multa iam no-  
te litteras plenas querelarum: mane vix lucebat, cum  
iam supponituerat. Nam etsi irae, quibus ad scri-  
bendum fui adductus, tam iustae erant, quam quaes-  
ma-

maxime: tamen ne vos offendam, omnia mihi toleranda facit, tibi non ignota quaedam pietas animi mei. Neque vero mere alia magis deuinxeris, quam si curaueris, ut caesar intelligat, quos in urbe reliquit, neque ingenue, neque liberaliter tractari a suis; quos ita tuli, ut nihil excogitari possit humanius. Quae dicta, facta in me sunt, omnino ex animo euulsa esse volo: si meminero posthac, dii mihi sint irati. Quod etsi iniurato credidisses, iuraui tamen, ne si meas vitae rationes, quas mihi a puero institueram, nunc sequar, iracundia permoueri me arbitriteris: atque aliorum, atque ego feci, accipias tu, aut aliis quispiam, Mirum me desiderium tenet philosophiae, & eorum studiorum, in quibus ante captam ab Hispanis urbem Romae sex annos consumseram. ea intermissa biennium, cupio reuocare. Auaritia, quorum non licet dicere, sophistae nulli sunt Romae. Audio in Hetruria florere bonas artes. nihil est, quin recta proficiscar Senas: nisi prius Perusiam, quod Ennius meus ibi est pro legato. valde cupio hominem visere: nam me multum amat, & philosophi non ignobiles Perusiae esse dicuntur. Quod si inueteratam barbariem, qua facultatem illam respersere commentatores pseudolatini, hic non inuenerò, nusquam ero libentius: sin orationis vitium oram hanc quoque occupauit, nihil mihi magis est in animo, quam transire ad transpadanos tuos. Patauii, si vera sunt, quae narrantur, ab Aristotele graece scripta, & graece & latine & ornate reddit Lampridius, vir excellenti ingenio, & doctrina prope singulari. Huiusc mei consilii rationem pluribus verbis reddidi, quod video fore sermones, hui urbe abiit, hem leuitatem. Multi cauillabuntur, praesertim apud caesarem, indig-

dignationem discessus fuisse in caussam: nonnulli, me ipsum nescire, quid velim. Quibus cupio tu hoc tempore respondeas: aliquando enim res ipsa loquetur, ubi in studiis acquiero. Curiam relinques igitur? inquires. Relinquam: quid enim turpius, quam nos tam firma aetate, Romae ignauos, socordes, inexercitatos, inglorios sedere in ocio? Summi philosophi, ut ad eorum peritiam aliquid accederet, tot barbarorum prouincias pedibus obierunt: nos, ut inscitiam exuamus, pigebit insilire in equum, perlustrare Italiae partem? Mihi quidem si patrimonium amplum & copiosum dii dedissent, nihil fuisset prius, quam non modo Italiam, Gallias, Germaniam, ornatissimas christianorum prouincias vivere; sed & Graeciam omnem, in qua prope nullus pes est, qui in Turcae non sit potestate. Hoc desiderium neque leue, neque malum bonis videri debet. In tantis enim tenebris & studiorum, & rerum nostrarum, nulla peregrinatio obscura & sordida esse potest iis, qui prudenti & sagaci sunt animo. Voluti cum domi fumus est, atque nidor, accusandi magis sunt, qui domi maneant, quam qui domo exerunt: sic, ut lumen aliquod respiciant, laudi esse debet iuuenibus, quo quo proficiscantur: vitio verti, si remanserint. Atque utinam haec potius tecum corram, quam per litteras. Non enim vereor, ne aut tu in meam sententiam venires: aut si errarem, commonefaceres amice, fraterne obiurgares. Sed pro re nata incommode omnia accidunt. via non satis tuta est: & Fabius cursor per agrum Perusinum cras, vel summum perendie proficisciatur. cum hoc ego eram iturus. Tu si quid ad me vis, Perusiam cura ut litterae perficiantur. Vale, Romae.

V.

AONIVS PALEARIVS  
**M A V R O A R C A N O**  
 S. D.

**C**Aue putas quidquam esse suauius epistola tua,  
 quam Perusiae xvri Cal. Martias accepi. miram  
 in ea pietatem, humanitatem, benevolentiam per-  
 spexi. Nam quod maleuolorum obrectationibus  
 reiectis, & inuidis prostratis, atque obtritis, me in  
 omnes partes defendendum putas; quid hoc est, nisi  
 pietas est? Humanitatem vero in ea re agnosco ma-  
 ximam, & summam benevolentiam, quod tantum  
 mihi tribuis, quantum vni tibi ego vere tribuere pos-  
 sum. Ain' igitur, integer atque optime Mauge, pla-  
 cere tibi consilium meum? Evidem ut dicam tibi,  
 et si memoria tenebam, semper te omnium bona-  
 rum artium perstudiosum fuisse: nonnihil tamenve-  
 rebar, ne consuetudine eorum, quibus cum coniunc-  
 tissime viuis, indigne fecisse viderer, quod eos non  
 essem secutus, a quibus tu non potes recedere. Nunc  
 cum opinio tua ab exquisita ratione profecta, ea sit,  
 quam decet esse hominis bene docti; hac comite quo  
 quo iuero, bene erit. Currentem hortaris tu, cui  
 mehercule dignitas mea carior est, quam mihi ipsi.  
 Eam si in hoc discessu retinebimus, et si cetera male  
 eaderent, fortiter feram. Eia clypeus saluus est, a-  
 uelle spiculum: quamquam omnia mihi secunda,  
 certa & explorata polliceor, si quae rectissima sunt,  
 sequar. suspensus essem, si ex iis penderem, qui ad  
 fortunae moturi mouentur. Circumspice omnia  
 membra curiae: quod momento temporis non vide-  
 bis fractum, ac debilitatum? quamdiu factum est,  
 quod omnia cuersa vidimus? Quamobrem Caesari

Ff

pro-

probe & sapienter respondisti, cum te vitae pudere dicebas, qui omnium meorum studiorum maxime conscientius, in id, quod praecclare moliebar, numquam conieciisse oculos. Libenter ego amplector talem humanitatem, quod cum in te omnia copiose sint, quibus te ipsum pulcherrime tueri potes, & aliis exemplo esse; me patronum, custodem, praecursorem facis sententiae tuae. Discessum vero meum quod neque fronte, neque vultu bellis feras, agnosco intimos sensus: amabo te, ne quid posthac tale audiam. His rumorebus non nihil sum commotus. nam etsi mihi animus fortis & praefens est, ut omnia subeam amore quodam litterarum: non tamen ita ferreus & inhumanus sum, quin acerbitas quaedam doloris, commemoratione eorum, a quibus auulsus videor, non recrudescat. Qualem te epistola praebes, talem re esse oportet. neque facere, ut mali theologi: qui cum alios per pulchre ad fortiter beneque viuendum hortentur, ipsis mollissime viuunt. Quod in gratiam me apud Caesarem reposuisse dicis, fecisti amanter: putas enim caussam tuam coniunctam cum mea. Sed nolo ego te omnia incommodo tuo facere. De episcopo Gallo, ad quem scripsisti continuis diebus, neminem tibi me esse amiciorem, habeo gratiam: sed homo ille in omni fortuna superbum se praebuit. Praediues est, fateor: sed is tam diligenter suum tenet, quam quiuis foenerator. Sacerdotio est amplissimo praeditus: moueret me, si sapientia, & pietate. Noli, obsecro, tu isto ingenio vir, de iis expectare, quid sentiam, quos in omni conditione miserrimos puto. Concludis enim epistolam hoc modo, *polliceor tibi illum fore vsui.* Quid si non erit? non propterea viuemus? nae si quotidianus congres-

gressus, & sermo tuus mirificus, quo carendum video, menon magis moueret: is mihi viderer, quem tu-versiculo illo transuerso adellas, o te beatum, qui istam inis viam. Sed iam lucet, & Apollonii puer pulsat ostium: ecce recta ad me. Vale, Perusiae.

## VI.

AONIVS PALEARIVS  
CINCIO PHRYGEPANI  
S. D.

**N**Oli exspectare dum ad te scribam, quid ista nobilitate iuueni & animi excellentia faciendum putem. Sermones nostri quotidiani, si non exciderunt, habes, qui te admoneant: sin, ut plane vereor, vel eorum oblitus es, vel suasione alicuius mutasti sententiam; ego meis litteris efficere non potero, ut ad nos venias: praesertim cum (ut audio) multum remiseris de studiis illis optimis, & qui tibi minus fidele consilium dent, scire non possim. Nam quod ad meas vnas atque alteras superioribus diebus ad te datas non responderis, non prius miratus sum, quam Liuius noster ex urbe venisset, sine litteris tuis. quem cum rogarem, si quid haberet de aduentu, de quo cum Romae esset, tam multa scribere solebat, & laudare praestans iudicium tuum; respondit, nihil mihi, quod antehac promiserat, semagnopere confirmare. Itane tandem nos desiderio tui languentes, falsa spe ducis? & exspectatione facis pendere? Nae ego, si vñquam suspicatus fuisssem, te sine me posse viuere, sic animum instituisssem, vt si te mihi esset carendum, non ita acerbe ferrem: & vsu iam profecto confirmasse, ne tam varie adficeret. Quis me illis tuis pollicitationibus laetior? quis hoc nuncio tristior? nam et si Liuius non adserat, neque ta-

men neget, te esse venturum; ego facile, quod nolo, hoc credo. Quid? non venies igitur? Nisi me opinio fallit, non venies: ita complexus es voluptates istas urbis, ut ab eis non possis diuelli. Quid enim aliud dicam? Domestica negotia fratres tui curarent, si velles, diligenter, honestissimi & optimi viri: neque tam multa sunt, quin uno die explicari possint. Non accipio iam istam excusationem: tu, si tibi cura est nostri, & existimationis & dignitatis tuae, ne committas, ut aequalium consiliis abducare. Rationum nostrarum es particeps, auctor studiorum: quorum illi sunt hostes acerrimi. Est tuae ingenuitatis, magnitudinisque animi, cogitare, quo nos promoveris, quid promiseris, reminisci. Cum in Hetruriam venimus, tantum pecuniae nobiscum attulimus, quantum tu liberalitate tua ccessisti: si venisses, nulla re egeremus. Obsecro, si sine te Patarium sit eundum, ne ab omnibus destituti videamur. Patrimonium tibi, quod dii fortunent, amplum est, pusilla familia, animus egregius, & rerum magnarum adpetens. Quid tam diuinum & coeleste, quam hominem rebus omnibus iuuare? quid tam romanum, quam alere hospitem, & veterem amicum? quid tam tuum, quam excipere, & toto animo complecti studiosos bonarum artium? Liberalitate tua nobis opus est, ut quae tibi gratissima & iucundissima sunt, studia sequamur. bibliotheca graeca comparanda, latini libri supplendi sunt. Latinorum magna est caritas, graecorum mira difficultas. Ad hoc te isto genere, istis opibus, isto ingenio natum puta, ut per te subleuemur.

Vale, Senis.

## VII.

AONIVS PALEARIVS  
 ENNIO PHILONARDO.  
 EPISCOPO VERVLANO  
 S. D.

CVm in Hetruria essem, & multa de indignissima e-  
 orum caede, qui cum Perusiae praefecto erant,  
 rumor ipse perferret, ita animo sum affectus, vt mē  
 certo sciām numquam in maiore dolore fuisse versa-  
 tum. Primum enim veritus sum, ne Ennius, vir  
 vñus omnium integerrimus, & sanctissimus, prouin-  
 ciae ciuili bello ardenti praeceſſet: qui cum iratos &  
 immanes exulum animos voluifſet lenire, crudelissi-  
 morum hominum & sicariorum improborum manus  
 effugere non potuifſet. Deinde memineram, illie  
 esse M<sup>r</sup> fratrem, virum ſane bonum, & mihi ami-  
 ciſſimum: quem in tanto furentis plebeculae tumul-  
 tu, quomodo in tuto eſſe posſet, non videbam. Ita-  
 que cum multos dies, in eo moerore iacuiſſem, re-  
 nunciatum eſt, te eo tempore, quo illa in agro Pe-  
 ruginino geſta dicebantur, Romae fuisse. Quod cum  
 maximam laetitiam attulifſet, vidererque permagno  
 angore liberatus; ecce ad me ex vrbe lacrimarum &  
 molestiae litterae plenae, de egregiorum ciuium &  
 tibi coniunctiſſimorum clade: quae mihi continuo  
 cor exederunt. Cum igitur, vt par erat, ſaepē ad  
 te ſcribere ſtatuifſem, vt consolationem aliquam me-  
 is litteris adhiberem, nihil ego reperiebam, (quod  
 iis contingit, qui animo fracto ſunt, ac debilitato)  
 quod non triftiam magis quam consolationem ad-  
 ferret. Itaque veritus, ne dum mederi dolori vel-  
 lem, acerbifſimum animi ſenſum retractarem, a ſcri-  
 bendo me cōtinui: tum quod arroganter ac temere

Ff 3

me

me facere existimabam, si virum sapientem, qui consilio, & auctoritate sua barbaras gentes saepe fregit, patientia populos rebus nouis studentes domuit, consolatione mea indigere duxisset: quem praesertim animo forti & pacato, cognoscerem abundare praeceptis sapientissimorum hominum. Quamobrem commutata ratione, qui consolatorias litteras scripturus eram, gratulationem potius volui scribere: quod commutata fortuna, post illas lacrimas, arcis Adrianae praefectum publicis & multis muniberibus honestatum, ornatum, auctum te esse acceperim. Quibus, etsi te magni animi & magnae humanitatis virum pulcherrime secundam fortunam atque aduersam ferentem, minime elatum intelligo; gaudeo tamen, quoā iis virtutis tuae testimonia quaedam consecutus videare. Θεῖον γαρ εὐγενίον που τιμῆς, τῆς τε καλλέστης αρετῆς μαρτυρία, καὶ σημεῖον εὐεργετικῆς δόξης. quae quoniam in illustri magnorum principum conspectu posita est, non dubito maiorem in dies fieri acessionem fortunac, & dignitatis tuae. Vale, Semis.

## VIII.

AONIVS PALEARIVS  
CINCIO PHRYGEPANI  
S. D.

O iucundissimum & optatissimum nuncium, exspectatas mihi litteras tuas: cum de discessu ex Hetruria constituissem, & comites parati essent ad profectionem, ecce Fabius Cursor cum litteris, quae me maxima laetitia extulerunt. Quid, inquit, igitur sine me? Enim uero recrudescebat dolor, quod sine de esset eundum: ipse mihi moram adferebam, & necebam caussam ex causa, ne quid fel-

festinarem. Sed iam taedebat me vitae, quid hic facerem? sine libris, sine sudario, sine linteo: omnia praemiseram, ne in itinere opus mihi esset mulis Marianis. Quo magis erit tibi videndum, ut haec nostra exspectatio ne plus sit menstrua: tametsi tu ita scribis, ut prope nefas sit de tuo aduentu dubitare, tamen pungunt me dubitationes quaedam tuorum. audi hominem amicissime monentem, non me poenitabit saepe iam commonuisse; ego nihil tibi video esse Romae periculo vacuum. incredibilis est inuidia aequalium, qui iuuenem florentem nobilitate, opibus, propinquis, amicis, ferre non possunt: discessum tuum in praesentia ob idipsum tibi utilem, ob studia honestissimum puto: omnia hic erunt fidei, consilii, amoris plena: vbi te conuenient omnes, oderit nemo. Nam quod amicus noster lucem istam iactat, alias res agit, ne te moueat: nunc aliud tempus est. Vrbem, mi Cinci, vides refertam peregrinis, in qua nulla ciuis valde illustris industria esse potest. Peregrinatio, mihi crede, neque obscura, neque sordida est iis, qui absunt vel studio militae, vel desiderio litterarum. Tuae prudentiae est, obliuisci quaedam hoc tempore, & quae ab amantissimis tui proponuntur cogitare. Viues nobiscum, viues cum studiosis bonarum artium: magnum fructum capies ex consuetudine aequalium, qui sunt magna animi humanitate temperati: incredibilem ex vsu maiorum natu, summa doctrina & eruditione: ex studiis vero tuis tantam voluptatem, quantam semper capere consueisti: in hoc etiam maiorem, quod hic quid agas, quo te oblectes, est praeterea nihil. Poetac, oratores, philosophi non ignobiles Patauii habitant, & sapientia in unam vibem commigravit, veluti in

aliquam domum, in qua Pallas omnes artes docet: neque ullus locus est, ubi melius tua illa inexhausta legendi & audiendi auiditas exsatiari possit. de quare scribo parcius, quod incredibilis solet esse festinatio adolescentium, quos desiderium cooperit alicuius rei. Tu, qui firmiore aetate ardes desiderio litterarum, incitatione nostra non egere, sed aut aduentare, aut prope adesse iam debes. De liberalitate, & promissis iis, quae ostendis, ago gratias: nihil ad tuum in me amorem addi posse video. Sed nihil est, quod nunc pecuniam cures. cum lentius agere te viderem, & ad meas litteras non respondisse, versuram feci: mandaui interea Pterigi familiari meo, vt domum & praedia, quae sunt in Hernicis, vendat. Si emtorem, quem putarat non inuenierit, faciat auctionem. Omnia mihi abiicienda sunt potius, quam deserenda philosophia. Vaenibunt serui, supellex, fundi, aedes, omnia: id vt me absente percommodo fieret, cum Romae essem, dedi cognitorem Corfinium. Obsecro te, vt scribae Capitolini formam mandati componant diligenter, eamque Corfinio ad te venienti des: sed fortasse ille, quod vereor, temporibus aestiuis cum Ennio secessit in Fibreni insulam. quod si est factum, amabo te, incumbe in hanc rem, vt pro Corfinio sit Pterix: & eum his litteris formula perforatur ad Cantelmos moos. Gregorium fratrem tuum humanissimum bene valere gaudeo. De Hieronymo audimus, quae volumus: mirum est, quantum in isto iuuencit animi, splendoris, & heroicæ virtutis. rem honestissime transgit: ei meo nomine gratulare, & dic plurimam salutem. Vale, Senis.

## VIII.

AQNIVS PALEARIVS  
 FRANCISCO BONO ET  
 MATTHAEO PAVONIO  
 VERVLANIS  
 S. D.

**E**go vero maxime vellem vobiscum esse: neque mihi quidquam est dulcius commemoratione ista patriæ, & desiderio meorum. Ea tamen cupido incessit adeundi exteras regiones, vt plane opiner, patria mihi semper esse carendum, non modo ista, in qua natus sum, & quae vel vestra caussa mihi est carissima; sed alia etiam quacunque, si qua umquam futura est, quae me vxoris ac liberorum caritate deuinciat. Numquam, in hercule, audio, in Gallis & Germania florere bonas artes, quin cupiam euolare. Cum Roma discessisset superiore anno, Perusiam veni. Erat ibi tum pro legato amplissimus vir Ennius Philonardus noster. nolite querere, quam mihi ab illo omnia fuerint promta, & parata: quamdiu Perusiae fui, voluit, ut essem apud se. Si voluisse, impetrauerat, ut cooptarer honorifice in collegium iuuenium studiosorum: operam, curam, diligentiam, auctoritatem suam mihi pollicitus, nulla in re defuit: numquam vidi hominem meliorem, vel integritate vitae, vel studio iuuandi. At cum barbarie scateret gymnasium illud, nihil mihi prius fuit, quam ut maturamente abirem. Senas vegi VI. calendas Nouembris. vrbs est in amoenissimis collibus posita, fertilis, & copiosa omnium rerum: infecta partibus tamen, & factionibus prope enecta. Maxima pars nobilitatis per vicos & pagos diffusa habitat, quae altrix vbique folet esse liberalium astrium:

Ff 5

quam-

quamobrem Musis veluti nouem pulsis, & fugatis,  
nemini mirum videri debet, si nulli assidui sunt phi-  
losophi, nulli oratores, nulli poetae in ciuitate. In-  
genia tamen Senensium sunt acria, atque acuta, si-  
cū omnium Hetruscorum: mulieres egregia forma,  
iuvenes academiis excitatis oblectant sese scriptis vul-  
garibus: felicitas illa linguae Thuscae hoc habet in-  
commodi, vt auocet a Latina & Graeca, quae labore  
sunt comparandae, qui vñus est hostis acerrimus stu-  
diorum: quo fit, vt minime multi attingant interio-  
res litteras. Aueo discedere, incredibile desiderium  
me tenet philosophiae: sed nobilissimi homines ad-  
huc me retinent in villis, & pagis. Horum magna  
est humanitas, summa liberalitas, regius prope splen-  
dor. nisi studiorum amore incenderer, nusquam essem  
libentius. Nam vrbe Roma ab Hispanis capta &  
direpta, Latio exinanito, quid est ista prouincia spo-  
liatius, ad quam me reuocatis? quid nostris regulis  
egentius? Quae res facit, vt saepissime cogitem,  
& statuam de vertendo solo. Huc accedit, non a-  
mica quaedam voluntas aequalium nostrorum, qui  
mihi a puero infestissimi fuerunt, adolescentes im-  
puri, & scelerati: qui vbi creuerunt, nihil ipsis fuit  
inimicus, quam ipsi fuerunt sibi. Ii, vt cetera o-  
mittam, ausi sunt (quod non queo sine lacrimis scri-  
bere) demoliri partem sepulcri matri meae, lectissi-  
mae feminae, eximia virtute & probitate: cuius ci-  
neres utinam salui sint. Vestrum nunc est, omni-  
bus officiis amicitiae a vobis sancte & diligenter cul-  
tis, & seruatis, pro mea perspectissima semper erga  
vos benevolentia, si quae sunt reliquiae meorum,  
colligere & componere in vrna: curabitur pecunia.  
Obsecro, detishoc pietati meac. Saxum ingens po-  
ni

ni volo cum his litteris, in ea templi parte, in qua erat sepulcrum matris meae,

MATTHAEO PALEARIO ET  
CLARAE IANARILLAE  
OPTIMIS PARENTIBVS ET  
ELYSAE, FRANCISCAE  
IANILLAE, PALEARII  
SORORIBVS HONESTISSIMIS  
AONIVS PALEARIVS POSVIT  
MVTATO SOLO.

De ea rebis, terue scripsi ad Mariam materterae filiam: sed illa aut moerore impeditur, aut vetetur dicere. Quidquid est, facite, ut sciam: vt si forte aliquando rediero in gratiam cum Musis, consecrem meos omni genere monimentorum. Valere.

## X.

AONIVS PALEARIVS  
IOHANNI MARTELLO  
S. D.

**A**ccepi humanissimas litteras tuas, quibus significas, te libenter relicta paterna domo meam emisse, si conditiones solutionis mihi probabuntur. Mandaui saepè iam Pauonia, & Bono, hominibus meae erga te voluntatis maxime consciis, vt tibi dicarent, nihil mihi esse, quod ego meum magis putem, quam tuum: placent conditiones, mitto syngrapham. Corsinius, homo officiosissimus, & peramans tui, curabit omnia diligenter. Volo tibi eam emtionem bene & feliciter euenire. In vita mea nulla umquam maiori voluptate sum affectus, quam ubi accepi, vel le te domi meae habitare. Quinque vis esse pensiones: sint sane quinque, at ego unam remitto, dono sextantem, ceteras etiam tuo conimodo: id si quis gra-

grauiter feret, doleo. Nam ego primum id maxime vellem, vt omnes intelligerent, mihi te esse carissimum. Deinde, vt mei id gauderent: ex dorante eurabo sepulcrum fieri, vt, si quid illae meorum reliquiae sentiunt, ex hac re capiant voluptatem. Quid opus est de quibusdam tanta multa adfirmes? noui ego prouinciales istos. Illud mihi consolationis loco pono, vbi ego domi esse non possum, tu ibi sis: vbi si essem, totos dies una essemus. An censes memoria me depositisse, cum tantillus ad te deducebar a patre? qui incredibiliter laetari solebat, quod hominem comperisset, cui suos liberos tuto committere posset. Tua mihi a pueritia necessaria benevolentia fuit: humanitas istis profecto deest, qui te a me amari nolunt. Ego, cui plus quam tibi debeam, habeo neminem: prudenter tamen facis, quod eorum inuidiam vitas, qui tibi, nescio qua re, sint irati: sed animum tuum libera aliquando istis solicitudinibus. Quod de amicis scribis, credo equidem, sentio, hoc ipsum in me fieri: dici non potest, quam vobis iniuitus caream. Nullus est dies, quo non ego vos omnes memoria & cogitatione complector: neque est verendum, quod tamdiu longe absum ab oculis vestris, ne aut vos me, vel ego vos propterea minus amare incipiam. Nulla amori nostro intercapedo, nulla absentia, nulla finem est adlatura diuturnitas. Vale.

## XI.

AONIVS PALEARIVS  
BERNARDINO MAFAE O  
S. D.

**C**Vm exspectarem audiissime litteras tuas, (dederam enim meas ad te idibus Maiis Hieronymo Reario) admonuit me Paccius noster, qui Veneti-

tiis Patauium nauicula adiectus, ciues romanos officii caussa conuenerat, teneas nullas prorsus accepisse: quod quidem molestum mihi fuit. Nam etsi erant scriptae nostratis verbis, nec iis ipsis oratoriis, quibus audio esse tuas; erant tamen plenae studii, benevolentiae, & amoris erga te mei. Neque multum absfuit, quin ad te venirem: amicorum negotia, quibus beneficiorum magnitudine plurimum debebam, impediuerunt. Eodem enim tempore, quo Bononiam veneram, redditae mihi sunt illorum litterae, quibus significabatur, in Hetruriam mihi esse matutime redeundum. ita factum est, ut amicitiae & desiderio satisfacere non potuerim. Ego, mi Mafae, quam tui, quam tuorum omnium fuerim semper amantisimus, credo tibi iam perspectum: quid sperem, arbitror te intelligere. neque mihi est quidquam te carius, aut iucundius: contraque ego me abs te amari credo, vel potius certo scio. Quod etsi aliqui aliter ad me detulerunt, adduci numquam potui, vt de te quidquam temere crederem. Si meum studium semper fuit tuenda dignitatis tuae, quid erat, quod de me semper non honorifice loquereris? Simiolos istos abige a te, quos ego ex omni memoria, vitaque nostra euulsos volo. Sunt hae pestes inuidorum hominum, vt eorum necessitudines, quos iidem mores, paria studia coniunxerunt, leuissimis & improbissimis sermonibus conentur labefactare. Sed de his hactenus numquam posthac obtundam. Tu velim ad me crebrius scribas: & Lampridium, & Bembum, nostros, Presperum & Scipionem, iuuenes florentissimos, atque ornatissimos ciuitatis, saluere iubcas. Vale.

## XII.

AONIVS PALEARIVS  
 PTERIGI GALLO  
 FAMILIARI SVO  
 S. D.

**T**V me homo adiges ad insaniam. Itane mandata  
 mea contemni? vt, quod ego maxime velim,  
 id minime fiat? Mei peccati luo poenas. Stultus e-  
 go ceteros ex mea natura fingo: quod ipse non face-  
 rem, neminem facturum puto. Quid attinebat ab  
 aliis consilium capere, vbi cognosces meum? He-  
 truriam praefero ceteris Italiae regionibus: si quando  
 in studiis adquiero, in hac prouincia ea pars nobis  
 deligenda est, quaer aeris puritate praestet, & huma-  
 nitate colonorum. Nam post urbem direptam, bel-  
 le vastatis agris, fame absuntis populis, pestilentia  
 oppidis exinanitis, quid est Latium nisi campus, & a-  
 er, & solitudo mera? Cupio alienare bona pater-  
 na. domus honestata est successore nouo. de horto,  
 & fundis, Corsinius transiget. dandum est aliquid A-  
 lexandro, & Basilio: id nunc fiet. Supellex nobis  
 erat lauta, bibliotheca non vulgaris: concedetur  
 iis. Recopisti mandatum, quod persequi debes dili-  
 genter. Si homo es, id est, si a me amari vis, ad me-  
 am voluntatem accommoda tuam, consilium muta:  
 id si tibi non est integrum, nescio, quorsum res ca-  
 sura sit. Nihil minus volo, quam vt ii, qui rebus  
 meis spe & animo inhiabant, omnia se adsecutos pu-  
 tent, etiam inuiti me. Si quid promisisti, nihil  
 iam magnopere confirmes: abduc te sensim, finge  
 te exspectare litteras meas. commodissimum erit, si  
 te infecta abieris. Absurdum est, vt te omnia do-  
 ceam: prudentia tua nobis opus est, vt id fiat, cuius  
 caus-

causa isthuc te misimus. Quid? hoc intellexisti? Scripsi ad te latine, quod Thusce non bene scias: & quod arbitrer, latine omnia dici significantius. Cum Romam veneris, Cincio Phrygepani dic plurimam salutem, quantum ex litterarum constantia intelligo, quas ad me dedit, precibus nostris & cohortatione non indiget, Vereor ego tamen adhuc, ne falsa lacrimula misere vix vi expressa, studiorum ardorem restinguat. Sed nos amicitiae satisfecimus: dedimus iuueni consilium cum fidele, tum salutare. Incende tamen, quantum potes, verbis tuis. Cupio eum ab urbe abducere, siue ab hominum inuidia; quae ut umbra corpus, sic sequitur eos, qui habitant in oculis ciuium. Is mihi semper a pueritia spem attulit summae probitatis, & auitae virtutis. Valde a me amatur: spero, posse fieri, ut tecum in Hetruriam veniat. Patauium proficiscemur VI. Calend. Octobris, De Laurentio Carolo, o malum & acerbum nuncium! febri consumptus est? quid ait? tam paucis diebus? Omnia sunt misera, atque adficta. quid eius matre fiet? quid sororibus infeliciissimis? Non queo cetera praec lacrimis.

## XIII.

AONIVS PALEARIVS  
MAVRO ARCANO  
S. D.

**D**ili male isti faciant Luceio, qui tot ac tantas turbas fecit. Senas venit xi. Calend. Octobris, cum litteris, quas ad te de maximis rebus scripseram. Iis ab alienare conatus est a me homines amplissima fortuna, & auctoritate: quos ille mihi esse amicos moleste ferebat. Ardeo dolore, & ira. Frater tuus contumeliose nos tractauit. Nam cum tu Romae non

non essem, aperuit fasciculum litterarum, in quo erant meae ad te, de rebus gestis in Censura, deque hominibus iis, qui admiratione stolidae academie in coelo sunt: qui, si moueri senatu possint, scripsi ad te saepe, nihil prius, neque fortius. nosti cetera. Hae litterae in manu sunt inimici mei: cuius opera, nihil dico. Homo niger, & confidens neminem prætermisit eorum, qui iniuriosus nominabantur, quibus meas litteras non ostenderit, ac legerit. Sero per Cathaneum impetraui, vt ab illa mente desisteret. Commonuit enim vir grauissimus, & (vt video) commouit, non esse liberalis officium hominis, cum amico sic agere, vt turpius nihil posset cum inimico. Adhuc enim mihi, dum ea moliretur, blandiebatur: & cum superiori nocte in aedes Bogini venisset, salutem dixerat, dexteram porrexerat, columen existimationis meae. Sed inde (vt habeas, quod in dolore etiam ridere possis) non prius discessit, quam vbi commode fieri potuit, me absente, euomuit virus improbitatis. Obscro te, ne tales homines posthac in amicitiam recipias. Sed tu sapiens, ab eius consuetudine, vt audio, refugeras aliquot diebus ante, quam ex vrbe discederet. Eare, credo, ille commotus, cum Senas venisset, veluti iubatus draco erecto capillo, oculis illis emisitiis ferri huc atque illuc, quaerere si quem spiritu rabido ac venenato posset adspargere. Federico Carderomacho, iuueni modestissimo, roganti, vnde odium illud tam improuisum & repentinum? respondit, se in litteris, quas circumferebat, non honorifice adpellatum fuisse a me. Quod cum ad te scripsisse, ne commouerere sermone leuisissimum hominum, si quid aliter detulissent: cognitat illis verbis se vnum significari, praeterea neminem.

Ma-

Mafaeo nostro humanissime petenti , ne mihi negotium facesseret:homo ventosissimus respondit, se non mecum , sed cum Bembis & Sadoletis auere pugnare. Agnoscis veteres ostentationes ? Eius litteras ad te mitto ad Mafaeum scriptas, vt scias, esse in contemnendo homine nonnullam gloriam. Ego nihil duco esse commodius, quam si de his rebus nihil amplius scribamus. perturbant enim hae contentiones animum meum. Quidquid hoc simultatis est , cupio deponere. fortassis illum nobis dies immutabit. Si quid interea garriet , non respondebo : ita sum hoc tempore otium & musas complexus , vt ab eis diuelli non possim. Mihi pergratum feceris, si de iis rebus nihil mea caufsa cum fratre iurgaris , nihil non mitissime dixeris. Satis erit, si , cum tibi tempus matrum videbitur , fraterne ores , atque obsecres : quoniam ego te amo , & tu me diligis , vt ipse quoque a nobis diligi & amari velit. Semis.

X<sup>IV</sup>·

AONIUS PALEARIVS  
IANO LAMPRIDIO  
S· D·

**M**ei amantiores te putabam esse neminem: tam multa , & magna , quandiu Patauii fui, tua in me beneficia extiterunt. Nunc plane vereor, ne omnino ex animo tuo effluxerim : qui cum a me saepissime litteras acceperis , tu ne schedulam quidem. Neque est, quod de purgare possis: quin prius, quam accusandus , negligentiae condemnandus sis. Qui isthinc veniunt , aiunt omnes te vidisse, salutasse etiam meo nomine: dixisse quoque , si quid velles scribere, desiderare sese, tuas ad me litteras perferre. Est apud vos Sansedonius meus , quem cum ad te profi-

G g

cif-

cisceretur, oraui curaret, vt quam diligentissime epistolastuas ad me mitteret. Quid est igitur, quod excusationem vllam a te accipiam? si quando Patavium venero, nihil est, mihi crede, quod te libera oratione possis defendere: praesertim cum tu illis ipsis diebus, quibus ego discedere volebam, receperis, velle te ad me quam saepissime scribere, & cum amicis nostris me quoque melicis tuis illustrare. Hoc si fecisses, cetera possem perpeti: nihil enim ego vnuquam magis desiderau, quam vbi meis non possum, commendari diuinis illis versibus tuis, quibus nihil est ornatus. Magni enim refert, scribi in libellis Lampridianis: quibus ego (si possem istue abs te impetrare) ad spem quamdam immortalitatis raperer. Sed de his haec tenus: non enim vereor, ne non iis laudibus, quibus ignotos, & minime gratos homines ad coelum saepe extulisti, amicos & familiares tuos sis ornatus. Ego, vt proxime ad te scripsi, cupio vi Calendas Nouembris ex Hetruria decedere; miro enim desiderio me vos adficitis. exspecto tamen interea auidissime litteras tuas. Senis, Bembo & Lazio salutem dic.

## XV.

AONIVS PALEARIVS.  
PETRO BEMBO  
S. P. D:

**E**T si in omnibus litteris, quas ad Lampridium dedi, scriptum erat, me te absentem sic memoria colere, vt nihil fieri posset amantius; sic tui desiderio teneri, vt esse nihil possit ardentius; petique ab eo maiorem in modum, vt aptissimis verbis suis amorem erga te meum declararet: subpudet tamen, me annum iam absentem nihil ad te litterarum: cum prae-

praesertim mihi sim conscius, quanti ego semper dignitatem, auctoritatem, benevolentiam tuam fecerim, quam mirifice a pueritia ingenii tui suavitates & ornamenti amauerim. Quae res igitur a scribendo duae me retardarunt, hae sunt. Sciebam de inani litterarum genere minime delectari. quid ego autem scribere poteram, quod non esset inanissimum prudentiae? an, quod ego te vnicē diligarem? Tulisses, credo, non moleste, pro tua humanitate, si id ipsum scripisssem: & legisses, vt puto, perlibenter. At vero quid ego haec ad Bembum, virum vnum omnium grauisimum, & doctissimum? quem cum Patavii essem, officii caussa crebro conuenire subuerebar: quod nefas esse ducerem, scribentem diuinitus historiam, & nostra haec tempora sempiternae hominum memoriae consecrantem, inani & iejuna verborum volubilitate obtundere. Erat mihi praeterea in animo, cum primum domesticis quibusdam laboribus, & amicorum negotiis essem liberatus, ad vos redire, quare percommodo me facere arbitrabar, si eo tempore, vt opinabar, breui, ad te omnino non scriberem: ne, dum leniter ferre vellem, scribens desiderii tui ignem augerem. Quod si ego putassem tamdiu a te abesse, numquam profecto commissem, vt, cum tam multi istuc amici venirent, (siue id factum probasses, siue improbasses) tu sine meis litteris essem: quas posthac si intellexero, fore tibi non iucundas, commutata ratione, vtar hoc bono litterarum, vt per litteras auidissime, & quam saepissime tecum loquar: vt κατὰ Φαντασίαν spectris excita-  
tis, te diligentissime colam & obseruem. Vale,

VIIIR Calend. Ianuarias.

Senis.

Gg 2

XVI

XVI.

PETRVS BEMBV  
**AONIO PALEARIO**  
*S. D.*

**E**X iis litteris, quas proxime accepi, quod mihi numquam dubium fuit, me abs te mirifice diligi, intellexi: & cum Lampridio sum admiratus istam animi humanitatem, & suauitatem ingenii tui: cuius fructum, cum Patauii esses, capiebamus dulcem quidem, & optatum: eum cum absentia tua amiserimus, nisi damnum crebris litteris resarcias, molestissime feremus. Quamquam te ipsum potius, quam litteras exspectabamus, tum quod ita tu receperas: tum quod satis constans rumor erat, cum haec scriberemus, Senenses esse in armis. Nihil habent studia ista tua, & modestissimi mores, commune cum factiosis: nihil istic est, quod te iam delectare possit, exclusis optimis viris, quorum tu dignitatem oratione grauissima tueri potuisti. viribus & armis quid potes? Inter sicarios versaris: quae mens, quod consilium in tanta licentia gladiorum? Ibi te, mihi crede, esse oportet, vbi sunt boni & docti viri: cum praesertim domo exiueris, consummandorum studiorum gratia: & libri, quos de animorum immortalitate coepisti scribere, non modo postulent, sed flagitent, ut abs te aliquando absoluantur. Refer te sis ad mansuetiores musas, & ad homines redicupidissimos tui. Lampridius tecum est totos dies: valde eius confuetudine & conuictu delector: qui cum mihi integritate illa sua est iucundissimus, tum pietate incredibili in amicos. Nullus est dies, quin de te faciat mentionem plenissimam desiderii. Pangit aliquid Pindaricum: nolo omnia. cum veneris, opus

opus apparebit. Tantum dico, si properabis, multo maximam capies voluptatem. Quam ob rem si nos amas, quantum profecto amas, ne finas diutius nos duci exspectatione. Historiam meam abs te aude exspectari video. non potest ista in me laudando inductio animi & voluntatis tuae mihi esse non iucundissima. Vtinam id sit, quod dicis: quidquid certe nobis otii est, in ea consumimus. Quae cum a te tantopere probetur, vide quantum tibi tribuam: adducor in eam spem, vt putem, posse aliquid fieri studio & diligentia mea. Quod in scheda scribis de Vergerio, si quid sciam, te vt faciam certiorem: sic habeto, hominem elegantem & vrbanum esse Vergerium, amantissimum mei, studiosissimum similem tui. Quaeris vbi sit? mirum, ni in Germania est, apud Ferdinandum regem. cui tu cum libros illos dicaris, nescio quid profeceris. Sunt hoc tempore, si ignoras, occupatissimi reges: nihilo tamen secius bono animo es. Si quid est, in quo Vergerius officio, gratia, auctoritate vsui esse possit, erit id tibi ab illo vnis meis litteris omne promptum ac paratum.

## XVII.

AONIVS PALEARIVS  
IANO BENEDICTO LAMPRIDIO  
S. D.

**R**ecentissimae litterae tuae Socini puero datae per iucundae mihi fuerunt. Sunt enim totae litterae elegantia, & perfusae eruditione, & *οἰκονομία* habent longe diuersam ab epistolis aliorum, quam ego hoc tempore sequar, ne abs te constitutam videar velle rescindere, & imitari ludim magistros, quibus si adolescentes in disciplinam tradantur, omnia immutant,

ut superiorum doctorum labor pereat. Dissimilis ista ratio scribendi sane mihi placet, & quia erudita, & quia varia est. Eruditio nemini molesta est, nisi imperito, varietas omnes in omnibus rebus delectat, maxime autem in epistola, ea utr quo aliquando: numquam enim putabo me male operam posuisse, si te, quem omni studio sum complexus, mihi proponam ad imitandum. Noli putare, me quidquam malle, quam ut fiam simillimus tui. Adspergis tu epistolas saepe verbis & sententiis graecis: veniam quidem tibi dant omnes opinione eruditionis, & sapientiae. ego si idem fecero, fortasse non ferar. Quid mihi acciderit, volo tibi commemorare. Scripsi ad Mafaeum superioribus proximis diebus isto modo, statim homo me suo chirographo pupugit, & ad fratrem scribens italicice, risit, cui ego cum Thusce respondi sem, non tulit, sed auctores laudauit Vbaldinum & Delium, ventosissimos homines, qui nunc Romae regnant. Ii, cum quotidie quasi senatum cogerent, & articis nostris pergerent esse molesti, iussi produci epistolas ad Atticum, in quibus Cicero id factitauit: quem cum inteligerent, quasi praedibus esse obstrictum, tacuerunt. sed ego omnia faciam intra modum. Ceruinus quoque aiebat, litteras nostras ἐλλυχνιων ἔξει: id melius, quam ἀπαιδευσίος. amet is se, quantum libet, in Papauere suo poemate obscene scripto versibus vulgaribus solutis. Nam aliud scripsit nihil, me certe aemulum non habebit: quid, inquies, vulgaribus? τὴν μὲν τοι πανόρτητα καὶ ιλασθόν ἐστιν ἐλέσθαις γηρίως, ὀλίγη μὲν ὁδὸς μάλα δὲ ἐγκύθια νοίκει. Sed in hoc sibi, non nobis peccat: illud me magis rauuet, quod in extrema epistola scribis: ὡς πόποι, οὐ μάλα δῆ κατεργάζονται αὐτοὶ εν εὐη̄. Vides, qui

qui in quae adspirent? quae si teneant, nihil melius  
tum, atque olim: angunt me tuae querelae, sed ego  
idem sum passus: fato aliquo fieri arbitror, ut nihil  
tibi aduersi contingat, quod me quoque non exerce-  
at. Sacellum habet meo ruri propinquum, ambige-  
bamus de finibus, κυμανησίς pedem pluris fecit,  
quam me: agrestes immisit, limitem disturbauit,  
terminos conuelli. Iste ne fidem habeas? valeant  
cum suis, quibus nihil est satis. De concilio rumo-  
res magni. quid futurum sit, nescimus. Polus lega-  
tus est Tridentum, Flaminius vna proficiscitur, vna  
Priulus, & fortasse Carnesecius, animae, quales ne-  
que candidiores terra tulit: conueni heroas Florenti-  
ae. Victorius nos amat, & amat a nobis, totus  
est in rhetoriciis Aristoteliis, commentarios scribit.  
Quid: quaeris? veteres omnes, qui in iis aetatem  
consumserunt vel exaequat vel exsuperat. Duo sunt  
hoc tempore in Italia, qui in scribendo excellunt,  
hic, & Manutius: Paulli epistolae proxime accedunt  
ad Tullianas, quae Bembi & Sadoleti erant in admira-  
ratione, desitae sunt legi. Petri commentarii arcu-  
las Aristotelis aperuerunt, &, quae desperaueramus  
latine dici posse, dicta sunt latine, & eleganter. Quod  
de Iouio rogas: senex satis belle historiam condit, in  
qua non modo res gestas, sed mores & instituta, non  
modo regum, sed prope omnium gentium, & nati-  
onum prosequitur suo quodam dicendi genere gran-  
di, ac fuso & bene sonanti, a quo tamen saepe abest  
castitas: tu vitae fortasse dicis, ego etiam orationis.  
Iulius Camillus theatrum exaedificat magno sumtu:  
numquam fuit tanta conspiratio imperitorum, qui  
putant sine studio, ac labore Tulliane se posse scribe-  
re: ad signa stellarum errantium capsulis dispositis

schedulas describit: hoc scitum est, mi Lampredi. οὐτης  
 λογοδοιδαλον τε Αριστης λαμβανες βλέψεις,  
 και τε Μιδος θηρευει ονάργες. rides? non iocor:  
 grandem pecuniam ab his coegit, quibus cum elo-  
 quentiam pollicetur concubituram: ecquid aliud? ne-  
 scio, quid sum oblitus, ac volui dicere: redii in memo-  
 riam. Verpa iste tuus, non homo, sed truncus, quem  
 ego in coelum extuli, numquam ad meas litteras re-  
 spondit: is nunc cum T. Antipalo turpissime pepi-  
 gisse dicitur: pro Nemesis, pro sancta Nemesis! nihil  
 ei deesse video ad summum dedecus: sed ego fortasse  
 nimium χεδισεγων: tu vale; & me, ut soles, ama,  
 & ictis nos crebro exhilara suauissimis litteris tuis.

## XVIII.

BERNARDINVS MAFAEVS  
 AONIO PALEARIO

S. D.

**N**isi mihi conscientius essem rectae atque constantis  
 meae in te voluntatis, pluribus tecum agerem,  
 culpamque omnem in quotidianas occupationes re-  
 iicerem, quod me altera iam epistola oppresserit, nec  
 prioribus tuis litteris responderim. Veruntamen cum  
 haec in nouis potius coniunctionibus quaeri soleant,  
 quam inueterata iam amicitia, qualis nostra est, de-  
 siderari, consulto praetermittam, veniamque ad lit-  
 teras tuas: quae quidem, quod veterem tuum erga me a-  
 morem ac benevolentiam prae se ferrent, quodque hu-  
 manitatis & officii essent plenisimae, me minifice  
 delectarunt. Quod vero in iisdem doleas, propte-  
 rea, quod ad fratrem scribens, in epistolam tuam  
 paullo liberius sim iocatus, quae tota fere graece  
 scripta erat, quasi tuam mihi in eo genere eloquenti-  
 am ostentares; non parum mihi molestiae attulerunt.

Nam

Nam quae, obsecro, nostra haec erit amicitia? si loquendi inter nos, ac familiariter iocandi libertatem sustuleris? Neque, mehercule, umquam his metum necessitudinis vinculis adstrictum putavi, quae ita leui de causa relaxari posse viderentur: cum nihil omnino a me in carissimi atque optimi fratris litteris scriptum sit, quod boni cuiusquam animum potuisse offendere. Quam ob rem, mi Aoni, si me tui amantem, si gratum, si non in amicitia leuem atque inconstantem putas, velim ut ea, quae tu duriuscule accipere visus es, in bonam artem accipias: cum non nisi ab optimo animo, tuique amicissimo profecta sint. Quod scribis, Lampridium nostrum, atque omnes plane necessarios meos, interdum mirari, me ita in scribendo negligentem effectum, & plane ab eo, qui istic esse solebam, immutatum: nisi his omnibus, & superioribus meis ad Barbarum litteris accuratissime respondissem, & omnium, qui ad vos proficiuntur, testimoniiis, Gerique nostri ista refelli ac refutari certo scirem; me tunc in praesentia quam diligentissime expurgarem: cum multas, atque illas quidem probabiles habeam rationes, in quas taciturnitatis meae causas conferre possim: neque is sim, ut quos semel in amicitiam meam receperim, atque illi mihi in amore ac benevolentia respondeant, eos subito mutata voluntate amare desinam, sed de his hactenus. Qui Mauro, tuo nomine salutem annunciat, neminem adhuc reperi. Calendis enim augusti asidua molestissimaque febri correptus, paucis post diebus extinctus est: maxima quidem ingenii sui spe, desiderioque amicis relicto. Haec sunt, quae ad epistolam tuam haberem. Tu, velim, nihil de vetere, illa nostra benevolentia detractum.

Gg 5

pu-

putes, meque amore illo tuo singulari ames. Interea vero plurimam meo nomine Bembo salute in dices: gratiasque ages, quod mei memoriam tanta cum benevolentia & humanitate conseruet. Vale. Roma, tertio nonas Martii.

## XVIII.

AONIVS PALEARIVS  
BERNARDINO MAFAEO  
S. D.

**M**Agnum mihi dolorem attulerunt litterae tuae, in quibus neque me aperte accusare immutatae erga te voluntatis audebas, neque adfirmare constantis animi hominem. Nam etsi erant illae quidem totae dulcissimis verbis scriptae, quibus tu mirifice abundas; ex iis tamen longe aliud sensum quemdam eliciebam, qui norim acumen ingenii tui. Quod nisi ab Achille fratre litteras ad te datas aliquando scirem, de sermone, quem cum illo habeo quotidie, & admiratione virtutis tuae, qua tu deus mihi quidam videri soles: & a patre integerrimo & clarissimo viro certiore factum, de mea in vos omnes singulari benevolentia: dubitarem te subuereri adhuc, me animo i. te esse abalienato. Quod si ex re potius, quam ex iocis epistolae thusce scriptae, quibus illa lingua est refertissima, dijudicaveris; inuenies profecto sanctissima & firmissima esse vincula amoris mei. Semper enim existimauit amicitiam, quae & iisdem & optimis studiis nata & alta esset, pulcherrime stantem, non posse re aliqua titubare. Quid autem in ea statuenda, ornanda, augenda, a patre tuo, optimo & sapientissimo viro, proficiisci potuit, quod ab illo umquam praeter-

termissum esse videatur? quae vero a fratre tuo, qui me valde amat, & a me amatur suo merito plurimum, excogitari in diem possunt, quibus ille me tibi, & tuis omnibus non adstringat? Quare cum tu amicitia & beneficiis tantum apud me possis, quantum praeterea nemo; caue putas, te mihi quemquam fuisse, aut esse cariorem. Nam quod ad litteras attinet, quae a me Graece ad te scriptae dicebantur, scito eo consilio esse factum, quod cum Patauii quasi Athenis esses, & earum litterarum incredibili studio tenereris, opinabar te Graeca libenter, quam nostra lecturum. Nam quid, dili boni, in illis erat huiusmodi, in quo tibi eloquentiam, quae mihi nulla umquam fuit, ostentare potuisssem? At nunc sic habeas: cum Romae sis, nullas a me nisi latinas litteras te esse accepturum. De Lampridio nostro puto te audiuisse ex aliis, quanta cum laude proximis mensibus Demosthenis orationes nobis explicarit. Agebat enim omnes illos senatores, quos ille nominat, ipsum vero Demosthenem egestu, eo vultu, ea vocis conformatione vehementem, plenum spiritus, plenum animi, vocibus sonantem, ut fieri nihil posset pulchrius. Quam vellem nobiscum, mi Mafae, fuisse. scio ego, te omnem istam urbis magnificentiam, & popularem gloriam, cum una Lampridii interpretatiuncula non fuisse collaturum. Vale. Patauii,  
Cal. Februarii.



EPIS-

# EPISTOLARVM LIBER SEQVNDVS.

I.

AONIVS PALEARIVS

VERVLANVS

IACOBO SADOLETO

S. P. D.

**C**Vm superioribus annis in Hetruria essem, & mihi renunciaretur, te, qui cum ego tam libenter viuerem, quam cum diis immortalibus, Verulis eo tempore fuisse; sic animo sum affectus, vt nullas vñquam a fortuna mihi iniurias putarim factas esse maiores. Audiebam enim te, summa dignitate & sapientia virum, Hieronymi, ciuis & amicissimi mei diuersoriolum sane pusillum non contempsisse: hominum vero illorum ita sermonibus fuisse oblectatum, vt nihil fieri potuisset humahius. Quo cum ego post aliquot menses rediisse, & praecclare multi de tua virtute, qua nihil est vberius, praedicarent, & acclamarent, hictine erat ille? quem Leo, quem Clemens, quem docti omnes? refricabant mihi desiderium tui: itaque fuit semper meus in te amor & obseruantia quaedam singularis. Quam ob rem non est, quod mirere, si cum in ea quaestione, quae de animorum immortalitate, essem satis implicatus, & pleraque e media philosophia mihi essent petenda; veritus ne in aliquorum voculas incurrerem, te eius siue artis, siue studii, siue disciplinae defensorem & propugnatorem egregium, mihi amicissime non dubitarim aduocare. Nam cum multa a te praecclare scripta & perfecta sint, caue putas al-

aliquid (excipio semper ea, quae de diuinis rebus a te scripta sunt) Phaedro tuo pulchrius potuisse excogitari: quod ex eo colligere licet, quod plurimis, fato nescio quo, amissis monumentis, quae laudati viri maiores nobis reliquerant, nihil aequa hi libelli, fuerit desideratum: quibus ab eloquentiae deo, M. Tullio philosophia collaudata, & defensa esset. Neque vero, mehercule, quidquam erat miseris perditisque temporibus magna facta iactura, quod magis fortissimo patrocinio indigere videretur, quam philosophia, cui ornamenta omnia misere essent detracita: quaeque olim in illustri doctorum hominum conspectu posita, iam locum in quo considereret, non haberet. Quo ego vno si te multis de causis non unice diligerem, sanctissime quidem colerem & obseruarem: cuius mei in te amoris & benevolentiae testificandae causa curaui hosce ipsos libellos meos, quales quales essent, per Lazarum tuum, doctissimum virum, quo vtor familiarissime, ad te mittendos: cum certo scirem, nihil in his esse ea industria, quae te magnopere delectare posuit, perfectum aut elaboratum. Vale III idus Februarias, Patauio.

## II.

AONIVS PALEARIVS  
IACOBO SADOLETO  
S. D.

**E**T si ea tua est humanitas, ut tantam in altero tanta dignitate viro vix reperiás; Patauio tamen discedens, epistolam meam ad te non sine Lazari tui litteris volui mittere: non quod iis admodum egere me arbitrarer, sed quod ille vltro polliceretur, apertum se mihi fores benevolentiae tuae: nolui ego adsperrari boni viri, meique studiosissimi officium

Erant

Erant cum iis libelli mei de animorum immortalitate: qui etsi digni non videbantur, vt a te homine doctissimo legerentur: putabam tamen, cum te amantisime in secundo libro adpellarim, aliquid hoc ad amorem erga te meum declarandum posse attinere. Itaque cum illi ipsi ab Orgetorige mihi missi essent, & tabellarius Gallus quidam legati regii istuc venire dicteretur, & temporis satis non habereim, vt eos legarem, misi ad te non emendatos: quos cum post aliquot dies legisset, deprehendi errata quaedam typographi culpa, quae me maximis molestiis adfecerunt: ea, quae sint, ex libellis his, quos ad Gryphium mittimus, cognoscere poteris: & illos ipsos, quos ad te miseram, emendare. Hoc animi angore, qui melius nie liberare poscit, quam Gryphius, noui neminem. Turpe enim mihi videtur, in his quae primum legenda nostris hominibus deditus, posse multa desiderari. Itaque petii ab eo per litteras, vt in re mihi tam necessaria deesse nolit. Potest enim suo commodo, poematis nostrorum hominum, qui christianas res scripserint, libellos nostros adiungere: quod ego me consecuturum omnino non puto, nisi cum his fuerint aliquae litterae tuae ad illum commendationiae. Quāmobrem, etsi a viro uno omnium doctissimo & sanctissimo, quid quisque petat, est etiam atque etiam cogitandum; non tamen dubito id a te petere, quod mihi maxime est utile, maximeque necessarium: vt intelligat Gryphius, non deesse his libris patrocinium & gratiam tuam. Qua in re pluribus ego te orarem, nisi libellis ipsis ornandis aliquid te quoque praestare debere existimarem; non quod clarum sane aliquid habeant, sed quod sint illi quidem testes amoris erga te moi. Vale, Senis.

## III.

IACOBVS SADOLETVS  
AONIO PALEARIO  
S. D.

**S**erius accepi litteras tuas. datae enim illae III. idus Februarias, mihi medio ferme Maio sunt redditae: quibus perfectis, equidem valde laetus sum; cum tali ingenio, quale tuum mihi iam perspectum est, talem etiam animum erga me plenum amoris & desiderii coniunctum esse. Quid enim est rerum omnino omnium, quod mihi bonorum & doctorum benevolentia videatur optabilius. Itaque cum epistolam tuam primo legisset, eaque mihi vehementer placuissest (est enim & suauiter, & ornata, & per amanter scripta); ab illius statim lectio ne ad poema tuum me contuli, totumque perlegi triduo, singulis videlicet libris in singulos dies collatis. De quo, ut tibi vere exponam, quod sentio, hoc iudicii feci, eorum, qui in eo genere voluerunt esse, sane quam paucos, & nostra & superiore memoria, aequo eleganter scripsisse, atque te: eruditius certe neminem. In quo mihi illud mirifice probatum est, quod haec tua scripta non accersitis, fucosisque argumentis, neque quo magis poetica videantur, a vetusta illiusmodi deorum fabulositate repetitis: sed sancta & vera religione condita sunt. Ut, quemadmodum vultus pacatus & constans in homine, bene affectae mentis, & probi animi est indicium; sic tua ista eximia erga deum pietas, quae sese in suis scriptis primam offert, nos cogit de te, deque omni sensu animi tui, excellenteque doctrina praclare existimat. Accetera quidem tuum carmen mire mihi satisfecit. Video enim, quos imiteris: quid referre in tu-

tuis scriptis, & exprimere conere: tibique neque in eligendo iudicium, neque in conando fructum laboris tui abesse intelligo. Perspicio etiam verborum elegantiam, sententiarum acumen, numerique apta & varia compositione delector: sunt enim ista omnia in te ita studio & cura elaborata, ut sint ubique nihilominus ingenii luminibus lita. Illud vnum interdum (quamquam admodum raro) desidero, quod cupissem nonnulla a te disseri explanatius, quibus nunc percipiendis mens nostra aliquantulum laborat. Atque illa (ne forte mihi Lucretianum modum dicendi opponas) non sunt ex eo genere, quod difficultate rerum, quae tractantur, suapte sponte obscurum prope necessario sit, in quo solet iusta esse sribentibus excusatio: sed e medio quaedam sumta, compressius abs te dicta sunt, quae dilatari & patere melius voluisse; neque ea tamen tam multa, ut pertimescas. Sed forrasse ut nodus robur, & ut naevus decus aliquando atque ornatum pulcro corpori adferre solet; sic plerisque illa poterunt videri idcirco esse quae sita, quod cursus nostrae cogitationis, fluentis in facilitate orationis, apte illis interdum tamquam salebris retinetur. Quod quidem ad veras laudes egregie compositi carminis pertinet, totum tibi ita tribuo, ut hoc plane confirmem, nihil me his aliquot iam annis in eo genere editum legisse libentius. Itaque te iam ne hortor quidem, ut quo itinere instituisti, eodem porro pergas. Satis enim tibi incitamenti cum iudicium de te, exspectatioque hominum: tum fructus ille ingenii suauissimus, qui in pangendo maxime, & in commentando percipitur, debet adferre: qui etsi omnibus eruditis datus est, cum hi aliquid ex se progressant, atque gignunt, yberior tamen adest poetis,

Quam-

Quamquam ego te non poetam magis, quam oratorem esse statuo. cuius rei facio ex epistola tua coniecuturam: ea enim ita commode & concinniter scripta est, vt facile intelligam, te vtrum velis, & suscipere, & posse praestare. De me vero, quem tu tantopere in tuis scriptis ornas, eoque honore adficias, quo maiore nemo adficeret quemquam potest, quid dicam, vix reperire mihi posse videor. Nam si eas in me laudes agnoscam, quas tu mihi tribuis, timeo ne arrogans: sin repudiem plane, atque reiiciam, vereor, ne ingratus aduersus te sim, cum de tuo iudicio ipse detrahām, eo ipso vnde sim ornatus. Quamobrem, vt in diffcili eiusmodi caussa, ad id me vertam, quod meo pudori maxime est consentaneum: vt tibi agam pro tua ista humanitate, & erga me benevolentia, gratias: meque tibi hoc nomine obstricatum esse confitear. quod facio euidem, & libens facio: tibique persuasissimum esse cupio, te a me singulariter amari, vel ingenii & virtutis & probitatis tuae caussa, vel eius officii atque amoris, quo me ipse prosequeris: vel quod eorum & temporum & hominum in tuis litteris mentio facta est, quorum meam & memoriam, & erga illos benevolentiam, dies numquam delere obliuione vlla potest. vt praeter id, quod tuo nomine tibi debeo, quantum etiam illas dilexi, totum in te persequar: quo me in te animo esse, si vsus venerit, re ipsa experiundoque cognosces. Vale, Carpentoracti. VI· Cal. Iunii.

## III.

AONIVS PALEARIVS  
PETRO MELLINO  
S. D.

Nisi me vel virtus tua, vel familiae dignitas saepe  
Hh in-

inuitasset, vt magnopere desiderarem, haberi aliquando in tuis; vel hoc ipsum satis esse poterat, quod Ambrosius noster, quem iustis de caussis valde amo, quotiescumque ad me scribit (scribit autem fere quotidie) de praeclaro isto animi tui sensu, & benevolentia quadam ingenua erga eruditos homines, iucundo & libenter mihi sane multa: quibus fit, vt diuturni mei desiderii igniculus indies crescat, amemque te pro ista animi tui praestantia, amore non mediocri, sed singulari quodam, & incredibili: nec quod ego in viris doctis, quales apud te semper sunt, numerari me umquam somniarim, in quod quidem non adspiro: sed quod eorum hominum sim tam studiosus, quam qui maxime: quo minus enim ingenio possum, huiusmodi mihi diligentiam subsidio comparaui, vt eorum dicar studiosus, putemque ex eo bonum nomen posse me consequi. Nam cum de fortissimis & clarissimis viris, quibus ciuitas tua semper floruit, multa narrantur: nonnulla non modo de necessariis, sed de libertis, serisque eorum dici necesse est, ita vt non minus hi quam illi splendorem adepti, vulgo legantur. Quamobrem eos omnes colo & obseruo, qui animo isto tuo sunt in bonos & doctos viros: qui cum perpauci fuerint, & sint tui similes perdiu nulli, eo a me amaris vehementius: velimque hanc animi mei declaracionem neque vulgarem, neque adulationis nomine suspectam existimes, cuius te plane hostem esse intelligo: sed recta ratione ortam, ad complectendam istam animi tui nobilitatem. Qua fretus, scripsi ad te, non vt sollet, qui nouis amicitiis cupiat illigari, sed qui sane in veteri optimi cuiusque necessitudine fuerit confirmatus. voluique potius desiderari verecundiam meam,

am, quae natura ipsa mihi tributa est; quam meam a me diligentiam requiri, quod eam minus contulisse ad coniunctionem amoris erga me tui: praesertim cum Ambrosius ipse, & omnes, qui isthinc veniunt amici, significant, libellos meos de animorum immortalitate iecisse apud te fundamenta quaedam benevolentiae, quod scilicet ob studiorum nostrorum similitudinem te valde delectassent. Quod cum ab uno, & item altero accepisset, sustuli ego manus: visum enim mihi hoc non fortuitum, sed diuum. Itaque nihil est, quin te summa dignitate virum, antiquis moribus, non vulgari doctrina, toto animo amplectar, oremque, ut cuius fores a te ipsam humaniter mihi apertae sunt, insinuatum penitus sisas me in ea benevolentia diutissime conquiescere. Vale, VIII. Cal. Nouembris.

## V.

PETRVS MELLINVS  
AONIO PALEARIO  
S. D.

**V**Ter nostrum in experenda, & omni studio comparanda mutua inter nos coniunctione & benevolentia audiior fuerit, contenderem sane dubium: nisi in eo, quod praeueneris, te facile supériorem per me ipse intelligam, & me praeuentum doleam non mediocriter. Nam quod ad reliquum attinet, nec tibi concedam libenter, neque nisi me amor fallit, errare in eo me, aut decipi putem. Cum primum enim fragrantissimum tuarum virtutum odorem sensi, iucundissimumque tuarum lucubrationum saporem; tanta sum repente delectatione perfusus, & admiratione simul affectus, ut quem amem magis, magisque admirer, habeam neminem: quem aequa, vix

reperiam alterum. A me autem quid ad te tale? Virtute igitur, & diligentia superasti: amore autem, & benevolentia (ignoscas velim) nihil est, quod contendas. Quod autem Ambrosius noster, mihi tum adfinitate, tum longa consuetudine morumque integritate coniunctissimus, ad te de meo tuorum monumentorum iudicio praescripsit: fecit id quidem amice, ut solet; neque quidquam est de mea erga te voluntate, meoque de te iudicio mentitus. In eo tamen mihi non satisfacio, quod non eo sum ingenio, non ea eloquentia praeditus, & eruditione, quae in te video esse illustria, ut iis, qui tua nondum legerint, persuadere facile, aut dignè satis pro merito tuo, egregias laudes tuas oratione exornare possim. Debeo tamen illis plurimum, qui ea inter nos iecerunt benevolentiae semina: quae eo vberiores fructus ferent, quo melioribus iacta principiis, meliore quotidie cultu, maturioreque industria excoletur. Illud igitur tibi adfirmo, te apud me semper non eosolum honoris & amoris gradu futurum, quo cùm apud priscos illos Romanos nostros habiti sunt illorum plurimi, quos & tu commemorasti, & viget illorum memoria sempiterna: sed & qui diuturna familiaritate, arctissimaque consuetudine, communique animorum ac studiorum ardore alti, educati, perfecto mox confirmati iudicio, sanctam inter se vitæ huius societatem tenent; ita ut te non in amicitiam meam recens receptum velim putas, sed tamquam in veterem, non animorum alienatione, sed locorum, & incertae peregrinationis intervallo distractam, ex inspirato reuocatum: tibique non primas benevolentiae fores, sed amantissimi animi adyta esse referata. Poteris itaque in posterum omnia tibi ip-

ipſi de mea fide, opera, & obſeruantia polliceri, quae ab amicissimo, tuique ſimilium ſtudioſiſſimo exſpectari poſſunt. Haec dum ſcriberem, aderat vna mecum Pierius meus, Vitalis item, & Curius, tui: qui praeter ea, quae de doctrina tua honorifice dicta fuſt, multa de ingenii tui amoenitate, deque moxum ſuauitatem, & integritatem vitaे praedicarunt: quae omnia noſtræ erga te benevolentiae cumulum, ſi quo fieri pacto poṭerat, cumulatiōrem reddidere. Vale, Romæ XIII. Cal. Decembriſ.

## VI.

AONIVS PALEARIVS  
PAVLLO SADOLETO  
S. D:

**Q**UAM vellem, Cal. Iuniis Volaterris fuiffes, delectaſſet enim te mihi in modum sermo Marii tui: homo ſcilicet, cuius tempori perurbanus. Antequam tuas litteras legiſſet, exceperat me, atque antiquiſſimum hofitem familiae ſuae. Lecta vero epiſtola, a te peramanter scripta, noli quaerere, qua me caritate, & animi propenſione amicifſime eſt complexus. Deinde percontatus de ſtatu curiae, multa de patrui tui, sanctiſſimi viri, laudibus, deque amicorum ſuorum ſuauiſſimiſ moribus iucunde mihi narrabat. Post autem cum in horum temporum mentionem incidiſſet, ſic libere deteſtari, ſic grauiter conqueri, ſic christiane deplorare hominum ingenia: vt mihi liqueat, nihil illo epifcopo hiſce aliquot annis me vel vidiffe, vel audiffe, quod commouerit, aut commouerit magis. Cum vero de tui ingenii exſpectatione aliqua a me veriſiſime referrentur, quartumque in ſtudiis iſtis liberalibus profeciſſes, cumulaui ſenem omnibus laetitiis. Summa eſt

H h 3

enīm

enim exspectatio tui, tum quod id aetatis praeclaram eruditionem consecutus videare: tum quod patrum habeas clarissimum virum, qui etsi nihil agit, nihil cogitat aliud, nisi quod ad Christum pertineat; elegantissimo tamen dicendi genere oblectatus; id quod nemini maiorum contigisse video, mirifice semper eloquentiam cum sapientia coniunxit. Nam quo sanctissimam facultatem acuti potius quam erudit homines, in tenebras coniecerant, & in profundo abstrusferant, ita ut sacris litteris sempiterna prope nox offusa videretur: eo ille dignus est omni laude, cuius ope lucem in his respicere coeperimus. Dicam enim, ut soleo, libere, mi Paulle: fuit aliquando vitiosum & captiosum hominum genus, qui aut ostentationis, aut quaestus caussa, obduxerunt tenebras rebus clarissimis. Quod si in philosophia tantum humana illa fecissent, essent fortasse ferendi: at cum diuinam istam, qua vnuimus, unde lucem haurimus, per quam ad superos accedimus, magnis volumini bus & contentiosis quaestionibus oppresserint; probent, qui velint, perquam boni certe non probant. Sunt aliqui etenim adhuc, qui veluti noctuae in latbris gestientes, luce oblata ingemiscunt: a quibus, ut inepti esse desinant, non est requirendum. Iis primus restitit patruus tuus, primusque docuit nostros homines, res sacras & latine & distincte & ornante dicere: qui nunc cum ad christiana reipublicae gubernacula accesserit, verentur boni studiorum illorum remissionem. Nam quae (malum) fatales rerum omnium perturbationes subito confluxerunt? Iura diuina, & instituta prima illa salutaria, quae maiores nostri summa obseruantia coli voluerunt, ecquis non peruerit? Populi crudeli dominatu pre-

mun-

muntur, boni temporum caussa hiscere non audent. Christianae pietatis umbram fortasse tenemus, pietatem iamdiu nullam. Ardet Gallia belli quanta potest contentionе, finitimi exitiabili & calamitosa: Germania seditionibus perturbata est, rerum nouarum studiosissima: Italia incertis rumoribus seruit, & leuissimis auditionibus commota, maiores Galliae & Hispaniae motus exspectat: Parthi, hostes christiani nominis sempiterni, terra marique exercitu comparato venire dicuntur. Tu vide iam, quibus negotiis distineatur patruus tuus, ad quos labores vocatus sit, quot illum impediant solicitudines: ut quidem certe firmissima hominum opinio sit, in eo gradu collocatum priuatis studiis non posse vacare, sine maxima opera& publicae iactura. Tibi igitur studia illa reseruantur: deditque deus animum, ut quae ille in Carpentoractis luce atque ocio commentabatur, tu prosequare. Ad quae te ipse cohortari debes, curamque & cogitationem suscipere dignissimam ingenio isto excellenti, & industria tua. Vale, Senis III. idus Iunias.

## VII.

AONIVS PALEARIVS  
ENNIO PHILONARDO  
CARDINALI VERVLANO  
S. D.

**N**eque humanitatis, neque sapientiae tuae oblitus, qua ad deos proxime accedis, rem diligentissime perpendendam facturus, nihil ad te litterarum dedi. Quem enim melius consulere potuisse, quam virum sapientem, fortunae accessionibus probatum, sua virtute in altissimum locum prouectum, & cuius practerea semper in me beneficia singularia quaedam

existiterunt? Verum enim uero, cum Romae superiore anno fuisset, qui sat mihi visus sum in ea recognouisse sensum animi tui, subpudebat me, nunc etiam per litteras quaerere eadem, quae ego coram exte audiuissem. Nam in sermonibus nostris quotidianiis cum dixisset, me pertaesum iam temporum nostrorum, & nihil magis desiderare quam vere christiane viuere, & propterea virgini Pauli dicto, εἰ δὲ οὐκε τὸ γυρατεύοντας, γαμπόστωσαν κρέσσον γάρ εἴς γαμήσας, η πυρησθας probasti maiorem in modum sententiam meam, eamque opinionem neque nouam esse, neque futilem, adfirmabas: sed ex antiquissimis institutis, & sanctissimis litterarum monumentis repetitam. Quam ob rem cum in Hetruriam rediisset, & emissem Cecinianum, A. Cecinae Volaterrani scilicet villam, eius ipsius, cuius caussam egit M. Tullius noster Arpinas ad recuperatores, facile me vinci passus sum ab amicis, qui ut ad uxorem animum adpellerem, cohortabantur. Etenim haec ipse mecum recta reputabam via. Hem habeo hic neminem neque cognatum, neq. ad finem: quartum annum ago, & tricesimum: nonnumquam minus belle habeo; Hetrusci mores placent. quid caussae est, cur adolescentulam, optimis parentibus bene & pudice educatam, non ducam in uxorem? praesertim cum Cecinianum, quo aliquando remotum ab oculis populi ad scribendi studium conferre ego me statueram, sit intra fines Collinos: Collini municipes me summis honoribus adfecerint: Collinum oppidum placeat, cum loci salubritate, tum aedificiorum descriptione, tum hominum commercio non inurbano, tum quod Senensium ciuitati sit proximum, & a totius Hetruria florentissima vrbe non longe absit. His de causis cessi amicorum

pre-

precibus, qui a me id summa iam contentione efflagitabant. Quod nisi me adhuc pungeret quasi aculeis pietas quaedam meorum, & mirum desiderium tui, viderer non inepte vitae meae rationem instituisse. Nunc autem cum a te summo & sapientissimo viro, quem semper omni studio colui & obseruavi, tam longe absim; dispeream, si quid est, quod me valde delectare poscit. De sororis meae filio quod scribis, equidem & cupio, & debeo. At his eruditis temporibus, studia haec litterarum non vulgarium incredibilis quosdam animorum motus, & celeritatem ingeniorum desiderant: quae cum in illo sint vel mediocria, valetudine etiam & natura infirmiore, cohortabar eum ad medicinae artem. Nam et si medicum philosophiae non omnino expertem esse oportet; non tamen necesse est & graecae & latinae linguae abundare omnibus ornamenti, & in castitatem illam orationis incredibilem laborem insumere: aequae atque oratorem, poetam, & germanum philosophum, gloriae & laudis audiorem. Sed quid ego ad te haec, inter magnos viros, omni tempore summa cum laude versatum? Reliqua si qua sunt, scribana ad patruellem meum; ita tamen, ut intelligat, magnum apud me pondus habuisse commentationem tuam. Vale. Senis, Cal. Martii.

## VIII.

AONIVS PALEARIVS  
IACOBO SADOLETO

CARDINALI

S. D.

**C**Vm superiore anno emissem villam, quae fuit A. Cecinae, in agro Volaterrano, euperemque eam emtionem mihi bene & feliciter evenire, omnia

Hh 5

pro-

prope adsequi vius sum: quod qui te diligentissime colit & obseruat, Lucam Volaterranum, qui fuit episcopus Anagninus, comperi vicinum. Is omne tempus, quod ab sacrorum confectione & diuinis precationibus datur, partim in sanctissimis theologiae studiis, inque iucundissima de cultura agri lectione consumit, oblectatque se mirum in modum in praediolo fructuoso, & peramoeno exornando: homo certe christianus, publicis muneribus exercitus, ita ab ambitione abest, vt priuata villula vel rusticana quidquam neget esse suauius: agricultura vero nihil putat esse, quod hominem liberum magis delectare possit, nihil in quo vir bonus possit esse felicior omni ocio & tranquillitate. Quae cum ab illo saepe & ex animo dicuntur, Xenophontium illud ob agri cultionem de Cyro in mentem venit, δικαιῶς μοι δοκεῖ, ὡς Κύρος, εὐδαιμόνων ἐσται. ἀγράθος γαρ τὸν αὐτὸν εὐδαιμονεῖ. Quare frequens sum in Ceciniano, vt loci amoenitate, & hominiſ bene docti, & tui amantissimi sermonibus perfruar. Is me saepe rogar, si quid de te acceperim. solicitus est enim, quod dixi, vereri me, ne hoc labore itineris multorum dierum, si cum collegis profectus es, defatigere, quo minus valens sis, quod deus prohibeat: præsertim cum superiore anno aegrotaueris, & purgationibus & vi morbi non esſes satis firmus. Itaque amicissime mecum desiderat, vt bene valeas: eaque de te perferantur, quae nos volumus, & omnes tui. Habet is negotium, in quo sperat, bonos sibi non defuturos. Te vero, per quem rem transactam dicit, quia optimus es, adiutorem singularem, & hoc ipso in negocio optatum & perspectum profitetur: putatque omnino tibi suo nomine gratias agendas, quod omnibus

re-

rebus iuueteris. Caussa huiusmodi est, vt spes omnis sit in deprecatoribus, & commendatione bonorum. Abdicauit sese homo episcopatu: dignitatem, auctoritatemque, & cetera, quae ex eo consequi poterat, libentissime aliis concessit. Quae ex hoc ipso ad promissa sunt tenuia & exigua, vellet sibi, non vt ex sponso, sed a summo pontifice, ad cuius pedes sese abiicit, quasi condonari. Ea de re oravit me, vt scriberem litteras commendatitias, gnatrus, qua te reuerentia & obseruatione colam: quae in litterarum & virtutum omnium excellentia, qua in fortunae accessionibus humanitate esse praedicem: qua fretus, sperat has litteras aliquod habituras apud te pondus. Itaque facio, quod ille petit, & lubens facio: eumque virum bonum, & in primis christianum, & tui amantissimum, tibi commendo. Vale,  
ex Ceciniano, III. Nonas Quintilis.

## VIII.

AONIVS PALEARIVS  
LVCAE IOANNINO.

EPISCOPO.

S. D.

**C**Vm superioribus diebus me ad coenam inuitasse, quo melius, & diuinius, vti soles, coenaremus, adpositus est in secunda mensa libellus de uxore ducenda. Quem cum audiisse legere coepissem, legati ineptissimi de re frumentaria interturbauerunt: neque mehercule memini vidisse, aut audisse oppidanos loquaciores, & qui tantos spiritus in re tenuis sibi sumant: itaque abii cum stomacho in Cecinianum. Quo cum peruenissem, legi diligentissime libellum, quem mecum attuleram. De quo quid sentiam, quam id petis, vt libere dicam: video primum, quod tu

tu ipse mihi narrabas, in ea parte, quae inuentio dicitur, summum iuuenis ingenium; in ea quae dispositio adpellatur, non vulgare iudicium; orationem deinde vehementem, quam ego mallem interdum paullo sedatiorem, & numeris quibusdam oratoriis potius quam poeticis fluere, omnino puram & solutam: quod huic erat perfacile, siquidem verborum nitore mirifice delectatur, quod in Iouiniano & Augustino desideres, qui de re hac eadem cumulatissime scripsierunt: ita tamen, ut theologos potius quam oratores, aut philosophos, possis agnoscere. Quod si Guidius tuus, & iam noster, ea argументa adiunxisset, & oratione illustrasset; quae ab illis adducuntur ex scriptis, quae ~~καενονατη~~ adpellantur, caue putas, quidquam pulchrius potuisse excogitari. Etenim quae ab illo ex poetarum & philosophorum monumentis repetita sunt, sic apte ornateque dicuntur, ut spes mihi iniecta sit, ab eodem iisdem ornamentis atque lusinibus genus hoc scriptiorum de coniugio a latinis theologis inculte horrideque tractatum posse perpoliri. Ad hoc tu iuuenem tua dignitate & auctoritate, qua te colit & obseruat, cohortari debes. Nam quod ex hoc libello augurari possum, non fallet opinionem tuam. Vale, ex Ceciniano.

## X.

AONIVS PALEARIVS  
PETRO VICTORIO  
S. D.

M<sup>•</sup> Casalis, qui te mirifice diligit, officia iucunda, mihi saepe fuerunt; ea vero multo iucundissima, quae ab illo profecta sunt superioribus diebus. Cum enim Florentiae esset, salutauit te meo nomine, quem ob praeclaram eruditionem semper

qo-

colui & obseruaui. Idem rediens, tuis verbis mihi salutem dixit. quo facto, eam, quam exspectabam, tenere occasionem visus sum, vt ad te aliquid litterarum darem, in quibus declararem amorem erga te meum. Multae enim sunt caussae, quibus de caussis ego te valde amo. Primum, quod iis studiis excellas, quae me a pueritia magnopere delectarunt: deinde, quod Iano Lampridio, & Marcello Ceruino, optimis viris, & mei amantissimis, vteris (vt audio) per familiariter: qui cum de ingenii tui suavitatibus saepe mihi praedicarint sane multa, suppudet me, antehac numquam ad te scripsisse: praesertim cum tam vicius essem, vt facile meas litteras quotidie posse accipere, & ego tuas: cum item vsu venisset venire ad te, qui abes iter vnius diei, quod quidem aliquando faciam, vt expleans hoc desiderium, & quem virtute mihi amandum proposui, praesens videam, & agnoscam. Interea velim, me reponas in tuis, ducasque in numero necessiorum, vel coniunctissimorum: existimesque, nihil me putare iucundius litteris tuis. Quae si aliquando ad me perferentur, erunt illae quidem alleuationes solicitudinum mearum: & fortasse efficient, ne a studiis istis doctrinarum libera- lium domesticis negotiis totus abducatur: eritque diis gratia, quod non omnia male cadant: quod cum iamdiu absim meis caris, optimisque amicis, in Hetruria repererim non modo illarum artium bene peritum vi- rum, sed etiam affluentem omni ornamento mansue- tudinis & humanitatis. Vale. VIII. Cal. Ianuari- as, ex municipio Collino.

XI.

PETRVS VICTORIVS  
AONIO PALEARIO

S. D.

**F**Ecit humaniter Gasalis, qui te meo nomine, quemadmodum volebam, diligentissime salutauit: & cest homo omniū officiosissimus. Venit ad me ille domum, cum antea eum non cognossem: statimque post ea verba, quae primus ille congressus requirere videbatur, honorificum de te sermonem habuit, & mihi suauissimum: multaque de humanitate, mansuetudine tua, morum denique elegantia exposuit. Ingenium enim & doctrina mihi, quemadmodum omnibus, qui ingenuis studiis delectantur, iam pridem cognita erat: quae sane ille amore quodam tui, & studio inflammatus, ex animo faciebat, & uberrime ac verissime facere poterat. Ego libenter & cum voluptate audiebam: valde enim tuis laudibus delector. Renouatus est igitur in me amor, quo te antea plurimum prosequebar: vel ut rectius loquar, ortus, & repente excitatus. Antea enim te propter ingenii tui magnitudinem, & incredibilem eruditio- nem, quae ex graui illo tuo, & plane diuino poema te mihi perspecta erant, tantummodo admirabar, quemadmodum debebam: amare non audebam, nec enim facile poteram. Est enim consuetudinis hoc verbum, & eorum, qui aliquibus vinculis inter se officiorum coniuncti sunt: si non familiaritatis, at voluntatum saltem, & studiorum. Postquam vero intellexi, te tanta benignitate praeditum esse, quantum mihi probus ille senex praedicauit, & a me non abhorrere sensi; mirificus quidam amor subito exortus est: quod nisi multis & molestissimis negotiis eo tem-

tempore impeditus fuisse, hoc etiam benevolentiae & liberalitatis tuae indicium tibi praeripuisse, nec siuisse me a te humanitate & benignitate vinci. Nec tamen me a te victum esse hac in re moleste fero: quem facile in aliis etiam rebus a te vinci & superari posse scio, & gaudeo. Litterae postea tuae humannissimae & elegantissimae, magnum cumulum amoris illud suscepimus attulerunt, & eum incredibiliter auferunt: ut quae plene morum tuorum elegantiam & suavitatem mihi significarent, & aperte exparent animi tui in me propensionem: quae magis ex naturae tuae bonitate, quam ex meis ullis meritis orta est. Quare scias, te mihi carissimum esse: & paucos esse, quos aequi ac te amem, & obseruem. Quod si aliqua mihi occasio dabitur, efficiam profecto studio ac diligentia mea, ut quem tu antea tantum propter amorem in me, ac studia amicorum tuorum, optimorum quidem illorum virorum, ac doctissimorum, amasti; meritis etiam & officiis meis aliquantulum diligas. Quare nunc sunt tuae partes, ut mihi ostendas, quomodo ego huic desiderio meo, ac debito erga te satisfacere possim: & in nulla re, in qua tibi opera mea utilis esse possit, labori meo parcas. Vale, & me ama. XI. Cal. Februarias.

## XII.

AONIVS PALEARIVS  
PETRO VICTORIO  
S. D.

**E**T si tua virtus me satis attricere potuit ad amandum; fecerunt tamen hoc litterae cumulatius, in quibus inerat effigies humanitatis expressa, & quedam animi tui imago non muta, quam mihi de te saepe proposueram. Neque enim umquam dubitauis,

ui, si quando ad te scripsisse, accepturum me littera Victorio dignas: & tua si opera vti contigisset, habere amicum paratum, & adiutorem singularem. Etenim viri Hoc est in primis, qui in artium studiis liberalissimisque disciplinis optime versetur, non fallere opinionem studiosorum sui. At, mehercules, tale mihi de te spectrum excitaui, etsi te numquam viderim, vt aequa agnoscam, ac ea, quae oculis quotidie cerno: neque vero licet absis, quidquam est mihi te praesentius. Quod, credo, fit, quod praeter te in Hetruria vix alterum habeo, in quo cum summa eruditione germanam eloquentiam videam esse coniunctam. Nam vt multis multa concedamus, non nulli in dialecticis exercitati, physica non ignorant: at in iis, dii boni, quam nullus dicendi usus, & exercitatio: sed bene saepe admista barbaries, & duretas incredibilis quaedam orationis. Multi sese ad sanctissimam disciplinam theologorum conferunt, quae quo serius accepta est a latinis hominibus; eo in hanc curam erat magis incumbendum, vt illustraretur verborum omni elegantia, & numeri, & sententiuarum apta concinnitate, & ornamentis illis oratoriis, quibus delectari primum, rapi deinde, mox inflammari etiam animi possent: quorum cum ignari sint ii, & expertes, abiiciunt se in tenebras, quas clarissimae facultati, acuti potius sophistae quam eruditii homines, multis saeculis indignissime offuderunt. Complures ad iuris ciuilis scientiam uberem & dissipatam balbutientes accedunt, quorum mentis acies ita perstricta est, vt non videant, illos ipsos iurisconsultos, quos proxime ad deos accedere arbitrantur, castum & Atticum dicendi genus summa industria fuisse secutos. Post hos irrepererunt erudituli qui-

quidam, qui in verborum inani volubilitate & superstitione omnia esse posita existimant: neque philosophiam, neque interiores litteras vñquam attingunt, quibus, peream, si quid est impudentius. Nam etsi eloquentia a laudatis viris merito semper laudata est: nisi tamen societate quadam disciplinarum exornetur, in quarum vbertate pulcherrime alitur; nihil ea ieiunius potest excogitari. Quamobrem semper ego praestans ingenium, intelligensque iudicium tuum sum admiratus, quod vtrumque sis peraeque complexus, & dicendi scientiam & exquisitam doctrinam. Cuius vtriusque desiderio flagrans, emi superiore anno A. Cecinae villam, quae fuit in agro Volaterrano, vt libris comparatis in bibliothecam me abderem. Sed hoc ipsum aliter euenit. Nam cum municipes Collini angustos fines habeant, emi Cecinianum multo carius quam aestimaram. Quare tametsi ea emtione bene emisse dicar, oppressus tamen ita sum aere alieno, vt quam ad studia litterarum emeram, ea villa maxime ab iis ipsis me auocet, atque abducat: a qua perturbatione, & solitudinum fluctibus si emerero vñquam, si quis deus liberauerit, referam profecto, & reuocabo me ad egregias istas artes tuas. Interea Cecinianum meum non contemnas, cum loci salubritate, tum hominis tui amantissimi obseruantia. Collinum item oppidum pro diuersorio tibi sit: quo, si quando res urbanae fecerint satietatem, curses, tamquam ad animi relaxationem. Fuit hic philosophis mos, & oratoribus tuis, vt a ciuium oculis aliquo interdum concederent. Neque illud obieceris, quod peramoenaे villaе vestrae suburbanae sint, quibus cum diuersoriola nostra non sint conferenda. Villarum istarum magnificentiae nemo non cedet:

verum id ipsum quod suburbanæ sint, dixerim esse impedimento, ne tranquillitate & otio illo frui omnino liceat. Multi officii caussa conuenient, non nulli sciscitaturi, quid agas, aliqui etiam, ut infaceto & multo sermone obtundant: quae incommoda nihil est, quod timeas in Ceciniano. nisi illud fortasse, quod spero, vereare: quod homo ibi sit, qui à latere numquam discedet, auidissimus iucundissimæ consuetudinis tuae. Vale, ex Ceciniano. VIII. Cal. Martias.

## XIII.

AONIVS PALEARIVS  
FRANCISCO VERINO

S<sup>i</sup> D<sup>r</sup>.

**C**Vm te virum semper in philosophia, quæ de natura est, summa cum laude versatum cum Victorio nostro conuenissem, & coenae tempus instaret, res sane difficilis & perobscura in quaestionem vocari a te copta est, *vbi homines mortem obierint, quo eorum animi in statu sint, si cum corporibus non extinguantur.* Id ipsum πρόβλημα, dum in municipium redirem, mecum animo volvens, & quid respondissem, recogitans; texi epistolam, qualem scribere possit, non qui in philosophiae cella penuaria sit, sed homo tui studiosus & amantissimus, qui equo reuectus non prius domi adsederit, quam ad te scripsit. Huius quaestione explicacionem physice retractari non posse dixeram, quam tu posse dicebas: & habere te aliquid iam, quod, si plusculum fuisset temporis, nos valde delectare potuisset. Dii immortales, cur ego a te absum, viro doctissimo? nae annum euoluens libros omnes Peripateticorum, non facile obseruaram locos, quos tu mihi vnius horae v-

su-

sura commonstrare potuisses. quos ut mihi aperias aliquando, cum plus erit otii, veniam ad te: non discessurus, nisi pertractata omni ista quaestione, quam ego ad physicum philosophum spectare non arbitrabar, quod de animo, aut anima (rem enim eamdem Latini iis vocibus saepe significant) tamdiu possit differere, quamdiu in plenae absolutaeque definitionis perceptione versetur, quae est; ψυχή ἐστιν ἐντελέχεια ή πρώτη σώματ<sup>ς</sup>. Φυσική, ζωὴν ἔχοντ<sup>ς</sup> δυνάμεις. Itaque cum definit esse ἐντελέχεια σώματ<sup>ς</sup>. Φυσική ζωὴν ἔχοντ<sup>ς</sup>, definit de ea physicus cogitare: qui aequi animi principatum, & motus quosdam celeres, & vim quamdam sciunctam ab his visitatis notisque naturis non potest nisi in corpore comprehendere: atque illam ipsam praefantem, aeternamque mentem, quae principium est motionis, nisi in circulo atque orbe, quem mobile primum appellant. Quod si eius, quod mouetur considerationem sustuleris, eius quoque, qui moueat, agnitio ne physicus omnino carebit: quod in eo perpendendo, quod mouetur, eius omnis cogitatio sit posita & fixa, & iis finibus contenta sit ea philosophiae pars, quae physice adpellatur. Habent enim & artes ipsae cancelllos & terminos, extra quos egredi non licet. Quare veluti neque ante hanc coeli pulchritudinem, cuius initium quidam posuerunt, quis fuerit deus, neque quis futurus sit post fatale mundi exitium, physicus proprie disputat: sic neque de anima, antequam in corpore sit, neque postquam e corpore abierit, si suis regionibus velit se continere, potest disputare. His ego adductus, in librorum meorum partitione dixi, me haç in re theologos summa industria fuisse secutum, qui mentes quasdam ab omni ad-

misticione corporis remotas ex disciplinæ ratione contemplentur. Habent quidem & illi documenta & signa, quibus collatis prodeant in aciem, & pulcher-rime pugnent: habent & suasiones graues, & sinceras, & dulces, quibus nihil est diuinius, nihil ad motus faciendos aptius: præsertim cum propensi natura sint animi hominum ad eam scientiam, nihilque sit, quod iis pacem, consolationem, spem magis adferre possit, quam haec vna facultas, si ineptissimorum hominum audacia in profundum demersa, oratorum & philosophorum præclaris ingeniis subleuetur. Vale, & doctissimis atque optimis viris, Campano & Victorio, salutem dic: meque ut illos ama.  
Ex municipio Collino, ad III. idus Aprilis.

## XIII.

AONIVS PALEARIVS  
FRANCISCO VERINO  
*S. D.*

**C**Vm exspectarem auidissime litteras tuas, pluribus verbis scriptas, allata est ad me schedula tuo nomine tribus, aut summum quatuor versiculis, in qua erat veluti nouum atque inauditum, quod in scholis omnium philosophorum est tritum, & prope vulgare: quod eo mihi te visum est indignius, quod id ipsum neque græce neque latine dicebatur. Existimauis pro mea in te obseruantia, culpa tabellarii factum, qui fortasse prius abs te litteras flagitarit, quam plane scribere potuisses. Nam tu quidem mature factus senex, Victorii scilicet opera vsus, exuisti omnem barbariem: neque in eorum numero esse voluisti, qui ostentatione doctrinae contenti sunt insignibus ambitionis. Tu, quod ego symma cum voluptate audiui, sero, sed diligenter didicisti litteras græcas:

la-

latinis non sero, & tamen ubi latine aliquid non potes reddere, Thusce dicis. Amo te ob istuc factum non mediocriter: quod Milonis illud valde probem, ἐπειδὴ τῶν λόγων τὰ πράγματα συντελεῖσθαι, ἀλλ ἐπειδὴ τῶν πράγματῶν τὰς λόγους. Nihil refert vel graece, vel latine, vel thusce dixeris, modo bene. Tam multae sunt comprehensiones philosophorum, ut una lingua non sit satis: executienda tamen nobis est negligentia, & ignavia quaedam, ne vocibus abutamur, ne immutemus (quos appellant) dicendi modos: non solum quia maiores nostri, qui dixerunt omnia significantius, iis τὴν αὐχῶν διάφοραν expresserunt; sed etiam ut posteris consulamus, ne nouus illis exsudandus sit labor, verborum usu & dicendi genere immutato. Hoc praestans semper fuit Victorii mei iudicium, hoc aliquando Campani tui, quod si nos sequimur, obsecro te, ut a congresu nostro excludamus fecem philosophorum, similos istos cum annulo & toga, qui quod barbare non sit dictum, non putant Aristotelium. Collegisti probe philosophi sententiam de animorum immortalitate ex libro tertio περὶ ψυχῆς, quam ego graece male, ne quid peruertam: οὐ νῦν χωριζός, καὶ αἴρυγης, καὶ απαθής τῇ φύσει ὡν ἐνεργία. & paullo post, χωριστὸς δὲ ἐσὶ μόνον αἰθάνατον, καὶ αἰδίον. & ex libro secundo: περὶ γάων γενέσεως, λέπτεται δὲ τὸν νῦν μόνον θύραθεν ἵπεστένει, καὶ θεῖον ἔνοιμόνον. Quid, censes me haec non legisse? An vero, cum homines graeci, Alexander, Themistius, Simplicius, haec interpretati, fulgurare, tonare, permiscere omnia viderentur: & bābari interpretes, Averroes, Auicenna, ob haec eadem certarent summa contentione: cumque semilatini, Thomas, Scotus,

tus, Pomponatii, Sinuessani, digladiarentur inter se, & quantum poterant voce contenderent, ut omnes exaudirent: vñus ego numquam ad tantos clamores aurem intendi? Nempe in librorum meorum diuisione legere potuisti: in secundo libro, Stoicorum, &c., si quae erant, Peripateticorum rationibus, immortales esse hominum animos probauimus: neque puto, illorum aliquod argumentum esse, quod eo libro non contineatur. Sumta quaedam sunt ab Aristotele studiosius. nam illud,

*Non aliquid mixtum, non concretum ex elementis;*  
*Sed purum, aeternum, quodque omni est tate solutum,*  
*eo spectat, ὃ νῦν χωρισθὲς, καὶ αὔρυγῆς, καὶ αἴπαθης,*  
*καὶ τέτο μόνον αὐδάνατον, καὶ αἰδίον.* Vereor  
 ne tibi iam sim molestus. Venio igitur ad ea, quae scribis. Scheda tua nihil habet eorum, quae rece-  
 pisti, ὑπεχε λόγον. Dixisti, hanc quaestionem,  
 ubi homines mortem obierint, quo eorum animi in  
 statu sint, si cum corporibus non extinguantur, phy-  
 sice, pertractari posse: ego id sedulo negabam. Quid  
 ais? tuum est ostendere, ab Aristotele id esse factum,  
 dum physica tractauit. Quae adduxisti, non con-  
 veniunt. Nam in his philosophus animi principia  
 indagat, ut constituat νῦν τὸν μὲν ποιητικὸν, τὸν δὲ  
 παθητικὸν: quod alter χωρισθὲς καὶ αὔρυγῆς, καὶ α-  
 ιπαθῆς sit in homine, quod Pomponacius deliciae  
 tuae non potuit coneoquere: alter Φθαρτὸς, quod  
 lyncei quidam interpretes non viderunt. Id si pro-  
 positum est Aristoteli, tu iam vide in his verbis:  
 ἐπεὶ δὲ ὁ σπερ ἐν αἴπαθη τῇ φύσει ἐσὶ τι τὸ μὲν ὄλη  
 ἐκάπερ γένει, τέτο δὲ ὅτι πάντα δυνάμεις ἐκεῖναι: ἔ-  
 τερον δὲ τὸ αἴτιον, καὶ ποιητικὸν τῷ ποιὲν πάντας,  
 εἰον ἡ τέχνη πρὸς τὴν ὄλην πέπονθεν: αὐδύκη καὶ

εὖ

ἐν τῇ ψυχῇ ὑπάρχειν ταύτας τὰς διαφορὰς. καὶ  
ἔσιν ὁ μὲν τοιότητος νῦν τῷ πάντα γίγνεσθαι, ὁ δὲ  
τῷ πάντα ποιεῖν. Explorat ergo philosophus, ut  
vides, τὴν ψυχήν, καὶ τὰς διαφορὰς ὑπάρχουσας ἐν  
τῇ ψυχῇ: non id quod tibi est propositum, ubi a-  
nimi hominum sint, cum decesserint. & in libro se-  
cundo περὶ τῶν ζώων γενέσεως, vestigat ortum ani-  
mi, ὅτι θύραθεν. Quamobrem quaestio illa longe  
abest a philosopho physico, non longe ab eo, qui  
tractat τὰ μετὰ τὰ φυσικά. Neque ego id temere  
ducor ad suspicandum. Aristoteles scriptum reli-  
quuit τῶν μετὰ τὰ φυσικά τῷ λ. εἰ δὲ καὶ ὑπερὸν τι  
ὑπομένει, σκεπτέον. ἐπ' ἐνίων γὰρ δύεν καλύπτει,  
οἷον εἰ ή ψυχὴ τοιότον, μὴ πᾶσα, αὐλαὶ δὲ νῦν.  
πᾶ-  
σαν γὰρ αἰδύνατον οἶως. quo fretus, audeo dicere  
graece melius: nam latine non inuenio. ψυχὴ μὲν  
ἡ νοητικὴ, πότερον αἰθερῶδες, η ἡ διάδοσις, η  
διάδοσις πρόβλημα ἀρνεῖ φυσικόν. ὅπερ δὲ χωρισθεῖσα νοεῖ  
εἶδεν, ἐτέρας γε, φυσικῆς διδαχῆς εἴναι. Θεωρίας.

## XV.

AONIVS PALEARIVS  
BARTOLOMAEO PANCIATICO  
S. D.

**N**eque ego mearum vitium tam audax aestimator  
sum, nec ita prorsus ignarus officiorum & incre-  
dibilis humanitatis tuae, ut sperem, me verbis conse-  
qui posse partem aliquam gratiarum, quas a me tibi  
per litteras agi necesse est. Nam quod tu is vir, tan-  
to studio & diligentia, tanta celeritate Lügduno ad  
me libros mittendos curasse, admirabar ego hominis  
humanissimi benignitatem. Verum quod eo bene-  
ficio accepto, nullis ad te litteris ea de re missis, nul-  
la gratia relata, iisdem fere diebus tam diligenter eu-

raueris meas litteras ad Gryphium perferendas, &  
 altero beneficio liberalissime adfeceris: agnoui ego  
 diuinitatem ingenii tui. Quid enim tam diuinum  
 est, quam eos, quos primis officiis iuueris, non respon-  
 dentes, cumulare secundis & tertiis? neque desistere,  
 neque stomachari prius, quam meritorum numero  
 & magnitudine socordes, oscitantesque pupugeris,  
 traxerisque in tua admirationem? Quamobrem mag-  
 num quiddam est, quod tibi debeo, magna item a-  
 nimi mei propensio in te: quam si satis declarare pos-  
 sem, praecclare a me actum iri putarem. Nunc cum  
 acceptis beneficiis sero gratias agam, neque iis orato-  
 ris verbis, quibus te delectari audio: quid restat, nisi  
 in summa orationis paupertate summum mihi desi-  
 derium declarandi amoris mei? qua in re nisi Victo-  
 riis meus, & idem tuus, adiuuerit, ut meo nomine  
 tibi gratias agat, frigidum sane ac ieenum habebis  
 gratiarum actorem, & laudatorem virtutis tuae. Quod  
 iste quidem melius facere poterit, cum ea vbertate &  
 copia dicendi, quam ex omnium liberalium discipli-  
 narum optimis studiis est consecutus: tum quod praef-  
 sentes omnia melius explicamus, habentque suam in  
 agendo partem oculi, manus & pes: qua re adducti  
 antiquissimi oratores, in actione prope omnia posita  
 esse duxerunt. quae cum in isto sit non vulgaris, sed  
 mirifica quaedam, qualem in Socrate fuisse accepi-  
 mus: non dubitauit per litteras petere, ut cum recitaret  
 tibi quamdam mearum litterarum partem, multa de  
 suo adderet, quibus intelligeres, gratissima memoria  
 prosequi me beneficium tuum: nihilque mihi fore iu-  
 cundius, quam si cum vsu venerit, et si per me parum  
 aut nihil possum, experiare aliquando amorem me-  
 um. Vale, ex municipio Collino. xiiiij. Cal. Maias.

XVI.

## XVI.

AONIVS PALEARIVS  
PETRO BEMBO

CARDINALI

S. P. D.

**N**isi ego grauitatem, & animi tui magnitudinem probe nossem, facerem, quod vulgus hominum solet, vt hac fortunae accessione extra modum laetitia elatus, tibi congratularer. At cum haec eadem munera tibi saepe oblata sciam, abs te non modo non retenta, sed pulcerrime fuisse reiecta; non committam, vt animi tui admirabili continentiae & integritati faciam tam insignem iniuriam, vt repentinum aliquod bonum, insperatum, improuisumque tibi obligisse existimem. Quid enim tale fuit, quod cum in summorum pontificum oculis habitares, non impetrasses cum gratia? Idque vel eo argumento maxime confirmari potest, quod tua opera praecipue vni fuerint nonnulli, qui horum ornamentorum desiderio tenebantur: quae cum per te consecuti fuissent, in te conferri non curabas, quod aliis, non tibi, iis murieribus, per te tamen condonatis, maiorem inde fieri existimabas auctoritatem, & dignitatem tuam. Huius liberalitatis, bonitatisque memor Paullus pontifex, te in amplissimum ad agendum collegium cooptauit: in quo, si omnia ex te, & collega tuo sanctissimo & optimo, Sadoleto penderent, felicissime eueniret reipublicae christianaee. Nunc cum ea res publica regum, principumque ciuitatum culpa quasi aestu maritimo agitetur; subuentur boni omnes, vos miscris perditisque temporibus ita ad summos labores fuisse vocatos, vt necesse sit praeclara illa studia, quae ingenii suavitatibus ad coelum extuleratis, vel

remittere, vel omnino deserere. De quibus melius sperabamus, quod ea a vobis ipsis essent petenda, non aliunde: cum nihil esset, quod, si voluissetis, non esset facile perfectum industria vestra. Nam ut omittam, quae ab illo sunt scripta diuinitus: quid de historia tua dicam? dii immortales, quantam expectationem concitasti? qualem spem inieciisti hominibus nostris? ut saeculum hoc miserum atque indignum, in quod incidimus, non dubitet felix atque aureum aliquando a posteris iri adpellatum, in quo ea historiarum monumenta sempiternae hominum memoriae consecrata sint ingenio tuo. Hoc eo a me dici volo, ne patiare per deos, te quibusuis muneribus ab iis scriptioribus auelli, quibus te, & patriam & tempora illustrasti. Per multi deligi potuerunt, & fortasse delecti sunt, & his & superioribus temporibus, collegae: at Sadoleti, at Bembi, perdiu nulli. Hoc item eo dico, quod pungat me quasi aculeis, iniqitas quorumdam, qui homines hominibus praestare non intelligant. Atque utinam, postquam (ut vereor) litterarum studiis multum creptum est, accessitis ad gubernacula reipublicae duobus optimis & doctissimis viris: sic remittant aliqui spiritus, ut Paulli dicto sint audientes, προφήται δὲ οὐ δύο τρεῖς λαλήτωσαν, καὶ οἱ ἄλλοι διακρίνετωσαν. Qualem enim rempublicam optamus & volumus, facile habebimus, si suum locum vestra virtus & dignitas obtinebit. In quo me illud consolatur, quod integerimi & sapientissimi viri, qui plurimo doctrinae studio & tractandae reipublicae usu excellant, numquam melius dignosci poterant, quam asperis, difficillimisque temporibus, in summa rerum omnium perturbatione: in qua tu, qui puer, qui adolescens, qui

qui iuuenis, qui vir liberales artes misere oppressas  
mirifice subleuasti, in aetatis maturitate loco excelsō  
& illustri, in tanta omnium exspectatione, noli quae-  
rere quantam spem bonis attuleris, in pristinum sta-  
tutum & dignitatem vindicandae reipublicae christia-  
nae. Vale.

## XVII.

AONIVS PALEARIVS  
ANTONIO PHILONARDO  
EPISCOPO VERVLANO  
S. D.

**Q**ued serius fortasse gratuler, quam debebam, a-  
gerem ego pluribus, quibus plane intelligere  
posse, caram atque iucundam mihi in primis semper  
fuisse dignitatem tuam: nisi illud vnum, quod iam  
multos annos ab vrbe absim, satis excusationis habe-  
ret, quo me facile tueri possum. Etenim ex iis in-  
commodis quibus me adfici necesse est, ob ignorati-  
onem rerum urbanarum: hoc mihi grauissimum est,  
quod de iis nihil ad me perfertur, quorum gaudia so-  
lide ante omnes gauderem. Quod nisi proximis su-  
perioribus diebus Corsinius noster litteras ad me ple-  
nas officii & humanitatis dedisset, attulissetque iu-  
cundissimum nuncium de dignitate tua; nae ego ho-  
mo infelix essem, qui neque isthuc sero fecissem,  
quod diligentissime & maturime facere debebam.  
Multae enim sunt caussae, quibus tibi gratulari de-  
beo, quod ad ἐπισκοπῆς amplitudinem sis prouec-  
tus: in quibus illae sunt vel iustissimae, quod sanctissimi  
atque optimi viri, patrui tui, singularia &  
maxima quaedam beneficia semper in me exstiterunt:  
nihilq. Perusiae & Romae in me ornando ab illo pro-  
fici potuit, quod non sit profectum: cuius cum fin-  
gu-

gularis sit grauitas , summa amplitudo, integritas admirabilis, quid est, quod ego magis desiderare possim, ingrauescente praesertim iam illius aetate, pro amore, obseruantiaque mea in familiam vestram, quam ut in te, qui a puero magnam tui exspectationem , concitasti, vestigia quaedam eius sanctitatis eluceant? Hanc cum ineas viam , dignitasque ea in te translata sit, per quam ille sese & familiam cumulauit omnibus ornamentis ; noli querere, quam ego de te opinionem habeam, quanta spes iniecta sit ex modestia ista animi tui , & praeclari ingenii solertia & suauitate. Nam si arborum , quas habemus in fundo aucto , cum senescere eas videamus , usque adeo traduces & propagines desideramus , & perdiligenter colimus: quo studio , qua tandem animi propensione in te me esse oportet , in quo videam expressam effigiem integritatis , modestiae , & sapientiae patrui tui, quem ego semper colui & obseruauis? Huc accedit quod patria ipsa , quae vita mihi carior est , etsi absim , contendere a me videtur, ut suo tibi nomine gratias agam : quod facio , & quidem libenter, quod ad memorum ciuium temperandos animos , & pie instituendos , non incideris , sed veneris. Non enim sum nescius , id quanti sit , qui sciam nonnullas tenebras multis saeculis esse offusas diuinae philosophiae : ita ut in hominum animis nihil minus aliquando infederit , quam Christus : eorum fortasse culpa , qui ut acuti viderentur, προβλήματα quaestiones δύτικες γελε populo proposuerunt, nugatores potius quam oratores. Huic malo nemo melius mederi potest , quam episcopus: quem pro auctoritate & grauitate reuereatur populus, senatus obseruet: qui & docere possit, & eos inuitare ad dicendum , qui & egregia doc-

doctrina sint, & probatisima vita: non contentionum cupidi, sed veritatis: studiosi buccinatores laudis & gloriae filii dei, in quo, ut Paullus aiebat, εἰσὶ πάντες οἱ θησαυροὶ τῆς σοφίας καὶ τῆς γνώσεως ἀπόκρυφοι. Sed haec tu melius, cuius haec studia propria sunt: quique familiaribus negotiis non plus distraharis, quam velis: quique habes domi, quem imiteris, virum summa sapientia, non modo ab hominibus nostris, sed etiam ab Heluetiis, Gallis & Germanis laudatum, cum testificatione etiam & amoris & reuerentiae plena. Reliquum est, ut Philip-pum ad finem meum tibi commendem: iuuenem, ut spero, morigerum, atque modestum. Solus erit istic, si vnuſ deeris: habebit neminem neque amicum, neque cognatum. itaque & pro christiana pietate, & iam episcopi officio, proque obseruantia mea in Philonardos, eum tibi etiam atque etiam commendo. Vale. Senis, V. Cal. Sextilis.

## EPISTOLARVM LIBER TERTIVS.

I.

AONIVS PALEARIVS

VERVLANVS

PETRO FRANCISCO RICCIO

S. P. D.

**Q**uod audacissimi & furiosissimi hominis, aduersarii mei, bis iam, auctoritate dignitate que tua fregeris, retuderisque improbitatem; magna omnia a me tibi gratiae aguntur, agentur-

que

que dñm viuam: quod si serius facio quam debebam,  
dabis hoc ipsis istis molestiis, quae me profecto hebe-  
tiorem reddiderunt. Quemadmodum enim tempes-  
tatibus coortis, limosa ac turbida flumina non subi-  
to cum coeli serenitate perlucida & sedata fluunt: sic  
in offensionibus perturbationum, animi vitium ali-  
quod concipiunt, quod deponere subito non pos-  
sunt. quamobrem si quid per id tempus scribimus, &  
sicci & ieuni sumus. Postulant enim haec studia  
litterarum tranquillitatem, motusque alacres quo-  
dam animorum: quae cum in me nulla superioribus  
mensibus extiterint, quid est, quod mirere, si in me-  
is litteris tale aliquid non sit, quod te valde delectare  
possit? Dices fortasse, grauius me haec tulisse, quam  
oportebat: neque tantopere commoueri debuisse in-  
ceptissimi & leuisissimi hominis causa: praesertim cum  
tu, & Campanus (dii immortales, qui virti?) rece-  
pissetis, susceptae iam caussae defensores non defu-  
tros: curaturosque, si quid homo insanus posthac in-  
tentasset, vt sentiret, quam paratisimum apud ex-  
cellentem & imperio & ingenio principem florentissi-  
mae ciuitatis patrocinium sit bonarum artium stu-  
diosis: ex cuius familia illustri quidem illa, & per se  
praeclara, prodierint semper veluti ex equo Traiano  
(vt in proverbio est) Musarum imperatores, duces-  
que liberalium artium. Haec etsi mihi tam certa es-  
sent, quam ea, quae oculis cerno; nonnullam ta-  
men molestiam capiebam ex rerum indignitate, quod  
in reiiciendo homine tenui atque ignobili, neque  
graecis neque latinis litteris eruditio, philosophiae e-  
tiam plane rudi atque ignaro, vestra mihi opera uti  
necessae esset: ex qua re videbatur crescere aduersarius  
meus. Huic rei illud erat argumento, quod superi-  
ori-

ori anno cum apologiam scripsisse, per quam ego  
rabulae inficitiam ante oculos eruditorum nudaram:  
eius tamen ordinis homines illum sibi, & rebus pu-  
blicis praefecerunt: credo, vt de superiore quasi loco  
mecum contenderet: & qui per se nihil posset, ad-  
signati munericaua non nihil dignitatis hahere vi-  
deretur. Nunc cum summorum virorum opera vti  
mihi necesse fuerit ad eius imprudentiam reprimen-  
dam, erit ille (mihi crede) apud suos in maiori hono-  
re. Me miserum, quibus cum laruis ego iam bien-  
nium sum luctatus? quas quoniam grauitate tua a  
me abegisti, non committam posthac, vt mihi cum  
illis quidquam negotii sit: commentariaque θεολο-  
γικæ, quae soluta oratione, & orationes, quas scri-  
bere institueramus, & laudationes, quas versibus scri-  
bimus, supprimentur fortasse: donee extorqueatur sica  
ista de manibus imperitorum hominum, vtque ini-  
quisimorum, qui sanctissimam facultatem oratione  
illustrari grauiissime ferunt: maluntque eam in tene-  
bris iacere ad quaestum & lucrum, quam in illustri lo-  
co sitam, animis hominum aptatissimam & verissi-  
mam consolationem adhibere. Quod si deus reges,  
principesque ciuitatum, qui ad gubernacula reipubli-  
cæ christianaæ sedent, pupugerit, vt magna frequentia  
doctorum hominum conueniant in vnum aliquem  
locum, quasi censura episcoporum vindices veritatis:  
caue putes, vñum genus hominum magis inuisum  
iri, quam fabulas istos, qui multis saeculis non mo-  
do philosophiae humanae, sed diuinæ illi, qua vi-  
uimus, vnde lucem haurimus, per quam ad superos  
accedimus, tenebras incredibiles offuderunt. Qua-  
re quod meae innocentiae acerrimum te defensorem  
praestiteris, colo ego te, & obseruo pro ista pietate  
ma-

maiores in modum : neque meriti, neque humanitatis tuae memoriam obliuio vlla vñquam delebit. At vero quod in ea defensione hominem arrogantem, impurum, contumeliosum, hostem bonarum litterarum, tam insolenter impunitate & licentia sese efferentem, tua grauitate represseris : spero ita complexuros istam animi bonitatem amicos meos, optimos quidem viros, & in iis studiis excellentes, in quibus tu cum laude semper es versatus, vt magnam ex ea re voluptatem capias ; intelligasque, diis hominibusque acceptissimum fuisse beneficium tuum. Vale, ex municipio Collino, III· Nonas Sextilis.

## II.

AONIVS PALEARIVS  
FRANCISCO CAMPANO  
S. D.

**E**T si mecum ipse statueram nihil omnino ad te scribere, nisi tale aliquid accidisset, in quo ego pro summis tuis in me beneficiis, & gratias agere, & amorem meum & obseruantiam erga te declarare potuisseni ; veritus tamen, ne diuturna taciturnitate patum memor, & homo minime gratus viderer, fregi consilium meum. Nam neque obscuris, neque vulgaribus abs te officiis sum adiutus : animo praeterea adeo liberali atque ingenuo, vt quidquid abs te profectum sit, iucundissimum mihi multis iustissimisque de causis esse debeat. Etenim cum munici-  
pes nostri, de quibus omnia mihi large atqne honori-  
fice pollicebat, fefellissent opinionem meam; & qui adfinitate coniunctissimi mihi esse debebant, inhu-  
maniter non modo me deseruissent, sed oppugna-  
sent etiam pro rabula, & homine minime noto : ita a  
te sum defensus, vt effluere ex animo non poscit mag-  
ni-

nitudo beneficii tui. Qua de re cum fratribus tuis, optimis illis quidem viris, & mihi carissimis, saepe sum locutus, ut quasi per eos tibi gratias agerem. Apud municipes vero ita laudibus extuli istam animi benignitatem, & in bonos propensionem, ut quiuis intelligat, me nihil habere antiquius tua virtute: quam ita animo complector, ut nihil mihi possit esse coniunctius. Neq. vero ego umquam cogitationum & propinquitatum vinculis arctius adstringi virum bonum deberem putavi, quam iis ipsis, quae studiorum societate & similitudine, sanctissima & firmissima habentur. Fallit enim nos saepe natura, & communio sanguinis: cogitque, ut eos interdum amemus, qui si mentem adhiberemus in consilium, permagno nobis odio essent. At virtus fallere non potest, quae verissimarum & illustrium rerum perscrutatione, grauissimoque iudicio ita animos allicit, ut saepe eos misericordia diligamus, quos numquam viderimus. Quam obrem si humanitatis & ingenii tui exspectatione tumultum amabam; nunc cum veram & solidam benignitatem tuam sim in me expertus, non facile dici potest, qui cumulus accesserit amori meo. Quod si in te quoque colendo duo optimi viri mihi socii cōmitesque adiūcti sunt, alter qui philosophiae, alter qui eloquentiae laudibus excellit; quid est, quod ego ex animo magis aut lubenter facere possim? atque, mehercule, si his curis umquam, quibus ob aēs alienum contractum maxime teneor, fuero liberatus; nulla mihi carior apti iucundior urbs futura est, in qua ego vitae reliquum tempus traducam. quam florentissima ista, in qua Verinus, Victorius, Riccius, & Campanus, mei amoris, studii, & pietatis magnis officiis interserunt. Cuius si me compotem aliquando fortuna

Kk

fe-

fecerit; eritis vos mihi magni patroni. Quos ego si mea tenuitate imitari non queam; ero tamen & diligens, & studiosus laudator virtutum vestrarum. Senis, pridie nonas Septembris.

## III.

FAVSTVS BELLANTES  
AONIO PALEARIO  
S. D.

**Q**uod in discessu tuo ex Hetruria tam per amantes rogaras, ne litterarum studia intermitterem; facerem diligenter, si possem sine te praecclari aliquid exquirere industria mea. Verum enim vero postquam in urbem profectus es, ita nescio, quo modo animus meus torpuit, ut difficillimum mihi fuerit scribere epistolam hanc, quam ad te mitto. Nam si animantia quaedam, in quibus ratio nulla est, cum ab aliis deseruntur, desiderio vocem aliquam emitunt, qua significant, se aegre ferre discessum eorum, quibus cum vixerint; quo animo putas me tulisse discessum tuum? Omitto, quod pater meus, vir optimus & grauissimus, te semper maximi fecerit: & tu illum sic amaueris, ut magis praeterea neminem. Quid dicam de benevolentia tua in me, & fratrem, in meos, vel potius nostros vniuersos? Quamobrem mihi molestissimum est, quod animo te audio esse prope abalienato, quod sermonibus quorumdam sis offensus. Qua in re te oratum velim pro amore tuo in me fraterno, ne culpa levissimorum hominum ita moueare, ut memoria deponas, quantam exspectationem de te habuerit pater meus, quam ego te semper dilexerim in fratri germani loco. Veniat tibi in mentem, quod tu mihi in discessu receperis, redditum te ad nos post quindecim, aut summum viginti

di-

dies. quod vt facias, omnes nostri, & ego in primis,  
te vehementer etiam atque etiam rogo. Vale, ex  
arce Areolae.                  IIII.

AONIVS PALEARIVS  
FAVSTO BELLANTI  
S· D·

Ego vero & tuum animum in iis litteris, quae mihi  
abs te proxime, redditae sunt, vidi: & cognoui  
dolorem, quem acceperis ex moribus, qui me in-  
uitio, nescio quo auctore, ad vos perlati sunt. Quan-  
tum suspicor, Cecilia, loquacissima mulier, permis-  
cuit domum. Noli, obsecro, me tam aut ingratum  
putare, aut immemorem beneficiorum, vt ad reuo-  
candum opus esse arbitrere litteris tam humaniter  
scriptis, cum commemoratione etiam patris, fratri,  
& amoris erga me-tui. Scilicet ad ianumerabilia in  
me tuae familiae merita, hoc etiam accedere oport-  
ebat, vt omnium tuorum nomine rogares. Apage te  
cum istac humanitate: qui cum per te plurimum pos-  
sis, vis etiam per alios. Nihil mihi posthac erit mo-  
lestius, quam si intellexero, te ita pudenter, ne di-  
cam remisse agere, cum eo, quem in fratri germano  
semper habuisti loco. Quod nisi ego suavitates in-  
genii tui nossem, vt quos liberalitate & diuinitatis vin-  
cis, omnibus modis velis vincere; non nihil de ami-  
citia nostra fuisse detractum. Minus enim apud te  
me posse putarem, quam olim putabam: & falsam  
esse opinionem, quam semper habui, me te prorsus  
esse alterum. Quid enim, si vis ueniat, petere au-  
sim; si tu a me tam timide, tam verecunde omnia?  
An si quorundam sermonibus sum offensus, abali-  
nato erga vos me animo esse decet? Non ignoro,  
quam mater tua, lectissima femina, & suavisimus

frater, grauissime tulerit mulierculae importunitatem. Quia in re illi ignosci debet, quod & leuisima est omnium mulierum, & patre incerto nata, & pusilla Serua, ingenua non est: cui si vir iurganti aspere verbis & vultu, ut solet, os aliquando contudisset, reddidisset profecto humanitatem. Peto a te, si molesta esse perget, ut fabellas Thusce scriptas non impediā exire. cupio enim quosdam, & iam pridem cupio, non tam vlcisci, quam sanare: qui non prius inepti esse desinent, quam nominatim euocati, viderint se mucrone stili obstrictos, atque confosso. Sed haec coram. De studiis video, quid egeris: qua in re in primis tibi gratulor, quod tantum per te ipse proficias, quantum vix alii adiuti a multis & doctis viris. Bene currentem video: si in cursu & iis virtutibus perfisteris, in quibus tu certe quidem id aetatis mirum est, quam excellas. o partum aureum matris tuae, quae tam necessario tempore te laboranti reipublicae dedit. pro qua, quoniam pater & auus emori potuerunt, proauus certe mori voluit: nihil est, quod omni cura in ea studia non incumbas, quae tibi patriae caritas ostenderit, quibus aliquid opis adferre miserae possis, quae auxilium abs te & coaevis postulat; quoniam a senibus factiosis destituta, locum in quo conquiescat, non reperit. Quod nisi occidenti prope caesar occurrisset, non esset quod aliquando curares. Nunc ille diis bene iquantibus speciem restituit, succum & sanguinem hirudines antiquae hauserunt. Aerarium nullum est, vestigalia etiam facta deteriora, *λύκαινα* omnino strigosa. Sed haec ex tuorum sermonibus melius, vel optime omnium per te ipse intelliges. Qua in re illud te consolari debet, quod aequales habes summi ingenii summi.

mique animi iuvenes, tam reipublicae studiosos, tam tui similes, vt in haec tempora non incidisse, sed venisse videare. De reditu nihil habeo certi. faciam tamen, quod mandas, vbi me explicaro: nulli mihi prorsus equi erunt satis. Vale. Idibus Februari. Romae.

## V.

FAVSTVS BELLANTES  
AONIO · PALEARIO.

S. D.

**E**T si vnis atque alteris litteris abs te efflagitaram, vt quamprimum ad nos redires: quod tui desiderio faciebam, qui multis iustisque de causis nobis omnibus es carissimus: cum tamen interea aliqua res accidisset, quamobrem viderem, in discrimine versari salutem tuam, mutavi consilium. XIII. Cal. Martias ante lucem, Placidi pueri cum litteris mihi praesto fuerunt: ex quibus intellexi, magnos motus, incredibilem coniunctionem scelestissimorum hominum contra te esse factam. Visum est matri meae, & lectissimae feminae vxori tuae, vt ad te scriberem, ne te loco moueres: sed supersederes, dum hic nodus exsoluatur. Caussam accusationis nescimus, nomina eorum, qui diem dixerunt ignoramus: nam Placidi litterae nihil horum significabant. Rumor est, religionis calumnia esse concitatos homines primarios: mater credit, Calones in te coniurasse, quod superstitioni nihil sis amicus, qua illi domum nostram exhaustiebant. neque id ὑπερβολικός. nam auia, cui auus & pater pecuniam omnem nostram crediderant, ut nobis adseruaret usque ad firmatam aetatem, decessit, cum neque teruncius esset reliqui: manticas satis grandes inuenimus dissutas, in quibus reconditae pecuniae vestigia adparebant. Nos Lignipodas,

Kk 3

qui

qui in auiae conclave quotidie cursabant, vocauimus in iudicium, in quo tu adfueristi nobis: nihil tamen profecimus.. nam & turpissimum iuriurandum iurant: & ita sacris manus admouerunt, ac si habuissent iligneas. Haec omnia sciunt nos fecisse, fretos consilio tuo. nihil est magnopere mirandum, si tibi sunt irati. haec mater. Ego vero non negarim, aliquam partem incommodorum per hosce nebulos esse inuestigatum. at tantam rem homunculos potuisse moliri, non arbitror: altiores stirpes habet haec conspiratio. Sunt pestes hominum quaedam alieno bono dolentium, qui cum alicui bene sit, sibi esse putant male. hi fronte & vultu alaci, blande adpellant, salutant liberenter, iocantur festiue. Clanculum si possunt nocere, caue malam rem: vbitiment eorum perfidiam resciri posse, accedunt ultro, purgant se, conqueruntur. Hemegone istuc conari queam? Ab hisce hominibus suspicatur Placidus, iacta fundamenta accusationis. In Placidi sententiam facile eo, qui propter ingenii acumen omnia perspicit, adhuc tamen nescio, quid animus mihi praesagitt. Metuo a senatoribus quibusdam, in quorum furores iam inde a caufsa salario incidisti. meministin? Egidius, qui omnia quae ad tuum honorem & dignitatem pertinent, curat diligenter: quantum potuit odorari, eoperuenit, vt rem videat non longe esse a subselliis. Quod si verum est, iubeo te bene sperare: dabunt enim integratis, religionis, pietatis tuae testimonium, virti quo robore, quibus radicibus, C: F: Sfontatus, & F: Crassus? qui duo sunt praecentum milibus: quoniam senatui populoque Senensi acceptissimi, gratia & auctoritate plus possunt, quam ceteri omnes. Ego cras, sumnum perendie, Senas ibo:

cum

cum amicis, propinquis, cognatis colloquar. Patronus, si opus est, aduocabitur: dabitur pecunia, eroque omnibus rebus vel vitae periculo ad te defendendum paratus. Antequam in arcem redeam, scribam omnino ad te. Tu interea, quoad potes, velim tranquillitati animi seruias, aduersam fortunam recte feras: neque ipse tibi tu molestias addas, neque te adflictes. Vale.

## VI.

AONIVS PALEARIVS  
FAVSTO BEL LANTI  
S. D.

Post coenae tempus, cum ad focum federemus, redditus est mihi fascieulus litterarumثارum: quibus perfectis, acquieui aliquantulum, sed animo plane non sum confirmatus. Nam neque mihi dubium est, C. & Crassum fortissimos viros non defuturos: sed ii non plus, quam nosti, & ne benigne quidem polliceri possunt. In quam hominum inscitiam inciderim, nolo te ignorare. Cum in senatu L. Auloetae litterae de Iliciniensibus recitarentur, Cotta & Belides traducere mentes senatorum alio nitebantur. Itaque cum in oppidanos sententiae severae & graues dietae essent, & vehementer laboraretur, praeter rem multa Belides de me. Quid quaeris? mera monstra. Cotta adserebat, me salvo, vestigium religionis in ciuitate reliquum esse nullum: quod aliquando rogatus, quid primum esset generi hominum a deo datum, in quo salutem collocare mortales possent? responderim, Christum. quid secundum? Christum. quid tertium? Christum. Tu vide iam, in quae tempora inciderimus. Nemo est inuentus, qui ausus sit in causa tam bona se patronum praesta-

Kk 4.

rc.

re. Francisconus aderat, sed noluit in odia tam acerba incurgere. Aberat auunculus tuus: sed si adfuisset, non magna quidem spe fuisset: quod in tantis angustiis, dici non potest, quam sim ab illo desertus. Etenim potuisset graui oratione vel reprimere, vel retardare aduersariorum impetus: praefectum sacrorum orare, obsecrare, obtulisti ob vicinatem, & magnum usum, quem cum illo habet. Horum non modo nihil fecit, sed ne studium quidem & operam suam mihi usquam est pollicitus: quod solent adumbrati etiam amici. Omnia, dum pater vixit, ab eo mihi erant paratissima: nunc, seu vitio accessionis fortunae (quod omnes, dum egemus, sumus humaniores) seu a Cecilia abductus, cuius ille verba censet λόγιον πνεύματος, a nostra consuetudine refugit. Manus coniuratorum permagna est, plebs accensa: ut quisque in nos acerbissime, crudelissimeque loquitur, ita quam maxime pius habetur. Reiecta res omnis est Arcesilaum, si verae sunt Placidi litterae. Quid existimas ab eo proficisci posse, qui nobis numquam fuit amicus? qua caussa, nescio. Malum erat, rem deferri ad senatum: nisi hoc peius, agi posse sine legibus, sine iudiciis, sine iure. Quae cum miserrima sint, Christus tamen meus mihi spem facit, quem sancte & auguste semper colui. Si impetrari potest, ut testes me praefente producantur, vicimus: homines a mendacio compositi, ardorem vultus mei non ferent. Magnifice nimis tibi video fortasse loqui. Si ferent, curabo, ut imparati rursus testimonium dicant. Incredibilis est obliuio hominis mendacis. Sed numquam illi, mihi crede, se in conspectum dabunt, agent omnia subdole, concitatibunt odia, rumores spargent: ut mulieres, puera,

eri, seruitia, si quando occurrant, inuolent mihi in oculos vnguis. Tu velim Senis essem: si forte non es, tabellarii praesto essent, Placidum conuenires. Vbi vbi tamen eris, quid agatur, quid actum sit, quid futurum etiam opinere, diligentissime ad me perscribas. Ego si quid interea statuero, faciam te certior rem. Vale.

## VII.

AONIVS PALEARIUS  
FAVSTO BELLANTP  
S. D.

**E**T si dici non potest, quanto cum animi mei sensu ac dolore caream rebus mihi carissimis: quamque abs te inuitus absim; qui prope aequo dolendo consolari, & commentando admonere posses, quid in hac re agendum sit, tanta praesertim frequentia coniuratorum, qua nihil mihi in Hetruria tutum fore existimo: Mafaeus tamen noster ita a molestiis conatur abducere, ut acerbitas, quam ex significacione rerum indignissimarum accepi, melius feram. & in ea vrbe, in qua nihil est praeter hunc & Cincium, quod me delectare possit, tam lubens sum, quam in Ceciniano, & Areola. Homo omnium officiosissimus nihil eorum praeterit, quae vel consolationem adferre, vel adiumento esse possunt. Et quoniam ab initio aetatis mei iis studiis fuisse deditum memoria tenet, quibus ipse magnam gloriam est consecutus: historiam quamdam, & illustrem explanationem rerum, quam ex notis numismatum antiquissimorum collegit, mihi recitat. ea quoniam puris & electis verbis composita est, numerosa & multiplex, ita me delectat, ut saepe ad multam noctem lectionem producamus. Fructus vero, quem ex liberalitate eius vi-

ri capio, is est amplissimus: quod nihil omnino se habere putat, quod non sit meum. Numismata mihi donauit: pecuniam, libros, liberalissime omnia pollicetur. Haec ego ad te, quod erat in iis litteris, quas Pasalius attulit: si taedet te tuorum Romanorum, redi obsecro ad nos. Sic habeto, virum egregium esse Mafacum: num in tantis fortunae aceffionibus quidquam de pristina voluntate remisit, aut immutauit? Est illud quidem Lampridii mei certissimum: cum diis hoc habet vera nobilitas, ut vel secundis, quantumuis rebus, neque tumescat, neque caecutiatur. Is me adhuc humanissime retinet, grauius se laturum ostendit discessum meum. Hernici tamen exspectant: sed longa via est, nee satis tuta. Algidi silua latrociniis infestior facta, vallis montana obsessa dicitur, Columnii sunt in armis: nihil agam temere, non tam mea caussa, quam quod tu ita iubes. Haec vxori meae, quae de me plus etiam quam oportet solicita est, caue dicas, ne ad metum hoc etiam. Nam, ut audio, miserrima est omnium mulierum: quod ego cum fletu scribo. Fortiter enim ferre nequit fortunam nostram, & in lacrimis iacet totos dies, & moerore conficitur: ea cogitat, quae fidelissima coniux, quae prudentissima femina, quae accidere possunt: ne acciderint, dii adhuc prohibuerunt. Consolare eam verbis meis, si in municipium Collinum profecta est, & vos in castrum Mactianum ibitis. Obsecra matrem, ut eo diuertat. Si spes nulla melior erit, fingat aliquid fakem, ut e luctu miseram abstrahat. Nam quod scribis de Arcesilaoo, cuiusmodi sit, non satis intelligo. Mitto ad te exemplum earum litterarum, quibus Volaterrani solicitati sunt. Is ut ab ea mente desistat? non credo. nam

nam si amicus est, quid ergo eius pueri Florentiae sunt? quid inimicitias extinctas suscitat? Nihil homini deliberatus est, quam ut me, quacunque ratione possit, euertat. Sed ego iam humana contemno: fortissimo animo sum. Si quid aduersi accidat, commendo tibi liberos meos: fuscipe, ac tuere pro tuis. Si vixissem diutius, multa, mi Fauste, abs te in me officia proficisci, necesse erat: ea omnia in eius liberos confer, qui ut fortunas tuas, & patris dignitatem, & vitam tueretur, potentissimorum hominum inimicitias suscipere non extimuit: ut vos parvulos feruaret, patriam & suos reliquit, solum vertit. Liberos meos tibi commendo, mi Fauste: illudque memineris, quod dico, non modo ut me imitere, sed ut vincas etiam. Cum pater tuus Patauio abiens, paucis ante diebus quasi moreretur, te & fratres mihi commendasset; sic eius verba haeserunt in animo, ut numquam excederint: sic inflamarunt, ut neque morte putem extingui posse commendationem clarissimi viri. Vale, pridie nonas Martias. Romae.

## VIII.

AONIVS PALEARIVS  
PTERIGI GALLO

FAMILIARI SVQ.

S. D.

**V**ellem in meis grauissimis & molestissimis temporibus in Hetruria esses. Ioannelli quidam, fex populi Senensis, diem mihi dixerunt. Deus nos iuet: nam inimiciores sunt Christo, quam Parthi. Possem ego vitare periculum, sed nolo: ne culpa aliqua subesse videatur. Iudicium non metuo, qui sum innocens: nec vitae sum cupidus, flagrans infamia. Magna me spes tenet, si contra turpisimes

te-

testes dicere possim, & accusatoribus respondere, vt huic iniidae finis aliquando reperiatur. Iudex nobis futurus est antistes grauissimus, F. Bandinus, frater Marii mei. Hominem mihi ob studia amicissimum, a me prope ab alienarunt furiae illae: quae, vt intelligo ex litteris hodie ex Heturia allatis, adhuc ignorant, me Romae esse: quae res peropportunityne cadit. Sadoletus, homo cum doctus, tam sanctus, omnium meorum non modo studiorum, sed cogitationum maxime conscius, legatus in Galliam proficiscitur: permagni interest, vt eum conueniam Senis, quasi ex municipio Collino veniens. Iisdem litteris significabatur, Florentiae solicitari veteres aduersarios. Multa mihi uno tempore subeunda sunt: vereor, ne possim sustinere. Tua nunc mihi fide, diligentia opus est. Quare cum primum has legeras, para, accinge, expedi te, insili in equum, volatui amoris est, magnis itineribus contendere, vt ante etiam, quam fieri posit, me consequare.

## VIII.

AONIVS PALEARIVS  
PTERIGI GALLO  
FAMILIARI SVO

S. D.

**C**ommmodum in taberna Viterbiensi adfederam, paullo ante noctem: cum Fabius cursor e Gallia venit, mane in urbem iturus. Haud ab re duxi, ad te aliquid litterarum dare. nam cum coenati cubitum iussimus in idem conlaue, ille continuo stertore coepit: ego somnum capere non poteram. Legi diligenter eas litteras, quas ex Heturia superiore die acceperam: cognoui consilium inimicorum. Nihil illis est liberatus, quam ut uno iudicio occupatum,

al-

altero implicent, ne possim emergere. Cum omnia cogitatione perlustrasset, nihil mihi visum est fieri posse prudentius, quam ante quam hostes sese moueant, intelligent omnia a nobis teneri. Scripsi epistolam bene longam ad Thomam, magistrum sacri palatii, quam ad te mitto cum his litteris. Putabam enim fore, ut quo tempore tu Coelimontana introires, Fabius Flaminia. Peto a te maiorem in modum, ne quam moram interponas, quin quam primum ad Bembum adferas fasciculum litterarum. Cae facias, ut te pudor aliquis deterreat. Patauii saepe cum eo collatus es: quid times? facta est Bembo accessio fortunae, non abscessio humanitatis. Omnia erunt ex sententia, si animus, si fides, si diligentia tua non deerit. Memineris, te saepe, praesente me, deos orasse, ut aliquid accideret, in quo ego tuam fidem & diligentiam cognoscerem: nullum fuit tempus, quo magis ego indiguerim opera tua. Philonardi Romae sunt; eorum eximum & singulare studium est, in defensione salutis & dignitatis meae. hos tu conueni quotidie. Cincium quoque: nam iste nos vere amat. Ceteros, quos non nosti, est omnino difficile ut conuenias, ista praesertim virginali verecundia: in quam ego multa eram scripturus, nisi me lucerna defecisset. X.

AONIVS PALEARIVS  
T H O M A E  
MAGISTRO SACRI PALATII  
S. P. D.

**N**isi ego te summa probitate virum ex iis laudibus, quae de te pulcherrime perferuntur, cognitum haberem, ad bonorum iniurias vlciscendas, innocentiamque tuendam, tua sponte satis esse incitatum;

num-

numquam ego sic meis litteris confidisse, ut tua opera furiosissimi atque ini quisissimi hominis, aduersarii mei, non modo sustinere, sed reprimere impetum me posse arbitrarer: praesertim cum homo ille insaniens, omnia intentarit, ad omnium pedes se abiecerit, ut aliquam mihi molestiam suis praestigiis exhiberet: facileque possim suspicari, eius peruersa hac diligentia aliquid fortasse ad te de me iam ini quisus fuisse delatum. Quod si factum certo scirem, purgarem ego me tibi primum, homini aequissimo: deinde, ut cumulatius satisfacerem, adpellarem hic ego Bembum, Sadoletum, Polum, Ceruinum, Philonardum, viros optimos, & sanctissimos, virtute ipsa in altissimum locum prouectos: ex quibus omnem vitam meam, mores, studia, potuisses cognoscere: quorum ego testimonia eius dignitatis puto esse, ut nihil apud bonos possit excogitari religiosius. Haec non eo dico, quod mihi in dubium veniat humanitas & aequitas tua; aut quo verear, ne meis litteris parvam fidem sis habiturus; sed ut facile homo prudensissimus intelligas, si quis iniuriosus in me maledicto existiterit, quam verax is esse posit, qui cum tantis & talibus viris non conueniat. Nunc multa omittem, quae in medium proferre possem, ea breuiter attingam, quibus tu meam integritatem, impurumque animum aduersarii mei possis cognoscere. Cum superioribus annis emissem villam A. Cecinae, quae fuit in agro Volaterrano; & oppidani Collini, in quorum finibus nunc Cecinianum est, me summis honoribus adfecissent: conuenere me officii caussa, incredibili humanitate philosophi duo, eius quidem artis, quae naturae considerationem continet, bene periti. Li cum familiariter accepti, coenassent etiam apud

apud me, nonnulla ex iis, quae subobscure scripsit Aristoteles, in quaestione vocauerunt. Postridie eius diei, allecti credo studiorum similitudine (quoniam nihil est potentius ad iungendas artificias) post coenam ad me redierunt, & quaedam, quae in libellis meis de animorum immortalitate carminibus prosecutus fueram, petiuerunt a me sibi repeti altius, familiariusque edisseri. Id cum ego fecisset, necesse fuit, multa a me adduci ex sanctissima facultate theologorum, quae me semper mirifice delectauit. At vero, quia cum iis sermo erat, quorum ingenii nihil ego vidi acutius: alterque eorum dialecticam publice docebat, alter in disciplina peripateticorum aetatem consumserat; tractavi locos communes argumentorum non indiligerenter. Venerat forte illis ipsis diebus homo quidam in oppidum, animo audaci & subdolo, ad concionandum. Is primum (puto, ut exspectationem faceret) iactare, se in Thomam Viuum Caietanum scribere, quod multa in eius libris errata deprehendisset? deinde quia parum id credebatur, praedicare, se in Germanorum assertiones editurum volumina. Eo rumore ego quoque adductus (praesertim quod, cum faciem videoas, videtur esse quantius precii) accessi ad eum perhumaniter, interrogandoque coepi experiri, quid in peripateticis posset. Vbi philosophiae prorsus ignarum, sed verbo-sae contentionis audiissimum noui, neque graece neque latine scientem: thusci etiam dicendi generis, quod & lepidum est, & venustum, prope imperitum: coepi percontari quosdam domesticos eius de voluminibus in Germanos; ibi domo facetus exclamat, furem esse in oppido: vidisse se, Echium, Rofensem, Marcellum, Lancilotum male compilatos: in tot

tot furtis indignum facinus comperisse: ornamenta omnia, si qua in illorum libris essent, huius opera te-nebris inuoluta, barbarie respersa, conuestita pau-pertate incredibili orationis, & infelici siccitate ver-borum, omnibus contumeliis adfecta. Hic cum e-  
go rissem, neque ad eius quotidianas conciones ac-cederem; delatumque etiam esset, ridere me eius scripta: quid putas, potuisse se hominem ferocem, am-bitiosum, arrogantem continere? Vultu, colo-re, motu corporis atque animi varius, mane in con-cionem prodire: conclamare, illatam sibi esse ini-  
ritiam: flere, obsecrare, obtestari oppidanos, so-llicitare plebem in meam perniciem: occasione item accepta disputationis, quae mihi cum physicis fuerat, im-pingere infamiam, & capitum accusare, coniurati-onem facere cum affeclis sui simillimis: consilia fini-re, quibus non modo oppidanorum animos auerte-ret, sed raperet etiam in inuidiam principis optimi florentissimae ciuitatis totius Hetruriae. In has sa-lebras cum me quasi ioco incidisse viderem, & licentia quadam furere aduersarium, egressum iam omnes modestiae cancellos: neque si tacerem, in probris vomendis, in concionibus finem ullum esse facturum;  
scripsi biduo apologiam, per quam incuterem pri-mum homini impudentissimo timorem, ut agnosce-ret se aliquando, inciperetque vereri, eius insciti-am posse ante oculos eruditorum nudari; intellige-retque, nihil sibi in vulgari illa loquacitate praefidi-fore. Deinde si ad principem ciuitatis, illustrem quidem, & excellentem imperio & ingenio iuuenem, caussara (vt minabatur) deferti curasset, perfectum iam esse industria mea, prouisumque, vt nihil mihi ab mendo, ex quo homo totus est compositus, peri-  
cu-

culi esset. Adhaec illud accedebat, quod de virgi-  
ne sanctissima, cuius nomen reuerentiae & pietatis  
plenum est; edictum grauissimum concilii Basiliensis  
contemserat insolenter, ut solet omnia. Credo prop-  
terea, quod nullum inscitiae proprius coniunctiusque  
malum est, quam arrogantia: qua sibi hic omnia li-  
cere putat. Eam ego apologiae partem existimabam  
oppidanis fore non iniuciundam, quaque possem e-  
orum animis mederi, quos ille magnis clamoribus ab-  
alienarat, & suspicionibus prope infecerat. Scripsi  
apologiam, ut dixi, bido: misique eam ad Petrum  
Victorium, ciuem egregium Florentinum, vitae in-  
tegritate, morumque modestia, & liberalibus studiis  
excellentem. Id cum rescisset aduersarius, legisset-  
que apologiam, cuius copiam feceram, mirum est  
quam praeter omnium opinionem animo deciderit.  
Curatum interea tamen est ab optimis viris, qui in  
oppido erant, ut cum illo redirem in gratiam. Ita-  
que humanissime accessi ad eum. Ille me dextra  
prendens, purgauit se de iniuriis illatis: culpam in  
irae motus repentinus reiecit. Accepi ego excusati-  
onem, simultates omnes christiana pietate deposui:  
offensionem, odiumque omne ex animo deleui: a-  
pologiae item exempla, quae ad nonnullos mittere  
statueram, conieci in ignem, ne quod alicubi inimi-  
citarum vestigium adpareret: vnum tantum apud  
me exemplum relicitum, alterum habebat in mani-  
bus Victorius, tertium erat apud aduersarium. Re-  
bus ita compositis cum is ad suos rediisset, nihil ego  
iam suspicabar, nihil metuebam, praesertim cum bi-  
ennio amplius nihil mihi cum rabula negotii fuisset:  
& ego relictis magnis istis caussis theologorum, retu-  
lissem me ad mansuetiores musas. Itaque cum om-  
nia quieta putarem, ecce ad me litterae ab amicis: fu-

rere nunc aduersarium meum , iactare vbique minas ,  
rumores non honorifice de me spargere , turpissime  
in concionibus adpellare : epistolas etsi nulla latini-  
tate plenas , tamen omnium in me probrorum , reci-  
pere se cum libello editurum , nihil nisi contume-  
liosum cogitare : muneribus quosdam subornasse  
etiam , vt Romae maledictis onerent , faciantque in-  
uidiosum me apud dominicanos : nihil ferme per bi-  
ennium curasse , nisi vt quam plurimis incommodis  
me solicitum reddat . Quae omnia , nisi restitissent  
optimi viri , amici mei , non dubito obnixe fuisse fac-  
tum : magis vt eruditionis nomen apud plebecu-  
lam adsequatur ex contentionibus istis , quam vt mi-  
hi periculum creet . Nam hoc ipsum , ne quis me  
laedere possit , faciet , vt spero , vita mea , & specta-  
ta studia a puero : quorum vt imaginem aliquam vi-  
dere possis , mitto ad te orationes , quas scribere in-  
ceperam : non quod in illis tale aliquid sit , ex quo  
me praeclaram aliquam laudem consecutum putem ;  
sed vt omnibus modis intelligas , quam iniqui homi-  
nes sint , qui non sinant me in iis studiis acquiescere ,  
in quibus fixi mentem , & cogitationem meam . Quod  
igitur per ingenium tuum , & virtutes animi egregias  
a te peto , breue est , vt si quid ille umquam de me ini-  
quius deferendum curarit , non modo eius impuden-  
tiam redarguas , sed eius audaciae satellites & admi-  
nistros tua grauitate frangas . Quod si quis apologi-  
am produxerit , qua bellua putat me capite oppugna-  
ri posse : in qua tamen , vt arbitror , nihil tale est ,  
quod boni cuiusquam animum possit offendere , nisi  
quod sint in ea quaedam fortasse liberius dicta ; adse-  
ras , id omne factum eius culpa , qui in concionibus  
nullam christianaæ modestiae , nullam pietatis ratio-  
nem

nem habuerit: sed lacesſiuerit impie, pup̄ ḡ rit pe-  
tulanter, turpisſime adpellarit, foeda & falsa qua-  
dam, & me quidem (ita me dii ament) omnino in-  
digna ad populum euomuerit. Quod si tam cupide,  
tam effrenate alterius laedendi libidine efferatur, vt  
non intelligat, eos qui religiosi adpellantur, debere  
moribus esse temperatisſimis, cautum esse legibus ma-  
iorum: turaturumque esse te, qui loco tam excelsō  
& illustri ſedeas, vt ſentiat id ſuo cum magno malo.  
Sed quid ego te, quem ſuauifimis litteris ad amicitia-  
m allicere debebam, moleſtissimis obtundo, cauſa  
leuiſimi hominis? Obſecro te, mihi humanifime &  
doctifime Thoma, ne id mihi vitio des: fed impor-  
tuñiſimo homini, aduersario meo: cuius ineptiae  
tam multae ſunt, vt inimicis quoque ſuis non nihil  
impertiat. Eius ego audaciam, quae in urbem quo-  
que (quod vix credo) peruolaffe dicitur, ſi intellexero  
aliquando tua opera retuſam; faciam profecto, vt ſi  
non tam multis verbis ſcriptas, at ſuauidores poſthac  
a me litteras accipias, plenas quidem amoris & obſer-  
uantiae erga te meae. Vale.

## XI.

AONIVS PALEARIVS  
PTERIGI GALLO  
RAMILIARI SVO  
S. D.

**I**Dibus, iam vesperi, cum veniſſem in ſuburbanum  
Bellantis, Senas non ſum ingressus: quod in ea  
ciuitate nihil mihi tutum, nihil infidiis vacuum pu-  
tarem. Mane paullo ante lucem, ne quis conſpec-  
tus fieret, iter faciebam per vallem Marcianam: at-  
que eo die putabam in municipium Collinum, in Cli-  
to offendit miliones Furii tui, quibus in via dedi hoc

litterarum. Amico nostro dicas, noluisse me nominatim adpellare aduersarium: quod nesciam, an quae ad me adlata sunt, vera sint omnia. Si ille, ob reconciliatam gratiam, me non laedendum putat: ego eum non modo non laedendum, sed ne offendendum quidem arbitrör, & certe ad rem nihil interest: aduersarius nobis est, quisquis negotium fasescit. Dembum conuenias quotidie. Homo acutus & prudens, intelliget te mea causa Romae esse: nihil differret, vt expeditus ad nos reuertare. Philonardi satius per se incitati sunt nihil est, quod labores. Illud potius cura, vt sciam, qua die Sadoletus Roma exibit. Eo praesente, mira alacritate sum ad pugnandum cum accusatoribus, & mendacissimis testibus; si prodierint. Sed ille fortasse exiuit: nam Senis ea apparari audio, vt non possit longe abesse. Angor singularium horarum exspectatione.

## XII.

AONIVS PALEARIVS  
FRANCISCO BANDINO  
ARCHIEPISCOPO SENENSI  
S. D.

**E**T si mecum ipse statueram, nisi cognita caussa, absoluoque iudicio, nihil omnino scribere ad te, summa prudentia, amplitudine, & grauitate vi-  
rum: ne meae primae litterae, quas ego & suaves &  
iucundas esse volebam, molestiae aliquid haberent,  
& offensionis. Solet enim fieri, vt quae principio  
stomachum fecerint, numquam possint esse iucunda.  
Quamobrem consulto in illud tempus differebam,  
quo tibi gratiae agendae essent, vindici veritatis  
sanctissimo, & patrono optimo innocentiae meae.  
Fregit tamen hoc consilium improbitas aduersario-  
rum

rum meorum, qui christiana pietatis umbram fortasse aliquam tenent, solidam atque expressam effigiem certe nullam. Nam quod me in vulgi voculas obiecerint, quod seruierint inuidiae atque odiis, quod dolo malo & rumoribus concitarint in me infinitam hominum multitudinem, non puto eos didicisse a Christo. Sex menses sunt ipsi, quibus præterea aliud actum curatumque est nihil, nisi ut indignissima accusatio confletur, allegentur florentissimi homines ciuitatis, constituantur quam plurimi testes partim e plebecula, tenues, atque ita rerum, de quibus testimonium dixerunt, imperiti, ut si quis alias non indiligens roget, peream, nisi vel non illa eadem, vel pugnantia loquentur: partim ex nobilitate irati, factionibus accensi, non idonei vel ex eo, quod cum iis nullus mihi usus, nulla consuetudo, nullus sermo umquam fuit: nihil mearum scriptionum legerunt: quae eti cuiusquam pii animum non possunt offendere, in iis tamen conquirendis, ut ob idipsum in suspicionem vocarent, aduersarii coelum & terras miscuerunt. Quae omnia, quis non intelligat, ad infamiam, ad notam mihi inurendam pertinere? Nemo enim fuit umquam tanta sanctitate, qui eiusmodi testium concitatione, & sinistra diligentia accusatorum, cauere satis potuerit. Omitto Socratem, & Scipionem, Rutilium, Metellum: fuit in his aliquid, quod vitio dari posset. An non sic olim, quo nemo melior, nemo sanctior, circumuentus est innocentissimus Christus? Facile est verba ab imperitis, & inuidis multis, singillatim non una de re extorque-re, quae sophistes possit improbare. Recitantur saepe etiam aliter, ac dicta sunt: plerumque in aliam partem accipiuntur, quam ab auctore sunt pronun-

ciata. At quo se vertat vir bonus? quem implores,  
aut adpellet? ubi non modo verborum, sed animi sui  
fensem, emissarios & obrectatores videat interpre-  
tari? Serpit interea rumor, & aliquid de suo addit:  
multi ex auditionibus mouentur, & secundum fidem  
& religionem existimant se testimoniū dicere: si  
quid reus auxilii habet, hoc etiam anteuerunt. Ecce  
quid, dñi immortales, ab istis ipsis est praetermissum,  
vt C. Franciscum Sfondratum, lectissimum & maxi-  
me illustrem virum, patrem patriae tuae, & Francis-  
eum Crassum praetorem & fortissimum iustitiae du-  
cem, conseruatoremque aequitatis ab alienarent?  
Quid? si te, tanta grauitate & constantia virum, per-  
manenter mei, cuius mehercule imago in animo mihi  
semper versatur, cum de fide, de pietate in amicos  
soleo cogitare, prope abduxerunt? Nam probitatis  
opinione sublata, quae misifice coniungit ac conglu-  
tinat animos, amicitiae vincula relaxantur. Itaque  
ut ab amicis imparior essem, existimationem meam,  
si quamvis est, quae parua sane est, & per exigua,  
sexcentis locis oppugnauerunt. Atque ut vetetes in-  
jurias prætererem, quid de recentibus dicam? ob ru-  
mores, quos spargunt in ciuitate. Proximis enim  
diebus, cum sanctissimus vir Sadoletus legationem  
obiret, & per Hetruriam iter faceret, fuissetque apud  
te, venissemque cum salutatum: commendauit ille  
me tibi maiorem in modum, cum testificatione etiam  
studiorum meorum, & amoris in me sui. Visus est  
hic mihi animus tuus suboffensus. nam accepta est  
commendatio duriuscule exaggerata sunt item om-  
nia, quae aduersarii pusilli & malevoli, inuidiose su-  
perioribus mensibus obiecerant. Quae res et si me  
conturbauit, respondi tamquam modeste & humaniter,  
cul-

culpamque omnem in eos reieci, qui de me aliqua ad te iniquius detulissent. Vix peruereram ad virginis, cura mihi nunciatum est, in foro sermonem opera adversariorum increbescere: dicere alios, me accusatum tuspiter tacuisse, neque verbum potuisse proloqui: alios, respondentem grauiter obiurgatum a Sadoleto: quorum vtrumque tam falso est, quam quod maxime. Respondi enim, quantum mihi eo tempore visum est satis: vel habenda ratio non erat dignitatis, amplitudinisque tuae? Egone in conspectu legati obstrepere audeam antistiti sancto, at quo augusto? quem colui semper, & obseruaui. non faciam. Huiuscmodi modestiae neque me poenitet, nec poenitebit x̄mquam. Aberant accusatoes, abdiderant sese testes: qui si ausi fuissent se in conspectum dare, audissent fortasse multo plura, quam voluisserent. Huc accedit, quod illo ipso die cum Senas vniuersitatem, praestoque mihi fuisset Ambrosius Spannochius, antequam salutasset dexteram porrigenus, ut solet: hem, inquit, Aoni, quam tibi gratulor: inuidiae nihil loci est: habes defensorem tui, optimum virum. Cum interea consedissemus, narrabat mihi, senatores vel nobilissimos quatuor fuisse ad te veluti a fernatu missos, qui pereontarentur de vita, de studiis meis. ibi te tam amice & liberaliter respondisse, ut deieraret, nihil mihi per te deesse ad summam gloriam. Quare cum hora sexta diei venisssem ad Sadoletum salutandum, veneram etiam ut te viserem: gratus quidem, & memor, qualem me natura fixit, qui non iniuriam pro gratia, sed gratiam pro iniuria referre velim, & cupiam; qui que si tantulum benevolentiae oculis, ore, vultuque significetur, contumelias & similitates deponere sciam, & possim: idque

puto, in primis esse christianum. Id aduersarii numquam didicerunt; sed iniuria augere iniuriam, & odio cumulare oditum. Eo spectat, quod de obiurgatione commentantur. an quod a Sadoleto amicus sum appellatus; quod testimonium datum est, me de iis rebus, quae in quaestionem vocantur, Romae secum differuisse: numquam discessisse me alia opinione, quam quae firmissima semper est habita: id vero non fuit per honorificum? Adhuc cum obiicerentur quaedam, quid humanius, quid lenius cogitari potest eius admonitiones? cum is, qui dignitate, auctoritateque sua imperare posset, ut est humanissimus, orauit, ne rerum nouarum studiosus essem. Cui cum respondisset, me nouarum rerum non esse studiosum, qui putassera numquam quidquam esse veritate antiquius; cumque in digressa te praesente vocaret, & eadem repeteret: recepi, ea mente me semper fore, quam bonus quisque optimam semper iudicasset: haec grauis, haec turpis, haec foeda obiurgatio fuit? Habuit, fateor, oratio Sadoleti ponderis apud me tantum, ut enixe sim curaturus, ut in his, quae pietatem laedunt, non modo a scelere absim, sed suspicione etiam vacem. At quod is vir, quem tanti facio, quanti praeterea neminem, iratus, acer, contumeliosius in me fuerit; tam mentiuntur aduersarii mei, quam solent semper. Haec a me pluribus fortasse, quam oportet: cupio enim, & iam pridem cupio, ingenia leuitatis, impudentiae, arrogantiae plenissima, in hoc meo casu dignosci. Nam quae de te grauissimo viro etiam loquantur, cotram fortassis aliquando. Exstant eorum litterae, quibus se summis precibus abs te ad accusandum accitores adserunt: coniurationem tuo consilio in me factam,

tam, solicitatos inimicos meos Volaterris & Florentia vsque litteris tuis. Quae omnia non eo dico, quo mihi in dubium veniat tua fides, candor, integritas honestissimae familiae Bandinae: sed ut eos iam cognoscas, qui ad te cursant, homines mendaces, veteratores, qui vt accusatorium nomen abiificant, quod illiberale ac sordidum apud omnes gentes & nationes semper fuit, summa amplitudine & dignitate antistiti obiicere non verentur. Piget enim, credo, miseros, ac pudet, quod tantas mihi tragoe-dias excitarint: qui nihil sanctum, nihil firmum in meis dictis, scriptisue esse volo, nisi quantum probet ἐκκλησίας καθολική, καὶ ἀποστολή. quam sententiam plenam animi, plenam spiritus, plenam pietatis, veluti firmissimum testimonium depono apud te sanctissimum virum: quod sacrarium nullum sci-am religiosius: ex quo, si quando usu venerit, expeditius depromere illud ipsum possim ad frangendam improbitatem, & retundendam audaciam adversariorum meorum. Vale, ex municipio Collino.

## XIII.

AONIVS PALEARIVS  
HORATIO MALEVOLTAE  
EQVITI S<sup>r</sup> D<sup>r</sup>

EX litteris amicorum, & sermone omnium, qui ad me veniunt, de tuis magnis erga me officiis, & benevolentia ista incredibili, quotidie accipio mea summa cum voluptate. Non mehercule cupiditate rei alicuius, quam tu cum optimis & florentissimis iuuenibus, omni studio & diligentia ab Octouiris petisti; sed admiratione ingenuitatis animi, & ingenii tui. Nam mea erga te merita, neque tanta, neque eiusmodi fuerunt, ut mea causa tantopere sit elabo-

randūm: praesertim cūa fuscipendas tibi simul videam inimicitias potentissimorum hominum, qui veluti furiae quaedam ad perdendas familias, ad delendos ciuium ordines natū, vnius hominis calamitate contenti esse non possunt. In horum ego te furores incidere nolle, qui odio inueterato ratione certa regi nequeunt. Sicuti enim in hieme, cum plures dies tempestates secutae sunt, si serenitas coeli aliqua contigerit, subito non est credendum; sic iis, qui factionibus omnia euertere consuerunt, si meliore forma reipublicae conquiescere visi sunt, fidendum non puto: meliusque, si tibi videtur, petitio dimittenda est, quam committere, vt in discrimine veretur dignitas vtriusque nostrū. Si non impetrabis, quod tanto studio & contentione postulas, qua laetitia adficiantur aduersarii? Si impetrabis, quid tandem? praemia interpretationis perexigua sunt, labor sustinendus non mediocris. Scriptiones meas neque tu, neque ego (quamquam ineptissimae sunt) ita parui facimus, vt isto stipendio compensemus. Quanti vero illud est, quod impurissimi homines rogandi atque obsecrandi sunt? quos ego, si obuii mihi fiunt (fiunt autem quotidie) nymquam saluto. Hoc munere accepto (me miserum) semper erit adsurgendum. Si qui me accusant, quod mihi ipsi deesse videar; non modo in bonam, sed in optimam partem accipio. Ex amore enim quodam in me praestantisimorum iuuenium proficiisci video, exspectatione studiorum. Eam ob rem magnos concursus fieri audio ad aedes octouirum. Quam vellem, si commodo nostro fieri possit, satis ad referendum gratiam facere honestissimis iuuenibus: vereor, ne cum senserint me ita frigere, eorum animos offendam, quibus

bus placere summopere cupio. Tu, qua et tua est humanitas, eorum desiderium leni, si grauiter ferre intelliges: potius quam ab alienemus, faciamus, ut iubent. Perge, quo coepisti ordine. Pater tuus, clarissimus vir, multum nos commendatione adiuuabit: eius consilio cupio te omnia administrare, quod officiosus est; & diligens, & prudens, & mei amantis simus. De Fabiolo, quem animo in nos inimico esse dicas, nihil miror. Miseret me adolescentis, qui a Macho Blaterone indies virus accipiat, quod in nos turpissime euomat. Quodcumque hoc est, ex officina illius est, in qua barbaries, furo graecae linguae illita, triumphat. Sero tyronem poenitebit: neque prius, quam viderit, se in tantis vigiliis nihil adsecutum, quo schedulam possit scribere, dignam, ut item legatur. Nullus dolor exstat maior, quam is, qui fit recordatione iacturae temporis, siue quod viata cursus omnino breuis est, & propterea minima eius quaeque pars non negligenda: siue quod nobis ipsi consciit sumus male gestae rei, de qua eum aliis expostulare non licet, quod nos in causa fuerimus. Eius frater valde amatura me, & quia urbanus est, & suauissimis moribus, & quia me quoque amat. Huius rationem habeo, ne maledictum maledicto trudam. Neque vero dubito, istum ipsum tam auersum longe alia opinione fore aliquando, cum aetatis beneficio, & usu rerum multa didicerit: itaque nihil nobis magis est optandum, quam ut viuat. Vale, ex municipio Collino.

## XIII.

M<sup>·</sup> ANTONIVS PLACIDVS ALDELEI FILIVS.  
S. D.

AONIO PALEARIO MATTHAEI FILIO.  
Ego vero statueram initio petitionis tuae, quae ti-

ba

bi fuit tanti, quanti esse leuissima debent viro egregio,  
 atque homini bene docto, quicunque exitus contigis-  
 set, neque magnopere gaudere, neque dolere vehe-  
 menter. Sed posteaquam & praeclare tecum actum  
 video de repulsa, & pessime cum studiosis bonarum  
 artium adolescentibus: primum tibi gratuler necesse  
 est, quod ex ea magnus cumulus accesserit dignitati  
 tuae; deinde nostra, reipublicaque causa doleam,  
 quod florentis virtutis tuae fructibus iucundissimis ca-  
 rere debeat, propter hominum leuissimorum impro-  
 bitatem: quae cum illud non dederit, quod tu, is vir,  
 tam exiguis propositis praemiis petebas; tantum au-  
 xit dignitatis tuae, quantum imminuisset si dedisset:  
 & quantum non imminuit, tantum eripuit exspecta-  
 tionis, in quam maximam veneramus, fore aliquan-  
 do, ut per te florentem haberemus in republica juuen-  
 tutem. Haec cum ita sint, tamen ut & melius frua-  
 ris isto tuo tam excellenti bono, simulque interdum  
 miserearis nostri incommodi, atque ut in minimis  
 cognoscas, quos in maximis rebus cauere possis; scri-  
 bam ad te non solum, quae ipse vidi, quibusque in-  
 terfui; sed quae ab aliis audiui, quaeque etiam non  
 inani coniectura ducor ad suspicandum. Habuisti  
 igitur in petitione competitores Machum Blatero-  
 nem, & Licianum. Quorum Blatero audacissimus  
 homo, & impudentissimus, tantum profecit & di-  
 cendo & rogando, & interdum vehementius instan-  
 do & urgendo, ut & tu propter quorumdam stultitiam  
 & inconstantiam exclusus sis, & Licianus non admis-  
 sis, qui cum multae & graues inimicitiae interce-  
 dunt. In quo primum illud putare debes, non iu-  
 dicio moueri homines in republica, sed partim gra-  
 tia, partim precibus, ambitione multos: nonnullos

ve-

verb etiam propter inscitiam impetu quodam, atque temeritate duci ad iudicandum. Quod quamquam plurimis in rebus antea fueram periclitatus, numquam tamen, quam hoc tempore in tua petitione, aut illud patuit manifestius, aut ego acerbius dolui vicem reipublicae. Quo minus admirandum est, si tu vel praeteritus sis ab octouiris ab inopiam fautorum, atque aduersariorum copiam, vel ab nonnullis proditus per simulationem amicitiae. Vides enim, quam sint iniqua omnia, quam misera reipublicae tempora, quam non liceat bene de quopiam sperare. Nam quid illud est? Sp. Caecium, & A. Blasium Barbatum, qui magnis abs te beneficiis ornati, fatebantur olim tua caussa omnia & velle, & mehercule etiam debere; alterum ita Licinio fauere, ut te palam oppugnaret; alterum tam tui clam inimicum esse, quam amicum coram? quasi illud factum sit, multum oderunt, quia multum debent. Nam quod Caecium neque pulchre noram, neque poteram hominem tam ingratum & immeipdrem beneficiorum in animum inducere meum; tum fateor, me illi aliquando credidisse, a quo nefas putaram decipi, aut etiam cui ne vel expedire quidem existimabam; tum quod crediderim, improbitati & seeleri illius potius arbitror, quam imprudentiae credulitatique meae adsignandum. Quid dicam de A. Blasio? qui se tui defensorum acerrimum profitebatur, cum commemoratione benevolentiae, consuetudinis multorum & magnorum inter vos officiorum? O ego augur non ignobilis. Sic est enim (ita me dii ament) ut praedixeram, homo leuissimus. Dum virum prae se ferret esse te in primis eruditum, dum familiarissimum sibi; tamen quod de religione male, hoc est, non superstitione.

tiose sentires, nullo pacto censem adhibendum ad iuuentutem bonis artibus instruendam, ne eam inficeres opinionum prauitatem. Rides bellum theologum? Plane illud est certissimum, infensiorem in se natu, & apud octouiros, te, quam illum, habuisse neminem. Sed haec & plura cognosces, cum venetis. sunt enim eiusmodi, quae tuto litteris credi non possint. Cetera cuiusmodi fuerint, tu ipse coniicto. potes enim ex iis, quae dixi. Tantum ego dicam, dignitati tuae fauisse paucos, & eos impotentes: repugnasse plurimos, & eos potentissimos. De me autem, qui totus ex tua voluntate pendeo, qui que ad tuum arbitrium & nutum fingo & accommodo consilia mea, tibi persuadeas velim, quae ad te, tuamque dignitatem, quaeque ad officium meum spectarint, tanta me cura, studio, diligentia, quanta & debui, & potui semper, curasse omnia: idque non modo vt tu, quem maxime cupio, sed vt omnes homines intelligent, me tuorum, erga me meritorum neque ingratum, neque immemorem extitisse vnumquam. Quamquam & quod tibi tantum debemus, quantum omnes sciunt: quodque propter iniquitatem temporum apud omnes parum gratia possumus, in hac tua petitione minus plerisque ponderis habere nostra studia videbantur: atque ea, quae pro te facerem, officii caussa potius facere, quam quod ita sentirem, putabant. Tu vero praesta te eum, qui quam amplitudinem & dignitatem tot annorum studiis, laboribusque, atque isto praeclaro ingenio, singularique industria consecutus sis, in illustri virtutis tuae loco, non invoculis maleuolorum, aut nequissimorum inuidia positam existimes. Ita enim comparatum est, vt que in admodum maxima virtuti ma-

xima laus, debitum praemium sit; sic & inuidia laudem, atque inuidiam malevolentia subsequatur deportet. Quod reliquum est, dabis operam, vt quando homines infantissimi tui aduersarii hoc adsecuti sunt, vt quod petebas, non adsequerere; numquam tamen adsequuntur, vt cures, te illud non fuisse adsecutum: vt, quantum eosdem rebus omnibus superas, tantum animi moderatione & magnitudine potius vincas, ne se aliquid posse potent, si te tales virum vel transuersum (quod aiunt) vnguem de statu grauitatis & constantiae dimouerint, atque deduxerint. Vale, Senis.

## XV.

AONIVS PALEARIVS MATTAEI FILIVS

S. D. M.

ANTONIO PLACIDO ALDELLI FILIO.

Incredibilis tua erga me pietas omni ex parte elucet in iis litteris, quas ad me proxime dedisti, consilii, benevolentiae, & prudentiae plenas: in quibus cum sapienter & iucunde collegeris, quae ad consolandum plurimum valent, & ad declarandum amorem in me tuum, vtrumque illud es consecutus, vt quem tanti faciam, tantumque diligam, habeam omnino neminem. Et quidem tuis perfectis, magnam cepi voluptatem, quod in eo, in quo a nostris accusabar, quod non omnem animum ad petitionem adpulisse, & in ea sententia semper persistisse, vt ne honorem quidem ab improbis accipiendum putarim, intellexi probari abs te consilium meum. Quod si secti fuissent aequales tui, minus superbiae esset aduersariis meis: & plus gloriae nobis, quod aliquid facere visi fuissimus contemnendo, qui petendo nihil profecimus. Noli enim putare, me iam inde a prin-

principio non praeuidisse rei totius exitum, qui insciatiam hominum, qui factiones, qui inconstantiam probe nossem: in iis ut spem aliquam ponerem, qui omnia ad suum commodum referunt? qui, cum sint imperitissimi, sapientes vocari & haberi volunt. Age tu, ex iis, quos in republica versari vides, unum aliquem ostende, qui sciat, quid sit latine dicere? Age, ostende alterum, qui si de stilo sermo sit, non obtundat, non pronunciet veluti magnus rhetor? Quid est? Omnes imperiti arrogantes. An Machi Blateronis infantia, cuius perbelle ab Aretino fabula scripta est, ferri decennium potuisset, si inter primarios senes aliqui existissent amatores latinitatis? Herclecum istud mihi in mentem venit, incipio vereri, te, & Sallustium, & Faustum, nostros, minus fore gratiosos apud barbatulos istos: quod vos vel quasi perduelliones, vel perfugas habeant, qui ab eorum castris profugeritis; & elegans purumque dicendi genus secuti, reieceritis folidum & vitiosum. Nam, per deos, nisi aut tu iam nihil coniicis, aut ego semper insanio, quid aliud est, quod Hieron, vir aliqui grauis & prudens, Blateroni semper fauit? Sanctum nobis praeposuit, qui cum iniuriam hanc aliquando expostularem, nisi summa spe, summo ingenio eius filius me obseruaret, & coleret: cuius mihi ratio habenda est, quod nihil eo iuuene honestius, nihil humanius potest excogitari: sicut illoquacissimo sene Antonio nihil morosius, aut ineptius. Qui cum illud, cum iuuenale meo, canere cooperit, ita obdurescit, ut nulla cum ratio molliat, nihil a litteraturae opinione abducat. Sed ne ego singula prosequar, mitto alia, quae tu plura esse intelligis, quam velles. Venio ad octouiros, πρόσθε λέων, οπάθεν

δέ δράκων, μέσον δὲ χίμαιρα. Dii vestram fidem: quae minae, qui rumores de purgando gymnasio? Nunc ita frigent, ut Ilcinius in tuto sit, Veteram-en-tarius non dubitet, Blatero serio triumphet. Peto a-te, ne quid hinc boni exspectes. In ea enim ciuitate, in qua priuati comniodi magna ratio habita est, numquam floruit vlla respublica. Circumspice om-nes gymnasarchs, qui tibi notissimi sunt: neminem reperies, qui non propinquis, conjunctis, amicis stipendia perhonorifica esse velit. Nos semper vel praeteriti sumus, vel oppugnati: quorum alterum satis aequo animo ferimus, alterum sane graui; quod non ita de iuuentute meriti sumus, ut haec sperare-mus. Nam siue eam philosophiae partem, quae ad mores attinet, pertractauimus interpretando; siue eam, quae differendi ars dicitur, disputando: nihil obfuiimus ingeniis, quibus haec ipsa erant proposita. Quod vero ex arte iam aliqui scribunt, & eloquentiae studia vigent inter vos, totum hoc nostrum est. Eam quoque partem, quae est de rebus diuinis, cupieba-mus oratione illustrare: at quoniam nihil a nobis longius abest superstitione, videmur fortasse nonnullis non idonei. nam cetera vitae testimonio satis probantur. Risi Blasium theologum, qui cum quotidie bene mane ad pedes statuae se abiiciat, & prouoluat, aces tamen alienum non dissoluit: ipse in auro atque argento, creditores in situ & squalore: in animum induxit, sedeo, sicut & creditoribus, per astum posse illudere. Enim vero numquam putassem, tot il-lum scire comminisci dolos. Nae ego homo infelix sum, qui ducem huiusmodi consiliorum meorum de-legeram, moderatorem petitionis, ultorem iniuria-rum. Eques noster Horatius, primus vidit, me cir-

Mm

cūm-

cumuentum, atque desertum. Eo spectabat risus ille octouirum, cum alter alterum intueretur. Mirari satis hominis perfidiam non queo, quam consecutus sum omnibus vestigiis. Sperauit (dii prohibeant) Bellantes meos a me abalienatum iri: illum, illum me defensorem fortunarum, custodem familiae, seruatorem patris, buccinatorem laudis & gloriae Belliantiae volebat excludi: atque haec omnia clam. Interim vero blande salutabat, arridebat festiuue, prehendebat manu: sed dies ipsa prodet hominem, siue illum mores vlciscuntur. Posteaquam nos sibi amicos esse noluit, habeat inimicos: & quoniam multa ab illo clam in nos profecta sunt, palam gratia referetur. sine modo thusce scripta edantur, par pari aliquando. Quantum in me oppugnando a mulierculis amari voluit, tantum sibi in vita sentiet esse amari. De Sp. Caecio neque credidi quidquam: neque ante tuas litteras, vt cum improbis sentiret, potui adduci. Magnum capio dolorem, illum contra mestetisse: sed multo maiorem, eum non esse talem, qualem sperabamus: cuius in me officia, non tu magis desideras, quam eius frater, quam omnes boni. De te vero, quem tua virtus & vera nobilitas non sinit esse dissimilem tui, tantum mihi polliceor, quantum animo complecti potius, quam verbis exsequi possum. Quid enim non pollicear? si me abs te mirifice diligi, certissime sciam, inuitis etiam tuis? Quod non eo dico, quod de te dubitem: sed ne, si ego id nescire dissimulem, tu fortasse me minus ames. Vtinam, Marce, quam amicitiae legem sanctissime collis, alii non ita violassent: vt iam necesse sit, me vel mihi ipsi manus adferre, vel dolore confici, atque absumi. Quantum enim (vt tu sapienter mones) in-

con-

contemnendis honoribus, in ferendis iniuriis fortis; tantum in ignoscendo clemens esse; & videri vellem: sed dum ipse contorta tela, quae capiti & cordi infixa haerent, mihi reuellere conor; alia adhuc coniicere non desistunt. Quamobrem nihil tibi & amicis mirum videri debet, si vel in reuellendis, vel excipiendo telis, vocem aliquam emisero, qua vel quasi repugnans furiosos deterream: vel miserabiliter ingemiscens, significem dolorem meum. Vale.

## XVI.

AONIVS PALEARIVS  
FRANCISCO CORSINIO

S. D.

**E**go pro tuis magnis, multisque in me officiis, quantum tibi debeam, facile intelligo: tu quantum a me amaris, ut re ipsa intelligeres, quod unum maxime semper optauis, non sum adsecutus. nam et si quae ad tuorum commodum, honorem, dignitatem pertinent, curauis diligenter; is tamen exitus fuit rerum, ut vel magnam ex eo capiam molestiam, quod singulari meo studio atque opere, ne dicam labore, bis iam nihil video me profecisse. C. Sfondrati discensus, a quo nobis promta & parata erant omnia, magno impedimento fuit: ea nunc perturbatio reipublicae secuta est, ut quod in manibus haberemus, receptum videatur. S. C. factum fuerat in aedilinem tuum, ut per honorificè magistratum peteret: in quo licet competitores haberet magnos viros iurisperitos; nihil tamen fecius gratia ciuium potentissimorum superiores eramus. Comitia, quae idibus Maiis haberi solent, reiecta fuerant in idus Junias, quod nobis per incommodo accidit: tum quod animos senatorum, opera familiarium nostrorum accensos, re-

M m 2

fr

frigescere videbamus: tum quod per id tempus classis illa barbarorum praedonum, quae omnem prope Europam perlustravit, in Senensium fines conuersa, occupauit eorum portus, oramque maritimam. Quam obrem tantu[m] repente timor ciuitatem inuasit, vt omnium mentes, animique perturbarentur: uno eodemque tempore cursari ad senatum, cogi pecuniam, delectus haberi necesse erat. Iustitio indicto, nullum fuit tempus vacuum a negotiis publicis. Qui erant amicissimi, negabant se mihi operam posse dare. Fit S. C. de magistratibus prorogandis, comitia tolluntur: iubet populus, vt senatus vnum videat, vnum curet, vt barbari e finibus pellantur. Quae omnia et si certo scio rumorem ipsum, & multorum litteras ad vos pertulisse; volui tamen scribere, ne ignorares, in tanta rerum difficultate nihil fuisse remissum de officio, & diligentia mea. Immo vero cum in arcem Bellantiam, quae ad Arbiam est, configisset, & Vgolinus pater ad milites auxiliares missus esset, comitiaque interim restitui dicerentur, contuli me Senas. Id vbi falsum comperisset, redii in arcem: & quoniam viis obsessis tabellarii sexcentis locis excutiebantur; scripsi de iis rebus ad adfinem tuum, qui neque tam longe aberat, & via ad Liguriam tuto ibatur. Ab eo sunt ad me litterae, opinor, nondum acceptis meis: quibus significat, a villico, qui ex agro Senensi venerat, renunciatum de magistratu sibi demandato. Qui tamen fieri posset, tantis tempestatibus coortis, dicebat, se non satis intelligere, praesertim cum comitia nulla fuerint: & propterea se non pedem inde, nisi ea de rectior sit a me factus. Rogat item alia, quae spero nos impetraturos cum dignitate, si spes otii fuerit: in quam nonnulli veniunt, quod praedones clas-

classiarii in Graeciam transmittere dicuntur. De Corsinii nostri suavitatibus, quae cupio, legi libenter: iis litteris nihil mihi poterat esse gratius. spero illum tam fore, qualem tu optas. Huic omnia a me esse paratissima, nihil opus est valde polliceri: res enim ipsa, si quando vsu veniet, faciet fidem. Nam cui, mehercule, plus quam tibi debeam, habeo neminem. Quodcumque tuum in ea re consilium erit, illud persequar. Meum consilium, inquies, noui: tuum require. Tu, qui ab initio aetatis egregiae eruditio, & litterarum non vulgarium perstudiosus fuisti, eruditulis quibusdam vix semilatinis, quos ego audiendi spe in Hetruriam veni, non eris contentus: praesertim cum Corsini causa Romae neque reges, neque caesares, neque censu istos amplissimo praeditos, sed poetas, oratores, philosophos esse velles. Nihil est hic, quod praestanti ingenio adolescentem delectare possit: gymnosophistae tres, aut quatuor, summum quinque, barbare iubent loqui Aristotelem: quem non intelligat Oedipus, ita implicite obscureque omnia, non auctoris, sed interpretum vitio, qui philosophi ordinem saepe inuertunt: & loco non disputant, sed per coacervationem, veluti ex commentationibus & sectis digladiantur: quantum a veterum ratione remotius, tantum (vt ipsi aiunt) melius, idque vocant acutius. Dialectici nusquam hebetiores: nihil habent eius scientiae, quam profitentur, nisi quod maxime sunt contentiosi. Medicos, obsecro, ne quaeras: pessime enim habere sese eos necesse est, qui tales quaerunt: morique non tam miserum est, quam quod per hosce ἀνδρόπόντες τε καὶ ἀνθρωποφάγοις. Nullos habet haec vrbs (mihi crede) viros, ex quibus possit haurire,

M m 3

quod

quod velit audum illud ingenium Corfinii tui. Quod vero maximos istic te sumtus facere dicis, credo equidem: facies hic etiam aliquos, sed non ita magnos. Aberit tamen adolescens longius, non satis firma aetate: at ea, quae ad morum & valetudinis rationem accommodata minime est. Gallia bello ardet, Allobroges sunt in armis, in Piceno delectus habentur, Hetruriae aliqua tempestas impendet. bellum longius trahi videmus: quid futurum sit, ignoramus. Haec si te non pungunt, mihi cetera perplacent. Eggo me Senas eras, vel perendie. Haec quamuis ita se habent, aut non multo secus, tamen cum amicis colloquar. Sequentur has aliae litterae, in quibus de sumtu, de gymnasio, de sophistis, de re omni faciam te diligentissime certiorem. Vale, viii. Cal. Augustas, ex arce Areolae.

## XVII.

AONIVS PALEARIVS  
ALEXANDRO  
VICE COMITI VRBI PRAEFECTO  
S. D.

**S**I quam mihi in te colendo, atque obseruando, semper animus praesens est, tam aliquando adfuisse in scribendo, neque in hoc tempus gratiarum actionem distulisse, neque tam paucis agerem: ut intelligeres, magna ac multa beneficia erga me tua, & mihi gratissima esse, & a me maximi fieri solere. Sed quemadmodum iis, qui solem intuentur, euenit, ut si quo postea oculos conuerant, diu eamdem orbis perlucidi imaginem videre videantur; ita ubi tua mihi humanitas perspecta est, me in eam admiracionem traxit, ut itihil aliud facere sciam, & possim, quam admirari suavitatem ingenii tui. Quod si,

cum

cum in cogitationem alicuius rei impensius incumbimus, saepe praetereuntes prope non videmus, & loquentes non audimus: quid mirum videri debet, si dum bonum istud tuum tam excellens toto animo complector, & ad scribendum factus sum piger, & ad gratias agendas ineptus? Crebritate vero meritorum ita mecum actum est, ut nullum umquam mihi spatiū datum sit ad me recipiendum. Primo enim quoque tempore, quo in Hetruriam venisti, apertis mihi non modo foribus, sed adytis amicitiae tuae, nihil abs te praetermissum est, quo in tuas partes raperes, raptum magnitudine officiorum devincires. Nullus dies fuit, cum in urbe essem, in quo tuam erga me benevolentiam non sim expertus. Absentem etiam in villam usque prosecutae sunt humanissimae litterae, plenae illae quidem amoris & desiderii: in quibus per amanter significas, maxima tibi curae esse dignitatem meam: & propterea cum quidam litteris obstrepuisset, non dubitasse ad me scribere. Subuereris te, ait, aliquid ad Lucenses, honestissimos homines, de me iniquius esse delatum: cuius opera, quoniam dicis de ignorare, faciam, ut scias. Machus Blatero, is, de quo hominibus nostris fabula data est ab Aretino, lepide & festiu scripta, homo impudenterius, & parae veraeque latinitatis tam ignarus, quam ii, qui trans Taurum incolant: Senis quamdiu fuit, magnas mihi turbas fecit, veritus, ne munus interpretationis scriptionum latinarum mihi demandaretur: in qua cum ille infeliciter multos annos laborasset, apud eruditiores iuuenes nihil aliud fuerat adsequutus, quam turpisimum infantiae nomen. Is nunc Lucae est: utinam tam cognitus, quam Venetius, ubi & fabula acta est, & Machus ludibrio habi-

tus: proptereaque desperatis rebus, clarorum hominum conspectum fugiens, ad fossas Cladias abire coactus, Iudum graeculis nauiculatoribus aperuit, in quo non sat scio plurane docuerit, quam didicerit. Nam per deos, quid iste praeter barbariem potuit docere? At mentiri, fallere, quod Graecorum est proprium, ita repente didicit, ut magistri ipsi mirarentur. Leuitatem vero, loquacitatem, audaciam (quae vitia, veluti innata, homini semper tribuit Aretinus) noli quaerere quam graecorum hominum consuetudine firmauit atque auxit. Et quoniam, ut in proverbio est, saepe fit, ut pro astuto prudens, & pro audaci fortis, pro loquaci disertus quis habeatur; nihil miror, si in vulgus Macho etiam aliquando fuit opinio eruditio. Quam fortasse sustinuissest, si ut tibicen Xenophontius a canendo, ita hic a dicendo potuisse abstinere. Verum lucri cupiditate adductus, Lucam superiore anno profectus est, quasi aliquis magnus rhetor: ubi si, ut audio, homines sunt, qui aures habent teretes, & religiosas, Blateronis infantia diu latere non potuit. Quod ex eo coniicio, quod propediem ad futurus dicitur infirma valetudine, cuius ille opinionem semper auget: ut si quando inscitia detegatur, aut hebes sit in interpretando, facile excusationem habeat, & potestatem decadendi, quod aeris modo tenuitatem, modo crassitudinem, ferre non possit: astute. Nunc quantum Victorii litterae significant, aliqui sunt in ea ciuitate, qui me acciri vellent, deligique in interpretis latini locum: quod cum Blatero audiuit, quo credis animo? quid putas buccam illam male olenrem, ex barbarie & mendacio compositam, potuisse contineri? cor illud odio exaestuans non efferuisse?

non

non eructasse virus improbitatis? Noli iam pro tua prudētia quaerere, qui tam falsos rumores de me sparserit in ea ciuitate, in qua is est, qui ne me Senis competitorem haberet, hisce ipsis obtrectationibus, iisdem fallendi atque abalienandi artibus vsus est, homo vafer, atque ad haec natus. Quem ego, ita viuam, vt probe vlciscar. Nihil enim potest esse acerbius homini, qui litterarum falsam sibi vendicat scientiam, quam si scripto lacebras: & vt scripto respondeat, pungas aculeis vel liberi carminis, vel vehementis orationis. Hasta, ensis, mucro, litterarum hominum oratio est. Feriat Blatero, si potest: at is, si diis placet, nisi puerum aliquem de grege, nolo plura dicere, subornabit, vt respondeat: veluti Aretina illa, itidem haec nostra simulans se contemnere, tametsi animum exedent: scripto nihil, dolo omnia. In conspirationem hominum potētum cogitationem figet. Ciues concitabit: alios ad praetores, alios ad patres conscriptos mittet: omnia experietur potius, quam rem scripto agat, ne inscitia nudetur sua. Haec ego tam video animo, quam ea, quae oculis cerno. Dii boni, quam nos ridebimus, qui tanto antea tempore vaticinati fuerimus: quam optimi iuuenes, qui eius ingenium norunt. Sed ego in bellua nimium: tu si me tantum amas, quantum profecto amas, cura vt splendor iste generis, nominis, & animi tui tenebras indignissime mihi offusas excutias, atque propellat. Si Lucenses (ab his enim ad te litteras esse arbitror: tu nihil horum scribis, sed ego coniectura ducor ad suspicandum) in falsam aliquam de me opinionem huius nebulonis opera adducti sunt: commoneas amice, ne quid temere credant: christianum hominem esse me, atque eum,

qui, si vsu veniat, pro Christo emori possim: imperitorum, & Blateronis similiūm obtrectationibus, copiosa oratione, quam tu ipse legeris, fuisse responsum; aduersariis conuictis atque reiectis, populum Senensem de nobis bene existimare, & loqui. Quae res etsi in obscuro esse non potest, cupio tamen, eam fieri illustriorem testimonio tuo: vt omnès intelligent, nostrorum studiorum similitudine, & vitae integritate sanctissime iuncta inter nos amicitia, & perdiligenter culta, neque meam in te obseruantiam, neque tuam erga me benevolentiam ullavimquam in re defuisse. Ex Argiano Bellantis, IIII idus Aprilis, Vale.

## EPISTOLARVM LIBER QVARTVS.

I.

AONIVS PALEARIVS

VERVLANVS

SENATVI POPVLOQVE LVCENSI

S. P. D.

**E**T si mihi sum conscius, ea in me ornamenta non esse, quae de me ad vos perlata sunt a laudatissimis summa humanitate & modestia viris; gratissimum tamen fuit, inuitari in eam Hetruria cuitatem, quae sapientia ciuium viget, quasi diuinum aliquod lumen. Neque enim virtus vestra in obscuro esse potest, quae in totius Italiae conspectu posita, prae se fert magnam animorum continentiam, & reipublicas temperandas optimam disciplinam.

nam. Itaque quod difficilibus, miserisque temporibus florentissima est respublica Lucensis, nemo est omnium, qui id aut fortuito fieri, aut ab aliis quam a vobis putet esse profectum. Etenim animos magnorum principum, a quibus omnia meliora sperare debebamus, ita pugnandi cupiditate efferri multos annos vidimus, ut arbitrer, esse neminem, qui ab ipsis ocium ciuibus, & rebus publicis securitatem concessam audeat adfirmare. Vestra industria, vester labor, vestra laus est, omni prope Italia saepe bello barbararum & immanium gentium ardente, urbem vnam non aestuariis ac paludibus, sed consilio & prudentia ciuium pulcherrime est seruatam. Dumque proximis temporibus aliae vrbes aut externis aut ciuilibus discordiis exagitatae, in magnas calamitates inciderent, coelumque & terra misceretur, obrueretque omnia belli eluuies; vos ad reipublicae gubernacula sedentes, veluti magni dii, repulisti tempestatem e moenibus vestris. Sed haec maiora sunt, quam ego exponere possim, & epistola complecti. Ad ea venio, de quibus vt aliquid scriberem, si plusculum temporis mihi esset, res ipsa admodumebat, quando ob haec ipsa tam humaniter a vobis per litteras inuitor. Aluit semper ista ciuitas studia bonarum artium. Quod si alacritas & animi firmitudo numquam defuit, vt, cum liberet, maria transmittenetis, vt magnis opibus & fortunis augeretis ciuitatem, numquam etiam defuit studium, vt exornaretis optimis disciplinis. Huius rei testes habeo eos, quos acciuisitis saepe, & praefecistis erudienda iuuentuti, disertos & eloquentes homines: testes item eos, qui apud vos excellunt in iis artibus, quae liberales appellantur, ciues vestri, dii immortales qui viri, quibus laudibus?

De

De quibus quoniam ego libenter cogitare soleo , & ex cogitatione ipsa incredibilem capere voluptatem , vel quantum hoc est ? quae gratiae agendae sunt vobis ? per quos occasio nunc mihi detur videndi & salutandi sapientissimos viros , & fruendi consuetudine lectissimorum ciuium , & honestissimae iuuentutis , quam ego audio studiis bonarum litterarum misericice delectari , & teneri iam desiderio nostri . Atque utinam vigiliis , & laboribus a pueritia suscepis , id aliquando adsequar , ut spes , in quam optimi adolescentes venerunt , hoc delectu vestro neque inanis omnina , neque falsa fuisse videatur . Quia in re non mediocrem mihi spei adfert admirabilis propensio adolescentium vestrorum in praeclara studia . Solet enim fieri , ut in quod nostra sponte ferimur , id vel paruo freti auxilio , facillime consequamur . Nam quod ad me attinet , illud vobis polliceor , ac recipio : si quid desiderium obtemperandi voluntati vestrae , & studium colenda atque obseruanda numquam satis laudatae reipublicae efficere potest ; id perficiam , ut omnes intelligant , multos a vobis eloquentiores & peritiores eligi atque accersiri potuisse : at qui iuandae vestrae iuuentutis sit studiosior , & aequa ex sensu animorum vestrorum cupiat esse totus effectus & compositus , vos habituros fuisse neminem .

## II.

IACOBVS SADOLETVS  
CARDINALIS  
AONIO PALEARIO  
S· D·

**E**X iis litteris , quas ego & collega meus ad cardinalem Vidacionum dedimus , intelligere potes , quantum te amemus , quantique faciamus : neq . enim

ma-

maiori pietate testimonium dare potuimus probitatis, ingenii, animi, studiorumque tuorum. Maluisset Bembus istas ipsas litteras scribi ad senatum, populumque Lucensem: quod mihi quoque perplacuisse, si istorum hominum ingenia, mores, voluntatesque cognosceremus. Veritus sum ego suspicioram fore commendationem, quae ab iis proficietur, quibus cum nullus fuisset usus, nulla necessitudo intercessisset: praesertim cum in epistola ad me scripta significares, id unum te petere, quod maxime velles, maximeque scires tibi esse necessarium: quod cum Bembus quoque legisset, facile iuit in sententiam meam. Optamus tibi salutares esse litteras nostras. Quae cum ad te perlatae fuerint, si Vidacionius Luca discernerit, tuum est curare, ut aperiantur, & recitentur in senatu: ut, qui tibi sunt infensores, intelligant, se pusillorum & malevolorum obtrectationibus, nullis satis iustis de caussis fuisse commotos. Quae in re tu singulari quidem, ut dicas, es fato: & propterea fecisti sapienter; quod ab iis artibus, quarum a puero fuisti studiosus, auxilium petisti: quae cum sint liberales, numquam commisissent, ut quae ab eis saepe adiumenta accepisti, ut ceteris optimatibus, & alios seruare posses, tibi defuissent. Scripsisti orationem pro teipso in primis ornatam & grauem, numeris quidem omnibus absolutam: in qua tu mihi tonare & fulgurare videris, neque id assentatorie. Praeteriri sine scelere non possunt tuae laudes, quas ignorare, imperiti hominis est: improbi, dissimulare tacendo. Caussa nulla est, cur pudentissimo viro, & mihi amicissimo, mentiar: verissime tecum ago. Cum tua lego, sic adficio, ut inflammer, & impetu quodam rapiar vehementis orationis: quae veluti amen-

mentata hasta, magnis viribus contorta, fertur, & varietate numerorum incredibiles motus ciet. At egregias ingenii tui dotes, haec etiam accedit: diuino illo poemate, a me numquam satis laudato, quid versibus posse, intelleximus. Nunc difficile est, iudicare, vtra facultate plus valeas, poetarum, an oratorum. Laudati sunt quidam superioribus annis, quod in hac, atque in illa excellere viderentur: quibus tu sic cultu, & vero etiam castitate orationis anteis, vt cum illorum scripta cum tuis confero, cetera vt omittam, ornate magis, latine loqui solus videare. Quod scribis te vereri, ne quem offendas, quod, cum miserabiliores epilogos velles elicere apud P: C: reipublicae Senensis, ad quos oratio est, mentionem Bernardini Ocelli feceris desiderii plenam: nemo est in dicendi arte mediocriter versatus, qui non videat, id tibi propositum fuisse in peroratione, vt commoueres, & intenderes ciues cuius cupidissimos. Nihil est, quod metuas: sunt enim omnia abs te accurate & prudenter scripta. Quid, quod ego tibi sum testis, cum in Galliam legatus proficiserer, me Senas venisse, vbi & tibi adfui, & commendauit te antistiti maiorem in modum: tum primum fuisse rumorem de Ocelli fuga, incerto adhuc auctore, nec satis constantem. Quo tempore si tu, cum scriberes istam orationem, cuius principium mihi legisti, eadem vel sperasti, vel desiderasti, quae omnes; qui popularem illam Ocelli eloquentiam norant, quis te reprehendat? cum sit potius obseruandum, quae tu ab illo fieri voluisses, quam quae ille multo post aut dixerit, aut fecerit. Quod si haec commendationis conditio est, vt praestare debeamus omnia, quae usquam gentium ab eo, quem amice nominauerimus

di-

dici, fierique possunt; nulla erit laudatio periculo vacua, nulla officia humanitatis, nulla munia amicorum. Ea re cum magnae saepe perturbationes ab iis profectae fuissent, qui nec clementia, nec aequitate, nec consuetudine maiorum nostrorum de scriptoribus iudicarent; sapientissime fecisse videtur Paulus pontifex, quod praefecit scriptionibus rerum diuinarum doctissimum & temperatissimum virum: in cuius gratiam cum ego & Bembus ponere te vellemus, dixit is, se superiore anno accepisse ab te litteras, veluti interpretes humanitatis, & pietatis: & propterea profiteri, & polliceri singulare studium, vt, quae a nobis tibi prompta esse sciret, a se essent paratisima. Sed ego te meo & Bembi nomine non modo hortor, sed rogo, audi homines tui amantissimos: quoniam in ea tempora incidimus, quibus non quid sentias, sed quid calumnientur quidam, maxime obseruent: vt iis scriptionibus te exerceas, quibus incitetur, non impediatur cursus ille nobis non ignotus animi tui. In eam ciuitatem venisti, quae optimis legibus & moribus instituta dicitur: quid est, quod animum, vt ciuibus gratum facias, ad ea non adpellis, quae de moribus a tota illa familia peripateticorum tuorum saepe scripta, numquam apte oratione latina illustrata sunt? Nihil opus est, vt ea colligamus, quae tu iam vides: sunt quidam auersissimo animo a scriptoribus. A peripateticis interpretandis, aut illustrandis, nullum periculum est. Postremum illud, vt tranquillitati seruias. nam qui studia, vitam, mentem, voluntatem tuam tam nouimus, quam qui semper vixerint tecum: numquam auderemus ea legere, aut attingere, in quibus de nobis per honorifice scribis, & amicissime opinaris, si te defereremus. Vale.

## III.

AONIVS PALEARIVS  
SYLVESTRO LILIO  
S. D.

**S**I patriae caritas, & desiderium tuorum facit, ut cum Romam veneris, tam cito cupias ad nos redire, pietati magis tuae tribuo, quam consilio tuorum. Sin magnificentia & pompa ista curiae, quae ceteros magnopere delectat, tibi stomachum facit, & cum tua nobilitate atque opibus istic bellissime potes esse, redire ad nos mauis: tibi gratulor, quod sapientia praeditus sis certe singulari; & nobis gaudeo, quod fructum capiemus aliquando dulcissimae consuetudinis tuae. Noli tamen putare, me a principio non diuinasse: qui probe nossem, te perpetuum hostem ambitionis, obseruatorem integratis, non modo amicum, sed amatorem pudoris & modestiae. Mirabar interea, te mensem abfuisse a rebus animo tuo gratissimis: praeferim cum tibi carius nihil esse debet optimis parentibus, locus nullus dulcior patria. Quae vero patria? libera ciuitas, sanctissimis instituta legibus, ac moribus: in qua improbis neque locus est maleficii perficiendi, neque spes sceleris occurrandi: in qua summa est exspectatio tui, ea obseruantia, ut ista aetate habearis, & verissime sis moderator seniorum, dux religionis, magister sanctitatis. Quamobrem ne patiare, cum omnibus tam carus sis, atq. iucundus, ut oculi nostri tua praesentia defatigari possint, satiari non possint, ut tamdiu sine te simus. Nam ego, qui mihi sum conscientius, hoc certo scio, post tuum & Iosippi nostri discessum, nihil umquam fuisse, quod me laetitia valde adfecerit: quin etiam si languor, & mentis torpor est subsecutus, ut omnes,

nes mirentur illam hilaritatem, quam in me tu admirari solebas, omnino ex animo & vultu meo excusam. Quam si quis suauitate ingenij restituere poterat, erat vñus Martinus Lilius patruelis tuus. Hunç incommoda valetudo, qua prope emerserat, adhuc tenet, & frigus, & anni tempestas incredibiliter angunt: cuius aegritudo ita me solicitum habet, vt non dubium sit, vel ego aegroto, vel proxime incidam in morbum. Eius mater praestantissima omnium feminarum, eius vxor humanissima, suauissimus frater, orant, obsecrant, vt me ad se transferam: sed ego adhuc in domicilio meo sum, sine vxore, sine liberis, sine seruo, sine arca: quod, vt scis, superioribus mensibus longa via, & puluerulenta, in municipium Collinum ire necesse fuit: nunc via lutosa, his praesertim imbris, nolo miseros cursare mea causa. Amici tamen omnes, patertuus, Bonuisii, Conamii, Bernardini, Arnulphini, nullo loco desunt: curant diligenter, vt in omnium rerum inopia abundem omnibus rebus. Quamquam ego tam paucis contentus sum, vt facile superem Crassum diuinitis. Quod si, vt ex litteris, quas ad patrem misisti, intellexi, tuus aduentus adpropinquat: breui multo plus mihi futurum est boni, quam nunc impendet mali. In iisdem litteris vidi, te Paulli epistolas legisse. Nae Flaminius tuus, & idem noster, ad theologiam cohortatus est: dñi bene homini faciant, qui vt te bearet, deduxit ad magistrum verae vitae, ad disciplinarum principem, & reginam. Quod si tu, qui ab initio aetatis omnium liberalium artium studiosus fuisti, & didicisti omnia, quae a sapientibus tradita sunt ad bene viuendum, nunc inter litteris operam das, quae tua studia futura sunt. quae censu-

ra morum & vitae? Id si verum est, (nam ego certi nihil habeo, sed coniectura ducor ad suspicandum: quia te plus amo, quam me ipsum: plurisque facio tua, quam mea commoda omnia) caue, pedem ex urbe efferas, id est, e Flaminii domo: qui quod apud ornatissimum Polum est, quem ego reverentiae causa nomino, quantum putas interesse? dii immortales, quae omnium rerum tibi accessiones fient, si cum his diutissime vixeris? Quare, etsi ego tam sum tui cupidus, quam qui maxime, nihil tamen temere faciam: nullae meae litterae, nullae preces, nullae commendationes vel parentum, vel patriae, vel rerum omnium tibi carissimarum, tanti esse debent, si cum Flaminio apud Polum es, ut te loco moueas. Vale. Parentio & Pacino, nostris, salutem dic. Vale.

## III.

AONIVS PALEARIVS  
BARTHOLOMAEO RICCIO  
S. D.

**S**I minus saepe ad te scribo, quam amicitiae nostrae vetustas postulat, peto a te, ut occupationi meae potius tribuas, quam aut negligentiae, aut obliuioni tuorum in me meritorum, quae tu officiorum crebritate quotidie auges: & significatione optatissimi & iucundissimi amoris mentionem tui non intermitti finis. Quotusquisque est, qui isthinc veniat, qui ubi tuo nomine mihi plurimam salutem dixit, non multis etiam prosequatur mirificam benevolentiam & humanitatem tuam? qui libellus a te scribitur, in quo ego non honorifice adpeller? qua in re cum param tibi gratiam referre non possim, moriar, si non me angunt putidissimae interpretationes meae, siue græccæ, siue latinae, in quas veluti in pistrinum de-

tru-

trusī me, non tam imprudentia, quam necessitate. Ego enim, vt ex meis studiis nosse potuisti, semper iudicāui obscurū & sordidū iis, quorum ingenio aliquid fieri potest illustrius, si interpretandis scriptis aliorum humiles ac demissi, quasi seruitia ancillentur. Sed cum mihi res domi esset angusta, vxor lauta, liberi splendidi, & propterea magnos sumtus facerem, mancipauī prope me iis studiis, a quibus semper abhorrei. Nam cum Lucenses homines honestissimi propositis praemiis inuitarent me singulorum dierum vnius horae vsura ad interpretandum; accepi conditionem duram mihi, & asperam, & vero etiam odiosam. Dicendum est enim quotidie & ex tempore, quod in primis est sophistae. Id ne faciam, sumo mihi semper aliquid temporis ad meditandum, in qua re plurimum noctes me adiuuant: cum tamen inopiam & ieunitatem interpretum non probem, & multa e penū locupletissimo graecorum petenda esse ducam. Quidquid diei reliquum est, in scriptoribus graecis legendis tero. Sed omnino concisum est hoc dicendi genus διδασκαλικόν: in quo si qui diu versantur, summum periculum est, ne exercitatione umbratili amittant, quidquid habent roboris & neruorum. Quod cum ego in me fieri sentirem, ne hoc morbo intabescerem: retuli me aliquando ad eas exercitationes, quas tu maxime probas. Vide, quanti faciam iudicium tuum. Cum ex iis litteris, quas proxime abs te accepi, intellexisse, placere tibi scriptiones meas; magna mihi spes iniecta est, posse orationes alias a me scribi. eas, quae sint, prope diem exspecta, modo typographus non moretur. Tu contra ad nos, tuos libros de gloria: obsecro, ne si nas diutius nos duci exspectatione. Si non perfecis-

ti, scito, eos libros dignos esse, vt abs te absoluantur, qui ingenio & industria adsecutus sincerum & ornatum dicendi genus, habitas in oculis principum, quorum feminae multis regibus sunt sapientiores. Nam quid est, si non haec verissima gloria est, potentissimi regis filiam, maximi ducis vxorem, sic versari in studiis nostris, vt excellat? Annam vero, & Lucretiam, aureos Hereneae partus, scrutari interiores litteras latinas & graecas? quae cum in matre quoque essent, & eae neque paucae, neque vulgares, regina in philosophia hac humana noluit adquiescere: Sed ob magnitudinem ingenii, & studium sanctitatis, quae in ista semper veluti diuinum aliquid eluxit, maturiore aetate retulit se ad coelestes artes, & disciplinas theologorum. Quod ad te scribo, ne in texendo opere, cum isthic habeas maxime illustres & glriosos principes, quos proponere omnibus potes ad imitandum, tu rerum gestarum caussa eos quaeras, qui in vnis armis omnia posita esse censem, studiorum nostrorum hostes acerrimi: quorum exprobratione extenuari spem litteratorum, & euangelicem videmus. Non est credibile, quae sit imperitia & superbia in quibusdam. Ego me abs te tantum amari puto, quantum volo: volo autem plurimum. Si me amas, sine istos in tenebris & situ iacere: qui, si ad eorum pedes nos abiicimus, ne subleuant quidem. De Sardonio, cum defensionem tuam legerem, valde mehercule risi. Si est homo, posthac tacebit. Sed quantum suspicor aliquid etiam scribet: & tamen dicet nihil. De Iacobo Grifolo scripsi ad te superioribus mensibus: si quid ad me postea dedisti litterarum, non est adlatum. Is tam belle se habet, quam ego, & tu. Exanimatus prope sum tuis litteris, in quibus du-

dubitare videbaris de eius vita. Cum in oppidum Collinum venissem, misi pueros, qui quaererent diligenter. ii postridie Senis omnia laeta & optata restulerunt: hominem ingenio & studiis florentem, magno in honore esse apud suos: pangere etiam aliquid, & tui meique memoriam amantissime conservare. : Lucae, pridie nonas Octobris. Vale.

## V.

BARTHOLOMAEVS RICCIUS  
AONIO P A L E A R I O  
S. D.

**E**Quidem, Aoni, excusationem, quam adfers, quo minus crebro ad me scribas, libenter accipio: ne, si te de litterarum intermissione accusare velim, eodem ipse me crimine condemnasse videar, qui nihil crebrius ad te, quam tu mihi, litteras dare consueuerim. Sed quid tu te, contra item ego me, quod minus frequentes in hoc scribendi genere fuerimus, tam inique accusamus: cum vterque huic officio abunde satisfecimus? neque enim ego quemquam vñquam nactus sum, qui istuc veniret, cui meas ad te litteras non dederim: neque tu contra quidquam a te mihi ad eas desiderari permiseris. Sed arbitror, quia id ea lingua fecimus, qua omnes Itali vulgo loquimur, qui magis latina ex nostris studiis vti debuimus: nobis propterea nos a scribendo cessasse quodammodo, atque etiam prope merito accusari posse visum iri. Ac si mihi dicendum est, quod ego sentio, parum prudenter, atque nulla cum ratione ab vtroque nostrum est factum, qui eo modo primum latinum stilum non mediocri exercitatione defraudauimus: deinde, quod amicitiae nostrae vel sempiternam testificationem, qua litterae latine scriptae

Nn 3

in

in omnium aetatum memoriam producere potuissent, improbe detraximus. Sed satis de excusatione, vel de accusatione potius: si posthac tamen curabimus, ut hoc modo frequentiores simus in scribendo, quam alio committere, ut nos excusando, magis accusandi esse videamur: atque ad tuas litteras redeo. Eas igitur scito mihi iucundissimas accidisse: cum quoniam eo modo, qui mihi magis probabatur, erant conscriptae: tum quia iis certior siebam, meum Grifolum viuere, quem ego iam triennium fraterne luxeram: quo vno optatissimo nuncio, nihil est quod euangelii a me auferre non possis. Tametsi nonnulli molestiae tamen epistolae pars illa, in qua de meis erga te meritis atque officiis extollendis, quasi finem non facis, meam hanc tantam laetitiam non leuiter adspersit. Nam etsi te quidem gratissimo animo, atque optime instituto facere certo scio; id tamen quodammodo aegre tuli. nam praeterquam quod magnam iniuriam amicitiae nostrae facis, qui tantopere queraris, te parem ei gratiam referre non posse, cui ne vllas quidem agere debuisti; non ego in tuis scriptis, & amici, & iure optimo laudandis, plus sum laudis adsecutus, quam aut studii, aut officii in eo ipso posuerim praestando? Quid enim mihi tam faciendum fuit, cum ad nostrae aetatis poetas veniri, quam ut prudenter viderem, ne quis ex eis, qui in aliquem bonorum numerum venissent, me praeteriret? in iis vero, qui suo splendore ceteris quasi lumen praelucerent, ne aut coecus, si non animaduertissem; aut iniquus, si non iis suam quoque laudem impertissem, viderer omnino? In quibus cum tu non ultimum locum obtinieres, hunc ego, si tibi cum ceteris bonis concessi, aut aduersus improbos

bos tutatus sum, nihilo sim amplius de te meritus,  
 quam qui de virtute virtutem laudans mereri posset:  
 nisi ea quoque tibi gratissima videri, quae sine maxi-  
 ma culpa in te omitti non possent, omnibus significa-  
 re voluisti. Quod vero de principibus meis, tam  
 doctissimis, quam etiam nobilissimis feminis, scribis;  
 scito, filias illas egregie eruditas esse, & vna cum ae-  
 tate sua omnium etiam opinionem superare: easque  
 suum locum hoc quoque nomine in nostris de gloria  
 libris habere. Nam quod me mones, vt in eius ope-  
 ris, exemplis minus ambitiose agam, neque etiam  
 quasi de principum fece hauriam; tu recte quidem,  
 & sapienter mones: neque id ego tecum non sentio:  
 sed tamen si pauciores quosdam offenderis minus hoc  
 mea laude dignos; id a me in eam partem factum ac-  
 cipias velim, me vnum, aut summum alterum, non  
 tam hac mea commendatione cohonestasse, vt ea ina-  
 niter gestiret, quam vt quid sibi ad veram gloriam  
 faciendum esset, inde plane perspiceret. Qui mei  
 tres de gloria libri iam pridem mihi sunt absoluti, vt  
 inquit quidem vt materia postulat: nam eodem tem-  
 pore tantam mihi gloriam confecisset, quantam  
 omnes, quorum in iis exempli gratia meminimus, si-  
 bi compararunt. Quod vero ad praecipiendi ratio-  
 nem pertinet, ita quidem est, vt dixti, cum summi  
 res negotii, tum summae etiam difficultatis. Sed his  
 quoque id accedit, quod ea dicendi ratio (vt summam  
 indignitatem, quae in docendo versatur, omittam)  
 quamuis politorem dictionem facile corrumpere  
 posset. Quare ego cum publicam istam praceptionem  
 exercerem, plerumque ea lingua vtebar, qua  
 omnes nunc loquimur. At quis hoc, te praeter v-  
 num, probabit? At mihi magis in recte scribendo,

N n 4

quam

quam in inepte loquendo ex tempore, consultum yoluic meque omnes latine scribere ut viderent, quam auditores impolite semper, improprie interdum, si minus barbare loqui, malui audirent. Sardonium (vt tu dicas) atque Sardonianos omnes ita fregimus, itaque contriuimus, atque confecimus, vt mutos dices. Coaxant quidem nescio quid, sed subter aquam ranarum more; nullum enim, quo suam ignorantiam defendant, adhuc verbum faciunt. Sed isti, atque adeo istis dii meliorem dent mentem. Quae in Catullum scripsimus, propediem exspecta. Si me diligis, si te a me amari scis, cum primum occasio dabitur, vt vsquam in Grifolum meum incidas, vt meo eum nomine complectaris (nimis enim parum est, atque exile, vt salutes) te etiam atque etiam rogo. Vale, Ferrariae. Cal. Octobris.

## VI.

BARTHOLOMAEVS RICCIUS  
AONIO P A L E A R I O  
S. D.

**Q** Vid hoc est, Aoni? num semper Italico sermone per litteras agemus? numquamne Romanus filius, quo in perpetuis scriptis, atque ad alios saepè amicos vtimur, locum yllum in nostris litteris habebit? hoc quidem, quo vulgus noster loquitur, sensa nostra, perinde atque latino, plane explicamus: nisi id etiam interdum ex rebus nouis, suis latinis nominibus parentibus, plenius ac significantius facimus: hae tamen litterae nullum aliud lumen, nullius alias lectionem, quam vtriusque nostrum, sunt habitatæ: præsertim meæ, quæ tam longe a vestrâ Hetrufca dicendi ratione absunt, quam qui longissime gentium (etsi tantum Apenninus nos disiungat) &

na-

natus, & altus sit: vt eas in vlla volumina, quae eius quoque linguae multa multorum simul vna scriptorum quotidie eduntur, coniici posse nullo modo sperem. Quare ego hoc latino posthac vtar: & vt stilum exerceam, & te quoque ad hanc meliorem scriptionis rationem reuocem. Mitto igitur tibi defensionem meam aduersus quemdam Sardum, hominem tam iniquum, quam etiam ignarum: cuius stultitiam in ea facile cognosces. Nam in quo me accusat, proponi primo in loto fideliter, postea vero mea, vt sequatur defensio, aequè curauit: in quo meo aduersario, dii me perdant, siquid boni est, praeter quod ego alter Cicero cum isto esse videor, quando & ipse suum Sardum Sardo habuit nequiorum. Tametsi in meo multi insunt Sardi, etiam ne quíssimi: quos tamen ita fregi, itaque contemtos reddidi, vt ne hiscere quidem audeant. Nam quod praefraetè pergant in suis nominibus, Catonibus, Lentulis, Metellis, Cethegis, Dolabellis, & reliquis eius generis cognomentis infatiare; concedunt tamen, Romanarum familiarum nomina in ius terminare: vt modo nobiscum sentiant, modo contra: secum autem eodem modo semper, hoc est inconstantier agant. Sed iam istos missos faciamus. Quintus annus agitur ipse, cum Jacobus Grifolus hac transiit, Senas accitus, ad latinas litteras publice profendas: nihil postea neque ab eo, neque de eo mihi nunciatum est. Nunc vero Venetiis tristis mihi rumor adfertur, qui me quoque prope occidit: illum diem suum obiisse. Si me amas, quaeras, quid de illo sit, meque postea hac grauissima solicitudine libera: amavi enim illum, quam qui maxime amari potuit amicus. Ac quod ego spero, cupio quidem cer-

te, me certiore fac, eum viuere, etiamsi mortuus sit: in hoc enim falsa spe me sustineri facile patiar. Adparatus meos, quos requiris, scito apud me nullos esse: Florentiae tamen reperiri quosdam audio. Id vtrum sit, ex librariis scire, atque inde tibi accommodare poteris. Opus de gloria (vide quaeſo, quid mihi in mentem venerit) paullo ante sum adgressus: idque in tres libros distribui, iamque primum absoluī, reliqua pergo. Vtinam propius adēſſes, aut faltem tanta Alpium iuga nos diſclusos non habent: sperarem enim tuo iudicio vti posse. sed dii videbunt, cum erunt absoluti. Vale, Cal. Maii.

## VII·

AONIVS PALEARIVS  
BARTHOLOMAEO RICCIO  
S. D.

**E**GO vero fateor, me dicendi genere, quod hoc tempore in Hetruria floret, valde delectari: & quia elegans est, & venuſtum: & quia ab eo non longe abest, quod in Italia nati atque alti hausimus. Vtinam, mi Ricci, natura nos labore hoc leuasset, quem quotidie inſumimus in ediscendis linguis. Id feciſſet certe, si vt ſunt omnium gentium & nationum ſenſa communia, ſic eſſent ταῦτα Φονῆ, τῶν ἐν τῇ ψυχῇ παθημάτων σύμβολα. Graece dico, quod latine aequē non inueniam: nam melius non audeo dicere, thusce fortaffe poſſem. Quod ſi cum amico ſic agier oportet, vt non quaſi alicunde meditatus venias: quod ego ſic interpreter, vt quidquid in animo eſt, quidquid venit in buccam, illud ipsum ſcribas: vereor, ne iniuriam faciamus veteri amicitiae, ſi cum amamus nos inter nos, & per litteras familiariter loquimur quaſi praefentes, in perquirēndis & coniun-

gen-

gendiis verbis latinis simus occupati. Quid igitur, inquieres, verba graeca sunt in epistola tua latine scripta? quia consuetudine illa interpretandi, non quaefita etiam occurunt. Ut cum somnus arctior nos complexus est, ea saepissime animo obuersantur, de quibus vigilantes quotidie cogitare & loqui solemus; sic dum scribimus, verba sua sponte prodeunt, ac offerunt se ex formis, quae legendō & scribendo in nobis haeserunt. Quin etiam ut dicam tibi, quoniam tu institutum mihi tuum aperuisti, ego quoque in interpretationibus latinis & graecis, cum oratio latina cursum tenere non potest, inhibeo: cumque alio modo remigare coepi, paullisper adhibeo voces Hetruscas: non dico Italas, quod non omnes probem. Sicut enim in graecia aptissima fuit lingua attica solutae orationi, sic in Italia Hetrusca mirifica est: & ad dicendum, & ad scribendum maxime accommodata. Cuius ego te in his litteris, quas ad me iam saepe dedisti, ostentatorem non agnosco inanem ac tumidum, sed scriptorem adcuratum & diligenterem. De hoc satis. Ad illud venio, quod epistolam tuam superiore anno scriptam, hodie nonis accepi. Tu vide, quam raro tuae ad me perferantur. Desino mirari, si quas Florentia dedi, ad te non sunt adlatae. Posthac, ut omnia impedimenta vincam, si quid erit quod aut mea aut tua interesse arbitrer, dabo eodem exemplo plures res scriptas. De nominibus Romanarum familiarum nemo est gnarus antiquitatis, quin tecum sentiat: ipsi etiam (quod tibi gratulor) qui graecam rationem sequebantur, ipsi etiam barbari tuis scriptis admoniti, ut videantur latini, secundum nomen corixerunt imitatione Romana. Grifolum nostrum ferius aestiuis omnino conueniam, & interea

rea faciam per litteras certiorem de pietate ista tua. De adparatu linguae latinae , scripsi ad te antea. Florentiae curata fuit pecunia Bonuisiorum nomine: & est iam copia adolescentibus nostris, qui ob istuc ipsum te multum amant: audiſſime tamen exſpectant libros de gloria. Vale.

## VIII·

BARTHOLOMAEVS RICCCIVS  
AONIO PALEARIO  
S· D.

**N**icolaus Alienā , vestracē reipublicae ad Herculem principem nostrum legatus , mihi tuis verbis perbenigne salutem dixit: quem ego contra humiſſime accepi, eique tua cauſſa omnia pollicitus sum. Iste ipſe vel ſuapte humanitate, vel vt meae par referret, pridie quam a nobis diſcederet, domum uſque mihi nunciari iuſſit, ſi quid iſtuc illi mandarem: qui cum nihil haberem omnino tanto viro dignum, ne me tamen aut ſuperbum, ſi nihil ſcripſiſsem, aut ineptum, ſi non mandafſem; has illi inaneſ litteras tibi perferendas dedi. Sed heus tu , nimis lautus factus videris , qui tam praefanti viro loco tuarum litterarum utaris. Mihi quidem longe gratiſſimum fuīt, vel a quoq[ue]is homine de te intelligere : ſed ſi a te ipſo id intellexiſſem, multo, mediusfidius, id mihi gratius ac iucundius accidiſſet. Quare poſthac tu me, hoc eſt, tui amantissimum, in hoc ſalutandi genere imitabere: qui etiam ſi nihil habeam, quod ſcribam, ſcribo tamen, vt vides, neque quod in buccam. Vale, Ferrariae, pridie Calendārum Decembris.

VIII·

VIII.

AONIVS PALEARIVS  
 PTERIGI GALLO  
 FAMILIARISVO  
 S. D.

MArci Casalis epistola valde mihi placet: est enim amanter & eleganter scripta: quaedam tamen in ea commutari volo, vt habita ratione temporum & locorum, apte libro quarto collocari possit. Scribam ad eum hodie pluribus: quae ut tu quoque cognoscas, erit epistola aperta: & in schedula signum, ut obsignatam, si is in oppido Collino est, reddas tua manu. sin autem in Geminiano, multi erunt, qui perferent: nihil est, quod te des in viam. nam & ego adero nonis. De Aganippe laudo consilium tuum: nolo aquam duci per fundum, nolo riuulis colligi vberiorem. Vbi primum erumpit, ibi hauriri volo. Nam quod gelida est, & ad orientem solem spectat, eo est salubrior. Necesse est tamen murum, qua vergit ad occidentem, perduci in altitudinem pedum octo, & sedilia fieri ex lapide quadrato, & triclinia aestiua, in quibus nos coenitemus: ex riuorum deductione hortos irrigabimus. Quod de inscriptione rogas, feci libenter. Tuum est inuenire, qui bene insculpant antiquas litterarum notas. In iis est, quod Priscianus tuus vocat digamma Aeolicum, quod Heluetii & Germani adhuc sincere pronunciant, & Romae est in laudatis marmoribus, ampliasit, terminasitque. sic igitur facito, vt sit in saxo oblongo,

*Quem pellucidula manantem cernitis vnda,  
 Fons hic muscosis obfitus iret aquis,  
 Ni Thuscos propere colles fisura tulisset  
 Cecinnae campis Hernica Nais opem,*

De-

*Deduxit risos, ne quisquam diceret hortos  
Hesperidum postbac esse, sed Aonidum.*

Redemtoribus, qui domum conduxerunt exaedificandam, curabo pecuniam. Plateam sterni volo fabulone, & lapidibus siliceis, ob deambulationem matutinam. Nosti, quo stomacho sint studiosi, praesertim cum senectus aduenerit. De versibus, quos vis esse in superficie domus, ne sis sollicitus, utinam tam cito expediri posset aedificatio, quam illi sunt facti: musae praestol fuerunt. Ne toties villico sit vltro citroque cursandum, mitto eos ad te.

*Quem Thuscus Cecinna olim possederat agrum  
In signem late frugibus & pecore,  
Hernicus Aonius longo post tempore cultu  
Longe auctum antiquo restituit genio.*

De piscina quod scribis, non probbo. An non Fuscus amnis satis est? an non Riparduus? Diligo frugalitatem, odi luxuriam. Aspasia viaticum poscit, mox petet Sophonisba: quid Lampridio & Phaedrus fiet? Obscro, ne suauissimos pueros perdamus: prudentialia nostrae est, adhibere modum, ne omnia occupent redeutores. Lucae, nonis Maii.

## X.

IOANNES BAPTISTA GADIVS  
A O N I O P A L E A R I O  
S. D.

**Q**uod locorum interuallo disiuncti, fructu caremus iucundissimae nostrae consuetudinis, est id quidem certe mihi permoleustum. Video enim, quantam iacturam fecerim studiorum meorum, cum mihi necesse fuerit hoc tempore rusticari, proculque a conspectu tuo degere, cuius a latere mihi numquam recedendum proposueram. Quamquam illud me con-

consolatur non mediocriter, quod hanc sane molestiam litteris aliqua ex parte leniri posse perspicio: in quibus statui omnino spem mihi aliquam ponendam esse, ut quamdiu abfuerimus, certemus inter nos officiis, colloquamurque per litteras. His enim vltro citroque quasi commeantibus, confirmabitur mutua inter nos amicitia. Evidem nisi facere flagitiose voluero, ea mihi sancte colenda est necessitudo, ad quam summo me beneficio voluisti adiunctum. Cae enim fore dubites, meam tuorum erga me beneficiorum memoriam aliqua vt obliuio deleat, quae & propter necessitatis nostrae vinculum minime solui possunt: & vetustate, cum sint immortalia, nullo pacto extingui. Quamobrem sic habeto, nullam tantam calamitatem posse accidere, qua vel tuum in me collatum officium intermorriatur: vel eum ipsum, quem tu in familiaritatem tuam libentissime receperis, perinde ac parum officiosum accuses. Nam quod superioribus diebus nihil ad te dedi litterarum, magis id quidem factum imbecillitate valetudinis, quam vlla mea negligentia: qui postea quam sum abs te profectus, sic estomacho laborare cepi, & latere, vt quod animus vehementer expetebat, id praestare mihi integrum non fuerit. Huc accessit vis quaedam maxima tuberculorum, vnde facta ad dolorem accessione, aegrotum corpus quasi conuulsum penitus contabesceret. Ita nimio quodam languore totus confectus, aliquando obtorpi: & eo quidem vehementius, quo mihi minus bene constitutum esse corpus, haud ignoras. Nunc vero, diis bene iuuantibus, conualui: morbumque omnem, qui me grauiter adfixerat, quamuis aegre, depuli. Itaque pristicae valetudini restitutus, cursu corriger tarditatem

co-

cogitabam tum equis , tum velis : cum mihi Franciscus Arnulphinus praesto fuit , bonaे spei iuuenis , & vt ipse satis nosti , permodestus : meque verbis tuis sane quam liberaliter salutauit . quod an mihi carum , jucundumque fuerit , malo ipse diuidices . Is a me tum de studiis , tum de rationibus tuis diligentius cum rogaretur , venit in eum sermonem , vt diceret , breui nos vna futuros . Arridens enim , optatum , inquit , nuncium adfero ; Aonius noster , cum de te forte incidisset sermo , significauit non obscure , cogitare se in Pancratinum nostrum . Hic ego laetitia exsultare , statimque exilire gaudio . Sensi enim , quam optatus mihi accidere aduentus posset tuus . Vnum , medius fidius , diem tecum libentius posuerim , quam cum plerisque aliis vitae reliquum tempus . Te igitur etiam atque etiam hortor , hoc vt efficias , & ad nos quamprimum cursites : ardeo enim iamdiu vindendi tui incredibili cupiditate . Atque , mehercule , vereor , ne si opinionem hac in re meam fallas , quemadmodum nunc nimio pene gaudio despere videor , sic in posterum animi moerore conficiar . Tametsi nihil esse in caussa opinor , quod diutius animi pendeam , meque timor iste plane rusticus tantopere sollicitum habeat , ac vere vt dicam , excruciet : cum praesertim subinuitare te loci possit amoenitas : & fides ipsa , quam mihi alieno nomine obstrinxisti , pertrahere vel inuitum debeat . Nihil in praesentia loquor de Hieronymi Arnulphi magnificantia villarum , quas cum praesentioribus oculis intueberis , eas esse praedicabis , vt ne Luculli quidem splendori cedant . Nam quod valetudinem aliquam excuses , nihil est , nisi fortasse longissimi itineris labore supercedendum arbitraris : qui tamen , quod nullus sit

pro-

propemodum, prohibebit sine dubio accipere ullam tuam excusationem. Villa enim, quod tibi prope cognitum reor, vix quarto ab urbe lapide distat. Tu modo desiderium urbis depone: & omni prorsus abiecta litterarum cura, animique deposita solicitudine, redi aliquando cum natura in gratiam: illudque in memoriam redige, nimis diu defraudatum abs te fuisse genium: quo vel uno nomine valetudinem istam tuam, cui praecipue feruiendum est, hoc maximo solis aestu sustentare debes. Huic tu nostro consilio adsensus si fueris, id saltem consequere, ut molestissimis ipsis occupationibus animum si non exsolvas, at relaxes aliquantulum. Quare te vehementer etiam atque etiam oro, & obsecro, te ut des primo quoque tempore in viam: Quod quidem commodo tuo usq[ue] fiat, itineri te committere, aut ubi primum illuxerit, aut inclinante in pomeridianum tempus die poteris: ut cum se calor fregerit, tuto ad nos, celeriterque conuoles. Ex Pancratiano Arnulphini, Cali Junii.

## XI.

AONIVS PALEARIVS  
CORNELIO GRAPHAEO  
S. D.

**H**ominum Lucensium mercatura est ampla & copiosa. Iis ego vtor valde familiariter, qui cum omnes in me fuerint liberales, maxime omnium Bonifisi, quorum splendor magnus est in ciuitate: ex ea familia Alexander Ludouici filius hoc tempore in Belgica est, adolescens sane bonus, & mihi gratissimus. Est enim ingenuarum artium perstudiosus, & amantissimus mei. Non dubito, quin his paucis intelligas, quid velim. Hoc certo scio, si in tuam

Oo

con-

consuetudinem, & amicitiam receperis adolescentem, fore tibi carissimum. Is, quae eius est humanitas, & modestia, confidit magis litteris meis, quam meritis virtutis suae, quodque ego te amem, meque abste amari sciat. Petet per litteras ac rogat, ut ad te scribam aliquid non vulgare, quo tibi commendetur maiorem in modum. Ego Alexandrum aequem amo ac filium, ita eius patrem colui, ut si quis iis, qui e vita discesserunt, earum rerum, quae hic fiunt, sensus est, desiderem ut pater ipse sentiat: sin autem omni sensu carent, quod οὐεν ὁργάνως, οὐεν Φαυτάσματα sint mentes solatae, ac liberae, & veluti radii solis cum reliquerunt orbem nostrum, in sole tamen ipso sint; sic illae in deo; cupiam, ut qui sunt superstites, intelligant, me hunc unum delegisse ex omni familia, quem dignissimum putem commendatione mea & gratia similium tui. Vale.

## XII.

AONIVS PALEARIVS  
IOHANNI BAPTISTAE GADIO

S. D.

**C**Vm mihi tantum ocii esset, quantum bellum patitur, quod cum barbaris continenter geto, & munus publicum concedit, ut per me Athenae comportentur ad Apenninum; accepi litteras tuas, plenas Humanitatis & desiderii, quibus in Pancratianum Arnulphini. inuitas, quod audio esse peramoenum & suauissimum: credo praesentia eorum, qui tecum sunt, omnibus naturae donis, omnibus ornamentis, & fortunae accessionibus honestissimi. Quod nisi me Eutychus meus praeoccupasset, qui vxoris suae, lectissimae feminae nomine vxorem meam inuitauit in Granianum suum; numquam svissem, ut isthie ho-

die

die sine me essem. Nunc ut cum uxore sim mea, visam serius Pancratianum, differamque aduentum istum in alium diem. De valetudine tua & audiui, & dolui vehementer: sæpeq. locutus sum cum iis, quibus es carissimus, quibus nihil potest fieri humanius. Consolatione leniebant dolorem meum, quod reciperent, & videtrem, neque sumtui neque labori eos parcere, quo ad curationem opus esset. Dicebant etiam ἀκίνδυνος, & te propediem firmiorem futurum. Franciscus noster, quæ eius est stauitas, credo, ut incitaret ad currendum, dixit, te validum esse, & bellissime habere: quod non credo, et si litterae etiam tuae id significant: quod purgationibus & morbi vi, qui te grauiter afflixit, es consumptus. Quo si liberatus videris, nihil festina: mature omnia, ne ad morbum hoc etiam. Solent enim eorum, qui aegritudine liberati sunt, si in eamdem recidant, grauiores esse offendentes. Quamobrem mihi gratissimum feceris, si valetudinis diligentissime habueris rationem: ut cum venero non duo vel tria tantum spatia facere tecum in xylo, sed pedibus quoque fundum obire possis, & sequi in proximas villas, & te inuitare plusculum in coena, & sermonem producere ad multam noctem. Vale. Luccae, iii. nonas Iunias.

## XIII.

JOHANNES BAPTISTA GADIVS  
AONIO PALEARIO

S. D.

Serius mihi, quam scripseras, redditae sunt tuae litterae: credo illius negligentia, cui te recte dedisse existimasti. Is istinc discedens, nihil prorsus ad nos attulerat. Quem cum percontaremur, quid ita factum fuisset? est, inquit, quod des nobis veniam. Aliis

Oo 2

enim

enim districti negotiis, epistolam quamdam sumus apud Arnulphinos obliiti. Ego, quo sum ingenio, irasci primum: deinde etiam obliuiosum hominem, atque adeo rusticatum, contumeliis onerare non destiti, quod in re minime leui tam egisset negligenter. Quid quaeris? hisce ille conuiciis non nihil commotus, continuo in urbem rediit: perfecitque hoc, ut lubentius litteras tuas perlegerim, quo adlatae tardius fuissent: ex quibus morum sermonisque tui cognoui suavitatem, & quam me amares facile perspexi. Mones enim pro tua in me pietate, mea mihi curae sit valetudo: in quo tibi obtemperabo non inuitus, ut qui sim memor, quotannis me periculose aegrotare solitus. De Eutychio tuo quod scribis, plane accipio excusationem: tuaque causa magnopere laetor, cum tesentio ab omnibus ordinibus & colo plurimum, & diligi. Sed subinuideo tibi tantam felicitatem, qui in ista luce hominum ita viuis, ut cum ipsi maxime sint urbani, solus tamēn εὐτύχειον videare, aut certe omnium festiuissimus. Nunc te horitor, complusculos dies salutem litteris dicas, si modo grauissimae tuae occupationes id patiuntur. Dii male faciant barbaris istis, qui tibi tantum faceant negotii: quos si licebit utrquam, iunctis copiis velim aliquando profligemus. Interea quae tua est fortissimi imperatoris virtus, hostilem impetum solus acriter sustinebis. Nos ex istis tuis Athenis, si differas aduentum, litteras exspectabimus crebriores: sin minus, sic te memineris exspectari, ut nos omni gaudio propediem delibutos reddas. Vale, ex Pancratiano Arnulphini.

XIII·

PAGANVS PAGANIVS  
AONIO PALEARIO  
S· D·

**V**Incenctius Menochiūs, vtriusque nostrum aman-  
tissimus, his proxime praeteritis diebus vt scis,  
Pisas venit: qui cum semel vix sum congressus, idque  
per breuissimum temporis spaciū. Nam cum in  
comitatū esset quarumdam feminarum Lucensium,  
summo loco natarum, homo φιλογύναι ab earum  
latere numquam potuit abduci. Nec mihi, quod  
maxime in optatis erat, contigit: vt cum non potu-  
isset ad me diuertere, quod quidem iure hospitiī debi-  
tum videbatur, semel apud me saltem coenaret. Ille  
tamen, vt est omnium officiosissimus, meque in aere  
suo, ex quo me superiori aestate Genuac nouit, ha-  
bet: ad me, cum vellet discedere, petasatus venit,  
totusque sudans (nam feminae illae, quae huc vene-  
rant comoediam spectatum, iamiam consensurae  
equos illum exspectabant) petiuit, numquid vellem?  
colloquentes igitur, tria aut quatuor spacia, dum in-  
ambularemus, fecimus tantum: isque tuūc inter no-  
fuit sermo, qui inter amicissimos esse solet, cum alter  
alteri repromitteremus officia, mutuamque operam,  
& studium: quod a verissimis amicis expeti & requiri  
solet. Ille autem illud omnium postremum & sum-  
mopere a me contendit, vt aliquid ad te scriberem:  
quod ei cum recepissem, me facturum (quid enim pro-  
mitterem, non aequē tunc, ac postea, cognoui) hoc-  
que cogitarem, non semel promissi me poenituit: id-  
que ea potissimum caussa (vt multas alias taceam),  
quod sum semper occupatissimus, animoque in pree-  
senti perturbato. Sed cum in ea meditatione versa-

rer, vt semper in animo habarem, cui id promiseram,  
 id est, Menochio, cui aliquid negare, nefas ego es-  
 se existim, dare aut verba nefas maximum: ad te  
 vel ineptissimas dare litteras malui, quam nullas. Sed  
 nequeo inuenire principium, neque quid ad te potis-  
 sum scribam. Non inde faciam initium (possem  
 fortassis), vt te accusem, propterea quod, vt postea  
 intellexi, tu superioribus diebus huc venisti, ego ta-  
 men de isto tuo aduentu a te celatus sum: quod. qui-  
 dem ob nostram amicitiam nuperrime Lucae institu-  
 tam, vt recte factum possis defendere, tu ipse videris.  
 Ego quidem libentissime te vidisse. Atque vt non  
 repugnatim, te apud quos diuertisti fuisse lautius; non  
 tamen facile concesserim, vt te aliquis laetiore animo  
 & benevolentiore potuerit accipere. Sed haec omit-  
 to: nolo enim exordium mearum ad te litterarum a-  
 querelis duci. Quamquam haec mea praefens ex-  
 postulatio, vel tibi eo nomine grata esse debet, quod  
 in hoc quantum a me ameris, facile potes cognoscere.  
 Illud potius initio dicam, quod de Luca Antonio,  
 medico Pisanio, qui istuc venerat pridie nonas Marti-  
 as, primum audieram, (ea enim mandata ad me  
 habuerat) & postea Menochius cum semel, vt dixi  
 supra, una fuimus, mihi exposuit: vos, hoc est,  
 Nicolaum Vidacionium, Benedictum Manfredum,  
 Dinum Sardinum, dii boni quos viros, quaque doc-  
 trina & virtute praeditos? aliosque quosdam viros  
 Lucenses litteratorum amantissimos, & te maxime,  
 cum meo Peccinio, etiam atque etiam optare, vt ego  
 istuc veniam, atque iam intchoasse huius negotii effi-  
 giem: quae qualis sit, mihi Menochius narrauit. Hic  
 igitur multa mihi occurrunt: sed quia vix haec pos-  
 sum scribere, animumque meum nostro Menachio

ape-

aperui , rem breui comprehendam . Aueo & ego iſ-  
tuc venire , vel publice , vel priuatim , vel vtroque  
modo ; sed priuatim magis , bonas litteras iſtam iu-  
uentutem pro virili & pro parte mea docturus . Tu  
igitur cum reliquis meis quos ſupra nominaui , vel ſi  
qui alii ſunt , qui id exoptent , in eam curam incum-  
bes , vt res ad finem perducatur . Illud ego sancte &  
ex animo promitto , me daturum operam , ſi iſtuc ve-  
nero ad hac munus accersitus , vt nullo vñquam in  
tempore te , vel quemuis aliū , me iuuiffe , vestrar-  
que diligentiam mihi nauaffe poeniteat . Exspecta-  
bo , quid veltu , vel Menochius de hac re ſcribatis ad  
iſpe : & rationem mearum rerum vestrarū litterarē gubernabunt . Nescio an in more ſit iſtic pofitum , vt  
publico nomine diploma mittatur ad litterarum  
humanarum profefſores , quos de hac cauſa iſtuc vo-  
cant . Ego ſi publice eligar , velle illud ad me da-  
ri . ad res meas hoc multum interest . Te in reliquis  
rebus reiicio ad sermonem , quem de hac re cum Me-  
nochio habui : qui etiam me rogauit , vt aliquid me-  
orum ſcriptorum iſtuc ad vos mitterem . Itaque mit-  
to tres epiftolas cum his complicatas , reeentes ſatis ,  
vt eſt videre . Plura ſi volueritis , & alio in dicendi  
genere , mittam : ſed ex illis versibus , qui ſim in ſtilo  
& diſtione , optime coniicere poteris . A me ta-  
men otioſiore & quietiore , meliora fortassis poſſunt  
exſpectari . Meis verbis dicitur plurimam ſalutem  
Reccinio , Manfredo , & Dino , articulatetiam Vi-  
dacionio : licet enim de facie minime hominem cog-  
noſcam , tamen quod me amat , quodque a noſtis  
litteris , licet ſit iuriſconsultus , non abhorret , cum  
ſumme colo , & obſeruo . Non dico Menochio , ad  
eum enim ſcribo ſeparatim : cui hunc litterarum fa-  
ciculum curaui reddendum , vt certius perferatur . Pe-

ne illud omisi: tutius hae meae omnes epistolae domi vestrae erunt. id ita interpretamini, ne ulli detis describendas: hoc vos supra modum rogo. Velle, ut haec etiam de mea causa attingam, rem quidem cito confici, ne interea anithi pendeam: sed nolle (id si villo pacto fieri potest) ante Iulii idus istuc venire. Sed nolo, tempus ullum rationem negotii conficiendi impedire: me enim ad id, quod feceritis, accommodabo, dum interiectus saltem sit mensis. Vos omnia pro vestra singulari sapientia, proque non vulgari vestro in me amore credo facturos: & praecipue, ut totum negotium cum dignitate conficiatur. nihil igitur praescribo. Illud tantum tibi, ego te, Aoni, ob summam tuam eruditionem, pari cum humanitate coniunctam, mirifice amo & obseruo, haeresque mihi in visceribus. Eam tu igitur mihi in hac causa praesta operam, quam de te mihi polliceor. Effice, ut te necessario, ni ingratus esse velim, colant: quem antea libenter tantum, & sponte, nullo tibi beneficio nulloque merito obligatus, mihi proposui obseruandum. & haec satis. Credo vos audiuisse, rectorem, ut adpellant, huius academiae, a caesare Crasso patricio Mediolanensi nudius tertius mane in scholis accepisse tria vulnera in scapulis, leuia admodum: qui miser inuenis repente post factum comprehensus a cohorte praetoria, cum multum, nullo armorum genere tectus, ille se nudato ense defendisset, hocque mane, vel magis paullo ante lucem securi percussus est: iacuitque pro Palatii porta ad quatuor horas, vulgo miserabile spectaculum temeritatis & imprudentiae iuuenilis. Sed hoc triste omitto: tu me amabis, ut quidem amas, qua in re non patiar a te vinci. Tuas exspecto, te dignas: Aonius scilicet, & per elegantes. Pisces, xv. Cal. Aprilis.

XV

XV.

AONIVS PALEARIVS  
PAGANO PAGANIO  
S. D.

**E**GO vero vellem nobiscum hic esses: studium enim meum, & diligentiam amicorum in petitione praesens videres, & nos fructum caperemus dulcissimae consuetudinis tuae. Sed tu, dum ab vxore, liberis, & rebus tibi carissimis abesse non potes, adhuc angis nos desiderio: & negotium tuum, qua vellem celeritate, non explicatur. Post tuum discessum, vt ex Menochio audire potuisti, nullus prope dies fuit, quin de te simus collocti, commentatio que inter nos, qua ratione res transfigi possit. Ego de publica conductione prius agendum censebam apud gymnasii praefectos, postea de priuata: ille contra, de priuata prius, quod vereatur, ne vbi a praefectis impetraverimus omnia, priuati, quorum flexibiles sunt voluntates, differre ac procrastinare incipiunt syngraphae subscriptionem. Non dissentiam ab homine tui amantissimo, a quo tibi promta & parata esse omnia certe scio. Eius consilium omnino sequar, quod putem me tibi in ea re facere gratissimum. Adduci tamen non possum, vt credam, praefectorum condactionem faciliorem esse subscriptione priuatorum hominum: ita te Lucae florentem videam, vt vbi intelligent aliquorum commodum in primis agi, Herculis labor erit exantlandus, ne nobis aduersentur, qui rempublicam gerunt: praesertim cum ludimagistri quidam, quibuscum tibi bellum gerendum continenter esse video, maiori stipendio conducte gravissime ferent. Iis cum magnae sint necessitudines, veteres amicitiae, arctissimae coniunctio-

tiones cum principibus ciuitatis, non nihil pericli est, ne senatorum animos a nobis alienent, atque abducent. Propterea antequam illi rescirent, cum praefectis agi, ad senatum referri, & S. C. fieri in te per honorificum volebam: quid impediebat postea, ne cum priuatis nostro commodo pacisceremur? Magna est auaritia hominum, fateor: immo vero maior est quam putaram. At magnum hoc est, & optandum, ut inuenias, cuius fidei liberos committere possis, bonum & disertum virum. Ego, et si cum has litteras legeres, putabam fore, ut scires, quid iam Menochius egisset: volui tamen scribere ad te, sententiam meam, aduersos magis rerum exitus metuens, quam sperans secundos. Quod quereris, me proximis superioribus diebus Pisis fuisse, neque ad te; ignosce festinationi meae. Fuit mihi negotium cum publicanis: quibus ut satisfacerem, eodem die, quo veneram Pisas, erat mihi Lucam recurrendum. Verebar, ne si amicis conueniendis tempus tererem, nox me in itinere oppimeret. An locupletior mihi testis quaerendus est, quam Robortellus? qui me quasi per transennam adspexit abeuntem potius, quam venientem: qui cum tamen non modo diem, sed annos libertissime ponerem. Pluuiis & tempestatibus coortis, non potui satisfacere publicanis: quare trium dierum iter mihi fuit conficiendum, via pesima & lutulenta, ne mundum muliebrem vxor mea amitteret, quem illi interceperant, arculis non obsignatis. Quod eo scribo, ut accipias excusationem meam. Sed quid ego tam multis ad te? qui non ignores, quae sunt imperia vxoria: quo minus est succensendum amico nostro, qui sudans & petasatus seruit. Epistolas tuas non vidi. Vincentius opinor attulit ad Vide-

dacionium: is vir optimus est, & tui similium perstudiosius. Eam quoque, quam ad me miseras, cum vix legisset, quoniam aperta illa quidem erat, putauit ferendam ad Bertolinum & Peccinium, nostros. Nolui repugnare, itaque nullae sunt apud me litterae tuae: nihil erit mirandum, si non ad omnia. Certior tuae voluntatis factus, non exspectabo litteras. quae ad tuum commodum, honorem, & dignitatem pertinent, maxime mihi curae sunt, eruntque: ea prosequar omni genere officii, industriae, diligentias, quae vel tibi placere intelligam, vel amicis tuis. Vale. Luca, octauo Calend. Aprilis.

De caesare Crasso quae scripsisti, non potui legere sine lacrimis. Eius pater suauissimis & temperatissimis est moribus, & propterea a me valde amatur. Filiū autem aspera quadam, & indomita natura, quae patri displicebat: si vel disciplinis vel aetate corrigi potuisset, habuissent Insubres aliquid singulare, atque egregium. Sed is animo feroci, ac exultanti auditate gloriae ferebatur: gloriam, quae summa in patre erat, non videbat. Miseret me adolescentis: nam patris eius non audeo dicere, in quem miseria & dolor cadere non potest. Nam aut hic est sapiens, aut nemo est sapiens. adhuc ambigo, datusne sim ad eum litteras consolatorias.

## XVI.

PAGANVS PAGANIVS  
AONIO PALEARIO  
S. D.

**V**T te nostro de Meaochio puto audiuisse, istuc veniam superioribus diebus, omnia ex animi mei propemodum sententia confecta inueni: quod acceptum secundum deum refero vobis omnibus, qui me,

me, vt estis omnium humanissimi, supra modum amatis: sed tibi praecepue. Audiui enim ab omnibus, qui se in hoc negotio meo immiscuerentur, te ita mea causa, cum summa diligentia & benevolentia elaborasse, ac si tibi essem frater. Illud non admundum belle mihi cecidit, quod tunc tu aberas: te enim praesentem vidisse, qui cum aliquantulum temporis, quod breuissimum dabatur, decreueram ponere. Has igitur in praesenti tibi habe, ea potissimum causa scriptas, vt intelligas id, quod etiam me non scribente tibi persuasum esse certo scio, me scilicet hoc nomine plurimum tibi debere: atque id vnum mihi esse in animo, vt pro tuo isto fraterno in fine amore, me semper in omni re cognoscas gratum & memorem tuorum in me beneficiorum. Nam nulla res erit vñquam tam difficilis, quae a me tua causa suscepta, non mihi perfacilis videatur. Perge igitur, vt facis, & rem meam confice, si quid restat conficiendum: tu certe me tibi arctissimo amoris vinculo deuincis, & imponis necessitatem mihi amabilissimam, vt te perpetuo colam atque obseruem. & haec satis. Mea vxor (quae a me intellexit, vt de me optime sis meritus) te, tuosque omnes multum diligit. Eius igitur nomine tuae vxori plurimam salutem nunciato: & tu me plurimum, vt facis, ama. Ego te certe quidem frarerne amo, pene dixi aequa ac me ipsum: possem vere id dicere. Vale, Pisis, Cal. Maiis.

## XVII.

AONIVS PALEARIVS  
IOSIPPO IOVIO  
S. D.

Pridie nonas Octobris exspectatissima litterae mihi

hi principis Salernitani nomine redditae sunt, quae ad similitudinem tuae manus proxime accedebant: tam tui similes, quam tu es tibi: pietatis, humanitatis, & amoris plenae. Cum his erat Vincentii Martelli epistola per officiosa. Postridie eius diei cum coenarem, ecce nuncii opriati & iucundi, Lucam cum heroe illo venisse coelestes & divinos viros. Quid censes? potuisse me supersedere, quin ego recta ad Cenamii aedes, ad quem is diuertisse dicebatur? cum eo venissem, neque te, neque Martellum, neque Tassum compressem, neque eorum quemquam, quos misi proposueram, per quos intromitti sperabam; noli quaerere quam animo ceciderim. Sentebam enim extenuari spem, quam mihi Martellus epistola iniecerat, & tu promissis illis tuis confirmaras. Cum tamen recentes essent litterae vestrae, & magnifice pollicerentur, cohortatus ipse me, nolui exspectare deductores, tum quod nulli essent: tum quod audieram, quod multo est verissimum, eo principio nihil esse illustrius, nihil humanius. Ad quem cum venissem, & abiecisset me ad eius pedes: non sustinuit, sed complexus libentissime accepit propensionem animi mei. Deinde me de studiis nostris percontatus, numquam mentionem fecit earum litterarum, quas per vos dederam. Subodoratus sum, cum in Hispaniam esset eundum, veritos vos, ne videtur inuenisti & inurbani, si ad me non rescriberetur: mirabar vero te id oneris suscepisse, quod semper recusasses. Antonius Collinus, qui te valde amat, ad matrem tuam, lectissimam feminam, quae tui desiderio moritur, litteras detulit. Adfirmavit illa, tua manu esse scriptas: quas amplexa, osculata, lacrimis prope delectuit, neque postea passa est, e-

as

as a se diuelli. M· Lilius; qui mecum est totes dięs,  
obseruauit genus dicendi graue & elegans, in quo tu  
nobis deus videri soles. Dolet, istam suavitatem in-  
geni diutius abesse a nobis. Adhuc dum tu nullo lo-  
co constitisti: nos te non fruimur, & tu nobis cares:  
pendemus interea exspectatione, ubi, quibuscum,  
apud quos futuros sis. noui fastidium stomachi tui,  
in quo ego agnosco meum. Is est cursus temporum,  
ea sunt ingenia hominum, vt nihil melius, quam ut  
nusquam: id quoniam fieri non potest, ut necubi sis  
diu. Hoc loco si videor facere, quod vulgus medi-  
corum solet, vt quos aegritudine leuare velint, eos  
medicina gravius adflictent: fateor me non inueni-  
re remedium, quod non faciat dolorem. Graue est  
Lilio, graue matri, mihi grauissimum, tam longe te  
abesse: verum cum patria ingrata sit, durus pater,  
qui te colere & obseruare deberent, non intelligent,  
quam tuae virtutis splendore illustrari possint: quid  
dicam? Coepit me incredibile odium generis hu-  
mani, quod vei a consuetudine, vel ignavia, veluti  
ab aliqua Circe ita est immutatum, vt mira sit ubique  
inopia hominum. Tu virtute ista tua te confirma,  
bonoque animo sis: immo vero etiam gaudenti, quod  
illis places, qui tibi misericorde placent. Cuius rei non  
est locupletior quaerendus testis, quam ego sim tibi,  
qui de te nullum finem facio cogitandi, & quotidie  
admiror magis: istam despicientiam rerum humana-  
rum: quam tamen si tu sic humanitate temperares, vt  
ad eos, quibus es carissimus, crebrius scribentes,  
caue putas quidquam fieri posse suauius inge-  
nio tuo. Vale.

## XVIII.

AONIVS PALEARIVS  
 VINCENTIO PORTICO  
 IURISCONSULTO  
 S. D.

**E**GO ita amicus sum iurisconsultis veteribus tuis, vt, qui eos non colant, & qui non caste colant, mihi plane sint inimici. Intelligis, mi Pottice, cur ego te valde amem? & quid velim, antequam petam? Audio, esse apud te veteres aliquot interpres iuris ciuilis: tanta me cupido inuasit, vt, si in conclave illud Hermathenae tuae irrepsero, non verear, haberi in numero direptorum. Equidem vel quod ingrauescente aetate simus omnes audiores, & appetentiores, quam par est; vel quod, vbi plus sapimus, suppudeat nos, tam parum scire: id aetatis factus sum librorum helluo voracior, quam credi possit: quod est indicium stomachi crudioris, & qui facile moueatur. Sunt praeterea mihi duo liberi; quorum alterum latinis & graecis litteris, & philosophiae naturali dare operam volo, alterum latinis & iurisperitorum facultati: huic grecorum librorum copiam feeli, illi iurisciuilis supellectilem paro, cui te ducem do, amicum, tutorem, patrem, vt his nominibus filio meo plurimum debeas. Sed nolo ego te omnia meorum caussa facere: cupio etiam aliorum: desino orare, vt volumina illa alicui transcribenda des, cuius manum amem. esset enim id immensi laboris. Illud potius rego, ac peto in commune vt consulas, id est, in societatem studiosorum: imperati nobis aliquid bonae istius fortunae tuae: sine, vt commentarii isti a typographis edantur. quod cum feceris, demferis tibi nihil,

Vt

*Vt homo, qui erranti comiter monstrat viam,  
Quasi lumen de suo lumine accendat, facit  
Vt nihil minus ipsi luceat, cum illi accenderit.*

Nolle tuas istas diuitias latere diutius in tenebris, nollem a te includi ultim commodum studiosorum: illud praeterea: si qua in his commentariis tua sunt, id est, a te scripta, quae facio plurimi, quod ad interpretes illustrandos accesserint, scito interpretes istos sequi debere.

*Si ut habiliter gemmae geri possint inclusae auro fu-  
erint, tunc aurum gemmis cedere dicimus.*

Paulus iurisconf.

*Quoniam hoc spectamus, quae res cuius rei ordi-  
nanda causa fuerit adhibita, non quae sit preciosior.*

Vlpianus.

*Et in argento potorio non id duntaxat inesse vide-  
tur, in quo bibi possit, sed etiam quod ad preparati-  
onem bibendi comparatum est.*

Pomponius respondebat, additamenta enim se-  
quuntur ea, quibus sunt addita. Vides, quantum  
semihora profecerim in studiis tuis? vt audeam tibi  
iurisperitissimo negotium facessere, & contendere,  
vt, quae tua sunt, non sint tua: sed ego non te ex iu-  
re manus consertum voco; nihil superbe, nihil insolenter faciam, modeste & humaniter omnia. τῶν  
Θεῶν ἐσι πάντα. Φίλοι σι σοφοὶ τοῖς Θεοῖς. κοντά  
τῶν Φίλων πάντα. ἀρεταὶ τῶν σοτῶν πάντα. Et  
omnino, si a deo sunt omnia, a quo non modo men-  
tem & bonum ingenium dari, sed vitam, quam vi-  
uimus, & spiritum, quem ducimus, nobis impetrare  
videmus, cur nos autem tam iniuste auari sumus,  
aut tam odiose inuidi? vt studiosis bonarum artium,  
qui deo sunt acceptissimi, non concedamus ea, quae,

si

Si edaniur, nobis gloriae esse, & alius prodeesse possunt, obesse certe nemini. Sed quid ego tam multis expertus toties benignitatem & liberalitatem tuam? vereor, ne sim iniurius, qui sic rogem, quasi dubitem, quin mihi pro communni bono laboranti non respondeas, quam sciam semper omnibus optime respondere. Vale.

## XVIII·

FRANCISCVS CORSINIVS  
AONIO PALEARIO  
S· D·

H<sup>E</sup>us tu, qui perpendis momenta officiorum omnium, nonne debes mihi plurimum? Quid tibi? inquies, a quo nullum umquam beneficium. Quid ais? itane tandem? te in iudicium voco, litem intendo, vel te iudice dirimendam. Primum a te summa contentione peto, utrum per deos neges amicitiam nostram a pueritia inceptam, cum aetate creuisse simul, longa consuetudine confirmatam, stabilitam esse multis ac magnis officiis? Vide, quid respondeas: verbum non audebis. Si concedis, vici: si negas, ego te aggeribus & vallo cingam, vineis & turribus ad motis oppugnabo, ariete arcem defensio- nis tuae percutiam: quid, obsecro, facies, quin te dedas? Omnia tormentorum genera mihi sunt Verulis, Babuci, Turrici: etiam, si opus sit, ad te expugnandum expeditae legiones ex Hernicis tuis edacentur. Nega, fatere: quodquo te vertas, bene habet, vicimus, & quidem paruo negotio. Nam illud firmissimum est, ut idem velle, & idem nolle, sit amicorum: cum praesertim quae honeste ab amicis petuntur, optimo iure petantur. Quid est igitur, quod mihi iure non debeas? qui & amicitiam sanctissime

Pp

co-

colo, & summis laudibus ad coelum te effero. Sensisti iarmdiu, me rerum tuarum lectione mirabiliter delectari. & credo, propter ea superioribus annis non semel ad me orationes tuas, cum epistola ad Lucenses misisti: quas audiisse quidem legi, & earum copiam multis tui studiosis feci. Lactasti? nam quid hoc est? cur ab eo officio discedis? Quod consuetudine fit, id etiam iure fieri aiunt. Diutius, quam nostra fentre possit amicitia, praesentis anni tuam orationem exspecto. At tu fallis opinionem meam. Quare subiratus primum, deinde ad me rediens, coepi egomet tecum, hem, cur non ad me, ut solet? constitui tandem monere te pro amicitia, ut cum primum poteris (poteris autem cum voles) quam diligentissime orationem mihi debitam ad me mittas: id nisi feceris, caue a machinis. Eo molestus usque esse pergam, quo de amicitia fateare, & in manibus habeam orationem tuam. Vale, vii. Cal. Ianuariæ. Babuci.

## XX.

AONIVS PALEARIVS  
FRANCISCO CORSINIO  
S. D.

**D**Electauit me hilaritas litterarum tuarum, & ex iocis: & quod animo prompto esses ad iocandum, magnam coepi voluptatem. Feci enim ex ea re conjecturam, vos omnes recte valere, & bona spe esse: & te, quod non putaram, prouecta iam aetate, factum studiosum rei militaris. Quod nisi te probe nossem, qui cum gladio falcato illi tuo alligaris, es omnium impeditissimus, credidisse ego, te summum euasisse imperatorem. Ita enim aggerem, vallum, vineas, turres, arietem, legiones nominas, quasi non

non modo obsederis, sed expugnaris urbes, castella vi pugnando ceperis, exercitum duxeris. At vero quod in eadem epistola in iudicium vocas, & litem intendis: remittis de spiritu multum, & militaribus minis, praeque te fers iuris potius quam militiae petitum. Sed nihil valde opus est, ut vel hunc, vel illum agas: cum homine, qui non modo non negat, sed fatetur, immo vero praedicat, omnia se tua causa & velle & debere: qui benevolentiam tuam imitari potest, merita adsequi numquam. Litteras minus saepe acceperisti, quod nihil proximis mensibus accidit, quod scire aut tua, aut mea interesset. Qua in re tua culpa non abes, quod mandata mea tam diligenter prosecutus es, ut sint plane exhausta: aliquid erat relinquendum, ut tua opera uti possem. Audieram praeterea vos esse in Hernicis, quo ex Herrutia vix semel in anno nuncius venire potest. Postremo ne me excusem (dicam enim, quod est), factus sum in scribendo piger: credo occupatione muneris publici, quod mihi prorogatum est a Lucensibus in annos treis. Quid ita, inquies? tamdiu a nobis? Tu vides: credo tamen posse fieri, ut aestiuis feriis in urbem veniam, simque apud vos uniuersum triduum. Multorum dierum via est: ego tenuissima sum valedudine, iter saepe erit intermittendum, utro citroque commeantem feriae deficient: & omnino praeter quam ut vos videam, cum quibus coniunctissime uiuerem, causa nulla est, cur Romae esse magnopere cupiam. Vix dici potest, quam me satietas adhuc teneat pompaे curialis: incredibile odium quorundam, qui deos hominesque contemnunt, & impudentissimae viuunt: quos ego aequo animo videre non possum. Ii ventosissimi passim in oculos incur-

rent. Credebamus censura episcoporum coerceri libidinem hominum. Id si aliquando fiet acriter, reuiseat religio, iustitia abstinentia: sin minus, Romae diu me non videbis. Tu, qui ea ferre non potes, quae mirum est, ut quidam non modo per belle forbeant, sed concoquunt etiam: in Hernicis viue, fruere integritate Philonardi, sanctissimi viri: qui cum ego libentius vnum diem posuerim in villa ad Fibrenum, quam reliquum vitae tempus in omnium illorum regnis. Orationem meam, quam per litteras petis, mittetem ad te, si mihi vel tempus ad scribendum, vel seruus a manu, vel librarius esset: iis destitutus, non possum nunc mittere. Nihil tamen est, quod labores: illepidia est, & inuenusta: quae quae tamen est, melior fortasse mittetur a typographo cum ceteris breui. at hoc breui, puta esse anni spatium: aut, adhuc enim apud me sunt. Multa meum animum diuerse trahunt, mi Corsini. Si mutauero sententiam, & in aliud tempus differam editionem, nihil dubita, perficeretur ad te mea manu scripta: neque committam, si tibi gratissimae sunt, ne meis nugis non expleam desiderium tuum. Vale, idibus Februarii. Lucae:

## XXI.

AONIVS PALEARIVS  
ANDREAE ALCIATO  
IVRISCONSVLTO  
S· D·

**S**I quantum benemeritus es de iure ciuili, tantum abs te amantur eius defensores, nam ego non temere in eam spem veni, ut oratio quae in L Murae-nam a me scripta est, adiungat me tibi magnis necessitudinibus. Nam etsi tua in iurisperitorum scientiam munera tot, tantaque sunt, ut in ea adspirare ne-

mo

mo possit; non molestum tamén tibi esse debet, si  
mea opera desiderem aliqua ex parte laudibus adscribi-  
tuis. Merita quidem sunt longe disparia, neque e-  
go meum factum cum tuo comparo: nonnulla tamen  
est similitudo voluntatis, & officiorum nostrorum.  
Tu primus ius ciuile (quod miseris, perditisque tem-  
poribus in incredibiles tenebras ac fôrdes fuerat con-  
iectum) reduxisti in conspectum hominum perito-  
rum, & illustrasti splendore orationis: ego idem ius  
ciuile, quod fiorentissimis reipublicae romanae tem-  
poribus calumniis fuerat septum, ac circumuallatum,  
primus (vt opinor) oratione latitia a claustris Tullia-  
nis ausus sum vindicare, ac tueri. Quamquam in ea  
re tua fôrs melior est, quod tu de superiore loco pug-  
nas modo cum Graecis, modo cum Latinis, saepe  
cum barbaris hominibus, & pulcherrime vincis: ego  
alienissimo loco & tempore, cum deo eloquentiae  
contendo, nec diis nec viribus par. Tibi numquam  
deerunt laudatores, mihi semper obtrectatores supe-  
rabunt. Sunt enim quaedam pestes hominum pro-  
pensissimorum ad cauillationem & conuicium. Ab  
his non tam obseruabitur Ser. Sulpitius a me defen-  
fus, & M. Cato, vir integerimus: non ius ciuile sus-  
ceptum, non stoica disciplina per me erecta, & meis  
humeris suffentata: quam nouitas rei, quod duras  
partes susceperim, ausus repugnare oratori diuino,  
& prope coelesti. Hic ego adpello aequitatem tuam,  
Alciate, hic fidem tuam imploro. Si neque excu-  
tere, neque examinare licet ea, quae veteres nobis  
scripta reliquerunt; exiguis est campus exercitatiq-  
nis, nullus modus vestigandae veritatis: a qua lon-  
gissime potuerunt aliquando abesse scriptores, tem-  
pori & caussae seruientes: & absuerunt saepe, for-

tasle odio atque inuidia abducti. Vbi sunt isti Ciceronis studiosi? qui singula eius dicta, singula testimonia putant. Nihil censet Cicero iniquius, quam auctoritate & nomine pugnare. Obsecro te per fortunas, per ingenium tuum, Alciate, ut me adiuues in hac re. Ah non vides, quae mihi tempestas impendeat? quae turbae paratae sint? Nulla umquam fuit aetas, in qua maior copia fuerit accusatorum. Si tu confuetudinem in aduocationibus praestandis seruas, quaeſo mihi adiocatus esse memineris. Solent, qui sibi periculum conſlari timent, eos conuenire, a quibus consilium & auxilium expetant: ego quem adibo & colloquar? quem inuocem, aut implorem, niſi te? qui respondendo & cauendo deus mihi quidam videri soles. Oratio apud te eſt, non exibit niſi iuſſu tuo: ſi eam probabis, ſic te para, ut defendas. Ob dignam liberali homine doctrinam, tibi turpe arbitror, eloquentium iurisperitissimo, non ſuſtinere iurisprudentia defenſorem iuriſ: turpe iurisperitorum eloquentissimo, hominem, qui pro tuis artibus defendendis magnos labores ſuſcepert, ſumma pericula adierit, eloquentiae armis non tegere. Sed quoniam nihil inuita Minerua tua fieri volo, ſi quid oratio te offendet, cupio eam ſupprimi: gratiſſimum erit, ſi, quid ſentias, feceris me per litteras certiorem. Vale.

## XXII

ANDREAS ALCIATVS

SVRIS CONSULTVS

AONIO PALEARIO

S. D.

**O**Rationem tuam in L. Muraenam, qua ciceroniana respondisti, audiſſime legi, ea que lectio ne plusimum ſum delectatus: non tam quod in ea pa-

patrocinium iuris ciuilis suscepisti, & contra eloquentissimum oratorem artem nostram defendisti (quamvis & id quoque argumentum nobis plurimum placuerit) quam quod veterem declamandi morem in praesentem vsum revocas: & superioris aetatis incuria, ne infantiam dicam, obstructam controuersiarum apud rhetores viam aperis, reddisque facillimam. Quae res non solum ad comparandam dicendi facultatem pertinet, sed etiam nobis iurisconsultis admodum utilis est. Nam responsa prudentum, puta Alexандri, Cornei, Socini, quae nunc sunt in prelio, si eis legum nomenclaturam adimas, quid sunt aliud quam declamationes? paucissimi quidem ex humaniorum studiorum professoribus hoc praestare possunt. Quod si qui possint, ad iurisprudentiam, quae vberiores fructus parit, transire maluerunt, quam inter pueros fictis thematis consuefescere. Vnde factum, vt pulcherrima doctrinae exercitatio interierit: quam nunc a te suscipiari, & in ora hominum tanta cum gloria reduci mehercle primum gaudeo, hocque nomine me tibi plurimum debere fateor. Nec id Tullianae auctoritati, quae apud omnes sacrosancta esse debet, quidquam obesse existimo: quandoquidem solebat ipse vltro eorum personas inducere, qui sibi aduersarentur. sic enim veritas socratico more magis elucescit. Aiebat, ni fallor, Domitius clienti, dic contra, vt duo videamur. Nihil igitur est, quod formides, mi Aoni, ne qui omnia Ciceroni tribuunt, tibi sint infesti: nam & ipse ex illis sum, qui tamen de hoc nomine valde amo. Tantum abest, vt ciceronianam maiestatem te aut imminuisse, aut vel tantillum laefisse existimem. Immo iuratius adfirmare ausim, vel in tuam sententiam descen-

surum fuisse ipsum Ciceronem: nisi argumentum caussae, quam sustinebat, aliud expostulasset. Nam extra eum locum satis ex vniuersis eius oportibus adpareret, quantum semper iuri ciuili ille tribuerit. Macete igitur esto, vir clarissime, qui veterem nobis eloquentiam repraesentas, amissam maiorum incuria declamandi consuetudinem restituis, iuri ciuili dignitatem suam adseris: M<sup>·</sup> Ciceronis praeiudicatae apud omnes existimationi non solum nihil detrahis, sed ~~καὶ τὸν οὐρανὸν~~ ut magis & magis resulgeat facis. Quibus tot suis virtutibus ego unus ex studiorum populotantum me debere profiteor, quantum vix fando testari possum. Vale: Ticini, Cal. Octobribus.

## XXIII.

AONIVS PALEARIVS  
BERNARDINO MAFAEO

CARDINALI

S. P. D.

**C**Vm in Hetruriam tristissimi nuntii de Flaminii obitu adferrentur, amissione optimi viri, mihi que amicissimi, & sermone omnium, qui studioforum fortunam vel dolebant, vel miserabantur, gravissime sum commotus. Vulnera enim illa, quae ob Sadoleti & Bembi mortem acceperam, non sanata erant: & plaga ista iniecta rationibus meis tantum attulit doloris, quantum, si longior fuisset illius sanctissima vita, mihi abstulisset molestiarum. Paucis ante diebus quam aegrotaret, etum de me cum Luccensibus sermonem habuerat, vt facile intelligam, nulla illum in re, quae ad honorem & dignitatem meam pertinaret, vniquam defuisse. Cum in quartanam etiam incidisset, eaque molestissime affligeretur, sic amice percontabatur a Lilio, quem mirifice a-

me

me diligi intelligebat, ybi essem, quid facerem, quibus essem auctus liberis, qua in re adiumento esse posset? ut compertum habeam, omnia mihi fuisse ab illo, si vixisset, futura promta, & parata. Quod cum Lilius ad me scribebat, ita sum affectus, ut numquam ex animo meo effluere possit memoria illius viri. Acerba sane recordatio est, ingenium illud immortalitate dignum, subito extinctum esse: sed cum eius suavitatis, magnitudinis, industriae, vigilantiae, pietatis mihi in mentem venit, non possum a dulcissima cogitatione diuelli. Neque vero est aliud, quod hoc tempore libentius faciam, quam de Flaminio cogitare, & loqui: hac una ratione adquiesco, & lenio desiderium meum. Cumque mihi exhausta incredibilem dolorem ob interitum clarissimorum hominum non posse videam, insidior mihi ipse: & tantisper certe, dum illorum diuinis & coelestes virtutes memoria repeto, & animo complector, abduco atque auerto me a tristitia temporum, quibus florentissimos viros amisimus, qui futuri sint, non videmus: de quibus quid cogitem, noli tu quae reré pro sapientia tua. Sicuti enim; cum aliquot continuis annis libertate agrorum, & coeli temperatione, frugum & fructuum copia exstitit, multis postea sequentibus conversione rerum angustissime omnia proueniant; sic, cum haec aetas eos oratores, & poetas tulerait, ut nulla multis saeculis fuerit feracior, tempestatibus his coortis magnam ego futuram vereor inopiam ingeniorum. Nolo omnia colligere, quae tu acutissime perspicis: tantum dicam, nullos Bembos, nullos Sadoletos, nullos Flaminios renasci, & istis occidentibus solem excidisse e mundo. De Polo, sanctissimo, collega tuo, nihil accepi, quo-

nam pacto tulerit Flaminius mortem. Vir est fortis, & grauis, summa sapientia praeditus: sed magna est vis necessitudinis, amoris, & caritatis. Quid homini acerbius poterat accidere? iste vero quotidie est conueniens, qui integritate vitae, sinceritate animi, excellentia studiorum bonis omnibus est acceptus: tibi, qui omnium ingenuarum artium, omnis politioris humanitatis semper studiosissimus fuisti, carissimus esse debet. Collige quidquid habes ad consolandum: multa sunt in te adiumenta doctrinae, multa naturae, quibus leuare moerore afflictum potes: sed maxime hilaritate yultus, & festiuitate orationis. Omnia adhibenda sunt diligenter: eius absentis luctum, squaloremque adspicio. Quam vellem ego nunc Romae, reliquias istas aureas aetatis quotidie viserem, & salutarem: teque in primis, quem ob singularem virtutem, dignitatem, & amplitudinem colo, & obseruo: quo uno incolumi, bene consultum a diis immortalibus esse arbitror mihi, & liberis meis: quod multum licet detractum sit morte clarissimorum hominum, tamen nihilominus satis relictum est pietate ista erga me, & perspectissima benevolentia tua. Vale, nonis Martii, Lucae.

## XXIIII.

BERNARDINVS MAFAEVS

AONIO P A L E A R I O

S. D.

**C**VIA Lilius, vir opni humanitatis atque officii genere ornatissimus, ad me nonnumquam veniat, illius quidem aspectus mihi & sermo, cum semper alias solet esse iucundissimus: tum vero numquam iucundior fuit, quam cum proxime de te mecum.

cum locutus est, litterasquè a te mihi reddidit. Quas ego sic accepi, vt optatisimum munus aliquod accipere mihi viderer: sic legi, vt summa earum elegan-  
tia & grauitate mirifice caperer: quibus tu dolenter  
admodum, atque amanter, Flaminii, hominis &  
doctissimi & sanctissimi, obitum deploras: & eum  
eeterorum, ad quos tanti viri amissionis damnnum  
pertinet, tum vero tuam ipsius vicem praecipue do-  
les. Et quidem illius viri mors litteris ob praestan-  
tem doctrinae omnis, atque ingenii elegantiam: re-  
ligioni, ob admirabilem morum & vitae sanctimoniam,  
ac pietatem: bonis omnibus, ob singularem er-  
ga eos, in quibus inesset aliqua virtutis significatio,  
animi studiique propensionem, tantum detrimenti  
attulit, vt nulla re satis unquam resarciri posse videa-  
tur. Sed quando ipse tam pie, christianeque deces-  
sit vita, vt prope nefas sit dubitare, illum summam  
vitae huius miseriam atque calamitatem, cum infini-  
ta aeui sempiterni beatitudine atque felicitate com-  
mutasse: nos quidem, qui eum amamus, multo  
magis laetari oportet tanto illius bono, quam ullo  
nostro commoueri incommodo: praesertim cum tot  
ille, tamque praeclara ingenii sui, atque doctrinae  
monumenta in omni fere litterarum genere relique-  
rit, vt iucundissima eorum lectione facile omnis ab-  
stergi possit animi nostri intolleror, atque tristitia. Haec  
cum in primis Polo, collegae meo, multaque prae-  
terea suspetant doloris sui ex Flaminii morte accepti  
solatia, & illa quidem eo maiora, quo ipse & plura  
habet, & praestantiora tum sanctitatis, tum doctrinae  
praesidia, atque adiumenta: an censes tu, virum  
hunc aut mea, aut alterius cuiusquam consolatione  
indigere? cuiusquidem virtus multis iam, & graui-  
simis

simis periculis, detrimentis, iniuriis, tamquam autrum igni explorata, atque spectata, sic late nitet, sic fulget, ut apud omnes cum admirationem maximam, tum vero mirificos sui amores excitet: ut non tam quidem ob res aduersas eius vicem doleandum, quam de tanta animi fortitudine atque constantia illi gratulandum esse videatur. Ad eum tamen misi epistolam tuam: in qua ille cum summum tuum erga se studium, atque obseruantiam valde amauit, tum scribendi elegantiam magnopere laudauit. Quod autem ad te ipsum attinet, mi Aoni, sic velim tibi penitus persuadeas, me omnibus in rebus iis, quae ad rationes tuas, & commoda pertinebunt, diligenter curatum: ut quam de meo erga te amore, benevolentia que opinionem habes, ea te numquam fallat: utque in me uno facile omnium amicorum tuorum, quos amisisse te doles, studia atque officia cognoscas. Vale. Romae, XII. Cal. Maias. Lampridium nostrum exoscular. .

## XXV.

M<sup>r</sup> CASALIS

VIDOTTIS SVIS

S. D.

**T**am lucebat, cum ex oppido Collino sum egressus. Lucam veni, antequam aduersa sceret: praevolauerat tamen Pterix, quae res auxit suspicionem Aonio, de vxoris morte. Nam cum a Pterige accessisset e dolore illam laborare, & ego subsecutus post treis horas venissem sudanti equo, coenosis eothurnis: ubi me vidit, exanimatus, magnam vim lacrimarum profundere, & clamare coepit, hem mea vita, mea lux, meum desiderium. Cum grauissime febri & lateris dolore affligeretur, in alteram partem

Iec-

lecti se prouoluens, p̄pluinum amplexus, neque Pre-  
rigi, neque mihi adfirmanti de vxoris vita, fidem ha-  
buit. Ego, etsi maxime volebam vultum mihi laetum  
fingere, & vocem constantem: cum tamen viderem  
hominem mihi carissimum febri & lateris dolore ar-  
dere, fateor non potuisse. Nihil tamen omisi eo-  
rum, quae consolationem adferre possunt. Nam vt  
bono animo esset, multa dixi, & iurauit me non men-  
tiri. Vxori adesse partum, & esse difficilem: tamen  
obstetrices bene sperare. Quin etiam ipsius vxoris  
rogatu me venisse, vt cum, cum primum per valetu-  
dinem liceret, ad se adducerem. His paullulum  
recreari visus est: neque tamen deponere metum, &  
dubitare, dari sibi verbas. Opinor, vel potius intel-  
lico, nostro aduentu accessionem morbi factam. Nam  
coenantibus nobis quodammodo despondere ani-  
mum, & fixis oculis intueri, & luctuose creberente  
suspirare coepit. Cum ad multam noctem adfuisset-  
mus, & nihil de dolore ac febri remitteretur, nos, qui  
de via fessi eramus, cubitum iuimus: ipse tertia fere  
vigilia, vt a serua accepimus, paginam & atramen-  
tum cum calamo sibi adferri iussit, quas: aliquid scrip-  
turus: cum partem nullam noctis quieuisse, paullo  
ante lucem in superius conclaue lectum exportari ius-  
sit, in quo est imago vxoris suae: quem ingressus, su-  
dere coepit, neque multo post dormire. Dum alia  
quaereremus, incidimus in pagellam, in qua erant  
hi versus, vacillantibus litteris: quos ad vos mittimus,  
vt admiremini viri amore & pietatem in vxorem:  
eamque, si viuit, consolemini. Cui si quid huma-  
nitus acciderit, secus ac volumus, sit aliquid etiam  
quod vos consoletur.

Non

*Ni mihi spem Christus faceret , quam vita secuta es ,  
 Non possem abrupto viuere coniugio :  
 Ille mihi te olim reddituram in luminis oras  
 Pollicitus , dulci pascit amore animum :  
 Interea Aonium venientem curibus ad te  
 Exspecta campis vxor in Elysis.*

Sed utinam hic valeat , & ista viuat : quae si peperit , aduentare omnino , ac prope adesse debent aliqui cum litteris vestris . Nos hic , vt ego pro Pterige quoque pollicear , nulla in re deerimus : etsi fortasse nihil opus erit opera nostra . Ea natura est huius morbi , vt simulatq. declinare coepit , illico euanscat . Deos quaesumus , vt cito ad vos optatissimi & iucundissimi nuntii reuertamur .

XXVI.

ORGETORIX SPHINTER  
AONIO PALEARIO

S. D.

**E**T si ego haec coram potius tecum , quam per litteras agere voluissem : impediuimus tamen me post Sadoleti mortem cursus iste in Germaniam , in qua nunc tot negotiis distineor , vt non queam auelli , planeque nesciam , quando in Italiam sim redditurus . Coloniam yeni hi nonas Ianuarias : idibus ad Laurenum scripsi , a quo puto ad te missum exemplum mearum litterarum , cum Henrici collectione : quo viro (mihi crede) nihil potest fieri studiosius , nihil amantius tui . Habet is in Pannonia negotia magna , atque ampla : & propterea patrocinia clarissimorum hominum . Cum superiore anno in curia Ferdinandi regis fuisset , putabat hic , vt te obseruat , aliquid esse tui nominis : sed mirum in ea silentium de tuis libris . Neminem inuenit , ad cuius manus tua scripta peruerterint . Rogabat de Vergerio , quem bonum virum & littera-

tum

tum omnes dicebant: sed ab eo in curia perdiu nihil fuisse litterarum. Quid est? ita vivam ut libelli tui ad regem non sunt adlati. Vergerius vel habuit minus fideles tabellarios, vel regi noluit esse molestus scribendo: vel alioquin opera vsus est, cuius non fuit opera. Solet enim fieri, ut qui in aliquo honore ac precio sunt apud principes, nihil obtundant aliorum caussa: ut si vsu veniat, totos occupent sua. Tu, cum tanto interuallo disiunctus essem, sperasti, quasi absentes iter vnius diei, libros posse ferri fideliter, litteras dari, commendatione comparari gratiam. Ego id mihi non sumo, ut tibi consilium dem: sed ut puto, posthac sapientius facies, si in commendationibus istis habueris minimum speci. Nolo plura. Falsus es, si hic meliores esse res credis, quam in Italia. De Henrici collectione scripsi ad Laurenium, de qua nunc ad te paucis: quod non verear permagni a te fieri amicorum eudoxiae. Ego nihil arbitror bono viro esse iucundius, quam amari a bonis, quorum ubique mira paucitas est. Memorare possem, quibus a regibus desideratum est par amicorum: tu cum habeas, non amabis? Quos ergo? purpuratos istos? qui quam grati & memores sunt, tu iam sentis, nos quotidie experimur. Mirifica sunt officia tenuiorum, domestica, publica, in studiis, in litteris: in primis non facta benevolontia, animus sincerus ac simplex, qui amico honestissime cupiunt, pro quo etiam mori possunt. Ad hoc genus hominum te refer, sis, amandum & colendum. Scito abs te exspectari dialogos, καὶ τὰ μέλη, quibus nos etiam exornemur: proinde si quid parturient tuae musae, fac, ut nescieris.

Vale.

XXVII.

XXVII.

AONIVS PALEARIVS  
ORGETORIGI SPHINTERI  
S. D.

**M**irisicus amor tuus omni ex parte se ostendit in his litteris, quas ad Laurenum, quas ad me, proxime Colonia dedisti. In iustus est, si quis istas provincias, quas humanitas expoliuit, & litterarum lumen accedit, in quibus tales homines nascuntur, barbaras adpellet. Ego, mediusfidius, nihil puto fieri posse suauius ingenio tuo. Quamdiu fui Patauii, & tu Venetiis, quid proficisci potuit ab homine summa humanitate temperato, quod abs te non sit profectum & effectum? Nunc vero, quod ab extremis Pannoniae finibus excitaueris nobilissimum iuuenem, & doctissimum, florentem opibus, propinquis, amicis, ad me colendum, & obseruandum: quanti putas a me fieri humanitatem istam, & pietatem? quam ob rem ego te, & Henricum tuum, vel potius nostrum, arctissime complector: si corpore non possum, animo certe quantum queo. Utinam tanto interuallo non essemus disiuncti: haberem profecto, vt tu dicis, par amicorum, quibus cum ego tam libenter viuerem, quam cum diis immortalibus. Quod si aliquando te istis negotiis explicaueris, vt redeas in Italiam, obsecro, multo ante certiorem me fac per litteras, vt quam longissime tibi obuiam veniam. De libris meis aut est, quod dicis, aut non multo secus. Vbi sunt illa antiqua patrocinia litteratorum? quibus caput extollere, & erigere se scriptores solebant? O spem fallacem, o inanes cogitationes meas, si tantus labor est exsudandus, vt ad eos, quibus dicata sunt mea scripta, perueniant? Vergerius

rius nullam caussam sustinet: quem ego cognoui semper cum doctum, tum bonum virum, plenum officij ac diligentiae. Quem igitur, inquies, accusas? Neminem, praeter fortunam. Video id euenisce, quod scribentibus nobis eos libros commeninit Bembus. Spes tamen adhuc est, si Maximilianus in Italiam venerit, posse fieri, ut ad regem perfecrantur. Iuuenis est pius, felix, augustus, sapiens: num non leger, quae annos abhinc sexdecim sum auguratus? num contemnet hanc animi mei propensionem in Austrios suos? non credo. Si quae de Insubribus dicuntur, vera sunt, spero, omnia fore melius. Magnos audio conuentus agi in Germania. Tu si quid habes, & maxime ab Henrico, da aliquid litterarum. Nos quidquid erit, sic feremus, ut mortales. Illud tamen, quod mones, curabimus, quasi numquam morituri: ut omnes intelligent, nihil nos maluisse, quam amicis, qui de nobis optime meriti sunt, gratiam referre. Id quoniam adsequi non potuimus, ut memores & grati essemus, retulisse tamquam in accepti tabulas, & versibus & soluta oratione prodiisse memoriae, quantum cuique deberemus. Vale.

## XXVIII.

AONIVS PALEARIVS  
PTERIGI GALLO  
FAMILIARI SYO

S. D.

**S**I tu vales, & vxor, liberique nostri valent, bene est: ego coeli huius grauitatem ferre non possum. Bonam valetudinem, mi Pterix, amis: quotidie aegroto magis, neque inedia neque purgationibus leuor. Noctu me pituita enecat, nonnumquam etiam interdiu: saepissime latus dulet. Ad haec mala quidam

Qq

mo-

moeror accedit prope continuus , qui misere angit animum meum, vel aegritudine ipsa, in quam vis morbi conuersa est: vel quod optimos & amicissimos viros , qui proximis superioribus annis interierunt , Sadoletum , Bembum , Flaminium , Sfondatrum desidero, robora illae defensionis meae, praesidia illa scriptorum mearum : vel quod maleuolorum & inuidorum plena sunt omnia , in quos incidere aliquando necesse est: cupio volare ad vos. Non est credibile , quam me studiorum taedeat. Dies totos in apricatione Ceciniana conteremus : vel si placebit mane, aut inclinatio in pomeridianum tempus die , cum Lampridio & Phaedro , suauissimis pueris , & cum mulieribus nostris circum villulas errabimus. Exercitationibus intermissis certe in id morbi sum delapsus. Hic pluuiis complures dies coortis , pedem porta efferre non possumus: plus istic semper est serenitatis. Video, vt scribis, a colonis nostris aduentum meum amantem exspectari. Nullis cum hominibus sum aequi libenter , quam cum istic: qui et si non sunt cupiditatibus expertes , sunt tamen prae nobis beati. Fac hortum parent , vt olusculis nos queant pascere. Urbanis sumtibus plane sum exhaustus. helluellas, cochleas, oua , pisces, pullos, turdos rus suppeditabit: & omnino coenae salubiores & suauiores sunt ex his, quae ex terra nascuntur, aut aluntur domi , aut a nobis ipsis retibus comparantur, quam quae e macello petuntur. Quod si lautius velimus accumbere , erit tyrotarichus ille tuus obsonium regium: qui si facile concoqui non poterit , rusticabimur. Opus faciemus, vt defatigemur, eum usque ut concoquamus. Proinde tu te para: cura , vt ruri ferrula sit, securis, cuneus, bidens , rastrum , ligo. Interea dum non bel-

·lif-

lissime nos habemus, seramus arbores, alteri saeculo profuturas. Vale.

## XXVIII.

AONIVS PALEARIVS  
CAELIO SECUND<sup>O</sup> CVRIONI  
S. D.

**M**Itto cum his litteris effigiem Dorotheae filiae tu-  
ae: verum, vt antea ad te scripsi, ἐπιθυχαί-  
τεχνον. Evidem si initio adfuisse, alteram tantum  
oris partem a vertice per medium frontem & mentum  
(vt aiunt) ducto filo pingi voluisse, quod in antiquis  
numismatis factum videmus. Opinio eamen est fere  
omnium huius temporis pictorum, formam totam  
propius exprimi κατ' ἐπιθυμίαν, vt uterque oculus  
atque integrum os adpareat. Omnino est aliqua oris  
similitudo: sed longe forma praestat Dorothea, in  
vultu: qui, vt physici monent, est animi index. In-  
est mirificus quidam pudor, in oculorum motu ma-  
tronalis grauitas, maior certe quam eius fert aetas. In  
grauitate quoque mira humanitas, & incredibilis ve-  
nustas. Non est eius facies suffusa rubore, vt simu-  
lacrum ostendit: color est suavis & verus, vegetae ac  
lucidae cutis, optima scilicet totius corporis tem-  
peratione. Si quis virginem intuetur, illico roseus  
in vultu, & vt Diogenes dicere solebat, ipsius emicat  
virtutis color. Statura neque admodum procera, ne-  
que parua (est enim, vt scis, annos nata decem) ne-  
que tenui corpore, neque obeso nimis, sed agili, at-  
que expedito: apta denique figura membrorum, quam  
Graeci nostri συμμετρίαν vocant. Illud vero, quod  
pluris faciendum est, immo quod caput est, & in quo  
posita sunt omnia, non praeteribo: duas habet di-  
ces ac magistras, Angelam & Felicem, lectissimas fe-

Qq 2

mi-

minas, quae puellam ingenue & liberaliter educant, & ferunt in oculis. Numquam vidi parentes indulgentiores, & quae a liberis ita amari velint, ac istae a tuis. Ferrent id moleste, si audirent: nam vtraque Dorotheam filiam suam adpellat: cumque liberis careant, certant ambae amore, & officiis inter se, in a lenda & ornanda puella. Deus, princeps & rex omnium saeculorum, eas tueatur, ac seruet. Neque enim multis habet haec aetas tanta caritate flagrantes: quae hodie, quantum video, apud omnes gentes deforbuit, vel extincta potius est. Dominus noster, Iesus Christus, qui potest, nos iuuet, & sua ope sustentet. De rebus meis nihil scribo, quod binas te de his litteras accepisse arbitror. Vale.

## XXX·

AONIVS PALEARIVS

LAMPRIDIO DOROTHEO ET PHAE-  
DRO THEOPHILO PALEARIIIS  
LIBERIS ET ANIMIS SVIS

S· D.

**M**Ediolanum veni xvi Cal. Nouembr. adspectus urbis ita mihi placuit, vt, nisi me vos, carissima pignora, arctissime teneretis, faeile possem capi, & Hetruriae obliuisci: sed nullus locus, nullus conuentus tam celebris est, qui sine vobis mihi non videatur desertus, & solitudo mera. Crassus nos amantissime accepit, apud quem adhuc sumus: eius consilio freti senatores omnes domum singillatim visimus & salutauimus: qui me contra perhumaniter sunt complexi & honorifice resalutarunt: magni heroes. Ante diem IIII· Cal. orationem habui in templo virginis a Scala, frequentissimo senatu, praesidibus, praetoribus, tribunis aerariis, omnibus denique ordi-

dinibus adhibitis, aduocatis collegiis iurisperitorum, & philosophorum: tantus fuit concursus ciuium, vt non modo in templo, sed in compitis ac viis, quibus sex in aedem itur, angustissime staretur: postridie eius diei deductus sum in gymnasium publicum, in quo, vt primus comes Mediolanensis mihi narravit, D<sup>r</sup> Aurelius Augustinus hoc idem munus sustinuit, quod mihi est a senatu impositum, nisi quod illi etant latini tantum auctores interpretandi, mihi etiam graeci. Quod eo scribo, vt nostros, qui de me solliciti sunt, certiores faciatis, & vt vos ipsi excitetis ad virtutem & studium litterarum, quod vobis vnum a me patrimonium erit: fortunae exiguae nostrae sunt, praediola amoena potius quam fructuosa, quae afflita bello Senensi proximo, sine pecore, vix familiam aluerunt: vectigal oppidanum duplicatum est, tributum saepe imperatur maius, quam vires nostrae ferant. quo loco res sit, videtis. Nam de sororibus quid dicam? grandiusculae sunt, & propediem in alias familias mittendae, eas dotem sequi oportet, domi non est teruncius: si frumentum angustius prouenerit, in parsimonia suimum praesidium: ego quoque minor sumtus faciam, vt aliquid de stipendio meo corradam, quamquam hoc male habet: diuturnitas bellum gallici efficit omnia mihi duriora: si generi, quales volumus, inuenientur, mercatores Lucenses, honestissimi homines, pecuniam suppeditabunt, ne ab omnibus rebus imparati esse videamur: horum liberalitas splendorem vincit magnorum regum: tuum est, mi Lampridi, qui es natu maior, si quam relaxationem mea absentia fieri animaduertes, resarcire & benevolentiam confirmare scribendo: non plus flores, vt aiunt, roscido humore sustentantur, quam a-

Qq 3

mi-

micitiae, ne elanguescant, adpellando & salutando. Matrem tuam, lectissimam feminam, magna animi fortitudine, sed tamen feminam, si opus est, consolare: virgines custodi: Phaedrum suauissimum puerum, vide, ne abripiant ac depravent adolescentium fodalitates, te ne auferant quorumdam consilia: hoc uno minus sum felix, quod vobis infirmioribus abs sum domo: cuius tu, id aetatis, si optimus eris gubernator & moderator, vel hoc ipso superabo omnium fortunam, quod viuens prudensque video, quod alii auent scire, ubi e vita decesserint. De colonis probo consilium matris, sine qua nihil fieri volo, eius imperium reueremini, &, quod vobis parens est, & quod mea mihi vita est earior. De studiis vestris magnam cepi voluptatem, cupio enim te, Lampridi, daturum operam philosophiae, erudiri plus litteris graecis, & Phaedrum studiosum (vt spero) iuris ciuilis, magis exornari latinis, vt omnes homines intelligent, non modo filios mihi iucundissimos obtigif- fe, sed alumnos etiam disciplinae meae.

---

AD  
EPISTOLAS AONII PALEARII  
ACCESSIONIS NOVÆ  
*Ex epistolis Cl. virorum a Io. Michaelo Bruto editis  
Lugduni apud Gryphium cccxlii lxi.*

## I.

AONIVS PALEARIVS  
ANDREAE MARINO

S. D.

**E**T si magnam, mi Andrea, gloriam consecutus videor, quod vulgo hominum opinio me soci-

un

um laudibus adscribat tuis; tamen ex eo vel maximam voluptatem capio, quod tales mihi in te insti-  
tuendo socium, comitemque fortuna praebuit, ut te  
praestantisimum, singularemque in omni genere  
laudis iuuenem futurum non dubitem. Neminem  
video (video autem quotidie prope infinitos), qui  
Mediolanum veniunt, veteres amicos vel Lygures tu-  
os, vel Hetruscos meos, qui cum de te audierunt,  
quae volumus, & optamus, non mihi continuo gra-  
tulentur, quod mihi Rorarium socium fortuna con-  
cesserit. Negant enim se dubitare, quin usus quoti-  
dianus multum posse in quo quis homine: in adoles-  
cente vero plurimum consuetudo domestica. Quibus  
ego quamquam possum verissime respondere, immo  
vero respondeo, te, quae facias, bonitate ingenii fa-  
cere, quae vel in te cum aetate accreuit simul, vel si  
tecum nata est, quotidie magis elucescit; tamen ne  
vel meae diligentiae, qua patrem tuum cohorta-  
bar, ut tales virum conduceret, neue bona fortu-  
nae tuae, quae tales obtulit, faciam iniuriam, non  
plane nego aliquid nostra opera accessisse. Nam ego,  
& Rorarius quasi boni agricolae praestitus,

--- *Nemala culmos*

*Effe rubiga, segnisque borreret in aruis*  
*Carduus, intereunt segetes, subit aspera siluae,*  
*Lappa que tribulique.*

Nostri cetera: quae eo libentius commemoro, quod  
non sunt aliena a dignitate tua: siquidem Achilli  
graecorum fortissimo honestum fuit a Chirone educa-  
ri, & Alexandro Macedoni omnium saeculorum  
principi per honorificum, summa obseruantia coluisse  
philosophos. Quamobrem a te petimus, ut in hanc  
haereditatem gloriae tuae, nos aliqua ex parte venire

patiare, qua communicata nobiscum, non modo non imminuetur, sed potius augebitur: nihil enim probo adolescenti honestius, aut laudabilius, quam habere apud se matura aetate viros, quasi testes continentiae suae. Quare valde probo, siue domi, siue foris es, quod tibi semper adesse Rorarium iubeas vel sodalem, vel consultorem, & suauissimum conuiuam. Quod vero ad me quotidie ventites, & omnibus officiis prosequare humanitatis, tantum te amo, quantum tu magis intelligere potes, quam ego dicere: tuis enim factis ita incendor, ut nihil possit excogitari ardenter: nullus, mihi crede, relictus est amori meo locus augendi. Quae cuin ita sint, debemus omnino tibi, ut pro Rorario etiam loquar, gratulari, & gratias agere, & nobis gaudere, quod florentissimum habeamus alumnū disciplinae nostræ: contigit enim tibi, quod multis saeculis haud scio, an nemini, ut summum ingenium cum summa probitate coniunctum sit: in quem unum cum omnes suas copias fortuna transfuderit, intelligere debes, nos summa spe esse, quod non possis deserere eos, a quibus initium profectum est laudum, & virtutum tuarum. Vale.

## II.

ANDREAS MARINVS  
AONIO PALEARIO  
S. P. D.

**Q**uantam voluptatem ex tuis litteris cepi, cum Rorarius adhuc nobiscum esset; tantum post eius discessum, cum in easdem incidisse, & relegisse, doloris accepi. Est ita profecto, ut dicis, Aoni, neque consultor prudentior, neque comior sodalis, neque suauior conuiua Rorario inueniri potest: nam est in praeuidendo oculatissimus, in colloquendo iucun-

cundus, in conuictu quotidiano pverbanus: homo integer, & ambitionis plane hostis est, numquam simulator, ac dissimulator: sed eodem semper animo ac fronte, quod de Socrate accepimus, qualis mane domo exibat, talis vesperi redibat domum. Refrificant mihi desiderium tuae litterae, & quamquam renouant dolorem; tamen non possum mihi temperare, quin eas saepe, & vero saepius legam. Grimaldus in Hispanias proficiscitur. Puto posse fieri. ut hic sit cum fratre, ille ad nos redeat, praesertim si fratri commorandum sit apud regem, qui cōpositis rebus quibusdam prouincialibus ad Belgas dicitur redditurus, quod etiam nunc incertum est, neque quidquam adfirmari potest prius, quam nouerimus, ubi nuptiae futurae sint: quae si luctu regio in alterum annum differentur, opinionē celerius Rorarius ad nos redibit: quem diem ego si videro, caue putas, mē quidquam fieri posse laetius. Hac ego oblector specula, & lenio desiderium meum: quod melius feram, si tu, qui nullum facis finem laudandi, & collendi Rorarii, tamdiu apud me fueris, quamdiu potes: potes autem eo tempore, quo interpretationibus publicis non sis impeditus: quod totum ut apud me ponas, te vehementer etiam, atque etiam rogo. Vale, Mediolani, X<sup>o</sup> Cal. Decembris, anno domini M<sup>o</sup> D<sup>o</sup> LVIII.

## III.

FRANCISCVS LVISINV  
AONIO PALEARIO  
S· P· D·

**E**T si necesse non fuit litteras ad te dare, ut me veterem nostram amicitiam colere intelligeres; tamen cum ex Hispania Brutus ad te veniret, non putauit mi-

hi esse committendum, vt eum, qui tui valde studiosus est, meique amantissimus, sine meis litteris dimitterem: quibus tibi meam illam in te amando constantem voluntatem non esse immutatam significarem. Quis enim sit tam ineptus, qui te perpetuo quodam studio non amet? qui tua causa non velit omnia? Id me præstare necessitudini nostræ, Brutus tibi, qui meos omnes sensus tenet, erit testis. Nam cum Germaniam, & Belgarum rationem peragrarem, cum essem in Britannia: ne viuam, si mihi umquam animo excidit iucundissimi sermonis tui recordatio, quo Octauiani populi conuiuium, cum apud eum ambo Mediolani accubuissemus, condiuisti. Legeram ego antea tuos libros, quibus quantum eruditione valeres, quantum excelleres eloquentia, testatum omnibus reliquisti: tum vero mihi primum contigit, vt ingenii tui suavitate perfruerer. Quare ii mihi semper felices visi sunt, qui te uti familiariter, & multarum, maximarumque rerum præcepta ex tuis haurire fontibus possent. Tantam ego commoditatem Andreæ Marino in primis gratulor, cuius mihi adolescentis præstantiam Brutus singularibus verbis commendauit. Is vt vir dockissimus est, ita ingenium habet peracre in iudicandis hominum virtutibus. Bruti ego testimonio facile, vt credam, adducor, Marinum sibi in adolescentia clarissimarum virtutum præsidia, atque ornamenta comparasse, eiusque laudem illustri iam loco sitam esse. Vtinam mihi iam liceret, tot itinerum laboribus, & nauigandi iactatione defesso, ad vos, Paleari, ad vos redire: quæ tamen mihi facultas ita adhuc præcisa est, vt optandum mihi potius videatur, vt ducere ad illud tempus spiritum possim. Sed de rerum mearum statu ex Bru-

to

to ipso audies, qui iam cum cothurnis adeſt, & calcaribus, vt mutatis ad celeritatem equis primum in Galliam, deinde in Italiam percurrat. Vale. Toleti, idibus Ianuarii M<sup>o</sup> D<sup>o</sup> LX.

## III.

AONIVS PALEARIVS  
FRANCISCO LVISINO  
S. P. D.

**R**edditae mihi fuerunt ab Andrea Marino litterae tuae, quibus ego legendis tam surn delectatus, quam si te audissem loquentem: habent enim atticum leporem & singularem humanitatem, qua tu semper misericorde abundas. Quod si Brutus idem tuus, & idem noster usquam gentium adparuisseſet; lenissim ego aliquā ex parte desiderium meum. Nam cum is valde te amet, & vnicē abs te ametur ob vitæ, & ingenii similitudinem, tc ipsum videre visus essem: multa praeterea oratione sua subsecutus, quasi Menelaus Homericus mihi narrasset omnem istam nauigationem, qua e Belgis in Britanniam, & Hispaniam transmisisti. De Gregorio vero meo, diū boni! quam iucunde accepissem, quod ab aliis nuntiatur, eum bellissime babere, qui cum a nobis discessit stomacho erat delicatiore: nimirum iste aer aptus est ad concoquendum: nam Hispania calidior est, quam Italia nostra, quod ad oceanum sit exposita & spectet ad occidentem solem. Quamobrem sunt Hispani acriores in rebus gerendis, minusque eorum animi emolliuntur in prouincia omnium humanissima: non est credibile, quantum sit istic heroicæ virtutis, cuius proprium est imperare: vnde aucta est ista prouincia regnis. Subinuideo tibi, quod apud eos es, quorum gratia tua virtus fieri potest illustrior accessione for-

tu-

tunae, & dignitatis: nos hic mediocri stipendio addicti sumus publicis interpretationibus graecis, & latinis, nolo dicere, me quantum hic operis fiat, poenitet. Nam nobilitate discipulorum floremus, neque operam lusimus: latine, & grecce scribunt adolescentes. Ex qua re ut voluptatem capias, mitto ad te quaedam προγυμνάσματα, & ut simul doleas vicem nostram, quod pro quotidiano labore, cum tam exigua merces in annum proposita sit, in ea exigenda tantus sit exsudandus labor, ut me iam vitae taedeat. Velim de Rorario quaeras, quot adeundi, & conueniundi quaestoris indignitates feramus, quam ad fores quotidie pendeamus aerarii: quod quidem bonarum litterarum studiosis acerbum est, mihi quidem non honestum. Quae ad te scribo libentius, ut te consolere, ferasque omnia toleranter, & cum tuorum laborum in mentem venit, possis nostros recordari: nam licet non tu quidem molestia vacuus, es tamen prae nobis beatus. Sed maluisse ego de tuis cum Bruto: qui si ad me venerit, post unum, atque alterum osculum, ut sciam, quid factum est opus, rogabitur a me diligenter de toto sensu animi tui. Vale.

## V.

ORGETORIX SPHINTER  
CAROLO LAURENO

S. D.

**C**Vm proxime ex urbe in Germaniam venisse, vidi in manibus doctorum hominum esse orationem Aonii Palearii in L. Muraenam, quam superiore mense Mediolani legeram cum tanta animi mei voluptate, quanta soleo illius omnia. Quid quaeris? eadem audiui, quae Mediolani qui praestanti iudicio sunt, adserunt, si reuiuscatur M<sup>r</sup> Tullius, iturum e-

una

um in Aonii sententiam , si iūdex detur , condemnaturum esse Murænam . Qui obseruantissimi sunt puræ castaeque elocutionis , aiunt , se non dubitare , si optimis illa temporibus , quibus lingua latina floruit , sic scripta fuisset , futuram fuisse in honore & precio . Laudant omnes dicendi genus seuerum & graue , numerum in coelum tollunt : laudant suavitatem ingenii , quod antiquum obtineat , & repræsentet mirificum ciuem romanum : quod reipubl. timeat , quod augeat periculum : quod vereatur , ne absoluto Muraena milites , qui posthac duces sequentur , incendant imperatores prauis cupiditatibus : quod omnibus vestigiis adsequatur & diuinet interitum libertatis . singattamen , qui legit , se eo tempore esse , quo iudicium illud fuit : quo maxime haec dici vel potuerunt , vel debuerunt . Henricus noster , qua est diligentia , perfecta omni M<sup>t</sup> Tullii oratione pro Muraena , obseruavit singillatim ea ; quibus Cicero conabatur traducere mentes iudicium , argumenta : singillatim in ius ciuale , & disciplinam stoicam , omniaque veluti in tabulas accepti & expensi retulit , vt quiuis videat , quam diligenter ad omnia sit responsum . Si ad Aonium scribis , obsecro , signifiques , vulgatam proprie esse orationem . Quid exspectat ? nisi occurrit , praedico propediem exituram : suaे prudentiae est , vt oratio emendata ad typographos veniat . Roges etiam meo nomine , ne Henricum contemnat : aut enim Henrici collectio , aut tota M<sup>t</sup> Tullii oratio praemittenda est : vt iis in promptu sit , qui nosse velint , quibus argumentis iurisperitorum facultas , & stoicorum disciplina oppugnatur , quibus rationibus defenditur puto haec re imminui laborem studiosorum . Permagno enim refert , si quid est conquirendum , an libel-

lus

Ius sit in manibus, an petendus aliunde. **Colonia,**  
idibus Ianuariis. Vale.

## VI.

*Quae sequuntur sunt ex epistolis Sadoleti.*

IAC. SADOLETVS

EPISC. CARPENT.

LAZARO BONAMICO

S. P. D.

EX tuis litteris idibus Martii datis, quas ego  
paullo ante idus Maias accepi illum facio quaesitum,  
quod optimi & doctissimi viri Aonii Palearii amicitia auctus sum. Quem ego, me hercule hominem plurimi facio, vel propter eius virtutem atque doctrinam, in suoque genere scribendi elegantiam; vel quod ea sunt illius animi erga me indicia ac monumenta; ut non modo amare, sed gratiam illi etiam habere sim compulsus, si tamen compellitur, qui libenter quid facit, & studiose. Amo certe illum, & gratiam praeterea habeo: ita de me ipse meritus est. Qui etiam si nullo suo officio me sibi deuinxisset, propter ingenium tamen, propter optimarum artium scientiam mihi erat amandus. Nunc quid me facere oportet, cum tanto me obstinxerit merito? Atque is quod tuam commendationem intercedere voluit in nostra amicitia concilianda, quamquam tu illi vete ac constanter id esse opus negasti: tamen ipse non nihil vidit. Siue enim quod ita iure fieri a me debere intelligit, siue quod animum meum erga te habet exploratum, sensit id, quod verissimum est, nullam esse tantam virtutis commendationem apud me, quae non tuo testimonio multo fiat vberior. Itaque illum, quem sponte & per se iure quidem optimo antea dilexisem, tua nunc commendatione habeo carorem.

Quid

Quid autem de eo, deque eius scriptis sentiam, scribo ad ipsum quidem copiosius: sunt enim illa a me diligentissime perfecta. Sed tibi quoque breuiter dico, probari mihi mirifice cum ingenium hominis, & in scribendo elegantiam; tum illud in primis religionis studium, quod prae se fert: quod quidem ubique adest, illa mihi & plena & grauia & pererudita videntur esse. Phaedrum meum, quod sis ad calculos iudicii & prudentiae tuae denuo retiocaturus, valde laetor: magnamque in tua consideratione & diligentia eius expoliendi spem habeo. Tantum a te peto pro iure amicitiae nostrae, ut ne ambitiose, neue erga me nimium indulgenter eum corrigas. Marcum Fortiacum gaudeo tibi esse cordi: certe mihi magnae voluptati est, tuum de illo adolescenti iudicium cum ea opinione, quam semper de eo habui, conuenire. Eum tibi ne commendo quidem, video enim esse sati commendatum, vel ex eo, quod contubernio tibi coniunctus est. Paullus & te amat, & memoriam tui seruat quam debet, tuque crebro in sermonibus nostris versaris, queis & consuetudo tua, & suauitas a nobis requiritur. Qua posteaquam carendum nobis necessario est, tuas saltem optamus crebriores, mi Lazare, litteras: quod iis desiderium tui nostrum aliqua ex parte leniri sentimus. In quo nobis ut morem gerere ne graueris, equidem te vehementer etiam atque etiam rogo. Vale, & amicis nostris communibus plurimam meis verbis salutem dic. VI. Calendas Junii, M<sup>o</sup> D<sup>o</sup> XXXVI.



## VII.

IAC. SADOLETVS.

EPISC' CARPENT'

AONIO PALEARIO

S. P. D.

**S**cripsit accepi litteras tuas. Datae enim illae III. idibus Februarias, mihi medio ferme Maio sunt redditae. Quibus perlectis equidem valde laetatus sum, cum tali ingenio, quale tuum mihi iam perspectum est, talem etiam animum erga me plenum amoris & desiderii, coniunctum esse. Quid enim est resum omnino omnium, quod mihi bonorum & doctorum benevolentia videatur optabilius? Itaque cum epistolam tuam primo legisse, eaque mihi vehementer placuissest, (est enim & suauiter, & ornate, & per amanter scripta) ab illius statim lectione ad poemam tuum me contuli, totumque perlegi triduo: singularis videlicet libris in singulos dies collatis. De quo, ut tibi vere exponam, quod sentio, hoc iudicii feci: eorum, qui in eo genere voluerunt esse, sane quam paucos, & nostra, & superiore memoria, aequre eleganter scripsisse atque tu; eruditius certe neminem. In quo mihi illud mirifice probatum est, quod haec tua scripta non accersitis, fuscisque argumentis, neque quo magis poetica videantur, a fabulosa illiusmodi deorum vetustate repetitis: sed sancta & vera religione condita sunt. Ut quemadmodum vultus pacatus, & constans in homine, bene affectae mentis, & probi animi est indicium: sic tua ista eximia erga deum pietas, quae sepe in tuis scriptis primam offert; nos cogit de te; deque omni sensu animi tui, excellenteque doctrina preclare existimare. At certe quidem tuum carmen mire mihi satisfecit: video enim

enim quos imiteris , quid referre in tuis scriptis & exprimeres conere : tibique neque in eligendo iudicium, neque in conando fructum laboris tui abesse intelligo. Perspicio etiam verborum elegantiam, sententiarum acumen, numerique apta & varia compositio, ne delector. Sunt enim ista omnia in te ita studio & cura elaborata, vt sint vbiique nihilominus ingenii lumenibus lita. Illud vnum interdum (quamquam ad modum raro) desidero : quod cupissem nonnulla a te differi explanatus, quibus nunc percipiendis mens nostra aliquantulum laborat. Atque illa (ne forte mihi Lucretianum modum dicendi opponas) non sunt ex eo genere, quod difficultate rerum, quae tractantur, suapte sponte obscurum prope necessario sit, in quo solet iusta esse scribentibus excusatio : sed e medio quaedam sumta, compressius abs te dicta sunt, quae dilatari , & patere melius voluissem. Neque ea tamen tam multa, vt pertimescas. Sed fortasse ut nodus robur, & vt naevus decus aliquando, atque ornatum pulchro corpori adferre solet ; sic plerisque illa poterunt videri idcirco esse quae sita : quod cursus nostrae cogitationis , fluentis in facilitate orationis, apre illis interdum, tamquam salebris, retinetur. Quod quidem ad veras laudes egregie compositi carminis pertinet, totum tibi ita tribuo , vt hoc plane confirmem, nihil me his aliquot iam annis in eo genere editum legisse libentius. Itaque te iam ne hortor quidem, ut quo itinere instituisti, eodem porro pergas. Satis enim tibi incitamenti , cum judicium de te, exspectatioque hominum , tum fructus ille ingenii suauissimus , qui in pangendo maxime & in commentando percipitur, debet adferre. Qui etsi omnibus eruditis datus est, cum hi aliquid ex se procreant atque gignunt ; uberior tamen adest poetis. Quamquam

Rr

ego

ego te non poetam magis, quam oratorem esse statuo: cuius rei facio ex epistola tua coniecturam. Ea enim ita commode & concinniter scripta est, ut facile intellegam, te vtrumcunque velis, & suscipere & posse praestare. De me vero, quem tu tantopere in tuis scriptis ornas eoque honore adficias, quo maiore nemo adficeret quemquam potest, quid dicam, vix reperi te mihi posse videor. Nam si eas in me laudes agnoscam, quas tu mihi tribuis, timeo ne arrogans: sin repudiem plane, atque reiiciam, vereor, ne ingratus aduersus te sim, cum de tuo iudicio ipse detrahiam, eo ipso, vnde sim ornatus. Quamobrem ut in diffibili eiusmodi causa, ad id me vertam, quod meo pudori maxime est consentaneum: ut tibi agam pro tua ista humanitate & erga me benevolentia gratias, meque tibi hoc nomine obstrictum esse confitear. Quod facio eisdem, & libens facio: tibique persuasissimum esse cupio, tè a me singulariter amari, vel ingenii, & virtutis, & probitatis tuae causa: vel eius officii atque amoris, quo me ipse prosequeris: vel quod eorum & temporum, & hominum, in tuis litteris mentione facta est, quorum meam & memoriam, & erga illos benevolentiam, dies numquam delere obliuione villa potest; ut praeter id, quod tuo nomine tibi debeo, quantum etiam illos dilexi, totum in te persequar. Quo me in te animo esse, si visus venerit, re ipsa, experiencinge cognoscet. Vale. Carpentrauti, VI Calend. Iunii 1530 xxxvii

## VIII.

IAC. SADOLETVS

EPISC. CARPENT.

SEBASTIANO GRYPHIO

S. P. D.

Superioribus proximis diebus, cum esset adlatus ad  
me

me liber Aonii Palearii de immortalitate animorum, praeclaram inscriptionem praeseferens, eamque rem totam heroico carmine complexus, legere cum statim perquam aude cepi: quasi tentaturus, an promissio satisfaceret, qui tam sublimem titulum operi suo proposuisset. Atque ibi video, id quod mihi primum summae voluptati, deinde pene incredibili admirationi fuit, rem tantam, quanta altera nulla est, quae quidem scriptorum ingenii proposita sit, tam grauiter, tam erudite, tam etiam & verbis & numentis apte atque eleganter tractatam esse: nihil ut ferme nostrorum temporum legerim, quod me in eo genere delectarit magis. Nam nec sententiarum orationisque vbertas, in tam diffcili ac pene spinosa materie, vlla desideratur, nec in exponendis rebus reconditis simis lux atque facilitas. Numerus porro carminis est, ut videatur Lucretium velle imitari: redolet enim antiquum illud; sed ita sapore humanitatis conditus est, vt asperitate demissa, vetustatis tamen auctoritas salua remaneat. Atque haec in vniuersum. Illa iam partium singularum propria, nihil non latiane dictum, nihil non adcurate, quodue iudicium & diligentiam adhibitam esse non pateat: multaque praeterea vbiique nitentia ingenii & venustatis lumenibus, &, quod ego pluris quam reliqua omnia facio, christiana mens, integra castaque religio, erga deum ipsum honos, pietas, studium; in eo libro vel maxime, non solum docere mentes errantium, sed etiam animos incendere ad amorem purae religionis possunt. Sed quorsum haec, mi Gryphi? Primum volui dare testimonium apud te de doctissimo viro, ut quid de eo sentirem, tu plane cognosceres. Deinde a te petere, id quod ipse quoque cuius volo causa, & petit a te per litteras & summe flagitat, ut eius hosce

R a treis

treis libellos tuis formis exprimendos cures. In quo ille valde suo honori, ego meae cupiditati satisfactum fore abs te arbitraturi sumus. Noli enim putare non apud Italos omnes tuum esse nomen in magna gratia. Quidquid prodit ex officina tua, id ita demum & rectum & probatum habetur omnibus, si in eo tuum nomen sit praescriptum. Nota est enim probitas, & diligentia tua, nota eruditio. Quid igitur restat, nisi vt tu & bonis & amantibus tui morem libenter geras? Quod tamen semper sponte tua facis, nunc mea etiam caussa facere propensius debes, quia meam fidem atque officium in hac re agi iudico. Sum enim, vt tu scias in hoc ipso libro honorificentissime adpellatus, secundo (vt opinor) volumine, vt tibi haec opera mihi quoque vna cum Aonio, non ipsi soli praestanda sit: quandoquidem tu me amore iam pridem, atque obseruantia tua mirifice es complexus. Nec erit, cur te poeniteat, hunc talem librum Actii Synceri, & Vidae, doctissimorum hominum ac praestantissimorum poetarum scriptis adiunxisse: cum quibus certe hic iure comparari potest. Nam & in eadem argumenti sententia sanctitateque ornatissime versatur, & philosophiae praeterea rationibus vberius est instructus. Sed hoc tu per te aequo bene cognoscas. Illud vtique tibi persuasum habere debes, quidquid in hac re ex mea & Aonii voluntate effeceris, id utriusque nostrum fore gratissimum. Eadem de hac re, quo eum magis mihi curae esse intelligas, meis verbis tecum aget vir optimus, ac vetere mecum amicitia coniunctus, Thomas Sertinus: sic enim ei a me mandatum est. Qui & vt in me semper perofficiosus fuit & pro eo studio, quo probos & eruditos homines sui similes prosequitur, non dubito, quin diligenter officio functurus sit. Vale mi Gryphi. Carp. III. Cal. Iulii cœ 10 xxxvi.

EPIS.

EPISTOLARVM PRAECEDENTIVM  
SCRIPTORES.

*Aonius Palearius.*

*Andreas Alciatus IIII· 22.*

*Faustus Bellantes III· 3. 5.*

*Petrus Bembus I· 16.*

*M· Casalis IIII· 25.*

*Franciscus Corsinius IIII· 19.*

*Iohannes Baptista Gadius IIII· 10. 13.*

*Franciscus Luisinius A· 3.*

*Bernardinus Mafacus I· 18. IIII· 24.*

*Andreas Marinus A· 2.*

*Petrus Mellinus II· 5.*

*Paganus Paganus IIII· 14. 16.*

*M· Antonius Placidus III· 14.*

*Bartholomeus Riccius IIII· 5. 6. 8.*

*Iacobus Sadolctus II· 3. IIII· 2. A· 5. 6. 7.*

*Orgetorix Sphinter IIII· 26.*

*Petrus Victorius II· 11.*

EPISTOLAE QVAS SCRIPSIT  
AONIVS

*Andraeae Alciato IIII· 21.*

*Mauro Arcano I· 1. 2. 3. 4. 5. 13.*

*Franc. Bandino III· 12.*

*Fausto Bellanti III· 4. 6. 7.*

*Petro Bembo I· 15. II· 16.*

*Franc. Bono & Mat. Pauonio I· 9.*

*Franc. Campano III· 2.*

*Franc. Corsinio III· 16. IIII· 20.*

*Coelio Sec. Curioni IIII· 29.*

*Io. Bapt. Gadio IIII· 12.*

*Pterigi Gallo I· 12. III· 8. 9. 11. IIII· 9. 28.*

*Cornelio Graphaco IIII· 11.*

*Luce Ioannino II· 9.*

Rr 3

Io.

- Iosippo Iouio IIII· 17.  
 Iano Bened. Lampridio I· 14. 17.  
 Syluestro Lilio IIII· 3.  
 Senatui P· Q· Lucensi IIII· 1.  
 Francisco Luisinio A· 4.  
 Bernardino Mafaeo I· 11. 19. IIII· 23.  
 Thomae Mag. S· Palat. III· 10.  
 Horatio Malcuoltae III· 13.  
 Andreae Marino A· 1.  
 Ioanni Martello I· 10.  
 Petro Mellino II· 4.  
 Pagano Paganio IIII· 15.  
 Lampridio & Phaedro filii IIII· 30.  
 Bartbol. Paniatico II· 15.  
 Antonio Philonardo II· 17.  
 Ennio Philonardo I· 7. II· 7.  
 Cincio Phrygepani I· 6. 8.  
 M<sup>r</sup> Ant. Placido III· 15.  
 Vincentio Portico IIII· 18.  
 Barthol. Riccio III· 4. 7.  
 Petro Fr. Riccio III· 1.  
 Iacobo Sadoleto II· 1. 2. 8.  
 Paullo Sadoleto II· 6.  
 Orgetorigi Sphinteri III· 27.  
 Franc. Verino II· 13. 14.  
 Alex. Vicecomiti III· 17.  
 Petro Victorio II· 10. 12.

AONII

AONII PALEARII  
VERVLANI  
DE  
**IMMORTALITATE**  
**ANIMORVM**  
**LIBRI III.**

## IOANNIS MATTHAEI TOSCANI.

*Aonio Aonides Graios promsere lepores,  
Et quascunque vetus protulit Hellas opes.*

*Aonio Latiae tinixerunt melle Camoenae*

*Verba ligata modis, verba soluta modis.*

*Quae nec longa dies, nec (quae scelerata cremasti  
Aonii corpus) perdere flamma potest.*



AONIVS PALEARIVS  
PETRO PAVLLO VERGERIO  
APVD PIVM FELICEM POTENTISSIMVM REGEM  
FERDINANDVM  
ORATORI PONTIFICIO  
S· P· D·

Petrus Bembus, quem tu ob multas diuini eius ingenii suavitates, exquisitam doctrinam, singularem sapientiam mirifice diligis, qui que te ob animi praestantiam, mores ornatissimos, digna homine nobili studia amat vehementer, subrustico, qui diu me a scribendo deterruit, pudore & timiditate quadam non ingenua pene liberauit. Neque enim debere me, vir summa prudentia aiebat, a te, qui e agratia & humilitate es, tam timide contendere, quae honeste petitionis speciem habere viderentur. Itaque cum de tuis laudibus, quae a Bembo dicebantur, verissima esse intelligerem; adhortatus sum ipse me, & sic animo sum constitutus, ut mihi factus esse videar audax, quam soleo, plusculum. Nam certe quidem ab eo, quem numquam videris, magnum aliquid petere, prudentis hominis non est. In

Rr s

qua

qua sententia diu permanuisse, nisi forte  
mecum cogitare coepisse, libellos meos,  
qui de animorum immortalitate scripti sunt,  
non posse tibi esse non iucundissimos, quod  
Ferdinando potentissimo & sapientissimo re-  
gi, cui tu ob virtutem es acceptissimus, &  
propterea etiam gratiosus, dicati essent. Nam  
cum mihi eam quaestionem, quae de huma-  
nis animis est, perdifficilem sane, latinis ver-  
sibus explicandam proposuisse; iudicaui,  
me praeclarum nihil consequi posse, nisi  
quemquam prius, mihi velut deum aliquem  
statuisse. Solet enim fieri, ut spe quadam  
non inaniter a nobis in aliquo posita, liben-  
ter quae magna, quaeque ardua sunt, susci-  
piamus, & feramus pulcherrime. Mirum  
vero est, ut ego rege illo implorato in ipsis  
carminibus visus sim omni ex parte adiutus.  
Nam in angustiis sermonis quibusdam, &  
difficultatibus non exiguis, illuxit mihi Fer-  
dinandus diuinum quasi aliquod lumen. Qua-  
re cum eos ipsos libellos absoluisset, mag-  
num mihi desiderium accessit, ut ad regem  
perferrentur. Quamobrem ego te per deos,  
per ingenium, per fortunas tuas oro, mi Paul-  
le, ut in ea re me non vulgari commendati-  
one adiuues; ut intelligat rex, me spes om-  
nes a puero in se vno collocasse: sperareque  
nunc ita ipse meos libellos, & ineredibilem  
hanc animi propensionem fore acceptam,  
ut numquam poeniteat me laboris & in-  
dustriæ meæ. Vale.

AONII



## AONII PALEARII.

VERVLANI

## P R A E F A T I O .

### AB EODEM ADIECTA EST LIBRORVM SECTIO ET INDEX.

**Q**uestio omnis de animorum immortalitate tribus a nobis libris pertractata est. Nam cum quidam (qui vulgo a Graecis  $\alpha\theta\epsilon\omega$ s dicti sunt) deos nullos omnino esse crederent, atque ex ea re animorum mortalitatem firmissime adseuerarent; aduersus hos primo loco pugnandum fuit. Itaque in primo libro deum esse, qui mundum omnem regat, ex certissimis, Stoicorum & Peripateticorum rationibus, quorum acutissima ingenia semper fuerunt, demonstrauimus. Deum praeterea ad coeli uniuersi temperationem sedentem, preces bonorum audire, neq. aspernari, (non enim defuerunt, qui id adfirmarint) quin eo pie, sancteque culto maxima eius in homines, & non obscura quaedam beneficia extitisse: cumque de iis orbibus, quibus infixi sunt errantium stellarum cursus, & de eorum constantia dicendum esset, ut περοντας ostenderemus, multa περι ψυχων της σφαιρας, quas nos animas, & animos coelestes possumus adpellare, e media Chaldaeorum recondita & sanctissima disciplina, ac vetustissimis Graeciae sapientibus accepimus: tum quod per hos nonnulla gerenda esse in tertio libro dicturi eramus, tum quod res ea versibus digna videretur. Quoniam vero ex aeternis illis mentibus animi hominum generi dati dicebantur, non alienum fuit perscrutari, quaenam mentes

il.

illae essent : an deus vnum, an plures, an ex coeli motu & luce, an ἐκ τῆς ὑλῆς δυνάμεως, an ab ipso deo animi corporibus hominum iungerentur. Itaque in eo libello, cum de iis ipsis satis esset dictum, de animi ortu, deque eius partibus ex doctissimorum hominum monumentis, multa a nobis collecta sunt, pleraque illustrata. Quamobrem cum praecipue funda-  
menta iecisse videremur, in secundo libro Stoicorum,  
& si quae erant Peripateticorum rationibus, immor-  
tales esse hominum animos probauimus. In tertio,  
eum quaedam firmissimis argumentis muniremus,  
magna ex parte sanctissimos viros, theologos (vtar eo  
sane libenter verbo, cum iam latinum sit) & eos in  
primis christianos, καὶ τῶν ἀληθειῶν αἱρήσατην, vt  
aiunt, secuti sumus. In quo certa esse & aeterna  
quaedam bonis viris constituta praemia, malis vero  
suppliciorum exempla omnia: tum multa de ea rerum  
fatali necessitate, quam εἴμαζμένην vocare solent,  
prosecuti sumus: ita vt in ea quaestione, quae certe  
quidem perdifficilis, & perobscura semper habita est,  
latinis versibus, quantum in nobis fuit, nihil homi-  
nes nostri desiderare posse videantur.

### QVAE SINGVLIS LIBRIS CONTINENTVR.

#### L I B R O P R I M O.

Naturam aliquam praestantissimam esse, quam  
deum dicimus, homines intelligere posse: eius vero  
διαφωγὴν, quam Peripatetici vocant ἴδιωτατὴν τῆς  
στοᾶς, ne ipsos quidem τὸς τῶν θεῶν ἀγύελες, quorum  
intelligentiae vis est acerrima, posse intelligere. v. 42.

Deum cum sese ipse videat, cetera videre omnia.

51. & 147.

Δια τὴν προνοίν, quae & prouidentia dicitur,  
tempestatum mutationes & vicissitudines veris, aef-  
ta-

tatis, autumni, hiemis fieri: ex eorumque constantia, deum esse, recte intelligi. 59

Deum ἐκ κινήσεως τῆς θραύσης, hoc est ex coeli motu, & distinctis eius conuersionibus maxime percipi. 83

Deus cum omnia excipiat, insitque in omnibus, soluta tamen quaedam mens est, & ab omni rerum concretione segregata. 118 & 137

Deum humana imbecillitate nos plene, cumulare que percipere non posse, sicuti nec intueri solem aduersum, quod eius radiis acies nostra, sensusque vinctatur. 143

Ex rerum pulchritudine, & admiratione, posse homines intelligere deum esse. 157

Dei prouidentia mundum administrari, nec ob eam rem molestis negotiis, aut operosis esse implicatum. 166

Attributas esse singulis stellis errantibus singulas animas, quae praestantem intelligentiam habeant, quaeque orbem suum mirabili celeritate contorqueant: hae cum tempore immenso obseruatos cursus confiant, percepisse homines, deum aliquem, qui tantis motibus praesit, ηγεμονικὸν, hoc est, principatum obtainere. 237

Permagnam esse animarum multitudinem, quae a mortali concretione seiuagatae, aetheream mundi partem incolant. 230 & 263

Prosecutos esse multos dei vocabula, & fecisse nomina, et si deo nomen non sit. εἰς γὰρ ὁ ὠν αὐτῶν μυθικός. 301

Diuinorum nominum enodationes acceptas quidem ex Chaldaeorum & Iudeorum sanctissimis disciplinis, ut rei nouitatem minimo fastidio essemus iis, qui nostra legerent, iudaicis litterarum notis, aut Chal-

Chaldaicis, ut feceramus, hic exscribendas esse, non duximus: ea vero nomina in latinum conuersa, qui iudaicas litteras attigerint, quam primum agnoscent.

303

Deum rerum omnium dominatum habere. ibid.

Deum praepotentem esse naturam quamdam. 304

Deum singulis singula sufficere, quem extremum omnia cingentem dixerat Cleanthes. ibid.

In deo treis  $\wp\pi\circ\varsigma\alpha\tau\epsilon\varsigma$  esse, et si ipse unus sit, quod ex mysteriis christianis scire licet: quae nostri maiores augste, sancteque consecrarent. 424

Deum coelum, terras, maria transmittere, & vbi que esse, quod in Saturni laudatione legitur,  $\delta\varsigma\vartheta\alpha\epsilon\varsigma$   $\kappa\alpha\tau\alpha\pi\alpha\tau\alpha\mu\epsilon\eta\kappa\circ\mu\circ\eta\gamma\epsilon\alpha\epsilon\chi\alpha$ . 126

Cleanthes deum altissimum adpellauit. 305

Aeternitatem in deo esse, quam nulla temporum circumscrip<sup>t</sup>io metiatut: id veteres illi Iudeae s<sup>a</sup>pientes mirifice vna voce significarunt, quae qui fuit, qui est, qui erit, vna comprehendit. 309

Deus a sapientissimis Iudeorum vocatus est exercituum deus, & quare. 310. 327

Daudis Hierosolymorum regis cum Goliade pugna. 312

Epeirotici ducis cuiusdam, qui Scandaribechus dictus est, cum Parthis pugna. 333

Deum optimum maximum viuum esse, nec plures in deorum numero reponere licere. 361

Ex materia rerum omnia exprimi, atque effungi corpora, quae  $\bar{\omega}\lambda\eta$  dicta est a philosophis. 448

Prima corpora quae Graeci  $\sigma\alpha\chi\epsilon\varsigma\alpha$ , nostri elementa vocant, in concretis corporibus mixta inesse.

456

Motum rebus ipsis ex coeli motione, oculorum ve-

10

ro sensum ex luce eiusdem tributum esse animantibus  
461

Animantem partem, quae in blantis viget, quae-  
quæ in animalibus sentit, ac mouetur, ἐκ τῆς ψλης  
δυνάμεως, & coeli motione substitui. 475

Iracundiam formidinem, libidines & animorum  
concitaciones (quas Graeci πάθη vocant, nostri mor-  
bos) corporum temperationes sequi: itaque eam par-  
tem, quæ sensum, quae appetitum habet, non esse  
ab actione corporis sciugatam. 491. & 512

Eam animi partem, quæ rationis & intelligentię  
particeps est, tum maxime vigere, cum plurimum  
absit a corpore, & in coelum usque penetrare. 517  
& 534

Naturas rerum quatuor sursum, deorsum, ultra ci-  
troque commeantes, quæ σοιχεῖα a Graecis adpel-  
lari diximus, in suis omnino locis conquiescere, hanc  
rationem atque ordinem sequi corpora mixta. Animi  
vero hominum cum in rebus caducis non conquies-  
cant, sed ad diuinæ & aeternæ sua natura ferantur,  
in illis locis, ad quæ spretis corporibus euolent &  
excurrant, quieturi denique videntur. 525

Animos consilii & prudentiae & rationis compotes  
a deo creari, membrorumq. admirabili quadam fabrica  
xxxxv. diebus absoluta, in corpora ipsa infundi. 554

Alias esse corporis, alias animi partes, easque in-  
ter se dissidere, & pugnare acriter: illas terrenæ quae-  
dam illecebrae delectant, quas sequuntur: has ratio-  
nis & mentis participes elucere diuinum quasi aliquod  
lumen, & se ad ardua, magna, aeternaque capes-  
senda vegetas, acreisque praebere. 563

## QVAE SEDVNDO LIBRO CONTINENTVR.

Τὰν λογικὴν ψυχὴν, quam nos animam rationis  
par-

participem dicimus, & mentem, duo diuersa omnino esse: itaque aliud mens est, aliud anima. 82

Animam λογικὴν, quam & animum iam adpallare consueuerunt, neque corpus esse concretum, neque aliquod quatuor principiorum, ex quibus omnia nata esse dicuntur: cum cogitare, prouidere, tam multa inuenire in nullo horum quatuor generum insint. 95

Animam consilii participem corpus non esse, neque corporea natura constare, quod ea, quae corpora non sint, sua natura comprehendat. 106

Animam rationis compotem corpus non esse, quod ea vi, qua corpus effertur exsultatque, ipsa deprimatur, & minime vigeat. 109

Animi hominum aeterni sunt, quod εἰς κύκλον moueantur: quod est, in eodem reuolui, & in ipsis reflecti. 125

Animum in corpore ή γεμονικὸν, quod est principatum obtinere. 133

Animam λογικὴν tum maxime vigere, cum plurimum absit a corpore. 141

Quod ἀπλῶς ἐστι, cum ad nihilum non possit recidere, anima hominis τῶν ἀπλάσετων cum sit, neque mixtum quidquam, neque ullum ex quatuor primis corporibus, sed quedam natura quinta, seiuincta ab his usitatis notisque naturis, interire non potest. 145

Animam rationis particem, τὸ ἄδος ἀπὸ τῆς ὕλης (dicerem, si liceret, materialem formam) non esse. 156

Animus humanus immortalis est, quod τὰ μάλιστα καθόλε πορέωτά των τῶν αἰσθήσεων: quod est, quod maxime universalia (dicant melius, qui inuenierint) quae longissime a sensibus absint, comprehendat. 160

Ani-

Animos non posse interire, quod nulla iis sint contraria, quae *ēværtīæ* vocant: ea vero nos animo simul comprehendere posse, quod animo neque contraria sint, neque pugnantia. 171

Animos nostros aeterno tempore duraturos, quod ipsi aeternitatem, quam nulla temporum circumscriptio metiatur, cogitatione complectantur, quod in immensam, interminatamque magnitudinem regium, quod in infinita numerorum incrementa sese intendant. 179

Humanus animus diuinum quiddam est, cum rerum omnium formas possit induere, & quidvis cogitatione consequi. 199

Aeternitatis & immortalitatis desiderio ardere homines. 207

Animantia omnia summo studio ea desiderare, quae adsequi possint, idque esse in primis a natura tributum animantibus. 240

Immortalitatem omnino nullam, cuius miro desiderio tenentur, homines consequi posse: at triste ipsis desiderium relinqu, si eorum animi intereant. 251

Aetate omnia senescere, exustionibus atque eluviacionibus nihil esse aeternum, nihil diurnum, nouari omnia, & siderum motu ac vi magnas rerum fieri mutationes. 255

Animi diuinitas ex celeritate motus percipitur, quod nihil eo sit velocius aut celerius. 312

Ridicula sane esse, quae a Democrito dicuntur, ex atomis quibusdam concurrentibus, dum inter se cohaereant, fieri animas: nam quod semper certo tempore fit, non est fortuitum: neque animaduertisse, quid ipse dixerit. Nempe si illud ita sese haberet, sine corporibus animae esse possent, quod ipse in pri-

mis negat: itaque pugnantia esse locutum Democrati-  
tum. 319

Animam non esse ignem. 335

Animam non esse harmoniam, aut numerum. 344

Tantum donis, suisque muneribus consecutam  
esse naturam, ut sat constet, dum ipsa hominem ef-  
finixerit, felicem, fortunatumque animantem volu-  
isse constituere. 356

Quam liberaliter natura nobiscum egerit: homines  
rebus omnibus frui, rerumque omnium in illis esse  
dominatum. 358

Calamitosum maximeque infelicem, & vnum omni-  
um miserrimum animantem esse hominem a natura  
constitutum, si cum corpore animus quoque intereat.

421  
Grauissimo & firmissimo argumento est, animos ho-  
minum diuinos & immortales esse: quod concitati-  
one quadam soluta & libera a corpore longe abstracti,  
futura praesentiant, hoc mortale quidem non est. 517

Daudis cantilena. 534

### QVAE TERTIO LIBRO CONTINENTVR.

Quod homines libidinum cupiditatibus efferren-  
tur, intenderentque se in eas animi, & inquinarent,  
constitutas esse certas quasdam poenarum leges a  
deo, quibus illi obligarentur. 21

Facere homines arroganter, qui putent facinoro-  
rum animos dei mandato non posse ad poenas tru-  
di, qui quae velit, possit efficere, qui immortalem a-  
nimam cum mortali corpore copularit, qui aequissi-  
mus sit. 60

Qui boni viri fuerint, si paullulum admodum a  
praeceptis aberrauerint: item qui maximis in errori-  
bus versati sint, si in viam redierint: eorum animos  
in locum deuenire, in quo labem omnem eluant, at-  
que

que abiificant, mox expurgatos in bonorum coetus  
aduolare.

Quae de inferis a christianis dicuntur, non negligenda esse, aut neganda, quia ea numquam viderimus: multa quidem esse istiusmodi, quae quis fabellas non prius desierit appellare, quam oculis viderit.

Fontem, qui ad Hammonis fanum est, noctu feruere, interdiu huius aquis nullas esse frigidiores.

Magnetem lapidem ferrum ad se allicere, cuius rei rationem adferre non possumus.

In calcem aqua coniecta ignem concipi: qui si olio adspergatur, subito extinguitur

Seire nos multa nunc certo esse, quae numquam fieri posse maiores opinati sunt.

Fulmen non imitabile adpellatum est a veteribus: quod nunc fistulis ferreis, & acneis quibusdam homines imitari certum est.

Nullam consolari spem eos, qui ad inferos sint amandati.

Stultissimum est existimare, talionem, aut legem quamvis aliam, quae dexterorum suppliciis lata sit, aequalitatem omnem animaduerzionis in reos habere: ea in re postquam evita discesserimus, satis a deo esse prouisum.

Cum misericordia perditisque temporibus frequentissime bonis male eueniat, improbis optime, necesse est (Ἐχει γὰρ θεὸς ἐκδίκον ὁ μῦθος) rem hanc non semper ita se habere, sed pro ea aequitate, quae in deo summa est, fore aliquando, ut bonis bene perpetuo sit, malis male.

Ridicula esse inuenta eorum, qui dicunt animas corporibus elapsas, seu in pecudum, seu in hominum corpora migrare.

Judicia certa, severa, acria constituta esse puni-

endorum maleficiorum caussa , & vt boni maximis praemiis adficiantur.	375
Antequam ea iudicia fiant , signis quibusdam mul- ta necesse esse declarari : itaque habere signa homi- nes , quae obseruent.	377
Bellum nefarium , horrificum , teterimum ubique terrarum & gentium futurum.	379
Annonae angustia , & rei frumentariae summa ino- pia.	398
Pestilentia.	424
Pseudomeni multi , qui & mentientes , & pseudo- christi apte dicuntur.	436
Terraemotus horribiles.	439
Solis , & lunae , siderumque reliquorum excessus e mundo.	443
Πηνεῖρες , & mare uniuersum vastissimo aestu ef- feruerstens.	456
Crucem auream , regium dei insigne , ea coeli par- te , quae ad orientem solem spectat , extollendam esse.	484
Mundum omnem necesse est ad extremum ignes- cere.	496
Mundi quae renouatio , quique rerum ornatus fu- turus sit , nullis iam tempestatum mutationibus.	515
Deo fore curae , vt animae suis corporibus restitu- antur : itaque omnibus in vitam esse redeundum , quos nulla postea mortis fata perirent.	530
Corpora eadem hominum , quae occiderunt , quae- que cinis sint , in pulchriorem speciem & formam re- digenda.	546. 576
Iesu Christi , dei filii , optatissimus aduentus , vel potius reditus in terras.	583
Malorum amandatio ad inferos , ad cruciatus , & Supplicia perpetuo perferenda.	608
Bonorum fatalis & sempiterna felicitas.	628
<b>DE</b>	

# DE ANIMORVM IMMORTALITATE LIBER PRIMVS.

**F**elices animae, coeli omnipotentis alumni,  
Astrorum decus, & qui versicoloribus alis  
Aethera tranatis liquidum, qui sidera, quique  
Voluitis ingentes magnis anfractibus orbes:  
Quandoquidem genus omne hominum, genus omne  
ferarum 5

Per vos exoritur, per vos a luminis oris  
Digreditur, magni ad nutum sic omnia regis  
Quae geritis, regis quoniam vos maxima cura:  
Vos mare substratum ventis, turritaque tellus  
Concelebrat: vos arua sonant, quaeque inuia lustra, 10  
Quae dumeta tenent, quae propter rauca fluenta  
Dulce canunt vobis magnum per inane volucres:  
Vos mortale genus primi docuistis ad astra  
Ire viam ducentem, humili quo se quoque posset  
Tollere humo, & coeli sanctum internoscere regem.

15  
Vestra ego fretus ope ingredior loca nullius ante  
Trita pede: & quoniam vestra haec, aequique bonique  
Munera vos facite, & sancto adspirate labori.  
Vnde canam, quae nusquam audita prioribus annis,  
Qui motum rebus genitalem ipse ordine certo 20  
Dididerit rerum pater, vt creet vnus, alatque  
Omnia, quae mundo generatim secla propagant.  
Mox ego quo tantus coepitus labor, expediam, quae  
Signa olim veteres, quae sint exempla secuti,  
Dum partem nobis diuinae mentis inesse, 25  
Haustus quo aetherios certa ratione probarunt.

Nec minus ecquae animas fedes, quae præmia vitae  
Quemque bonum tandem maneant, quas pendere  
poenas

Conueniat fontes, & fata arcana recludam.  
Tuque adeo decus egregium rex magne Quiritum, 30  
Aurea cui longum sese Capitolsia seruant,  
Structa bono auspicio se moenia Romanorum,  
Ferdinande invicte, tuis Germania seu te  
Detinet imperiis laeta, & tibi maxima regna  
Annuit, Oceanus quantum pater alluit vndis: 35  
Seu te Pannoniae regem admirantur vtraeque  
Magnanimum, ingentem nostram ne despice Musam.  
Quin & subueritam, perfusamque ora rubore  
Accipe, quo vultu atque animi moderamine fratrem  
Regnatorem orbis, florentem laudis honore 40  
Casibus in magnis belli pacisque serenas.  
Principio stellis molem radiantibus aptam,  
Certam aliquam regere & moderari numine mentem,  
Quam dixere deum, nonnulla exempla monebunt.  
Quas tamen is sibi sufficiat longo ordine vires, 45  
Et quantus qualisque incedat, ubi omnibus ornat  
Diuitiis sese: non qui caligine coeca  
Offusi degunt, sed nec supera alta tenentes,  
Nosse queunt: soli quamvis accedere partes  
Arcanas ausint, regisque inuisere sedes. 50  
Ille quidem sacros aditus, penitusque reposos  
Adseruans, se ipsum tantum (mirabile dictu)  
Dum videt, aeternos ignes, & moenia coeli  
Prospicit, & mare nauigerum, & dura aequora terrae,  
Et varias rerum formas, & quidquid ubique est: 55  
Dumque ipsum spectat se, sancto incensus amore  
Ipse sui, genus omne hominum, genus omne ferarum,  
Ingentemque ingens arce complectitur orbem.  
Nec mora, nudatas hibernac tempore brumac

Ve-

Vere iubet dulci intonſa ſeuireſcere ſiluas : 60  
 Et quae nuper erat laetis ſine frondibus arbor,  
 Importunae ſedes non insueta volucri,  
 Parturit, & viridi veſtit ramalia fronde.  
 Ipsi iam dumini, & spinis rubus asper acutis  
 Duritie poſita melior, cytisque geniſtaeque 65  
 Augent ſeſe anni felicibus ornementis.  
 Iam nemus vmbroſum, reſonant iam cantibus vrbes  
 Alitumque, hominumque, ferae per pabula laeta  
 Immemores hiemis, foetu auctae progrediuntur.  
 Verum vbi ſol terras grauiori accenderit aeftu, 70  
 Flauescunt ſegetes, ſiliquaque ſonantibus agri  
 Laetitia agrestes augent, parat horrea meſſor,  
 Aequatamque graui glebam ſolidare cylindro,  
 Dum nemori Phoebus crefcenteis inuidet herbas.  
 Mox vero vbertas autumnus iam ſenis anni 75  
 Infert ſe, ipſa iacent iam ſtrata ſub arbore paſſim  
 Malaque, caſtaneaeque, nuces, & cerea pruna.  
 Non tamen exegit ſua tempora pomifer annus,  
 Et triftis ſubrepſit hiems, & nubila toto  
 Sparguntur coelo, iamque eſt ſine frondibus arbor, 80  
 Descenduntque niues e verticibus praeruptis,  
 Et rapido boreas tellurem turbine perflat.  
 Hic ordo rerum, & ſeries repetita quotannis  
 Sollicitis acuit curis mortalia corda.  
 Vnde parens etenim tellus tot ſufficit herbas. 85  
 Vnde ſolum incultum dudum, & graue pondus, in-  
 ersque  
 Submittit varios vlo ſine ſemine flores?  
 Nempe aiunt, qui doctrinae praefante labore  
 Suppeditant praecepta, grauis ſolatia vitae,  
 Aera per tenerum tacitum descendere coelo 90  
 Hulmorem ex alto, quo vno eſt vberrima tellus.  
 Non ſatis id noſſe eſt: peragranti mente sagaci

Maiora explorare animus, quibus humor ab oris  
 Ille ruat, quando tellurem frugiferentem,  
 Aeraque humectat liquidum, zephyrosque reducit, 95  
 Effigiemque aliam mundus capit, illius ergo.  
 Cum Tauri hospitio excipitur sol aureus, & iam  
 Corniger illum Aries alio prospectat euntem,  
 Laetitia exultat coelum, totumque repente  
 Panditur, & terras diffuso lumine vestit. 100  
 Tum decus egregium Veneris pulcherrimus ipse  
 Lucifer, aureolus mundi stellantis ocellus  
 Non alias quantum, seruando pro orbe laborat:  
 Tum pater ex alto descendit plusimus aether  
 In gremium matris terrae, optatoque receptus 105  
 Ut primum spectat iucundam albescere lucem,  
 Rose leui adsperrgit fragrantia floribus arua.  
 Qui vero ardenter solis circumferat orbem,  
 Candenter ut visat stellato corpore taurum,  
 Haesitat hic animus: quando est & credere dignum, 110  
 Non ex se orbes, verum aliquo impellente moueri.  
 Qui mouet hic etiam, cuiusquam si indiget vsu,  
 Fretus ope alterius, non est hic maximus ille  
 Quem vestigamus; tandem fateare necesse est,  
 Esse modum rebus, quemquam fateare necesse est, 115  
 Principium tamquam rerum: qui non tamen vlo  
 Auxilio indigeat, moueat tamen omnia primus.  
 Hic deus, hic opifex serum est, hic rector Olympi,  
 Quo sine nil sanctum, firmumque: huc se omnia ver-  
 tunt,  
 Omnia contendunt, abeunt, redeuntque vicissim. 120  
 Qualis, quam adspicimus stellis ardentibus aptam,  
 Omnia complexa est moles, haec aequora, terras,  
 Aeraque atque ignem capit & complectitur una.  
 Excipit omnipotens late omnia, rebus & vnum  
 Sese vltro citroque volans mire omnibus addit, 125  
 Quem

Quem tamen haud quidquam capiat, trans aethera;  
transque.

Ardua tecta deum caput extulit ipse sua vi,  
Exsuperatque omnem sensum: velut aequoris vnde  
Veliuoli angustum labentis fluminis alueum:  
Praeterea nul mens hominum scrutatur, & ultro 130  
Haec ubi devenit, tandem ad delubra quiescit:  
Hinc egressa alis firmis, & praepete penna  
Iam melior diuum circumuolat aurea templa,  
Miraturque procul quem propter credidit esse  
Rectorem superum: qui cum loca compleat omnia, 135  
Semper abit, nusquam est, seque in se continet uno.  
Ipse omne est, quodcunque vides in luminis oras  
Exire, & quodcunque aetas fugientibus annis  
Abstulit, & seri valeant spectare nepotes,  
Ille nihil rerum est, quas maiorum tulit aetas, 140  
Aut quae sunt, aut quae longo post tempore fient  
Munere naturae, vel temporis interuallo.  
At qui contineat cum se pater aedibus ipsis,  
Mirum est, occultans ut gestiat ante videri  
Regifice incedens turmis instructus Olympi, 145  
Deneget utque omne os illud spectare verendum  
Quemquam hominum, quemquam diuum, & con-  
tingere luce.

In gyro qualis percurrentes aureus alto  
Sol face flammanti, quamuis se se aethere toto  
Spectari velit, & terris ostendat apertis, 150  
Non recta est oculis hominum iubar vndique plenum  
Perspectum, quorum nobis acerrimus omnium  
Est sensus: quod forte aciem protendere si quis  
Iam velit, & temere radiis insistere totis,  
Non feret astrorum princeps, perstringit at ipse 155  
Ipse aciem, sensumque omnem spectantibus au-  
fert.

Sat tibi sit regem tantum nunc nosse deorum,  
 Fas & iura sinunt quantum : vel non satis hoc est  
 Cernere te naturae opus egregium omniparentis?  
 Tun' pictam adspicias tabulam , atque exstare ma-  
 gistrum 160

Certum aliquem haud dubites, scita qui fixerit arte:  
 Pocula tun' spectes coelata , atque aspera signis ,  
 Protinus & clames , diuini opus Alcimedontis ?  
 Quidquid id est magnum, ah videas, nec protinus ore  
 Adclames toto : mundi o pater , auctor & auctor? 165  
 At vero haec olli qui sint mortalia curae ,  
 Quique aciem flectat per tot diuersa , videndum est :  
 Quandoquidem caussas rerum, quique ardua norunt,  
 Astrorum , coelique vias , malus impulit error :  
 Neue labor superos aliquis , neu cura quietos 170  
 Sollicitet , procul a vera ratione feruntur:  
 Humanosque animos , donum omnipotentis Olym-  
 pi ,

Haud veriti dixisse simul cum corpore obire.  
 Tantus amor doctas mentem excoluisse per artes.  
 Ergo agite illustres animi , quos viuida virtus 175  
 Euehit ex humili liquidum super aethera terra ,  
 Dicamus. nam scire licet, quibus integra mens est ,  
 Qui pater omnipotens mortales lumine sancto  
 Despiciat , spectansque vacet tamen ille labore.  
 Qualis praerupto in Lathmo sub nocte serena 180  
 Aerium gyrum adspectans , coelumque profundum ,  
 Vna acie iam mille faces , mille ignea cernit.  
 Sidera , conuexo late fulgentia coelo :  
 Sic decus aeternum , decus admirabile rerum ,  
 Et longe ex alto seductas aethere terras , 185  
 Et mare ventosum , coecisque offusa tenebris  
 Tartara despectat , dum se circumspicit vnum.  
 Qui vero labor hic? pulchrum qui temperat orbem.

Abs

Absque labore aliquo, & magno se corpore miscet,  
 Si videt impositas lapidosis montibus vrbes, 190  
 Humanumque genus magnis prope diis aequale.  
 Adde quod immensas vires non vlla fatigant  
 Tempora, non vlti poslunt superare labores.  
 Illi aeterna quies, nec diuini imminuit quid,  
 Præbeat etsi aegris faciles mortalibus aures. 195  
 Ut sol aequoreas radiis cum corripit vndas  
 Multa dœo similis (componam maxima patuis)  
 Si latum oceanum fulgenti lampade lustret,  
 Non madet, haud falso suscepit in aequore labem,  
 Mane nouo surgens iisdem iubar ignibus ardet, 200  
 Purpurei referens radiatum insigne diei.  
 An verum, sumumque bonum dum voce vocatur  
 Ante aras, variis late florentia fertis  
 Cum delubra petit, cumulatque altaria donis  
 Integer, & multa insignis pietate sacerdos, 205  
 Non videt, oblatosque aris non sentit honores?  
 Heu cadit in quemquam scelus hoc? qui id credere  
 dignum.  
 Dicere non metuat, si qua est reuerentia veri.  
 Si leges hominum, & sancta adspernare reperta,  
 Vtorem ne temne deum, memoremque nefandi. 210  
 Hoc est, aut silicem duris in montibus illum  
 Dicere, vel chalybem: tantum suadere malorum  
 Mens sibi coeca potest: densisque sepulta tenebris,  
 Inceptum peragamus iter: non scrupula nobis  
 Haec tentanda via est, qua non impune viator 215  
 Praeteriit, multaque pedem cum laude reflexit.  
 Iam mihi coelestum numen, sedesque beatæ  
 Adparent, vbi vera quies, vbi lampade lustrat  
 Omnia sol melior, semperque innubilus aether:  
 Quo mala non properat Venus, & sceleratus haben-  
 di 220  
 Non

Non amor accedit: sed vbi mens conscientia veri  
Ipse suum agnoscit dominum, rerumque magistrum  
Aeternum, omnipotentem, regem hominumque  
deumque,

Hunc tu iam signis liquido cognosce volentem,  
Qui vehuti cum instructa acie rex inclytus armis 225  
Egregios animo heroas legit, aduocat vsu  
Si veniat, Martis cum res & tempora poscunt,  
Ut resudes turmas, desuetaque pectora bello  
Admoneant, hortentur adhorrida promptius arma:  
Erexere animos omnes, atque ordine facto 230  
Quadratum iam animosa acies consistit in agmen,  
Et parat aduersos hostes discludere vallo,  
Altaque disiecta transcendere moenia turri.

Ille loco medius tutam deducere castris  
Imperat aut fossam, vel milite moenia cingit: 235  
Ille iubet, parent illi, admirantur & omnes.  
Non aliter pater omnipotens, delegit ih alto  
Aethere felices animas, quae tempore certo  
Auratos orbes, & maxima sidera voluant.  
Haec graue Saturni fidus, vehit altera magni 240  
Astra Iouis: flammam horribilem & crudele minan-  
tem

Duro hominum generi saeui vehit altera Martis:  
Hunc penes ignito currus, flagrante pyropo  
Ostendit iubar auricomum, qui temperat orbem  
Ingens luce sua magni dux maximus astri: 245  
Proximus est heros olli gratissimus ipsis  
Coelicolis, dulcemque oculis qui spiret amorem,  
Te veniente die producens Phosphore ab Ida,  
Teque abeunte altam compellens vesper in Oetam:  
Pone autem longo interuallo, & cursibus iisdem 250  
Procedit iuuenis, cui non sua certa voluntas,  
Ingentem licet egregie contorqueat axem:

VI.

Ultimus adspectat terras, quo nocte silenti  
Ostendit sese nobis argentea Phoebe.  
Quo vero tu rem magis admirabere nullam,  
Conficiunt certo tantos ex ordine cursus,  
Ut tibi non dubium iam sit, supera alta tenere  
Coelicolas connixe orbes, atque astra mouentes.  
Hinc regem nimirum adstante erronibus illis  
Nosse potes, quando modus est in rebus agendis. 260  
Nam neque fortuitum quidquam est, quod semper  
eodem

Tempore fit, quod ne tantillum ex ordine cedit.  
Nec vero hoc numero contenta est regia diuum,  
Quando alii coelo spaciont, & agmine facti  
Concelebrant regem superum, sonat arduus aether,  
265

Et regem magni referunt penetralia Olympi.  
Hi se praecipites per inania nubila mittunt,  
Subiectasque vident vrbes, hominumque volanteis,  
Attollunt humeris mentes ad coerula coeli.  
Hi mare ventosum spectant, fluctuque laborem 270  
Iactatis demunt: tantum benefacta merentur.  
Informes alii laruas, & tristia terrent.

Tartara, vel fontes damnant pallentibus vmbbris,  
Victoresque alacres repetunt simul aurea tecta:  
Quam multae circum bis victae Pergama Troiae 275  
Tyndarida ob raptam Graiae sedere phalanges:  
Quam multae Emathiae in campis fremuere cohortes,  
A socero, & genero Romanis dum acriter armis,  
Et patrio externoque est milite decertatum.

Nec vos praeteream, magni quibus atria regis,  
280  
Et secreta patent diuum: vos omnia quae sunt,  
Quaeque aetas deleuit edax labentibus annis,  
Et seros maneant nostis quaecunque minores  
Per vos venturis seclis referanda nepotum:

Quos

Quos humeros cinctos penna, & fulgentibus aliis 285  
 Saepe sacerdotes casti, dum mascula thura  
 Ante aras adolent, manifesto in lumine cernunt.  
 Hi quae contingent, quae mox ventura trahantur,  
 Et rerum secreta canunt, humentibus vmbbris;  
 Et cum nox operit terras ex aethere lapsi, 290  
 Praepetibus pennis certissima somnia portant.  
 Hos, genus antiquum Solymorum, maxima rerum  
 Dum fuit vrbis Solyma, ex alto dedicere coelo  
 Carminibus referunt solitum, & de morte vocatos  
 Aduenisse illos velatos vestibus albis, 295  
 Et crines auro, & viridanti fronde reuictos;  
 Scilicet in sacris tantum sacra nomina possunt.  
 Nec mirum, sic magna iis obseruantia regis,  
 Nomine ut audito paucent: quo nigra tremiscunt  
 Tartaraque & tellus, & rauclifona Amphitrite. 300  
 Nam quamuis illum vox non enunciet vlla  
 Mortalis, fecere tamen sacra nomina vates.  
 Hinc rerum dominum, tempestatumque potentem,  
 Et mundi altorem, complexumque omnia numen  
 Tergeminum, omniuolum, & magno se corpore  
 miscens, 305  
 Dixete: hinc, nubes qui inter caput extulit altas,  
 Praepetibus volucrem pennis, & fortibus aliis,  
 Magnanimum autorem superum, qui aetatis id aeuo  
 Sit, fueritque omni semper florente iuventa:  
 Hinc belli dominum, quod iustis regibus adsit, 310  
 Dum sanctas armis leges & iura tuentur.  
 Id puer in Solymorum agro dum pectore versat,  
 Pastorale gerens tegmen, peramque, cothurnosque  
 Ausus inexperti est tentare pericula belli.  
 Irruit in fines palmosae & diuitis vrbis 315  
 Monstrum horrendum, ingens, hominem quo fe  
 mina patru

Tem.

- Tempore non alio magis est enixa tremendum :  
 Ipse quidem miles , dux ipse ingentia bella  
 Pugnabat , victorque virum , spretorque deorum ,  
 Atrox , terribilis , seu lumina torua videres , 320  
 Seu Libyci pectus squamosum pelle draconis :  
 Impune haud quisquam (miserum) fuit obuius illi  
 Siue pedes , siue iret eques , seu fortiter hasta ,  
 Seu rem falcato gereret iam comminus ense .  
 At puer egregius iam magni cura tonantis 325  
 Armorum rege accito , sub nomine torquet  
 Qui fera bella suo , viresque irasque ministrat ,  
 Agresti lapidem funda detorsit in hostem .  
 Ille volat stridens , magnum & pet inane volutus  
 Temporibus duris haesit : coeloque minantem 330  
 Tollentemque manus , robustaque colla mouentem  
 Sttauit humi , puerique simul victoria parta est .  
 Vedit & Epeiros (certa haec , & cognita res est )  
 Dum cornu Parthus Gortynia spicula torquet ,  
 Ire ducem aduersus florentes aere cateruas . 335  
 Pro clypeoque hosti nudum ostentare lacertum .  
 Vedit & Epeiros sternentem Parthica ferro  
 Corpora , & Euboicos spumantes sanguine riuos :  
 Mille ducem Parthi magnum petiere sagittis ,  
 Mille illum telis : nec erant loca peruia ferro , 340  
 Nec tantae terrere virum potuere phalanges .  
 In nunc , & regis meritis diffide deorum .  
 Namque velut solido concreta ex marmore rupes ,  
 Horriter aut Boreas , aut illam verberet auster ,  
 Dura solo perstat , terraque immobilis haeret : 345  
 Telorum haud imbrues aliter , validasque secures ,  
 Ingentes equitumque alas tulit optimus heros ,  
 Quod superum implorasset opem , quod vote vocasset  
 Coelicolum regem .  
 Nec me animi fallit , multas non posse latinis 350  
 Vo-

Vocibus ostendi voces & nomina regis,  
Esse deum multa, atque eadem cecinisse priores,  
Orpheo, Mercuriumque, Linum, & Mosen deo ami-  
cum

Atque equidem ni alias vsus mihi nare per vndas  
Nunc foret, & certo religanda in littore funis; 355  
Forsitan hoc magis incuruarem gurgite remos.  
At quoniam nobis antiquae natura videnda est,  
Esse deum, atque animas coeli in penetralibus altis  
Ostendi, illa aliis post me memoranda relinquo.  
Et quia dicendum, ut nascentibus insinuetur 360  
Omnis ab uno anima, ecquis sit deus omnibus unus  
Aequoribus, terrisque, canam, coeloque profundo.  
Multâ autem tecum repeatas, multâ ipse volutes  
Dicta quidem, magnis dum diximus astra moueri  
Quaeque suis ducibus: vires tamen omnibus unum  
Sufficere, atque illum rebus satis omnibus unum.  
Nunc vero (si quid, dum dia poemata vatim  
Oblectant faciles animos, peperere malorum)  
Diemus vera quidquid ratione receptum est.  
Nimirum exiguae vires mortalibus aegris: 370  
Id genus humatum voluens, & parua labore  
Non sine concedi magno, dum pectore versat,  
Ipsum se longe potuit deducere vero.  
Ut duro cum quis morbo iactatur, & aestu,  
Cordaque & arentes fauces grauis occupat ardor, 375  
Tristia dum incenso iactat suspiria corde,  
Arentique trahit tremulam de pectore vocem,  
Hydrochoi quamvis cinixerunt aethera nimbi  
Aestarem increpitat properam, infensumque leonem:  
Sic hominum genus inualidum, molem hanc oper-  
sam

Adduci haud potuit moderandam ut crederet uni.  
Hinc mare nauigerum Neptuno, hinc tartara Diti,

AI-

Alta Ioui magni cesserunt moenia mundi.  
 Nec dubium cuiquam illud , naturam omniparentem  
 In rebus seruare modum certo ordine rerum : 385  
 Quae ratio in caussis , qui nam dicetur origo ,  
 Fonte nisi ex vno velut omnia ducantur ?  
 Quod si stare vno dubio procul hic queat orbis ,  
 Rex hominum, diuumque vnum, deus omnibus idem  
 est.

Is tamen immensus ; nihil hoc felicius usquam. 390  
 Is deus , haud alter , ni omnes supra alta tenentes  
 Non bene magnorum dignemur voce deorum ,  
 Scilicet hoc veteres ipsi fecere poetae :  
 Nosque etiam voces rerum , non sensa secuti ,  
 Ipsa ut verba cadant numerosa & dulcia in aures , 395  
 Saepe deos testes adducimus immortales .

Verum aliter res ipsa , deus , deus ille vocandus ,  
 Qui terras , tractusque maris , qui sidera , coelum qui  
 Aeternis regit imperiis , cui sidera fulgent  
 Aurea , labuntur , surguntque micantia mundo . 400  
 Principium hoc rebus , nihil hoc prius , æquiparandum :  
 Quandoquidem nihil est sic omni parte beatum .  
 Quod si dii plures , numerum si augere deorum  
 Forte licet ( fac esse ) pares sunt , numine eodem ?  
 Ergo principium nullum : vel dicere cordi est , 405  
 Principium fore principio ? quod ineptius esset .

Maximus at si quis , si quisquam est optimus vnum ,  
 Cui parent reliqui , coeli cui regia seruit ,  
 Optimus ille deus , deus est & maximus ille .  
 Non dii sunt igitur , quos & parere necesse est , 410  
 Qui longe obseruent alium , metuantque iubentem .  
 Nunc ne tu inscite a vero desciscere quidquam  
 Me duce iam possis , rerum alta arcana docebo :  
 Ne dum forte meis intendis mentem animumque  
 Praeceptis , anceps veri te iudet imago ; 415

T t

Quod

Quod rex auertat superum, qui hoc omne monebat  
 Ipse rudes olim populos, perque ora parentum  
 Et nati, & seri longum accepere nepotes:  
 Omnia quem pariter quondam videre docentem  
 Ipsi oculis sancti heroes felicibus annis. 420  
 His dictis animum informamus, quando ita nobis  
 A patribus sunt praeclare monumenta relicta.  
 Quae superest igitur, magna haec, iam percipe, res est.  
 Ille opifex unus rerum, deus unus ubique  
 Treis sese in species aperit, treis dicere possim 425  
 In formas, iam vocem aliam si repperit usus.  
 Nam dum res omnes vestigat, & abdita lustrat,  
 Effigiesque animo rerum, & secum omnia voluit,  
 Scrutaturque suas vires, pater ille deorum est:  
 Mens illi in rebus peragendis optima (quando 430  
 Optimus ipse omnis) quae mundi temperat orbem  
 Mens deus illa deus, coeli quam in vertice summo.  
 Coelicolae adpellant magnum patris incrementum:  
 Huic dedit imperium sine fine, hunc Daetala tellus  
 Accipit auctorem frugum: per quem aurea solis 435  
 Spicula discutiunt tenebras, lucemque reducunt.  
 Hunc mare coeruleum obseruat, quod hic aequoris  
 vndas  
 Instituit labi, quod monstra immania ponti  
 Protulerit, mutumque genus creet, auctet, alatque.  
 Dum tamen hic patri obsequitur, dumque ille geren-  
 tem 440  
 Adspicit ingenui natum omnia, magnus utrumque  
 Tangit amor, vique ingenti percussus uterque est.  
 Qui tamen hic animis potuit coelestibus ardor  
 Se insinuare, deus nisi maximus ipse fuisset?  
 Sic se regnator superum, licet unus ubique, 445  
 In formas treis exponit mortalibus aegris,  
 Sic se coelitus: mira & certissima res est.

Is rex omnipotens, is rex hominumque deumque  
 Materiem statuit rebus satis omnibus vnam:  
 Hac pecudes, hominumque genus, pictaeque volu-  
 cres

450.

Tetrenos capiunt artus, moribundaque membra:  
 Hac nitidi pisces alti sub marmore ponti  
 Corpora sunt, sensusque ipsos impellere possunt.  
 Dicimus hanc etiam genitalia semina rerum,  
 Si mente accipias variae sub imagine formae, 455  
 Hanc elementa, quibus connexis ordine certo  
 Omnia miraris prodire in luminis oras.  
 Igne calere vides, terra durescere corpus,  
 Diffundi humore, atque incana aetate resolui,  
 Aereque augeri, feseque attollere sentis. 460  
 Haec tamen haud oculis quidquam dant cernere,  
 quando

Imperfecta quidem sunt ipsa, & corpora coeca:  
 Sidera sed radiis, & coelum insigne coruscis  
 Dum late fulgent, coecis inimica tenebris  
 Quae latitant pelago, latebris quae monstra ferarum

465

Despiciunt, & luce sua dant lumina habere.  
 Hinc coeli nobis iucundum lumen & astra  
 Ut duo sunt oculi, quibus omnia prospectamus.  
 Sic ingens etiam dum voluitur vndique moles,  
 Quippe vigent, motuque suo fas cuncta moueri: 470  
 Hoc sine non rapidis ventosum perfluit vndis  
 Aequor, nec bibulae ventis iactantur arenae:  
 Non spoliata arbos quassat ramalia fronde:  
 Idem adeo rebus modus, & coelo irrequieto.  
 Aucta opibus tantis, tantoque exercita motu 475  
 Materies hinc apta ad res, foecundaque vires  
 Suggerit ipsa sibi, & quos occultauerat aluo  
 Edit maturos longo post tempore foetus.

T t a

Vt-

Utque illis permixta insunt elementa vicissim,  
 Eminet utque aliis aliud, natura per artus      480  
 Serpit, & ingenium toto se corpore miscet.  
 Porro ignis magis est illis, qui ardoribus irae  
 Continuo flagrant, actique dolore premuntur,  
 Flammantes ollis oculi, & feruentia corda:  
 Hostu ne in caueas, hos tu ne in vincula coge,      485  
 Quos sibi conficias potius consciscere letum,  
 Quam tolerare iugum, & domini fastidia ferre.  
 Sunt quae non dulci declinent lumina somno,  
 Usque adeo metuunt animantia, & abditus imo  
 Est in corde leuis, pedibusque fugacibus aer:      490  
 Hinc ouium placidum genus, & male pinguis aselli,  
 Bucariasque greges, quibus est & plurimus humor,  
 Terraque nimis, vix ire per arua videmus  
 Hortatu, stimulis, & lenta verbera virgae.  
 Vescum sal aliis, aliis est triste cuminum      495  
 Iucundum hac ratione, aliis est dulcis amaror.  
 Iamque adeo caussas animo lustrare latenteis  
 Te licet his pulchre instructum, qui fortis equi vis  
 Ad cursum, ad magnos cur sit procliuis amores:  
 Sedula quid tantum metuat formica senectae.      500  
 Namque ubi concrescit corpus, primordia rerum &  
 Quattuor illa ineunt concordi foedera nexu,  
 Sensifer & motus primum, mox certa per artus  
 Compages quaedam pro corporis augmine repit,  
 Cui nomen graeci fecere: at dicere auentem      505  
 Non aetas sinit inuidiae perfusa veneno:  
 Tempora ad haec tandem peruenimus, atq. ita paucis  
 nostrorum auriculae pueriliter offenduntur.  
 Nunc redeo ad rem: principiis feliciter illis  
 Compactis, porro tenuissima sanguinis aura      510  
 Exoritur, tacitusque haerens in corpore succus.  
 Hinc variae naturae animantium: utque est ea rerum  
 Tem-

Temperies, sua quemque trahit, retrahitque voluptas.  
 Non autem hos tu seiunctos a corpore morbos  
 Adfectusque animi videas: sed repere passim, 515  
 Et vulgo ex ipsis moribundis surgere membris,  
 Partem aliam nunc specta animi prudentis, & altae  
 Participem rationis, vis quaenam illa repente  
 Tollit se celerem liquidum super aethera? & extra  
 Procedit longe flammantia moenia mundi? 520  
 Ecquibus ad coelum toties se sustulit alis?  
 Inuisit diuumque domos, atque ardua tecta?  
 Cur tantum molitur iter? vel quo ducē? si non  
 Hic suū est olli locus, & coelestis origo?  
 Nempe solum patrium cuique est, exercita cursu 525  
 Flumina habet pontus, quo cum venere quiescunt:  
 Si quid in altum vi iacias, descendet, & ipso  
 Iam torpens duro consistet in aequore terrae:  
 Si vapor est vsquam, facile quem corripit aer,  
 Soluitur & tenuis vacuo laetatur in orbe: 530  
 Flamma vorax etiam cum postibus haesit adesīs,  
 Velle quidem ostendit supera ad conuexa volare:  
 Tantus amor sedis, placidae est ea cura quietis.  
 At vigor ille animi, tenebris & carcere coeco  
 Contemtis, volat ad superos, & simplicis ignis 535  
 Aurai similis fertur, iuuat ire per astra  
 Aurea, & extorrem patrio considere coelo.  
 Quod si mortales artus, moribundaque membra  
 Non obstant, iamiam ipse deum, totumque recludit  
 Aethera, magnorumque procul secreta deorum. 540  
 Quis vigor iste animi? quae tanta oracula mentis?  
 Quiue petit supera, & superum quae tanta cupido?  
 Scilicet haec veteres, eademque exempla secuti  
 Aethereos haustus animis dixere minores  
 Esse, denique ipsos coelo demittere ab alto. 545  
 Namque velut radiis sol igneus omnia lustrans

Corporibus primis se miscet luce, paritque  
 Omnia quae mundo generatim seela propagant.  
 Sie pater ipse animas, dum se admiratur, amatque,  
 Sponte creat, sanctumque homini dat pignus amoris.

550.

Ferre sui monimentum ingens, atque artibus addit  
 Diuinae aurai aeternis ex ignibus ignem,  
 Vlla ne eas mortis peritant immania fata.  
 Hinc vbi materna concrescit corpus in aluo,  
 Expleuitque suos numeros, nouiesque refulsit 555  
 Quinta dies, corda ipsa tument, tenerumque laborat  
 Corpus, & in totos animac vis funditur artus.  
 Idla loco tremit angusto, & caligine coeca  
 Mersa babit Lethen, & longa obliuia rerum:  
 Sicque diu non certa fui, cum corpore in oras 560  
 Luminis egreditur, membrisque innititur ipsis,  
 Donec iam firmae perfecto tempore vires  
 Non bene conueniant: animi vigor alta pererrat,  
 Scrutaturque arcana, viamque affectat Olymbo:  
 Non vllaq; veneres flexerunt turpiter illum, 565  
 Nullus honos auri, regnandi nulla cupido,  
 Omnia, seque ipsum angustis moderatur habenis.  
 Corporeae vero pestes contra aurea mentis  
 Praecepta insurgunt, Venerem, Bacchumque secutae  
 Terrenis inhiant rebus, noctique soporae, 570  
 Et velut ignaua indulgent animantia ventri.  
 Quin etiam si dira lues in viscera repicit  
 Intima, quamquam animis obstat, iuuat aquora picta.  
 Currete lyntre, & fallaci se credere vento,  
 Et dulces mutare domos, patriosque penates, 575  
 Ac turpes omnem vitam degisse per artes,  
 Ut mensa argento & fuluo colluceat auro.  
 His qui erit adductus, parui rectumque fidemque,  
 Parui sancta facit iura, & sine legibus ullis.

Vi-

Vitam agit iniustus, patriaeque acerrimus hostis, 580  
 Florenteis vrbes bello , ciuesque fatigat.

## DE ANIMORVM IMMORTALITATE LIBER SECUNDVS.

**F**lumina qui Graiae gentis decus aurea fundis  
 Ore sacro , surgit passim quo pinguibus aruis  
 Et felix Panacea , & suave rubens Hyacinthus ,  
 Pulcher Aristocles , sanctis natalibus orte ,  
 Te duce non verear coecis offusa tenebris 5  
 Explorare, labor tuus hic mea praemia laudis :  
 Te duce non verear latitantis semina flammae  
 Quaerere , & accensam tedam de vertice summo  
 Nocte sub obscura miseris ostendere nautis ,  
 Aequora dum late abruptis turbata procellis 10  
 Vndarum eructant montes , classisque magister  
 Hospitibus lacrimans nigram denunciat horam .  
 Quodq. bonum , & faustum , & felix fortuna secundet ,  
 Tu mihi quocunque hoc curae , tu mentem , ani-  
 mumque  
 Suppeditas , quo tollere humo pernicibus alis 15  
 Me possim , & duri fulciri vertice Atlantis .  
 Vnde ego despiciam , palantis qui studio oci  
 Est superos contra mortales tollere vultus  
 Ausus , iners , stolidus , tum voce lacessere diuos :  
 Qui dum adeo inspiceret , quae essent iucunda pala-  
 to , 20  
 Pinguibus haud potuit for vñquam auellere mensis .  
 Quem passim sequimur , quam o quam diuersus ab illo  
 Graius homo : Graium quid non audete putandum est ?  
 Hinc , hinc rellgio , liquido quae ex aethere lapsa ,  
 Relligio decus omne virum , decus omne decorum , 25  
 T c 4 Sub.

Sub pedibus deiecta hominum, externataque visa est;  
 Improba vox tantum potuit suadere malorum.  
 Nam quid religio peperit sanctique bonique,  
 Omnibus usque adeo compertum, ut res videatur  
 Ipsa loqui, illustri in conspectu sic sita quando est. 30  
 Haec seruare fidem docuit, sua reddere cuique,  
 Iungere coniugio stabili, miserere laborum,  
 Et longum placidam populis laudare quietem.  
 Haec docuit Venerem fugere, & diis degere vitam  
 Dignam, nec furiis blandi indulgere Lyaei. 35  
 Quod si quis curare deum mortalia quenquam  
 Deneget, ille mihi infortunatusque laborum,  
 Infelixque animi: qui ne quid linquat inausum,  
 Omne nefas ausus, scelera omnia pertentauit,  
 Quod si idem curae superis nos esse putasset, 40  
 Et santes meritas post letum pendere poenas,  
 Non malum adulterium & coecae mala gaudia men-  
 tis

Esset posthabita usque adeo virtute secutus.  
 Hinc & avarities, luxusque ministra libido  
 Surrexere, & contenta formidine diuum 45  
 Humanam foede vitam strauere iacentem.  
 Quid nra post cineres muta omnia, nec ratio umquam  
 Reddenda, & nusquam posthac Acherusia templa,  
 Nilque Erebi tenebrae, nisi tantum fabula inanis  
 Iudicio illorum, mentem quibus abstulit error. 50  
 Quod nos esse aliter, tenebrasque ignesque manere,  
 Et meritis aliquos alto succedere Olympo,  
 Quo sine nil meditari sum potis, ipse pater si  
 Omnipotens magni concesserit incola coeli  
 Dicemus: quoniam quae sponte recepimus, vrgent. 55  
 Nunc alio vertamus itet, nunc ad rationem  
 Ingenii vires omneis adhibere necesse est.  
 Hic ego te, Sadoletc pater, sacra illa docentem

Sanc-

Sancta adstare velim, non tam certare paratus,  
Quam te imitari: etenim raucus quid oloribus anser  
60

Contendat liquida mulcentibus aethera voce?  
Nam magni refert, qui cum sit sermo: tuis quaes  
Aut teretes magis, aut tritae sunt, Iuppiter, aures?  
Mitius at nihil est, nihil est humanius illis.  
Nunc me difficili pangentem carmina de re  
65  
Inter egestatem patrii sermonis, in aestus  
Prospicio inuidiae violento turbine ferri:  
O mihi quas turbas, quos surgere cerno labores,  
Ni bone me Sadolete iuves, & vulgus ineptum,  
Parte libri hac magna iubeas absistere voce. 70  
Namque (fatebor enim) multi praeclera reperta  
Doctorum illa hominum, dulcis vera otia vitae  
Non nouere: quibus nostra haec incognita, quid ni?  
Dura videbuntur, coeca & caligine tecta.  
Hi mea non cupio, at mando, ne carmina (possim 75  
Si impetrare) legant oculis, mihi tu satis vnuis:  
Ni te operam dare poeniteat, Sadolete, libello.  
Quod si forte aliquos maiis accire legentes,  
Quales nunc habet ingenii Germania florens,  
Gallia vel tua iam, tua vel Saturnia tellus, 80  
Integrum tibi sit: liber hic ex parte tuorum est.  
Principio mentem atque animam diuersa fatemur:  
Quando opus illius mens est, & nuncia quaedam.  
Verba sed haec eadem veluti iam triuimus vsu:  
Namque animam mentem adpellamus: non ita ve-  
ro est. 85  
Haec crescit, firmata viros vbi fecerit aetas:  
Decrescit pariter, longum fugientibus annis,  
Vt pote quae auxilio, quae corporis indiget vsu.  
At vis illa animae est eadem pueraque senique  
Semper, & ipsa omnis per totum didita corpus, 90

Non aliquid mixtum, non concretum ex elementis,  
Sed purum, aeternum, quodq. omnia est tibi solutum.  
Nam qui corpoream dicunt cum corpore obire,  
Et nasci: qua est insani via nulla feruntur.

Nam si corpus erit, terramque, ignemque necesse est 95  
Esse, vel humorem, teneri siue aeris auram,  
Aut ex his quidquam, quod non rationibus ullis  
Confieri constat: quando cognoscere coecos  
Euentus rerum, quae gesta prioribus annis.

Sic bene lustrare, & constanti mente tenere, . 100  
Non opus hoc terrae, non aeris, aut leuis ignis.

Vis dare quae leges potuit, quod corpus iniqua  
Nosse? & quae nobis essent sudore paranda,  
Suauiloquis dictis exponere, & aurea nobis  
Scribere praecepta, & seros monuisse nepotes? 105  
Porro quae corpus non sunt, ea corpora nosse  
Nulla queunt.

Ergo aliud, quidquam illa aliud, simplexque nec hilum  
Fecis habens. si corpus enim, vel corporis esset  
Pars aliqua, iisdem nutrimentis surgeret aequa: 110  
Quin etiam dapibus grauis, & bacchante Lyaeo,  
Et prudens magis, & multo sapientior esset.

Verum aliter res ipsa quidem: dum corpora laeta  
Viribus exultant propriis, decadere vires  
Consuevere animi, & purae vis insita menti. 115

Indupedita iacet, nec se attollit ad auras:  
Quo magis & luxus membris, alimentaque desunt,  
Illa magis firmis perniciose euolat alis.

Ergo alte vestiga animo, remque altius omnem,  
Magnorumque virum praeclara inuenta capesse: 120  
Scilicet ipse deum. seclis pater omnibus idem  
Deficere haud umquam poterit: quod dum omnia  
curat,

Ipse sibi tantum curae est, se auditque, videtque,  
Ip-

Ipse in se magni in faciem reflectitur orbis.  
 Illa itidem sibi nota, suas secum ipsa volat 125  
 Immensas vires: sanctaque cupidine capta  
 Rerum aeternarum, liquidi super ardua coeli  
 Dum sequitur, sese tollit pernicibus alis,  
 Itque reditque viam, & gyrös metatur eosdem:  
 Dumque deos videt immortales, illa deus quis 130  
 In se conuertit vultum, formamque, coloremque  
 Agnoscit diuum, & sese admiratur, amatque.  
 Cernimus hanc etiam dominari in corpore toto,  
 Ionio in magno qualis volat vincta carina,  
 Et mare per rapidum ventis interrita fertur, 135  
 Tuta suo nauta: qui contra flabra Aquilonis,  
 Contra austri optatum suevit contingere littus:  
 Haud artus terreni aliter moderamine mentis  
 Luctantes contra Veneris, fluctusque Lyaei  
 Tuta fecant, seque eripiunt pellacibus vndis. 140  
 Nonne vides, discreta magis quo a corpore mens est,  
 Quae, quanta incedat victrix? quamque aethera supra  
 Euoleat ad superos nullo duce, sed sibi fidei  
 Obiicibus ruptis membrorum, & carcere coeco?  
 Si non est igitur corpus, quod semina rerum 145  
 Efficient, cum iam extremus calor ossa reliquit,  
 In quid abit? quo vis illa exhalata recedit?  
 Non aqua, non aer, non tellus, non leuis ignis:  
 Si natura parens penitus consumere quidquam  
 Non audet, longa nec res abolere senecta 150  
 Ipsa potest natura, parit quae quidquid ubique est,  
 In quid abit? quo vis illa exhalata recessit?  
 Non aqua, non aer, non tellus, non leuis ignis.  
 At nunc cum cordi non sit rumoribus fallis  
 Pugnare, egregie ratione inuenta capesse. 155  
 Nonne vides, ut materiem & faciem illius omnem.  
 Excipiat singillatim mens omnia lustrans?  
Quae

Quae si tale esset quidquam, internoscere posset  
 Effigies harum nusquam, & discrimina rerum.  
 Namq. opus est, animam sane nihil esse, quod ipsa 160  
 Excipit: atque acies varios visura colores,  
 Omnibus iis pariter caret ipsa coloribus omnis.  
 Nonne vides etiam, quae sit perceptio rerum?  
 Nam dum sanctum animal, mentisque capacius altae  
 Ut sit homo mens comprehendit, non protinus illum 165  
 Aut hominem videt hunc, certo neque tempore  
 quemquam:

Et tamen illa hominem vidit quemcunque priorum,  
 Et quem nostra tulit, quem postera proferet aetas.  
 Adde etiam, quae sunt ipsis pugnantia rebus  
 Haud obstant animis, dum quis putat esse calorem, 170

Et frigus putet esse, potest comprehendere utrumque:  
 Et pugnent quamvis, animo comprensa tenemus.  
 At vero quodcunque perit, pugnare necesse est  
 Quam pereat prius: at si cui contraria non sint  
 Inuidia quaedam naturae atque arte parata 175  
 (Quippe nobis semper studeat cum Daedala rebus,  
 Nec quo se vertat iam habeat, quodque arma mi-  
 nistret)

Dissolui haud poterit, leti est, quod lege solutum.  
 Huc illud simul accedit, quod corpora nulla  
 Efficere ipsa queunt: secum componere paruis 180  
 Magna solet, certo & numquam requiescere fine.  
 Mens enim lapsis quid non meditabitur annis  
 Quod fuerit? nullus quamvis sit terminus aei.  
 Illa viam secum, spaciunque immane volitat,  
 Et longum numeris numeros crescentibus auget. 185  
 Quod si infinitum quidquam metitur, an illud  
 Finitum esse potest? quaenam comprehendere vires  
 Exiguac immensum possent? modo cogit in vnum

Om.

Omne hominum genus, & quod non numerabile certe est,  
 Colligit, & secum numerat: rursusque quod vnum  
 est, 190

Diuidit in partes, nunc has, nunc accipit illas,  
 Alternatque vices, vlo nec fine quiescit.  
 Quin etiam in formas se, & vultus induit omnes:  
 Vtque pater rerum, rebus se se omnibus addit.  
 Namque adeo pictam volucrem dum concipit esse, 195  
 Vertitur in volucrem mens: & dum cogitat astrum,  
 Astrum est illa itidem. quod si qui sidera voluit,  
 Aurea concipiatur, mens aurea sidera voluit.  
 Dumque opus adgreditur magnum, admirabile fac-  
 tum,

Componit rerum dominum, rerum illa videtur 200  
 Iam domina, & certis moderari legibus orbem.  
 Denique nil adeo est vsquam magnumq. bonumque,  
 Nil prorsus tam difficile, in quod non subito illa  
 Vertatur. verum hoc muuus liquet esse deorum:  
 Dii formas potuere itidem se vertere in omneis, 205  
 Exuere & vultus omnes, perque omnia ferri.  
 Quin etiam natura homini est innata cupido  
 Degendi aeternum vitam: dolet ante fuisse  
 Magnanimos heroas, eodem & tempore nasci  
 Non potuisse: dolet longum fugientibus annis 210  
 Non fore, nec quidquid facient spectare nepotes.  
 Hinc curae ingentes: his vt monimenta telinquant  
 Tuta loci natura, ingentibus oppida faxis  
 Erigere, atque alto turres extollere coelo,  
 Atque vnis septem colles concludere muris: 215  
 Flumina vel per faxosas educere valles,  
 Et manibus hominum summos euertere montes:  
 Quae fuerat sterilisque prius palus, aptaque remis  
 Tellurem aut hydris, ranisque loquacibus olim

Red-

Reddere seminibus late Cerealibus aptam: 220  
 Hinc vbi vel dumeta prius, viburnaque lenta,  
 Sunt oleae visae tetetes, & munera Bachi.  
 Hinc inuenta virum paeclarum, atque artibus omnem  
 Excolere ingenuis vitam, finesque bonorum  
 Differere, & clarum e tenebris extollere lumen. 225  
 Nam quid praeteream heroas? qui sanguine fuso  
 Ciubus imperium & placidam peperere quietem?  
 Non illos magni possunt terrere labores,  
 Non dulcis coniux teneat, non maxima nati  
 Cura prece, aut longa confecti aetate parentes: 230  
 Carius est ollis duri in certamine Martis  
 Pro patria obiectare animam: quin saepe beatos  
 Adclamat sese adfecti cruciatibus ipsis,  
 Vitam aspernantes vitae melioris amore.  
 Gnossia nec Thorio clamanti, & laeta bibenti 235  
 Vina rosa, aut vsquam cuiquam fuit vlla voluptas  
 Par isti, dum tela inter, clypeosque inimicos  
 Victores iam animam multo cum sanguine fundunt.  
 Omnibus vsque adeo vitam producere dulce est,  
 Quaque licet niti seclis superesse futuris. 240  
 Verum non homini ne quidquam tanta cupido  
 Insita natura est: quando certe optima rerum  
 Illa patens, cunctis statuit finemque modumque  
 Optandi, sua quisque tamen quae possit apisci.  
 Natura lupus insidias meditatur, & optat. 245  
 Sternere depressa compertam in valle capellam:  
 Autum leporem sequitur canis ore sagaci:  
 Sed captare canis leporem, lupus ipse capellam.  
 Quippe potest: natura etenim non insita frustra  
 Tanta cupido homini, reliquisque animantibus es-  
 set. 250  
 Atqui nequidquam hic homini sese obtulit ardor,  
 In volucres tenuesque auras spes tanta recedit,

Rex

Rex nisi nos superum post condita membra sepulchro  
 Esse velit, duri decurso temporis orbe:  
 Si non structa diu Pario de marmore templa, 255  
 Florentesque addurant vrbes: quin iuga montis  
 Aspera & aeriae vicina cacumina nubi  
 Absumit tempus, rerumque inimica senectus:  
 Et iuuat vsque adeo insano indulgere labori,  
 Omiseri, queis tantus amor per vulnera, perque 260  
 Supplicium mortem petere, atque extendere nomen?  
 Obscero, ne meditata animis adsuescite falsa,  
 Neu meates anceps veri deludat imago:  
 Quando est perpetuum in terris nihil.  
 Adspicite, impositae Romanis collibus arces, 265  
 Et claris ornata olim monimenta tropaeis,  
 Vectique ingentes extremi ex finibus orbis  
 Ut iaceant turpique situ, & sine honore colossi.  
 Scilicet & tempus veniet, cum maxima rerum  
 Roma parens, & pulcher erit sine nomine caesar: 270  
 Nec Decios, aut Romani duo fulmina Martis  
 Scipiadas quisque norit: namque astra necesse est  
 Certis temporibus terris effundere vires  
 Ipsa suas: his aucta virum praedicta reperta,  
 Et structae eversaeque vrbes, suadentibus astris: 275  
 Utque iubet rex ipse deus, certo ordine seruant  
 Illa vices: peraguntque suis stationibus orbes.  
 Hinc vbi longa dies, effoetae incendia terrae  
 Contingent, Siculis ceu cum fornacibus ignes  
 Prorumpunt, flammaq. imis tonat Aetna caueris, 280  
 Candentes crepitant aurae, & caligine coeca  
 Aeraque, & coelum nigra ferrugine texit:  
 Intrembit omne solum, liquefactaque viscera montis  
 Atollunt flammae, & magnum per inane coacta  
 Alba cadunt, & strata iacent saxa arida passim. 285  
 Sic vbi terrifici late exarsere cometae,

AF

Astrorum appulso, & ventis mox percitus aer  
 Excutiet rapidum scissis e nubibus ignem,  
 Terrasque, tractusque maris, qua noxia tellus  
 Corripiet, quantum prospectant sidera terras. 290  
 Stant etiam nimbi ingentes, & tempore certo  
 Ventura eluuies: stant & cum flumina montes,  
 Et pater Oceanus spumantibus obruet vndis:  
 Quaque iuga & rupes praeruptæ, erit æquor arandum,  
 Felices terræ: & qua nunc mare perfluit altum, 295  
 Interdum surgent vicina cacumina coelo.  
 Quin etiam extremis discretos partibus orbis  
 Desertas habitare plagas, noua quaerere regna,  
 Explorare locos, & cingere moenibus vrbes,  
 Et dare venturae leges & nomina genti, 300  
 Sidera suadebunt, vt rex stellantis Olympi  
 Iussiterit: haud etenim penitus delere animantium  
 Omne genus certum est illi, nisi cum omnia tandem  
 Exitio dabit vna dies. ergo illa cupido  
 Ne quidquam innata est homini, quae maxima certe  
 est, 305  
 Aut dicendi animi aeterni, & meliora manere  
 Ossa sepulcretis vbi nostra reponimus imis.  
 Sunt exempla alia, & queis rationibus id tu  
 Adfirmare queas: nam quae vis illa animorum?  
 Ipsi quando adituni prorsus nihil intercludit, 310  
 Atque vias omnis percurrit, & omnia lustrat,  
 Omnia pertentat volucris perniciose aura:  
 Ardua non illi coeli supera alta videntur,  
 Non ipsi manes ima tellure reposci:  
 Nunc it ad occiduum spectant quae littora solem, 315  
 Perquiritque vrbes, genteisque, & nomina rerum:  
 Nunc orientis opes, populosque inuisit, & omnes  
 Transcendit terras, tractus maris, aera, coelum.  
 Leuibus hinc animas aliqui constare putarunt

Cor-

Corporibus, forte illorum ut concurrerit ordo. / 320  
 At iam explosa diu iacet haec sententia vulgo.  
 Nam si fortuitis fierent concursibus, artus  
 Tempore non certo, moribundaq. membra vigerent:  
 Verum nunc citius, nunc serius, ut tulerit sors:  
 Quin & bis septem ferrent fastidia menses 325  
 Matribus, aut plures, nec certis legibus ortus  
 Constatet, si casu aliquo vis illa subiret  
 Vnde perfcens numeros, vigor omnia complens,  
 Quin etiam interdum magnum per inane coactis  
 Forte his seminibus, dum se per mutua necunt, 330  
 Nondum corporibus genitis in luminis oras  
 Exirent animi. - qua refateare necesse est  
 Quo modo pugnabas, animos sine corpore vitam  
 Degere, nec semper duo se coniuncta tenere.  
 Ast alii penetralem ignem, sed corporis usu 335  
 Delabi ex superis aiunt, omnesque per artus  
 Errare, & tacitas cordi submittere vires.  
 Quod per delirum porro est, cum semina prima  
 Quattuor accedant, dum singula commiscentur,  
 Adrepantque solum, humorque, spirabile, & ignis. 340  
 Sic nihil exanimum esset, sed vigor omnibus idem:  
 Omnia conciperent animo, exaudireque posse  
 Aequae homines, montesque feros, silvasq. loquenteis.  
 Quod si erat absurdum, Parnassi e vertice sacro  
 Harmoniam traxere noua sub voce Pelasgi, 345  
 Quae res cunque foret numeris concordibus apta:  
 Delirum hoc itidem. nam qui prudentia frugi  
 Exoritur graue mentis opus? quique optima rerum  
 Iustitia augustas ornauit legibus urbes? 349  
 Non etenim ex numeris sunt haec, neq. fallere verbis  
 Est animus, rectam aut dictis abducere mentem:  
 Forma anima, & quaedam res est certissima: tale  
 Nil numeri, incolumi re abeunt, redeuntque vicissim.

Vv

Quae

Quae potui strictim: nam dicere multa parantem  
 Et verbi nouitas vetat, & me cetera poscunt. 355  
 Nunc cape dicta, quibus tuto iam credere possis  
 Praeceptis animum, & mercedem ferre laboris  
 Quantis omniparens natura excellere rebus  
 Humanum dederit decus, vt genus omne animantium  
 Pareat huic vltro, vel tandem seruiat vni, 360  
 Concipe nunc agesis animo: namque ipsa videbis  
 Quae pelago ducunt vitam, quae flumine subter,  
 Omnia deberi nobis, quaque aera tranant  
 Pernices volucres, & quae pede lustra pererrant:  
 Redibus insidiae hinc inuentae & fallere visco, 365  
 Hine laqueo captare feras, catuloque sagaci:  
 Hinc prope pendentes scopulos, & gurgite ab imo  
 Iam notum in siccum pisces deducere arenam:  
 Ecquae iam in nostros, quae non convertimus usus?  
 Quin etiam & tygres homini, & parere leones 370  
 Longa dies docuit, nataeque in montibus vrsae  
 Informes errant placide vacua atria circum:  
 Stat bellator equus domini iam laetus habenis,  
 Iam patiens, iam frena ferox spumantia mandens,  
 Et furit, & latos praebet calcaribus armos: 375  
 Stant & oues niueae lanis, quae vestibus aptae  
 Muricae suave rubent, viridi infectaeque colore,  
 Graminaque atque ipsos certent superare smaragdos:  
 Ipse etiam pastae referunt distenta capellae  
 Vbera lacte domum: linquens & bucula lucos 380  
 Ad mulctram venit, & sera ad praesepia nocte.  
 Adspice vt indomiti quondam, nunc sponte iuuenci  
 Plaustra ferant, & toruus humum pulsat pede taurus:  
 Attamen inflexo mox sese accinget aratro.  
 Vis & naturae partes, & magna parentis. 385  
 Munera, & ingentes terrae meminisse labores?  
 Haec olys egregium, betamque, apiumque, papauerq.

In-

Intybaque, & virides cauleis producit in annum:  
 Haec tibi lactucis, herbisque salubribus hortos  
 Esse iubet laetos, longoque cucurbita collo, 390  
 Tortilis & cucumis semper sua munera apud te:  
 Non ego serpilli, aut mentae, & bene olentis anethi  
 Delicias taceam, aut calthae florentis honorem:  
 Non ego pallentes violas, & mollis acanthi, 394  
 Narcissive comam ignotam, indictamque relinquam.  
 Quid referam aut farris segetes? aut ordea grandia?  
 Aut milium? lenteaque? & amantem culta faselum?  
 An vos praeteream diuini munera ruris  
 Arboreos foetus? quibus & conuitia inimus,  
 Felicesque deum coenas: quid cerea pruna, 400  
 Quid nigra commemorem? neque enim sapor omnibus idem,  
 Non color est unus, non idem temporis usus:  
 Vel quid mite pyrum, aut cana lanugine malum,  
 Illorumque genus varium, aut fileam Luculle  
 Poma tua? aut patrios referentia nomine Persas? 405  
 Non ego castaneasque nuces, oleamque Mineruae  
 Inuentum, dulcesque vuas tua munera Bacche  
 Transeam, & aeri mellis coelestia dona:  
 Non mihi si linguae tot sint, quod Dedala tellus  
 Submittit flores, & quot poma educat annus, 410  
 Illorum & genera, & percurrere nomina possim.  
 An vero tot muniberis feliciter auctum  
 Nequidquam, ad lacrimas tantum natura tulisset  
 Humanum genus? atqui quod praeferre volebat  
 Illa operi ingenti, reliquisque animantibus unum 415  
 Posthabuit, felixque animal dum ferre cupido est,  
 Protulit infelix, miserumque ignara futuri  
 Ah scelus, indignumque nefas, ignara futuri  
 Alma parens rerum? certis quae legibus orbem  
 Tempestat, in minimis cuique est solertia rebus. 420

Vel non infelix hominum genus, vltima vitæ  
 Omnia lux secum si aufert? iniusta nouerca,  
 Non altrix blanda, aut dulcis, sed subdola, fallax:  
 Tene ego vel nostri generis natura parentem  
 Dicere, tene ausim reri? nisi præmia vitæ 425  
 Exactæ peritent, solatiaque ante malorum?  
 Ecquisnam aerumnas, ecquisnam incommoda possit  
 Enumerare; graues hominumque referre labores?  
 Nascitur infelix homo, vbi fastidia menses.  
 Longa tulere decem matri, vagitus &c ingens 430  
 Primum exauditur, vitae monimenta futurae:  
 Nascitur infelix, nec humo se tollere quidquam,  
 Aut pede, vel dextera potis est, nec repere quoquam,  
 Cetera vti fuerunt animantia: sedula nutrix  
 Vlnis ni excipiat (misérum, indignumque) peribit. 435  
 Frigoris ille quidem haud patiens, in luminis oras  
 Profertur nudus, nec sunt alimenta quibus se  
 Recreet, & monitus naturae deesse videntur.  
 Illa quidem reliqua hortatur mox nata subire  
 Pellibus intecta, alterius non indiga curae, 440  
 Vbera lacte suae matris distenta per herbam:  
 Pars villos, setasue gerit, pars vellere tecta est,  
 Horrida pars spinis munita incedit acutis,  
 Et venientem audet petere, & propellere tectis:  
 Vulnificas aliis vngues dedit arma, quibus se 445  
 Defendant: aliis in leui cornua fronte  
 Addidit, vtricesque sedent in cordibus irac.  
 Quin virgulta etiam, & truncos circundat amaro  
 Cortice, & a tristi defendit frigore brumæ.  
 Quaere genus vitae illorum: non vinea falce 450  
 Tondenda est, valida nec humus versanda bidente,  
 Non curae est curuo proscindere yomere terram,  
 Et lappas, sterilesque agris euellenæ àuenas:  
 Non adeo, dum altum cinixerunt aethera nubes,

Illa

Illa timent segeti, & crepitant grandine pallent 455  
 Præxima diis illis vitæ est: sunt grama passim  
 Mollia, sunt flores bene olentes, & bona poma,  
 Mala, nucesque, genus varium: quae Dedala tellus  
 Ut ferat, vt seruet, multæ est obnoxia curæ:  
 Vita hominum duræ est, & plena laboribus omnis, 460  
 Quam mille inuadant morbi, & tenuissima quæque  
 Funditus euertant: qualis secretus agellis  
 Nascitur in cultis hyacinthus, quem malus imber  
 Nube nigra effusus male perdidit, & decus illud  
 Abstulit, & foliis omnem decüssit honorem. 465  
 Corporis heu pestes quot sunt? non maior arenae  
 Est Libyæ numerus: morborum copia mentis  
 Est quoque permagna, & quos non animantia norint  
 Cetera: sunt illis optandi denique fines,  
 Sunt & habendi: non auri malesuada cupidus 470  
 Abruptum cogit conscendere nauibus aequor,  
 Non se, animam, corpusque vna pellacibus vndis  
 Credere, ventisque, & stridorem audire procellæ,  
 Sat virides ollis saltus, intonsaque lustra:  
 Sat liquidi fontes, nigra quos protegit vmbra 475  
 Fraxinus, aut abies, vel acutis frondibus ilex,  
 Qua super aeriae sidentes dulce columbae  
 Ardenti sub sole docent gemere vndique siluas,  
 Vtpote sollicitum quæ detestentur amorem.  
 Qui furor, etsi aliis animantibus abditus haeret 480  
 Visceribus, generi ille hominum in praecordia repit  
 Intima, caedisque & multorum est caussa malorum.  
 Vritur infelix iuuenis misere, ossaque & artus  
 Incendunt teda ardentes, orbemque peragrat,  
 Vestigatque altas formosæ virginis aedes. 485  
 Illadomi ingenuo adsuescit parere pudori,  
 Quam casta instituit mater, nec tollere vulcus  
 Audet homo, iuuenem si forte inspicerit vsquam,

Connuentem oculis, & pectore suspirantem.  
 At miser abrupto iactatus vortice amoris, 490  
 Qualis ab Aetneis spirans fornacibus ignis,  
 Huc illuc rapide fertur: non frigora noctis,  
 Non imbres, solis non spicula feruida tardant.  
 Sponte suis stratis abiit, limenque puellae  
 Obseruat pernox: non illum dicta parentis 495  
 Abstrahere inde queunt, non multa concitus ira  
 Iam frater, charae pupugit quem fama sororis.  
 Ergo armis putat obstandum, nec iam esse ferendum  
 Audacem iuuenem: quare prorumpit, & ense  
 Rem gerit, & patrios incestat caede penates. 500  
 Quod si non aliis miserum, infelixque videtur  
 Humanum genus, uno hoc accipe: cetera finem  
 Non rerum meditantur, non tristi anxia cura  
 Norunt, vt vita sit denique discedendum:  
 Non lacrimas fundunt falsas formidine poenae, 505  
 Morte obita diuum tandem ad subsellia regis  
 Cum caussa in magna nobis dicenda corona est.  
 Quare homines vita illustres, & fortiter ausos  
 Certare & se se, atque alios superare ferendo  
 Laeta manent loca, quae ipsa non deprendere mente  
 Viuentes clausi tenebris, & carcere quimus. 510  
 Hoc natura viros studio venerata, labores  
 Addidit egregios, pulchre quibus exantlati  
 Aeternum sedeant alta ad delubra deorum.  
 Quod supereft, aliis rationibus exsequar: at tu 515  
 Volue animo, ad verum tandemque accedere disce.  
 Heroes, quorum pietas insignis, & omni  
 Laude fuit maior, diuumque simillima vita.  
 (Non ignota cano) quae mox ventura minorum  
 Temporibus fuerant, cecinere prioribus annis. 520  
 Vis ea mortalis non est, quae nosse futura  
 Sic potuit. neque enim tabulam vel dius Apelles

Re-

Rerum geſtarum media ſuspendit in vrbe  
Fulgentem minio, lateque Corinthio auro,  
Rem quae ita monſtrarit. ſtant nunc quoque, perle-  
gē tu quae 525

Sacro veridici fuderunt pectore vates.

Hoc felix quondam ; & diuum gratissima regi  
Sancta Palestinae tellus fata ipsa canentes  
Vidit, & ex illo ſcripta haec ſunt tempore nobis.

Excidium patriae multi, fata aspera flebant, 530  
Et ſuperum euersum vi lamentabile regnum :

Quos inter plectro rex nil mortale ſonanti  
Personuit dulce, altumque, & noua carmina dixit.

Nanque canebat, vti lapsis certo ordine ſeclis  
Regnator ſuperum forteſi miseratus acerbam 535

Humani generis, quod coelo excluferat alto  
Vnius ob noxam, mitesceret, & meliori

Mente preces hominum audiret: quare adfore tempus,  
Vt ſuus ipſe, ſuus natus, quemque vnicē amaret,

Mortalem indueret formam, moribundaque membra,  
Cuius in aduentu pallentes vndique morbi 541

Diffugerent, bellique metus.

Hunc vbi iam ediffet mater virgo omnibus expers,  
Venturos reges, qua ſol caput exerit vndis,

Myrrhamque, aurumque, & Panchaia thura ferentes.  
His addebat, vti fugiens ſaeui arma tyranni 546

Cum puero vt primum genitrix viridantia Nili  
Tangeret arua, deos fore nusquam, oracula paſſim

Cafura, arasque, & laqueata aurataque templa.  
Nec minus, vt puer ad patrias contenderet arces, 550

Docturus late populum, ſanctumque ſenatum,  
Proderet vtque vnuſ quidquid cecinere priores.

His cithara aurata dum personat, adiungebat  
Quaerentem matrem puerum: iam nulla neque vrbis,

Nec loca agri reſtant, quae non virgo optima luſtret.

Ah dulcis virgo, iam ter sol extulit alto 556  
 Oceano caput, & ter littore mersit Ibero,  
 Nec potus fessam, Cereris nec cura tenet te:  
 Quid tantum telluris obis? quid pectore ab imo,  
 Quid tot pallenti fundis suspiria vultu? 560  
 Ille aedem ad patriam in conuentu arcana recludit  
 Rerum aeternarum: diuino cuius ab ore  
 Pendentes populi dicta aurea depascuntur.  
 Quid loquar? ut caneret rerum miracula, vita  
 Corpora defuncta, & redditura in luminis oras, 565  
 Inuentus iam qui pedibus superare marinos  
 Et possit fluctus, summas nec tingere plantas,  
 Effer aquam virgo, fluuiis caua dolia comple,  
 Excipe fictilibus, iam sunt mollissima vina,  
 Ipsa tuis felix hilara conuiuia donis, 570  
 Laetitiaque auge, magnis & honoribus urbem.  
 Quid referam? ut fleret vatum de more suorum  
 Coelicolum existinctum crudeli funere regem,  
 Et matrem infelicem in summo vertice montis  
 Ah misere nati delentem veste cruores: 575  
 Aut ut narrarit triplici circundata muro  
 Moenia, pro vita, pro libertate suorum  
 Ardua terribilis tecta expugnanda tyranni,  
 Victoremque Erebum vastantem, & nigra prementem  
 Tartara & exuuias referentem Acherontis auari: 580  
 Vix alte in coeli foribus suspenderat arma  
 Ignibus e mediis rapta, & crudelibus oris,  
 Et pater occurrit, fuluaque ab nube columba  
 Vnigenam laete plaudentibus excipit alis.  
 Omnia quae quondam rex magnus & optimus ille 585  
 Dum caneret, iussit caros ediscere ciues,  
 Atque haec ipsa suis monumenta nepotibus esse  
 Carmina, dum palmis diues florebbit Idume.

DE

# DE ANIMORVM IMMORTALITATE LIBER TERTIVS.

**N**Vnc animis quae sit sedes, quae praemia vitae  
Quenque bonum tandem maneant, quas pen-  
dere poenas

Conueniat fontes, properante quis vndique rege  
Tolle tur clamor, quae signa futura, tubaeque,  
Expediam dictis: tu nunc adfiste canenti,  
Qui coenatus apud regem stellantis Olympi  
Ipsiis in gremio requiesti, & tempore Diuum  
Ex illo interpres fatorum arcana canebas:  
Dumque tibi & matri solido de marmore templum  
Instituunt Verulis Volsci, Marsique, Latinique: 10  
Annua dumque ferunt sacra, & solennia vota,  
Huc ades, & me quadriugo simul excipe curru,  
Perque Erebi vastas sedes, perque aurea coeli  
Me delubra pater ducta, remque ordine pande  
Venturam, & qui sit fatorum immobilis ordo. 15  
Postquam confectum mortalibus est breue vitae  
Curriculum, tenebris vbi mors adoperta calorem  
Vitai extinxit, nec quidquam auditque videtque  
Pallidulum, mutum, prorsusque exsanguis cadauer,  
Nosse potes peragrare animam loca cognita nondum.  
Nam pater omnipotens, aequi cui maxima cura, 21  
Prospectans hominum mentes, scelere vndique turpi  
Tabenteis, longe a patrio secedere coelo,  
Nec reclamantes animos rationibus vniquam  
Deduxisse illos vitiorum e vortice turpi, 25  
Supplicium horrendum statuit: quas pendere poenas  
Ah miseros cogit, cruciatibus ah quibus omni  
Adfectos iubet esse aevo tellure sub ima?

Illic vipereis turba est accincta flagellis :

Nox ibi perpetua , & semper caligine nigra

Est domus attonita , & graueolenti sulfure fumum

Igniuomi eructant montes , atramque fauillam.

Vnde fluunt vndis septem feruentibus amnes ,

Qui simul immensum circumfluxere barathrum ,

In glaciem montes , ipsi hi vertuntur in ignem .

Huc fontes animae scelerum grauitate feruntur

Sponte sua : neque enim superas se tollere ad auras

Concretae vitiis possunt , coelumque tueri.

Quales nocturnae volucres , vbi lucifer alto

Exerit Oceano caput , & radiantia solis

Spicula discutiunt tenebras , lucemque reducunt ,

In tenebras sese abiiciunt , vltroque feruntur ,

Qua deserta magis , qua sint tenebrosa sepulcra .

Huc vbi deuentum est , informes vndique laruae

Conueniunt , & supplicia ad crudelia cogunt .

Pars circum insultans horrendis vocibus instat ,

Pars vrgens facibus medios deturbat in ignes ,

Flammarumque globos , vbi seclis mille péractis

In glaciem proiecti altam , niuibusque sepulti ,

Plangore & gemitu ne quidquam tartara complent ,

Nanque vbi quingentis riguerunt frigore seclis ,

Infernī aucti amnes late feruentibus vndis

Insano magnos contorquent vortice montes :

Fluctibus his mersi torrentibus , vt mala passi haec

Seclis sexcentis , repetunt ex ordine prima

Supplicia , & nusquam miseris datur hora quietis .

Nec sum animi dubius , multos vt inania nostra

Carmina risuros : quoniam quae corpora non sunt ,

Non flamas , frigusque pati , non verbera , rentur .

Est hominum haec audacia , quos præscribere coeli

Non pudeat regi . quid enim? quod iusserit ille ,

Non fiet ? fac velle , idem qui carcere clusit .

Mor-

Mortali immortalem animam, quae corporis expers  
 Certe erat, efficiet, ne qui ditissimus aeris,  
 Diues agri, regi assimilis luxuque epulisque, 65  
 Omnis cui longum blandita obscoena voluptas,  
 Impia quique arma & crudelia bella secuti,  
 Et vitae leges radicitus euerterunt.

Praemia sint eadem accepturi: atque optimus ille;  
 Quisquis is est, spredo qui regno atque aedibus altis 70  
 Pauperiem & duros potuit perferre labores.  
 Sanctum hominum genus hoc, verae qui ad commoda  
 vitae

Confluxere, illis non cura vt regia vestis.  
 Velaret leues humeros, nec iaspide longi  
 Vt pellucidula pulchre digiti ornarentur: 75  
 Non dapibus mensas onerare, ostroque superbo  
 Discubuisse super, non tempora fundere vino,  
 Non fora composito circum volitare capillo.  
 Dii quanti, qualesque viri, quam fortiter ausi,  
 In flamas illi abiecti, & crudelia passi 80  
 Supplicia, iniusti durique ante ora tyranni  
 Haud vinci potuere, aut in contraria ferri.  
 O fortunati, quorum mens conscientia recti:  
 Saluete aeternum heroes, quos aurea diuum  
 Regna manent, numquam casura fluentibus annis: 85  
 Nusquam illic curae, nusquam dolor: omnia laeta,  
 Omnia tuta, animas tenet omneis vna voluptas.  
 At contra tenebris clausos, & carcere coeca  
 Luctusque & curae tristes, & sedulus angor  
 Opprimit aeternum, & qui vnu dolor altus habetur. 90  
 Iam norunt, solio vt poterant considere diuum,  
 Vt poterant hominum & coelestum adfistere regi,  
 Aeternumque frui luce omnipotentis Olympi.  
 Nec vero si forte aliquis bene vixerit, vsquam  
 Deque via recti paullum declinet, in oras 95  
 Lu-

Luminis aeternas subito properare farendum est:  
 Ipsi etiam labefacti, vitisque leuati,  
Quis lohgium obsessi fuerant, recta ire putandi  
 Non sunt ad superos. veluti cui plurimus insit  
 Visceribus dolor, & pigris vis tabida membris, 100  
 Non prius ad rectos potis est accedere sensus,  
 Ut iam iam amissae redeant in pristina vires,  
 Ingenue quisquam nisi doctus Apollinis artem  
 Adsit, iam suetus curare salubribus herbis  
 Membra diu vitiosa, modis pallentia miris. 105  
 Multos ille quidem succos, multosque liquores  
 Miscere instructus, dictamum, absinthia tetra,  
 Doctorumque hominum paecula inuenta ministrat.  
 Sic pater omnipotens, aequi cui maxima cura,  
 Qui bene de patria meriti, & virtutis amore 110  
 Multa diu passi, si qua admisere pudenter,  
 Et quos pertaesum est scelerum, pacemque per aras  
 Aeternum petiere suas, non destinat orco:  
 Vnde haud egressus patet ullus, & ostia claudunt  
 Sexcentum pondo, & multa rubigine vectes. 115  
 Sunt Erebi geminae portae, quarum altera solis  
 Spectat ad occidui terras: hac vndique tristes  
 Succedunt animae, vitae fugiente calore:  
 Hanc valuae nullae claudunt, sed limina pernox  
 Ipsa dolor seruat, spinas aegre inter acutas 120  
 Ille iacens squallet macie, & vix ossibus haeret,  
 Atrox, terribilis, dextram & laeuam implicat angue,  
 Late oculis ignem spirans, mirabile dictu,  
 Letiferum spumis mixtum vomit ore venenum.  
 Vestibulo is positus custos, sacra ostia seruat, 125  
 Nec reuocare gradum quenquam sinit. altera longe  
 Porta est, purpureus qualucifer exerit ante  
 Phoebaeos radios iubar, & noctis fugat umbras.  
 Hac iter ad superos, si quando haec ipsa pateret:

Hac

Hac iter Elysium, qua rex stellantis Olympi      130  
 Traduxit notos diuinis farnime vates :  
 Post illa clausa, & regis signata sigillo est.  
 Sed quia nec digni coelo, nec carcere claudi  
 Inferno, statuit rex aquus, & optimus ille  
 Delere assumtam labem, decus atque vigorem,      135  
 Auramque aetheriam donis felicibus auctam  
 Reddere diis similem, & dignam penetralibus altis.  
 Ergo quale aurum aeneensis fornacibus igne  
 Excoctum multo, tabem felicius omnem  
 Exuit acceptam, & formam magis induit auri :      140  
 Sic animae, quas ille diu tenet acrior ardor,  
 Aeternum abiiciunt concretam corpore labem :  
 Nam gyro aero, qua corruit aureus ignis,  
 Vicinasque vrit nubes feruore corusco  
 Extremas inter diffusilis aeris oras      145  
 Panditur hisce animis sedes vniuentibus ultro :  
 Quaque magis grauitate carent, se se altius auris  
 Aetheriis tollunt, donec iam funditus omnis  
 Torrenti flamma vitiorum exaruit humor,  
 Atque exesa omnis circum rubigo fatiscit.      150  
 Ast alii sedem late, longeq[ue] repositam  
 Extra anni solisque vias dixere, laborum  
 Immunem, hospitiumque velut bene dulcis amici;  
 Quandoquidem regis non est florentis honore,  
 Florentis pietate, suos quos legerit ante      155  
 Stellarum cursum, & teneri cumabula mundi  
 Exercere odiis tandem statione peracta :  
 Quos propter natum, sua lumina, quem sibi fecit  
 Haeredem rerum, coelo demisit ab alto :  
 Qui formam indutus nostram, moribundaq. membra  
 Oppressos morbi misere grauitate leuaret,      161  
 Insignemque notam longum impletatis inustam  
 Deleret moriens, veluti placidissimus agnus

Pro

Pro populo tristes animam positurus ad aras.  
 Non ita quae spectant orientem littora solem 165  
 Occiduis absunt terris, quas serus Olympo  
 Procedens tremulo perfundit lumine vesper,  
 Ut vitium a nobis, quibus est hac morte piatum :  
**Hinc** vera pietate Cilix clarissimus, omni  
 Aetate absunta in studiis feliciter istis, 170  
 Quae fuerint nostri repetens commissa parentis,  
 Quidque boni attulerit rerum moderator IESUS,  
 Sustulit & vocem, & duplices ad sidera palmas :  
 Munera magna pater tua sunt, iam vicimus : ergo  
 Hostis habes : etiam captus non abiicit hastas 175  
 Perfidus : hostis habes, iniecta nouissima plaga est :  
 Si mortalis homo tantum nostram imminuit rem,  
 Fare age, quo cumulo nunc auxerit immortalis ?  
 Haec calamo, haec eadem diuinitus ore serebat  
 Nonnullis bonus ille locis, queis credere par est, 180  
 Perbelle iis animos agere in regionibus aeuum  
 Securos, mundi vel si trans moenia, vel si  
 Ignibus in mediis degant candente fauilla,  
 Dum bona venturi succedant tempora secli. 184  
 Sic res ipsa quidem est, sed quam non cernere quimus  
 Ipsi oculis, rerum haud gnari, incertique futuri.  
 Sed neque ob id falsa est : quando quae dicere possim,  
 Sunt sexcenta quidem : quae qui non viderit, esse  
 Falsa putet : visa haec, dubio procul autumet esse.  
**Quid** si ego dixisset, ferres? nisi cognita multis 190  
 Praeclare scriptis hominum res tanta fuisset,  
 Laser piciferis fontem manare Cyrenis,  
 Qui noctu late torrentibus aestuet vndis,  
 Noctu dum tenebris humentibus omnia fringent,  
 Et Phoebe auratis incedit rosida bigis : 195  
 Cum vero lustrat radiis sol igneus orbem,  
 Ardentique omnem calfecit lampade terram,

Per

- Per Libyae perquam gelidus labatur arenas.  
 Huc illud quoque nunc spectat, quem nomine Graii  
 Dixerunt magna, lapis miro attrahit vsu 200  
 Quodcunque obiicitur ferrum: tactumque quod ille  
 est,  
 Dicit, & hoc itidem veluti Magnesia cautes.  
 Huc agesis, simul accedant adamantina saxa  
 Non iam concordi studio compacta tenentur,  
 Inque odium mutatus amor, conflataque longe 205  
 Inuidia vt soluant cogit vincla illa repente.  
 Crederebat an quisquam? nisi res, quae cognita, iam tum  
 Ipsa fidem faceret: nam queis rationibus isthuc  
 Confieri possit, nihil est quod nosse queat quis,  
 Docta licet summi fuderunt carmina vates. 210  
 Fabula nanque noua est, per crebra foramina ferri  
 Magneta insinuari, est, quod leuis abditus aer,  
 Et caua conueniunt plenis conamine magno:  
 Non adamas etenim magnetem excluderet omnem  
 Aeraque, quae multo caua sunt magis, arida secum 215  
 Attraherent, stipulamque, & ligna absunta senecta.  
 Neue ego te exemplis externis demorer, addam  
 Nota domi assidue, quae quondam incognita, quid ni?  
 Fallaci hac acque fieri ratione negasses:  
 Saxa vbi gypsati effoderunt grandia serui 220  
 Aeriam accliuis posituri in collibus arcem,  
 Arte laboratis super antra exesa caminis.  
 Congeriem statuunt in formam fornicis alti:  
 Nec minus agricultae duri rescindere ferro  
 Annosam quercum certant, atque arte magistra 225  
 Aridulis nigram lignis explere cauernam:  
 Inde vbi forma pyrae structa est, ex ignibus ignem  
 Ingentem paruis augent, sonat ardua saxis  
 Congeries, coecis fornacibus ignis anhelat.  
 Illi instaurantes ornosque, & fissile robur 230  
 Sub-

Subiiciunt, fruticesque leueis, stipulamque sonantem,  
 In bibulum cinerem quo saxa immania vertant.  
 Optimus hic operi cinis est: qui frigidus esse  
 Principio visus: quem tu si adsperseris vnda,  
 Igne graui exuri circum vicina videbis,      235  
 Et magnam attollit torpenti e puluere flammam:  
 Quod si pingue oleum fundas, alimenta videmus,  
 Quod tamen esse ignis, subito vis deperit omnis,  
 Flammaque continuo victrix perfusa repressa est.  
 Huc agesis animum referas: qui debuit vnda      240  
 Auxilio esse igni? duo quae pugnare necesse est,  
 Et flamas extingui aspergine pinguis oliui?  
 Quod si iam nosti rationem reddere dictis,  
 Ipse quidem nihil obsto: etenim facile esse videtur,  
 Quac quiuis spectet, rerum iam effingere caussas. 245  
 Omnibus hoc adeo est vitium mortalibus aegris,  
 Notarum ut rerum caussas scrutentur, & omnes  
 Vulgata illustrent dictis. quis semina flammæ  
 Nesciat in silicis concreta atque abdita venis?  
 Quis non in baccis proceram stipite laurum      250  
 Nouit inesse? fuit tamen hoc mirabile quondam.  
 Multa quidem nunc esse liquet præclara reperta,  
 Quae fieri numquam dixere prioribus annis.  
 Nam quae res illa est? & non imitabile fulmen:  
 Res aliter cecidit, positis iuxcidibus urbes      255  
 Iam magnæ ferrum exercent: fit fistula, qualem  
 Non oculis, non ipsi animo videre priores,  
 Fistula missura haud nequidquam ferrea bombos,  
 Aut conflata aere ex cocto, liquidisque metallis,  
 Praeruptas arcæ causa deiectione columnæ:      260  
 Inuentum præclarum, ingens, quod nos quoq. coelo  
 Exaequat, Ioue nec solo iam maxima coeli  
 Porta tonat, tantum non iam se iactet alumno  
 Idæ suo, & Cyclopum opera Vulcania tellus.

Nan-

Nanque vbi perfecta est moles , treis sulfuris addunt ,  
 Treis falsi partes nitri , treis pulueris atri 266  
 Exulta ex corylo , aut lignis quorum indiget vsus :  
 Parte alia informant immani pondere glandem  
 Tridentem duro ex chalybe , plumboue recocto :  
 Mox igne admotd , misceri murmure coelum 270  
 Incipit , & tonitu horrendo , concussa videntur  
 Aequoraque & terra , & domus omnipotentis olympi.  
 At perterrcrepo sonitu picea vndique nubes  
 Attollit se eructans flammam , atramque fauillam.  
 At simul irrupit vis eius , & impetus acer , 275  
 Procumbunt turres , aequataque machina coelo  
 Corruit , atque altum dant saxa auulsa fragorem.  
 Quin & dum aduersis acies concurrere signis  
 Constituunt , fortisque viri prorumpere cornu ,  
 Vidi ego sublato flammis ex aggere nimbo 280  
 Sulfureo heroas correptos fulmine centum ,  
 Candenti centum transfixaque pectora plumbo :  
 Dumque iterum atque iterum molis fragor intonat  
 ingens ,  
 Vmbones , ocreas , galeas , ensesque , verutaque  
 Vno ictu cadere , & coaceruari aggere magno , 285  
 Et latos multo respurgi sanguine campos ,  
 Altaque maiori dilabi flumina cursu .  
 Fare age , vel falsum est ? & non imitabile fulmen ?  
 Ergo multa modis miris fateare necesse est ,  
 Esse quidem non nota homini penetralia regis 290  
 Quis superum inuisit , nisi quos deus aequus amarit ?  
 Quisue Erebi vastas sedes , nigrasque lacunas  
 Accessit , victorque pedem cum laude reflexit !  
 O felicem illum virtute , & munere diuum .  
 Credi olli : nam vera canit. 295  
 Treis igitur sedes statuit pater optimus ipse ,  
 Quando non eadem nobis est palma parata .

Scilicet hoc sanctum est, ne quid sperare precando  
 Defuncti vita possint: sua praemia quenque  
 Certa manent, firmo certaeque ex ordine poenae. 300  
 Hoc est iustitiam colere, & praestare deum se.  
 Non etenim leges, hominum quatum indiget usus,  
 Iustitiam expendunt: est qui vetitos Hymenaeos  
 Contemtor diuum inuasit, ferroque parentem  
 Perdidit, & bello ciueis, fratresque veneno, 305  
 Ut parta insidiis liber regnaret in urbe,  
 Omnia fanda, nefanda ausus quem ferre minores  
 Cum iam non possent, victimum popularibus armis  
 Dicere iusserunt caussam acclamante corona:  
 Quare hominem usque inuisum, inter patria arma  
 trementem 310

Pallentemque modis miris formidine poenae  
 Ad fora sublimem rapiunt, ibi poplite utroque  
 Submissa, caput ense humeris auellitur altum.  
 Non dedit ille quidem poenas, quas debuit, annos  
 Usque qui multos alacris mala gaudia mentis 315  
 Posthabita est adeo insanus virtute secutus,  
 Molitus caedemque virum, exitiumque bonaorum.  
 Ergo alias poenae dandae, nec morte dolores  
 Finiri sperandum: etenim sunt ultima numquam  
 Secla illic, aeternum ubi vita labore referta est. 320  
 Tunc diu Baccho indulgens, Venerique nefandae,  
 Pauperis agricolae pinguem populatus agellum,  
 Ora manusque tui respersus sanguine fratri,  
 Non hic morte obita: ast illic dabis improbe poenas.  
 Scilicet incolmis sextum iam consul in urbe 325  
 Atque iterum fias, & tot demiseris ense  
 Egregios diro ciues pallentibus umbris,  
 Sanguine sudarit, belloque exarserit orbis,  
 Lumina tu patria claudas securus in aula?  
 Et iam sub terris placide, aeternumque quiescas? 330  
 Non

Non ita , mi poenas scelerata in morte rependas.

Non ibi iudicium corrumpes , nec reus auro

Te redimes grandi , nec cincta altaria circum

Effigies sanctorum hominum funeralibus altis

Te te igni eripient , aris impostaque thura:

335

Non in iudicium versis crudeliter armis

Restitues dominum te te : sed tristia tandem

Funera post , porro faciet manifesta fidem res:

Et quae sint poenae , mihi post narraueris ipse.

Disce deos colere , & dignam diis degere vitam. 340

Quin te animo constans instringis fortiter? & te

Adfirmas? dictis sapientum adsuesce moneri.

Nec vero inuentis Graium nos credere par est

Omnibus : est etenim nimirum Graecia mendax.

Nam quo illud spectat? post tristia funera rursus 345

Immemores cupiunt in corpora velle reuerti:

Fabellae graecorum hominum: quid corpora linquunt

Prima animae? quid solui opus est, in corpora rursum

Claudendas , vita quas cogas rursus abire?

Nascendum toties , si sit toties obeundum, 350

Nulla manet requies hominem , sedesque beatae

Nusquam igitur. quid tu mihi de flauo Rhadamanto,

Quid mihi de Elysii tot garris Graecule campis?

Quid mihi felices fingis , dicisque beatos

Aeternum, in mala quos opus est, luctusque redire? 355

Adde illud delirum itidem , quo expendere poenes

Commonstrent animas scelerum, petere horrida son-  
tes

Corpora scelorum , & pecora inter degere vitam.

Et , quod ridiculum est , aiunt , vt turpis adulter,

Flagitium ne impune ferat , muliercula fiet, 360

Ipsa viris quae se prosternat corpore toto.

Poenarum egregiae laudes , praeclara reperta,

Flagitium scelere ut cumulent , & criminis crimen.

Ad nos ergo animum refer, & verissima dicta  
 Accipe sis, mentemque adhibe, quam impellere verbis  
 Veridicis possim, & versu perfundere dulci. 366  
 Postquam sat terris actum, molemque operosam, &  
 Longaeuam mundi mutari ex sedibus imis  
 Coelicolum visum regi, nec iam amplius vlla est  
 Progenies hominum coeli ventura sub axem, 370  
 Iudicium sistet rex omnipotentis Olympi,  
 Iudicium firmum, sanctum, ingens, quo genus omne  
 Omne hominum in conuentu aderit, qui in luminis  
 oras  
 Aduenere vñquam, citius, seu serius illos  
 Scela tulere, dies pariter quos abstulit atra. 375  
 Non tamen id clam aut obscure contingere par est  
 Ius summum, ius acré: manent certissima signa  
 Temporibus certis, atque alte terminus haeret.  
 Primum etenim misere ardebit terra vndique bello,  
 Et populi regesque frement: sub foedere pacis 380  
 Euertent socii sociorum funditus vrbes.  
 Vexabunt alii patriam ciuilibus armis,  
 Et desiderio diraque cupidine caedis  
 Vulgo alacres tereti plangent caua tympana virga,  
 Efflabuntque tubas, & raucis cornua bombis, 385  
 Vastabunt agros pallentes caede coloni,  
 Incendent pagos alii, & splendentia aratra  
 Ipse ipse horrendos pastor conflabit in enses,  
 Ad bellumque vltro dirum armentarius ibit:  
 Rura colet nemo, nusquam tellure subacta 390  
 Vomere ducentur posito ad praesepia tauri.  
 Frugiferi nusquam campi, rubus asper vbique,  
 Et densi furent frutices, lappaeque tenaces.  
 Rastrorumque expers, & aduncae vinea falcis  
 Incultis dulces committet sentibus vuas,  
 Et longo crescent procerae palmitae vites, 395  
 Et

Et spissis nimium aeriae tamalibus vltimi.

Hinc vbi bella colent arua, & pax candida cessit,  
Vndique prouenient frumenta angustius agris. 399

Quod si cura hominum accedit, rursusque per artem  
Quisquam agros moueat, nullam pater ipse colendi

Tum volet esse viam, frustra insectabere rastro

Affiduuus terram, frustra adniteris aratro,

Nullae tum segetes, nulla frumenta sequentur.

Nam talpae solis visuri lumina numquam, 405

Curculioque vorax, & longo ventre locusta,

Subripient quae quis mandarit semina terrae.

Adde etiam ingenteis pluuias, & tempore iniquo

Triticeam in segetem late Boream insultantem.

Adde grauem dura concussam grandine aristam, 410

Cum iam flaua Ceres laetis rideret in aruis.

Mox foeda ex Orci tenebris adrepet egestas,

Mox & dura fames ruet, & radicibus herbas

Auulfas, glandemque feret mortalibus aegris.

O miseri, quos dira lues, quos triste manebit 415

Exitium: tune o coeli rex maxime, & idem

Optime, quid? tune ah tantas spectabis ab alto

Aerumnas hominum, nec te miserebit, Olympo?

Ira quoisque tua o bone rex?

Scilicet id firmum est, atque alta mente repostum 420

et fatale quidem, nec tum tractabile numen:

Esto, haud fas seruos regi praescribere, regi

Parendum: fuerint quaecunque ea fata, feremus.

Ergo pestilitas acris, miserandaque coeli

Incumbet populis vitio, sine ciuibus vrbes,

Funestae inuisi poterunt, sine rura colonis. 425

Excedent dulci vita, nec ducere puram

E coelo quibunt animam, spirabile quando

Corruptum late strages dabit, & graue olentis

Vulgo foetorem lacus exhalabit Auerni. 430

Tum iuuenes olim florentes, cum breue vitae  
 Ver agerent, dura iam fessi aetate parentes  
 Infatiabiliter flebunt, moestaeque sorores,  
 Dum flauo longos soluent a vertice crines,  
 Pallidulae efflabunt super ipsa cadauera vitam.

435

Nec minus interea falso praecepta salutis  
 Inscribent alii, contraque edicta piorum  
 Bacchantes edent insana volumina vatum.

Tum perterrificos sonitus per viscera terrae  
 Iri exauditum certum est, & motibus orbis

440

Insolitis, circum & coeli domus alta tremiscet:  
 Procumbent succussae vrbes, turritaque tellus  
 Excutiet magno senior iam pondere nutans,  
 Quod diu onus tulerat, longo post tempore collo:

At dum terribiles minitatur terra ruinas,

445

Et motu ingenti magnas tremefecerit vrbes,  
 Non face sol rosea ex alto se ostentet Olympo,  
 Sed caput obscurum densa inter nubila condet  
 Tristis, egens lucis, concedens is quoque fatis.

Lunai globus ipse etiam tabescet, & astra

450

Per noctem, ex vndis: & cum iam surgere Eois  
 Deberet Phoebus, nonnulla cadentia cernent  
 Attoniti passim iuuenes, trepidaeque puellae,  
 & tonsae palmis longaeuae pectora matres,  
 Percusisque senes late formidine diuum:

455

Interea nigrantem insana per aequora nimbum  
 Fulminibus grauidum ferri, & maria omnia arenam  
 Euomere, & magno compleri murmure pollitum  
 Acclives portus, iamque oppida consternantem,  
 Et falsos coeli tollentem ad nubila fluctus,

460

Horrentes populi rerum nouitate videbunt.

Hinc veriti, pater Oceanus spumantibus vndis  
 Ne ruat in terras, mediumque mare omnia fiant,  
 Ad iuga confugient praefupta, & rupibus abdent

Se-

- Sese conuexis: o aeternumque beati, 465  
 Et vere, dicent, qui olim melioribus annis  
 Occubuistis, erant vobis, qui ponere terra  
 Vos possent patria, & tumulo concludere aucto:  
 Quae nos exercet, quae nos Diuum ira fatigat?  
 Antra graues hominum vos o miserata labores, 470  
 Quae nobis restant, ad quae confugimus, antra  
 Corruite, integite, & finis vos funto malorum.  
 Has dum sollicito fundent de pectore voces,  
 Et tristi miseras iterabunt ore querelas,  
 Audiet omnipotens, & maiestate verendos 475  
 Diriget ad lacrimas oculos perculsus amore.  
 Mox igitur tonitru horribili fulgentia templa  
 Concutiet coeli: liquidum flamma aethera lustrans,  
 Quo siluae, montesque feri, & tremet vndique tellus,  
 Et iactata frement ponti tumida aequora circum: 480  
 Ter solio adsurgens, tensa ter pectora dextra  
 Contingens leuiter, magni sacraria coeli  
 Iurabit Diuum pater immutabile verbum.  
 Ergo purpureum qua sol caput ostendebat  
 Mane nouo lucem referehs mortalibus almam, 485  
 Procedet, radiis ardentia signa coruscis,  
 Signa die recti superum crux aurea regis:  
 Cui quondam (quid nunc totum vulgata per orbem  
 Carminibus repetam?) vitam sub imagine degens  
 Humaña rex est vltro suffixus Olympi: 490  
 Ut quas nos scelerum par esset pendere poenas,  
 Ipse daret: pietatis is est coelestibus ardor.  
 Sustulit haec vbi signa igitur dux maximus, arce  
 Ex coeli creber tonitrus, clangor que tubarum  
 Complebunt omnem raucis mugitibus orbem. 495  
 In summum deducta locum, flammescere coeli  
 Incipiet moles longe candardibus auris,  
 Ansantique graues fauces, & tristis Auerni

Ignitam efflabunt animam : nec tempore quoquam  
 Antra Aetnaea nigram magis euomuere faūlam, 500  
 Flamarumque globos , vastis nec hiatibus aequa  
 Expirare ignem tellus est visa cauernis  
 Persaepe interea fumañtes aethere ab alto  
 Prorumpent acri piceae caligine nubes  
 Fulminibus grauidae , late exurentibus omnia. 505  
 Iam mare, non mare, at exustae magis aequor arenæ.  
 Haec vrbes , eadem & montes incendia magnos  
 In cinerem & coeli fulgentia moenia vertent.  
 Haec rerum summa , hic ipsum manet exitus orbem.  
 Nunc vigor omniparens coeli de vertice summo 510  
 Adgredere o , cautusque moue, & sancte ignibus illis  
 Ignauum flagrans aeternis excoque pectus ,  
 Vnde meam vox firma magis mentem ipsa sequatur  
 Arcanas rerum leges , & fata videntem :  
 Quippe nouum terris video lucescere solem 515  
 Largius , & liquido vestiri lumine mundum ,  
 Ac rerum varias confestim sumere formas.  
 Gramen habent passim , & flores iam mollia prata ,  
 Iam nemora alta nigras altis surgentibus umbras  
 Arboribus , foliisque sonant & fronde virenti 520  
 Prognatae lenes zephyris florentibus auræ.  
 Iam rosa , iam violæ , iam purpurei narcissi  
 Perbellè rident gemmantes rore per herbas:  
 Non adeo mixtum magnis Aquilonibus imbreui ,  
 Non austrum metuent nati sine semine flores. 525  
 Non glacialis hiems , non intolerabilis aëstas  
 Aurea surgentis vertent bona tempora secli.  
 Ver erit aeternum , atque eadem clementia coeli  
 Semper erit.  
 At rex omnipotens felicia tempora inertis 530  
 Non torpere diu sinet , & succumbere somno ,  
 Nec rursus morti esse locum : quare ipse ministros  
 Au-

Auro fulgentes, & versicoloribus alis  
 Ante alta astantes donaria voce vocabit:  
 Ite decus iuuenes coeli, & clangoribus omnem 535  
 Aethera complete, & tenues sine corpore vitas  
 Antiquos artus, & corpora delaturas  
 Proclamate die hoc eodem me iudice sisti.  
 Aridulae non tot ventis agitantur arenae  
 Per Lybiae campos, desertaque littora propter, 540  
 Paruula non variantis tot sub imagine formae  
 Corpora commonstrant radiati tela diei,  
 Quam multae suberunt vltro citroque volantes  
 Innocuae, fontesque animae clangore tubarum  
 Excitae, & rauco sonitu: mirabile dictu, 545  
 Ipsa olim deleta vndis, absunta senecta,  
 Temporeque extremo vitae credita flammae  
 Corpora, in effigiem veterem se, & pristina fингent.  
 Vnica in Assyriis qualis felicibus ales  
 Dicitur ex cinere, & redolenti puluere myrrha, 550  
 Thureque Panchaio cunctantem sponte renasci  
 Aureolis oculis, & pictis vndique pennis.  
 Nam si non res in nihilum queat vlla reuerti,  
 Quando mateties aeterno semine constat,  
 Et superat quiddam ipsis indelebile rebus, 555  
 Par est dissidio collapsa, & funere tristi  
 Posse iterum in dulcem reuocari corpora vitam.  
 Nonne vides euersam aevo, & superante senecta  
 Vlimum arcte complexam olim, nunc pulueris atri  
 Materiem putrem, & glebam telluris inertem, 560  
 Cum Zephyrus graditur pennis, & dulciter orbem  
 Recreat aduentu exspectato, & lenibus auris,  
 Aut acino, aut ipsa surgentem vligine rursus  
 Pampineam, & fragili viridianem stipite vitem?  
 Quod si materia adduret, non esse videtur 565  
 Permagnum hoc: qualis Cyclops, aut arte magistra

Quidquam opifex aliis, statuas hominum armipo-tentum  
 Quas ruit ipse, eodem curauerit aere refingi.  
 Grandia frusta legit, minimis nec parcit, & altae  
 Porricit exemplo medios fornacis in ignes : 570  
 Hinc vbi pars omnis mistim est confusa metalli,  
 Aera fluunt liquida, & caulas stridentia complent  
 Compositas multa arte, viri praestante labore:  
 Quippe magis puro haec spirabunt signa metallo,  
 Inque cauis latebris haeserunt mollius aera. 575  
 Antiquo pater omnipotens ex puluere fingi  
 Corpora pulchre hominum fatorum ex lege iubebit:  
 Non ibi vel captos oculis, non corpore manco  
 Tardipedes videas, nec morbis aegra trahentes  
 Membra, vel inualidos artus instantे senecta. 580  
 Mundus aget ver ipsum. Ipsum florente iuuenta  
 Ver homines, erit & pubes, & idem omnibus acuum.  
 Ergo vbi clangore ingenti taratantara raucum  
 Insonuerit tubae, & magnis mugitibus æther,  
 Terribilique omnis sonitu reboauit Olympus, 585  
 Pandentur coeli portae, & stipante caterua  
 Innumera rex egressus, legionibus ire  
 Ordine composto, & praeferti signa iubebit.  
 Mox vbi quadrato fortis stetit agmine quisque,  
 Atque vtrinque acies ardentibus adstitit alis, 590  
 Et paſſim hac illac ſeſe explicuere cohortes,  
 Frontibus aquatis rex ardua castra mouebit:  
 Quem procul ut nubes, coelique Serena fecantem  
 Suspiciunt gentes, palmas ad sidera tendent,  
 Ingentemque vna clamorem adsidera tollent, 595  
 Effusaeque ruent. ast illum iam prope factum  
 Bisseni excipient proceres: quorum aurea canam  
 Caesariem, & leuem cingent diademata frontem:  
 Iustis de cauſis, & iam olim regis amici.

Quos

Quos penes adspiciens mixtos audere nocentes 600  
 Insontes premere, & primos transmittere cursum,  
 Et temere effusos ruere, & iam tollere vultus,  
 Terribilis rex, & furiis accensus amare,  
 Iamque oculis flammam spirans, odiumq. reposum,  
 Ecquis erit modus? ecquis iam vos, inquiet, iste 605  
 Audaces furor eludet? vos sistere contra?  
 Et scelerum tabe, & perfusi sanguine dextras?

Ite meae quondam dulces curaeque laboresque,  
 Ast odii nunc caussa, & ineluctabilis irae,  
 Ite domum in tristem, si quis pudor: ite ruentes 610  
 Inque picis nimbos, & flumina sulfuris atri  
 Aeternum late vobis torrentia flammis,  
 Iam tandem vobis dignas, me iudice, poenas.

At simul intonuit vox haec, & conscientia quenque  
 Vis animi, nec quidquam animo reticente momordit:  
 Quisque reus pallens ad laeuans, & tristis ab ibit 6  
 Praecipitemque dabit, seque in tattara condet,  
 Luctisono incassum conturbans omnia quaestu.  
 Qualis vbi imprudens miles sub nocte maligna  
 Carpit iter male tutum (instat timor, atque animum  
 aufert) 620

Excedens recta siluis se immiscuit atris,  
 Dum via perplexum cura frustratur euntem,  
 Castra inimica videt latum se propter, & hostes  
 Ignem ad nocturnum passim per gramina fusos,  
 Suspenditque pedem, & retro vestigia flectit: 625  
 Mox vbi paulisper furtim concessit, anhelans  
 Effugit hostili ex conspectu, atque oyor Euro.  
 Rex vbi iam fontes secrenit, & expulit vltro,  
 Ceu quondam pastor, cui grex non pascitur vnuis,  
 Ast isdem in siluis & oues, olidaeque capellae 630  
 Lanigeros hirtis agnos secernit ab hoedis,  
 Lasciuos placidis hoedos discludit ab agnis,

Am-

Amplexus placide heroas complexibus arctis  
 Haec , dextrae lacrimis dextras cum iunget obortis ,  
 Dulciter & vultu trepidantia corda serenans : 635  
 Vosne vlli maneant vsquam me iudice luctus ,  
 Vos thura, atque animum ne quidquam mi dederitis?  
 Has vobis sedes , vobis haec munera seruo  
 Iampridem , nusquam casura fluentibus annis  
 Aurea regna : decent vos haec. humaniter & me 640  
 Vos exceperitis toties , atque aegra trahentem  
 (Nudus eram memini) membra , & texeritis amictu ,  
 Et vestro toties illo recreastis amore.  
 An fugit & vos , quondam cum rerum omnium ege-  
 nos

Egregia iuuistis ope , & moerore leuastis ? 645  
 Quippe & erant illi sanguis meus.

Ergo agite intertextam auro , viridique smaragdo  
 Singlatim chlamydem accipite , & mea sumite dona ,  
 Quae pueri quondam dilecti , & saepe rogantes  
 Non tulerunt , ausi nimium se credere formae. 650  
 Iam nostis , res vel coelo iam notior vlla est ?

Hac etenim indutos magna ad penetralia Diuum  
 Indugredi , & nostris par est accumbere mensis.  
 Tum chlamydem cuiq. auratam , quam ferre maniplos  
 Iusserat , expediet , dona omnipotentis Olympi 655  
 Arte laboratam egregie , manibusque deorum.

Vix illa induiti liquidum super aethera raptim  
 Tollentur , regique canent de more cohortes ,  
 Et tuba terribilem , & repetent caua tympana bom-  
 bum.

Iamque vna emensi liquidas perniciter oras , 660  
 Aurea flammantis coeli de lubra subibunt.

Ecce autem in foribus pater ipse occurret amicis  
 Canicie , trabeaque , & maiestate verendus.  
 Agnoscent proceres longo iam tempore visam

Eff.

Effigiem: simile haud etenim est (vt dicitur) aeq. 665  
 Lac lacti, non vnda vndae, non ignibus ignis,  
 Atque olli pater: & ni sint iam tempora cana,  
 Amborum quisquam haud queat internoscere vultus.  
 O quantam mihi tu: & qualem dulcissime gentem  
 Nate refers, quam hilare accipio, quam pectore toto.  
 Haec ille, atque omneis intra aurea tecta vocabit 671  
 Actutum magni laeta ad conuiuia regis.  
 Ipse sibi ad dextram Natum, teque optima virgo  
 Victricem, praclare acto regina triumpho  
 Ad laeuan pulchra in palla, gemmisque nitentem 675  
 Componet, proceresque alios ex ordine lectos.  
 Hinc vbi diuinis epulis, & nectare sancto  
 Explerit, vinum ex adyto, cellisque repostis  
 Proferet annosum pater, & cratera coronans  
 Libabit prior, & Nato dum porriget, ore 680  
 Dum tenus attinget Natus (mirabile dictu)  
 Inter vtrumque latens raptim per pocula serpens  
 Innocuus, multoque ignis candore coruscans  
 Miscebit se auro: veluti sub sole tepenti,  
 Mane iugis canis gelidus cum liquitur humor. 685  
 Mox cratera alte spumantem, atque vndique plenum  
 Expediet rex conuiuis: illi ordine longo  
 Accipient, reddentque vices, & dulce bibentum  
 Praepediet sensus laticis diuina voluptas.  
 Ergo vbi sedatus tandem sitientibus ardor, 690  
 Vna omnes ad patrem versi, immota tenebunt  
 Luminā, dum natum complexibus implicat arctis,  
 Dum treis ante torum coelestibus excidat aras,  
 Flammantemque animam diuinis naribus efflat.  
 Ille vt coniectos oculós mirabitur in se 695  
 Conuiuarum omnes, longo non tempore visos  
 Ornatus, trabea indutus quos integrat alta  
 Recludet, series quibus est longissima rerum

Pis

Picta peregegie, perscriptaque nomina Diuum:  
 Et quas nunc animo comprehendimus haud bene, for-  
 mae  
 Effigiesque auto, & tenui sunt stamine ductae, 701  
 Diues opus, textum non enarrabile, centum  
 Ora mihi ex solido si sint conflata metallo,  
 Verba fluant, quales insana per aequora fluctus.  
 Dum vero interea superum domus alta filescit, 705  
 Vox ingens, qualis tonitus, prorumpere coelo  
 Auditæ, & late sonitu increbescere rauco:  
 Adspicite, obtutuque oculos defigite in vnum,  
 Vnus ego omnipotens, ego rex hominumque deum-  
 que,  
 (Aeternumque bonum, simplexque & summa volup-  
 tas.) 710



AONII

AONII PALEARII  
VERVLANI  
POEMATIA



## AONII PALEARII

VERVLANI

IN INVPTIIS NICOLAI MARINI ET.  
ALOISIAE MENDOZAE.

**V**ESPER ab Hesperiis nitidum caput extulit  
vndis,

**Et totum accedit diffuso lumine coelum:**

**O decus insubrum nuptae consurgite contra,**

Deducenda suo tandem est noua nupta cubili,

**Nox ruit, & Veneris iucundae praeterit hora.**

Huc ades o Hymenae Hymen, ades o Hymenae.  
Et meminisse decet nuptiae, & meminisse potestis,  
Exspectata dies fausto cum sidere venit,  
Cum iuueni caro vos despondere parentes,  
Spes vestras si forte aliquid pro tempore lusit,  
Ut primum optati vobis data copia lecti est,  
Quales amplexus, & gaudia quanta fuerunt.

Huc ades o Hymenae Hymen, ades o Hymenae.  
Adspicite, ut sedeat demisso lumine virgo,  
Ingenuo suffusa genas vtrasque rubore.  
Certe oculos non tollit humo, roseumque labellum  
Comprimit, & nullas emittit pectore voces.  
Non decet hoc fieri; gaudet Venus aurea risu:  
Libera res amor est, & libera mater amoris,  
Laetitia genitrix, hominum diuumque voluptas.

Huc ades o Hymenae Hymen, ades o Hymenace.  
O felix virtute tua, lectissima virgo,  
Educta ingenue, sanctoque adsueta pudori,  
Non tibi mens ullas nunc adserat anxia curas;  
Sed noua coniugii pertentent gaudia peccus.

Huc ades o Hymenaee Hymen, ades o Hymenaee.

Y y

Num.

Num virgo te cura subit, pietasqae tuorum,  
 Quos rate consensa liquisti in littore Ibero?  
 Adspice, quam multi te sunt vel sponte secuti,  
 Quamque tuos clara passim virtute sequuntur.  
 Hic domus, hic patria est, ubi nullo tempore abesse  
 Laudibus a magnis poteris; meritisque tuorum.

Huc ades o Hymenae Hymen, ades o Hymenae.  
**A**usonia in magna pars est tibi maxima virgo:  
 In qua laudis habent tantum duo fulmina belli,  
 Consalui, quorum est alter super aethera notus,  
 Laetus in Elysis, qui nunc agit otia campis,  
 Insubres alter iustis moderatur habenis:  
 Quem Sueßana ducem, regum e domitoribus ortum,  
 Observat tellus, armorum fortibus aulis.  
 Aeternae pulcro florentem laudis honore.

Huc ades o Hymenae Hymen, ades o Hymenae.  
 Quae tua sunt tecum sapiens bona percipe virgo:  
 Est tibi perpetuo sociatus foedere lecti  
 Coelestis iuuenis, quo non formosior alter;  
 Quem Charites finxere manu, & Nereides ipsae  
 In conchis inter gemmas aluere marinas,  
 Is te suspiciens, tereti ceruice reposta,  
 Vix capit ipse sua secum sua gaudia mente.

Huc ades o Hymenae Hymen, ades o Hymenae.  
 Quare agite expertae nuptae bona dicite verba,  
 Et casto in thalamo de more locate puellam.  
 Non dea mortali tales concessit amores,  
 Nec deus hoc unquam coniunxit foedere amantes:  
 Qualis in his inerit veniens pax aurea coelo,  
 Laeta ferens dextra ramum felicis oliuae,  
 Et dulces natos; & pignora cara, nepotes.

Huc ades o Hymenae Hymen, ades o Hymenae.  
 Commixtum genus hoc Italum cum sanguine Ibero,  
 Clarum, illustre, potens, omnique ex parte beatum

Ne-

Nequitiae ignauae quod nulla redarguet aetas,  
 Innumeros semper magnos volūentibus annis  
 Armorumque duces pariet, pacisque magistros.  
 Quam multa in siluis orienti germina vere  
 Hac illac circum viridantia parturit arbos,  
 Quam multi in pratis, aura spirante Fauoni,  
 Nascuntur flores, aruisque feracibus herbae.

Huc ades o Hymenae Hymen, ades o Hymenae.  
 Audistis? Laeuum intonuit; laeta omnia, fausta  
 Omnia, felicis sunt omnis omnia plena.  
 Insubrum nunc ite nurus, accendite tedas  
 O pueri, simul ite viam, tuque optima virgo  
 Tolle pedem aureolum, coniux mox ipse sequetur  
 Os, humerosque deo similis, tua maxima cura.  
 Iam quos heroas nobis dabis optima virgo?  
 Accipe de magnis felix heroibus omen,  
 Quos foecunda nurus geminos feliciter edet:  
 Quod sanctum, firmumque tibi dux maxime Thoma  
 Fortunate senex, dat carminis auctor Apollo.  
 Cernis, ut exemplo spes sit tibi facta nepotum?  
 Iam faciet virgo, ut terrarum intelligat orbis,  
 Ecqua progenies, ecqua diuina propago  
 Venit ab Hesperidum semper felicibus oris.  
 Huc ades o Hymenae Hymen, ades o Hymenae.

## AD IOANNEM TONSVM.

**L**audator vatis Venusini, candide Tonse,  
 Ne tibi me credas imponere, carmina mitto  
 Ad sensus effecta tui, moremque poetae,  
 Inuito genioque meo, inuitaque Minerua.  
 Quanti te faciam nosti? pro tempore abesse  
 A' mo si possum, tibi quo magis obsequar vni,  
 Ille vbi iam numeris mulsisset dulciter orbem,  
 Argolica fretus cithara, fidibusque Latinis,  
 Hellade ab usque Remi & Musas duxisset in urbem,

Yy

Li-

Libertate frui statuit , placidaque quiete,  
 Et delectari studiis ignobilis oti.  
 Hinc dulces scriptis cum compellaret amicos ,  
 Protulit effoetos , velutique ex tempore versus :  
 Quos sale Romano, atque Italo conspersit aceto :  
 Quorum sunt tamen hiberna niue candidiora  
 Verba , quasi e liquido & puro manantia fonte.  
 Sed fortasse nimis numerorum lege soluta .  
 Felix ille quidem , natus melioribus annis ,  
 Quem licuit metiri quenque suo modulo rem ,  
 Atque adsperrnari fastus popularis honores.  
 Ambubaiarum collegia , pharmacopolaे ,  
 Nunc ego si inciperem , ferres ? dic candide Tonse .  
 Numquam , quod sentis , dices , nisi dixeris istuc ,  
 Et si non dices , dicet Scaphenatius ipse  
 Ingenuus , centum mihi qui est pro millibus unus .  
 Est hoc principium Satyrae . fac esse . semel-ne  
 Labitur in numeros iitos ridente Camoena ?  
 Includi non vult donatus iam rude ludo .  
 Ergo impetrata venia liceat mihi ; quidquid  
 Venerit in buccam , atque animum , proferre . laboris  
 Impatiens quisque est , ubi iam tardante senecta  
 Sanguis hebet . segnes non iam adspiramus ad illa ,  
 Quorum spe erecti , quae non ituenesque virique  
 Fecimus , ingenti perculsi laudis amore ?  
 Est aliquo ambitio vitium pro tempore honestum ,  
 Turpe feni emerito , qui si velit , ipsa recusat ,  
 Et prohibet natura , queat ne tendere contra .  
 Orator placuit florens Hortensius annis ,  
 Non ita iam grandis natu quin Roscius aeu*i*  
 Maturus iam ; ex arte modos , cum tibia cantus  
 Aequaret pariter , fertur fecisse remissos .  
 Cum semel Aesopus voluisset tollere vocem  
 Altius , est raucus toto ridente theatro

Fac-

Factus, cumque iterum acclamaret, vox magis ipsum  
 Defecit. Vulgo tum personuere cachinni,  
 Plangor, & inuisus populari sibilus aurae.  
 Nil supra vires tentandum, sat fuit olim  
 Versatum in magna cum laude fuisse palaestra.  
 Quod si forte senex duro contendere caestu  
 Jam velit, effoetae cum sunt in corpore vires:  
 Infliget plagam numquam: & si, cum iectibus auras  
 Nequidquam feriet, procumbat, deinde resurgat,  
 Decidat & rursus: risum teneatis amici?  
 Sic ubi iam vitae grauior processerit aetas,  
 Spiritus & tenuis, sanguis meliorque recessit:  
 Si quid adhuc parimus, non id dea suscipit Hebe,  
 Gratia nec cingit natum florente corona,  
 Quod senis effoeto recidiui e semine fluxit:  
 Quem sapiens mater prope iam natura reliquit:  
 Qualis ubi ardoris iuuenis compressa cupido,  
 Nocte audum longa simulac satiauit amorem,  
 Si quid habet, beta est: absunt Charitesque Venusque,  
 Et quasi flos carptus iam pridem elanguit vngui.  
 Miratur iuuenis, miratur & ipsa puella  
 Torpem ignauium, cui tanta ferocia inesse  
 Ante videbatur quod si se attollere tentat,  
 Deficit & prona rursus ceruice recumbit.

### DIS. MANIBVS SICINII PERVLI.

VT grauis attonitas pepulit mihi nuntius aures  
 O lux, decusque nobilis Bononiae,  
 Heroa amissum, nulli virtute secundum  
 Domi forisque in otio, in negotio,  
 Quam praesaga mali mens est mea visa timere,  
 A te sinistra ne quid adferret tibi.  
 Cum te cara parens, cum te lectissima coniux  
 Vocaret usque, virginesque pallidae,

Yy 3

Quas

**ADM<sup>ST</sup> ANT<sup>ST</sup> MAFFAEVM, DE VRSVLAE  
CATELLO MORTVO.**

CAtellus ille tam venustus Vrsulae  
Labella vix momorderat,  
Cum visus est repente ad illam moestulus  
Tardis redire gressibus,  
Ceruice deflexa ad pedes & auribus  
Pressis quasi se nosceret  
Caussam dedisse inexpialis mali; &  
Casum doleret Vrsulae,  
A qua tot oscula improbus decerpserat  
Sua iora nectare.  
Ecceius ore tot cibos exceperat  
Dulci sapore praeditos  
Vincente Hymettium liquorem, & Indicum,  
Et si quis est his gratior.  
Sed cum fuisset Vrsulae propinquior,  
Tamquam sibi ignosci petens  
(Dignorat illam nanque ab omnibus, velut  
Suam parentem filia)  
Non ausus est statim in sinum perrepere,  
Ut semper adsueuerat:  
Nec extulit venustum caput, sed ad  
Pedes misellus corruit.  
Vbi est diu moratus albula Vrsulae  
Sperans leuari dextera:  
Ad eum videret opprimi grauissimo  
Illam dolore ob mollia  
Demorsa labra, nec iacentem attollere;  
Verum minari verbera:  
Surrexit, & erectis auribus, bipes  
Adstitit, vtrinque dimouens  
Caudam iubatam, & altero pedum genu  
Lacuum petivit Vrsulae,

Lam.

Lambens eburneas manus , & blandiens  
 Leni latratu , quo suae  
 Herae leuaret voculas moestas , & vt  
 Ei dolorem auelleret ,  
 Nisus fuit tum saltibus concendere  
 In mollicella femina .  
 Manu sed illa reppulit iam saepius  
 Frustra studentem inscendere :  
 Qui aegre ferens sic negligi se ab Vrsula ,  
 Cuius leuamen vnicum  
 Prius solebat esse , cui molestias  
 Solus graues depelleret .  
 Dum se huc , & illuc erigit , dum dexteram  
 Nunc porrigit , nunc alteram ,  
 Concessit illico gemens in angulum  
 Cubili herili proximum .  
 Ac stratus illic iacuit , altis personans  
 Coenaculum conquestibus .  
 Quousque serui sternerent triclinium ,  
 Dapesque ferrent splendidas :  
 Qui non videtur amplius cognoscere  
 Vllum , sed omnes negligit ,  
 Cibosque spernit , quos in os immittere  
 Student : & illic condolens  
 Casum tremendum , & horridas herae minas ,  
 Moratus est ad vesperum .  
 Tunc vna seruularum ad Vrsulam tulit  
 Inuitum , & ille desilit  
 Gremio solitus , & reddit celerrime  
 Quo iam semel confugerat ,  
 Multum verens praesentiam suae Vrsulae ,  
 Cuius labella presserat .  
 Mox conquieuit inuolutus linteis  
 Dum ardente Phoebus lampade



ଶୁଣୁ  
ଶୁଣୁ ଶୁଣୁ ଶୁଣୁ ଶୁଣୁ ଶୁଣୁ ଶୁଣୁ ଶୁଣୁ ଶୁଣୁ ଶୁଣୁ ଶୁଣୁ ଶୁଣୁ

# AONII PALEARII VERVLANI

IN INVPTIIS NICOLAI MARINI ET.  
ALOISIAE MENDOZAE.

**V**ESPER ab Hesperiis nitidum caput extulit  
vndis,

**Et totum accedit diffuso lumine coelum:**

O decus insubrum nuptae consurgite contra,  
Deducenda suo tandem est noua nupta cubili,  
Nox ruit, & Veneris iucundae praeterit hora.

Huc ades o Hymenae Hymen, ades o Hymenae.  
Et meminisse decet nuptiae, & meminisse potestis,  
Exspectata dies fausto cum sidere venit,  
Cum iuueni caro vos despondere parentes,  
Spes vestras si forte aliquid pro tempore lusit,  
Ut primum optati vobis data copia lecti est,  
Quales amplexus, & gaudia quanta fuerunt.

Huc ades o Hymenae Hymen, ades o Hymenae.  
Adspicite, ut sedeat demisso lumine virgo,  
Ingenuo suffusa genas vtrasque rubore.  
Certe oculos non tollit humo, roseumque labellum  
Comprimit, & nullas emittit pectore voces.  
Non decet hoc fieri; gaudet Venus aurea risu:  
Libera res amor est, & libera mater amoris,  
Laetitia genitrix, hominum diuumque voluptas.

Huc ades o Hymenaeo Hymen, ades o Hymenaeo.  
O felix virtute tua, lectissima virgo,  
Educta ingenuo, sanctoque adsueta pudori,  
Non tibi mens ullas nunc adserat anxia curas;  
Sed noua coniugii pertentent gaudia pectus.

Huc ades o Hymenaeē Hymen, ades o Hymenaeē.

Y y

Num.

Num virgo te cura subit, pietasque tuorum,  
 Quos rate consensa liquisti in littore Ibero?  
 Adspice, quam multi te sunt vel sponte secuti,  
 Quamque tuos clara passim virtute sequuntur.  
 Hic domus, hic patria est, vbi nullo tempore abesse  
 Laudibus a magnis poteris; meritisque tuorum.

Huc ades o Hymenaee Hymen, ades o Hymenaee.  
 Ausonia in magna pars est tibi maxima virgo:  
 In qua laudis habent tantum duo fulmina belli,  
 Consalui, quorum est alter super aethera notus,  
 Laetus in Elysii, qui nunc agit otia campis,  
 Insubres alter iustis moderatur habenis:  
 Quem Suessana ducem, regum e domitoribus ortum,  
 Observat tellus, armorum fortibus ausis.  
 Aeternae pulcro florentem laudis honore.

Huc ades o Hymenaee Hymen, ades o Hymenaee.  
 Quae tua sunt tecum sapiens bona percipe virgo:  
 Est tibi perpetuo sociatus foedere lecti  
 Coelestis iuuenis, quo non formosior alter;  
 Quem Charites finxere manu, & Nereides ipsae  
 In conchis inter gemmas aluere marinas,  
 Is te suspiciens, tereti ceruice reposta,  
 Vix capit ipse sua secum sua gaudia mente.

Huc ades o Hymenaee Hymen, ades o Hymenaee.  
 Quare agite expertae nuptae bona dicite verba,  
 Et casto in thalamo de more locate puellam.  
 Non dea mortali tales concessit amores,  
 Nec deus hoc unquam coniunxit foedere amantes:  
 Qualis in his inerit veniens pax aurea coelo,  
 Laeta feras dextra ramum felicis oliuae,  
 Et dulces natos; & pignora cara, nepotes.

Huc ades o Hymenaee Hymen, ades o Hymenaee.  
 Commixtum genus hoc Italum cum sanguine Ibero,  
 Clarum, illustre, potens, omnique ex parte beatum  
 Ne-

Nequitiae ignauae quod nulla redarguet aetas,  
 Innumeros semper magnos voltentibus annis  
 Armorumque duces pariet, pacisque magistros.  
 Quam multa in siluis orienti germina vere  
 Hac illac circum viridantia parturit arbos,  
 Quam multi in pratis, aura spirante Fauoni,  
 Nascentur flores, aruisque feracibus herbae.

Huc ades o Hymenae Hymen, ades o Hymenae.  
 Audistis? Laeuum intonuit; laeta omnia, fausta  
 Omnia, felicis sunt omnis omnia plena.  
 Insubrum nunc site nurus, accendite tedas  
 O pueri, simul ite viam, tuque optima virgo  
 Tolle pedem aureolum, coniux mox ipse sequetur  
 Os, humerosque deo similis, tua maxima cura.  
 Iam quos heroas nobis dabis optima virgo?  
 Accipe de magnis felix heroibus omen,  
 Quos foecunda nurus geminos feliciter edet:  
 Quod sanctum, firmumque tibi dux maxime Thoma  
 Fortunate senex, dat carminis auctor Apollo.  
 Cernis, ut exemplo spes sit tibi facta nepotum?  
 Iam faciet virgo, ut terrarum intelligat orbis,  
 Ecquaes progenies, ecquaes diuina propago  
 Venit ab Hesperidum semper felicibus oris.  
 Huc ades o Hymenae Hymen, ades o Hymenae.

## AD IOANNEM TONSVM.

**L**audator vatis Venusini, candide Tonse,  
 Ne tibi me credas imponere, carmina mitto  
 Ad sensus efficta tui, moremque poetae,  
 Inuito genioque meo, inuitaque Minerua.  
 Quanti te faciam nosti? pro tempore abesse  
 A'mo si possum, tibi quo magis obsequar vni,  
 Ille ubi iam numeris multisisset dulciter orbem,  
 Argolica fretus cithara, fidibusque Latinis,  
 Hellade ab usque Remi & Musas duxisset in urbem,

Yy

Li-

Libertate frui statuit , placidaque quiete,  
 Et delectari studiis ignobilis oti.  
 Hinc dulces scriptis cum compellaret amicos ,  
 Protulit effoetos , velutique ex tempore versus :  
 Quos sale Romano, atque Italo conspersit aceto :  
 Quorum sunt tamen hiberna niue candidiora  
 Verba , quasi e liquido & puro manantia fonte.  
 Sed fortasse nimis numerorum lege soluta.  
 Felix ille quidem , natus melioribus annis ,  
 Quem licuit metiri quenque suo modulo rem ,  
 Atque adsperrnari fastus popularis honores.  
 Ambubaciarum collegia , pharmacopolea ,  
 Nunc ego si inciperem , ferres ? dic candide Tonse .  
 Numquam , quod sentis , dices , nisi dixeris istuc ,  
 Et si non dices , dicet Scaphenatius ipse  
 Ingenuus , centum mihi qui est pro millibus unus .  
 Est hoc principium Satyrae. fac esse. semel-ne  
 Labitur in numeros illos ridente Camoena ?  
 Includi non vult donatus iam rude ludo .  
 Ergo impetrata venia liceat mihi ; quidquid  
 Venerit in buccam , atque animum , proferre. laboris  
 Impatiens quisque est , vbi iam tardante senecta  
 Sanguis hebet. segnes non iam adspiramus ad illa ,  
 Quorum spe erecti , quae non iuuenesque virique  
 Fecimus , ingenti perculsi laudis amore ?  
 Est aliquo ambitio vitium pro tempore honestum ,  
 Turpe feni emerito , qui si velit , ipsa recusat ,  
 Et prohibet natura , queat ne tendere contra .  
 Orator placuit florens Hortensius annis ,  
 Non ita iam grandis natu quin Roscius aeui  
 Maturus iam ; ex arte modos , cum tibia cantus  
 Aequaret pariter , fertur fecisse remissos .  
 Cum semel Aesopus voluisse tollere vocem  
 Altius , estraucus toto ridente theatro

Fac-

Factus, cumque iterum acclamaret, vox magis ipsum  
 Defecit. Vulgo tum personuere cachinni,  
 Plangor, & inuisus populari sibilus aurae.  
 Nil supra vires tentandum, sat fuit olim  
 Versatum in magna cum laude fuisse palaestra.  
 Quod si forte senex duro contendere caestu  
 Jam velit, effoetae cum sunt in corpore vires:  
 Infliget plagam numquam: & si, cum ictibus auras  
 Nequidquam feriet, procumbat, deinde resurgat,  
 Decidat & rursus: risum teneatis amici?  
 Sic ubi iam vitae grauior processerit aetas,  
 Spiritus & tenuis, sanguis meliorque recessit:  
 Si quid adhuc parimus, non id dea suscipit Hebe,  
 Gratia nec cingit natum florente corona,  
 Quod senis effoeto recidiui e semine fluxit:  
 Quem sapiens mater prope iam natura reliquit.  
 Qualis ubi ardantis iuuenis compressa cupido,  
 Nocte audum longa simulac satiauit amorem,  
 Si quid habet, beta est: absunt Charitesque Venusque,  
 Et quasi flos carptus iam pridem elanguit vngui.  
 Miratur iuuenis, miratur & ipsa puella  
 Torpentem ignauium, cui tanta ferocia inesse  
 Ante videbatur quod si se attollere tentat,  
 Deficit & prona rursus ceruice recumbit.

### DIS. MANIBVS SICINII PERVLI.

VT grauis attonitas pepulit mihi nuntius aures  
 Olux, decusque nobilis Bononiae,  
 Heroa amissum, nulli virtute secundum  
 Domi forisque in otio, in negotio,  
 Quam praesaga mali mens est mea visa timere,  
 A te sinistra ne quid adferret tibi.  
 Cum te cara parens, cum te lectissima coniux  
 Vocaret usque, virginesque pallidae,

Xy 3

Quas

Quas amor in vita tuus, & spes dulcis alebat,  
 Desiderarent & vocarent saepius,  
 Cumque chorus Phoebi, & quondam tua cura poetae  
 Accingerentur ad canendum tristius.  
 Augurium infelix. verus mihi nuntius ergo  
 Hic optime heros est tuo de funere?  
 Cuius ego egregias laudes, & raptam trophyae  
 Ab hoste, barbarisque nationibus  
 Ipse meis prodam numeris, modo vita supersit:  
 Et annuant montes colentes Aonas:  
 Quae me ex Insubribus referant ad amoena vireta,  
 Collesque dulcis, diuitisque Etruriae:  
 Hic ubi plus oti semper, facilisque Camoenae  
 Non te vetabunt versibus scribi suis:  
 Ne qua tibi noceant incanis saecula mentis,  
 Edaxque tempus, & vetustas squalida:  
 Neue tibi faciat sublimis aranea telam  
 Sicini amice, consecrato in nomine.  
 Nusquam non Pepulum resonabunt oppida, & arua,  
 Nymphisque amatae ripae, amata littora.  
 Non rosa, non violae, non lilia, non amaranthi  
 Deerunt sepulcro marmoratis laudibus.  
 Tantum dicta tua & tantum tua facta merentur,  
 Alumne Martis, atque alumne Apollinis.

### AD COSMVM MEDICEM FLORENTIAE ET SENARVM DVCEM.

O Quem Mars pater, & Minerua Pallas  
 Ad ripam placide fluentis Arni  
 Regem fortibus edidere Etruscis,  
 Ecquando mihi fata largientur,  
 Ut artes patrias, tuasque laudes,  
 Quae Phoebo auspice prodeunt in orbem,  
 Mandem versibus aurei libelli?  
 O quae tum mihi grandiore plectro,  
 O quae tum mihi bella sunt canenda.      Nunc,

Nunc, dum nos placida in quiete dia  
 Iubes otia ducere, omniumque  
 Florere studia usque litterarum,  
 Quas Graecj coluere, quas Latini;  
 Hanc, mi rex, tibi floribus coronam  
 Intexi sine, patriasque lauros  
 Inter littoream virere myrtum:  
 Ut qui post aliis erunt in annis,  
 Norint, quam bene saeculum beasti  
 Princeps vnicē liberalitatis.

**DE ANNVLO CVM GEMMA OCVLATA,**  
**QVEM ISABELLA COLVMNIA DONAVIT ALOI-**  
**SIO GONZAGAE SPONSO.**

**L**Vmiā dum in pulcrā defixa teneret Elisam  
 Gonzaga proles regia Aloisius:  
 Flagrantem vultu diuino his ore puellam:  
 Purpureo iuuenem commonuisse ferunt:  
 Quod spectas audiūs, miraberis haud satis vñquam,  
 Ipse meis nisi me luminib⁹ videas.  
 Mox iuueni ardenti geminos donauit ocellos,  
 Alter amoris erat: alter erat Veneris.

**AD MICHAELEM TRAMEZINVM.**

**S**Criptores vnuſ cum ridet Gellius omnes,  
 Iactat ſe a Gracchi ducere ghiente ghenus.  
 Sed tamen & mores, & vox ea velle videntur  
 Dicere, vt impuro eſt natus adulterio:  
 Utque pater pretio germanae factus haruspex  
 Scortorum Romae floruit hospitio.  
 Hunc mi Tramezine roga (tua tecta frequentat;  
 Atque inter doctos affidet iſte viros)  
 Dum, repetit ghenus, absentem dum rodit amicum,  
 Id num Romane eſt dicere, vel facere?

**ADMANT· MAFFAEVM, DE VRSVLAE  
CATELLO MORTVO·**

CAtellus ille tam venustus Vrsulae  
 Labella vix momorderat,  
 Cum visus est repente ad illam moestulus  
 Tardis redire gressibus,  
 Ceruice deflexa ad pedes & auribus  
 Pressis quasi se nosceret  
 Caussam dedisse inexpialis mali; &  
 Casum doleret Vrsulae,  
 A qua tot oscula improbus decerpserat  
 Sua uora nectare.  
 E cuius ore tot cibos exceperat  
 Dulci sapore praeditos  
 Vincente Hymettium liquorem, & Indicum,  
 Et si quis est his gratior.  
 Sed cum fuisset Vrsulae propinquior,  
 Tamquam sibi ignosci petens  
 (Dignorat illam nanque ab omnibus, velut  
 Suam parentem filia)  
 Non ausus est statim in sinum perrepere,  
 Ut semper adsueuerat:  
 Nec extulit venustulum caput, sed ad  
 Pedes misellus corruit.  
 Vbi est diu moratus albula Vrsulae  
 Sperans leuari dextera:  
 Ad eum videret opprimenti grauissimo  
 Illam dolore ob mollia  
 Demorsa labra, nec iacentem attolleret  
 Verum minari verbera:  
 Surrexit, & erectis auribus, bipes  
 Adstitit, vtrinque dimouens  
 Caudam iubatam, & altero pedum genu  
 Lacuum petiuic Vrsulae,

Lam.

Lambens eburneas manus , & blandiens  
 Leni latratu , quo suae  
 Herae leuaret voculas moestas , & vt  
 Ei dolorem auelleret ,  
 Nisus fuit tum saltibus descendere  
 In mollicella femina .  
 Manu sed illa reppulit iam saepius  
 Frustra studentem inscendere :  
 Qui aegre ferens sic negligi se ab Vrsula ,  
 Cuius leuamen vnicum  
 Prius solebat esse , cui molestias  
 Solus graues depelleret .  
 Dum se huc , & illuc erigit , dum dexteram  
 Nunc porrigit , nunc alteram ,  
 Concessit illico gemens in angulum  
 Cubili herili proximum .  
 Ac stratus illic iacuit , altis personans  
 Coenaculum conquestibus .  
 Quousque serui sternarent triclinium ,  
 Dapesque ferrent splendidas :  
 Qui non videtur amplius cognoscere  
 Vllum , sed omnes negligit ,  
 Cibosque spernit ; quos in os immittere  
 Student : & illic condolens  
 Casum tremendum , & horridas herae minas ,  
 Moratus est ad vesperum .  
 Tunc vna seruularum ad Vrsulam tulit  
 Inuitum , & ille desilit  
 Gremio solutus , & reddit celerrime  
 Quo iam semel configerat ,  
 Multum verens praesentiam suae Vrsulae ,  
 Cuius labella presserat .  
 Mox conquieuit inuolutus linteis  
 Dum ardente Phoebus lampade

Yy 5

Luz.

Lustraret orbem quinques, & quin quies

Caput sub vndis mergeret.

Nec sumsit interim cibum, nec faucibus

Vllum liquorem sorbuit.

Nam etsi benigne ancillulae illum saepius

Omnes iacentem inuiserint,

Cibosque conditissimos iniecerint

In os diebus singulis:

Tamen subinde respuit, nec lambere

Aquam vel aliud visus est:

Quod non videret Ursulam, quae pasceret

Illum prius confueuerat.

Quare misellum pene vox defecerat,

Et effluebat spiritus.

Ab ore: quando nuntiatum est Ursulac

Vita catellum excedere.

Accurrit ex sanguis, ac in limine

Graui tremore concidit

Oppressa; quam repente seruulae duae

Propinquiores subleuant

Et brachiis vtrinque sustinent, ab hoc

Dum se dolore recreat:

Nec inde multo post perita seruula

Adspexit illam citria

Aqua, suauiterque oleni perficit

Vnguento: at illa colligit

Vires, & ad mentem reuersa pristinam

Recta ad Catellum profilit,

Qui non adhuc sic sensibus defecerat

Quin Ursulam dignosceret,

Quam raptuim amrabat: nititur tum adsurgere

Vt in sinum eius inuoleat.

At debilis tam languida, & tam lassula

Nequit mouere cruscula.

Tunc

Tunc est profectus recta ad Vrsulam, sua  
 Quae in sede vix confederat,  
 Existimans illam recentis vulneris  
     Oblitam, & ut depromeret  
 Ex eius ore delicatos cibos  
     Quos illa semper mandere  
 Libans solebat in catelli gratiam,  
     Dum in prandiis accumbebat,  
 Et indere in fauces suis mollissimis  
     Labris: quem ut ad se progredi,  
 Sedemque saltu scandere, ac velociter  
     Mensae insilire conspicit,  
 Irata dextera misellum corripit,  
     Et gannientem deiicit  
 Procul. Sed ille dum videt coram omnibus  
     Ab Vrsula sic despici  
 Formam elegantem corporis tam parvuli,  
     Tam viuidi, tam belluli;  
 Recedit illine, conquerens asperoram  
     Iniuriam suae Vrsulae,  
 Ancillulasque petit, & aduolat celer  
     In viliora stromata.  
 Timens herilem in lectulum non amplius  
     Errorem ob istum admittier,  
 In lectulum tam diuitem, tam splendidum,  
     Tot floribus lectissimus  
 Sparsum, tot optimis olentem odoribus  
     Qualis Hydaspes, vel Saba  
 Non edit, & tam bellule, tam molliter  
     Substratum, ut ipsa Cypria  
 Eiusque filius, qui in illum deuolat,  
     Et hinc, & inde subsilit,  
 Miratus adparatum, & elegantiam  
     Raramque pulcritudinem;

Tali potiri saepius desiderent,  
 In quo quiescunt Vrsulae  
 Tenella membra, illius inclytae Vrsulae,  
 Quam si videret Iupiter,  
 Iunone spreta, & omnibus mortalibus  
 Velox ad hanc adscenderet  
 Non imber aureus, nec ignis lucidus,  
 Valens nec arcu Cynthia,  
 Non squammeus serpens, nec albicans otor,  
 Nec candidus Taurus, neque  
 Satyrus celer, nec pastor armentarius,  
 Nec fulvus ales, sed deus.  
 Illum vicissim omnes fouere seruulae  
 Nituntur, atque pascere:  
 Sed denotat spectans ocellis Vrsulam  
 Quanti antea illam fecerit:  
 Quem sera cubantem blandulo circumPLICAT  
 Amplexu, oborta e lumen  
 Lacrimula, & illum donat uno & altero  
 Suauiole, & in reconditam  
 Secedit aulam cum duabus seruulis,  
 Secum catellum deferens:  
 Et in miselli guttū ingenerit cibos  
 Lautis deorum ferulis  
 Suauiores, & calore confouet  
 Ut ipsum ab orco retrahat.  
 Conatur ille sumere, haud tam iudicans  
 Se posse conualescere,  
 Quam ne putetur spernere elegātia  
 Herae suae munuscula.  
 Sed lingua iam palato adhaeret, mandere  
 Nec dentibus quidquam valet.  
 Tunc intuetur Vrsulam, quasi rogans,  
 Ignoscere ut sibi velit

Si quod scelus conceperit, tenellula  
     Labella dum eius stringeret.  
 Statimque vitam deserens, se ad Tartara  
     Tenebriscosa proripit.  
 Eheu catellus occidit pulcellus, heu  
     Catellus ille inquam occidit,  
**Q**ui flosculus fuit catellorum omnium  
     Quotquot fuere, quotque erunt,  
 Quem praeditum tot artibus formauerant  
     Dii Vrsulae in spem gratiae.  
 Nam dulce solatiolum erat, cum viueret,  
     Cuiuslibet molestiae  
 Suauisque delectatio, dum dexterum,  
     Dumque alterum crus verberat  
 Cauda, aut in altum more semicirculi  
     Reflexus, arcumque aemulans  
 Se bellule venustulo dorso eleuat,  
     Spectante cuncta haec Vrsula.  
 Quae dum catellum mortem obire conspicit,  
     Quem plus suo illa corculo  
 Amauit, ac ei fuit iucundior,  
     Quam Lesbiae passerculus,  
 Et quam Cupidinis parenti, & Iasidi  
     Celestrinae mala aurea.  
 Effundit ab suis ocellis lacrimas  
     More effluentis riuali;  
 Flauosque scindit vnguibus crines, sua  
     Tunditque palmis pectora.  
 Seque impiam vocat, vocatque perfidam,  
     Et frigidis serpentibus  
 Crudeliorem, quod catellum amabilem  
     Per hos dies contemserit.  
 Negatque velle, aut posse posthac viuere  
     Priuata tanto gaudio,

Tan-

Tantoque coeli munere, ac grauissima  
Suo minatur corpori.

Sed blandulis sermonibus tum sedulac  
Solantur illam seruulae.

Quae cum doloris maximi praesentibus  
Notas dedisset omnibus.

(Nam cognito casu catelli, plurimi  
Eum in docum conuenerant)

Lenire visa est alta cordis vulnera.

At numquam ab illo tempore

Ridere, vel gaudere vidimus, nec id  
Vidisse quenquam audiuimus.

Quin si catelli fiat huius mentio,

Non temperare a lacrimis

Potest, & adiurat fore, vt dum spiritus  
Tenellulos artus reget,

Contenta numquam viuat: ac omnes deos

Incusat, illosque arguit

Crudelitatis, quod sibi tot gaudia

Tot deliciola extinxerint.

Quare obsecro te, summe Olympi conditor,

Tecum reliquos coelites,

Qui curam habetis omnium mortalium

Rerum, vt catellum ab inferis

Ne educere ad vitam grauemini, vel vt  
Formosidrem desuper

Mittatis huc, pulcherrimae si villa amplius

Vos cura tangit Ursulae.

## DE TOMVMBEIO, SVLTHANO.

**N**on fuit in toto rex aequo oriente beatus,

Nec magis in toto rex oriente miser.

Quam dolor Aegypti, olim Tomumbeius, auro

Ingenti, atque armis, & ditione potens.

Cap:

Captus ab hoste fero; miserum simul atque beatum  
 Exemplo potis est commonuisse suo.  
**Q**uid ridet temere? quid fles? vis te cohibere?  
 Et natum posthac te meminisse hominem?  
 Mi trabeam induto, gemmis auroque corona  
 Cingebat fulgens, & diadema caput.  
 Mi quondam ornabant pretiosa monilia collum,  
 Nunc fractam vili respice fune gulam.

**AONIVS PALEARIVS S· D·**

**O** Basili, quid ego audio? telis te omnibus vnum.  
 Fortuna expositum tria vulnera tanta tulisse  
 Fortiter, & clypeum numquam amisisse, nec hastam  
 Abiecisse graui perculsum saepe dolore:  
 Morte obita genitor simul, & lectissima coniux,  
 Quique tibi vita iucundior esse solebat  
 Filius his paucis te deseruisse diebus!  
 At non deseruit patiens prudentia fati,  
 At non deseruit diuum patientia Christus,  
 Et consolator diuinæ spiritus auræ:  
 His tu praesidiis vitam ducis sapienter,  
 Nec plus posse putas, quam sit mortalibus ægris  
 Concessum, quando diuinæ obsistere menti  
 Est hominis stolidi, qui hominem se nesciat esse.  
 Cum primum in lucem, in tenebras, & claustra ve-  
 nimus

Carceris horrendi potius, non attinet ad nos  
 Nesci velle, necesse fuit descendere ab alto  
 Praecipitem matris maturo tempore partus:  
 Sic cum iam tempus mortalia soluere vincla,  
 Nulla mora in nobis imus, quoniam ire necesse est  
 Adque diem adque horam, & pumctum discedere vita.  
 Tum frustra longa confecti aetate parentes,  
 Et circum nati, agnati, & per amabilis vxor  
 Orarint, vt pro pietate supersedeamus;

Nos

Non tum sexcentae solido ex adamante cathenae  
 Nos teneant, roburque virum, viresque Leonum :  
 Sed tu forte sacris tecum scriptis agier vis,  
 Quae veri cupidos coelesti nectare pascunt.  
 Vnigena ex adyto missus stellantis Olympi,  
 Deque sinu patris, simul est homo natus, & inter  
 Mortales, artus gessit, moribundaque membra,  
 Fugit ad Aegyptum, & septemplicis ostia Nili,  
 Quod non illa essent maturae tempora mortis.  
 Ad Solymos rediens saepe est vexatus inique  
 Pontificum patrumque dolo populique furentis,  
 Ah quoties illum fundentem oracula voce,  
 Et noua magnarum edentem miracula rerum,  
 Aut saxis petere, aut voluerunt perdere ferro ;  
 Nec potuere tamen, quod non sua venerat hora :  
 Ille idem fatale suae cum tempus adesset  
 Iam necis, & spinae, calami, virgaeque manerent,  
 Erectumque esset iam lignum, vnde illa salutis  
 Alta laboranti crux brachia penderet orbi,  
 Scriptor honoratus, testisque haec verba reponit.  
 Cum sciret venisse horam diuinus Iesus,  
 Migret vt ad patrem magni trans moenia mundi,  
 Venit, ait, pater hora tuum super aethera natum  
 Ut tollas, moriens tandem vt tua natus imago  
 Extollat patris coeli super ardua nomen :  
 Si praescripta fuit nato irreparabilis hora,  
 Non par est horam praescriptam credere seruis !  
 Qui nulla dominum superant ex parte potentem,  
 Sed longe rebus sunt omnibus inferiores :  
 Ille etiam egressus cum diuino comitatu,  
 Horrida cum mors versaretur ob os, oculosque  
 Cantando letum, & crudelia funera adiuit,  
 Pressa pedum vt nobis essent vestigia plantis,  
 Si quando ire viam iubeat deus aspera quae sit,

Ar-

Arduaque, & passim occurrentibus in via monstris,  
 Per quam cum subiit triste, & miserabile fatum  
 Incessit pastor populorum, atque omnia vicit.  
 Vnde viam in coelum nostris est facta per ignes,  
 Per lapidum nimbos, per ahenā vndantia flammis,  
 Perque inuenta omnes hominum superantia casus.  
 Quod si sunt aliis per frigora perque calores  
 Naturae concessi obitus, reditusque quieti  
 Ad superos traxi quid nos suspiria corde  
 Fundimus, & fatum veluti indignamur acerbum.  
 Experti toties mortalia nouimus esse  
 Omnia amaricie adspersa, atque addicta labori,  
 Infirma, incerta, inque heram variantia formam,  
 Et dubitamus adhuc venienti tendere dextram?  
 Et te complecti, mors o placidissima rerum?  
 Hęc nos ira dei primi ob delicta parentis  
 Detrusi miseris, quae nos dementia coepit?  
 Ut longam exilii cupiamus pendere poenam?  
 Qua nos exemit moriens, qui viuere semper  
 Dignus erat, ne in morte malum quisquam esse pu-  
 tasset,  
 A qua perpetuae venissent commoda vitae.  
 Atque utinam vt patria ad coelum virtute tetendit  
 Regna paraturus nobis, sedesque beatas  
 Ille decus superum, si nos sublime feramur,  
 Et quaecunque eius nobis sunt parta labore  
 Inspicere, & sanctas liceat cognoscere curas;  
 Quas nostri gerit, vt patrem compellat amanter,  
 Vtraque perpetuo coelestia brachia tendens,

CETERA DESUNT



zz

QVOD

QVOD BONVM FAVSTVM  
FELIX FORTVNATVMQVE SIT.

QVOD  
SANCTISS. VIRI CHRISTIANI  
FIRMVM ESSE DVXERINT

ID

IN NOSTRIS LIBELLIS  
FIRMVM. SANCTVMQVE ESTO.

QVAE  
A PATRIBVS SCRIPTA DIVINITVS  
SACRA SOLEMNIA PERPETVA  
MANENTO.

## RERVM ET VERBORVM

*in Aonii Palearii orationibus, actione & epistolis.*

## PRAECIPVE MEMORABILIVM

## INDEX.

**A** Busus quidam pon-  
tif. grauiter notati.

290

— abrogandi sunt 429

**A**ccusatorium nonien il-  
liberale ac sordidum a-  
pud omnes gentes &  
nationes semper suisce  
537**a**dversariorum in Aon. Pa-  
learium mendacia 536  
**a**egritudine liberatis, si in  
candem recidant, graui-  
ores accidere offendio-  
nes 579**a**equitas 168  
**a**equum iustumque quid  
esse dicatur 29**A**fricani nomen esse illus-  
trius, quam eorum qui  
consilium dederunt 22**A**griculturae laus 489 sq.**A**ldellus Placidus 75**A**llobrogum ducis fami-  
lia in Italia princeps 217**A**lexis Lucrinas 96**a**mbitus criminis quae tri-  
buantur 12**A**mbros. Spannochius 535**A**micitiae vincula prohi-  
bitione sublata

relaxari 534

amicitiae, veluti flores  
rosido humore, adpel-lando & salutando sus-  
tentantur 613 sq.amicorum consilia in opti-  
mam partem accipienda

445

amicorum proprium 593

Anaxarchi fortitudo 176

Andreas Alciatus 117

Animae sanctorum &amp; an-

geli num mediatores &amp;

intercessores haberi

queant 307

animantium natura 514

animus sapiens 33 sq.

animi continentia ubi e-

cluceat. 132

animi officia 33

animorum ortus atque o-

rigo coelestis 189

Annibal belli effigiem vi-

disse dicitur 220

Antichristi nomen papae

Rom. omnino compe-

tit 264. 269

Antiochus a L. Scipione

superatus 22

Ant. Bellantes Petrini F. 35

Antonius Bellantes secun-

dus 54

Aonius Palearius a Bembo

laudatus 468

Aonius Palearius veteri-

bus iurisc. amicus 591

'librorum helluo factus ib.

Zz 2 Me-

<b>Mediolani orationem ha-</b>	<b>artium inuentarum ratiō</b>
<b>buit</b>	<b>112</b>
<b>Aon. Palearius moaumen-</b>	<b>Atheniensium veteris rei-</b>
<b>tum parentibus atq. so-</b>	<b>publ. aequalitas 118</b>
<b>roribus suis, mutato so-</b>	<b>Attilii reguli in cruciati-</b>
<b>lo, poni curauit</b>	<b>bus praeclariss. vox 127</b>
<b>Aonius Palearius in philo-</b>	<b>aueritia 181</b>
<b>sophiae studiis Romae</b>	<b>aucupari gratiam non esse</b>
<b>vi annos consumxit 447</b>	<b>iurisconsulti 29</b>
<b>Aonii Palearii comment.</b>	<b>audace 174</b>
<b>in orat. Ciceronis 8, in</b>	<b>audaciae malum 63</b>
<b>liberos suos amor 612.</b>	<b>A. Polenta 61</b>
<b>fortunae exiguae 613</b>	<b>A. Tancredus 69</b>
<b>Aonii Palearii erga theo-</b>	<b>auspicia nulla bona esse</b>
<b>logiam mirifica pro-</b>	<b>posse contra patriam 15</b>
<b>pensio 527</b>	<b>Austriorum familia in</b>
<b>Aonii Palearii lacrimae,</b>	<b>Germania &amp; Hispaniis</b>
<b>ob destructam partem</b>	<b>princeps 217</b>
<b>sepulcri matris suae 458</b>	 <b>B.</b>
<b>Aonio pecunia semper</b>	<b>B Alaricum regnum 219</b>
<b>minimi fuit 199</b>	<b>Bartholomaeus Caro-</b>
<b>Appii fortitudo 21</b>	<b>lus 85</b>
<b>Aqua benedicta inuen-</b>	<b>Belgarum prouincia 219</b>
<b>tum pseudoapostolorum</b>	<b>Bellum omnium malo-</b>
<b>273</b>	<b>rum cayssa 212</b>
<b>Aragonum regnum 319</b>	<b>mōnstrum ac portentum</b>
<b>Areolae arx 57</b>	<b>ingens 220</b>
<b>ἀρετῆς μαρτυρία 446</b>	<b>Belli in mutationibus re-</b>
<b>Aristoteles philosopho-</b>	<b>rum vis 210. 211</b>
<b>rum deus 204</b>	<b>Bembi laus 127. 466. 506</b>
<b>Aristotelis laus 115</b>	<b>Benedictus Manfredus</b>
<b>Arithmetice 206</b>	<b>582</b>
<b>arrogantia inscitiae pro-</b>	<b>Benevolentia bonorum &amp;</b>
<b>ximum malum 529</b>	<b>doctorum nihil optabi-</b>
<b>artis differendi vtilitas 120</b>	<b>lius 467</b>
<b>artes bonas in Hetruria</b>	<b>Benevolentiae semina eo</b>
<b>florere 447</b>	<b>vberiores ferre fructus,</b>
<b>artium liberalium cogni-</b>	<b>quo melioribus iacta</b>
<b>tio 200</b>	<b>principia 484</b>
	<b>Ber-</b>

- Bernardinus Bono insig-  
nis 85  
Bernardinus Franciscanus 107  
Bernardinus Ocellus 558  
Betis 219  
Beticum regnum ibid.  
Blanditias iusidiosas esse  
nec carere periculo 443  
Bonifacius 577
- C.
- C**aia Cæcilia 28  
Caiæ mulieres cur o-  
lim adpellatae 29  
Campanus ager 219  
Carolus Quintus Imper.  
203. 204. 208  
Castulonense regnum ve-  
tus & noquam 219  
**C**aesar de rebus a se gestis  
cur commentarios scrip-  
serit 228  
Caesaris laus 441  
**C**alpurnius Piso ex S.  
C legem de ambitu  
cum maximo suo peri-  
culo tulit 67  
**C**assius, cur concordia  
ae signum in curia po-  
suerit 140  
**C**Franciscus Sfondratus  
82.104  
**C**Marius 20  
**C**Piso 14  
Caesar Crassus ob recto-  
rem a se vulneratum,  
secuti percussus 584
- Castitas sermonis elo-  
quentiae consueta 179  
Cato Censorius 148  
Ceremoniae quaenam fe-  
rendae 270 seqq.  
Charybdis 220  
Chrisma a Chriftum ha-  
bitat auctorem 287  
**C**HISTVS 101  
Christianitati quid in pri-  
mis deceat 535. 536  
Christianorum ornatissi-  
mae prouinciae quae  
448  
Ciborum discriminem an-  
statuendum 295 sqq.  
Cincii Phrygepani laus.  
452  
Cihoris consecratio in-  
uentum antichristi 278  
ciuiis boni officium 166  
ciuium arma communia  
quae 165  
ciuitatis status, fortuna in  
quibus posita 39 sqq.  
ciuitati quae maxime ob-  
sist 35. 36  
Clericis concessa a legibus  
ciuilibus immunitas  
rursus adiuncta 388.  
401  
**C**n. Posthumius 42  
Coena domini, in ea nihil  
debet mutari, sed utraq.  
spec adseruanda 373.375  
Comitia sine legibus nul-  
la firma esse 15  
Concilii necessitas 223.  
224.  
con-

- concilium, ad hoc cele- didascalicum genus quale  
 brandum imperiti & . 563  
 impii non sunt idonei .  
                                   335  
 concordiae encomium . 140  
 coniugium sacerdotibus  
     num licitum 303. 305.  
                                   313  
 — ab A. Releario reputa-  
     tum videtur in sacra-  
     mentum . 305. 315  
 conscientiae bonae tran-  
     quillitas . 94  
 consilium non esse capi-  
     endum subito . 442  
 consilia, num praecepta  
     Christi sic appellanda  
                                   315  
 conspiratio imperitorum . 471  
 consularium comitiorum  
     dignitas . 39  
 Cornelius Graphaeus . 577  
 Cordubense regnum . 219  
 Couae grauitas . 54  
 Crassus Labeo . 68  
 cupiditatis dominandi  
     mala . 63. 215  
 cupiditates & libidines  
     magnos reges neque in-  
     terdiu neque noctu si-  
     nunt quiescere . 33  
 Curi continentia . 21  
 Curionis innocentia . 40
- D.
- Deos ipsos cur homines  
     colant . 23  
 a deo sunt omnia . 592
- dierum obseruatio num  
     N.T. conformis . 281  
 difficulta quae pulchra . 30  
 digamma Aeolicum Hel-  
     uetios & Germanos ad-  
     huc sincere pronuncia-  
     re . 573  
 diudicatio omnium diffi-  
     cillima quae . 91. seq.  
 Dinus Sardinus . 582  
 disciplinae & artes libera-  
     les vnde constent . 200  
 disciplina stoicalabefacta-  
     ta . 37  
 discordiam ciuilem Grae-  
     cas respublicas euertisse,  
     item romanorum  
     imperium . 134. seq.  
 D. Aurelius Augustinus . 613  
 diuina anima potius quam  
     verbis complecti . 92  
 domesticae curae & fruga-  
     litatis testimonia . 28  
 dominandi cupiditas ius-  
     titiae inimica . 164  
 dominatus vitiorum cru-  
     delissimus . 33
- E.
- E Butia lex . 65  
 Ecclesiae fundamen-  
     tum doctrinale est scrip-  
     tura sacra . 349  
 — ea non super Petrum  
     & pontif. Rom. aedi-  
     cata . 404  
 — in quantum scripturæ  
     f.

- F
- F** maiestatem stabilit. 340 sq.  
**E**ckius (Ioh.) ab Aonio  
notatus . . . . . 346  
**E**loquentia libertatis co-  
mes atque alumna 111  
**E**loquentia nisi discipli-  
narum societate exor-  
netur, nihil excogitari  
posse ieiunius 497.  
**M**ediolanensis ciuitatis  
quasi alumna 203  
**E**loquentiae encomia 110  
sq. 117. sq.  
**E**loquentiam nusquam  
melius versari, quam in  
libera ciuitate & repub.  
bene constituta 110  
**E**nii Philonardi laus  
453. 457  
**E**paminondae motituri  
praecara vox 127  
**E**piscopi officium 508  
**E**pistolae nihil creden-  
dum, quod resciri noli-  
mus, absente fidelis ta-  
bellario 444  
**E**ruditio quibus molesta  
470  
**E**uander Bellantes 108  
**E**uangelium a pontif. Ro-  
man. sublatum & pro e-  
odem onus importabile  
substitutum. 293  
**E**ugenia 442  
**E**ugubius medicus ib.  
**E**x eandescetes subito, ci-  
tius remittere iram prae-  
ceteris 446
- F
- F**abricii integritas 21  
**F**amae aliquando ser-  
uiendum 442  
**F**austus Bellantes 108  
**F**ranciscus Arnulphinus  
576  
**F**ranciscus Crassus 82  
**F**ranciscus Seuerinus 53  
**F**elicitas quid 194. vnde  
nata 189  
**F**edericus Carteromachus  
53  
**F**erdinandus Imperator  
209. 217  
**F**ortis viri proprium 173  
**F**ortitudo vnde dicta 171  
**F**ortitudinis laus ib.  
**F**ortunae non fidendum  
450  
**F**ortunam veluti pedisse-  
quam sequi sapientiam  
& splendorem virtutis  
165  
**F**urere qui dicantur 34
- G
- G**alliae descriptio 217  
**G**alliae Celticae cala-  
mitates 221  
**G**ermania 487  
**G**ermanos ad certandum  
paratissimos esse 444  
**G**ermani Theologi 92. 93  
**G**raecia magna 219  
**G**raeciam omnem in Tur-  
cae potestate esse. 448
- H
- H**enricus Gallorum rex  
209. 217
- Her-
- Z z 4

Hermagoram philosophiam in oratore requisuisse	24	tura	517
Hetruriae encomium	462	hominum vitiosum & captiosum genus taxatur	486
Hetrusca lingua	571	hostes & insani qui habentur	35
Hetruscorum ingenia	458	hostibus reipub. & vexatoribus ciuium, nullum telum esse infensius oratoria facultate	41
Hieron. Arnulphinus	576	humaniores omnes, dum egent, esse	420
Hieronymus Bandinellus Ghini, filius	107	I.	
Hispaniae descriptio	218	Ianus Lampridius	493
homo cur natus	196. 197	Ianus Polenta	61
hominis mendacis incredibilem esse obliuionem	520	Iberus fluuiorum rex	219
hominem dolo malo alium oppugnare, longissime abesse a Christi religione	89	Ignis purgatorius tanquam Pythag. & Plat. & poet. somnium. sanguinis Christi aduersatur	362
homine pecunioso nihil iniustius	41	Imagines devote cultae a salutem mentibus largiantur	290
homine stulta & improbo in terris nullum monstrum perniciosius	98	Imagines non sunt adoranda	380. 382
homines a brutis sermone distingui	113	Ioannelli quidam A. Paleario diem dixerunt	523
homines hominibus praetare	506	Ioannes Palmerius	53
homines in republica iudicio non moueri	540	Ioannes Vgurgerius	56
homines moueri naturali desiderio percipiendi & cognoscendi	144	Iones Scotes	69
homines nouos in altiorum locum prouectos nullis finibus se contineere	20	Imperitos omnes esse arrogantes	544
homines reuocare ad filias quid	26	India	211
hominum inuidorum na-		Innocentem, oppugnare nihil illiberalius	446
		Innocentiam oppugnari, non conuinci posse	100
		Iniusticiae malum	162
		Industus	ibid.

Intemperantiae malum	Turisprudentiam optimam esse philosophiae moralis partem
180	116
Interpretum dicta ex verbo dei sunt expendenda	Ius
359	25
Irae inter Clementem pontificem & Carolum Caesarem caussa	Ius aequabile quid
444	29
Isocratis sepulchro cur Siren adiuncta	Ius firmum est, quamdiu humanum genus est rationis particeps
120	26
Isocratis suauitas	Iura certis cancellis contineri oportere
121	ib.
Italia	Iustitiae laus
487	161. 164. 169. 219
Iulius Camillus	proprium 162. vis ib.
471	Iustus
Iulius Bargalia	L.
68	Ampridius 447
Iulius Papinileus	Lampridius Dorotheus 612 sq.
66	Latii deploratio 462
Iuramentum, etiam in foro, ab Aonio impo- batur	Laudeni & gloriā esse quasi mercedem bene gestae reipublicae 128
319 sq.	Lex de ambitu quid votet 48
Iurisconsultor. quorundam inanis loquacitas taxatur	Legis salariae conditiones 65
65	Legum encomia 63
Iuriscons. esse quasi diu- mentis interpretes 26	Legumlatorum voluntas 139
Iurisperitum in primis eloquentem esse oportere	Legum ratio 64
30	Lex Fabia 40. Licinia, Cal- purnia ib. & 47. Mem- mia 84. 106. Porcia 67
Iurisperitor. facultatem pulcherrimam esse ibid.	Salaria 65
Iurisperitorum scientia extenuatur	Licinia lex ib.
9	Litterarum studia, cur hu- manitatis nomine Ro- mani vocantur 155
Iurisprudentiae commo- da	Locrensum institutum de
30. 31	Z z 5 no-
Iurisprudentiae contem- tores non modo iudici- orum vincula reuelle- re, sed etiam utilitatis vitaeque communis ib.	
Iurisprudentiae encomi- um	
ib.	

INDEX

nouarum legum latorib.	M· Cato	15. 31
praeclarum	M· Gorgias	68
Lucas Casinouensis muni-	M· Manilius	35
ceps	M· Scaurus	20
Lucas Volaterranus	M· Tullius Cicero elo-	
Lucensis ciuitatis incre-	quentium deus	204
menta	M· Tullii laus	207
Lucensis respublica po-	M· Curii continentia	173
pularis	Marius Banditus	53
Lucensis reipublicae ae-	Martinus Lilius	4. 561
qualitas	Mediolani encomium i-	
Lucensis vrbis encomium	tem & senatus	202. 203
	Mediolanensis ingenio-	
Lucensium ciuum laus	rum praestantia	202
Lucensium erga littera-	Megaric. philosophus	206
rum studia amor	Memmia lex	84. 106
prudentia	Mens	191
temperantia	Mentes solutae,	
L· Brutus	γάνθις οὐευ Φαντάσμα-	
L· Aemilii fortitudo	τ@	610
L· Catilinae infania	Mercatores vbi neque foe-	
L· Philippi innocentia	nore, neque versura	
L· Sylla de rebus a se ges-	soluere possunt, cucul-	
tis cur commentarios	latos fieri	99
scriperit	Mercatura Lucensium am-	
L· Syllae furor	pla	130
Lucilla	Metellus Rom. a Pomp.	
Luculli continentia	missus veluti fulmen ad	
Ludimagistrorum	feriendam semplic.	
Luxuries	dicebatur	41
M·	Mobile primum	499
Machus Blatero	Moderationis laus	138
Mafaci laus	Monachalis status, de eo	
Mamercus Aemilius le-	quid iudiçanduni	369. sq.
gem de censura commu-	Mulieres cur maiores in	
ttauit	tutorum esse potestate	
Marcellus Cörinus	voluerint	28
M· Casalis	Muraenae ambitio	40. 41
	Mu-	

Musica	154	Parthi	487
Mutius	446	Patauii encomium	455 sq.
N.		Paullus, per hunc spirit.	
<b>N</b> Aeuius Amerinus	68	deus locutus	301
Natura quaedam superior hominibus data	190	— eius instituta pontif. reiiciunt	ib.
Naturam communionem- que sanguinis saepe homines fallere	513	<b>P</b> aulius Iouius	127. 471
Neapolis	219	Pax honesta, vtilis & ne- cessaria	214. 221
Nestor Homericus	148	Pacis dulce nomen	213
Nicolaus Alienā	572	— eius encomium	223 sq.
Nicolaus Vidacionius	582 v85	Peregrinatio quibus ne- que obscura, neque for- dida sit	448. 455
Nouus orbis	220	Perusiae philosophi non ignobiles	447
Numerandi scientia	154	Petrinus Bellantes	54
O.		Petrus Bembus	467. 505.
<b>O</b> Ceanum	220		633
Ocellus (Bernard.) testis veritatis	294	Petrus Paullus Vergerius	ib.
Oleumunctionis in V. T. quid significarit	266	Phaedrus Theophilus	612
— circa illud pontif. ido- latr. committunt	289		614.
Opiniones duae, a quibus bonae litterae oppug- nantur	152	Philippus Hisp. rex	203.
			208. 209. 216
Opiniones Ciceronis qua- les	118. 119	Philosophia disciplina rum omniumque arti- um mater	207
Orator optimus quis cen- sendus	114. 115	Philosophiae laus	154. 155
Oratoris finis persuasio	25	Philosophiae moralis . commendatio	30
Oratoris officium	ib.	Philosophiae partes	114
Orestis furor	34. 35	properium	188. 189
Osmae amplitudo	54	Philosophiae studiosos in primis eloquentiam si- bi comparare debere	15
Ottho Melius Cotta	86	Philosophiam adsequi ne- queunt, qui in humili-	
P.			ori-
<b>P</b> Anaetius	36		

- oribus disciplinis conse- nescunt	201	Porcia lex	67
- philosophorum discipli- nae a diis inuentae, & datae hominibus	114	Praecepta quae nobis sint colenda & obseruanda	321
Pontifices Romani eorum atrox imperium	248	Physice	499
- an numquam errare potuerint?	250	Physici	114
- fuerunt pseudoaposto- li & antichristi	264. 308	Preces purae & euangeli- cae esse debent	378
	427	Principes clericis & epif- copis omnino imperare & eos immorrigeros de gradu deiicere possunt.	
- pharisaeorum antitypi	293 sq.		403. 380
- - verbum dei rescide- runt	301. 309	Prudentia	145. eius enco- mia ib. & 146. 147.
- eorum decreta sunt dæ- monum doctrina	332	opera	148
- eorum sententiis iudi- ciisque non est standum	350	Ψυχή	499
- sub falsa spe principi- bus multa priuilegia extorserunt	390	P. Scipio	20
- imperia & dominatus quaesuerunt.	392	Puer quadrimus tostus & voratus	221
- super eos ecclesia non est aedificata	404 sq.	R.	
- Petri successores ob dis- similitudinem vitae & doctrinae non sunt	411	R Eges Aegyptii inuen- tores artium & magistri scientiarum	153
- homines fuerunt sce- lestissimi	425	Repantius	443
- eorum sedes est Baby- ylon. illa ex apoc. 430		res Romana quibus vinca- tur	50
Popularis respublica si consilio optimorum ci- tium administratur, diuturnior	125	responsa prudentum, sci- lacet Alexandri, Cor- nei, Socini, &c. si le- ges adimas, nihil aliud esse, quam declamatio- nes	599
		respublica talis plerun- que, quales ciuitatis principes	37
		republicae commutatio- nem nihil aliud esse,	
		quam	

- quam dissidii principi-  
 um 134  
 reip. gloria quae 118  
 reipublic. manus adferre  
     quid sit 40  
 reipubl. praesidium nut-  
     lum esse paratius & ex-  
     peditius, quam dicen-  
     di facultatem 111  
 respub. esse beatas, in qui-  
     bus principes earum  
     omne suum studium  
     in doctrina & sapientia  
     collocent 156  
 de religione dissidia 222  
 rhetoricae facultatem ex  
     altera parte respondere  
     dialecticae 205  
 Rhodos 136  
 Riccius 513  
 robora reip. Rom. 21  
 Roma 135  
 Roma est Babylon illa  
     magna ex apoc. 430  
 Romae viuendi impuden-  
     tia & libido 595. 596  
 Romani legem de ciuium  
     virgis ex Graecis accep-  
     tam, cur abrogarint 67  
 Romanorum, vrbisque  
     Romae laus & fortuna  
     595. 596  
 Romulus 36  
 Rumor 534  
 S.  
**S**Acramentum non est  
     mutilandum 375  
 Sadoleti laus 102. 478. 505  
 Sanctis non est confiden-  
     dum nec eorum imagi-  
     nes adoranda 290. 380  
     383 seqq.  
**S**anctiones violantem  
     nullo modo consecrari  
     posse, vt sit sacrosanc-  
     tus 15  
 Sapiens quis 32. 33  
 sapientis nomen quibus  
     non conueniat 201  
 sapientis hominis ad rem-  
     publicam sacerdotis of-  
     ficium primarium 209  
 Sapientes solos esse liberos  
     34  
 sapientum encomium 32  
     33  
 Sardinia 219  
 Scipio Amalphitanorum  
     dux fortiss. maximeque  
     illustris 53  
 Scipio Gabrielius 90  
 Scriptoris mens non ver-  
     ba, in theologia confi-  
     deranda 92  
 scripturae sacrae quod dis-  
     simile a prophetis & a-  
     postolis nequit esse  
     profectum 259  
 auctoritas scripturae a  
     spirit. s. testem. inter-  
     no, non Rom. eccl.  
     dependet 341. 242.  
 scripturæ hominum scrip-  
     ta nequam aequi-  
     paranda. 358  
 seditionem in ciuitate a-  
     lentes, ac illustribus  
     viris meritam admien-  
     tes

tes laudem, illiberaliter facere	21	125
senatusconsultum de ambitu	46	
senatum frequentem, & conciones ad populum, concilia quae-dam videri deorum immortalium	23	
senatorum & consiliario-rum officium	37	
senatorii Mediolanensi-um ordinis praestantia	203	
Senae	457	
Senensis urbis descriptio	136. sq.	
Senenses iuvenes	457.	
muleres	458	
Senensium ingenia	458	
Ser. Sulpitius	15. 16	
Seruius Tullus	29	
Sicilia	219	
Socrates	504	
Sophistae	114	
Sophistae & periti diffe-rentia	206	
Sp. Cassius	35	
Sp. Melius	ibid.	
Sp. Posthumius Albus, M.		
Manil. & P. Sulpitius		
Camerinus, Athenas a Romanis raissi, vt So-lonis leges describerent		
Stoica disciplina iuris pa-rens, regina aequitatis, expultrix vitiorum	37	
Stoica disciplina ad totius imperii conserua-tionem aptissima	36.	
ad integritatem vitae, ad grauitatem morum maxime accommodata	36. 37	
Stoicae disciplinae com-modae	37	
Stoicorum dogmata	11	
Studiorum hostis acerri-mus quis	196. 458	
Studiorum similitudine ad iungendas amicitias nihil esse potentius	513	
Sulpitii laus	31	
T.		
T. Agus aurifer	219	
Temperantiae encomi-um	180. 181	
Temperantiae partes	181	
Templorum magnificen-tia nimia Iudaismum redolet	268	
Temporis iacturae recor-datio cur maximum hominibus adferat do-lorem	539	
Theologia	561	
The-		

Theologi mali	450	semper exitiosum	224
Thuscum dicendi genus		Vgurgetia	54
quale	118	Victor Cersinus	62
Ticinensis academiae en-		Victorius	513
comium	202	Vincentius Martellus	4
Tiun	454	Vincentius Menochius	581
Toletanum regnum	219	Vincentius Porticus iuris-	
Traditiones apostolorum		consultus	591
nomine venditatae an-		virgines nubentes cur a-	
iisdem adscribendae	259	pud veteres colus com-	
Tusca lingua, iocis refer-		ta, & fusus cum sta-	
tissima	474	mine comitarentur	29
Turca	211	viros bonos in virtute	
V.		omnia posita esse cen-	
Valesiorum familia in		sere	49
Gallia princeps	217	virtus omnibus rebus	
Varietas semper, in epis-		praeferenda	125
tolis vero maxime de-		virtus vnde proficiscatur	
lectat	470		
Vectigal Galliarum	217,		
seq.		174	
Vectigalia reipublicae Lu-		virtutis vis	208.
censis	126	praemium, laus	542. 543
Venetorum libertas	125	virtuti primus locus, se-	
Verbi dei commoda	508	cundus nobilitati, ter-	
Verborum significationes		tius diuitiis in republ.	
a nullis diligentius fu-		tribuendus	125
isse scriptas quam a iu-		virtutem fallere non pos-	
reconsultis	29	se	513
Vergerius	469	virtute nihil esse formosi-	
Verinus	513	us, nihil turpius vitio	
Veritatis magna vis	52		34
Verrucosus	444	virtutum semina homini-	
Vexillum crucis hostibus		bus ingenita	126
		vita quomoda colenda	112

INDEX.

vicio cur nihil sitturpius	nestum	217
	vultum pacatum & con-	
Vlysses Cöfpius	stantem in homine be-	
Vnctionis oleum in V-	ne affectae mentis, &	
Test. quid significarit	probi animi esse indi-	
	cium	479
van in N. T. quoque	voluptatem homines fa-	
vñspandum	cile vertere in beluas	
voluptas ex conscientia		33
terum bene gestarum	vxoris Agnii Palearii ae-	
percepta, omnium ma-	grotatio	422
xima		
voluptatis libido, liberis	Zeno	III. 36.
ciuitatibus maximâ		
peftis		
vtile nil quod non ho-		

Errata.

p. 64. lin. 1. legē duo pro tuo; ibid. mulio  
pro multis; ibid. lin. 5. V. pro VI. p. 153. lin. 17. int-  
uentis pro inuenidis; p. 159. lin. 11. bonis pro ponis;  
p. 177. lin. 29. timidi pro dimidi; p. 211. lin. 21.  
*Palaestina* pro Palestina; p. 287. lin. 18. ad scribendi  
pro adscribendi; p. 367. lin. 21. quid pro quit; p. 17.  
in 5. differt. del. in; p. 24. lin. 3. petitione pro petione.

